

Vol- 12
no 70

R. 5
3/5

168

Epistolas de P. Luqueiro, Obispo de León de Francia

D. EVCHERII LVG-

DVNENSIS EPISCOPI DOCTISS. LVCVBRA/
tiones aliquot non minus piæ quàm eruditæ, cura ac
beneficio Ioannis Alexandri Brassicani iur/
reconsulti recens editæ, quarum
hæc est summa,

- In Genesim Commentariorum Libri III
- In libros Regum Commentariorum Libri IIII
- Formularum Spiritualium Liber I accurate recognitus,
adiectis ijs omnibus quæ in superiore æditione, quàmplu/
rima desyderabantur.
- Quæstiones in Vetus & Nouum Testamentum.
- Nominum Hebraicorum ac aliorum etiam quæ in sacris li/
teris habentur, Interpretatio.
- Epistola Parænetica ad Valerianum cognatum suum De
contemptu mûdi, Cum Scholijs D. Erasmi Roterodami.



BASILEAE, IN OFFICINA FROBENIANA, ANNO
M. D. XXXI. MENSE SEPTEMBRI

Cum priuilegio Cæsareo ad sexennium.

A
75



IANI A' SVOLLA

EQVITIS AC IVRECONSULTI

in ampliss. Brassicani sui Biblio-
thecam, Epigramma.

*Quæ noua non solito se Bibliotheca decore
Iacet, inauditis nobilitata bonis,
Ipsa uetus Pharij, assurgit iam fama palatij
Rhomanisq; olim templa sacrata libris.
Electra, & cedunt pretia inuidiosa smaragdi,
Diuitijs minor est Persica gaza tuis.
Nomina magnorum hæc quæ nam rediuiua uirorum,
Salute optati turba beata patres.
Felix o tali ter, dulcis amice, paratu,
Et felix domino Bibliotheca suo.*

AMPLISS. PATRI AC

OPTIMO PRINCIPI DOMINO CHRISTOPHORO

à Stadion Episcopo Augustensi probe merito, Dño

ac patrono suo unico, Ioannes Alexander

Brassicanus artium liberalium &

legum ciuiliū doctor

S D P.



EQVISSIMUM MIHI VISUM EST ampliss. pater, ac idem obseruandis. patrone, ut cuius præsidio dicatus Episcoporū ille magister Saluianus in lucem exisset, sub eiusdē etiam nominis auspicio prodiret in publicum Eucherius ille Lugdunensis Episcopus eruditissimus, Qui cum Saluiano (fuerunt enim synchroni) & summa familiaritas, & ex similium studiorum sacris, arētissima amicitia intercessit. Quin & hæc tibi

Saluianus &
Eucherius
synchroni

dicandi nobilissimi huius operis altera ratio fuit: quod cum ipse sis inter huius ætatis episcopos præcipuus, quem & ob ueræ pietatis, ac omnis melioris eruditionis incredibile ornamentum, cum antiquis conferre possimus, optimo etiam, immo tuo iure meruisti, ut tibi hoc est non minus erudito, quam recti exempli episcopo nuncuparetur item episcopus, de quo dubites, an maiore sanctimonia, uel insigniore eruditione sit præstabilis: sic enim Homero placuisse uideo, cum inquit,

Christophorus
episcopus
Augustensis

ὥς αὖτ' ἢ ὁμοῖον ἄγ' θεὸς ὥς ἢ ὁμοῖον.

Similem deus
ducit ad simili-

Qua ratione rectissime tibi consecranda sunt omnia scripta, palatinus quæcunq; recepit Apollo. Scripsit autem Eucherius in Genesim Commentariorum libros III, quos pro meo in te studio tibi nominatim inscribere uolui. Sed & in libros Regum, Commentariorum libros II, quos alteri meo mœcenati, Domino Iano à Suolla uiro non minus imaginibus, quam uirtute, ac omnium bonarum literarum cognitione præstanti, tuacq; amicitia dignissimo dicauius. Adieciuius eiusdem autoris formulas spirituales, in quibus emendandis instaurandisq; quomodo me gesserim, suo loco commodius & prolixius explicabo: hoc certe in confesso est, sic in sacris literis interpretandis uersatum esse Eucherium, ut qui de illo dixerit quod antiquitas amice magis quam uere de Homero & Apolline ferebat,

D. Ianus à
Suolla.
Formule spiri-
ritales Euche-
rij locupletis-
sime restitue

Ὀλίγιον ἢ χαράσσει θεὸς τὰ ἢ πρῶτος αἰὶς.

Ἡδὲ μὲν ἔ-
ρῶν ἢ χαράσ-
σει ἢ δὲ ἢ ἢ
μῦθος

Is nequaquam aberrasse, sed recte iudicasse uideri possit. Quemadmodum autem Lacedæmonij domi suæ imagines egregie formosas collocabant, ac

* 2 in eas

in eas uxores iam uterum gestantes, quàm minime conniuentib. oculis aspi-
cere iubebant, ut hoc ceu remedio quàm pulcherrimam de se sobolem pro-
pagarent. Id quod Oppianus poeta pulcherrimis hīs uersiculis exequitur,

Oppianus li-
bro 2 Cynes-
geticōn

Ναὶ μὲν ὥδε λαλῶνδ' ἐπίφρονα μητίευν
Αἴσι φίλαις ἀλόχοισ' ὅτε γαστέρα κυμαίνουσι
Γραψάντες πινυμένωσι πέλας θέλ' ἀγλαὰ μάλιν
Τὸς πάρος ἄσφαλτας ἐν ἡμερίοισιν ἐφύβος
Νιρία, ἔ' Νάρκισσον, ἐὺμελίην θ' ὑδρινθον
Κάσσεω τ' Ὀνείρου θον, καὶ ἀμνηρόνον πολυδούκην
Ἠθίης τε νέης, τίτ' ἐν μακάρων ἀντίοι
Φοῖβον δαφνοκόμην, καὶ κισσοφόρον δρόνοναον.
Αἱ δ' ὕλτερον τ' ἑλκύνοντο πλυνέρας ἐδιδόχα
Τίντεσιν τε χαλκὸς καὶ χαλκί πεπληνῆαι.

Hieronymum
& Augustinū
imitatus Eu-
cherius

Ita & Eucherius ad effigiam, effigēdumq; hunc animi partum siue in-
genij foetum, præcipuas sibi duas & incredibili uenustate præcellentes ima-
gines proposuit, nimirum, diuos Hieronymum & Augustinum, ex quorum
assiduo aspectu, frequentiq; contemplatione sic commētarios suos informa-
uit, sic expoliuit, ut nihil hīs uel doctius uel absolutius inueniri possit. Atq; ut
eius rei pulcherrimum specimen exhibeam, iam audi, quid acerrimi iudicij
uir Erasmus ille Roterodamus tuus, immo noster etiā, in uniuersum de Eu-
cherio sentiat: nam uerba eius, quoniam elegantissima sunt, non grauate ap-
posui. Sic autem ille scribit de epistola Eucherij, quam is Valeriano propin-
quo suo inscripsit: Nihil uideo profectum à nostræ religionis hominib. qui
eloquentiæ quoq; gloria floruerint, quod cum huius phrasi sit conferēdum:
ut nusquam non præstat egregium artificem, siue spectes ordinem, siue tran-
situs subinde novos, siue non uulgarem ingressum, ueluti limen argumen-
tationis: nullam suasorij generis partem non tractat: nusquam desidet in locis
communibus: magis urget & instat argumentis, mire pūgit epiphonema-
tis, delectat iuxta ac mouet sententijs: quodq; magis etiam mirandum est,
Sic Isocratis schematibus modulata, structa, picturataq; est oratio, ut nus-
quam frigeat, aut ineptiat: sic arguta, ut interim neruosa: sic elaborata, ut ta-
men dilucida: sic noua, sed ut tædio careat affectationis: sic festiua, ut nihilo
secius grauis, ac seria: sic rhetorica, ut γνησίως tamen Christiana: deniq; sic
acris & uehemens, ut sui tamen ubiq; similis pari intentione ad extremum
usq; calcem properans, sani uidelicet uegetiq; ingenij argumentum. Hacten-
us ille de Eucherio. Gennadius nominatim hos libros non recensuit, sed
addidit tantū hunc præterea etiam multa scripsisse, ecclesiasticis studijs cum
primis necessaria. Isidorus autem minime malus autor in Catalogo uiro-
rum illustrium, ordine quædam denarrat, quæ noster ille scripserit. Id quod
in operis exordio studiosi cognoscent. Accipe itaq; pater amplius, ac idem
optime

Erasmii Rote-
rodami iudi-
cium de Eu-
cherio

Gennadius

Isidorus in ca-
talogo uiro-
rum illustrium

EPISTOLA

optime Princeps Eucherium tuum, tibi tuoq; felicis. nomini per me dictum: sed & meam in te colendo fidem & obseruantiam, æqui bonicq; facito. Nam cū melioris huius notæ scriptores subinde tibi nuncupo, multa tamen adhuc mihi superesse uideo, quæ pleniore manu studiosis elargiri possim. Certe cum me ipsum tibi trado, do, atq; dedico: id quod iam olim feci, reliquum mihi facio nihil. Dominus Iesus seruet amplitudinem tuam iuuandis studijs, instaurandæ rei Christianæ, reparandæ paci, restituendæq; per omnes ordines concordia, semper saluam &

incolumem. Datum Viennæ Austriæ, Ex

Regio collegio, Anno à restituta

salute M D XXX

mensis decem-

bris die

xx

EVCHERII VITA È CATALOGO
uironum illustrium Gennadij.

EVCHERIUS Lugdunensis ecclesiæ Episcopus, scripsit ad Valerianum propinquum suum De contemptu mundi, & secularis philosophiæ epistolam unam, scholastico & rationabili sermone. Differuit etiam ad personam filiorum Salonij, & Veranij, postea episcoporum, obscura quæque sanctarum capitula scripturarum. Sed & Cassiani quædam opuscula lato tenso eloquio, angusto reuoluens uerbi tramite, in uno coe-
git uolumine. Aliaq; tam ecclesiasticis studiis necessaria, quàm monasticis. Moritur Valentiniano & Martiano regnantibus.

ISIDORVS EPISCOPVS HISPALENSIS
in Catalogo uironum illustrium.

EVCHERIUS Episcopus Lugdunensis in Gallia, elegans in sententijs, nec minus ornatus in uerbis, ædedit ad Hilarium Arelatensem episcopum solitudinis deserta petentem, opusculum unum De laude eremitarum: et si pauca, tamen pulchra dicentem. Scripsit aliàs in multos sacros libros Commentaria non minus necessaria quàm utilia, præcipue uero In Genesim, ac libros Regum Ad Salonium & Veranium fratres Episcopos, opus prolixum & doctissimum.

INDEX CAPITVM

LIBRI PRIMI

D E CREATIONE cœli & terræ	I
De conditione lucis	II
De firmamento	III
De congregatione aquarum in unum locum	III
De creatione solis & lunæ & stellarum	V
De eo quod scriptum est, Producant aquæ reptile animæ uiuentis	VI
Item de productione terræ animæ uiuentis in genere suo, iumentorum & reptilium	VII
De eo quod scriptum est, Faciamus hominem ad imaginem & similitudinem nostram	VIII
De perfectione cœli & terræ	IX
De completionem operum in die septimo	X
De generatione cœli & terræ quando creata sunt	XI
De formatione hominis è limo terræ	XII
De eo quod scriptum est, Plantauerat autem dominus deus paradysum uoluptatis à principio	XIII
De fluuijs paradysi	XIII
De collocatione hominis in paradiso	XV
De ligno scientiæ boni & mali	XVI
De eo quod scriptum est, Quacunque die comederitis ex eo, morte moriemini	XVII
De eo quod scriptum est, Non est bonum hominem esse solum, faciamus ei adiutorium	XVIII
De impositione nominum cunctorum animalium, uolatilium, & bestiarum	XIX
De Adam quod non inueniebatur adiutor similis sui	XX
De costa extracta, & ex ea muliere formata	XXI
De eo quod scriptum est, Hoc nunc os ex ossibus meis	XXII
De nuditate protoplastorum	XXIII
De calliditate serpentis, & de adloquutione eius	XXIII
De apertione oculorum	XXV
De eorum nuditate	XXVI
De folijs ficus unde fecerunt sibi perizomata	XXVII
De uoce domini dei deambulantis in paradiso	XXVIII
De inimicitijs inter mulierem & serpentem	XXIX
De tunicis pelliceis	XXX
De cogni-	

CAPITA LIBRI I

De cognitione Adam & Eux uxoris eius & natiuitate Cain	XXXI
De muneribus Abel & Cain	XXXII
De Enoch filio Cain. & eius posteritate	XXXIII
De natiuitate Seth. & eius posteritate	XXXIII
De quæstione annorum Mathusalem	XXXV
De uxoribus Lamech	XXXVI
De eo quod scriptum est, Noe quum quingentorum esset annorum genuit tres filios	XXXVII
De gigantibus	XXXVIII
De pœnitudine dei quod hominem fecisset	XXXIX
De arca & mensura cubitorum	XL
De recordatione dei in Noe cunctorum animantium	XLI
De constructione altaris & de pecoribus mundis & immundis	XLII
De benedictione Noe & filiorum eius	XLIII
De arcu in nubibus in signum foederis dato	XLIII

FINIS

D. EVCHERII LVG-

DVNENSIS EPISCOPI COMMENTARIORVM IN

Genesim ad Veranium & Salonium fratres
episcopos Liber Primus.



ERENTES MVLTIPPLICIA CONGERE
re, ne stomachus legētium saturatus non solum
oblata renuat, sed & ingesta reiiciat: priusquam
de mundi principio sit loquendū, dicendum est
contra eos qui ore sacrilego de deo disputare ni
tuntur, dicentes, Quare fecit deus cœlum & ter
ram? Quid faciebat deus antequam cœlum &
terram faceret? Quur noua uoluntas in deo ut
conderet mundum exorta est? Sed responden

dum est illis: Noua uoluntas in deo exorta non est: quia & si in re mundus
non erat, in æterna tamen uoluntate semper erat. Ergo frustra dicitur, quur
per tanta retro tempora deo uacante, noua mundū faciendi orta fuisset co
gitatio, quando in suo æterno semper manet consilio mundi cōstructio, nec
tempus ante principium, sed æternitas fuit. Tempus enim à substitutione
creaturæ, non creatura cœpit à tempore.

IN principio fecit deus.) Hic
sensus duobus modis sine offensione accipitur: id est, aut primū omnium fe
cit: aut in principio, quod est sapientia, id est, in uerbo suo fecit. Ipse est enim
filius per quem facta sunt omnia, ipse principium in quo facta sunt omnia.

C A P . I

De creatione
cœli & terre

Cœlum & terram.) Si primo omnium factum est cœlum & terra, angeli
postmodū facti sunt: si angeli ante facti sunt, non primo omnium fecit deus
cœlum & terram. Cœli nomine quidam cœlestem, id est, angelicam creatu
ram creatam estimant. Ad cuius comparationē, cœlum hoc corporeum ter
ra nūcupatur. Terræ autem nomine materiam illam informem insinuat, ex
qua hoc uisibile cœlum & terra & uniuersa moles huius mūdi formata est,
de qua scribitur, Qui fecisti mūdum de informi materia. Sed materia facta
est ex nihilo, mundi autem species de informi materia, quæ cœli & terræ no
mine appellata est: non quia iam hoc erat, sed quia iam hoc inde esse pote
rat. Primo igitur uoluit cœlum & terram uelut quandam spiritalem corpo
ralemq; materiam dicere, & sic quemadmodum sigillatim facta sunt ordi
nem texere. Creatura cœli & terræ quomodo historialiter ab exordio prin
cipij condita sit legimus, sed qualiter in ecclesia spiritualiter à doctoribus acci
piatur, intelligamus. In principio fecit deus cœlū & terram. Principiū Chrī
stus est, sicut ipse ait in euangelio, Ego principiū qui & loquor uobis. In hoc
igitur principio fecit deus cœlum, id est, spirituales, qui cœlestia meditātur &
quærunt. In ipso fecit & carnales, qui terrenum hominem necdum deposue

a runt.

runt. Terra autem erat inanis & uacua.) Id est, adhuc informis erat ipsa materia, quia necdum ex ea coelum & terra, necdum omnia formata erant, quæ formari restabant. Hæc enim materia ex nihilo facta, præcessit tamen res ex se factas: non quidem æternitate, uel tempore, sicut præcedit lignum arca: sed sola origine, sicut præcedit uox uerbum uel sonus cætum. Nam qui uiuit in æternum, creauit omnia simul. Terra carnis nostræ inanis erat & uacua, prius quàm doctrinæ acciperet formam. Et tenebræ erant super faciem abyssi.) Hæc tenebrosa abyssus, ipsam adhuc informis materiæ obscuritatem designat, quia nondum ulla species uideri aut tractari poterat. Abyssus namq; immensa aquarum profunditas appellatur, quia delictorum cæcitas & ignorantia, profunda obscuritas corda nostra tegebat. Et spiritus dei ferebatur super aquas.) Etiam aquarum nomine ipsam illam informem materiam demonstrat, quæ subiacebat ad uoluntatē creatoris ad conformanda in suis generibus omnia. Nam siue terram inanem dicas, siue abyssum tenebrosam, siue aquam, diuersa quidem nomina, sed una eademq; materia. Idcirco terra inanis & uacua, quia nondum erat uniuersitate creaturarum completa. Pro eo abyssus tenebrosa, quia speciem luminis nondum habebat. Pro eo aqua uocata, quia siue caro siue omnia quæ gignuntur humida sunt, & ex humore concreta sunt. Nam & hoc coelum corporeum, quod firmamentum uocatur, secunda die post conditionem lucis factum est: & hæc terra tunc accepit formam, quando abyssus distincta est. Ipsæ quoq; aquæ tunc speciem superserunt, quando in unum sub firmamento collectæ sunt: ac per hoc non illud coelum hoc corporeum coelum, sed spiritualis intelligenda est creatio angelorum: nec illa terra uel abyssus, hæc uisibilia elementa: sed illud intelligendum est, informis & obscura mundi materia. Et tenebræ erant super faciem abyssi. Quidam dicere solent, Vnde erant tenebræ antequàm fieret lux? Quis eas fecerat? Aut si nemo fecerat, æternæ sunt. Quibus respondetur, Non quia aliquid sunt tenebræ, sed ipsa lucis absentia hoc nomen accepit: sicut enim silentium nihil est, sed ubi uox non est, silentium dicitur: sic tenebræ nihil sunt, sed ubi lux non est, tenebræ dicuntur. Et spiritus dei ferebatur super aquas.) Spiritus sanctus, deus est, qui non loco continetur, aut distenditur, nec temporum mutationibus subiacet, sed est ubiq; præsens ac totus. Superferri autem domini spiritus aquis dicitur: non peruagatione, sed potestate: non localiter, sed potèntialiter: non per spatia locorum sicut terræ sol superfertur, sed per potentiā sublimitatis suæ. Deus enim non ex indigentia fecit opera sua, sed ex beneficentia atq; omnipotètia: qui nihil indigens omnia creat, & misericors cuncta uiuificat, & in plenitudine sancta permanet: non nostris ampliandus laudibus, sed suis innotescendus collaudatur operibus, neq; enim horum indiget quæ facit. Indiguus quippe atq; egenus amor, subiicitur rebus quas diligit. Quamobrem non indiguus amor superfertur rebus quas diligit. Ideo dictum est, superferri creaturæ spiritum sanctum: quia non ex indigentia

indigentia operatus est ipsam creaturam. Pro eo autem quod in nostris codicibus scriptum est, ferebatur: in Hebræo habetur, מִרְחֶבֶת, quod nos appellare possumus, incubabat, siue confouebat, in similitudinem uolucris oua calore animantis. Ex quo intelligimus, non de spiritu mundi dici, ut nonnulli arbitrantur, sed de spiritu sancto, qui & ipse uiuificator omnium à principio dicitur. Sic autem uiuificator, quasi conditor & deus. Emittis enim (ait scriptura) spiritum tuum, & creabuntur. Notandum quod in ipso exordio cœli & terræ, tota trinitas insinuatur creatoris. Nam pater, in dei intelligitur nomine: filius, in principij: spiritus uero sanctus, qui superferebatur aquis. Spiritus autem dei super cor nostrum tenebrosus & fluidus, quasi super aquas iam superferebatur, in quo subsistentes requiesceremus, cuiusq; uiuificaremur flatu, & cuius unda ablueremur. Dixit deus, Fiat lux. Et facta est lux.) Si in die dixit, temporaliter dixit: si temporaliter dixit, per aliquam creaturam dixit. Ergo non est prima creatura lux: quia iam erat, per quam diceret, Fiat lux. Vere enim nec in die dixit, nec temporaliter dixit: quia ante omnem creaturam uerbum suum genuit. Dictio itaq; dei, uerbum dei est: sed diuina scriptura paruulis congruens, & quodam modo eos lactans, ut proficiant, & cibum spiritalem capiant, uoluit semper per omnem creaturæ formationem dictionem dei nūcupare. Vt (uerbi causa) si requiras, quomodo facta est lux? audias, In uerbo dei erat, ut fieret. Quomodo factum est cœlum? In uerbo dei erat, ut fieret. Et cætera per ordinem, si requiras quomodo facta sunt? In uerbo dei erant, ut fierent. Hoc enim est: Dixit deus, Fiat lux, Dixit, pro fecit, posuit scriptor: ut celeritatem, uel facilitatem operis dei ostenderet. Neq; enim corporalibus modis loquitur diuina natura: nec quoties dixit, toties uerba formauit. Vnum enim uerbum genuit cœternum, & consubstantium sibi, in quo omnia ineffabiliter & intemporaliter dixit. Talis enim dei loquutio non temporaliter præteriens sonus, sed sola dictio est ratio nis. Dixit deus, Fiat lux. In hac luce historialiter recapitulatur creatio angelorum, qui pro participatione æternæ lucis, lux & dies nuncupati sunt. Quorum unitas ut ostenderetur, non est dictum, Dies primus: sed, Dies unus. Exoritur autem quæstio de angelis, quomodo in creatione sex dierum prætermittantur, tanquam non sint in operibus dei? Opus autem dei esse angelos, hymnus trium puerorum testatur. Nam quum prædictum esset, Benedicite omnia opera domini domino: in exequutione eorundem operum etiam angelos nominauit. Et in psalmis, quum diceret inter cætera, Laudate dominum omnes angeli eius: subiecit, Quoniam ipse dixit, & facta sunt. His ergo exemplis, à deo angeli facti demonstrantur: sed quo die creati sint, nusquam infert. Sed quia in scriptura sancta legitur dixisse deum, Quando facta sunt sydera, laudauerunt me omnes angeli mei: iam erant angeli quarto die, quando sydera condita sunt. Ergo nec die tertia facti sunt. In prom-

ptu est enim, quod die illa terra ab aquis discerpta, pabuli herbam produxit. Ergo nec secundo die facti sunt. Tunc enim facto firmamento, diuisio fuit superiorum atq; inferiorum aquarum. Nil mirum enim si in operibus sex dierum angeli lucis significatione creati intelliguntur: ante omnem enim creaturam facti sunt, quia prior omnium creata est sapientia: qui propterea dicuntur sapientia, inhærendo scilicet æternæ sapientiæ. Verumtamen nunquid & ante tempora facti sunt, quia prior omniū facta est sapientia, prior scilicet omnium, etiam & tempore? Oportebat enim ut creatura inconculse adhærens, & si non suo creatori æqualis, omni saltem creatura prior esset & melior: qui quidem dum sint mutabiles natura, facit tamen eos immutabiles atq; incorruptos gratia sempiterna. Nam si natura incommutabiles essent, diabolus non utiq; cecidisset. Commutabilitati namq; naturæ in eis suffragatur cōtemplatio creatoris. Inde priuatus est apostata angelus, dum fortitudinem suam non à deo, sed à se uoluit constare. Tantæ enim gratiæ sunt angeli, ut nec ipsorum accessio decessio ue fuerit tēporum. Duas enim esse res in creaturis constat, quarum uicissitudo temporum comprehendere non ualet: primum enim angeli, propter quod incommutabiliter inhærent creatori: secundum materia illa informis, quia nec eius comprehenditur tempus, prius quàm ex ea omnia ista formarentur, quæ temporaliter uoluntur. Dixit quoq; deus, Fiat lux. Id est, illuminatio credulitatis appareat. Prima enim die lucem fidei dedit, quia prima est in conuersione fides. Vnde & istud primum in dei præceptis mandatū est, Dominus deus tuus, deus unus est. Propter quam fidem, ipse dominus etiam uisibiliter in mundo apparere uoluit. (Et uidit deus lucem, quia bona est.) Non quod subito uiderit deus lucem quod esset bona, & uisio ei contulerit scientiam, quum in nobis omne opus præcedat uoluntas nostra, dum cogitamus, quid operari debeamus. Non enim ignorans aliquis facit aliquid, dum cogitat qualiter fiant, quæ facienda cogitādo disposuit: & quum hoc in hominem cadere non possit, ut aliquid ignorans faciat, quanto magis in deum, qui omnia æterno & stabili consilio suo facit: Ergo nec discit, sed docet factum in arte faciendum: & nec aliter facta, nec aliter facienda uidit. Eo itaq; modo uidit facta, quo uiderat facienda. Inde est quod dicit, Vidit deus quod esset bonum: id est, in ea bonitate placuit, ut maneret; in qua placuit, ut fieret, quod fecit. Et diuisit lucem à tenebris.) Diuisio lucis à tenebris, boni angeli separati à malis. Et quia ex his quosdam præsciebat per superbiam casuros, per incommutabilitatem præscientiæ suæ diuisit inter bonos & malos. Malos igitur appellans tenebras, bonos appellans lucem, in his dicens, Vidit deus, quia boni sunt. In illis nullatenus dicens, sicut in omnibus operibus dei, Vidit deus quia bonum est: ne malum præuaricatorum uideretur approbare angelorum. Et diuisit lucem à tenebris. Tunc iam deus iuxta præ-

scientiæ

scientiæ suæ gratiam diuisit inter lucem & tenebras, id est, filios dei & lucis à peccatoribus, tanquam à tenebris, Iustos uocans diem, & illos noctem. Nam quia in ecclesia lucis nomine iusti appellantur, audi apostolum, Fui-
stis, inquit, aliquando tenebræ, nunc autem lux in domino. Sequitur, Fa-
ctum est uespere & mane.) Vespere, conditæ creaturæ terminus: mane, in-
itium condendæ creaturæ alterius. Quærunt aliqui, quum primum uespe-
rum, postea mane, scriptura cōmemorauerit: ne forte noctem prius quàm
diem significare uideatur. Nec aduertunt primum, quod præmiserit diem,
dicendo, Et uocauit deus diem, lucem: & tenebras, noctem. Inde est quod
uespera finis diei sit, & mane finis noctis. Ergo ut beneficium ante obla-
tum prærogatiuæ & primatus natiuitatis diei daret, prius finem diei si-
gnificauit, post quē sequutura nox esset: Deinde postea finem noctis
adiunxit, dicendo, Factumq̃ est uespere & mane dies unus.) Dies iste
unus prior factus, propter concordiam residuorum angelorum sic appella-
tus est. Quorum propter unitatem insinuandam non dies primus, sed dies
dictus est unus, & idcirco ipse repetitur semper in exequutione creatura-
rum: quia ipse dies, hoc est, natura angelorum, quando creaturam ipsam,
quam deus faciebat, contemplabatur, quodammodo uesperascebat. Ve-
rumtamen, quia non permanebat in eius creaturæ intuitu, sed laudem eius
ad deum referens, ipsam melius in diuina ratione conspiciebat, tunc conti-
nuo quasi mane fiebat. Nam si permaneret neglecto creatore in aspectu
creaturæ, iam non uespera, sed nox utiq̃ fieret. Sequitur, Dixit quoque
deus, Fiat firmamentum.) Firmamenti nomine, cœlum significauit: pro
eo quod fortiter & firme compositum est. Maximeq̃ propterea uocatum
est firmamentum, propter firmitatem, siue sustentationem & intransgres-
sibilem terminum superiorum aquarum. Et fecit deus firmamentum, di-
uisitq̃ aquas ab aquis quæ erant sub firmamento.) Iam quia addidit, Et
diuisit aquas ab aquis: quærendum est, utrum hunc aerem nebulosum no-
minet firmamentum, qui diuidit aquas superiores nubium ab inferioribus
quæ in terris fluunt. Nam & ipse aer cœlum uocatur, sicut legimus, Volu-
cres cœli: dum nō de illo superiore dicatur, sed de isto in quo aues uolitant.
Vnde quæri potest, quomodo elementum aquæ possit esse supra cœlos.
Aqua enim cedit terræ, & aer cedit aquæ, & ignis cedit aeri. Vnde impossi-
bile uidetur, ut secundum elementum, quod est aqua, sit supra quartum,
quod est ignis. Quomodo & quales sint aquæ illæ, quas scriptura dicit su-
pra cœlos, esse eas ibidem minime dubitamus: quæ non locorum sedibus,
sed dignitate naturæ, uidetur supra cœlos. Sicut enim nubes istæ, quæ ubi-
que sunt, feruntur super aerem, quod est tertium elementum: ita fieri posse
arbitror, ut aquæ tenues atq̃ subtiles ferantur super cœlum. Nam ex hoc
pondere elementorum, multi philosophorum resurrectionem carnis illu-
dentes

De firmamen-
to III

dentes, non posse fieri inquit, ut homo qui utique ex terra factus est, sit in
 cœlo. Sed hos ueritas conuincit, qui facit multa animalia terrena uolitare
 in aere, & aquam esse supra aerem, & ignem quod est utique quartum ele-
 mentum, esse in terra. Ergo dei potentia, quæ hæc facere approbatur, facit
 ut & homo & aqua sit supra cœlum. Aquas uero istas uisibiles quidam im-
 pie negant factas esse à deo: pro eo quod in Genesi non commemorantur
 ubi sint factæ: pro eo quod scriptum non est, Dixit deus fiant aquæ. Qui-
 bus ita respondendum est: Quia dum dictum est, In principio fecit deus
 cœlum & terram: illic & aquæ intelligendæ sunt. Vno enim nomine utrum-
 que comprehensum est, tropo metonymico: quasi per ea quæ continent, id
 quod continetur. Nam ipsius est mare, & ipse fecit illud. Sequitur, Vo-
 cauitque deus firmamentum, cœlum.) Quid est quod cœlum factum dicit:
 & hoc, firmamentum postmodum uocatur: nisi quia natura angelica, quæ
 prius mirabiliter est condita, ne cadere unquam possit, postmodum est mi-
 rabilius confirmata. Firmamentum, id est, solidamentum sanctarum scri-
 pturarum. Firmamentum, in ecclesia scripturæ diuinæ intelliguntur: sicut
 scriptum est, Cœlum plicabitur sicut liber. Discreuitque super hoc firmamen-
 tum aquas: id est, cœlestes populos angelorum, qui non opus habent hoc
 suscipere firmamentum, ut legentes audiant uerbum dei: uident enim eum
 semper, & diligunt. Sed superposuit ipsum firmamentum legis suæ super
 infirmitatem inferiorum populorum, ut ibi suspicientes, cognoscant quali-
 ter discernant inter carnalia & spiritalia, quasi super aquas superiores & in-
 feriores. Sequitur, Dixit quoque deus, Congregentur aquæ quæ sub cœ-
 lo sunt, in locum unum.) Si totum aquis plenum erat, quomodo poterant
 aquæ congregari in unum? Sed iam superius dictum est, quod super aquam
 ferebatur spiritus dei, unde erat deus omnia formaturus. Nunc uero quum
 dicitur, Congregentur in locum unum: hoc dicitur, ut illa materia incorpo-
 ralis formaretur in ea specie, quam habent istæ aquæ uisibiles. Ipsæ enim
 congregatæ in unum, ipsa est aquarum formatio harum, quas uidemus &
 tangimus. Appareat arida.) Quid hic aliud intelligendum est, nisi ut il-
 la materia accipiat uisibilem formam, quam nunc terram istam uidemus
 habere? Superius enim quando cognominabatur terra, Inanis & uacua,
 ipsa rerum materia nominabatur, nondum generibus creaturarum com-
 pleta corporalium: & quod nominabatur aqua, supra quam ferebatur spi-
 ritus dei, eadem rursus materia nominabatur. Nunc uero aqua ista, & ter-
 ra, formatur ex illa materia, quæ ipsis nominibus appellabatur, antequam
 formam aquæ istæ, quas nunc uidemus, acciperent. Et uocauit aridam,
 terram.) Terra ideo uocatur arida, quia sicut ignis calorem, & aqua humo-
 rem: ita terra naturaliter habet siccitatem. Congregationes quoque aquarum appella-

De congrega-
 tione aquarum
 in locum unum

IIII

rum, appellauit maria.) Notandum quod omnis aquarum congregatio, in Hebræa loquutione, maria nuncupentur. Et uidit deus, quia bona est.) Docet bonum esse quod fecit, non discit. Germinet terra herbam uirentem & facientem semen, lignum pomiferum faciens fructum.) Bene dixit, Herbam uirentem, & lignum pomiferum. Terra arida & fructuosa, per peccatum hominis maledicta, produxit tribulos & spinas. Vnde quæstio nascitur, Quum deus septima die requieuerit ab omni opere suo, quomodo hæc postmodum condidit noua? Quamuis enim propter peccatum hominis hæc condita dicantur, nihil tamen postmodum creatum est nouum: quia non post peccatum hominis, quasi ad pœnam eius creatum sit aliquid nouum: maxime dum in eundem locum non dicatur, Spinās & tribulos pariat terra: sed, Pariet tibi terra: quasi diceret, Incipiet tibi nasci ad laboris exitium, quod olim creatum est ad pabulum iumentorum. Herbæ autem uenenosæ, quanquam ad pœnam, uel exitium mortalium sint creatæ, habent tamen ipsæ quædam remedia salubritatū: & quæ non præstant escam, medicinam ministrant: & quæ noxia sunt uisibus hominum, innoxium præbent feris & auibus pabulum. Iuxta genus suum.) Ut esset nascentibus singulis uirtus seminaria, & secundum genus eorum similia nascerentur, distincta similitudine, sicut origine. Post hæc, die tertio collegit in unum aquas inferiores falsas: hoc est, homines infideles, qui cupiditatum tempestate, & tentationum carnalium fluctibus quatiuntur, & in seipsis quasi amaritudo includuntur. Segregauitq; ab eis aridam. Populum scilicet fontem fidei sitientem. Fixitq; dehinc superborum limites, & coercuit eos: ne turbulentis iniquitatum suarum fluctibus, aridam, id est, animam sitientem deum conturbent: liceatq; ei germinare bonorum operum fructus, secundum genus suum. Diligens proximum in subsidijs necessitatum carnalium, habens in se semen secundum similitudinem, ut ex sua infirmitate compatiatur ad subueniendum indigentibus. Producent & lignum forte robore, & fructiferum, id est, beneficum, ad eripiendum eum qui iniuriam patitur, de manu potentis, & præbendo protectionis speciem umbraculo ualido, robore iusti iudicij. Sequitur, Dixit autem deus, Fiant luminaria in firmamento cœli.) Si quarto die facta sunt luminaria, quomodo tres dies iam ante fuerunt? Nisi ut intelligamus in ipsa hora temporis, ipsas operum distinctiones ita appellatas: uesperum, propter transactionem consummati operis: mane, propter inchoationem futuri diei: in similitudinem humanorum operum, quod pleriq; mane incipiunt, & in uesperum desinunt. Et diuidant diem ac noctem.) Quasi diceret, Sic diuidant inter diem & noctem, ut soli dies detur, nox uero lunæ & ætheribus cæteris. Et sint in signa & tempora, in dies & annos.)

De creatione
solis & lunæ
& stellarum.

V.

In signa, scilicet quēmadmodum ex sole & luna aliqua signa colliguntur: iuxta quod & dominus ait, Erunt signa in sole & luna & in stellis. per quod significaretur tempus futuræ consummationis. Signa, pro eo quod aliquid significant futurum. Vel quod articuli temporum per syderum cursus notantur. Non autem ea signa, quibus nonnulli tentauerunt natiuitates exprimere hominum & qualitates. Et addidit, Vt sint in signa & tempora. scilicet ut tempora distinguantur in uicibus mutationum, hyemis, uerni, æstatis, autumnii. In istis igitur temporibus, aut uelocior est transitus solis, aut tardior, aut æqualis. Alia enim præstringit radijs suis, alia inflammat caloribus, alia temperie fouet. In signa, & in dies. Vt sol in eo habeat diei principatum. In annos. Quia luna per tricenos dies duodecies currens, annum conficit. Sol autem expleto per omnia signa circuitu, ad idem principium cursus sui recurrit. Signa autem & tempora, pertinent ad omnia sydera. Dies uero, ad solem tantummodo. Annus autem, ad cursum solis & lunæ. Luminare maius, ut præffet diei.) Vtiq; quia per diem sol principatum tenet. Luminare minus, ut præffet nocti & stellis.) Quia luna per noctem principatum tenet, quamuis cætera sydera cum ea pariter fulgeant. Quarto die emicuerunt luminaria, firmamento legis infixæ: id est, euangelistæ, doctores scripturæ sanctæ cohærentes disputando, & omnibus inferioribus lumen sapientiæ demonstrantes. Protulit etiam simul & cæteram micantium syderum turbam: id est, diuersarum uirtutum in ecclesia numerositatem, quæ in huius uitæ obscuritate, tanquam in nocte refulgentes, diuidant in hoc firmamento scripturæ, sensibilia, & intelligibilia: quasi inter lucem perfectorum, & tenebras prauorum. Et sunt in signis, uirtutum & miraculorum: quia prædicatores proprijs temporibus uiuunt: uerbum autem domini manet in æternum. Quare autem primo terra germinauit, deinde facta sunt luminaria: nisi quia post opera bona, uenit illuminatio lucis ad contemplandam speciem supernæ uirtutis. Sequitur,

De eo quod
scriptum est,
Producant
aque reptile
animæ uiuentis
VI

Dixit etiam deus, Producant aquæ reptile animæ uiuentis, & uolatile super terram.) Quod uolatilia ab aquis producta scribuntur, aer in quo aues uolitant, à sapientibus cum aquis deputatur: pro eo quod aquarum humida exsolutione pinguescit, ut uolatus auium sustinere possit. Ob hoc non immerito pisces & uolucres de aquis nata esse commemorantur: quia una est aeris aquarum ue natura. Sed quicquid aquarum undosum & fluidum est, reptilibus deputatum est: quicquid uero uaporaliter suspensum est, auibus distributum est. In species suas secundum genus suum.) Quia ita creata sunt, ut ex eis alia generentur, quæ & formam seruent posteritatis, & specie distinguerentur à cæteris. Inter hæc die quinta, facta sunt in aquis reptilia animarū uiuarum: homines scilicet renouati in uitam per baptismi sacramentum. Facta sunt & uolatilia, id est, sanctæ animæ ad superna uolantes.

Item de pro/
ductione ani/
mæ uiuētis in
genere suo
VII

na uolantes. Sequitur, Dixit quoq; deus, Producat terra animam uiuentem in genere suo, iumenta & reptilia & bestias terræ.) Hæc tria generaliter distinguit. In iumentis enim, animalia quæ in usus hominum sunt. In reptilibus, serpentes. In bestijs, leones, pardos, tygrides, uel quicquid ore uel unguibus sæuit. Quum omnia legantur bona à deo creata, quare quædam noxia inueniuntur? An fortè in primordio innocua facta sunt, & post peccatum nocere cœperunt? Bona enim condita sunt, sed male agentibus data sunt in flagellum. Hinc per prophetam dicitur, Ego dominus faciens pacem, & creans malum. Creare se dominus mala insinuat, dum bona condita, peccatoribus in flagellum format: ut ea ipsa & per dolorem quo feriunt, delinquentibus mala sint: & per naturam qua existunt, bona. Quæritur adhuc, & si nobis pro peccato nocent, quare sibi inuicem nocent? nisi quia aliæ in cibum sunt aliarum datæ. Omnia in suo genere pulchra sunt, quamuis nobis pro peccatis uideantur aduersa. De minutissimis animalibus credendum est, quæcunque ex aquis uel terris nunc nascuntur in prima rerum conditione fuisse creata. Cætera uero quæ de uitjs corporum uel lignorum uel cadauerum nascuntur putredine, non tunc creata sunt in specie, sed inerat in eorum corporibus præsens seminis origo, ut consequenter de eorum corruptionibus pro suo quoq; genere exorirentur. Post hæc sexta die producit terra animā uiuam, quando caro nostra abstinens ab operibus mortuis uiua uirtutū germina parturit, secundum genus scilicet suum, id est, uitam imitando sanctorum, sicut apostolus ait, Imitatores mei estote. Secundum nostrum quippe genus uiuimus, quando in opere bono sanctos uiros quasi proximos imitatur. Deinde produxit terra bestias, homines in potentia rerum siue ferocitate superbix: similiter & pecora, fideles in simplicitate uitæ uiuentes: serpentes quoq; innoxios, sanctos uidelicet uiros astutix uiuacitate bonum à malo discernentes, & inquātum fas est reptando scrutantes terrena, per quæ intelligant sempiterna, non illos uenenosos, qui se in huius mundi cupiditatibus terrenis collocant. Sequitur, Faciamus hominem ad imaginem & similitudinem nostram.) Quare de solo homine dictum est, Faciamus hominem: de alijs autem creaturis legitur, Dixit deus ut fierent, & facta sunt? Videlicet quia rationalis creatura condebatur, ut cum consilio facta uideretur, & ut nobilitas eius ostenderetur. Nunquid angelis dictum est, Faciamus hominem? Sed quia sequitur, Ad imaginem nostram: nefas est credere ad imaginem angelorum hominem fuisse creatum, sed ad imaginem dei. Recte ergo intelligitur pluralitas trinitatis: quæ tamen trinitas quia unus est deus, etiā quum dixisset, Faciamus: addidit, Et fecit deus, inquit, hominem ad imaginem suam: ad imaginē dei creauit illum, non dixit, fecerunt. Ergo quia fiebat ad imaginē dei, id est, trinitatis: propterea dictum est, Ad imaginē & similitudinē nostram. Sed in

De eo quod
scriptum est,
Faciamus ho/
minē ad ima/
ginē & simili/
tudinē nostrā
VIII

interiore

interiore homine est conditoris sui imago: imago in immortalitate, similitudo in moribus. Rursus autem, ne in trinitate credentes, arbitrarentur tres deos, quum sit eadem trinitas unus deus, Et fecit, inquit, deus hominem ad imaginem suam. Ac si diceret, ad imaginem dei. Inter similitudinem & imaginem hoc interest: Imago dei omnium, similitudo paucorum. Hæc namq; imago dei ab excellentia diuinæ similitudinis distat, quod imago dei, anima peccatrix esse desinit. Ad dei autem similitudinē, nisi anima sancta fuerit, non peruenit: quia illa anima creata est per naturam, hæc dabitur consummari per gratiam. Quoniam si nihil est aliud imago dei, quàm mens naturaliter animæ humanæ collata, quid aliud erit similitudo, nisi feliciter beatitudo conferenda? Et ideo quidem est magnum, quod hominis mens facta ad imaginem dei data sit in natura, cuius priuilegio carent animalia cætera: sed illud est multo præstantius, quod ei similitudo danda sit sui creatoris in gloria, ut ibi sit suo creatori similis, ubi erit angelis sanctis æqualis. Quæri etiam potest, quur homo sexto die creatus est, dum constat, quod propter intelligentiam nobilior est cæteris creaturis, quæ in sex diebus factæ sunt? nisi ut primo creator, mundum quasi domum præpararet: & sic post introduceret habitatorem, id est, dominum domus. Fecit deus hominem ad imaginem & similitudinem suam. Non enim secundum formam corporis, homo factus est ad imaginem dei, sed secundum rationabilem mentem: iuxta quod ait apostolus, Renouamini spiritus mentis uestræ. Et, Induite nouum hominem, qui secundum deum creatus est. Et alibi, Exuentes uos, inquit, ueterem hominem, induite nouum, qui renouatur in agnitionem dei, secundum imaginem eius, qui creauit eum. Hinc apparet quod non secundum corpus, sed secundum intellectum mentis, ad imaginem dei factus est homo: quamuis & ipsum corpus nostrum ita sit fabricatum, ut ostendat nos meliores esse, quàm bestias, & propterea dissimiles. Illa enim omnia inclinata sunt ad terram: hominis autem corpus erectum est: quod significat animam nostram in supernis, id est, ad spiritalia debere semper esse erectam. Ad imaginem dei creauit illum.) Hic homo secundum animam, causali ratione creatur. Nam adhuc sequitur, ut de limo formetur.

Masculum & foeminam fecit eos.) Necdum enim Eua facta describitur, quomodo hic masculus & foemina perhibetur? Sed quia de eodem latere erat foemina processura, in illo iam computatur per substantiam, à quo erat producenda per formam. Ergo secundum originem Adam & Eua simul facti sunt, secundum speciem uero formæ, postea foemina de latere uiri formata est. Benedixitq; illis deus, & ait, Crescite & multiplicamini, & replete terram.) Quidam nostri non secundum carnalem foecunditatem uolunt intelligi, sed animæ: ut est illud, Multiplicabis in anima mea uirtutem, ut hic quod sequitur, Et implete terram, Terram intelligunt carnem, quam

quam implet anima, & dominatur, quum in uirtute multiplicatur. Carnalem autem foetum, non tunc nasci potuisse in paradiso, sed foris gignere, sicut factum est. Nos autem non dubitamus secundum benedictionem dei corporaliter potuisse illos in paradiso multiplicari, & si non peccassent coituros sine ulla libidinis perturbatione, ut mēbra sola uoluntas, non libido moueret. Illud tamen credendum est, quod tanta multitudo nasci potuit hominum, quo ad usq; prædestinatorū sanctorum numerus compleretur, quanti & nunc per dei gratiā colliguntur. Et dominamini piscibus maris, & uolatilibus cœli, & uniuersis animalibus.) Saluo intellectu quo omnibus animantibus homo dominatur: spiritualiter uero omnes affectiones & motus animæ, quos habemus istis animalibus similes, subditos haberent, & dominarentur eorum per temperantiā. Quomodo accepit potestatem bestiarum, dum uideamus ab eis multos occidi? Post peccatum enim primus homo damnatus amisit perfectionē illam qua ad imaginem dei fuerat factus ut omnibus dominaretur. Merito enim peccatorum actum est, ut naturaliter prospera efficerentur homini aduersa. Vidit deus omnia quæ fecit, & erant ualde bona.) Attende uniuersalem creaturā ualde bonam uocari, singulariter uero tantum bonam. Quare ita, nisi quia omnis pulchritudo quæ in partibus cōstat, minus est laudabilis in parte quā in toto: sicut & membra corporis quum sint singula bona, maius tamē faciunt bonū, dum unum ualde bonum corpus efficiunt & pulchritudinem suam uniuersaliter conferunt. Ante erant singula bona, propter hominem omnia ualde bona, quia omnia in decorem hominis creata sunt. Homo uero in gloriam & laudem conditoris sui factus est. Sequitur,

IGITUR perfecti sunt cœli & terra.) Bene pluraliter cœlos posuit, siue illud cœlum spiritale, quod non uidemus, per quod angeli significati sunt: siue hoc corporeum, quod uidemus, quod firmamentum est uocatum. Et omnis ornatus eorum.) Ornatus spiritualis cœli, angeli sunt, & principatus: huius corporei cœli ornatus, sydera, sol, & luna. Ornatus autem terræ, maria, erecta montium, subducta uallium, densa camporum, lapsus amnium, fontium iugitates, pratorum gemmæ, frugum uarietates, umbræ arborum, genera seminum, diuersitas animalium specie atque genere inuicem differentium. Quod autem creatura hominis sexta die perfecta est, senario numero conuenit: & senarius numerus mundi est perfectio, quia in ipso die totius generis atque operis summa completa est. Vnde & specialem quandam tenet huius numeri perfectio dignitatem. Vnum enim & duo & tria, sex faciunt. Habet enim tres partes tales, sextam, tertiam, & dimidiam. Sexta eius unus est, tertia duo, dimidia tres. Hæ trium partes in summa ductæ, id est, unum, duo, & tria, simul eundem consummant, perficiuntque senarium numerum, quæ est ratio in reliquarum partium numero. Igitur diuisio duorum, in unum est: diuisio trium, in unum est. Quid aliud hic numerus

CAP. II

De perfectione
cœli & terre
IX

numerus ostēdit, nisi trinitatem quæ deus est: Quæ quamuis tres sint personæ, in una tamen creduntur unitate naturæ. Vnum ergo & duo & tria, sex faciūt. Ideoq; propter eius numeri perfectionē, sex diebus operatus est omnem creaturam. Tres istæ partes senarij numeri, demonstrant nobis trinitatem domini. In trinitate numeri, mensuræ, & ponderis fecisse omnem creaturam: omnia in numero & mēsurā & pondere disposuit, idem quia omnia in se disposuit: quia omnia quæ fecit, numeros & mensuram & pondus habent. Post hæc fecit deus hominem ad imaginem suam, perfectum scilicet uirum, qui non quemlibet sanctorū uirorum imitando sed ipsam ueritatem contēplabiliter intuendo, operatur iustitiam, ut ipsam intelligat & sequatur, ad cuius imaginē factus est, ueritatem. Iste etiam accipit potestatem piscium maris & uolatiliū cœli, pecorum quoq; atq; serpētium: quia spiritalis quisq; effectus, & deo similis factus, secundum apostolū iudicat omnia, ipse autem iudicatur à nemine. Quod uero sequitur, Masculum & fœminā fecit eos: in ecclesia spirituales & obediētes ostendit: quia sicut uiro subdita est mulier, sic & spiritali & perfecto uiro obediens est is qui minus perfectus est, sicut apostolus ait, Rogamus uos fratres, ut cognoscatis eos qui in uobis laborant, & præsunt uobis in domino. Dicitur enim eis, Crescite & multiplicamini: siue in linguis, siue in spiritualibus intelligentiæ gradibus, ut dominantur per rationis intellectum, omnium carnalium perturbationum, quasi insensibilium animantium. Omnis autem herba seminalis, & omne lignum fructuosum, quod datum est hominibus in escam, fideles sunt, de oblationibus sanctorum communicantes. Vnde & apostolus ait, Nam si in spiritualibus participes facti sunt gentiles, debent & in carnalibus ministrare eis. Hæc sunt ligna fructifera. In istis ergo gradibus tanquam in quibusdam diebus uespera est, ipsa perfectio singulorū operum: & mane, inchoatio sequentium. Sequitur, Compleuitq; deus die septimo opus suū quod fecerat.) Arguitur Iudæi qui de otio sabbati gloriātur, cum & tunc in principio sabbatum dissolutū est, dum deus operatur in sabbato cōplens in eo opera sua. Requieuitq; deus ab uniuerso opere.) Siue translato genere loquutionis, ipse requiescere creditur, quando nos in se facit requiescere: siue quod ipse, per quem omnia facta sunt, ipsa die in sepulchro quieuit: siue quia omniū creaturarum ita in ipsis sex diebus expleuit originem, ut nouam deinceps non conderet creaturam. Sed quomodo conueniat illud quod dominus in euangelio ait, Pater meus usq; modo operatur, & ego operor: cum hoc quod ait, Requieuit deus ab operibus suis. Requieuit scilicet, quia deinceps nullā nouam condidit creaturam, Operatur autem usq; nunc, quia omnia ex eis facit, quæ in illis sex diebus mysticis fecit. Ergo requieuit à condendis generibus creaturæ, non autem cessauit ab opere regendi uel administrandi omnia quæ creauit. Et benedixit diei septimo, & sanctificauit eum.) Quod dominus sanctificauit diem quietis suæ, nisi quia se creaturæ quā fecit diligenter

De cōpletionē
operum in die
septimo

dum præposuit, non sanctificās diem qua ea facienda inchoauit, nec illum in quo ea perfecit, ne illis aut faciendis uel factis augmento eius gaudere uideretur, sed tunc sanctificauit, quando ab ipsis in se ipso requieuit. Post istorum itaq; quasi sex dierum opera bona ualde sperat homo quietē mentis, constitutus in paradiso spiritali, quo significatur uita beata: ubi fons est sapiētiae diuisus in quatuor partes uirtutum, ubi edat ligni uitæ gratiam, ubi utiles disciplinas morum, quasi fructus lignorum carpat. Est namq; paradisu uita beatorum, quatuor flumina quatuor uirtutes, ligna eius omnes utiles disciplinae, lignorum fructus mores piorum: lignum uitæ ipsa bonorum omnium mater sapientia est, de qua scriptum est Salomone dicente, Lignum uitæ est his qui apprehendunt eam, & qui tenuerit eam beatus. Lignum scientiæ boni & mali, transgressio est mādati. Expleta hæcenus sex dierum opera, qualiter in ecclesia spiritaliter intelligantur exposita sunt. Deinde quid in figura seculi significent, subiiciendum est. Sex diebus consummauit deus omnia opera sua, & septimo requieuit. Sex ætatibus humanum genus in hoc seculo per successiones temporum dei opera insinuant: quarum prima est ab Adam usq; ad Noe, secunda à Noe usq; ad Abraham, tertia ab Abraham usq; ad Dauid, quarta à Dauid usq; ad trāsmigrationem Babyloniae, quinta deinde usq; ad humilem aduentum domini nostri Iesu Christi, sexta quæ nunc agitur usq; quo mundus finiatur, donec excelsus ueniat ad iudicium: septima uero intelligitur in requie sanctorum, quæ scilicet uesperā non habet, quia eam iam nullus terminus claudit. Pergamus ergo breuiter per has mundi omnes ætates, replicantes ordinem temporum earum, & mystice eius differentias distinguamus. Primo enim seculo, factus est tanquā lux homo in paradiso. In qua ætate filios dei in lucis nomine diuisit deus à filiis hominū quasi à tenebris, fitq; huius diei uespera diluuium. Secundum seculum est factum, quasi firmamentum inter aquam & aquam. Arca utiq; illa quæ natauit inter pluuiam & maria, & anterioribus populis propter immanitatē scelerum finem imposuit, & posterioribus post Noe ac filiis eius principiū dedit. Huius uespera, fuit confusio linguarum. Tertium seculum factū est, quando separauit populū suum à gentibus per Abraham uelut à salis & amarissimis aquis, quasi aridam ab aquis, ut proferret germē herbarum atq; lignorum, id est, sanctos, & fructus sanctarum scripturarum. Huius uespera, fuit peccatū atq; malicia pessimi regis Saul. Inde quartum cœpit seculum à Dauid, quando cōstituit deus luminaria in firmamento cœli: id est, splendorem regni tanquā solis excellentiam, & in specie lunæ obtemperantē tanquam lunam synagogam, & stellas principes eius. Cuius ætatis fit uespera in peccatis regum, quibus gens illa meruit captiuari. Porro quinto seculo, id est, in transmigratione Babyloniae, facta sunt quasi animalia in aquis & uolatilia cœli: quia tunc Iudæi inter gētes tanquam in mari uiuere cœperunt, nec habebant stabilem locum tanquā uolantes aues. Huius diei quasi uespera est multiplicatio peccatorum in populo Iudæorum.

daorum, quando sic excæcati sunt, ut etiam dominum Iesum non possent agnoscere. Iam seculū sextum fit, in aduentu domini nostri Iesu Christi. Nam sicut in illa sexta die primus homo Adam de limo terræ ad imaginē dei formatus est: sic in ista sexta seculi ætate secundus Adam, id est, Christus, in carne de Maria uirgine natus est. Ille in animam uiuentem, hic in spiritum uiuificantem. Et sicut in illa die fit anima uiua, sic & in isto seculo uitam desiderantes æternam. Et sicut in illa sexta die serpentium & ferarum genera terra produxit, ita & in hac sexta ætate seculi gentes uitam appetentes æternam ecclesia generauit: quem etiam sensum uas Petro ostēsum manifestauit. Et quem, admodum die sexta creatur masculus & fœmina, sic in ista sexta seculi ætate manifestatur Christus & ecclesia. Et sicuti præponitur homo in die illa pecoribus, serpentibus, & cœli uolatilibus: ita & Christus in hac ætate seculi gentibus, populis, & nationibus ut ab eo regantur: uel carnali concupiscentiæ dediti sicuti pecora: uel terrena curiositate obscurati, quasi serpentes: uel elati superbia, quasi aues. Et sicut in illa die pascitur homo, & animalia quæ cum illo sūt herbis seminalibus & lignis fructiferis & herbis uiridibus: sic & ista sexta seculi ætate, spiritalis homo, qui bonus minister est Iesu Christi, cum ipso populo spiritaliter pascitur sanctarum scripturarum alimentis, & lege diuina ad concupiscendam fœcunditatē rationum atq; sermonum, tanquam herbis seminalibus: partim ad utilitatem morum cōuersationis humanæ, tanquam lignis fructiferis: partim ad uigorem fidei, spei, & charitatis in uitam æternam, tanquam herbis uiridibus, quæ nullo æstu tribulationum arescunt: sic in istis spiritalibus cibus alimentisq; pascitur, ut multa intelligat. Carnales autem, id est, paruuli in Christo, tanquam pecus dei, ut multa credat quæ necdum intelligere ualeat, uel potest: tamen eosdem cibos omnes habent. Huius ætatis autem quasi uespera, utinam nos non inueniat. Illa est enim de qua dominus dicit, Putas ne ueniens filius hominis inueniet fidem super terram? Post illā uesperam fiet mane, quādo ipse dominus in claritate uenturus est. Tunc requiescent cum Christo ab omnibus operibus suis, in quibus dictū est, Estote perfecti, sicut & pater uester qui in cœlis est. Tales enim faciunt opera bona ualde. Post talia enim opera, speranda est requies in die septimo, qui uesperam non habet. Sequitur, Istæ generationes cœli & terræ, quando creatæ sunt, in die qua fecit deus cœlū & terram.) Qui enim superius per dies singulos distincte omnia condita retulit, qualiter nunc simul omnia uno die creatæ sint, subiunxit: ut aliquando ostenderet, quod creatura omnis simul per substantiam exitit, sed non simul per speciem processit. Rerum quippe origo simul creata est, sed simul specie formata non est: & quod simul exitit per substantiam materiæ, non simul apparuit per speciem formæ. Quum enim simul factum cœlum & terra scribitur, simul & spiritalia & corporalia, simul quicquid de cœlo oritur, simul factum quicquid de terra producit, indicatur. Sydera quippe, quarta die in cœlo facta perhibentur. Sed quod quarto die processit in specie,

De genera/
tione cœli &
terræ quando
creata sunt

XI

in specie, primo die in coelis extitit per substantiæ conditionem. Sic & cætera. Scriptum est enim, Qui uiuit in æternum, creauit omnia simul. In die quo fecit omne uirgultum agri, antequàm oriretur in terra, omnemq; herbam regionis, prius quàm germinaret.) Quomodo herba & uiridia agri antequàm exorirentur condita sunt? Et si non erant exorta, quomodo erant facta? Nisi quia causaliter in illo die quando dictum est, Producat terra herbam uiuentem: tunc eam producendi accepit uirtutem: & in ea tanquam in radicibus, ut ita dixerim, temporum facta erant, quæ per tempora futura erant. Non enim pluerat dominus deus super terram, & homo non erat qui operaretur eam.) Quur quod iam sexta die factum fuerat, hoc recapitulando commemorat? Nisi quia quando fecit deus uiridia agri nondum pluerat, nondum homo factus fuerat. Sed fons ascendebat de terra, irrigans uniuersam superficiem terræ.) Fontem, singularem numerum pro plurali posuit: quasi diceret, Nondum pluuia erat, sed fontes per uniuersam terram suis quibusq; locis erumpentes, regiones proprias irrigabant. Noluit hic fontes appellare, sed fontem, propter naturæ unitatem. Vel certe, ut intelligeremus quantum prima terræ generatio à posteriore distet, quæ morulis ad pluuiarum irrigationem uix tandem & tarde perficitur. Illa uero ad iubentis imperium mox exorta apparuit. Istæ generationes cœli & terræ, quando creatæ sunt, in die quo fecit deus cœlum & terram, & omne uirgultum agri, omnemq; herbam regionis, antequàm esset super terram. Superius septem dies numerati sunt: nunc unus dies dicitur, Quo fecit cœlum & terram, & omne uirgultum agri, omnemq; herbam regionis. Huius diei nomine secundum prophetam, omne tempus huius uitæ significatur, in quo cœlum & terra factum, id est, in quo creaturæ uisibiles disponuntur. Sed quid sibi uult, quod nunc nominato cœlo & terra, adiecit, Virgultum agri, & herbam regionis: & tacuit cætera quæ sunt in cœlo & terra, uel etiam in mari? Nisi quia per uirgultum agri, inuisibilem creaturam demonstrat intelligi, sicut est anima: dicta autem uirgultum, propter uigorem uitæ: herba, propter eandem uitam nunquam marcescentem. Deinde quod addidit, Antequàm esset super terram: intelligitur antequàm anima peccaret: terrenis enim cupiditatibus sordidata, tanquam super terram nata, uel super terram esse, recte dicitur. Vnde & adiecit, Nondum enim pluerat dominus deus super terram. Quasi aperte diceret, Antequàm peccaret anima, nondum nubibus scripturarum pluuiam doctrinæ dominus ad animam irrigandam concesserat. Nondum propter hominem, qui est terra, dominus noster nubem carnis assumpserat: per quam imbrem sancti euangelij largissimum infudit. Quod uero subiunxit, Et homo non erat, qui operaretur terram: quia nullus homo operatus est in uirgine, unde natus est Christus. Ipse enim est lapis de monte sine manibus abscisus: id est, absq; coitu, & humano semine, de uirginali utero, quasi de monte humanæ naturæ & substantia carnis abscisus. Sed fons ascendebat de terra, irrigans uniuersam superficiem

De formatio-
ne hominis e
limo terræ

XII

ciem terræ. Terra, mater uirgo domini Maria rectissime accipitur, de qua scriptum est, *Aperiatur terra & germinet saluatorem. Quam terram irrigauit spiritus sanctus, qui fontis & aquæ nomine in euangelio significatur. Sequitur, Formauit igitur dominus hominem de limo terræ.*) Secundum causalem rationem in sex dierum operibus factus est, secundum originem uero temporum nunc formatus est. Nam quādo dictū est, quod factus est homo, ipsam causam fecerat deus, de qua erat suo tempore homo futurus: causa autem de qua in futurum formaretur, id est, terra, hæc præcesserat. Item nonnulli intelligunt ita, ut postquā dictum est, *Formauit deus hominem de limo terræ:* non est additum, *Ad imaginem suam:* quoniam de corporis formatione dicitur. Tunc autem interior homo significabatur, quando dictum est, *Ad imaginem & similitudinem suam.* Quæritur autem utrum uirili ætate formatus est homo: an per spatia temporum creuisset: & utrum fecisset eum deus suæ uoluntatis seruatorem? Verumtamen si hoc hominum futurorum causa, unde erant insiti atque præconditi in die quo factum est cælum & terra, quando creauit deus omnia simul: non aliter Adam de limo factum intelligimus, nisi perfectæ ætatis. Non enim eum tam paruū, quā infantes nostri sunt, factum fuisse credibile est: qui erat in illis causis iam conditus, ubi deus hominem in operibus sex dierum fecit. Et fecit deus hominem de limo terræ. Non uero tale erat corpus mortale iam factum, quale primo homini creatum uidetur ante peccatum: si hoc in quo nunc sumus tale est, quale aut fuit, aut erit: quia primi hominis corpus & si habuit in natura posse non mori, hoc etiam habuit, ut si peccasset, posset morte dissolui. Istud autē cuius corruptio de peccato facta, & ad mortem mortalitas ducit, postquā cecidit in hanc moriendi necessitatē, ita est ab illius primi hominis creatione corporis immutatum, ut ad immortalitatem transire non possit, nisi per mortem. Illud uero corpus quod in resurrectione credimus futurū, immortale semel effectum, mori ultra non poterit. Quod quū fuerit immortalis animæ corpus effectum, sicut ab illa, ita ab eo qualitas moriendi nunquam reparari poterit. Si primi hominis corpus uitale fuit, quod potuit etiam non mori: hoc mortale est, cui necessitas facta est moriendi: quod absolute in futurum immortale erit, iam mori omnino non poterit: ac per hoc illud corpus facultatem non moriendi habuit ex natura: hoc uero mortale, conditionem moriendi habet ex pœna: immortale illud, felicitatem nunquam moriendi habet in gloria. Sequitur, *Et inspirauit in faciem eius spiraculum uitæ, & factus est homo in animam uiuentem.*) Spiraculum uitæ hoc in loco animam coniunctam corpori intelligimus. Si uero homo ille quādo factus est ex limo, corpus & anima erat, nunc ipsius anima ex suis est additum ad istam inspirationem, quando factus est homo in animam uiuentem, dum dicitur, *Inspirauit in eum spiritum uitæ, & factus est homo in animam uiuentem:* non est credendum, uelut partem naturæ dei in animam hominis fuisse conuersam, ut cogamur dicere, naturam dei

dei esse mutabilem, sicut anima, quæ modo proficit, modo deficit, modo sapit, modo desipit. Ergo non est anima, quæ mutabilis est, credenda natura, uel pars dei, propheta attestante, qui ait, Qui finxit spiritum hominis, & ipse scit omnia, & ipse spiritus est anima hominis, euāgelista testāte de anima, quam Christus in carne accepit, quum dixisset dominus, Potestatem habeo ponendi animam meam, quam tunc posuit, quādo inclinato capite emisit spiritum. Vnde nullatenus dubitandum est, spiritum esse animam: quam etiam deus nec de se, nec de qualibet subiacente elemētorum materia, sed de nihilo fecit. Nam si de semetipso eam fecisset, nunquam uitiosa aut mutabilis uel misera esse potuisset. Si uero ex elementis uisibilibus facta fuisset, haberet aut ex terra soliditatem, aut ex aqua humorē, aut flatum ex aere, aut calorem ex igne. Sed quia his omnibus caret, apparet eam inde non esse, quæ cum illis probatur nihil habere commune: & ideo anima, spiraculum dicta est, quia ex nihilo facta: corpori quod animaret, insufflata est. Ideo dicta est spiraculū uitæ, quia & iste aer plerunq; dicitur spiritus. Sed tamen spiritus uitæ non dicitur, quia caret uita. Quæritur autem utrum deus animam insufflando fecit? An eam quam fecerat, corpori dando potius insufflauit? Vtrumq; enim puto esse nec habere aliquid quæstionis, quomodo siue insufflando fecerit animam, siue creādo donauerit: nec de aliquo flatu suo, nec de seipso, sed ex nihilo aut sufflando creauit, aut creādo corpori insufflauit: non quia illud spiraculū conuersum est in animam uiuentem, sed operatus est animam uiuentem. Non dum tamen spiritalē hominē debemus intelligere, quia factus est in animam uiuentem, sed adhuc animale. Tunc enim spiritalis effectus est, quum in paradiso cōstitutus est, & præceptum perfectionis accepit. Itaq; postquam peccauit, & emissus est de paradiso, in eo remāsit ut animalis esset: & ideo animalem hominem prius gestamus omnes, qui de illo post peccatum nati sumus, donec assequamur spiritalem Adam, id est, Christum. Sic enim apostolus dicit, Non primum quod spiritale est, sed quod animale. Formauit igitur deus hominem de limo terræ: id est, factus est Christus, iuxta quod ait apostolus, Ex semine Dauid secundum carnem: tanquam de limo terræ. Et inspirauit in faciem eius spiraculum uitæ. Vtiq; infusionē spiritus sancti, qui operatus est hominem Christum. Et factus est homo in animam uiuentem. Scilicet ut qui perfectus erat deus, perfectus crederetur & homo. Sequitur, Plantauerat autem dominus deus paradysum uoluptatis à principio, in quo posuit hominem quem formauerat.) Paradysus, hortus, siue uoluptas, uel deliciæ interpretatur. Tres sunt opiniones de paradiso: una eorum, qui corporaliter tantummodo paradysum accipiunt: alia eorum, qui spiritaliter tantum: tertia eorum, qui utroq; modo intelligunt. A principio significatur, ex quo manifestatur, quod quasi prius quā deus cælum & terram faceret, paradysum ante condiderat. Produxitq; deus de humo omne lignum, pulchrum uisu, & ad uescendum suaue.) Non ut aliquod noui generis lignum condiderit, sed ex his

De eo quod scriptum est, Plantauerat autem dominus deus paradysum, &c.

XIII

De fluuijs pa-
radisi X.III

generibus quæ iam terra tertia die produxerat, exorta sunt postmodum, & ex illa uirtute, quam iam generandi terra acceperat. Lignum etiam uitæ in medio paradisi, quidam tantum allegorice intelligi uolunt, ad significandam sapientiam, quæ est lignum uitæ. Sed quia sicut petra percussa aquas præbuit, quanquā significauerit Christum, tamen erat historialiter petra: ita & lignum uitæ, quamuis significaret Christum, tamen erat & corporaliter & euidentissime lignum: quod propterea lignum uitæ nuncupatum est, ut dum illi homines inde gustarent, nec morbo, nec senectute deficerent. In cæteris enim erat alimentum, in isto sacramentum. Lignumque scientiæ boni & mali, Non quod ipsum lignum in sua natura rationale esset, uel scientiam boni & mali habuisset: sed propterea appellatum est boni & mali scientiæ, quia homo per experimentum ab ipso didicit, quid esset obedientiæ bonum, & inobedientiæ malum. Sequitur, Et fluuius egrediebatur de loco uoluptatis ad irrigandum paradysum, qui inde diuiditur in quatuor capita. Nomen uni Phison.) Ipse est Ganges, qui nunc dicitur Nilus, qui Æthiopiarum partes irrigat. Tygris uero & Euphrates, etiam nunc nomina eadem tenent. Sed Euphrates fluuius est Mesopotamiæ. Tygris uero contra Assyrios uadit, & post multum circuitum influit in mare rubrum. Vocatur autem hoc nomine propter uelocitatem, ad instar bestiarum nimia uelocitate currentis. Plantauerat autem dominus deus paradysum à principio. Paradysus, ecclesia est: sic enim de illa legitur in Canticis canticorum, Hortus conclusus soror mea. A principio autem paradysus plantatur, quia ecclesia catholica à Christo principio omnium condita esse cognoscitur. Fluuius de paradiso exiens, imaginem portat Christi de paterno fonte fluentis, qui irrigat ecclesiam suam uerbo prædicationis ex dono baptismi. Quatuor autem paradisi flumina, quatuor sunt euangelia ad prædicationem cunctis gentibus missa. Ligna fructifera, omnes sancti sunt. Fructus eorum, opera eorum. Lignum autem uitæ, sanctus sanctorum, Christus scilicet, ad quem quisque si porrexerit manum, uiuet in æternum. Lignum autem scientiæ boni & mali, proprium est uoluntatis arbitrium, quod in medio est positum, ad dignoscendum bonum & malum: de quo qui relictæ gratiæ dei gustauerit, morte morietur. Sequitur, Tulit ergo dominus deus hominem, & posuit eum in paradiso uoluptatis, ut operaretur, & custodiret illum.) Hic recapitulando narrat, quomodo in paradiso posuerit deus hominem, ut operaretur & custodiret illum. Quid operaretur, quando non erat laboris defectio? Quid custodiret, ubi nullus erat aggressor uel prædator? Sed ut sic custodiret eundem paradysum sibi ipsi, ne aliquid admitteret, ut inde mereretur expelli. Vel certe, ut operaretur, ut iustus esset: custodiret, ut tutus esset. Tulit igitur deus hominem, & posuit eum in paradiso. Assumpsit deus carnem, & factus est caput ecclesiæ. Ut operaretur, & custodiret illum. Id est, uoluntatem patris ex omnibus gentibus ecclesiam impleret. Sequitur, Præcepitque

De collocatio-
ne hominis in
paradiso XV

cepitq; ei, dicens,) Quæri potest, quomodo loquebatur deus ad Adam, Vtrum sicut nunc angelis loquitur per cœlestem substantiam: An quomodo patriarchis, per corporalem speciem assumptam ex aere cœlesti: Vel quomodo prophetis, in mente, sicut scriptum est, Et dixit mihi angelus, qui loquebatur in me. Sequitur, Ex omni ligno paradisi comede, de ligno autem scientiæ boni & mali ne comedas.) Non quod ipsum lignum in sua natura rationale esset, uel scientiam boni & mali habuisset: sed quod in eo experiri & scire potuit, quid esset inter obedientiæ bonum & inobedientiæ malum: & ob hoc prohibetur, ut obseruaret præceptum, & obedientem se sub dei dominatione sciret. Ex hac ergo causa, ipsum lignum tale nomē accepit. Ligno uitæ utebatur, quasi ad medicinam, ut incorruptibilis esset: ligno scientiæ boni & mali, quasi ueneno, ut moreretur: & ne tanto extolleretur dominio, sed in obseruatione mandati sciret se subiectum creatori suo.

De ligno scientiæ boni & mali XVI

Sequitur, In quacunque die comederis ex eo, morte morieris.) Sic ergo intelligamus dominum denuntiasse mortem, in eo quod ait, Quacunque die ederitis ex eo, morte moriemini: tanquam diceret, Qua die me deserueritis per inobedientiam, deseram uos per iustitiam. Quomodo poterat mortem timere, quam nullatenus sciebat experiendo? Sicut enim nos scimus resurrectionem, quam nunquam experti sumus, nec uidimus: ita & ille sciebat mortem, non adhuc per experientiam, sed per scientiam. Sciebat quippe quid esset. Et per priuationem uitæ sciebat, quod exiens anima à corpore facit mortem, & dum reuersa fuerit in corpore facit resurrectionem: ita & ille sciebat mortem per priuationem uitæ. Mortem dicit animæ, non corporis: quia non eo tempore mortui sunt quādo comederunt. Ergo hanc quam nunc deus homini minatus est mortem, non eam tantum debemus accipere, qua caro separatur ab anima, sed hanc qua hæc alienatur à deo, qui est uita sua. Sicut enim corpus uiuit ex anima, ita anima, ut beate uiuat, uiuit ex deo. Ergo deserta à deo anima, iure dicitur mortua: ex qua tres postea sequuntur sunt mortes, prima in anima, secunda in carne, tertia in damnatione. Sed ut istæ sequerentur, prima præcessit desertio dei. Sequitur, Dixit quoque deus, Non est bonum hominem esse solum. Faciamus ei adiutorium simile sui.) In prima rerum conditione dictum fuerat, Masculum & foeminam fecit eos: & benedixit eis, dicens, Crescite & multiplicamini, & replete terram. Illa benedictio nuptiarum primorum hominum, ut crescerent & multiplicarentur, & implerent terram, quamuis & in delinquentibus manserit, tamen antequam delinquerent data est, ut cognosceretur procreatio filiorum ad gloriam connubij, non ad pœnam pertinere peccati. Et quamuis emissi de paradiso genuisse commemorantur, credimus tamen eos sine ullo ardore libidinis, uel dolore pariendi gignere potuisse filios in paradiso. Et ex ligno uitæ, uigorem immortalitatis sumentes, perducerentur ad numerum sanctorum, quem expectat quantitas prædestinatorum.

De eo quod scriptum est, Quacunque die comederis XVII

De eo quod scriptum est, Non est bonum &c. XVIII

De impositio-
ne nominum
animalium
XIX

natorum. Nec mirandum est, ut si non peccassent, semper uiuere potuissent: dum Enoch & Helias in Adam quidem mortui, haecenus tamē esse creduntur uiui in corpore. Dixit quoq; deus. Non est bonum esse hominem solum. Arguuntur hæretici, qui Christum solum hominem putant, & non etiam deum. Faciamus ei adiutorium simile sui. Quia in ipso homine suscepto, ecclesia deo copulata est. Sequitur. Formatis igitur dominus deus de humo cunctis animantibus terræ, & uniuersis uolatilibus cœli, adduxit ea ad Adam, ut uideret, quid uocaret ea. Omne enim quod uocauit Adam animæ uiuentis, ipsum est nomen eius. Appellauitq; Adam nominibus suis cuncta animantia, & uniuersa uolatilia cœli, & omnes bestias terræ.) Vt ostēderet quanto priuilegio homo pecoribus antecellit, qui ratione sua cuncta distinguere, & nominatim secernere posset, adducta animalia ad Adam, non circuitu locali, sed occulto nutu diuina potentia uoluit ut uenirent, & homo intelligeret se ipsum quanto melior esset bestiis, dum cunctis nomina etymologiarum imponit: & eo magis conditorem suum diligeret, quo se meliorem cunctis uiuentibus, quibus nomina imposuit, esse sciret. Appellauit autem Adam nominibus suis cuncta animantia & uolatilia cœli, & bestias terræ, significans gentes quæ saluæ fierent in ecclesia, & per eundem dominum nomen Christianitatis erant accepturæ, quod prius non habuerant, sicut scriptum est, Et uocabo seruos meos nomine alio. Sequitur. Adæ uero non inueniebatur adiutorium simile eius.) Quia inter omnia animantia terræ nullum rationale inueniebatur, nisi ille solus. Immisit ergo dominus deus soporem in Adam. Quumq; obdormisset, tulit unam de costis eius, & repleuit carnem pro ea.) Iste sopor ad hoc intelligit emissus, ut ipsius mens per ecstasin particeps fieret angelorum: & intrans in sanctuarium dei, intelligeret in nouissima: & euigilans, tanquam prophetia plenus, sacramentum quod commendat apostolus eructaret. Tulit unam de costis eius, & repleuit carnem pro ea. Ista omnia futura in Christo & ecclesia facta sunt, & sunt plena mysterijs & sacramentis, quæ suo loco dicenda sunt. Adæ uero non inueniebatur adiutor similis eius. Vtiq; quoniam quamuis fidelis aut iustus quisq; sit, Christo tamen æquari non potest, quia nullus similis ei inter filios dei. Nemo enim poterat à morte genus hominum liberare, & ipsam mortem superare, nisi Christus. Sequitur. Et ædificauit dominus deus costam quam tulerat de Adam in mulierem.) Quomodo hic fœminam creauit deus, qui superius ab omni opere requieuit? Non eam creauit in materia, sed expressit in forma. Prius enim originaliter in uiri latere facta est, cuius postea detracta costa exinde mulier facta est. Quæritur utrum fœmina de latere uiri formata, ex eius anima acceperit animam? Et utrum sicut caro nascentium ex carne, sic animæ ex animabus procreentur? An nouæ semper creentur à deo ex nihilo? Quæ quæstio in definiendo difficilis est: quia nihil à sanctis uiris, uel scripturarum auctoritate manifestius pronuntiatum est. Dormiuit Adam, & fit illi mulier de latere

De Adæ quod
non inuenie-
batur adiutor
XX

De costa
extracta
XXI

latere: patitur Christus, fit eo moriente ecclesia de sacramento sanguinis, qui de latere mortui profluxit. Sequitur, Et adduxit eam ad Adam, ut uideret quid uocaret eam. Dixitq; Adam, Hoc nunc os ex ossibus meis, & caro de carne mea. Hæc uocabitur uirago, quoniam de uiro sumpta est.) Vt uocaret mulierem, uitam: sic enim interpretatur Eua, uita, siue calamitas. Alijs enim uita, alijs uero calamitas. Hæc uocabitur uirago, quoniam de uiro sumpta est. Nam uirago habet similitudinem cum uiro, mulier non habet. Et posuit carnem pro ea.) Ita & Christus posuit carnem suam moriendo in patibulo crucis, pro ecclesia. Dixitq; Adam, Hoc nunc os ex ossibus meis, & caro de carne mea. Quia siue sancti spiritales & fortissimi in temptationibus, siue minus perfecti, utriq; unum corpus Christi sunt, & una ecclesia. Hæc uocabitur uirago, quoniam de uiro sumpta est. Sic & Christus ecclesiæ nomen dedit Christianum, quæ de latere eius sumpta est. Hæc igitur omnia facta sunt in figura, quæ erant in ecclesia proditura. Sequitur, Quamobrem relinquet homo patrem & matrem, & adhærebit uxori suæ, & erunt duo in carne una.) Beatus apostolus Paulus hoc capitulum ita exponit, dicens, Sacramentum hoc magnū est, ego autem dico in Christo & in ecclesia. Sed quomodo Christus reliquerit patrem, quum una substantia sit cum patre: aut ubi esse poterit pater sine filio, quum de ipso filio, qui est sapientia patris, dicatur: quod attingit à fine usq; ad finem fortiter, & disponit omnia suauiter? Totus ubi est filius, ibi est & pater: & nō potest esse pater sine filio, nec filius sine patre: quia scilicet sicut inseparabiles sunt in natura, ita & inseparabiles in persona. Sic enim ipse filius de patre dicit in euangelio, Qui me misit, mecum est. Quomodo igitur dereliquit patrem, ut adhereret uxori suæ, id est, ecclesiæ suæ? Nisi illo modo quo apostolus ait, Qui quum in forma dei esset, non rapinam arbitratus est esse se æqualem deo, sed semetipsum exinaniuit, formam serui accipiens. Ipsa igitur formæ seruilis acceptio, exinanitio est: & ipsa exinanitio, quam non sit diuinitatis abolitio, aut naturæ amissio, tamen propter formam serui in qua dignoscitur apparuisse, iure dicitur patrem dereliquisse. Dereliquit & matrem: synagogam scilicet, ueteri testamento carnaliter inhærentem. Et adhæsit uxori suæ: id est, sanctæ ecclesiæ, ut pace noui testamēti essent duo in carne una. Sequitur, Erat autē uterq; nudus, Adam scilicet, & uxor eius, & non erubescabant.) Non quod eis nuditas esset incognita, sed turpitudinis nuditas nondum fuerat agnita, quia nondum libido membra illa extra arbitrium commouebat: quia nullam legem in membris suis senserant, repugnantem legi mentis suæ. Nihil enim uelandum putabant, quia nihil senserant refrenandum. Nam ex pœna peccati euenit homini, ut sua ipsius ei rebellis esset caro, quia ipse rebellis extitit creatori suo in actibus suis: & idcirco erubuit postmodum de corpore suo. Sequitur,

SED & serpens erat callidior præ cunctis animantibus terræ, quæ fecerat dominus deus.) Non ex sua natura, sed ex diabolici spiritus inflatione,

De eo quod scriptum est,
Hoc nunc os
XXII

De nuditate
protoplasto
rum XXIII

CAP. III
De calliditate
serpentis

XXIII

quæ

quæ in illo erat, & per illum dolum agebat. Vtebatur enim serpente diabolus, quasi organo, ad perpetrandam calliditatis suæ maliciam. Quod uero ait, Præ cunctis animantibus terræ: ostendit, quod quamuis præuaricatores angeli per superbiam fuissent eiekti, natura tamen excellentiores sunt, & astutiores omnibus animantibus terræ. Nam ille angelus de spiritali tantum paradiso cecidit: homo uero & de spiritali & de corporali. Erat enim ille corporalis paradisu, quo per exteriorem sensum corporis fruebatur: erat & spiritalis, in quo per mentis cōtemplationem interius lætabatur. Dicitur ergo illi, Ex omni ligno paradisi comedes: de ligno autem scientiæ boni & mali ne comedas.) Præcipitur enim nobis, ut fruamur omni ligno paradisi, quo significantur spiritalis deliciae, de quibus ait apostolus, Fructus autem spiritus est charitas, gaudium, pax, longanimitas, benignitas, bonitas, māsuetudo, continentia, castitas. Et non tangamus lignum in medio paradisi plantatum, scientiæ boni & mali: id est, non uelimus superbire natura arbitrii nostri, quæ media est: ut decepti per scientiam, experiamur & malum. Serpens autem ille sapientior omnium bestiarum, indicat diabolum, qui inde serpens dicitur, quod uolubili uersetur astutia. Sequitur, Qui dixit ad mulierem, Quur præcepit uobis deus, ut non comederetis de omni ligno paradisi.) Quæri potest, si serpens sonos uerborum, quos per eum diabolus loquebatur intelligere potuit: neque enim credibile est, eum intelligere potuisse, quæ per eum diabolus agebat. Non itaque serpens uerborum sonos intelligebat, qui ex illo fiebāt ad mulierem. Non enim conuersa credenda est anima eius in naturam rationalem: quandoquidē nec ipsi homines, quorum rationalis natura est, quum dæmon in eis loquitur, ea passione, quum ab exorcista requiruntur, sciunt quid loquantur, sed mente captus nescit quæ loquit. Ita & serpens uerba edebat quæ non intelligebat: & idcirco suasit, ut uolūtas diuina despiceretur, & propria teneretur. Sequitur, De lignorū fructu, quæ sunt in paradiso, uescimur: de fructu aut ligni, quod est in medio paradisi, præcepit nobis deus, ne comederemus, & ne tangeremus illud, ne fortē moriamur. Dixit autē serpens ad mulierem, Nequaquā morte moriemini. Scit enim deus, quod in quacūque die comederitis ex eo, aperientur oculi uestri: & eritis sicut dii, sciētes bonum & malum.) Quur mulier interrogata à serpente, respondit: nisi ut præuaricatio eius esset inexcusabilis: quum nullo modo dicere potuit, se oblitā fuisse diuini mādātis: quatenus ex uoluntario libero arbitrio, seruando diuinum præceptū, laudabilis appareret, & in contēnendo damnabilis esset. In eo enim quod dixit, Aperientur oculi uestri: hoc persuadet, ut sub deo esse nollent: sed similes ei essent: non indigentes illius interno lumine, sed uiuentes propria prouidentia ad dignoscendū bonum & malum, quod ille prohibuisset. Sequitur, Vidit igitur mulier, quod bonū esset lignum ad uescēdum, & pulchrum oculis, aspectuque delectabile.) Quomodo potuit mulier credere serpenti, diuinitatem sibi promittenti: nisi fortē iam inerat in mente illius antea amor quidā propriæ potestatis,

statis, & quædam de se superba præsumptio, quæ per illam tentationem fuerat uincenda & humilianda. Vidit igitur mulier, quod bonum esset lignum. Quomodo uidebant, si clausos oculos habebant? Sed considerauit lignum post serpentis persuasionem, ut exploraret, si quid in eo mortiferum esset: & dum nihil tale in eo prospexit, confidentius ex eo gustauit, comedit, deditque uiro suo. Merito scilicet animal lubricum, & tortuosis anfractibus mobile, operi suo congruum per quem loqueretur, elegit: eoque per angelicam præsentiam præstantioremque naturam spiritali nequitia sibi subiecta, & tanquam instrumento abutens, fallacia sermocinatus est sceminae, à parte scilicet inferiore illius humanæ copulæ incipiens, ut gradatim perueniret ad totum, non existimans uirum facile credulum, nec errando posse decipi, sed dum alieno cedit errori: sicut & Aaron erranti populo ad idolum fabricandum non consensit inductus, sed cessit obstrictus: nec Salomonem credibile est errorem putasse: ita credendum est illum uirum suæ sceminae uni unum, hominem homini coniungi, ad dei legem transgrediendam non tanquam uerum loquenti credidisse seductum, sed sociali necessitudine paruiffe. Non enim frustra dixit apostolus, Adam non est seductus, mulier autem seducta est: nisi quod illa quod ei serpens loquutus est, tanquam uerum esset, accepit, Ille autem ab unico noluit consortio dirimi, nec in communione peccati, nec ideo minus reus si sciens prudensque peccauit. Sequitur, Et aperti sunt oculi amborum.) Neque enim cæci nati erant, ut imperitum uulgus opinatur, quando & ille uidit animalia, quibus nomina imposuit: & de illa legitur, Vidit mulier, quia bonum est lignum. Patebant enim oculi eorum: sed ad hoc non erant aperti, hoc est, non attenti, ut cognoscerent, quid eis indumentum gratiæ præstaret, quando membra eorum uoluntati repugnare nesciebant: qua gratia remota, ut pœna reciproca, inobedientia plecteretur, extitit in motu corporis quædam impudens nouitas, unde esset indecens nuditas, & fecit attentos, reddiditque confusos. Sequitur, Quumque cognouissent se esse nudos.) A gratia scilicet, à qua illis fiebat, ut nuditas corporis, in illa lege peccati eorum mentes repugnando confunderet. Sed quid est, quod ipse per mulierem decipit, & non per uirum? quia non potest ratio nostra seduci ad peccandum, nisi præcedente delectatione in carnalis infirmitatis affectu, qui magis debet obtemperare rationi, tanquam uiro dominanti. Hoc enim in uno quoque homine geritur in occulto quodam secretoque coniugio. Suggestionem quippe serpentem accipimus, mulierem uero animalem corporis sensum, rationem autem uirum. Ergo quando occurrit mala suggestio, quasi serpens loquitur. Sed si sola cogitatio oblectatur illa suggestionem, & refrenante ratione consensus explendi operis non succedit, sola uidetur mulier comedisse illicitum. Quod si ipsum peccatum etiam & mens perperandū decernat, iam uir deceptus est, iam mulier cibum dedisse uiro uidetur. Illicito enim consentire, de ligno prohibito manducare est. Tunc quippe iure à uita beata tanquam à paradiso expellitur homo, peccatumque ei imputatur, etiam si non



De apertione
oculorum

XXV

De eorum
nuditate

XXVI

si non sequatur effectus: quia & si non est in factis culpa, in consensu tamen rea tenetur conscientia. Hæc secundum anagogen: cæterū iuxta metaphoram poterit callidus serpens iste hæreticorum uersutiam designare. Nonnulli enim loquacius atq; subtilius promittunt illicita curiositate secretorum ad apertionem atq; scientiam boni & mali, & in ipso homine tanquam in arbore quæ plantata est in medio paradisi suam dinoscentiā nituntur demonstrare. Contra hunc serpentē clamat apostolus, quū dicit, Metuo ne sicut serpens Euam seduxit astutia sua, sic sensus uestri corrumpantur. Seducitur uerbis huius serpentis carnalis nostra cōcupiscētia, & per illam decipitur Christianus Adam non Christus. Dicit ergo iste ad mulierē, Quur præcepit uobis deus, ut non comederetis ex omni ligno paradisi? Sic hæreticorū curiosa cupiditas, sic prædicatores prauī ad diligendam erroris fallaciam auditorum carnalium corda succendunt, dicētes, Quare fugitis sciētiam habere latentem? Noua semper exquirite, boni maliq; sciētiam penetrate. Vnde est illud in Salomone, quod mulier illa hæreticorum speciem tenens dicit, Aquæ furtiue dulciores sunt, & panis absconditus suauior. Subiecit deinde idem serpens, Quacumq; die comederitis statim aperientur oculi uestri, & eritis ut dñi scientes bonum & malum. Sic & omnes hæretici diuinitatis meritum profitentur, atq; scientiæ pollicitatione decipiunt & reprehendunt eos quos simpliciter credentes inuenierint: & quia omnino carnalia persuadent, quasi ad carnalium oculorum adapertionem conātur adducere, ut interiores oculos obscurent. Vidit igitur mulier quod bonū esset lignum, tulitq; de fructu illius & comedit. Mulier comedit antea non uir, ideo quia carnales facilius persuadentur ad peccatum, nec tam uelociter spirituales decipiuntur. & dedit uiro suo, & comedit: utique quia post delectationem carnalis cōcupiscētiæ nostræ, etiam ratio nostra subiicitur ad peccādum. Sequitur, Consuerunt folia ficus, & fecerunt sibi perizomata.) Quod nos campestria possumus nūcupare. Postquā cognouerunt miserabiliter se nudatos à gratia, qua fiebat, ut nuditas corporis nulla lege peccati mentem eorum repugnando confunderet: hoc postmodum cognouerunt, quod felicius ignorarent, si deo obediētes & credentes non cōmitterent quod cogeret experiri. Proinde confusi inobediētia carnis suæ, tanquam teste, poena inobediētiæ suæ consuerunt folia ficus, & fecerunt sibi perizomata, siue campestria, quod nos alio nomine succinctoria possumus appellare. Campestria autem ex eo dicta, quod iuuenes qui nudi exercebantur in campo, pudenda operiebant. Vnde qui ita succincti sunt, cāpestratos uulgus appellat. Quumq; cognouissent se esse nudos, cōsuerunt folia ficus, unde se contegerent. Qui seculum asperum amplectuntur, qui pro religione uoluptatis carnalis arētantur, quiq; decepti hæretica prauitate, & gratia dei nudati, tegimenta mendaciorum tanquam folia fici colligunt, faciunt sibi succinctoria

De uoce dei uanitatis, quū de domino uel ecclesia mentiūtur. Sequitur, Et quum audisset uocem dei deambulantis in paradiso ad auram post meridiem.) Quid est quod

De folijs ficus
XXVII

De uoce dei
XXVIII

est quod post peccatum hominis in paradiso, dominus iam non stat, sed ambulat: nisi quod irruente culpa à corde illorum remotum se demonstrabat, quos iam in suo præcepto stabiles non uidebat. Quid est quod ad auram post meridiem dicit: nisi quod lux feruētior ueritatis ab eis abscefferat, & peccatrices animas constringebat frigus infidelitatis. Abscondit se Adam & uxor eius à facie domini dei, in medio ligni paradisi.) Hæc ei insipientia de peccati poena accessit, ei se latere posse uelle, quem latere nihil potest. Increpauit ergo dominus Adam deambulans, ut cæcis mentibus nequitiam suam non solum sermonibus, sed etiam rebus aperiret: quatenus peccator homo per uerba quod fecerat, audiret: & per deambulationem amisso æternitatis statu, mutabilitatis suæ inconstantiam cerneret: & per auram feruore charitatis à se expulso, torporem suum animaduerneret: & per declinationem solis cognosceret, quod ad tenebras propinquaret. Sequitur, Vocauitque dominus deus Adam, & dixit ei, Adam ubi es?) Increpantis uox est, non ignorantis. Non utique ignorando quaesuit, sed increpando admonuit, ut attenderet ubi esset, & unde cecidisset, tanquam si diceret, Qualis fueras quando obediendo simpliciter incedebas, & qualis nunc appares quando præuaricator effectus es? Qui & si prius fortassis cum illis loquebatur sicut cum angelis, nunc autem per subiectam creaturam illis apparuisse credendus est, & dicit, Adam ubi es? Vidit eum sub culpa lapsum, & iam suo peccato ueluti ab oculis ueritatis absconditum, quia tenebras erroris eius non approbat. Per hoc quod uocat dicēs, Vbi es? signum dat, quia ad poenitentiam reuocat. Per hoc quod requirit, aperte insinuat, quia peccatores iure damnantur. Sequitur, Qui ait, Vocem tuam audiui in paradiso, & timui, eo quod nudus essem, & abscondi me.) Iam miserrimo errore tergiuersando respondit, quasi ideo possit displicere, quod nudus esset, quum utique melius deo placeret, si sic maneret, sicuti eum ipse fecerat. Et timui. Hoc est quod scriptum est, Auertisti faciem tuam à me, & factus sum cōturbatus. Eo quod nudus essem. Ante peccatum enim ideo se nudum non agnoscebat, quia eius intentio in supernis erat. Et abscondi me. Quare? Quia in illa nuditate iam non audebat apparere, de qua ipse coeperat erubescere. Sequitur,

Quis indicauit tibi, quod nudus esses? nisi quod ex ligno de quo præceperam tibi ne comederes, comedisti.) Tunc ille non ad se culpam retulit, sed ad mulierem, quam dominus dederat, & reatum suum oblique in authorem redegit, qui ei mulierem dederat, quæ ei talia persuaderet: ad cumulum peccati sui superbe respondit, non humiliter: quasi querimoniam in deum dirigeret, quur ei talem dedisset sociam, unde ei occasio peccati esset. Similiter & mulier suæ culpæ causam in creatorem refert, quare serpētem per quem deciperetur in paradiso creauerit, uel intrare permiserit. Serpens autem iam non requiritur, quia nec eius poenitentia quærebatur. Requisiti uero ad poenitentiam, uocem defensionis contra iustam correptionem protulerunt. Vnde nunc usque in usum peccatum trahitur, ut culpa quum agitur, defendatur, & unde finiri

reatus debuit, inde cūmuletur. Nam serpens non interrogatur, quia nec confiteri peccatum potest, nec habet unde se excuset. Prior tamē excepit pœnam, & non eam quæ ultimo iudicio reseruatur ipsi & angelis eius. Sed pœna eius hoc in loco dicitur, ut in potestate habeat eos, qui dei prœcepta contemnunt, & inde maior pœna est illi, quia de tali infelicitate lætatur. Sequitur, Et ait dominus deus ad serpentem, Quia fecisti hoc, maledictus es inter omnia animalia & bestias terræ. Super pectus tuum gradieris, & terrā comedes cunctis diebus uitæ tuæ.) Nunc quod ad serpentem dicitur, & ad eum qui operatus est per serpētem, pertinere noscitur: non ad animal irrationabile, qui hoc non in sua natura uel uoluntate habuit, ut faceret: sed diabolus hoc de illo & per illum est operatus. Super pectus tuum gradieris, & terrā comedes. Siquidem in pectore calliditas nequitiarum eius indicatur, qui & terram deuorat dum luxuria & libidine peccantiū pascitur & delectatur. Quumq; audissent uocem domini dei deambulantis in paradiso ad auram post meridiē. Deambulat deus in illis, & nō stat, qui stabiles in eius prœcepto non perseverant, & bene, ad auram post meridiem: quia iam ab eis aufertur lux illa feruentior ueritatis appropinquātibus errorū tenebris. Absconderunt se à facie dei, in medio ligni paradisi. In medio namq; ligni se abscondit, qui auersus à prœcepto creatoris, in erroris atq; arbitrii sui uolūtatibus uiuit. Vocauitq; deus Adam dicens, Adā ubi es? Hic ostēdit quia si qui à fide uel bonis operibus ad mendacia sua desideriaq; labuntur, non despicit illos deus, sed adhuc ut redeāt ad pœnitentiam uocat, quia non uult mortem peccatoris, sed ut cōuertatur & uiuat. Ergo non est desperandū quibuslibet peccatoribus, dum & ipsi impij ad spem indulgentiæ prouocātur. Dicitur autem post hæc serpenti, Maledictus eris inter omnia animātia, super pectus tuum & uentrem gradieris. Nomine pectoris significatur superbia mentis, nomine autem uentris significātur desideria carnis. His enim duabus rebus serpit diabolus aduersus eos quos uult decipere, id est, aut terrena cupiditate & luxuria, aut superbię insana ruina. Et terram manducabis: id est, ad te pertinebunt quos terrena cupiditate deceperis. Omnibus diebus uitæ tuæ: id est, omni tēpore quo agis hanc potestatem, ante illam ultimam pœnam iudicij. Sequitur, Inimicitias ponam inter te & mulierem, & semen tuū & semen illius: ipsa conteret caput tuum, & tu insidiaberis calcaneo eius.) Semen mulieris est totum genus humanū, semen serpentis carnalia desideria. Quæ duo semina, continuū inter se gerere odiū debent, ut non faciamus ea quę diabolus uult. Quid est quod ait, Ipsa conteret caput tuum, & tu insidiaberis calcaneo eius? Caput serpētis est cogitatio illicitæ suggestionis, quod nos omni intentione contere atq; allidere ad petrā quæ est Christus, debemus. Calcaneū mulieris, est extremū uitæ nostræ tempus, quo diabolus nos acrius impugnare saragit: cui si uiriliter resistimus, uictoriā perseverantiæ cum salute nostra percipiemus. Inimicitias ponam inter te & mulierem, semen tuū & semen illius. Semen diaboli, peruersa suggestio est. Semen

De inimicitijs
inter mulie-
rem & serp.
XXIX

mulieris

mulieris, fructus est boni operis quo peruersæ suggestioni resistit. Ipsa caput illius cõterit, si eum mens in ipso initio malæ suggestionis excludit. Ille insidiatur calcaneo eius: quia mentē quam in prima suggestionē non decipit, decipere in fine contēdit. Quidam autem hoc quod dictum est, Inimicitias ponam inter te & mulierem, de uirgine unde natus est dominus intellexerūt, eo quod illo tempore ex ea dominus nasciturus ad inimicū deuincendū, & mortem cuius ille author erat destruendā promittebatur. Nam illud quod subiūctū est Ipsa cõteret caput tuum, & tu insidiaberis calcaneo eius, hoc de fructu uentris Mariæ, qui est Christus, intelligunt: id est, tu eum supplantabis ut moriatur, ille autem uictor resurget, & caput tuum conteret, quod est mors: sicut & Dauid dixerat ex persona patris ad filium, Super aspidem & basiliscum ambula bis, & conculcabis leonem & draconem. Aspidem dixit mortem, basiliscū peccatum, leonem antichristū, draconem diabolū. Sequitur, Sub uiri potestate eris, & ipse dominabitur tibi. Quæritur quū dicit, Sub uiri potestate eris, si nō peccasset mulier, si esset sub potestate uiri? Esset itaq; sed ea seruitute quæ per dilectionē operatur, & foras mittit timorem: post peccatū uero condicionalis seruitutis timore qui per disciplinā operatur, ueniens de maledictionis pœna, & nō potius de æqualitate naturæ. Appetitū ergo eius uir habet subiugatum, ut iuxta hanc legem mulieri modum imponat. De pœna aut mulieris quid significat quod ei dicitur, In dolore paries filios: nisi quia carnalis uoluntas quum aliquā malam consuetudinē uult uincere, patitur in exordio dolores, atq; ita per meliorem cõsuetudinem parit bonū opus quasi filios? Quod uero adiecit, Et conuersio tua ad uirū tuum, & ipse tui dominabitur: hoc significat, quod illa uoluptas carnalis quæ cum dolore reluctauerat, ut faceret consuetudinē bonam, iam ipsis erudita doloribus cautior fit, & ne corruat obtemperat rationi, & libēter seruit, quasi uiro iubenti. Sequitur, Adæ uero dixit, Quia audisti uocē uxoris tuæ. Culpat itaq; uirum, quia præueniēs dei mandatum, uxoris praposuīt uoluntatē, cui debuit dominari. Et comedisti ex ligno de quo præceperā tibi ne comederes. Denuo arguitur de gulæ concupiscentia, quæ in lapsu præuaricationis pœna secunda post superbiam est. Maledicta terra in opere tuo. Opera hic non ut ruris colēdi sit, sed peccata significat, ut in Hebræo habetur. Hoc & in Aquila nō discordat, dicēs, Maledicta humus propter te. Spinas & tribulos germinabit tibi. Incentiua quodam modo uitiorum quæ in nobis nullo modo essent, si felicitatē paradisi primus homo non perdidisset. Sequitur, In sudore uultus tui uesceris pane tuo, donec reuertaris in terram de qua sumptus es. Illum intelligi uoluit panem, qui se de cœlo descendisse testatus est, qui dat uitam mundo. Hunc ergo panem cum maximo sudore & poenitentiæ satisfactione, accipiunt poenitētes. Quum uero dixisset deus, Adam ubi es, mortē significauit animæ quæ facta est illo deferente: & dicendo, Puluis es, & in puluerem reuerteris, mortem significauit corporis, quæ illi sit anima discedēte. Propterea de morte secūda nihil dixisse creden-

De tunicis pel-
liceis XXX

credendus est, quia occultam esse uoluit propter dispensationē testamenti noui, ubi secunda mors apertissime declaratur, ut prius ista mors quæ cōmunis est omnibus. Mors uero secūda non utiq; cōmunis est omnibus. Sequitur, *Fecit quoq; dominus deus Adæ & uxori eius tunicas pelliceas, & induit eos.* In tunicis pelliceis mortis est intelligēda conditio, ut qui per inobedientiā dei similitudinē, id est, immortalitatē tenere noluerunt, per mortis conditionē similitudinē susciperent iumentorū & pecudum. Ipsi sibi præcinctoria de folijs fici, & deus illis tunicas pelliceas fecit: id est, ipsi appetierunt mentiendi libidinem relictā facie ueritatis, & deus mutauit corpora eorum in ista mortalitate carnis: quia quū homo per superbiā deus esse appetijt, usq; ad belluarū mortalitatem deiectus est. Sequitur, *Ecce Adā quasi unus ex nobis factus est.* Id est, quasi ipse dominus & creator eius, quod pertinet ad irrisiōnē insultantis: & nobis, ad exemplū timoris: quod non solū non ita fuit, ut fieri uoluit, sed nec illud quod factus fuerat cōseruauit. Quod uero addidit, *Quasi unus ex nobis:* hoc propter trinitatē dictum est: sicut & illud, *Faciamus hominē ad imaginem & similitudinē nostram.* Sequitur, *Sciens bonū & malum.* Vt ipse per experimentū malum disceret, quod deus per sapientiam nouit. Sequitur,

Nunc ergo uidete, ne fortē mittat manum suam, & sumat etiam de ligno uitæ, & comedat, & uiuat in æternum.) Vere ut clemētissimus dominus eisdem dignatus est consulere ad salutem, ne fortē per transgressionē indigni iam facti de ligno uitæ præsumerent edere, & ad perpetuū uiuerent cruciatum. Exules itaq; sunt ab illius esu ad tempus effecti, ut per cōgruam poenitentiae satisfactionem, rursus illuc unde emissi fuerant reuerterentur. Potest ergo uideri propterea in labore homo huius uitæ esse dimissus, ut aliquando manū porrigat ad arborē uitæ. Emisitq; eum dominus deus de paradiso uoluptatis, ut operaretur terram de qua sumptus est.) Id est, in isto corpore laboraret, & ibi posset collocare sibi meritū redeūdi. Et collocauit eum ante paradysum.) Et hoc significantia factum est, ut contra paradysum in quo beata uita etiam spiritaliter significabatur, habitaret peccator utiq; in miseria. Et ordinauit Cherubin & flammeā rompheam quæ uertitur, custodire uiam ligni uitæ.) Hoc per cœlestes utiq; potestates etiam in paradiso uisibiliter factū esse credendum est, ut per angelicum ministeriū esset illic ignea quædam custodia. Non tamen frustra factū est, nisi quia significari aliquid etiam de spiritali paradiso non est utiq; dubitandū: sed alius sensus in Hebræo est, quā hic legitur, ait enim, *Eiecit Adam* (haud dubium quin dominus) *& habitare fecit ante paradysum uoluptatis Cherubin & flammeum gladium qui uerteretur, & custodiret uiam ligni uitæ.* Non quod ipsum Adam quē eiecerat deus habitare fecerit contra paradysum uoluptatis: sed quod illo eiecto ante fores paradysi Cherubin & flammeum gladium posuerit ad custodiendū paradisi uestibulum, ne quis possit intrare. Vocaturq; dehinc Eua mater uiuorū, id est, recte factorum: quibus contraria sunt peccata, quæ nomine mortuorum significatur.

tur. Iam uero per sententiam quæ in uirum infertur, ratio nostra arguitur: quæ & supra peccati concupiscētia seducta, à paradiso beatitudinis remota, habet maledictiones terrenę operationis, habet & dolores temporaliū curarū, quasi spinas & tribulos. Sic tamen dimittit de paradiso beatitudinis, ut operaretur terram, id est, in corpore isto laboret, & collocet sibi meritum redeundi ad uitam beatam, quæ paradisi nomine significatur: possitq; aliquando manū porrigere ad arborē uitæ, & uiuere in æternum. Manus autem porrectio bene significat crucem uel cruciatum pœnitentiæ, per quem uita æterna recuperatur. Accipit etiam tunicam pelliceam diuino iudicio, quo nomine corporis mortalitas significatur in historia. In allegoria autē à carnalibus sensibus abstractæ uoluptates, quæ carnaliter uiuentem diuina lege consequuntur & contegunt: qui si aliquando ad deum conuertitur, per flammeam frameam, id est, per tribulationes temporales peccata sua agnoscendo & gemēdo: & per Cherubin, id est, per plenitudinē sciētīæ, quod est charitas, peruenit ad arborē uitę Christi, & uiuet in æternum. Cherubin namq; plenitudo sciētīæ interpretatur: framea uero uersatilis posita ad custodiendā uiam ligni uitæ, temporales pœnæ intelliguntur. Nemo enim potest peruenire ad arborem uitæ, nisi per has duas res, tolerantiam scilicet molestiarū, & plenitudinē scientiæ: id est, per charitatem dei & proximi. Plenitudo enim legis est charitas. Sequitur,

ADAM uero cognouit Euam uxorē suam, quæ concepit & peperit Cain dicens, Possedi hominem per deum.) Cain autem interpretatur possessio, unde dictum est quando natus est, Acquisiui hominē per deum. Neq; enim illo nato dixisset Adam quod dixisse legitur, Acquisiui hominem per deum: nisi illis duobus ipse fuisset homo nascendo additus primus. Natus est igit prior Cain, ex illis duobus generis humani parentibus, pertinens ad hominū ciuitatem: posterior Abel, ad ciuitatē dei. Sicut enim in uno homine (quod dixit apostolus) experimur, quia nō primum quod spiritale est, sed quod animale, postea quod spiritale: unde unusquisq; quoniam ex damnata progenie exoritur, primo sit necesse est ex Adā malus atq; carnalis: quod si in Christū renascendo profecerit, poterit esse bonus & spiritalis. Sic in uniuerso genere humano quum primū istæ duæ cœperunt nascendo atq; moriendo procurrare ciuitates, prior est natus ciuis huius seculi, posterius autē isto peregrinus in seculo & pertinens ad ciuitatem dei. Sequitur. Fuit autem Abel pastor ouium, & Cain agricola. Factum est autem post multos dies, ut offerret Cain de fructibus terræ munera domino. Abel quoq; obtulit de primogenitis gregis sui, & de adipibus eorum. & respexit deus ad Abel & ad munera eius: ad Cain uero & ad munera eius non respexit. Iratusq; est Cain uehementer, & concidit uultus eius.) Vnde scire poterat Cain, quod fratris munera suscepisset deus, & sua repudiasset: nisi quod illa interpretatio uera est, quā Theodotion posuit. Et inflammauit dominus super Abel, & super sacrificiū eius: super Cain uero & super sacrificiū eius non inflāmauit. Ignem autem ad sacrificiū deuorandū

CAP. IIII
De natiuitate
Cain XXXI

De munerib.
Abel & Cain
XXXII

solitū uenire de cœlo, & in dedicatione tēpli sub Salomōne legimus, & quādo Helias in monte Carmelo cōstruxit altare. Sequit̃, Dixitq̃ dominus ad eum, Quare iratus es? & quur cōcidit facies tua? Nōne si bene egeris, recipies: fin autem male, statim in foribus aderit peccatū tuum? Sed sub te erit appetitus eius, & tu dominaberis illius.) Hoc est, quare irasceris, & inuidiæ in fratrē liuore torqueris? quur iratum uultum dimittis in terram? nōne si bene egeris dimitteretur tibi omne delictum? siue, ut Theodotion ait, acceptabile erit: idest munus tuum suscipiā, ut suscepi fratris tui: quod si male egeris, illico peccatum tuū ante uestibulū tuum sedebit, & tali ianitore comitaberis? Verū quia liberi arbitrii es, moneo ut nō tui peccatum, sed tu peccato domineris. Natiuitas duorum filiorū Adam, similitudinē habet duorū populorū qui erant diuersis temporibus ad fidem uēturi, pari opere & dissimili charitate ante deum. Fuit autē Abel pastor ouīū, & Cain agricola. Sed sicut Cain sacrificiū ex terrā fructibus reprobat, Abel autē sacrificiū ex ouibus & earū adipe suscipit: ita noui testamēti fides ex innocētia grata deum laudans, ueteris testamēti terrenis operibus antefertur. Sequit̃, Dixitq̃ Cain ad Abel fratrem suum, Egrediamur foras in agrū. Quumq̃ essent in agro, cōsurrexit Cain aduersus fratrem suū, & interfecit eum. Et ait dominus ad Cain, Vbi est Abel frater tuus? Qui respōdit, Nescio.) Interrogat non tanq̃ ignarus, sed tanq̃ iudex qui reum puniat. Vox, inquit, sanguinis fratris tui clamat ad me de terra.) Clamare autē sanguis Abel ad dominū dicitur, nō uoce, sed causa. Cui Cain ad cumulū peccati sui, fallaciter ac superbe respōdit, putās deum latere quæ gesserat. Nescio. Nū custos fratris mei sum ego? Cui deus ait, Arbitraris me quod gessisti, nescire: qui cogitationē quam impie cōceperas inspiciens, ne opere cōsummares præmonui? Sed ne cauferis iniuste me aduersū te proferre sententiā, ego tibi accusationē non infero: sed est testis qui te accusat, uox uidelicet sanguinis fratris tui, quæ clamat ad me de terra. Sequit̃, Responditq̃ Cain ad dominū, Maior est iniquitas mea, q̃ ut ueniā merear. Id est plus peccaui, q̃ ut merear absolui. Ecce eijcis me hodie à facie tua, & à facie tua abscondar, ut latitem: & ero gemens super terrā: & erit, omnis qui inuenerit me, occidet me.) Eijcior, inquit, à conspectu tuo, & cōscientia sceleris lucem ipsam ferre non sustinēs, adiecit, Abscondar ut latitem: eritq̃, omnis qui inuenerit me, occidet me. Dum extremore corporis & furia mentis agitatur, eū se esse intelligit qui mereat interfici. Verū deus nolens eum compēdio mortis finire cruciatus, nec tradi pœnæ qua ipse se dānauerat, ait, Non sic: idest nō ut tu æstimas morieris, & mortem pro remedio accipies: uerū uiues usq̃ ad septimā generationē, & conscientia tuæ igne torqueberis: ita ut quicūq̃ te occiderit, secundū duplicē intelligentiā, aut in septima generatione, aut magno te liberet cruciatu: nō quo ipse qui percussit Cain septē ultionibus subiiciendus sit: sed quod septē uindictas quæ in Cain tanto tēpore cucurrerūt, soluat intersector, occidens eum qui uite fuerat derelictus ad pœnam. Vt autē quod dicimus manifestius fiat, quotidianæ consuetudinis

suetudinis ponamus exemplū. Loquit̃ inter uerba seruus ad dominū: quia
 incendi domū tuā & uniuersam substantiā dissipauī, interfice me: dominusq̃
 respōdet, non ut tu uis morieris & finies morte supplicia, uerū longo tempore
 custodieris ad uitam, & tam infelicit̃ in hac luce uersaberis, ut quicūq̃ te occi-
 derit, beneficiū præstet occiso, dum tā multis te liberat cruciatibus. & secundū
 Septuaginta quidem hic nobis sensus uidetur. De eo aut̃ quod Aquila posuit
 septēpliciter, & Symmachus hebdomas, siue septimus ulciscetur, maiorū no-
 strorum ista sentētia est, quod putāt in septima generatione à Lamech inter-
 fectum Cain. Adam quippe genuit Cain, Cain genuit Enoch, porro Enoch
 genuit Irad, & Irad genuit Mauiahel, & Mauiahel genuit Matufahel, & Ma-
 tufahel genuit Lamech, qui est septimus ab Adam. nō sponte, ut in quodam
 Hebraico uolumine scribit̃, interfecit Cain, ut ipse postea cōfiteatur, Quoniam
 uirum occidi in uulnere meo, & iuuenem in liuore meo. Alij de septē uindictis
 Cain uaria suspicātur, & primū eius asserunt fuisse peccatū quod non recte di-
 uiserit: secundū quod inuiderit fratri: tertiū quod dolose egerit, dicens, Trans-
 eamus in campū: quartū quod occiderit: quintū quod procaciter negauerit: se-
 xtum quod seipsū dānauerit, dicēs, Maior mea culpa est, q̃ ut ueniā merear:
 septimū quod nec dānatus egerit pœnitentiā. & dicūt illū a clemētissimo deo
 ideo usq̃ ad generationes septē fuisse dilatū, ut saltē malis ipsis & longæ u-
 itæ mœrore cōpulsus pœnitentiā ageret, & mereret̃ absolui. Nonnulli septena-
 rium numerū plenū & perfectū interpretātur, de multis scripturarū locis testi-
 monia cōtrahentes: & hūc esse sensum quē supra præstrinximus, quod qui in-
 terfecerit Cain ab ingenti eū omnis supplicij trāsitorij liberet pœna: quoniam
 septies uindicabitur de Cain, de Lamech aut̃ septuagies septies. Tradunt He-
 brai LXXVII animas ex Lamech p̃genie reperiri, quæ diluuiō deletæ sunt: &
 in hoc numero de Lamech factā esse uindictā, quod genus ipsius usq̃ ad cata-
 clysmū perseuerauerit: alij ab Adā usq̃ ad Christū LXXVII generationes asse-
 rant, secundū Lucæ euāgelistæ autoritatē. Sicut ergo septima generatione
 Cain peccatū est dissolutū: nō uindicauit quippe dñs bis in idipsum, & qui se-
 mel recepit mala sua in uita sua, nō eosdē cruciatus patietur in morte quos est
 passus in uita: ita & Lamech peccatū, idest totius mūdi atq̃ sanguinis qui effu-
 sus est, Christi soluetur aduētū, qui tulit peccata mūdi, qui lauit amictū suū in
 sanguine uuæ, & torcular calcauit solus, & in ascēsiōe sua miraculū prębuit an-
 gelis. Posuitq̃ dñs in Cain signū ut nō eū interficeret omnis q̃ inuenisset eū)
 Ipsū uidelicet signū, quod tremēs & gemēs, uagus & profugus semp uiueret:
 nec uspiam in orbe terrarū sedes posset habere quietas: atq̃ ideo ut saluari pos-
 set, ædificauit ciuitatē. Dixit deus ad Cain: si recte offeras, & recte nō diuidas,
 peccasti. utiq̃ q̃a & si antea Iudæi recte illa fecerūt, in eo tamē infidelitatis rei
 sūt, quia Christo ueniēte iā tēpus noui testamēti à tēpore ueteris testamēti nō
 distinxerūt, quod si obtēperasset Cain, deo dicēte, quiesce, sub te erit appetitus
 tuus, & tu dñaberis illius: ad se conuertisset peccatū suū, sibi hoc tribuēs & cōfi-

tens deo: ac sic adiutus indulgentiæ gratia ipse peccato suo dominaretur, non illo sibi dominante seruus esset peccati, nec fratrem occidisset innocentem. Sic & Iudæi in quorum figura hæc gerebantur, si quiescerent à sua perturbatione, & tempus salutis per gratiam in peccatorum remissionem cognoscentes audirent Christum dicentem, Non ueni uocare iustos, sed peccatores in penitentia: tunc ad se conuerterent peccatum suum in confessione, sicut in psalmo XL scriptum est, medico dicentes, Ego dixi domine miserere mei, sana animam meam, quia peccaui tibi, eidemque peccato quoadiu in eorum corpore esset adhuc mortali, per spem gratiæ liberi dominarentur. Nunc autem ignorantes dei iustitiam, & suam uolentes constituere, elati de operibus legis, non humiliati de peccatis suis non quiescerunt, sed offenderunt in lapidem offensionis, & exarserunt iracundia aduersus Christum, cuius opera uidentes, accepta deo esse doluerunt. Sequitur, Itaque post hæc occiditur Abel minor natus, à fratre Cain maiore natus. Occidit Christus caput populi minoris natus, à populo Iudeorum maiore natus: ille in campo, iste in Caluariæ loco. Interrogat deus Cain, non tanquam ignarus eum à quo discat, sed tanquam iudex reum quem puniat: & dicit, ubi sit frater eius: responditque ille, se nescire, nec eius esse custodem. Usque nunc quid nobis respondent Iudæi, quum eos sanctarum scripturarum uoce interrogamus de Christo? Illi nescire se Christum respondent. Fallax enim Cain ignorantia, Iudeorum est falsa negatio. Essent autem quodammodo Christi custodes, si Christianam fidem accipere & custodire uoluissent. Sequitur, Dixit deus ad Cain, Quid fecisti? Vox sanguinis fratris tui clamat ad me de terra. Sic arguit in scripturis sanctis uox diuina Iudeos: habet enim uocem magnam sanguis Christi in terra. Quum enim accepto sacramento ab omnibus gentibus respondetur, Amen: hæc est uox clara, uox sanguinis, quam sanguis iste exprimit ex ore fidelium, eodem sanguine redemptorum. Dixit deus ad Cain, Maledictus eris à terra quæ aperuit os suum, & suscepit sanguinem fratris tui de manu tua. Maledictus est enim populus Iudeorum infidelis à terra, id est, ab ecclesia, quæ aperuit os suum in confessione peccatorum, accipere sanguinem Christi, qui effusus est in remissionem peccatorum omnium de manu persecutoris nolentis esse sub gratia, sed sub lege, ut esset ab ecclesia maledictus: id est, ut ostenderet eum ecclesia maledictum testificante apostolo, Quicumque enim, inquit, ex operibus legis sunt, sub maledicto sunt legis. Quum operatus fueris terram, non dabit tibi fructus suos. In ipsa enim terra quam Christus portauit: id est, in eius carne ipsi operati sunt salutem nostram crucifigendo Christum, qui mortuus est propter delicta nostra: nec tamen eis dedit eadem terra uirtutem suam, quia non iustificati sunt in uirtute resurrectionis eius, qui resurrexit propter iustificationem nostram: qui & si crucifixus est ex infirmitate nostra, sed uiuit ex uirtute dei. Hæc est ergo uirtus terræ illius, quam non ostendit impijs & incredulis, unde nec resurgens eis à quibus erat crucifixus apparuit, tanquam Cain operante terram, ut granum illud seminaretur. Vagus & profugus, siue ut in Septuaginta scriptum est, Gemens & tremens eris super terram,

terram. Nunc ecce quis non uideat, quis non agnoscat in tota terra quacunq;
 dispersus est ille populus, quomodo sit uagus in gētibus & profugus ab Hie
 rusalē: quomodo gemat mœrore amissi regni, & tremat tremore sub innume
 rabilibus populis Christianis. Ideoq; respondit, dicens, Maior est iniquitas
 mea, quàm ut ueniam merear. Ecce ejcis me hodie à facie terræ, & à facie tua
 abscondar: & ero uagus & profugus in terra. Igitur omnis qui inuenerit me, oc
 cidet me. Vere inde uagus & profugus gemit & tremit, ne etiā regno terreno
 perduto, ista uisibili morte occidatur. Hanc dicit maiorē causam, quàm illam
 quod terra nostra nō dat uirtutē suam, ne spiritaliter moriat: carnaliter enim
 sapit & abscondit se à facie dei, id est, iratum habere deum graue non putat,
 sed hoc timet, ne inueniatur & occidatur. Carnaliter enim sapit, tanq; operās
 terram, cuius uirtutem non accepit. Sapere autem secundū carnem mors est,
 quam ille non intelligens amisso regno gemit & corporalem mortem tremit.
 Sed quid ei respondit deus? Nequaquā ita fiet: sed omnis qui occiderit Cain,
 septuplum punietur: siue ut Septuaginta transtulerunt, Septem uindictas ex
 soluet: id est, non sic quomodo dicis, non corporali morte interibit genus im
 pium carnaliū Iudæorum: quicūq; eos ita perdiderit, septem uindictas exsol
 uet: id est, aufert ab eis septem uindictas quibus alligati sunt propter reatum
 occisi Christi. Hoc toto tempore quod septenario dierū numero uoluitur, ma
 gis quia non interiit gens Iudæorū satis apparet fidelibus Christianis, sed so
 lam dispersionē meruerint, iuxta quod ait scriptura, Ne occideris eos ne quan
 do obliuiscantur populi mei legis tuæ, disperge illos in uirtute tua & depone
 eos. Posuit dominus in Cain signum, ut non eum interficeret omnis qui inue
 nisset eum. Hoc reuera mirabile est, quemadmodū omnes gentes quæ à Ro
 manis subiugatae sunt, in ritum Romanorū sacrorū transferint, eaq; sacrilegia
 obseruanda & celebranda susceperunt: gens autem Iudæorū siue sub paganis
 regibus, siue sub Christianis non amisit signum legis & circūcisionis suæ, quo
 à cæteris gentibus populisq; distinguit: sed omnis imperator uel rex qui eos
 in regno suo inuenit, cū ipso signo eos inuenit & non occidit. Exiit ergo à facie
 domini, & habitauit in terra Naid, quod dicitur interpretatū cōmotio, siue in
 stabilis & fluctuans & sedis incertæ, contra quod malū deus rogatur in psal
 mo, Ne dederis in motu pedes meos, & manus peccatorū non moueant me.
 Nunc uero & Iudæi & omnes qui diuersis erroribus cōtumaces sunt, resisten
 do ueritati uenundati exeunt à facie dei, id est, à misericordia dilectionis eius
 uel à participatione lucis eius: & habitant profugi in terra cōmotionis, id est,
 in carnali cōturbatione, contra iocunditatē dei, hoc est, contra Eden, quod in
 terpretatur epulatio, ubi est plantatus paradysus. Sequit, Cognouit autem
 Cain uxorē suam, quæ concepit & peperit Enoch: & ædificauit ciuitatē, uoca
 uitq; nomē eius ex nomine filij sui Enoch) Non est cōsequens quidē ut istum
 primū filiū genuisse credatur, neq; enim hoc ex eo putandū est, quia dictus est
 cognouisse uxorē suā, quasi tunc se illi primitus concubendo miscuisset. Nā &
 de ipso

De Enoch &
 eius posterita
 te XXXIII

ponere debeat homo: Maledictus enim omnis (sicut alibi legitur) qui spem suam ponit in homine. ac per hoc nec in se, ut sit ciuis alterius ciuitatis, quæ non secundum filium Cain dedicatur hoc tempore, id est, mortalis huius seculi: sed in illa immortalitate beatitudinis sempiternæ. Nam & ista propago cuius pater Seth, in ea generatione habet dedicationis nomen, quæ septima est ex Adam, annumerato Adam: septimus enim ab illo natus est Enoch, quod interpretatur dedicatio. sed ipse est ille translatus quoniam placuit deo, & in signi numero in ordine generationum, quo sabbatum consecratum est, septimo scilicet ab Adam. Ab ipso autem patre istarum generationum quæ discernuntur à progenie Cain, id est, à Seth sextus est: quoto die factus est homo, & consummauit deus omnia opera sua. Sed huius Enoch translatio nostræ dedicationis est præfigurata dilatio, quæ quidem iam facta est in Christo capite nostro, qui sic resurrexit, ut non moriatur ulterius: & quod præcessit in capite, speratur in corpore. Sequitur,

CAP. V

HIC est liber generationis Adam, in die qua creauit deus hominem: ad similitudinem dei fecit illum: masculum & feminam fecit eos deus, & benedixit illis, & uocauit nomen eorum Adam, in die quo creati sunt.) Sed quare hinc reditur ad istam recapitulationem, postea quam commemoratus est filius Seth, qui cœpit, uel sperauit inuocare nomen domini dei: Sed sciendum est, quod Enos filius Seth interpretatur homo, non sicut Adā: & ipsum enim nomen, homo interpretatur, sed comune perhibetur esse in illa lingua, id est, in Hebræa, masculo & feminæ. Nam sic de illo scriptum est, Masculum & feminam fecit illos, & benedixit illis, & uocauit nomen eorum Adam. Vnde non ambigitur sic appellatam fuisse feminam Euam proprio nomine, ut tamen Adam, quod interpretatur homo, nomen esset amborum. Enos autem sic interpretatur, homo, ut hoc non posse feminam nuncupari, periti linguæ illius asseuerent: tanquam filius resurrectionis, ubi non nubent, neque uxores ducent: non enim erit in resurrectione generatio, quum illuc perduxerit regeneratio. Sequitur, Vixit autem Adam centum triginta annis, & genuit filium ad imaginem & similitudinem suam, uocauitque nomen eius Seth. Vixit quoque Seth cetum quinque annis, & genuit Enos. Vixit uero Enos nonaginta annis, & genuit Cainan.) Dicit aliquis, Credendum ne est hominem filios generaturum, nec habentem propositum continentiam, centum & amplius, uel certe secundum Hebræos non multo minus, id est, octuaginta, septuaginta, sexaginta annos à concumbendi opere non uacare: aut si non uacarent, nihil prolis gignere potuisse? Hæc quæstio duobus modis soluitur. Aut enim tanto senior fuit proportionem pubertas, quanto uitæ totius maior annositas: aut quod magis uideo esse credibile, non hic primogeniti filij commemorati sunt, sed quos successio nis ordo poscebat, ut perueniretur ad Noe, à quo rursus ad Abraham uideamus esse peruentum, ac deinde usque ad certum articulum temporis: quantum oportebat signari, etiam generationibus commemoratis, cursum gloriosissimæ ciuitatis

ciuitatis in hoc mundo peregrinātis & supernam patriam requirentis. Quod enim negari non potest, prior omnibus Cain ex coniūctione maris & foeminae natus est: hunc sequutus Abel, quem maior frater occidit: sed quot annorum erat Adam quum eos genuit, non apparet. Porro autem Seth quando natus est, non quidem taciti sunt anni patris eius, sed iam genuerat alios: & utrum solos Cain & Abel, nō enim quia soli nominati sunt, propter ordines generationum, quas commemorare oportebat: ideo cōsequens uideri debet solos fuisse tunc generatos ex Adam. Quum enim silētio coopertis omnibus nominibus ceterorum, legatur eum genuisse filios & filias, quota fuerit ista proles eius, quis præsumat asseuerare, si culpam temeritatis euitat: Adam autem quum esset centum triginta annorū genuit Seth. Seth autem quum centum quinque esset annorum genuit Enos. Quis possit inconsideratus asseuerare hunc eius primogenitum fuisse, ut admirantes merito requiramus, quomodo per tot annos immunis fuerit à connubio sine ullo proposito continentiae uel non genuerit coniugatus: quando quidem etiam de ipso legitur, Et genuit filios & filias, & fuerunt omnes dies Seth DCCCCXII annorum, & mortuus est: atque ita deinceps quorum anni cōmemorantur, nec filios filiasque genuisse reticentur: ac per hoc non apparet omnino, utrū qui nominatur genitus, ipse fuerit primogenitus. Immo uero quia credibile non est, patres illos ætate longa aut impuberes fuisse, aut coniugibus caruisse, uel foetibus, nec illos eorum filios primos eis natos fuisse credibile est. sed quum sacra scriptor historie ad ortum uitamque Noe, cuius tempore diluuium factum est, per successiones generationum notatis temporibus intēderet peruenire, eas utique commemorauit, non quæ primæ suis parentibus fuerint, sed quæ in propagationis ordinē uenerint. Exempli gratia, quo ut id fiat apertius, aliquid interponā, unde nullus ambigat fieri potuisse quod dico. Euangelista Matthæus generationē dominicæ incarnationis per seriem parentum uolens commēdare memoriæ, ordinem à patre Abraham, atque ad Dauid primitus ut perueniret intendens, Abraham, inquit, genuit Isaac: & non ait Ismahel, qui primogenitus fuit. Isaac autem genuit Iacob: & non dixit Esau, qui eius primogenitus fuit, quia scilicet per illos ad Dauid peruenire nō poterat. Deinde sequitur, Iacob autem genuit Iudam, qui non eius primogenitus fuit. Iudas, inquit, genuit Phares: sed ante illum iam tres genuerat. Eum itaque tenuit in ordine generationū, per quem ad Dauid atque inde quō tenderet, perueniret. Ex quo intelligi potest, ueteres quoque homines ante diluuium non primogenitos, sed eos fuisse commemoratos per quos ordo succedētium generationum ad Noe patriarcham duceretur: & hoc intendebat author huius historie in cōmemorandis generationibus ex Adam per filium eius Seth, ut per illas perueniret ad Noe, sub quo factum est diluuium. Per Seth autem ab Adam usque ad Noe, denarius insinuatur legitimus numerus. Cui Noe adiūciuntur tres filij, unde uno lapso duo benedicuntur à patre, ut remoto reprobo & probatis filiis ad numerum

d additis,

additis, etiam duodenarius numerus intimetur, qui & in patriarcharum & in apostolorum numero insignis est propter septenarii partes, altera per alteram multiplicatis. Neque enim mirandum si uaria quantitate numerositatis annorum interposita, per tam longam ætatem ab Adam usque ad diluuium, non æqualis numeri generationes habuit utraq; progenies, sed per Cain VII, per Seth autem X. Septimus est enim, ut iam dixi, ab Adam Lamech: decimus Noe: & ideo non unus filius Lamech, sicut in cæteris superius, sed plures commemorati sunt: quia incertum erat, qui ei fuerat mortuo successurus, si regnandi tempus inter ipsum & diluuium remansisset. Quod quum Lamech septimus ab Adam fuisset inuentus, tot eius annumerati sunt filij, donec undenarius numerus impleretur, quo significatur peccatum. Adduntur enim tres filij & una filia. Quoniam ergo lex denario numero prædicatur, unde est memorabilis ille decalogus, profecto undenarius numerus quoniam transgreditur denarium, transgressionem legis, ac per hoc peccatum significat. Progenies ergo ex Adam per Cain sceleratum homicidam undenario numero finitur, quo peccatum significatur: & ipse numerus scemina clauditur, à quo sexu initium factum est peccati, per quod omnes morimur. Commissum est autem, ut & uoluptas carnis quæ spiritui resisteret, sequeretur. Nam & ipsa filia Lamech, Noema, hoc est uoluptas interpretatur. Vnde potuit fieri, ut uiuente adhuc Lamech atque regnante, fieret diluuium, ut ipsum cum alijs omnibus hominibus, exceptis his qui in arca fuerunt, quem perderet, inueniret: impleteretque illud quod de semetipso ipse ait, De Cain septuplum ultio dabitur, de Lamech uero septuagies septies. Sic enim oportebat istas duas proponere ciuitates: unam ab homicida usque ad homicidam, nam idem Lamech duabus uxoribus suis se perpetrasse homicidium confitetur: alteram per eum qui sperauit inuocare nomen domini dei. Sequitur, Porro Enoch uixit septuagintaquinque annos, & genuit Mathusalem.) Famosa quæstio & disputatione omnium ecclesiarum uentilata, quod iuxta supputationem diligentem XIII annos post diluuium Mathusalem uixisse feratur, quum supra DCCCCLXXIX annis sit dictus uixisse. Et quomodo uerum est, quod octo tantum animæ in arca saluæ factæ sunt? Restat ergo ut quomodo in plerisque, ita & in hoc sit error in numero: siquidem & in Hebræis & in Samaritanorum libris ita scriptum reperitur, Et uixit Mathusalem CLXXXVI annis, & genuit Lamech: & uixit Mathusalem postquam genuit Lamech DCCLXXXII annos: & fuerunt omnes dies Mathusale anni DCCCCLXIX: Et uixit Lamech CLXXXII annos, & genuit Noe. A die ergo natiuitatis Mathusale usque ad diem ortus Noe, sunt anni CCCLXIX. His adde DC annos Noe, quia in sexcentesimo uitæ eius anno diluuium factum est: atque ita fit, ut DCCCCLXIX anno uitæ suæ, Mathusalem mortuus sit: eo scilicet anno quo cœpit esse diluuium. Sequitur, Dixit quoque Lamech uxoribus suis Adæ & Sellæ, Audite uocem meam uxores Lamech, auscultate sermonem meum, Quoniam occidi uirum in uulnus meum, & adolescentulum in liuorem

Quæstio de
annis Mathu-
sale XXXV

De uxoribus
Lamech
XXXVI

liuorem meum, septuplū ultio dabitur de Cain: de Lamech uero septuagies septies.) Iam alibi secundū historiam dictum est, eo quod ab Adam usq; ad Christū LXXVII generationes inueniuntur, in quibus peccatū Lamech, idest totius mundi, sanguinis Christi effusione solutū est. Siquidem & in populo Iudæorū propter interfectionē Christi LXXVII uindictæ sunt statutæ: iuxta illud euāgelium in quo dictū est Petro apostolo, Nō solum septies, sed etiam septuagies septies, si poenituerit fratri remittendū: idest Iudæum reuertentem post LXXVII uindictas statutas recipiendum ad indulgentiam Christi.

NOE uero quum quingentorū esset annorum genuit Sem, Cham, & Iaphet. Quumq; coepissent homines multiplicari super terrā, & filias procreassent, uidētes filij dei filias hominum quod essent pulchræ, acceperunt uxores ex omnibus quas elegerant.) Homines hoc in loco stirpem Cain diuina scriptura, licet tacite uoluit demonstrare, hoc est filios possessionis. Cuius, nisi terrenæ ciuitatis, quæ in eius nomine condita est, qui dicitur Enoch: Enoch uero interpretatur dedicatio, quoniam hic habet eum quem intendit & appetit finem. Quod uero adiecit, Et filias procreassent: ostendit malum à sexu scēmineo rursus inuentum: non quidem illo modo quo ab initio, non enim cuiusq; etiam tunc fallacia seductæ illæ scēminæ persuaserunt peccatum uiris: sed ab initio, quæ prauis moribus fuerant in terrena ciuitate, idest in terrigenarū societate, amatae sunt à filijs dei propter pulchritudinē corporis: quod bonum, dei quidem donum est: sed propterea id largitur etiam malis, ne magnū bonum uideatur bonis. Nam & alia trāslatio sic loquitur, Et factum est postq; coeperunt homines multi fieri super terram, & filia natae sunt illis, uidētes angeli dei filias hominum quia bonæ sunt, sumpserunt sibi ex omnibus uxores quas elegerāt. Deserto itaq; bono magno & bono proprio, lapsus est factus ad bonum minimū, non bonis proprium, sed bonis malisq; commune: ac sic filij dei filiarum hominum sunt amore capti, atq; ut eis coniugibus fruerētur in mores societatis terrigenæ defluerūt, deserta pietate quam in sancta societate seruabant. Sic enim corporis pulchritudo, à deo quidē facta, sed temporale carnale infimū bonum. Huius igit charitatis, hoc est dilectionis & amoris ordine perturbato, deum filij dei, idest filij Seth, filij resurrectionis neglexerunt: & filias hominū, idest Cain, dilexerunt. Certe & illi qui erāt filij Seth & dicti sunt filij dei, idem dicti sunt angeli dei: filij hominum erant per naturam, sed aliud nomen coeperant habere per gratiam. Nam in eadem scriptura ubi dicti sunt filij dei, ibi dicti sunt angeli dei. Sed queritur quēadmodum potuerint angeli cum filiabus hominum cōcumbere, unde gigantes nati esse perhibētur: quod quidē homines iustos fuisse credimus, qui potuerunt etiam angelorū nomine nuncupari. Nam de homine Ioanne scriptum est, Ecce ego mitto angelum meum ante faciē tuam, qui præparabit uiam tuam. Sed hoc mouet, quomodo ex hominum concubitu nati sunt gigantes: uel scēminis misceri potuerint, si non homines, sed angeli fuerunt. Dei tamē angelos sanctos

CAP. VI
De tribus
filijs Noe
XXXVII

nullo modo illo tēpore sic labi potuisse crediderim: nec de his dixisse apostolum Petrum, Si enim deus angelis peccātibus non pepercit, sed carceribus caliginis inferi retrudens tradidit in iudicio puniēdos reservari. De gigantibus autem, idest nimiū grandibus atq; fortibus puto non esse mirādum, quod ex hominibus nasci potuerunt: quia & post diluviū quidam tales fuisse reperiuntur. Vnde credibile est, homines iustos appellatos uel angelos uel filios dei, concupiscentia lapsos peccasse cum sceminis, q̄ angelos carnem non habētes usq; ad illud peccatū descendere potuisse. Sequitur, Dixit quoq; deus, Non permanebit spiritus meus in homine in æternū, quia caro est, erūtq; dies eius CXX annorū. Gigantes aut̄ erant super terram in diebus illis.) Spiritu quippe dei fuerant facti angeli & filij dei, sed declinando ad inferiora dicuntur homines, nomine naturæ, non gratiæ. Dicuntur & caro desertores spiritus, & deferendo deserti. Quod aut̄ dixit deus, Erunt dies eorum CXX anni: non sic accipiendum est, quasi prænuntiātū sit post hæc homines CXX annos uiuendo non transgredi: quum & post diluuium etiam quingētos quosdam excessisse inueniamus: sed intelligēdum est hoc deum dixisse, quum circa finē quingentorum annorum esset Noe, idest CCCCLXXX uitæ annos ageret, quos more suo scriptura quingentos uocat, nomine totius maximā partem plerūq; significans. Sexcētesimo quippe anno uitæ Noe secūdo mense factū est diluuium, ac sic CXX anni prædicti sunt futuræ uitæ hominū periturorū, quibus transactis diluuiο delerētur. Siue aliter ut in Hebræo habetur, Non iudicabit spiritus meus homines istos in sempiternū, quoniā caro sunt, hoc est, quia fragilis est in homine conditio, non eos seruabo ab æterno cruciatu: sed hic illis restitutam quod merentur. Ergo non seueritatē, ut in nostris codicibus legitur, sed clementiā dei sonat, dum peccator hic pro suo scelere uisitur. Porro ne uideretur in eo esse crudelis, quod peccantibus locū pœnitentiæ non dedisset, adiecit, Sed erunt dies eorum CXX anni: hoc est, habebunt CXX annos ad agendam pœnitentiā. Non igitur humana uita, ut multi errāt, in CXX annos contenta est: sed generationi illi CXX anni ad pœnitentiā dati sunt. Siquidem inuenimus post diluuiū, quod Abrahā uixerit CLXXV annos. Noluī deus tempus expectare decretū, sed XX annorum spatijs amputatis induxit diluuium, anno DC, agenda pœnitentiæ destinato. Sequit̄, Gigantes aut̄ erant super terram in diebus illis.) Hæc uerba diuini libri satis indicant iam illis diebus fuisse gigantes super terrā, quando filij dei acceperunt uxores filias hominum. Sequitur, Postq̄ enim ingressi sunt filij dei ad filias hominum, illæq; genuerunt, isti sunt potentes a seculo uiri famosi.) Postq̄ hoc factum est, nati sunt gigātes. Sic enim ait, Gigantes autem erant super terram in diebus illis, quum eas amarent pulchras. Nam alia translatio nō pulchras, sed bonas: id est speciosas corpore, bonas uocat. Quod autē ait, Et generabant, siue genuerunt sibi: satis ostēdit quod prius anteq̄ sic caderent filij dei, deo generabāt, non sibi: idest non domināte libidine coeundi, sed seruiente officio propagandi: non

De gigantibus
XXXVIII

di: non familiā fastus sui, sed ciues ciuitatis dei. Nec mirandū est, quod etiam de ipsis gigātes nasci potuerunt: neq; enim omnes gigantes, sed magis multi utiq; tunc fuerunt, q̄ post diluuiū temporibus cæteris, quos propterea creare placuit creatori, ut etiam hinc ostenderetur non solum pulchritudines, uerum etiā magnitudines & fortitudines corporū non magnipendēdas esse sapiēti.

Videns autē deus quod multa malitia hominū esset in terra, & cuncta cogitatio cordis intenta esset ad malū omni tempore, pœnituit eum quod hominem fecisset in terra: & tactus dolore cordis intrinsecus, Delebo, inquit, hominem quem creauī à facie terræ, ab homine usq; ad animantia, à reptili usq; ad uolucres cœli: pœnitet enim me fecisse eos. Neq; enim sicut hominē ita deum cuiusquā facti sui pœnitet, cuius est de omnibus omnino rebus tam fixa sententia, quā certa præscientia. Vnde tropica loquutione in scripturis etiā pœnituisse legitur deū: iuxta id ubi dicit, quod homo sperauerat, uel naturalium causarum ordo gestabat: non iuxta id, quod se omnipotēs facturū esse præsciuerat. Sed si non utatur scriptura talibus uerbis, non se quodāmodo familiaris insinueret omni generi hominū, quibus uult esse consultū, ut & puniat superbiētes, & excitet negligētes, & exerceat quērentes, & alat intelligētes: quod non faceret, si non prius se inclinaret, & quodāmodo descenderet ad iacentes. Videns, inquit, deus, quia multiplicata est malitia hominū super terrā, & omnis cogitatio cordis illius intenta esset ad malū omni tempore, pœnituit eum quod hominē fecisset in terra. Pœnitudo dei, mutandarū rerum est immutabilis ratio. Quod autē interitum omnium animalium terrenorū, uolatiliumq; denuntiat, magnitudinē futuræ cladis effatur, non animātib; rationis experitibus, tanq; & ipsa peccauerint, minatur exitium. Sequit, Noe uero inuenit gratiā corā domino. Noe uir iustus atq; perfectus fuit in generationibus suis. Si nullus sine peccato, quomodo aliquis pfectus esse potest: nisi quia perfecti hic aliqui dicuntur, non sicut perficiēdi sunt sancti in illa immortalitate, qua æquabuntur angelis dei, sed sicut esse potest in hac peregrinatione peccati. Cum deo ambulauit: hoc est, illius uestigia sequebatur. Dixit deus ad Noe, Finis uniuersæ carnis uenit corā me: repleta est terra iniquitate. Significat interitū omnium mortaliū, præter illos qui in arca saluandi erant. Illi igitur quasi seminariū secūdæ originis seruari sunt. Nec frustra sic creditur factū esse diluuium, iam non inuentis in terra qui non erant digni tali morte defungi, qua in impiis uindicatū est: non quo quicquā bonis quandoq; morituris tale genus mortis faciat aliquid quod eis possit obesse post mortem. Verūtamen nullus eorum diluuiō mortuus est, quos de semine Seth propagatos sancta scriptura commemorat. Quod uero ait, Et ego disperdā eos cum terra: quomodo cum terra homines dicuntur esse perditī, dum illis pereūtibus materies terræ postea remāserit: nisi quod datur intelligi terræ speciē, uigorē, uel fœcunditatē longē inferiōrē post diluuium q̄ antea habuit: & fortassis idcirco hominibus carnes edere licentia postea cōcessa est. Nam ante diluuium fructibus terræ tan-

De pœnitudo
dine dei
XXXIX

De mensura
arca XL

tūmodo uisitabant. Sequitur, Fac tibi arcam de lignis leuigatis. Quid enim per ligna leuigata, de quibus arca præcipit fieri, nisi fortia & insolubilia: unde alia translatio, nō leuigata, sed quadrata præcepit fieri: ut arca nec uentorū uī, nec aquarū inūdatione solui, uel eueri potuisset. Sequitur, Et bitumine linies. Bitumē est feruentissimū & uiolentissimū gluten, cuius est hæc uirtus, ut ligna quæ ex eo fuerint lita, nec uermibus exedi, nec solis ardore, uel uētorum flatibus, aut aquarū possint assiduitate dissolui. Sequitur, Trecetorum cubitorum erit longitudo arcæ, L cubitorū latitudo, & xxx cubitorū altitudo illius.) Talem ergo arcæ speciē debemus intelligere, ut quatuor angulis eam ex imo ad summū surgētem, & iisdem paulatim usq; ad summū in angustū attractis, in spatium unius cubiti fuisse collectam: & in fundamēto CCC cubiti in longitudine & in latitudine L sint, & altitudine xxx, sed collecta in cacumen angustum, ut cubitus sit lōgitudinis & latitudinis, & uere nulla potuit tā cōueniens & cōgruens arcæ species dari, quā ut summo uelut ē tecto quodā angusto culmine diffunderet imbriū ruinas: & in imo in aquis quadrata stabilitate consistens, nec impulsu uentorū, nec impetu fluctuū, nec inquietudine animalium quæ intrinsecus erant, aut inclinari posset, aut mergi. Dicere solent etiā quidā, non potuisse capere illius quantitatem animalium genera tam multa in utroq; sexu, bina de immundis, septena de mundis: qui mihi uidentur non cōputare nisi CCC cubita lōgitudinis, & latitudinis L: nec cogitare tantū aliud esse in superioribus, itemq; aliud tantū in superioribus superiorū: ac per hoc ter ducta illa cubita fieri XC, & in latitudine CL. Si aut cogitemus quod Origenes nō in eleganter astruxit, Moysem scilicet hominē dei eruditū (sicut scriptū est) omni sapiētia Ægyptiorū, qui geometricā dilexerunt, geometrica cubita significare tuisse, ubi unum quantū sex nostra ualere asseuerent: quis nō uideat quantum rerū capere illa potuit magnitudo? Nam illud quod disputāt, tantæ magnitudinis arcā non potuisse cōpingi, ineptissime calumniātur, quū sciant immēsas urbes fuisse cōstructas: nec attendunt C annos, qbus arca illa est fabricata: nisi fortē lapis lapidi adharere potest, sola calce coniūctus, ut murus per tot milia circūagatur, & lignum ligno cementatū, clauis solidatū, gluten bituminis non potest adharere, ut fabricet arca: non curuis, sed rectis lineis longe lateq; porrecta, quam nullus in mare mittat conatus hominū, sed leuet unda quum uenerit naturali ordine ponderum, magisq; diuina prouidētia, quā humana prudentia natantē gubernet, ne incurrat ubicūq; naufragium. Sequitur, Fenestram in arca facies, & in cubito consummabis summitatē. Ostium autē arcæ pones ex latere deorsum. Cœnacula & tristega facies in ea.) Idcirco fenestram in summitate arcæ iubet fieri, ut haberet unde emittere posset aues ad explorandā terræ siccitatē. Ostium aut quod in latere arcæ factum dicitur, eo loco fuisse credēdū est, ut & inferiora quæ dixit bicamerata inferiora haberet: & quæ dixit tricamerata superiora à loco ostij appellata sint: & inde ingressa sint uniuersa animalia per sua quæq; loca secundū cōgruam rationē, discreta cœnacula

coenacula & trístega: quod alia trāslatio bicamerata & tricamerata uoluit nominare, ita ut quinque habitationes distinctas in ea esse aduertamus: inferiora loca stercoreibus esse deputata, ne animalia & præcipue homines fimi fœtore uexarentur: huic autē superior & cōtigua bicamerata, quæ cōseruaturæ seu stabulis animalium deputaretur. In hos ergo usus inferiores partes, quæ bicameratæ dicuntur, tradunt fuisse distinctas: superiores uero partes quæ tricameratæ dicuntur, ad habitaculū primo bestijs uel animalibus immitioribus uel serpētib. deputatas esse: ab his uero cōgrua in superiorib. loca, mitioribus animantibus stabula fuisse: supra omnia uero in excelfo, auibus & hominibus sedem locatā, ut sicut sapiētia omnia antecedit, ita & homo cūcta præcelleret animalia: & sic quinque māssiones in eadē arca fuisse intelligūtur, prima stercorearia, secūda apothetica, tertia feris animantibus, quarta māsuētis, quinta hominibus.

CAP. VI

QVOD uero deus præcepit Noe, de animantibus mundis & immundis bina inducere in arcā, masculini sexus & fœminini, de uolucris iuxta genus suū, & de iumētis in genere suo, & ex omni reptili terræ secūdum genus suū bina de omnib. ingredi præcepit. Postea uero addidit, De animantibus mundis tolles septena & septena, masculum & fœminā, de animantibus uero non mundis duo & duo, masculum & fœminā: sed & de uolatilibus cœli septena & septena, masculum & fœminā. non duo & duo, propter quatuor: sed tantummodo duo, propter masculū & fœminā. & de mundis solummodo septem: qui idcirco immūda pari numero posuit, propter genus cōseruandū: munda uero impari, ut Noe haberet unde hostias deo immolaret ex mundis: uel certe pluriore fuerunt munda, quā immūda, propter futurum humano generi usum, qui ex mundis debebatur hominibus, ut plura essent quæ prodesse, quā quæ nocere. Quod autem scrupulosissime quæri solet, & de minutissimis bestiis, nō solum quales sunt mures & stelliones, uerum etiam quales locustæ, scarabei, muscæ denique & pulices: utrum non amplioris numeri in arca illa fuerint, quā qui est definitus, quum hoc imperaret deus: prius admonendi sunt quos hæc mouent, sic accipiendum esse quod dictum est, Quæ repunt super terram: ut necesse non fuerit cōseruari in arca, quæ possunt in aquis uiuere, non solum merfa, sicut pisces, uerum supernatantia, sicut multæ alites. Deinde quum dicitur, Masculus & fœmina erunt: profecto intelligitur ad reparandum genus dici: ac per hoc nec illa necesse fuerat ibi esse, quæ possunt sine concubitu de quibuscunq. rerum corruptionibus nasci: uel si fuerint, quæ in domibus esse cōsueuerūt, sine ullo numero definito esse potuisse. Aut si mysterium sacratissimum quod agebatur, & tanta figura etiam ueritate facti aliter non posset impleri: nisi ut omnia ibi certo illo numero essent, quæ uiuere in aquis natura prohibente non possent: non fuit ista cura illius hominis, uel illorum hominum, sed diuina: non enim ea Noe capta intromittebat, sed uenientia intrare permittebat. Ad hoc enim ualet quod dictum est, Intra-
bunt ad te: non scilicet hominis actū, sed dei nutū: ita sanè ut non illic
d 4 fuisse

fuisse credenda sint, quæ sexu carent. Præscriptum est enim atque diffinitum est, masculus & femina erunt. Alia sunt quippe quæ de quibusque rebus sine concubitu ita nascuntur, ut postea concubant & generent, sicut muscæ. Alia uero in quibus nihil sit maris & feminae, sicut apes. Ea porro quæ sic habent sexum, ut non habeant foetum, sicut muli & mulæ, mirum si fuerint ibi: ac si non potius parentes eorum ibi fuisse sufficeret, equinum uidelicet atque asininum genus, & si qua alia sunt, quæ commixtione diuersi generis genus aliquod gignunt: sed si & hoc ad mysterium pertinebat, ibi erant. Habet enim & hoc genus masculum & feminam. Solent etiam mouere nonnullos genera esearum, quæ illic habere poterant animalia, quæ non nisi carnibus uesci putatur, utrum præter numerum ibi fuerint sine transgressione mandati, quæ aliorum alendorum necessitas illic coegisset includi: an uero, quod potius est credendum, præter carnes aliqua alimenta esse potuerunt, quæ omnibus conuenirent. Nouimus enim quod multa animalia, quibus caro cibus est, quod frugibus pomisque uescantur, & maxime fico atque castaneis. Quid ergo mirum, si uir ille sapiens & iustus, etiam diuinitus admonitus, quod cuique congrueret, sine carnibus aptam cuique generi alimoniam præparauit & condidit? Quid est autem quod uesci non cogeret fames? aut quid non suaue aut salubre facere posset deus, qui etiam ut sine cibo uiuerent, diuina facilitate donaret, nisi ut pascerentur etiam hoc implenda figuræ tanti mysterii conueniret? Opinatur quidam tam magnum fieri non potuisse diluuium, ut altissimos montes xv cubitis aqua crescendo transcederet, propter Olympi montis uerticem super quem perhibentur nubes non posse concrescere, quod tam sublime iam cælum sit, ut non ibi sit iste aer crassior, ubi uenti nebulae ignesque gignantur: nec attendunt omnium elementorum crassissimam terram ibi esse potuisse: an forte negant esse terram in uertice montis. Quur igitur usque ad illa cæli spatia terris exaltari licuisse, & aquis non licuisse contendant, quum isti menses & pensores elementorum aquas terris perhibeat superiores atque leuiore? Quid itaque rationis afferunt, quare terra grauior & inferior locum cæli tranquillioris inuaserit per uolumina tot annorum, & aqua leuior ac superior permixta non sit hoc facere saltim ad tempus exiguum? Quærit etiam potest, quare in ingressu hominum in arcam, seorsum uiri & seorsum nominatae sint feminae: in egressu uero dictum est ad Noe, Egredere tu & uxor tua, filij tui & uxores filiorum tuorum cum eis. nisi quia dånato seculo, & pereunte omni genere mortaliu, soli illi à periculo liberati usque dum arca requiesceret, & exitia aquarum cessarent, à concubitu cessarent: & sic denuo reuerterentur ad idipsum corpori debitum nuptiarum, ut crescerent & multiplicarentur super terram: & ideo in ingressu diuisi, in egressu uero iugatim sunt nominati. Computantur autem ab Adam usque ad diluuium, secundum æditionem Septuaginta interpretum, anni **II M COLXII**: secundum autem Hebraeam, **MDCLVI**. Sequitur,

CAP. VIII
De recorda-
tione dei in
Noe **XLI**

RECORDATVS est autem dominus Noe, cunctorumque animantium & omnium iumentorum quæ erant cum eo in arca. Neque enim obliuio in deo est aliquando, ut recordetur quod oblitus fuerat: sed recordationem pro misericordia scriptor

scriptor posuit. Sequitur, Adduxit spiritum super terram, & imminutæ sunt aquæ.) Bene enim de illo spiritu intelligi potest, de quo dictum est, Spiritus dei ferebatur super aquas. Tunc enim ferebatur, ut cōgregatis aquis in suū locum terra apparuisset. Nunc autē ductus dicitur, ut ablatis de medio aquis diluuij, faciē terræ reuelaret. Potest & spiritus nomine uetus intelligi, iuxta illud psal- mistæ, Dixit & stetit spiritus procellæ: cuius flatibus crebris aqua cogeret re- cedere de terra. Sequitur, Reuersæ sunt aquæ de terra, euntes & redeuntes.) Quò reuersæ sunt aquæ euntes & redeuntes: nisi quod omnes fluuiorū ac riuo- rum decursus per occultas terræ uenas ad matricem abyssum redeunt: iuxta il- lud Salomonis, Ad locū unde exeunt flumina reuertuntur, ut iterum fluant. Sed hoc quæri potest, quare columba ramum oliuæ ad uesperū uirentibus fo- lijs reportauerit in ore suo: nisi quod post mūdi crimina diluuiū quodāmodo expiata, effusa similitudine diuini muneris gratiā demonstrans, per oliuæ ra- mum refectionis ac luminis pacem terris redditā nuntiavit. Ecce ut potuimus & ut dominus dedit, de arcæ fabrica iuxta historiam aliqua explanare conati sumus: nunc autē spiritualis intelligentiæ uela pandamūs, & quam à terra extu- lit aqua, super cœlum efferat spiritualis intelligentia. Imperat deus ut arcam fa- ciat Noe de lignis nō putrescētibus, ita & ecclesia cōstruitur à Christo ex om- nibus gentibus in æternum uicturis. Arca enim ista, ecclesiam demōstrabat, quæ natat in fluctibus mūdi huius: & sic Noe cum suis omnibus, idest uxore & filijs & nuribus, & cum animalibus quæ ad illum ex dei præcepto in arcam ingressa sunt, ut liberarētur à diluuij uastitate, proculdubio figura est peregri- nantis in hoc seculo ciuitatis dei, hoc est ecclesiæ, quæ sit salua per lignum in quo pependit mediator dei & hominum, homo Christus Iesus. Quod de li- gnis quadratis eadem arca fabricatur, undiq; stabilem uitam sanctorū signi- ficat, ad omne opus bonum paratam. Quadratum enim quocūq; impuleris, stantem inuenis. Quod sexies longa ad latitudinē suam, & decies ad altitudi- nem suā, humani corporis instar, ostendit: quia in corpore humano Christus apparuit. Nam & mensura ipsa longitudinis & altitudinis & latitudinis eius, significat corpus humanū, in cuius ueritate ad homines prænūtiatus est uen- turus, & uenit. Humani quippe corporis longitudo à uertice usq; ad uestigia, sexies tantum habet, quantū latitudo quæ est ab uno latere ad alterum latus: & decies tanquam altitudo, cuius altitudinis mensura est in latere à dorso ad uentrem: uelut si iacentem hominē metiaris supinum seu pronum, sexies tan- tum longus est à capite ad pedes, quàm latus à dextera in sinistrā, uel à sini- stra in dexteram: & decies quàm altus à terra. Quod cubitis quinquaginta la- titudo eius expanditur: sicut dicit apostolus, Cor nostrum dilatatum est. Un- de, nisi de charitate spiritali? Propter quod ipse item dicit, Caritas dei dif- fusa est in cordibus nostris, per spiritum sanctum qui datus est nobis. Quin- quagesimo enim die post resurrectionem suam Christus spiritum sanctum misit, quo corda credentium dilatauit, Vnde facta est arca trecentorum in longitudine

longitudine cubitorū, & quinquaginta in latitudine, & xxx. in altitudine, & deinde trecentis cubitis longa est, ut sexies quinquaginta cōpleantur: sicut sex ætatibus omne huius seculi tempus extenditur: in quibus omnibus Christus nunquam destitit prædicari: in quinque per prophetiam prænūtiatus, in sexta per euāgelium diffamatus. Quod eius altitudo in xxx cubitos surgit, quem numerum decies habet in trecentis longitudo: quia Christus altitudo nostra, qui xxx annorum ætatem gerens doctrinam euangelicā consecrauit, contemns legem nō se uenisse soluere, sed implere. Legis autem cor in x præceptis agnoscitur. Vnde decies tricenis arcæ longitudo perficitur. Vnde & ipse Noe ab Adam decimus computatur. Quod bitumine glutinātur arcæ ligna intrinsecus & extrinsecus, ut in compage unitatis significetur tolerātia charitatis: ne scandalis ecclesiam tentantibus, siue ab eis qui intus, siue ab eis qui foris sunt, cedat fraterna iunctura, & soluatur uinculum pacis. Est enim bitumen feruentissimum & uiolētissimum gluten, significans dilectionis ardorem, ui magnæ fortitudinis ad tenendam societate spiritali omnia tolerantem. Quod cum octa animalium genera in arca clauduntur, sic & omnes gentes, quas etiam Petro demonstratas discus ille significat quem ecclesia cōtinet. Quod munda & immunda ibi sunt animalia, sic & in ecclesiæ sacramētis & boni & mali uersantur. Quod septena sunt mūda, & bina immūda: non quia pauciores sunt mali quā boni, sed quia boni seruant unitate spiritus in uinculo pacis. Sanctū autem spiritum diuina scriptura in septiformi operatione cōmendat, sapientiæ & intellectus, consilij & fortitudinis, scientiæ & pietatis & timoris dei. Vnde & ille numerus L dierum ad aduentū sancti spiritus pertinēs, in septies septenis qui fiunt XLIX, uno addito consummatur: propter quod dictū est, studentes seruare unitatem in uinculo pacis. Mali autem in binario numero ad schismata faciles & quodāmodo diuisibiles ostendūtur. Quod ipse Noe cum suis octauus enumerat: quia in Christo spes resurrectionis nostræ apparuit, qui octauo die, idest post sabbati septimū primo a mortuis resurrexit: qui dies a passionis tertius, in numero autē dierū qui per omne tempus uoluūtur, octauus & primus est. Quod arca collecta ad unū cubitū desuper consummatur, sic & ecclesia, quæ est corpus Christi in unitate collecta sublimatur & perficitur, unde dicit in euangelio, Qui mecum non cōgregat, spargit. Et quod ostium in latere accepit, profecto illud est uulnus, quādo latus Christi lancea perforatū est: hac quippe ad illū ueniētes ingrediunt, quia inde sacramēta manarūt quibus credētes initiātur. Nemo quippe intrat in ecclesiā, nisi per sacramētū remissionis peccatorū, quod de Christi latere aperto manauit. Quod inferiora arcæ bicamerata & tricamerata cōstruunt, ut ab imo sursum uersus tertia cōsurgeret habitatio: bicamerata dicta est propter duo genera hominū, circūcisionē scilicet & præputiū, quos apostolus alio modo dicit, Iudæos & Græcos: tricamerata uero, eo quod omnes gentes de tribus filiis Noe post diluuiū reparatæ sint. Possunt hinc intelligi & tria illa quæ commendat apostolus: fides, spes, charitas.

ras. Possunt etiam multo conuenientius tres illæ ubertates euangelicæ: tricena, sexagena, cētena: ut in infimo habitat pudicitia cōiugalī, supra uidualis, atq; hac superior uirginalis. Et ideo arcæ inferiora dicta sunt, quia in hac terrena uita est diuersitas gentium, in summo autem omnes in unum consummātur, & non est uarietas, quia omnia & in omnibus Christus est, tanq̃ nos in uno cubito desuper cœlesti unitate consummans. Quod post septem dies postq̃ ingressus est Noe in arcam factum est diluuiū: quia in spe futuræ quietis quæ septimo die significata est, baptizamur. Quod præter arcā omnis caro quam terra sustentabat, diluuiō cōsumpta est: quia præter ecclesiæ societatem, aqua baptismi quamuis eadem sit, non solum nō ualet ad salutem, sed ualet potius ad perniciem. Quod XL diebus, & XL noctibus pluit: quia omnis reatus peccatorum qui in X præceptis admittitur per uniuersum orbem terrarū, qui quatuor partibus cōtinetur: decem quippe quater ducta XL fiunt: siue ille reatus qui ad dies pertinet ex rerum prosperitate, siue qui ad noctes ex rerū aduersitate contractus sit, sacramento baptismi cœlestis abluat. Quod Noe quingentorum erat annorū quum ei loquutus est dominus, ut arcā sibi faceret, & sexcentos agebat annos quū in eam est ingressus: unde intelligitur per C annos arca fabricata: quid aliud hic uidetur C anni significare, nisi ætates singulas seculi? unde ista sexta ætas quæ completis D usq; ad DC, significatur in manifestatione euangelica construi. Et ideo qui sibi ad uitā consulit, sit uelut quadratum lignū, paratus ad omne opus bonum: & intret in fabricam sanctā, quia secundus mensis anni DC, quo intrat Noe in arcam, eandem senariā ætatem significat. Duo enim mēses, sexagenario numero claudūtur. A senario autem numero & LX cōmemorātur & DC & VI milia & LX milia & DC milia & sexcenties, & quicquid deinceps in maioribus summis per eundē articulū numerus in infinita incrementa consurgit. Et quod XX & VII dies mensis cōmemorantur, ad eiusdem quadraturæ significationē pertinet, quæ iam in quadratis lignis exposita est: sed hic euidentius, quia nos ad omne opus bonum paratos, idest quodāmodo quadratos trinitas perficit, in memoria qua deum recolimus, in intelligentia qua cognoscimus, in uolūtate qua diligimus. Tria enim ter, & hoc ter, fiunt XXVII, qui est numeri ternarij quadratus. Quod VII mēse arca sedit, hoc est requieuit: ad illam septimā requiē significatio recurrit, qua perfecti requiescūt. Ibi quoq; illius quadraturæ numerus iterat. Nam XXVII die secūdi mensis commendatū est hoc sacramentū, & rursus XXVII die septimi mensis eadem commendatio confirmata est, quum arca requieuit. Quod enim promittitur in spe, hoc exhibetur in re: quia ipsa septima requies cū octaua resurrectione coniūgitur. Neq; enim reddito corpore finitur requies, quæ post hanc uitā excipit sanctos: sed potius totū hominē, non adhuc in spe, sed iam in re ipsa, omnia ex parte & spiritus & corporis perfecta, immortalī salute renouatum, in æternæ uitæ munus assumūt. Quia igitur septima requies cum octaua resurrectione coniūgitur, & hoc in sacramento regenerationis nostræ,

idest

id est in baptismo, altum profundumque mysterium est. Quod quindecim cubitis supercreuit aqua, excedens altitudinem montium, id est, hoc sacramentum transcendit omnem sapientiā superbiorum. Septem quippe & octo coniuncti, quindecim faciūt. Et quia septuaginta à septem, & octuaginta ab octo denominant, coniuncto utroque numero centū quinquaginta diebus exaltata est aqua, eandem nobis cōmendans atque cōfirmans altitudinem baptismi, in sacrando nouo homine, ad tenendam quietis & resurrectionis fidem. Quod post dies quadraginta emissus coruus non est reuersus, aut aquis utique interceptus, aut aliquo supernatando cadauere illectus, significat homines in immunditia cupiditatis terribiles: & ob hoc ad ea quæ foris sunt in hoc mūdo nimis intentos, aut rebaptizari, aut ab his quos præter arcam, id est, præter ecclesiam baptismus occidit, seduci & teneri. Quod columba emissa non inuenta requie reuersa est, ostendit per nouum testamentū requiem sanctis in hoc mundo non esse promissam. Post quadraginta enim dies emissa est, qui numerus uitam quæ in hoc mūdo agitur significat. Denique post septem dies dimissa, propter illam septenariam operationē spiritalem, oliuæ fructuosæ surculum retulit: quo significaret nonnullos etiam extra ecclesiam baptizatos, si eis pinguedo nō defuerit charitatis, posteriore tempore quasi uespere, in ore columbæ tanquam in osculo pacis, ad unitatis societate posse perducī. Quod post alios septem dies dimissa reuersa non est, significat finem seculi, quando erit sanctorum requies: non adhuc in sacramento spei, quo in hoc tempore satiatur ecclesia, quādiū bibitur quod de Christi latere manauit: sed iam in ipsa perfectione salutis æternæ, quā traditur regnum deo & patri, ut in illa perspicua contēplatione incōmutabilis ueritatis nullis mysteriis corporalibus egeamus. Nimis longum est, ut uel tam breuiter, quā hæc cucurri, cuncta cōtingamus, cur sexcentesimo primo anno uitæ Noe, id est, peractis sexcentis annis, aperitur arcæ tectum, & tanquam reuelatur quod erat absconditum sacramentum: cur uigesimo septimo die secundi mensis dicitur sicasse terra, tanquam finita esset baptizandi necessitas, in numero dierum, quinquagesimo & septimo: ipse est enim dies secundi mensis uigessimus septimus, qui numerus ex illa coniunctione spiritus & corporis, septies octonos habet, uno addito propter unitatis uinculum. Quir de arca coniuncti exeunt, qui disiecti intrauerunt seorsum uiri & seorsum scemine. Exeunt autem Noe & uxor eius, filij eius & uxores filiorum eius: nunc coniuncti cōmemorati masculi & scemina. Quia in fine seculi, atque in resurrectione iustorum omnimoda & perfecta pace spiritui corpus adhærebit, nulla mortalitatis indigentia uel cōcupiscentia resistente. Sequitur. *Ædificauit autem Noe altare domino, & tollens de cunctis pecoribus & uolucris mundis obtulit holocausta super altare, odoratusque est dominus odorem suauitatis.* Si deus omnia fecerat bona, & etiam ualde bona, quid est quod tollens Noe de cunctis pecoribus & uolucris mundis, & sic obtulit holocausta? Nequaquam aliquid in sui natura immundum

De constructione altaris & pecoribus mundis & immundis XLII

dum creatum est, sed ad comparationem melioris, quod bonum in sua natura est, quasi immundum putatur. Constructio quippe altaris, sanctæ trinitatis confessio intelligenda est: de qua dominus ascendens ad cœlos apostolis tradidit, dicens, Ite, docete omnes gentes, baptizantes eos in nomine patris & filij & spiritus sancti, docentes eos seruare omnia quæ præcepi uobis. Super hoc altare fidei sumpsit ex omni pecore mūdo, & ex omni aue munda, & obtulit hostias sanctas domino placentes, rationabile obsequium sanctorum. Per pecus enim mundum illi significati sunt, qui simpliciter uiuunt in ecclesia, sensumq; retinent innocentia, nec habent morsum malitiæ. Porro per auem mundā illi intelliguntur, qui in lege domini meditantur die ac nocte, qui possunt dicere cum apostolo, Nostra autē conuersatio in cœlis est, non quod naturaliter mūdi essent, in iniquitatibus cōcepti, & in delictis generati: sed quod iam renati ex aqua & spiritu sancto recte mundi appellentur: & sic postmodum super altare fidei oblatis sint deo patri, mortificati carne, uiuificati autem spiritu. Odoratusq; est dominus odorem suauitatis. Neq; enim deus odore carniū, aut sanguine irrationabilium pecorum delectatur: quod se utiq; nequaquam exquisisse per Esaia prophetā testatus est: sed odoratus est, hoc est delectatus, humani generis ad se conuersionem & salutem credētium. Sequitur, Nequaquam ultra maledicam terræ propter homines. Sensus enim & cogitatio humani cordis in malū prona sunt ab adolescentia sua. Non igitur ultra percutiam omnem animantē sicut feci.) Nequaquam enim post resurrectionem dominabuntur corporibus uitia atq; peccata, neq; corruptioni subiacebunt & morti corpora, quæ post resurrectionem ad gloriā immutata, incorruptionem & immortalitātē sunt acceptura. Sequitur, Benedixitq; deus Noe & filiis eius, & dixit ad eos, Crescite & multiplicamini, & implete terram: & terror uester ac tremor sit super cuncta animalia terræ, & super omnes uolucres cœli, cum uniuersis quæ mouentur in terra.) Quorū terror ac tremor super animalia terræ præcipitur, profecto esse super homines prohibetur. Homo quippe brutis animalibus, non autem hominibus cæteris, natura prælatus est: & idcirco ei dicitur, ut ab animalibus, & non ab homine timeatur: quia cōtra naturam superbire est, ab æquali uelle timeri. Sequitur, Omnes pisces maris manui uestre traditi sunt: & omne quod mouetur & uiuit, erit uobis in cibum, quasi holera uirentia tradidi uobis omnia, excepto quod carnem cum sanguine non comedetis.) Morticinium autem ad escam hominum usui non admisit, eo quod non occisorum, sed mortuorum animalium, morbida caro est, nec apta ad salutem corporis, cuius causa sumimus alimentum. Illud uero quod in Actibus apostolorum præceptum ab apostolis gentibus impositum, ut abstinerent gentes tantum à fornicatione, & ab immolatis, & à sanguine: id est, non ederent carnem, cuius sanguis non esset effusus. quod alij non sic intelligunt: id est, ut ne quis homicidio se contamineat. quod quidem aut isto, aut alio quolibet modo: nam ista tātummodo obseruando

e nullo

CAP. IX
De benedictio
ne Noe & fil.
XLIII

nullo modo esse poterant Christiani. Quis enim nesciat, Noë & eius filios significasse Iesum Christum & suos prædicatores, qui à deo patre benedictionē perceperunt in cœlestibus in omni benedictione spiritali? Qui tunc iussi sunt crescere & multiplicari, quādo ueluti de arca egressi, de Hierusalem & Iudæa dispersi, quasi terrā ingredi præcepti sunt, dum euntes in mundum iussi sunt prædicare euāgelium omni creaturæ: & tunc spiritaliter creuerunt in filiis, sanctis uidelicet discipulis, & copiosa multitudine cæterorum fidelium: & terror ac tremor eorum fuit super cuncta animalia terræ, gentes scilicet, quæ more irrationabilium pecorum uel animalium uersabantur in mundo: & super omnes uolucres cœli, sapientes utiq; mundi, qui more auium dum de creaturis uel elementis cœli & terræ disputare nitebātur, quasi aues in cœlum uolare uidebantur. Tunc etiam pisces maris manui illorum traditi sunt, quando curiosi quiq; & actiones seculi sectantes, & qui infirmos quosq; & pusillos qui se defendere non ualebant, dum expoliabāt, quasi more piscium eos deuorabant: sed postea ad prædicationem apostolorum, qui dudum aliena rapiebant, coeperunt etiam propria largiri. Impletumq; est illud quod antea propheta ex eorum persona cecinit, dicens, Subiecit populos nobis, & gentes sub pedibus nostris. Et omne quod mouetur & uiuit, erit uobis in escam, quasi holera uirgentia tradidi uobis omnia: id est, ut eum qui ex circumcisione est, ita & qui ex gentibus pari modo ad finem recipietur, sicut Petro dictum est, Surge Petre, macta & manduca. Quumq; ille renuendo diceret, non se aliquando manducasse commune & immundū, dictum est illi, Quæ deus purificauit, tu ne commune dixeris. id est, quos deus gratuita miseratione ex uasis iræ uasa misericordiae per spiritum sanctificationis remittendo præterita peccata fecit, tu non uelut immundos renuere. Excepto quod carnem cum sanguine non comeditis: id est, cum præterito peccato eos ad fidem recipere non debetis: sed ipsi more aquæ per confessionem in conspectu domini effundere, aut certe in terra abscondere, in suā uidelicet carne ex qua ortum est, debēt mortificare. Sed quia ista illis inter gentes agentibus, futurum erat illos persecutionē habituros ab infidelibus, mox ad consolationem eorum uerba respondent. Sanguinem enim animarum uestrarum, requiram de manu cunctarum bestiarum. Neq; enim anima quæ res incorporea est in sua natura, sanguinem habet, uel bestiae brutæ & absq; ratione, pro quolibet facto aliquando deo reddituræ sunt rationem: sed per sanguinē animæ, uitam carnis uoluit demonstrare. Bestias autē hoc in loco persecutores ex gentibus debemus intelligere, qui more bestiarū aduersus dei sanctos suam malitiam exercuerunt. Quod uero addidit, de manu hominis: eosdem persecutores tam ex Iudæis quā ex gentibus uoluit demonstrare: quia & homines sunt per naturam, & bestiae per sœuitiam. Deinde subsequutus est, De manu uiri & fratris eius requiram animam hominis. Saluo intellectu historiæ, quo iustus iudex deus reddit unicuiq; iuxta opera sua, secundum coeptum ordinem allegoriæ, hominem quasi ratio

rationabilem uirum & fratrem sanctis prædicatoribus, id est, apostolis & co-
 mitibus eorum Iudæos debemus intelligere, qui ex uno patre orti sunt, & de
 Abraham profapia descēderunt, qui eosdem prædicatores sanctos extra syna-
 gogā fecerunt: & dum eos occiderunt, uel persequuti sunt, arbitrati sunt se ob-
 sequium præstare deo. Quibus dominus promittit: id est, & persequutoribus
 ex gētib. quasi irrationabilibus bestiis: & hominibus, hoc est, Iudæis, quasi
 ratione utentibus, qui sibi secundum legem uidebantur persequi apostolos:
 utrisq; eos iniuste persequentibus, per iustum iudiciū puniendos esse promi-
 sit. Quicumq; effuderit humanum sanguinem, effundetur sanguis eius.) Ho-
 mines hoc in loco, sanctos uoluit demonstrare, utpote rationales. Quid est
 enim dicere, Quicumq; effuderit humanū sanguinem, effundetur sanguis eius?
 Ac si aperte dicat, Quicumq; eos temporali morte iniuste mulctauerit, perpe-
 tua morte, hoc est, damnatione, punietur. Ad imaginem quippe dei factus
 est homo.) Vere enim ad imaginem dei illi conditi sunt, qui student quotidie
 mortificare membra sua, quæ sunt super terrā, & renouari spiritu mentis, qui
 secundum deum creatus est, qui deponunt mendacium, & loquuntur uerita-
 tem proximis suis, cum quibus sunt inuicē membra. Sequitur, Vos autem
 crescite & multiplicamini, & ingredimini super terrā, & implete eam.) Ad eos-
 dem sanctos prædicatores uerba exhortatoria sūt, ut postposito timore quo
 corpus occiditur, & anima nihil impeditur, crescāt, siue in uirtutibus, siue in nu-
 merositate credentiū multiplicentur: & ingrediant super terrā prædicando, &
 impleant eam docendo, & mirabile demonstrando Christi nomē in uniuersa
 terra: quia dū hoc in hominibus, hoc est, dei notitia, fides uel religio non erat,
 quasi absq; cultore terra deserta & inhabitabilis erat. Sequit̃, Dixitq; deus, De arcu
XLIII
 Hoc signum fœderis, quod do inter me & uos: Arcum meum ponam in nubib.
 & erit signū fœderis inter me & inter terrā. Quumq; obduxero nubibus
 cœlū, apparebit arcus meus in nubibus: & recordabor fœderis mei, quod pe-
 pigi uobiscū.) Arcus propter signum securitatis in cœlo positus est, ut ab om-
 nibus inspicere potuisset. Et ipsum signū in igne & aqua ostenditur: quia ex par-
 te est cœruleus & ex parte rubicundus: quia utriusq; iudiciū testis est, unius ui-
 delicet facti, & alterius faciendī. Quod testamentū posuit deus inter se & ho-
 mines, atq; omnem animā uiuam, ne perdat eam diluuiō: arcum qui apparet
 in nubibus, qui nūquam nisi de sole resplendet. Illi enim non pereunt diluuiō
 separati ab ecclesia, qui in prophetis & omnib. diuinis scripturis, tanq; in nu-
 bibus dei agnoscunt Christi gloriā, non quærunt suam. Sex quippe ætatibus
 humana finitur uita, quarum prima infantia est, secūda pueritia, tertia adole-
 scentia, quarta iuuentus, quinta senectus, sexta senii, quæ sola morte termina-
 tur: ita & sex ætatib. finiendus est hic mūdus, cuius prima ætas fuit ab Adam
 usq; ad diluuiū, quæ recte infantia cōparatur, quæ hinc appellata est, quod fa-
 ri nō potest: quam profecto ætatem primā dimergit obliuio, sicut ætas prima
 generis humani est deleta diluuiō: ita & nūc nostri operis finiendus est liber.

INDEX CAPITVM

LIBRI SECVNDI

D E EO QVOD scriptum est, Cœpit Noe uir agricola exercere terram, plantauit uineam, bibensq; uinum inebriatus est.	Caput I
De maledictione Chanaan, & benedictione duorum filiorum	II
De genealogia filiorum Iaphet	III
Item de filijs Cham	IIII
De filijs Sem & eius posteritate	V
De constructione turris	VI
De eo quod scriptum est, Descendit dominus, ut uideret ciuitatem, & turrim quam ædificabant filij Adam	VII
De generationibus Sem	VIII
De generationibus Thare	IX
De morte Aran	X
De egressione Thare de terra Chaldæorum	XI
De annis Thare	XII
De egressione Abraham de terra sua, & de cognatione sua, & de domo patris sui	XIII
De descensione Abrahæ in Ægyptum	XIIII
De diuisione Abrahæ & Loth, & iurgio pastorum eorum	XV
De apparitione domini ad Abrahā, postquā diuisus est ab eo Loth, & habitatione eius in conualle Mambrae	XVI
De prælio Amraphel regis Sennaar, & Arioch regis Ponti, & Chodorlao, mor regis Elamitarum, & Thadal regis gentium, contra Bara regem Sodomorum	XVII
De Melchisedech sacerdote rege Salem	XVIII
De eo quod scriptū est, Factus est sermo domini ad Abraham per uisionem dicens, Noli timere, ego protector tuus, & merces tua magna nimis	XIX
De eo quod scriptum est, Sume, inquit, uaccam triennem & capram trimam & arietem annorum trium	XX
De ingressu Abrahæ ad Agar ancillam Sarai	XXI
De fuga Agar, & angelo qui apparuit ei	XXII
De alloquutione dei ad Abraham, & mutatione nominis eius	XXIII
De circuncisione Abrahæ & domus eius	XXIIII
De mutatione nominis Sarai	XXV
De promissione natiuitatis Isaac	XXVI
De apparitione trium uitorum Abrahæ in conualle Mambrae	XXVII
De clamore Sodomorum & Gomorrae	XXVIII
	De sub/

De subuersione Sodomæ	XXIX
De ebrietate Loth	XXX
De protectione Abraham in terram Australem, & peregrinatione eius in Geraris	XXXI
De muneribus Abimelech datis Abraham & Saræ	XXXII
De natiuitate Isaac	XXXIII
De lusu Isaac & Ismahel, & eiectione ancillæ cum filio suo	XXXIII
De eo quod scriptum est, Dixit Abimelech & Phicol princeps exercitus eius ad Abraham, Dominus tecum est in uniuersis quæ agis	XXXV
De nemore quod plantauit Abraham in Bersabee	XXXVI
De tentatione Abraham & immolatione filij sui	XXXVII
De eo quod scriptum est, Nuntiatum est Abraham, quod Melcha quoq; genuisset filios Nachor fratri suo	XXXVIII
De morte Saræ, & catalogo annorum eius	XXXIX
De eo quod scriptum est, Erat Abraham senex, dierumq; multorum, & de seruo seniore domus suæ, & de positione manus sub scemore suo	XL
De Cethura uxore Abraham	XLI
De morte Abraham	XLII
De generationibus Ismahel	XLIII
De eo quod scriptum est, Deprecatus est Isaac dominum pro uxore sua, eo quod esset sterilis	XLIII
De eo quod dictum est ad Rebecam, Duæ gentes & duo populi in utero tuo sunt	XLV
De natiuitate Esau & Iacob	XLVI
De eo quod scriptum est, Factus est Esau uir gnarus uenandi, Iacob autem uir simplex	XLVII
De coctione pulmenti, & uenditione primogenituræ Esau	XLVIII
De eo quod scriptum est, Orta autem fame super terram abiit Isaac ad Abimelech regem Palæstinorum in Gerara	XLIX
De eo quod scriptum est, Seminauit Isaac in terra illa, & inuenit in ipso anno centuplum	L
De puteis quos foderant pueri patris Isaac	LI
De senectute Isaac, & caligatione oculorum eius, & benedictionibus filiorum	LII



DIVI EVCHERII LVGDVNENSIS

EPISCOPI COMMENTARIORVM IN GENESIM

ad Veranium & Salonium fratres episcopos

Liber Secundus.



De eo quod
scriptum est,
Coepit Noe,
Ec. I

ECVNDAM NAMQVE SECVLI AETAS A Noe usq; ad ipsum Abraham, uelut pueritia fuit: & sic post diluuium, nouum apparuit seculum, quasi secunda humani generis aetas: Ita & à nobis, deo iuuante, secundus incipiendus est liber. Sequitur, Coepitq; Noe uir agricola exercere terram, & plantauit uineam: bibensq; uinum inebriatus est, & nudatus in tabernaculo suo. Quare uir istus inebriatus est, nisi fortè inebriari uino posse nesciebat? Neq; enim ante diluuium leguntur homines uino uti: & ideo specialiter de Noe scriptum est, Plantauit Noe uineam. Vineam domini Sabaoth, domus Israel est. Bibit de uino eius. Siue ille calix hic intelligitur, de quo idem dominus dicit, Potestis bibere calicem, quem ego bibiturus sum. Et, Pater si fieri potest, transeat à me calix iste. Quo suam, sine dubio, significat passionem: siue quia uinum fructus est uineae, hoc potius illo significatum est, quod ex ipsa uinea, hoc est, ex genere Israelitarum, carnem pro nobis & sanguinem, ut pati posset, assumpsit: & inebriatus est, id est, passus est & nudatus est. Ibi namq; nudatus est, id est, apparuit eius infirmitas, de qua dicit apostolus, Et si crucifixus est ex infirmitate. Vnde item dicit, Infirmum dei fortius est hominibus, & stultum dei sapientius est hominibus. Quod uero quum dictum esset, Et nudatus est: addidit scriptura, In domo sua: eleganter ostendit quod à suae carnis gente, & domesticis sanguinis sui, utiq; Iudaeis, fuerat crucem mortemq; passurus. Sequitur, Quod quum uidisset Cham pater Chanaan, uerenda scilicet patris sui esse nudata, nuntiavit duobus fratribus suis foras. At uero Sem & Iaphet pallium imposuerunt humeris suis, & incedentes retrorsum operuerunt uerenda patris sui. Faciesq; eorum auersae erant, ut patris sui uirilia non uiderent. Proinde in duobus filiis, maximo & minimo, duo populi figurantur, scilicet circumcisio, & praeputium: unam uestem à tergo portantes, sacramentum scilicet iam praeteritae dominicae passionis: neq; nuditatem patris intuentur, quia in Christi necem non consentiunt: & tamen honorant uelamento, tanquam scientes unde sint nati. Medius autem filius, id est, populus Iudaeorum: & ideo medius, quia nec primatum tenuit apostolorum, nec ultimus in gentibus credidit: uidit nuditatem patris, quia consensit in necem Christi: & nuntiavit foras fratribus: per eum quippe manifestatum est, & quodammodo publicatum, quod erat in prophetia secretum: ideoq; fit seruus fratrum suorum. Quid est enim aliud hodieq; gens ipsa, nisi quaedam scriniaria Christianorum, bauiulans legem & prophetas ad testimonium assertionis ecclesiae, ut nos honoremus per sacramentum, quod nuntiat illa per literam? Sequitur, Euigilans autem

autem Noe à uino, quum didicisset quæ fecerat ei filius suus minor, ait, Maledictus Chanaan, seruus seruorum erit fratribus suis. Dixitq; Benedictus dominus deus Sem, sit Chanaan seruus eius. Dilatet deus Iaphet, & habitet in tabernaculis Sem.) Quæritur quare peccans Cham in patris offensa, non in seipso, sed in filio suo Chanaan maledicitur: quia prophetatum est, terram Chanaan, eiectionis inde Chananæis & debellatis, accepturos fuisse filios Israel, qui uenerunt de semine Sem, intuendo & præuidendo, quod longe fuerat post futurum. Vnde factum est etiam illud, ut filium medium, hoc est, primo genito iuniorem ultimoq; maiorem, qui peccauerat in patrem, nō in ipso, sed in filio eius suo nepote malediceret his uerbis, Maledictus Chanaan, sit seruus fratribus suis. Chanaan porro natus fuerat ex Cham, qui patris dormientis nec texerat, sed potius prodiderat nuditatem. Vnde etiam sequutus adiungit benedictionem duorum filiorum, maximi, & minimi, dicens, Benedictus dominus deus Sem, erit Chanaan puer eius: dilatet deus Iaphet, & habitet in tabernaculis Sem. Quanquam enim sit deus omnium gentium, quodammodo tamen proprio uocabulo, & in ipsis iam gentibus dicitur Israel. Et unde hoc factum est, nisi ex benedictione Iaphet? In populo enim gentium, totum orbem terrarum occupauit ecclesia. Hoc prorsus hoc pronuntiabatur, quum diceretur, Dilatet deus Iaphet, & habitet in tabernaculis Sem. Sem quippe de cuius semine incarnatus est Christus, interpretatur nominatus. Quid autem nominatius Christo? cuius nomen iam ubiq; fragrat: ita ut in Cantico canticorum, etiam in se præcedente prophetia, unguento comparetur effuso: in cuius domibus, id est, ecclesijs, habitat gentium latitudo. Nam Iaphet, latitudo interpretatur. Ecce quomodo dilatat deus Iaphet, & habitat in tabernaculis Sem, id est, in ecclesijs, quas filij prophetarū apostoli construxerunt, secundū quod Paulus apostolus fidelibus ex gentibus ait, Qui ætatis illo tempore, sine Christo alienati à societate Israel, & peregrini testamentorum, & promissionis spem non habentes, & sine deo in hoc mundo. Per hæc uerba ostenditur, quod nondum habitat Iaphet in domibus Sem. Sed paulo post quemadmodum concludat aduertamus. Igitur iam, inquit, non estis hospites & peregrini, sed estis ciues sanctorum & domestici dei, superædificati supra fundamentū apostolorum & prophetarum, ipso summo angulari lapide existente Christo Iesu. Porro Cham, qui interpretatur callidus, medius Noe filius, tanquam se ab utroq; discernens, & inter utrūq; remanens, nec in primitijs Israelitarum, nec in plenitudine gentium, quid significat, nisi hæreticorum genus callidum, non spiritu sapiētiae, sed impatientiae, quo solent hæreticorū feruere primordia, & pacem perturbare sanctorum? Multa quidem ad fidem catholicā pertinentia, dum hæreticorū callida inquietudine exagitantur, ut aduersus eos defendi possint, & considerantur diligentius, & intelliguntur clarius, & instātius prædicant, & ab aduersario mota quæstio discēdi existit occasio: quamuis nō solū qui sunt apertissime separati, uerū omnes qui

Christiano nomine gloriantur & perditæ uiuunt, non absurde possunt uideri medio Noe filio figurari. Passiōē quippe Christi quæ illius hominis nuditate significata est, & annūtiānt profitendo, & male agendo exhonōrant. De talibus ergo dictum est, Ex fructibus eorum cognoscetis eos. Ideo Cham in filio suo maledictus est, tanquam in fructu suo, id est, in opere suo. Vnde conuenienter & ipse filius eius Chanaā, interpretatur motus eorum. Quod quid aliud est, quā opus eorum. Sem uero & Iaphet, tanquam circuncisio & præputium: uel sicut alio modo eos appellat apostolus, Iudæos & Græcos, sed uocatos & iustificatos: cognita quodammodo nuditate patris, qua significabatur passio saluatoris, sumentes uestimentum posuerunt supra dorsa sua, & intrauerunt auersi, & operuerunt nuditatem patris sui, nec uiderunt quod reuerendo texerunt. Quodam enim modo in passiōe Christi, & quod pro nobis factum est, honoramus, & Iudæorum facinus auersamur. Vestimentū significat sacramētum: dorsa, memoriā præteritorum, quia passiōem Christi eo scilicet tempore quo habitat Iaphet in domibus Sem, & malus frater in medio eorum, transactam celebrat ecclesia, non adhuc prospectat futuram. Sed malus frater in filio suo, hoc est, in opere suo: puer, id est, seruus est fratrum suorum, quum ad exercitationē patientiæ, uel ad profectum sapientiæ, scienter utuntur boni malis. Sequitur, Vixit autem Noe post diluuium CCCL annis, & impleti sūt omnes dies eius DCCCCL annorū & mortuus est.

CAP. X HÆ sunt generationes filiorum Noe: Sem, Cham, & Iaphet. Natiq̃ sunt eis filij post diluuiū. Filij Iaphet: Gomer & Magog & Madai, Iauan, Tubal & Mosoch & Thyras.) Hi septem filij Iaphet possederunt terram in Asia, ab Amano & Tauro Coelesyriæ & Ciliciæ montibus, usq̃ ad fluuiū Tanain. Porro filij Gomer: Aschenez & Riphath & Togorma. Filij autem Iauan: Elisa & Tharsis, Cethim & Dodanim.) Ab his diuisæ sunt insulæ gentium in regionibus suis, unusquisq̃ secundum linguam & familias in nationibus suis: nomina locis & gentibus relinquentes, e quibus postea immutata sunt plurima: cætera permanent ut fuerunt. Sunt autem Gomer, Galathæ: Magog, Scythæ: Madai, Medi: Iauan, Iones, qui & Græci, unde & mare Ionicum appellatur: Tubal, Hiberi, qui & Hispani, à quibus postea Celtiberi nuncupati sunt: Mosoch, Cappadoces, unde & urbs eorū usq̃ hodie apud eos Mazecha dicitur: Thyras, Thraces, quorum non satis immutatum uocabulum est. Hæ itaq̃ septem gentes, quas de Iaphet stirpe uenientes memoraui, ad aquilonis partem habitant. Filij Gomer: Aschenez & Riphath & Togorma. Aschenez, Græci Rheginos uocant: Riphath, Paphlagonas: Togorma, Phrygas. Filij Iauā: Elisa & Tharsis, Cethim & Dodanim. Cethim sunt Citti, à quibus hodieq̃ urbs Cypri, Cittium nominatur: Dodanim, Rhodij. Omnes penē insulæ, & totius orbis littora, terræq̃ mari uicinæ Græcis accolis occupatæ sunt, qui (ut supra diximus) ab Amano & Tauro montibus, omnia maritima loca usq̃ ad Oceanum possederunt Britannicum. Sequitur, Filij

Filij Cham, Chus & Mesraim, Phuth & Chanaan.) Chus hodieq; ab Hebraeis Æthiopia nuncupatur: Mesraim Ægyptus: Phuth Libyes, à quo & Mauritaniae fluuius usq; in præsens Phuth dicitur, omnisq; circa regio Phuthensis nuncupatur. Modo tamen in una tantū climatis eius parte antiquum Libyæ nomen residet, & reliqua terra uocatur Affrica. Porro Chanaan obtinuit terrā, quam Iudæi deinceps possederunt, eiectis Chananæis. Filij Chus, Saba & Euila, Sabatha & Rema, Sabathacha. Saba à quo Sabæi: Euila Gethuli, in parte remotioris Affricæ, eremo cohærentes. Sabatha Sabatheni, qui nunc Astuari nūcupantur. Rema uero & Sabathacha paulatim antiqua uocabula perdiderūt, & quæ nunc pro ueteribus habeant, ignoratur. Filij Saba, à quo diximus appellatos Sabæos: interpretatur autem nunc Saba, Arabia. In LXXI psalmo ubi nos habemus, Reges Arabum & Saba munera offerent: in Hebræo scriptum est, Reges Saba. Dadai, gens est Æthiopiæ in occidentali plaga. Sequitur, Porro Chus genuit Nemroth, ipse cœpit esse potens in terra, & erat robustus uenator coram domino. Ab hoc exiuit prouerbum, Quasi Nemroth robustus uenator coram domino. Sic ergo intelligendus est gigas iste uenator contra dominum. Quid autem hic significatur hoc nomine, quod est uenator, nisi animarum terrigenarum deceptor, oppressor, extinctor: Et idcirco dictus est, robustus uenator cōtra dominū: pro eo quod homines abstraherat à cultu diuino. Sequitur, Fuit autem principiū regni eius Babylon & Aracha, & Achad & Chalanne in terra Sennaar. Nemroth filius Chus arripuit insuetam prior in populis tyrannidem, regnauitq; in Babilone, quæ ab eo quod ibi confusæ sunt linguæ turrim ædificantium, Babel appellata est. Babel enim interpretatur confusio. Aracha, hæc est Edissa ciuitas. Achat, quæ nunc dicitur Nisiben: Chalanne, postea uerso nomine à Seleuco rege dicta est Seleucia. Sequitur, De terra illa egressus est Assur, & ædificauit Niniuen, & plateas ciuitatis, & Cale: Resen quoq; inter Niniuen & Cale: hæc est ciuitas magna.) Quod uero dictum est, De terra Sennaar, quæ pertinebat ad regnum Nemroth, exiisse Assur, & ædificasse Niniuen, & alias quas construxit ciuitates: longe postea factum est, quod ex hac occasione præstrinxit propter nobilitatem regni Assyriorum, quod mirabiliter dilatauit Ninus, Beli filius, conditor ciuitatis magnæ, Niniuæ, cuius ciuitatis nomen ex illius nomine deriuatum est, ut à Nino Niniue uocaretur. Assur autem, unde Assyrii, non fuit in filijs Cham, sed in filijs Sem reperitur, qui fuit Noe maximus filius. Vnde apparet de progenie Sem exortos fuisse, qui postea regnum gigantis illius obtinerent, & inde procederent, atque alias conderent ciuitates. Sequitur, At uero Mesraim genuit Ludim & Anamim & Balaabim, Neptuim & Petrusim & Chasluim.) De quibus egressi sunt Philistim & Capturim: exceptis Labaim: à quibus Libyes postea uocati sunt, qui prius Phuthæi uocabantur: & Chasluim, qui deinceps Philistim appellati sunt, quos nos corrupte, Palæstinos dicimus: cæteræ sex gentes ignoræ

ignotæ nobis sunt, quia bello Æthiopico subuersæ, atq; ad obliuionē præteritorum nominum peruenerunt. Possederunt autem terram à Gaza usq; ad extremos fines Ægypti. Sequitur, Chanaan autem genuit primogenitum suum Sydonem & Cethæum & Iebusæum & Amorreum & Gergesæum & Euæum & Arachæum, Sinæum & Aradiū, Samariten & Amathæum.) De Chanaan primus natus est Sydon, à quo urbs in Phœnice Sydon uocatur. Arachæus, qui Archas condidit, oppidum in radicibus Lybani situm. Aradij sunt, qui Aradum insulam possederunt angusto freto à Phœnice separatam. Samarij, à quibus Emissa nobilis Cœlesyriæ ciuitas: hanc Macedones, qui post Alexandrum morientem regnauerunt, Epiphaniam nuncupauerunt. Et fuit terminus Chananæorum à Sydona, donec uenias in Gerara, & usq; ad Gazam pergētibus Sodomam & Gomorram & Adamam & Seboim usq; Lezen, quia cæteræ ciuitates Sydon uidelicet & Gerara & Sodoma & Gomorra & Adama & Seboim notæ sunt nominibus suis. Fiunt itaq; omnes filij Chā, hoc est, medij filij Noe, quatuor, & nepotes quinque ex uno eius filio, pronepotes duo ex nepote uno, & fit eorum summa XI. Quibus enumeratis, hinc reditur ad alium filium Cham, qui uocabatur Mesraim: & commemoratur quos genuit, nō tanq̃ singuli homines, sed nationes VII, & de sexta uelut de sexto filio, gens cōmemoratur exisse, quæ appellat̃ Philistim, unde fiunt VIII. Inde iterum ad Chanaā reditur, in quo filio maledictus est Cham, & quos genuit XI nominatur. Deinde usq; ad quos fines peruenerint, cōmemoratis quibusdam ciuitatibus dicitur, ac per hoc in filijs nepotibusq; computatis de progenie Cain xxxi geniti referuntur. Sequitur, De Sem quoq; nati sunt patre omniū filiorū Heber, fratre Iaphet maiore.) Restat cōmemorare filios Sem, maximi filij Noe, ad eum quippe gradatim generationū istarum peruenit, à minimo exorta narratio. Sed unde incipiunt commemorari filij Sem, habet quiddā obscuritatis, quod expositione illustrandum est, quia & multū ad rem pertinet quā requirimus. Sic enim legitur, Et Sem natus est, & ipsi patri omniū filiorum Heber fratri Iaphet maiori. Ordo uerborū est: Et Sem natus est Heber, qui Sem pater est omniū filiorum. Sem ergo patriarcham intelligi uoluit omniū, qui de stirpe eius exorti sunt, quos cōmemoraturus est, siue sint filij, siue sint nepotes & pronepotes. Sequitur, Filij Sem, Elam & Assur & Arphaxat & Lud & Haram.) Hi ab Euphrate fluuio, partem Asiæ usq; ad Indicum oceanum tenēt. Est autem Elam à quo Elamitæ principes Persidis, quod de Assur antea iam dictum est. Sequitur, Filij Haram, Hus & VI & Iecher & Mes. At uero Arphaxat genuit Sala, de quo ortus est Heber.) Arphaxat à quo Chaldaei, Lud à quo Lydij, Haram à quo Syri, quorum metropolis est ciuitas Damascus. Filij Haram, Hus & VI & Iezer & Mes. Hus Traconitidis & Damasci conditor inter Palæstinam & Cœlesyriam tenuit principatum, à quo Septuaginta interpretes in libro Iob, ubi in Hebræo scribitur terra Hus, regionem Ausitidem transtulerunt. VI à quo Armeni, Iezer à quo

De posteris
Sem V

à quo Carmani seu Carij. Sequitur, At uero Arphaxat genuit Sala, de quo
 ortus est Heber.) Non sanè istum Heber genuit Sem, sed ab illo quartus in
 progenitorū serie reperitur. Sem quippe inter alios filios genuit Arphaxat,
 Arphaxat autem genuit Sala de quo ortus est Heber. Non itaq; frustra ipse
 primus est natus in progenie ueniente de Sem, & prælatus est etiam filijs,
 quum sit quartus nepos: nisi quia uerū est quod traditur, ex illo Hebræos co/
 gnominatos esse, tanquam Hebereos: quum & alia possit esse opinio, ut ex
 Abraham, tāquam Abrahei dicti esse uideantur. Sed nimirū hoc uerum est,
 quod ex Heber, Heberei appellati sunt, ac deinde una detruncata litera, He/
 bræi: quam linguam solus Israel populus potuit obtinere, in quo dei ciuitas &
 in sanctis peregrinata est & in omnibus sacramento adumbrata. Igitur filij
 Sem prius nominātur: deinde ex uno eorum nati sunt quatuor nepotes eius.
 Itemq; alter filiorum Sem genuit eius nepotē, atq; inde abnepos, qui est He/
 ber. Genuit autem Heber duos filios, quorū unum appellauit Phalec, quod
 interpretatur diuidens. Deinde scriptura subiūgens, rationemq; huius nomi/
 nis reddens, Quia in diebus (inquit) eius, diuisa est terra. Hoc autem quid sit,
 post apparebit. Alius uero qui natus est ex Heber, genuit duodecim filios: ac/
 per hoc fiunt omnes geniti de Sem uigintiseptē. In summa igitur omnes pro/
 geniti de tribus filijs Noe, id est, xv de Iaphet, xxxi de Cham, xxvii de
 Sem, fiunt LXXIII. Deinde scriptura sequitur, dicens, Hi filij Sem in tribu/
 bus suis, secūdam linguas suas, in regionibus suis & in gentibus suis.) Itemq;
 de omnibus: Hæ, inquit, tribus filiorum Noe secundum generationes eorum
 & secūdam gentes eorum. Ab his dispersæ sunt insulæ gentium super terram
 post diluuium. Vnde colligitur LXXIII, uel potius quod postea demonstrabi/
 tur LXXII gentes tunc fuisse, non homines. Nam & prius quum fuissent com/
 memorati filij Phalec, ita cōclusum est, Ex his segregatæ sunt insulæ gentium
 in terras eorum, unusquisq; secūdam linguam suam in tribubus suis & in gen/
 tibus suis. Iam uero in filijs Cham quodā loco apertius cōmemoratae sunt, si/
 cut superius ostendi: Mesruim genuit eos qui dicuntur Ludijm, & eodem mo/
 do ceteræ usq; ad vii gētes: & numeratis omnibus postea cōcludens, Hi filij
 Cham, inquit, in tribubus suis, secundum linguas suas in regionibus suis. Pro/
 pterea ergo multorū filij non sunt cōmemorati, quia gentibus alijs nascendo
 accesserunt alijs, ipsi autem facere gentes nequiuerūt. Nam qua alia causa cum
 filij Iaphet octo enumerētur, ex duobus eorum tantum filij nati commemo/
 rantur: & quum filij Cham quatuor nominētur, ex tribus tantū qui nati sunt
 adijciuntur: & quum filij Sem nominentur vi, duorum tantū posteritas atte/
 xitur. Nunquid ceteri sine filijs remanserunt? Absit hoc credere. Sed gentes
 propter quas cōmemorari digni essent, nō utiq; fecerunt: quia sicut nascebant/
 tur alijs gentibus addebātur. Quum ergo in suis linguis istæ gentes fuisse re/
 ferantur, redit tamen narrator ad illud tēpus, quando una lingua omniū fuit,
 & inde iam exponit quid acciderit, ut linguarū diuersitas nasceret. Sequitur,

Erat

CAP. XI

De constru-
tione turris

VI

De eo quod
scriptū est,
Descendit do-
minus &c.

VII

ERAT autem terra labij unius, & sermonum eorundem. Quumq̃ profici-
scerentur de oriente inuenerunt campum in terra Sennaar, & habitauerunt
in eo. Dixitq̃ alter ad proximū suum, Venite, faciamus lateres, & coquamus
eos igni. Habueruntq̃ lateres pro saxis, & bitumen pro cemēto. Et dixerunt,
Venite, faciamus nobis ciuitatē & turrim, cuius culmen pertingat ad cœlum:
& celebremus nomen nostrū, antequā diuidamur in uniuersas terras.) Ista
ciuitas quæ appellata est confusio, ipsa est Babylon, cuius mirabilem constru-
ctionem etiam gentium commendant historiæ. Babylon quippe interpreta-
tur confusio. Vnde colligitur gigantem illum Nemroth fuisse illius condito-
rem, quod superius fuerat intimatum. Vbi quum de illo scriptura loqueretur,
ait, Initium regni eius fuit Babylon: id est, quæ ciuitatum cæterarum gereret
principatum, ubi esset tanquam in metropoli habitaculū regni, quamuis per-
fecta non fuerit usq̃ in tantum modum, quantum superba cogitabat impie-
tas. Nam nimia disponebatur altitudo, quæ dicta est usq̃ ad cœlū, siue unius
turris eius quam moliebantur inter alias esse præcipuam. Solet enim super-
biam stultitia sequi, & humilitatē sapientia. Sequitur, Descendit autem do-
minus ut uideret ciuitatem & turrim, quam ædificabant filij Adam: & dixit,
Ecce unus est populus, & unum labium omnibus: cœperuntq̃ hoc facere, nec
desistent à cogitationibus suis, donec eas opere impleant.) Descēdit dominus
uidere ciuitatem & turrim, quam ædificabāt filij Adam: hoc est, non filij dei,
sed filij hominum: id est, illa societas secundum hominem uiuens, quam terre-
nam dicimus ciuitatem. Non loco mouetur deus, qui ubiq̃ est totus semper:
sed descēdere dicitur, quum aliquid facit in terra: quod præter usitatum natu-
ræ cursum mirabiliter factum, præsentiam quodam modo eius ostendit. Nec
uidendo discit ad tempus, qui nunquam potest aliquid ignorare, sed ad tem-
pus uidere & cognoscere dicitur, quod uideri & cognosci faciat. Non sic ergo
uidebatur illa ciuitas, quomodo eam deus uidere fecit: quando sibi quantum
displiceret, ostendit: quamuis possit intelligi deus ad illam ciuitatem descen-
disse: quia descēderunt angeli eius, in quibus habitat: quia per angelos descen-
debat, qui in angelis descendantibus erat. Et bene, non ait, Venite, & descen-
dentes confundite: sed, Confundamus ibi linguā eorum. ostendens ita se ope-
rari per ministros suos, ut sint etiam ipsi cooperatores dei. Nec sic loquitur an-
gelis deus, quomodo nos inuicem nobis uel deo, uel angelis, uel ipsi angeli no-
bis, siue per illos dominus nobis: sed ineffabili suo modo, nobis aut̃ indicatur
hoc nostro modo. Dei quippe sublimior ante suum factū loquutio, ipsius sui
facti est immutabilis ratio, quæ non habet sonū strepentē atq̃ transeuntem,
sed uim sempiternæ manentem, & temporaliter operantem. Hæc loquitur an-
gelis sanctis: nobis autem longe positis, per angelos, secundum modum no-
stræ capacitatis. Quando autem etiam nos aliquid talis loquutionis interiori-
bus auribus capimus, angelis propinquamus. Illud sane quod dictū est, Nec
desistent à cogitationibus suis, donec eas opere impleant: nō est dictum con-
firmando,

firmando, sed tanquam interrogando, sicut solet à comminantibus dici. Sic ergo accipiendum est, tanquam dixerit, Nonne omnia deficient ex illis quæ conati sunt facere? Sed si ita dicatur, non exprimet comminantem, quoniam uocem pronūtiantis non possumus scribere. Sequitur, Venite igitur descendamus & confundamus ibi linguas eorum, ut non audiat unusquisque uocem proximi sui. Atque ita diuisit eos dominus ex illo loco in uniuersas terras, & cessauerunt ædificare ciuitatem. Et idcirco uocatum est nomen eius Babel, quia ibi confusum est labiū uniuersæ terræ: & inde dispersit eos dominus super faciem cunctarum regionum. Merito autem malus punitur affectus, etiam cui non succedit effectus. Genus uero ipsius pœnæ quale fuit? Quoniam dominatio imperantis in lingua est, ibi damnata est superbia: ut non intelligeretur iubens homini, qui noluit intelligere, ut obediret deo iubenti. Sic illa conspiratio dissoluta est, quum quisque ab eo quem non intelligeret, abscederet: nec se, nisi ei cū quo loqui poterat, aggregaret. Et per linguas diuisæ sunt gentes, dispersæque per terras, sicut deo placuit, qui hoc modis occultis, nobisque incōprehensibilibus fecit. Ex illis igitur tribus hominibus Noe filiis, septuagintaduæ linguæ per terras esse cœperūt, quæ crescēdo ad insulas peruenerunt. Auctus est numerus autem gētiū multo amplius, quā linguarum. Primus autem post diluuium inter homines Nemroth, filius Chus, noua imperij cupiditate tyrannidem arripuit: regnauitque in Babylonia, quæ ab eo quod ibi confusæ sunt linguæ, Babel appellata est, quod interpretatur confusio: cuius ædificandæ turris idem Nemroth exitit author. Qui pro eo quod ultra naturam suam cœli alta penetrare contendit, non incongrue diabolo comparatur: qui cogitatione cordis sui intumescens, super sydera exaltare se uoluit: id est, super omnem potestatem angelorum deo se cœquare disponēs, dum dicit, Ascendam super altitudinem nubium, & ero similis altissimo. Quod autem dicitur, uenator: quid significatur hoc nomine, nisi animarum terrigenarū deceptor, & capiens homines ad mortem? Turris eius, superbia huius mūdi est, uel impia dogmata hæreticorum: qui postquā moti sunt ab oriente, id est, à uero lumine recesserunt, & uenerunt in montem Sennaar, qui interpretatur excusio dentium, statim aduersus deum impietatis suæ ædificauerūt turrim, ac dogmatum superbiam nefario ausu confinxerunt, uolentes curiositate non licita ipsius cœli alta penetrare: sed sicut illi per superbiam ab una lingua in multas diuisi sunt, ita & hæretici ab unitate fidei & confessionis segregati, inter se diuersitate erroris quasi per dissonantiam linguæ inuicem secernuntur: & quos armat aduersus deum elatæ conspirationis perniciosa consensio, rursus intendente dogmatum discordia, diuidit oborta repente confusio. Quos quidem ipsa trinitas damnat in quam offendunt, ipsa eos dispergit, dum dicit, Venite, descendamus, & cōfundamus linguas eorum: in uarietate utique erroris, siue schismatum. Eo autem tempore quando linguarum facta est uarietas, in sola domo Heber, quæ antea fuit lingua remansit. Ita & nunc in sola ecclesia, quæ est domus

est domus Christi, unitam esse confessionis & fidei pacem, diuisis omnibus reprobis, restat. Benedictis igitur duobus filiis Noe, atq; uno in medio eorum maledicto: deinceps usq; ad Abraham de iustorū aliquorū qui pie deum colerent cōmemoratione silētium est. Nec eos defuisse crediderim, sed si omnes cōmemorarentur nimis longum fieret: & hæc esset historica magis diligētia, quàm prophetica prouidentia. Illa itaq; exequitur literarū sacrarum scriptor istarum, uel potius per eum dei spiritus, quibus non solum narrentur præterita, uerum etiam prænūtientur, quæ tamen pertinent ad ciuitatem dei: quia & de hominibus qui non sunt ciues eius, quicquid hic dicitur ad hoc dicitur, ut illa ex comparatione cōtraria uel proficiat uel emineat. Non sanè omnia quæ gesta narrantur, aliquid etiā significare putanda sunt: sed propter illa quæ aliqd significant, & illa quæ nihil significant attexunt. Solo enim uomere terra proscinditur: sed ut hoc fieri possit, etiā cætera aratri mēbra necessaria sunt: & soli nerui in cithara, atq; huiusmodi uasis musicis aptantur ad cantū: sed ut aptari possint & cætera in cōpaginibus organorū, quæ non percutiūtur à canētibus, his quæ percussa resonant connectūtur. Item in prophetica historia dicuntur & aliqua quæ nihil significant, sed quib. adhæreāt quæ significāt, & quodammodo religuntur. Propter hoc ergo scriptura diuina quum tetrenā ciuitatem in Babylone, hoc est, in confusione, monstrasset, ad patriarcham Sem recapitulando reuertitur, & ordinantur inde generationes usq; ad Abrahā, commemorato etiam numero annorum quanto quisq; ad hanc seriem pertinentem genuisset filium, quanto quisq; uixisset. Vbi certe agnoscendum est, quod ante promiseram, ut quare sit dictū de filio Heber, nomen eius Phalec, quia in diebus eius diuisa est terra. Quid enim aliud intelligendum est, terram esse diuisam, nisi diuersitatē linguarum? Omissis ergo cæteris filiis Noe ad hanc rem non pertinentibus, illi connectuntur in ordine generationum, per quos possit ad Abraham perueniri, sicut illi connectebātur ante diluuium per quos perueniretur ad Noe generationib. quæ propagatæ sunt ex illo Adam filio, qui est appellatus Seth. Sic ergo incipit generationū istarum contextio. Sequitur, Hæ generationes Sem. Sem centum erat annorū quando genuit Arphaxat, biennio post diluuium. Porro Arphaxat quum esset xxxv annorū, genuit Sale. Sale quoq; trigesimo ætatis suæ anno genuit Heber.) Sicut supra memoraui quum cœpissent enumerari filij Sem, qui singuli gentes singulas procrearunt, primus est cōmendatus Heber, quum sit pronepos ipsius Sem, hoc est, quartus inueniatur ab illo exortus. Quia ergo in eius familia remāsit hæc lingua, diuisis per alias linguas gentibus cæteris, quæ lingua prius humano generi non immerito creditur fuisse communis, ideo deinceps Hebræa est nuncupata. Tunc enim opus erat eam distingui ab alijs linguis nomine proprio, sicut aliæ quoq; uocatæ sunt nominibus proprijs. Quando autem erat una nihil aliud quàm humana lingua uel humana loquutio uocabatur, qua sola uniuersum genus humanum loquebatur. Sequitur, Vixit autem Heber tri-

De genera/
tionibus Sem

VIII

ginta

gintaquatuor annis, & genuit Phalec) Dixerit aliquis, Si in diebus Phalec filij Heber diuisa est terra per linguas, id est, homines, qui tunc erant in terra, ex eius nomine potius debuit appellari lingua illa, quæ fuit omnibus antea communis. Sed intelligendum est ipsum Heber propterea tale nomen imposuisse filio suo, ut uocaretur Phalec, quod interpretatur diuisio, quia tunc ei natus est, quando per linguas terra diuisa est, id est, ipso tēpore: ut hoc sit quod dictum est, In diebus illius diuisa est terra. Nam nisi adhuc Heber uiueret, quādo linguarum facta est multitudo, non eius nomine nomen acciperet lingua, quæ apud ipsum potuit permanere. Et ideo credendum est, ipsam fuisse primā linguam quæ antea erat omnibus cōmunis, quoniam de pœna uenit illa multiplicatio, mutatioq; linguarum, & utiq; præter hanc pœnam debuit esse populus dei. Nec frustra lingua hæc est, quam tenuit Abrahā, nec in omnes filios suos trāsmittere potuit, sed in eos tantū qui propagati per Iacob & insignius atq; eminentius in dei populū coalescentes, dei testamēta & stirpem Christi habere potuerunt. Nec Heber ipse eandem linguā in uniuersam progeniem suam refudit, sed in eam tantū, cuius generationes perducūtur ad Abraham. Quapropter etiam si non euidenter expressum est, fuisse aliquod pium genus hominum, quando ab impijs Babylonia condebatur: non ad hoc ualuit hæc obscuritas, ut quærentis fraudaretur, sed potius exerceretur intētio. Quum ergo quærimus in illis septuagintaduabus gentibus ciuitatē dei, non possumus affirmare illo tempore quo erat eis labium unum, id est, loquela una, tūc iam genus humanum alienatū fuisse à cultu ueri dei, ita ut in solis istis generationibus pietas uera remaneret, quæ descendunt de semine Sem per Arphaxat, & tendunt ad Abrahā: sed ab illa superbia ædificandæ turris usq; in cœlum, qua impia significatur elatio, apparuit ciuitas, hoc est, societas impiorum. uerum itaq; an antea latuerit, an fuerit, an potius utraq; permanserit: pia scilicet in duobus filijs Noe, qui benedicti sunt, eorūq; posteris: impia uero in eo qui maledictus est atq; eius progenie, ubi etiam exortus est gigas uenator cōtra dominū: non est dījudicatio facilis. Fortassis enim quod profecto est credibilis, & in filijs duorū illorum iam tūc, ante q̃ Babylonia cœpisset institui, fuerunt contēptores dei: & in filijs Cham cultores dei. Vtrūq; tamen hominum genus, terris nunq; defuisse credendū est. Quamobrē sicut lingua una quum esset omnium, non ideo filij pestilentix defuerunt: nam & ante diluuiū una erat lingua, & tamen omnes præter unam Noe iusti domū deleri diluuiū meruerunt: ita quando merito elationis impietatis gentes linguarum diuersitate punitæ atq; diuisæ sunt, & ciuitas impiorū confusionis nomen accepit, hoc est appellata est Babylon, nō defuit domus Heber, ubi ea quæ antea fuit omniū lingua remāsit. Quum enim legitur unam fuisse linguam primitus omniū, & ante omnes filios Sem commēdatur Heber, quāuis ex illo quartus oriatur: & Hebræa uocatur lingua, quam patriarcharū & prophetarū non solum in sermonibus uerū etiam in literis sacris custodiuit autoritas: profecto quū quæ-

De generatio
nibus Thare
IX

ritur in diuisione linguarum ubi lingua illa remanere potuerit, quæ fuit ante communis, quæ sine ulla dubitatione ubi remansit non ibi fuit illa poena quæ facta est mutatione linguarum, quid aliud occurrit, nisi quod in huius gente remanserit à cuius nomine nomē accepit, & hoc iustitiæ gentis huius non paruum apparuisse uestigium, quod quum aliæ gentes plecterentur mutatione linguarum, ad istam non peruenit tale supplicium. Sequitur, Hæ sunt generationes Thare. Thare genuit Abram & Nachor & Aran.) Ab adolescentia incipit homo posse generare. Propterea Matthæus ab ipso Abraham sumpsit exordiū, & usq; ad Dauid perducere procurauit. Neq; enim frustra euangelista sic generationes commemorauit, ut hoc primum interuallum XIII generationibus commendaret, ab Abraham scilicet usq; ad Dauid. Ab adolescentia quippe incipit homo posse generare. Propterea generationum ordo ex Abraham sumpsit exordiū, qui etiam pater gentium constitutus est, quando mutatum nomē accepit. Nunc iam uideamus procursum ciuitatis dei, etiam ab illo articulo temporis, qui factus est in patre Abraham: unde incipit esse notitia eius euidentior, & ubi clariora leguntur promissa diuina, quæ nunc uidemus in Christo impleri. Sicut ergo scriptura diuina indicante didicimus, in regione Chaldæorum natus est Abraham, quæ terra ad regnum Assyriorum pertinebat. Apud Chaldæos autem iam tunc superstitiones impiæ præualebant, quemadmodum per cæteras gentes. Vna igitur Thare domus erat, de quo natus est Abraham, in qua unius ueri dei cultus, & quātum credibile est, in qua iam sola etiam Hebræa lingua remanserat: quāuis & ipsi, sicut iam manifestius dei populus in Ægypto, in Mesopotamia seruisse dijs alienis, Iesu Naue narrante referuntur, ex progenie illius Heber in linguas paulatim alias & in alias nationes defluentibus. Proinde sicut per aquarum diluuiū una domus Noe remanserat ad reparandum genus humanum, sic in diluuiō multarum superstitionum per uniuersum mundum una remāserat domus Thare, in qua custodita est plantatio ciuitatis dei. Deniq; sicut illic enumeratis supra generationibus usq; ad Noe, simul cum annorū numeris, & exposita diluuij causa, priusq; deus inciperet de arca fabricanda loqui ad Noe dicitur, Hæ generationes Noe: ita & hic enumeratis generationibus ab illo, qui est appellatus Sem, filio Noe, usq; ad Abraham. Deinde in singulis articulis similiter ponitur, ut dicatur, Hæ sunt generationes Thare. Thare genuit Abram & Nachor & Aran. Sequitur, Porro Aran genuit Loth. Mortuusq; est Aran ante Thare patrem suum in terra natiuitatis suæ in Hur Chaldæorum.) Pro eo quod legimus in terra natiuitatis suæ: in Hebræo habetur in Hur Cesdim, id est, in igne Chaldæorum. Tradunt autem Hebræi ex hac occasione istiusmodi fabulam, quod Abraham in ignem missus sit, quia ignem adorare noluerit: & quod Babylonio uallatus incendio, & dei auxilio liberatus de idololatriæ igne profugerit: quod in consequētibus scribitur egressum esse Thare cum sobole sua de regione Chaldæorum, pro eo quod in Hebræo habetur de Hur, hoc est

De morte
Aran X

hoc est, de incēdio Chaldæorum: & hoc esse quod nunc dicitur, Mortuus est Aran ante cōspectum Thare patris sui, in terra natiuitatis suæ, in igne Chaldæorum: quod uidelicet nolens ignem adorare, igne cōsumptus sit. Sequitur,

Duxerunt autem Abram & Nachor uxores, nomē uxoris Abram, Sarai, & nomē uxoris Nachor, Melcha, filia Aran, patris Melchæ & patris Ieschæ.) Aran filius Thare, frater Abram & Nachor, duas filias genuit, Melcham, & Sarai cognomento Iescham, è quibus Melcham accepit uxorem Nachor, & Sarai Abram. Necdum quippe inter patruos & fratrum filias nuptiæ fuerant lege prohibitæ, quæ in primis hominibus, etiam inter fratres & sorores initiatæ sunt. Sequitur, Erat autem Sarai sterilis, nec habebat liberos. Tulit itaq; Thare Abram filium suum, & Loth filium Aran filij sui, & Sarai nurū suam uxorem Abram filij sui, & eduxit eos de Hur Chaldæorum, ut iret in terram Chanaā: ueneruntq; usq; Aram, & habitauerunt ibi.) Narratur enim quem admodum Thare cum suis reliquerit regionem Chaldæorū, & uenerit in Mesopotamiam, & habitauerit ibi. Tacetur autē de uno eius filio, qui uocabatur Nachor, tāquam eum non duxerit secum, sed inueniemus postea. Quum seruum suum mitteret Abraham ad accipiendam uxorem filio suo Isaac, ita scriptum est, Et accepit puer decē camelos de camelis domini sui secum, & exurgens profectus est in Mesopotamiam in ciuitatem Nachor. Isto & alijs sacre huius historiæ testimonijs ostenditur etiam Nachor exisse de regione Chaldæorum, sedesq; constituisse in Mesopotamia, ubi cum patre suo habitauerat Abraham. Quur ergo scriptura eum non cōmemorauit, quando ex gente Chaldæa cū suis profectus est Thare, & habitauit in Mesopotamia, ubi non solum Abraham filius eius, uerū etiam Sarai nurus, & Loth nepos eius commemorantur, quod eos duxerit secum? Quur putamus nisi fortē quod à paterna & fraterna pietate descuerat, & superstitioni adhæserat Chaldæorum, & postea inde siue pœnitendo, siue persequutionē passus, quod suspectus haberetur, & ipse migravit. Sequitur, Facti sunt autē omnes dies Thare ducen-

De migratione Thare **XI**

De annis Thare **XII**

torum quinq; annorū, & mortuus est in Aran.) Quod alia translatio in Carra nominare solet. Non sic autem accipiendum est, quasi omnes hos dies ibi egerit: sed quia omnes dies uitæ suæ, qui fuerunt anni ducenti quinq; ibi compleuerit: alioquin nesciretur quot annos uixerit Thara in Carra, quoniā non legitur quoto anno uitæ suæ in Carran uenerit: & absurdum est existimare in ista serie generationum, ubi diligenter commemoratur quot annos quisq; uixerit, huius solius numerum annorum uitæ non commendatū esse memoriæ. Quod enim quorundam quos eadem scriptura commemorat, tacentur anni, non sunt in hoc ordine in quo temporū dinumeratio discessione gignentium & genitorum successione contexitur. Iste autem ordo qui dirigitur ab Adam usq; ad Noe, & inde usq; ad Abraham, sine numero annorū uitæ suæ neminem continet. Quod uero cōmemorata morte Thare patris Abraham: deinde legitur, Et dixit dominus ad Abraham, Exi de terra tua, & de cognatione

tua, & de domo patris tui, & cætera: sed & beatus Stephanus in Actibus apostolorum quum ista narraret, inter cætera, sic ait, Deus gloriæ apparuit Abraham patri nostro, quum esset in Mesopotamia, prius quàm habitaret in Carra: & ait ad illum, Egredere de terra tua, & de cognatione tua, & de domo patris tui. Secundum hæc uerba beati Stephani, nō post mortem patris eius loquutus est deus ad Abraham, qui utiq; in Carra mortuus est, ubi cum illo & ipse filius habitauit: sed prius quàm habitaret in eadem ciuitate, iam tamen quū esset in Mesopotamia: iam ergo exierat à Chaldæis. Quod itaq; adiungit beatus Stephanus, Tunc Abraham egressus est de terra Chaldæorum, & habitauit in Carra: non quod sit factum postea q̃ loquutus est illi deus: neq; enim post illa dei uerba egressus est de terra Chaldæorum: quum dicat ei loquutum dominum esse in Mesopotamia: sed ad totum illud tempus pertinet, quod ait, tunc: id est, ex quo egressus est à Chaldæis, & habitauit in Carra. Et item quod sequitur, Et inde postquàm mortuus est pater eius, collocauit illum in terra hac, in qua uos nūc habitatis & patres uestri. Non ait, Postquàm mortuus est pater eius exiit de Carra: sed inde quum eum hic collocauit, postea mortuus est pater eius. Intelligendum est igitur, loquutum deum fuisse ad Abraham, quum esset in Mesopotamia, prius q̃ habitaret in Carra: sed eum in Carran peruenisse cum patre, retento apud se præcepto dei: & inde exisse septuagesimo & quinto suo, patris autem sui cētesimo quadragesimo & quinto anno. Collocationē uero eius in terra Chanaan, non profectiōnem de Carra, post mortem patris eius factam esse dicit: quia iam mortuus erat pater eius, quādo emit terram, cuius sibi iam suæ coepit rei esse possessor. Quod autem iam in Mesopotamia constituto: hoc est, iam egresso de terra Chaldæorum dicit deus, Egredere de terra tua, & de cognatione tua, & de domo patris tui: non ut corpus inde eijceret, quod iam fecerat, sed animum auelleret, dicitur: non enim inde exierat animo, si spe redeundi & desiderio tenebatur: quæ spes & desiderium, deo iubente ac iuuante, & illo obediente, fuerat amputandum. Non sanè incredibiliter existimatur, quum postea sequutus esset Nachor patrem suum, tunc Abraham præceptum domini implese, ut cum Sara coniuge sua, & Loth filio fratris sui exiret de Carra. Iam considerandæ sunt promissiones dei factæ ad Abraham. In his enim apertiora dei nostri, hoc est, dei ueri oracula apparere coeperūt de populo piorum, quem prophetica prænuntiavit autoritas. Harum prima ita legitur,

CAP. XII
De migratione
Abraham
XIII

ET dixit deus ad Abraham, Egredere de terra tua, & de cognatione tua, & de domo patris tui, & ueni in terram quam tibi monstrauero, & faciam te in gentem magnam, & benedicam tibi & magnificabo nomen tuum, erisq; benedictus. Benedicam benedicientibus tibi, & maledicam maledicentibus tibi, atq; in te benedicentur uniuersæ cognationes terræ.) Aduertendum est igitur duas res promissas Abraham: unam scilicet, quod terram Chanaan possessurum fuerat semen eius: quod significatur, ubi dictum est, Vade in terram quam

quam tibi monstraui, & faciam te in gentem magnam. Aliam uero longe præstantiorem, non de carnali, sed de spiritali semine: per quod pater est, non unius gentis Israeliticæ, sed omnium gentium, quæ fidei eius uestigia consequuntur: quod promitti cœpit his uerbis, Et benedicentur in te omnes tribus terræ. Hanc promissionem factam arbitratur Eusebius septuagesimo quinto anno ætatis Abrahæ: tanquam mox ut facta est, de Carra exierit Abraham: quoniam scripturæ contradici non potest, ubi legitur, Abraham erat septuagintaquinque annorum quum exiit de Carra. Sed si eo anno facta est ista promissio, iam utique in Carra cum patre suo demorabatur Abrahâ. Neque enim exire inde posset, nisi prius ibi habitasset. Nunquid nam ergo contradicitur Stephano dicenti, Deus gloriæ apparuit Abrahæ patri nostro quum esset in Mesopotamia, prius quàm habitaret in Carra? Sed intelligendum est, quod eodem anno facta sint omnia: & dei promissio, antequàm in Carra habitaret Abraham, & in Carra habitatio eius, & inde profectio: non solum quia Eusebius in Chronicis ab anno huius promissionis cõputat & ostendit post quadringentos & triginta annos exitum esse de Ægypto, quando lex data est: uerum etiam quia id commemorat apostolus Paulus. Egressus est ergo Abraham de Carra septuagesimo quinto anno ætatis suæ: & habebat in regno Ninus Assyriorum rex quadragintres annos, quando natus est Abraham, qui erat annus circiter millesimus ducentessimus ante conditâ Romam, uelut alteram in occidente Babyloniam: centesimo & quadragesimo quinto patris sui, cum Loth filio fratris sui & Sara cõiuge perrexit in terram Chanaan, & peruenit usque ad Sichem, ubi rursus diuinum accepit oraculum. Quis autem alius exiit in Abraham de terra sua & de cognatione sua, ut apud cæteros locupletaretur, & esset in gentem magnam, nisi Christus qui relictâ terra & cognatione Iudæorum præpollet nunc in gentibus. Item moralis expositio hæc habet: Eximus de terra nostra, quâdo diuitias mundi huius facultatesque contemnimus: & de cognatione nostra, id est, uitis prioribus, quæ nobis à natiuitate nostra cohærentia, uelut quadam affinitate & cõsanguinitate coniuncta sunt: & de domo patris nostri, id est, de omni memoria mundi huius, quæ oculorum occurrit obtutibus. Sequitur, Et egressi sunt ut irent in terram Chanaan: quumque uenissent in eam, pertransiuit Abrahâ terram usque ad locum Sichem, & usque ad conuallem illustrem) Sichem ipsa est quæ & Salem, quæ Latine & Græce Sicima uocata est, ciuitas Iacob, & sita est in finibus tribus Effraim. Sed & filius Emor appellatus est Sichem, à quo locus nomen accepit. Fuit autem & alia Sichem in monte Effraim, ciuitas fugitiuorum. Sequitur, Apparuitque dominus Abrahâ, & dixit ei, Semini tuo dabo terram hanc. Qui edificauit ibi altare domino, qui apparuit ei) Nihil hic de illo semine promissum est, in quo pater factus est omnium gentium, sed de illo solo, de quo pater est unius Israeliticæ gentis. Ab hoc semine terra ipsa possessa est. Deinde edificato ibi altari, & inuocato deo, Abrahâ profectus est inde, & habitauit in eremo. Sequitur, Facta est autem fames in terra.

De descensu
Abrahæ in
Ægyptum
XIII

in terra, descenditq; Abram in Ægyptum, ut peregrinaretur ibi. Præualuerat enim fames in terra. Quumq; prope esset ut ingrederetur Ægyptum, dixit Sarai uxori suæ, Noui quod pulchra sis mulier, & quod quum uiderint te Ægyptij dicturi sint, Vxor ipsius est. Et interficient me, & te reseruabunt. Dic ergo, obsecro te, quod soror mea sis, ut bene sit mihi propter te, & uiuat anima mea ob gratiam tuam) Quum Abrahā inter ignotos propter excellentissimam pulchritudinē Saræ & eius pudicitia & mariti uita esset in dubio, nec utrūq; tueri posset Abraham, coniugis pudicitiam tuendam committens deo, & humanas insidias cauens ut homo, quoniam si periculum quantum cauere poterat, non caueret, magis tentaret deum, quā speraret in deum, fecit quod potuit: quod autem non potuit, illi commisit. Neq; enim deus ab illo mortē non poterat repellere, quam timebat: eumq; cum coniuge sua ab omni pernīcie in illa peregrinatione tutari, ut nec uxor eius quamuis esset pulcherrima appetetur ab aliquo, nec propter illam moreretur. Si interrogatus Abraham illam foeminam indicasset uxorem suam esse, duas res tuendas committeret deo, & suam uitam, & coniugis pudicitiam. Neq; enim utrum eius uxor esset, interrogatus non esse respondit, sed quum ab eo quæreretur quid ei esset illa mulier, indicauit sororē, non negauit uxorem. Erat enim & hoc, quia propinqua erat sanguine. Ita uxorem tacuit, non negauit. Sequitur. Quum itaq; ingressus esset Abram Ægyptum, uiderunt Ægyptij mulierem, quod esset pulchra nimis, & nuntiauerunt principes Pharaoni, & laudauerunt eam apud illum, & sublata est mulier in domum Pharaonis. Abram uero bene usi sunt propter illam. Flagellauit autem deus Pharaonem plagis maximis, & domum eius, propter Sarai uxorem Abram. Vocauitq; Pharaon Abram, & dixit ei, Quidnam est quod fecisti mihi? Quare non indicasti, quod uxor tua esset? Quam ob causam dixisti esse sororem tuam, ut tollerē eam mihi in uxorem? Nunc igitur ecce uxor tua, accipe eam & uade) Deniq; factum est, quod de domino præsumpsit Abram. Nam Pharaon rex Ægypti, qui eam sibi uxorem acceperat grauiter afflictus, marito reddidit: ubi absit, ut credamus alieno cōcubitu fuisse pollutam, quia multo est credibilius hoc facere Pharaonem afflictionibus magnis non fuisse permissum. Tamen potest & aliter excusari, quod iuxta librum Hester, quæcūq; mulier placuisset regi, apud ueteres sex mensibus ungebatur oleo myrteo, & sex mensibus in pigmentis uarijs erat & curationibus foeminarum, & tunc demum ingrediebatur ad regem: atq; ita potest esse ut Sarai postquā placuerat regi, dum per annū eius ad regem præparabatur introitus, & Abrahæ Pharaon multa donauerit, & Pharaon postea sit percussus à domino, illa adhuc intacta ab eius concubitu permanente. Sequitur,

CAP. XIII ASCENDIT ergo Abrahā de Ægypto ipse & uxor eius & omnia quæ habebat, & Loth cum eo ad australē plagam. Erat autem diues ualde, in possessione auri & argenti. Sed & Loth qui erat cum Abraham fuerunt greges ouium & armēta, nec poterat eos capere terra, ut habitarent simul. Erat quippe sub

CAP. XIII

De diuisione

Abraham &

Loth XV

pe substantia eorum multa.) Reuerso igitur Abraham ex Ægypto in locū unde uenerat, tunc Loth fratris filius ab illo in terram Sodomorum salua charitate secessit. Diuites quippe facti erant, pastoresq; pecorū multos habere cœperant, quibus inter se rixantibus, eo modo familiarū suarum pugnacem discordiā uitauerūt. Poterat quippe hinc, ut sunt humana, etiā inter ipsos aliqua rixa consurgere. Proinde hoc malum præcauentis Abrahæ uerba ista sunt ad Loth. Non sit rixa inter me & te, & inter pastores meos & pastores tuos, quia omnes nos fratres sumus. Nonne ecce tota terra ante te est? Discede obsecro à me. Si tu in sinistram, ego in dexteram: uel si tu in dexterā, ego in sinistram.) Hinc fortassis effecta est inter homines pacifica consuetudo, ut quādo terrenorum aliquid partiendum est, maior diuidat, minor eligat. Quum ergo digressi essent, separatimq; habitarent Abraham & Loth, necessitate sustentandæ familiæ, non sceditate discordiæ, & Abraham in terra Chanaan, Loth uero habitare cœpit in Sodomis: Abraham, qui interpretatur excelsus pater, quem alium significat, nisi dominū Iesum Christum, qui ait per prophetam, Patrem uocabis me, & post me ingredi non cessabis, & cui omnes fideles supplicant dicēdo, Pater noster qui es in cœlis. Qui rite excelsus dicitur, quia ipse habitat in cœlis, sicut psalmista de illo testatur, Ad te leuaui oculos meos, qui habitas in cœlis. Loth uero qui interpretatur declinans, significat populū Iudæorum, qui declinauerunt ab illo, qui est uia, ueritas, & uita, & claudicauerūt à semitis suis. Pastores Abrahæ, significauerūt sanctos apostolos: oues, ceteram multitudinem fidelium: de quibus ipse ait, Oues meæ uocem meam audiunt. Et iterum, Alias oues habeo, quæ nō sunt ex hoc ouili. Pastores autem Loth, præfigurauerunt scribas & pharisæos: non quia hoc erant, sed quod falso se hoc esse iactabant: quos dominus non appellat pastores, sed fures & latrones. Iurgium pastorū quid aliud significauit, nisi conflictū utriusq; partis, piæ & impiæ: substantia eorum, populi multitudo fidelium & infidelium, piorum & impiorum. Illud uero quod dixit Abrahā ad Loth, Ne, quæso, sit iurgium inter me & te, & inter pastores meos & pastores tuos, recede à me obsecro: ecce uniuersa terra coram te est: si tu ad sinistram ieris, ego dexteram tenebo: si tu dexteram elegeris, ego ad sinistram pergā. Quid per dexteram & sinistram, nisi utrumq; significatur testamentum: de quo ait ecclesia in Canticis canticorū, Laeva eius sub capite meo, & dextera illius amplexabit me. Quasi enim in dexteram partem declinauerunt Iudæi, quando ignorantes dei iustitiam, & suam uolentes constituere, iustitiæ dei non fuerunt subiecti. Sed ille quasi sinistram elegit, quando ait, Non ueni uocare iustos, sed peccatores. Et iterum, Amen dico uobis, quia gaudium erit in cœlis super uno peccatore penitentiam agente, quā super nonagintanouem iustis, qui non indigent penitentia. Sed ad sinistram iterum illi elegerunt, quando dixerunt, Hic homo non est à deo, qui sabbatum non custodit. Et ad Pilatum, Hic si non esset malefactor, non eum tibi tradidissemus. Sed dominus iterum in suis prædicationibus

De appari-
tione domini

XVI

ribus dexteram elegit, quando post suam resurrectionē praecepit, dicens, Eun-
tes in mundum uniuersum, praedicate euangelium omni creaturae. Et iterum,
In iudicium ego in hunc mundum ueni, ut qui non uident, uideant, & qui ui-
dent, caeci fiant. Quod uero idem Loth recessit ab oriente, & elegit sibi regio-
nem circa Iordanē, quid aliud significauit, nisi quod Iudaicus carnalis popu-
lus relictā pollicitatione cœlestiū, totam spem suam defixit in amore tempo-
ralium rerum? Et postmodum quod habitauit in Sodoma, hoc significauit,
quod peior effectus est, quā gentes, quæ ignorāt deum: dum modo quem
illi ignorant, hi blasphemāt. Impletumq; est illud quod psalmista ex eorum
persona cecinit, dicens, Et dimisi eos secundum desiderium carnis eorum, ibant
in adinventionibus suis. Sequitur. Dixitq; dominus ad Abraham postq;
diuisus est Loth ab eo, Leua oculos tuos, & uide à loco in quo nūc es ad aqui-
lonem & meridiem, & ad orientem & ad occidentem, omnem terram quam
conspicis, tibi dabo & semini tuo usq; in sempiternum, faciamq; semen tuum
sicut puluerē terræ. Si quis potest hominū numerare puluerem, semen quoq;
tuum numerare poterit. Surge, & perambula terram in longitudine & in lati-
tudine sua: quia tibi daturus sum eam. Mouens igitur Abraham tabernacu-
lum suum, uenit & habitauit iuxta conuallē Mambrae, quod est Hebron, ædi-
ficauitq; ibi altare domino.) In hac promissione utrum sit etiā illa qua pater
factus est omnium gentium, non euidenter apparet. Potest enim ad hoc uideri
pertinere, & faciam semen tuum, tāquam arenam terræ: quod ea loquutione
dictū est, quam Græci uocant hyperbolē, quæ utiq; tropica est non propria.
Quo tamen modo ut cæteris tropis uti solere scripturam, nullus qui eam didi-
cit, ambigit. Iste autem tropus, id est, modus loquutionis fit, quando id quod
dicitur, longe est amplius, quā quod eo dicto significatur. Quis enim non
uideat, quā sit incomparabiliter amplior arenæ numerus, quā potest esse
hominum omnium genus ab ipso Adam usq; ad terminum seculi? Quanto
ergo magis quā semen Abrahæ, non solum quod pertinet ad Israeliticam
gentem, uerum etiam quod est, & futurum est, secundum imitationē fidei to-
to orbe terrarum in omnibus gentibus? Quod semen in comparatione multi-
tudinis impiorū profecto in paucis est, quamuis & ipsi pauci fiant, secundum
innumerabilem multitudinē suam, quæ significata est secundum hyperbolen
per arenam terræ. Sanè ista multitudo quæ promittitur Abrahæ, non deo est
innumerabilis, sed hominibus: deo autem nec arena terræ. Proinde quia non
tantum gens Israelitica, sed uniuersum semen Abrahæ, ubi esset promissio
non secundum carnem, sed secundum spiritum plurium filiorum, congruen-
tius arenæ multitudini comparatur, potest hinc intelligi utriusque rei facta
promissio: sed ideo diximus, quod non euidenter appareat, quia & illius gen-
tis unius multitudo, quæ secundum carnem nata est ex Abraham, per eius
nepotem Iacob in tantum creuit, ut penè omnes partes orbis impleuerit: &
ideo potuit & ipsa secundum hyperbolen arenæ multitudini comparari, quia
& hæc

& hæc sola innumerosa est homini. Terram certe illam solam significatam, quæ appellata est Chanaan, ambigit nemo. Sed quod dictum est, Tibi dabo eam & semini tuo usq; in seculum: potest mouere nonnullos, si usq; in seculum, intelligatur in æternum. Si autem seculum, hoc loco accipiât sic, quem admodum fideliter tenemus initium futuri seculi à fine præsentis ordini, nihil eos mouebit: quia & si expulsi sunt Israelitæ de Hierosolymis, manent tamen in alijs ciuitatibus terræ Chanaan, & usq; in finem manebunt. & uniuersa illa terra quum à Christianis inhabitatur, etiam ipsum semen est Abraham. Hoc responso accepto promissionis, migravit Abraham, & mansit in alio eiusdem terræ loco: id est, iuxta quercū Mambra, quæ erat in Chebron. Chebrō quæ quondam uocabatur Arbe, corrupte in nostris codicibus Arboch scribitur, quum in Hebræis legatur Arbe, id est, quatuor: eo quod ibi tres patriarchæ Abraham, Isaac, & Iacob sepulti sint, & Adam magnus, ut in Iesu Naue libro scriptum est: licet eum quidam conditū in loco Caluariæ suspiciunt. Hæc est autem eadem Chebron olim metropolis Philistinorum & habitaculū gigantum, regnumq; postea Dauid in tribu Iuda, ciuitas sacerdotalis & fugitiuorum: distat ad meridianam plagam ab Hierusalem millibus circiter uiginti duobus, & quercus Abraham quæ est Mambra permanens usq; ad Constantij regis imperium, & mansiucula eius in præsentiarum cernitur: quumq; à nostris ibidem ecclesia iam instructa sit, à cunctis in circuitu gentibus terebinthi locus superstitiose colitur, eo quod sub eo Abraham angelos quondam hospitio suscepit. Fuit autem metropolis Enachim, quos gigantes intelligere debemus. Sequitur, Factum est illo in tempore, ut Amraphel rex Sennar, & Arioch rex Ponti, & Chodorlaomor rex Elamitarum, & Thadal rex gentium, inirent bellum contra Bara regem Sodomorum, & contra Bersa regem Gomorra, & contra Sennaab regē Adamæ, & contra Senneber regem Seboim, contraq; regem Balæ, ipsa est Segor. Omnes hi conuenerunt in uallem syluestrem, quæ nunc est mare salis. Duodecim annis seruerūt Chodorlaomor, & XIII anno recesserunt ab eo. Igitur anno XIII uenit Chodorlaomor & reges qui erāt cum eo, percusseruntq; Raphat in Astaroth Carnaim, & Suzim cum eis & Emim in Sabæ Cariathaim, & Chorraeos in montibus Seir, usq; ad campestria Pharan, quæ est in solitudine: reuersiq; sunt & uenerunt ad fontem Mesphat, ipsa est Cades, & cōciderunt gigantes in Astaroth Carnaim, & gentes fortes simul cum eis, & omnes eos in Sabæ ciuitate antequam Sodomam peruenirent. Quatuor reges profecti de Babylonia interfecerunt gigantes, hoc est, Raphaim, robustos quosq; Arabiæ: & Zozim & Emim in ciuitate Sabæ, quæ usq; hodie sic uocatur. Zozim autem & Emim, terribiles & horredī interpretantur. Et reuertentes uenerunt ad fontem Mesphat, ipsa est Cades. Per anticipationem hoc nomen dicitur, quod postea sic uocatum est: significat locū apud petram, qui fons iudicij nominatur, quia ibi deus populū iudicaret. Et percusserunt omnem regionem Amalechitarū, & Amor

De prælio regis Sodoma
XVII

Amorraeum qui habitabat in Asafonthamar.) Hoc oppidum est quod nunc uocatur Engaddi, balsami & palmarum fertile. Porro Asafonthamar, in lingua nostra resonat urbs palmarum: thamar quippe, palma dicitur. Astaroth pars est eremi, ubi Maria & Aaron contra Moysen loquuti sunt, ciuitas quondam Og regis Basan. Carnaim, Astaroth uicus est grandis trans fluentia Iordanis: traduntque ibi fuisse domum Iob. Et tulerunt omnem equitatum Sodomorum & Gomorrae: necnon & Loth, & suburbani eius. Et ecce unus qui euaserat, nuntiauit Abraham Hebraeo, qui habitabat in conualle Mambre Amorraei, fratris Escol & fratris Aner.) Ostendit Mambre & Escol & Aner Amorraeos atque germanos socios fuisse Abraham. Et percusserunt eos usque Dan ad Phoenices oppidum, quod nunc Paneas dicitur. Dan autem unus est de fontibus Iordanis. Nam & alter uocatur Ior, quod interpretatur Rithron, id est, riuus. Duobus ergo fontibus qui non procul a se distant, in unum riuulum foederatis, Iordanis deinceps dicitur. Deinde abductis his qui Sodomis irrue-
rant, quum quinque reges aduersus quatuor bellum gererent, & uictis Sodomitis etiam Loth captus esset, liberauit eum Abraham, abductis secum in praelium CCCXVIII uernaculis suis, & uictoriam fecit regibus Sodomorum, nihilque spoliis auferre uoluit, quum rex cui uicerat obtulisset. Sed quid haec uictoria Abraham de quinque regibus indicabat, quos ille fidei pater mysterio superauit: nisi quod fides nostra sic confirmata sit in spiritu principali, ut totidem corporis nostri sensus dei uerbo subigat. Nam sicut ille de proximo in regibus uictor, ita & fides per animam uictrix de exteriori homine triumphat. Quod uero ille non in multitudine, nec uirtute legionum, sed tantum in trecentis decem octo comitantibus, aduersarios principes debellauit: iam tunc in sacrae crucis figuram, quae per tau, literam Graecam: & Iesu nomen, qui per iota & theta Graecis characteribus scribitur, qui saluator interpretatur, in numero trecentorum decem octo exprimitur: quod nos Christi passio liberaret a dominatu quinque carnalium sensuum, qui nos antea uarijs uitis captiuantes exsuperauerat. Sequitur. At uero Melchisedech rex Salem protulit panem & uinum, erat enim sacerdos dei excelsi, benedixitque illi, & ait, Benedictus Abraham deo excelsi, qui creauit coelum & terram, & benedictus deus altissimus, quo protegente hostes in manibus tuis sunt: qui tradidit ei decimas ex omnibus. Tradunt Hebraei hunc esse Sem primum filium Noe, & eo tempore quo ortus est Abraham habuisse aetatis annos CCCXC, qui ita supputantur. Post diluuium anno secundo quum centum esset annorum Sem, genuit Arphaxat. Post cuius ortum uixit annos D, hoc est simul DC. Arphaxat anno natus trigesimo quinto genuit Sale, qui & ipse natus tricenarius procreauit Heber, quem XXXIII annorum legimus genuisse Phalec, qui rursus expletis annis XXX genuit Rehu, qui & ipse post trigessimum & quintum annum edidit Seruch. De quo quum ad XXX peruenisset annos, ortus est Nachor, qui XXXIX annorum genuit Thare, quem legimus quod septuagenarius genuit Abraham

rit Abraham & Nachor & Aran. Supputa per singulas ætates annorum numerum, & inuenies ab ortu Sem usq; ad generationem Abraham CCCXC annos. Mortuus est aut Abraham centesimo & septuagesimo quinto ætatis suæ anno. Hac ratione deducta, inuenietur Sem abnepoti suo decimi gradus Abraham superuixisse annos xxxv. Simulq; de hoc tradūt, quod usq; ad sacerdotium Aaron omnes primogeniti ex istius genere, cuius series & ordo describitur, fuerint sacerdotes, & deo uictimas immolarint: & hæc esse primogenita, quæ Esau fratri suo Iacob uendiderit: nec esse mirum, si Melchisedech uictori Abraham processerit obuiā, & in refectione tam ipsius quàm pugnantium eius, panem uinumq; protulerit, & benedixerit ei, cum abnepoti suo hoc iure deberet: & decimas prædæ atq; uictoriæ acceperit ab eo, siue quoniam habetur ambiguum utrum ipse dederit ei decimas substantiæ suæ, & habitam largitatem ostenderit in nepotem. Vtrumq; enim intelligi potest, & iuxta Hebraicum, & Septuaginta interpretes: quod & ipse acceperit decimas spoliōrū, & Abraham dederit decimas substantiæ suæ: quanquam apostolus in epistola ad Hebræos apertissime definiat, nō Abraham suscepisse à Melchisedech decimas diuitiarum eius, sed de spolijs hostium partem accepisse pontificem. Salem autem non ut Egesippus & nostrorum omnes arbitrantur est Hierusalem, nomen ex Græco Hebræoq; compositū, quod absurdum esse peregrinæ linguæ mixtura demonstrat: sed est oppidū iuxta Scythopolim, quod usq; hodie appellatur Salem. Ostenditur quoq; ibi palatiū Melchisedech ex magnitudine ruinarum ueteris operis ostendens magnificētiam, de quo in exteriori parte quoq; Geneseos scriptum est, Venit Iacob in Sochet (id est, in tabernacula) & fecit sibi ibi domos atq; tentoria, & transiit in Salem ciuitatem regionis Sichem, quæ est in terra Chanaan. Considerandum quoq; quando Abraham à cæde hostium reuertenti, quos persequutus est usq; Dan, quæ hodie Paneas appellatur, non de uia Hierusalē, sed de oppido metropoleos Sichem in itinere fuerit, de quo in euangelio legimus, Erat autē Ioannes baptizans in Arnon iuxta Salim, quia aquæ multæ erant ibi. Nec refert utrum Salem, an Salim nominetur, quū uocalibus in medio literis perraro utantur Hebræi, & pro uoluntate lectorum, ac uolūtate regionum eadem uerba diuersis sonis atq; accentibus proferant. Hæc ab eruditissimis gentis illius didicimus, qui intantum non recipiunt spiritum sanctum, uel angelum fuisse Melchisedech, ut etiam certissimum hominis nomē ascribant. Et reuera stultum est, id quod in typo dicitur, eo quod Christi sacerdotium finem non habeat, & ipse rex & sacerdos nobis utrumq; donauerit, ut simus genūs regale & sacerdotale, & quasi angularis lapis utrunq; coniunxerit parietem, ut de duobus gregibus bonus pastor unum efficeret gregem: sic quosdam referre ad anagogē, ut historiæ auferant ueritatem, & dicant non fuisse regem, sed in imagine hominis angelum demonstratum: dum in tantum nitantur Hebræi Melchisedech regem Salem, filium Noë Sem ostendere, ut ante scriptum referant, Egressus

g est autem

De Melchise-
dech XVIII

est autem rex Sodomorū in occursum ei: haud dubium quin Abraham, post
quā reuersus est à cæde Chodorlaomor & regum qui cum eo erant in ual-
le Sabæ, hæc est uallis regis. De quo statim sequitur, Et Melchisedech rex
Salem protulit panem & uinum: & reliqua.) Si ergo hæc ciuitas regis est, &
uallis regis: siue ut Septuaginta transtulerūt, campus, quem hodie Aulonem,
Palæstini uocant: Aulon uero nō Græcum, ut quidam putant, sed Hebræum
cabulum est: appellatur autem uallis grandis & campestris, in immensam lon-
gitudinem se extendens, quæ circundatur ex omni parte montibus sibi inui-
cem succedentibus & cohærentibus, qui incipientes à Libano & ultra eū, usq;
ad desertum Pharan perueniunt: suntq; in ipso Aulone, id est, in ualle campe-
stri urbes nobiles, Scythopolis, Tyberias, stagnum quoq; Genezareth, sed
& Hiericho, mare mortuum, & regiones in circuitu, per quas mediū Jorda-
nis fluit, oriens de fontibus Paneadis, & in mari mortuo interiens: manife-
stum est Melchisedech hominem fuisse, qui in terrena & ualle & urbe regna-
uit. Hic enim Melchisedech, qui interpretatur rex iustitiæ, ciuitatis uidelicet
Salem, quæ interpretatur pax, sacerdosq; dei summi, panem & uinum in sa-
crificium offerens: cui & de præcipuis prædis Abraham patriarcha decimas
legit obtulisse, à quo & benedictus est. Qui enim benedicit, maior est, quā
qui benedicitur, Vnde & sacerdotes ex semine Abraham nati, fratres suos be-
nedicebant, id est, filios Israel, quibus illi decimas dabant, secundū legis man-
datum, uere ut maioribus & eminentioribus sibi, Sine patre, ut apostolus ait,
sine matre, sine genealogia: nec initium dierum, nec finem uitæ habens: quod
utiq; nulli hominū congruere potest, nisi domino soli. In eo enim quod subi-
to nomen eius inducitur, & ex qua stirpe sit procreatus, nequaquam penitus
inducitur: ac de initio uitæ eius, uel fine, nec ante, nec postmodum quicquam
refertur: dei filio domino nostro assimilatur. Ipse est enim solus de patre, sine
matre genitus per diuinitatem: ipse de matre sine patre per humanitatē: ipse
quoq; sacerdos æternus, ad quem dicitur, Tu es sacerdos in æternum, secun-
dum ordinem Melchisedech. ipse iustitia & pax, rex & sacerdos: rex uidelicet
ex deo patre, sacerdos ex uirgine matre. Sine matre enim eū fuisse, manifestū
est ex patre, quum dicitur ab euangelista, In principio erat uerbū, & uerbum
erat apud deum, & deus erat uerbum: hoc erat in principio apud deum: om-
nia per ipsum facta sunt, & sine ipso factum est nihil. Sine patre quoq; eum
extitisse ex matre euāgelista pronuntiat, quum Mariæ angelus loquitur, Spi-
ritus sanctus superueniet in te, & uirtus altissimi obumbrabit tibi: propterea
quod nascetur ex te sanctum, uocabitur filius dei. Sine aliqua etiam sacerdo-
tali genealogia homo extitit ex hominibus, utpote non ex tribu Leui ortus,
sed ex tribu Iuda: ex qua tribu nihil de sacerdotali præcepto accepit: utiq; pro-
pter mysterium sacramenti, quod Christianis celebrare præceptū est, ut non
secundum Aaron pecudum uictimas, sed oblationem panis & uini, id est, cor-
poris & sanguinis eius sacramentum in sacrificium offeramus. Ibi quippe pri-
mum

mun apparuit sacrificium, quod nunc à Christianis offertur deo toto orbe terrarum: impleturq; illud quod longe post hoc factum per prophetam dicitur ad Christum, qui fuerat adhuc uenturus in carne, Tu es sacerdos in æternum secundum ordinem Melchisedech, non scilicet secundum Aaron, qui ordo fuerat auferendus, illucescentibus rebus, quæ illis umbris enotabantur. Quod uero patriarcha magnus decimas omnis substantiæ suæ Melchisedech sacerdoti post benedictionem dedit, sciens spiritualiter melius sacerdotium futurum in populo gentium, quàm Leuiticum, quod in Israel de ipso erat nasciturum: futurumq; ut sacerdotium ecclesiæ habens præputium, benediceret in Abraham circumciso sacerdotium synagogæ. Sequitur,

HIS ita transactis, factus est sermo domini ad Abraham per uisionem, dicens, Noli timere Abraham, ego protector tuus sum, & merces tua magna nimis. Dixitq; Abraham, Domine deus quid dabis mihi? Ego uadam absq; liberis, & filius procuratoris domus meæ iste Damascus Eliezer. Addiditq; Abraham, Mihi autem non dedisti semen, & ecce uernaculus meus, hæres meus erit.) Semini Abrahæ iam facta erat promissio, & innumerabilis multitudinis abundantia: nondum tamen erat patefactum, quomodo illius seminis esset futura promissio: utrum ex carne Abrahæ, si de ipso generaret: an ex uoluntate, si aliquem fortè adoptaret. Itaq; Abraham quum sibi uideret non nasci filios, & tamen semini factam promissionem cerneret, primo de adoptione cogitabat. Hoc indicat quod cum deo loquens, ait de uernaculo suo, Hic hæres meus erit: tanquam diceret, Quia de memetipso mihi semen non dedisti: in isto comple, quod meo semini promissisti. Si enim semen cuiusque non appellaretur, nisi quod de eius carne nasceretur: nec nos appellaret apostolus semen Abrahæ, qui certe originem carnis de illo non ducimus: sed imitatione fidei, semen eius facti sumus, credentes in Christo, cuius caro ex illius carne propagata est. Tunc Abrahæ audiuit à domino, Non hic erit hæres tuus: sed qui exiet de utero tuo, ipse erit hæres tuus.) Iam nunc adoptionis cogitatione sublata, quum de seipso semen speraret Abrahæ: restabat incertum utrum ex Sara, an ex alia. Quod illi deus occultare uoluit, donec prius ex illa uetus figuraretur testamentum. Sequitur, Eduxitq; illum foras, & ait illi, Suscipe cælum, & numera stellas, si potes. Et dixit ei, Sic erit semen tuum. Credidit Abraham deo, & reputatum est illi ad iustitiam.) Rursumq; semen innumerabile, nō sicut arena terræ, sed stellæ cœli: ubi mihi magis uidetur promissa posteritas cœlesti felicitate sublimis. Nam quantum ad multitudinē pertinet, quid sunt stellæ cœli ad arenam terræ, nisi quis & istam comparisonem intantum esse similem dicat, inquātum etiam stellæ dinumerari non possunt, quia nec eas omnes uideri posse credendum est. Nam quanto quisq; acutius intuetur, tanto plures uidet: unde & acerrime cernentibus, aliquas esse merito existimatur, exceptis eis syderibus, quæ in alia parte orbis à nobis remotissima oriri & occidere perhibentur. Sequitur, Credidit Abraham deo, & repu-

CAP. XV
De eo quod
scriptum est,
Factus est sermo domini,
etc. XIX

De eo qđ scri-
ptū est, Sume,
Ec. XX

tatum est illi ad iustitiam. Hinc sanè illa sententia ponitur, cuius apostolus me-
minit propter dei gratiam commendandam, ne circumcisio gloriaretur, gen-
tesq; incircūcisas ad fidem Christi nollet admitti. Hoc enim quando factum
est, ut credenti Abraham deputaretur fides ad iustitiam, nōdum fuerat circum-
cisus. Sequitur, Dixitq; ad eū dominus, Ego dominus qui eduxi te de Hur
Chaldæorum, ut darem tibi terram istam, & possideres eam. Vbi quum in-
terrogasset Abraham, secundum quod sciret, quod possessurus esset eam, re-
spondens dominus ait illi, Sume, inquit, mihi uaccam triennem & capram
trimam, & arietem annorū trium, turturem quoq; & columbam. Qui tollens
uniuersa hæc, diuisit ea per medium, & utraq; partes contra se altrinsecus po-
suit: aues autem non diuisit. Non enim ait, unde sciam, quasi adhuc non cre-
deret: sed ait, secundum quod sciam, ut ei rei quam crediderat aliqua similitu-
do adhiberetur, qua eius modus agnosceretur, sicut non est uirginis Mariæ
diffidentia, quod ait, Quomodo fiet istud, quoniam uirum non cognosco?
Quod enim futurum esset, certa erat: modum quo fieret, inquirebat: & hoc
quum quæsisset, audiuit. Deniq; & hic similitudo de animalibus, iuuenca &
capra & ariete, & duabus uolucris, turture, & columba: ut secūdum hæc fu-
turum sciret, quod futurum iam esse non ambigeret. Per uaccam significata
est plebs ipsa, posita sub iugo legis: per capram, eadem plebs peccatrix futu-
ra: per arietem, eadē plebs regnatura. Quæ animalia propterea trima dicen-
tur, quia quum sint insignes articuli temporum ab Adam usq; ad Noe, & in-
de usq; ad Abraham, & inde usq; ad Dauid, qui reprobato Saule primus in
regno gentis Israeliticæ domini est uoluntate fundatus: in hoc ordine tertio,
qui tenditur ex Abraham usq; ad Dauid, tanquam tertiam ætatem gerens,
ille populus adoleuit. In turture quoq; illi sunt intelligēdi, quos apostolus di-
cit, in solitudinibus errantes, ac montibus & spelūcis, seu in cauernis terræ, qui-
bus dignus nō erat mundus. In columba præfigurati sunt propheta, qui san-
cto repleti spiritu, populis denūtiabant futura. Siue etiam per turturem & co-
lumbam, spirituales in illo populo figurati sunt, indiuidui filij promissionis &
hæredes regni futuri. Quorum ætas temporalis ideo tacetur, quia æterna me-
ditantes, trāsgressi sunt desideria temporalia: & ideo dictum est, Aues autem
non diuisit: quoniam carnales inter se diuiduntur, spirituales autem nullo mo-
do, siue à negotiosis conuersationibus hominum se remoueant, sicut turtur, si-
ue inter illas degant, ut columba. Vtraq; tamen auis est simplex & innoxia,
significans & in ipso Israelitico populo, cui terra danda erat, futuros indiuidu-
os filios promissionis, & hæredes regni, in æterna felicitate māsuri. Sequitur,

Descenderuntq; uolucres super cadauera, & abigebat eas Abraham. Illi-
us enim merito sæpe liberatus est Israeliticus populus, & defensatus ab infe-
statione gentium diuersarum. Aues autem descendentes supra corpora quæ
diuisa erant, non boni aliquid, sed spiritus indicant aeris huius, pastum quen-
dam suum de carnalium diuisione quærentes. Quod autem illas abigebat
Abraham

Abraham, significat etiam inter illas carnaliū diuisiones, ueros usq; in finem perseueraturos fideles. Sequitur, Quumq; sol occuberet, sopor irruit super Abraham, & horror magnus & tenebrosus inuasit eum.) Significat circa huius finem seculi magnam perturbationē, ac tribulationem futuram fidelium, de qua dominus dicit in euangelio, Erit enim tunc tribulatio magna, qualis non fuit ab initio. Sequitur, Dictumq; est ad eum, Scito prænoscens quod peregrinum futurum sit semen tuum in terra nō sua, & subijcient eos seruituti, & affligent eos quadringentis annis: uerumtamē gentem cui seruituri sunt ego iudicabo, & post hæc egredientur cum magna substantia.) De populo Israel qui fuerat in Ægypto seruiturus apertissime prophetauit: non quod in eadem seruitute sub Ægyptiis affligentibus quadringentos annos ille populus fuerat peracturus, sed in ipsis quadringentis annis prænuntiatum est hoc futurum: quemadmodum scriptum est de Thare patre Abraham, Et fuerunt dies Thare in Carra ducenti quinque anni: non quia ibi omnes transacti sunt, sed quia ibi completi sunt. Ita & hic interpositū est, & in seruitutem redigent eos & affligent eos quadringentis annis, quoniam iste numerus in eadem afflictione completus est, non quia ibi uniuersus peractus est. Quadringenti sane dicuntur anni propter numeri plenitudinem, quamuis aliquanto amplius sint: siue ex hoc tempore computentur, quo ista promittebantur Abraham: siue ex quo natus est Isaac, propter semen Abraham, de quo ista prædicuntur. Computantur autē, sicut superius iam diximus, ab anno septuagesimo quinto Abraham, quando ad eum facta est ipsa promissio, usq; ad exitum Israel ex Ægypto quadringenti triginta anni: quorum apostolus ita meminit, Hoc autem dico, inquit, testamentum confirmatum à deo, quæ post quadringentos triginta annos facta est lex, non infirmat ad euacuandam promissionem. Iam ergo isti quadringenti triginta, CCCC poterant nuncupari, quia non sunt multo amplius: quantomagis quā aliquot iam ex isto numero præterissent, quando illa in uisu demonstrata & dicta sunt Abraham: uel quando Isaac natus est centenario patri suo, à prima promissione post uiginti quinque annos, quā iam ex istis quadringentis triginta, quadringenti quinque remanerent, quos dominus CCCC uoluit nominare. Sequitur, Tu autē ibis ad patres tuos in pace, sepultus in senectute bona. Generatione autem quarta reuertentur huc. Nec dum enim completæ sunt iniquitates Amorrhæorum usq; ad præsens tempus.)

Replica genealogiæ Leui. Leui genuit Chaath, Chaath genuit Amram, Amram genuit Aaron, Aaron genuit Eleazar, Eleazar genuit Phinees. Chaath cum patre suo Leui ingressus est Ægyptū. A Chaath usq; ad Eleazar computantur generationes quatuor: licet quidam uelint ab Amram incipere, & ad Phinees, ut nos in Eleazar fecimus, peruenire. Si uolueris disparē numerum ostendere, quomodo secundum quintam generationem egressi sunt filij Israel de terra Ægypti, tribus tibi Iudæ ordo numeretur. Iudas genuit Phares, Pha-

g 3 res genuit

res genuit Esrom, Esrom genuit Aram, Arā genuit Aminadab, Aminadab genuit Naason, Naason genuit Salmon, Phares cum patre suo Iuda ingressus est Ægyptum. Naason princeps tribus Iuda in deserto describitur, cuius filius Salmon, terrā repromissionis introiuit. Cōputa à Phares usq; ad Naason, & inuenies generationes quinq;. Sequitur, Quum ergo occubuisset sol, facta est caligo tenebrosa, & apparuit clybanus fumans, & lampas ignis transiens inter diuisiones illas,.) Significat iam in fine seculi per ignem iudicandos esse carnales. Sicut enim afflictio ciuitatis dei, qualis antea nūquam fuit, quæ sub antichristo futura speratur, significatur tenebroso timore Abrahamæ circa solis occasum, id est, propinquante iam fine seculi: sic ad solis occasum, id est, ad ipsum iam finem significatur isto igne dies iudicij, dirimens carnales, per ignem saluandos, & in igne damnandos. Sequitur, In illo die pepigit dominus cum Abrahamæ fœdus, dicens, Semini tuo dabo terram hanc, à fluuio Ægypti, usq; ad fluuium magnum Euphraten, Cínæos, & Zenezæos, & Cethmonæos, & Ethæos, & Pherezæos, Raphain quoq;, & Amorræos, & Chananaeos, & Gergesæos, & Hiebusæos,.) Deinde testamētum factum ad Abraham, terram Chanaan proprie manifestat, & nominat in ea XI gentes à flumine Ægypti usq; ad flumen magnum Euphraten. Non ergo à flumine magno Ægypti, hoc est, Nilo: sed à paruo, qui diuidit inter Ægyptū & Palæstinam, ubi est ciuitas Rinocorura. Sequitur,

CAP. XVI
De congressu
Abrahæ cum
Agar XXI

IGITUR Sarai uxor Abram nō genuerat liberos, sed habens ancillam Ægyptiam, nomine Agar, dixit marito suo, Ecce conclusit me deus, ne pare- rem, ingredi ad ancillā meam, si fortè saltem ex illa suscipiā filios. Quumq; ille acquiesceret deprecanti, tulit Agar Ægyptiam ancillam suam post annos decem quam habitare cœperat in terra Chanaan, & dedit eam uiro suo uxorem, qui ingressus est ad illam. At illa cōcepisse se uidens, despexit dominam suam,.) Quod autem attinet ad rem gestam, nullo modo est inurendū de hac concubina crimen Abrahamæ, quia iam adoptionis cogitatione sublata, quum de seipso semen speraret Abraham: restabat incertum, utrum ex Sara, an ex alia: quod illi deus occultare uoluit, donec ex ancilla uetus testamentum figuraretur. Quid ergo mirum, si uidens sterilem uxorem accipientē sibi prolem, quā parere ipsa non potuit, ex famula sua & ex marito prouenire, non suæ cupiditati cessit, sed cōiugali potestati obtemperauit? Vfus est ea Abraham ad generandam prolem, non ad explendam libidinem, nec insultans, sed potius obediens: coniugij suæ sterilitatis credidit esse solatium, si secundum ancillæ uterum, quoniam natura non poterat, uoluntate faceret suum: & eo iure quod dicit apostolus, Similiter & uir non habeat sui corporis potestātē, sed mulier: uteretur ad pariendum ex altera, quod non poterat ex seipsa. Nulla est hic cupiditas lasciuiæ, nulla nequitia turpitudine. Ab uxore causa prolis ancilla marito traditur, à marito causa prolis accipitur: ab utroq; nō culpa luxus, sed naturæ fructus exquiritur. Sequitur, Dixitq; Sarai ad Abram, Inique agis contra

me.

me. Ego dedi ancillam meam in sinum tuum, quæ uidens quod cõceperit, de-
spectui me habet. Iudicet dominus inter me & te. Cui respõdit Abram, Ecce
ancilla tua in manu tua est, utere ea ut libet.) Deniq; cū ancilla grauida, domi-
na sterili superbiret, & hoc Sara muliebri suspiciõẽ uiro potius imputaret: etiã
sibi demonstraui Abram, non se amatorẽ seruũ, sed liberũ fuisse genito-
rem: & in Agar Saræ coniugis pudicitia custodisse, nec uoluntatem suam, sed
ipsius impleuisse, accepisse nec petisse, accessisse nec cessisse, seminasse nec amas-
se. Ait enim, Ecce ancilla tua in manib. tuis, utere ea ut libet. O uirum uiriliter
utentem fœminis, coniuge temperanter, ancilla obtẽperanter, nulla intempe-
ranter. Sequitur, Affligente igitur eam Sarai, fugã inijt. Quumq; inuenisset
illam angelus domini iuxta fontem aquæ in solitudine, qui est in uia in deser-
to Sur.) Consequenter Ægyptia in uia Sur, quæ per eremum ducit ad Ægy-
ptum, ire festinabat. Sur ubi inuenit angelus ancillã Saræ Agar, sitũ est inter
Cades & Barath, ^{extenditur} autem desertum usq; ad mare rubrum, quod ad
Ægypti confinia peruenit. Porro Cades solitudo est super urbẽ Petram. Sed
& scriptura desertũ Cades contra faciet. Ægypti extẽdi memorat. Sequitur,
Dixitq; angelus domini, Reuertere ad dominã tuam, & humiliare sub ma-
nu ipsius. Multiplicans, inquit, multiplicabo semẽ tuum, & non numerabitur
præ multitudine. Ecce, inquit, concepisti, & paries filiũ, uocabisq; nomen eius
Ismahel: eo quod audierit deus afflictionẽ tuam. Hic erit ferus homo: manus
eius cõtra omnes, & manus omniũ contra eum, & è regione fratrum suorum
figet tabernacula.) Ismahel interpretatur exauditio dei. Contra faciẽ fratrum
suorum habitabit: significauit semen eius habitaturũ in eremo, id est, Sarace-
nos uagos, incertisq; sedibus, qui uniuerfas gentes, quibus desertum ex latere
iungitur, incurfant, & impugnantur ab omnibus. Sequitur, Peperitq; Agar
Abrahæ filium, qui uocauit nomẽ eius Ismahel. Septuaginta & sex annorum
erat, quando peperit ei Agar Ismahelem.)

De fuga Agar
XXII

POST QVAM natus est Ismahel ex Agar, in quõ putare posset Abraham
impletum quod promissum fuerat, quum sibi uernaculum suum adoptare uo-
luisset, deo dicente, Non hic erit hæres tuus, sed qui exiet de te, ille erit hæres
tuus: hoc ergo promissum, ne in ancillæ filio putaret impletũ, iam quum esset
annorũ XCIX apparuit ei deus, & dixit illi, Ego deus omnipotens. Ambula
coram me, & esto. perfectus: ponamq; fœdus meũ inter me & te: & multipli-
cabo te uehementer nimis. Cecidit Abraham pronus in faciem suam: dixitq;
ei deus, Ego sum, & pactum meum tecum, erisq; pater multarũ gẽtium. Nec
ultra uocabitur nomen tuum Abram, sed appellaberis Abrahã, quia patrem
multarum gentium constitui te, faciamq; te crescere uehementissime.) Dicunt
autẽ Hebræi, quod in nomine suo, deus, quod apud illos tetragrammatũ est,
e literã, Abrahæ & Saræ addiderit. Dicebatur enim primũ, Abrã, quod inter-
pretatur pater excelsus: & postea uocatus est Abrahã, quod transfertur pater
multorũ. Nam quod sequitur gentiũ, non habetur in nomine, sed subauditur.

CAP. XVII

De mutatione
nominis Abr.
XXIII

Nec mirandum quare quum apud Græcos & nos, a, litera uideatur addita, nos e, literam, Abrahæ additā dixerimus. Idioma enim linguæ illius est, per e, quidem scribere, sed per a, legere: sicut e contrario, a literam, saepe per e, pronuntiant. Sequitur, Et ponam in gentibus reges, qui ex te egrediuntur: & statuam pactum inter me & te, & inter semen tuum post te in generationibus suis fœdere sempiterno, ut sis deus tuus, & semini tuo post te: daboq; tibi & semini tuo post te, terram peregrinationis tuæ, omnē terram in possessionem æternam, eroq; deus eorum.) Si quem uero mouet quod dictum est, Et dabo tibi & semini tuo post te, terram peregrinationis tuæ in possessionē æternam, quomodo accipiatur impletū, siue adhuc expectetur implendum, quum possessio quæcūq; terrena æterna cuilibet genti esse non possit: sciat æternum à nostris interpretari, quod Græce dicitur in illorū lingua αἰώνιον, & aut non habet finem, aut usq; in huius seculi tenditur finem. Sequitur, Dixit iterum deus ad Abrahā, Et tu custodies pactū meum, & semē tuum post te in generationibus suis. Hoc est pactum, quod obseruabitis inter me & uos, & semen tuum post te, Circuncidetur ex uobis omne masculinum, & circuncidētis carnem præputij uestri, ut sit in signū fœderis mei inter me & uos. Infans octo dierum circuncidetur in uobis. Omne masculinum in generationibus uestris, tam uernaculus, quā emptitiū circuncidetur, & quicūq; non fuerit de stirpe uestra: eritq; pactum meum in carne uestra in fœdus æternum. Masculus cuius præputij caro non fuerit circuncisa, delebitur anima illa de populo suo: quia pactum meum irritum fecit.) Notandum quod ubicūq; in græco, Testamentum legimus, in hebraico sermone Fœdus, siue Pactum habetur. Multa quippe appellantur testamenta dei, exceptis illis duobus magnis, & uetere & nouo, quod licet cuique legendo cognoscere. Testamentum autem primum, quod factum est ad hominē primum, profecto illud est, Qua die ederitis, morte moriemini. Quum enim lex euidentior postea data sit, & dicat apostolus, Vbi autem non est lex, non est præuaricatio: quo pacto, quod in psalmo legitur, uerum est, Præuaricatores reputaui omnes peccatores terræ: nisi quia omnes legis alicuius præuaricatores sunt rei, qui aliquo pacto tenentur obstricti. Quamobrē si etiam paruuli, quod uera fides habet, nascuntur, non proprie, sed originaliter peccatores, unde illis gratiā remissionis peccatorum necessariā confitemur: profecto eo modo qui sunt peccatores, etiam præuaricatores legis illius quæ in paradiso data est, agnoscuntur: ut uerum sit utrūq; quod scriptū est, & Præuaricatores reputauit omnes peccatores terræ: & Vbi lex non est, nec præuaricatio. Ac per hoc, quia circuncisio signum regenerationis fuit: & non immerito paruulum propter originale peccatū, quo primū dei dissipatū est testamentū, generatio disperdet, nisi regeneratio liberet: sic intelligēda sunt hæc uerba diuina, tanquā dictum sit, Qui non fuerit regeneratus, interibit anima illa de genere eius, quia testamentum dei dissipauit: quasi non nisi de

De circūcisio
ne Abrahæ
XXIII

nisi de ista circūcissione intelligi cogeret. Nunc uero quoniam expressit cuiusmodi pactum paruulus dissipauerit, liberum est intelligere de illo pacto dictum, cuius dissipatio pertinere possit ad paruulum. Si autem hoc quispiam non nisi de ista circūcissione dictum esse contendit, quod in ea pactum dei, quoniā non est circūcissus, dissipauerit paruulus: quærat loquutionis aliquem modum, quo non absurde possit intelligi, ideo dissipasse testamentum, quia licet non ab illo, tamē est in illo dissipatum. Verum sic quoq; animaduertendum est, nulla in se negligentia iniuste interire incircūcissi animam paruuli, nisi originalis obligatione peccati. Dixit quoq; deus ad Abraham, Sarai uxorem tuam non uocabis Sarai, sed Saram; & benedicam ei: & ex illa dabo tibi filiū, cui benedicturus sum.) Errant qui putāt primum Saram, per unam r, scriptam, & postea alteram r, additam; & quia r, apud Græcos centenarius numerus est, multas super eius nomine ineptias suspicantur; quum utiq; ut cunq; uolunt ei uocabulum commutatum, non Græcam, sed Hebræam debeat habere rationem, quum ipsum nomē Hebraicum sit. Nemo autem altera lingua quempiam uocans, etymologiam uocabuli sumit ex altera. Sarai igitur primum uocata est, per sin, res, ioth. Sublato ergo ioth, id est, i elemento, addita est e, litera, quæ per a, legitur: & uocata est Saraa. Causa autem nominis immutati hæc est, quod antea dicebatur, princeps mea, unius tantummodo domus mater familiæ: postea uero dicitur absolute, princeps: omnium quippe gentium futura iam princeps. Sequitur, Eritq; in nationes populorum, & reges gentium orientur ex eo.) Quomodo dictum est ad Abraham de filio eius, Et reges gentium ex illo erunt? Vtrum quia peruenit secundum regna terrena: uel secundum ecclesiam accipi debet? An propter Esau etiam ad literam contigit. Sequitur, Cecidit Abraham in faciem suam, & risit, dicens in corde suo, Putas si centenario nascetur filius, & Sara nagenaria pariet?) Ambo enim seniores erant, sicut scriptura testatur: sed illa etiam sterilis, & cruore menstruo iam destituta: propter quod iam parere non posset, etiam si sterilis non fuisset. Porro si fœmina ita sit prouectioris ætatis, ut ei solita muliebria adhuc fluant: de iuvene parere potest, de seniore non potest: quamuis adhuc possit ille senior de adolescentula gignere, sicut Abraham post mortem Saræ de Cethura potuit, quia uiuidam eius inuenit ætatem. Hoc ergo est quod mirum commēdat apostolus, & ad hoc dicit Abrahamæ iam fuisse corpus emortuum: quoniam non ex omni fœmina, cui esset adhuc aliquod pariendi tempus extremum, generare ipse in illa ætate adhuc posset. Ad aliquid emortuum corpus intelligere debemus, non ad omnia: nam si ad omnia, nō iam senectus uiui, sed cadauer est mortui: quamuis etiā sic solui possit quæstio ista, quod de Cethura postea genuit Abraham, quia donum gignendi, quod à domino accepit, etiam post obitum mansit uxoris. Sed propterea mihi uidetur illa, quam sequuti sumus, huius quæstionis solutio præferenda: quia centenarius quidem senex, sed temporis nostri de nulla

De mutatione
nominis Sarai
XXV



De promissio-
ne natiuitatis
Isaac XXVI

de nulla potest scēmina gignere, non tunc quando adhuc tam diu uiuebant, ut centum anni nondum facerent hominem decrepitā senectutis. Sequitur, Dixitq; Abraham ad dominum, Vtinam Ismahel uiuat coram te. Et ait dominus ad Abrahā, Sara uxor tua pariet tibi filium, uocabisq; nomen eius Isaac: & statuam illi pactum meum in fœdus sempiternū, & semini eius post eum. Super Ismahel quoq; exaudiui te. Ecce benedicam ei, & augebo & multiplicabo eum ualde. Duodecim duces generabit, & faciam eum in gentē magnam. Pactum uero meum statuam ad Isaac, quem pariet tibi Sara tempore isto in anno altero.) Sciendum tamen quod quatuor in ueteri testamento absq; ullo uelamine nominibus suis ante quā nascerentur uocati sunt, Ismahel, Isaac, Sāpſon, & Iosias. Hic apertiora promissa sunt de uocatione gentiū in Isaac, id est, in filio promissionis, quo significatur gratia non natura: quia de sene & anu sterili promittitur filius. Quamuis enim & naturalem procreationis excursus deus operetur, ubi tamen euidentis dei opus est, uitiata & cessante natura, ibi euidentius intelligitur gratia. Sequitur, Quomq; finitus esset sermo loquentis cum eo, ascendit deus ad Abraham. Tulit autem Abraham Ismahelem filium suum, & omnes uernaculos domus suæ, uniuersosq; quos emerat, cūctosq; mares ex omnibus uiris domus suæ, & circumcidit carnem præputij eorum, statim in ipsa die, sicut præceperat ei deus. Nonaginta nouem erat annorum quando circumcidit carnem præputij sui, & Ismahel filius eius XIII annos impleuerat, tempore circūcisionis suæ. Eadem die circumcissus est Abraham & Ismahel filius eius, & omnes uiri domus illius, tam uernaculi, quā emptitij & alienigenæ pariter circūcisi sunt.) Si enim Adam pactum dei custodisset, non Abrahā pactum hoc accepisset: sed quia ille in hoc membro culpam inobedientiæ primum agnouit, decuit ut iste in hoc membro signum obediētiæ secundo accepisset: ut ostenderet obedientes quandoq; generare filios ad uitam, dum olim præuaricatores generauerint ad mortem: & quia hoc nō per generationem, sed per regenerationem futurum erat, ita & nunc imperata est circūcisio, quando de Sara promissus est filius: & quod omnes non solum filios, uerum etiam seruos uernaculos & emptitios circumcidi iubet, ad omnes istam gratiam pertinere testatur. Quid enim aliud circūcisio significat, quā naturam ex uetustate renouatam? & quid aliud, quā Christum octaua dies significat: qui hebdomada completa, hoc est, post sabbatum resurrexit? Parentum mutantur nomina: omnia resonant nouitatem, & in testamento ueteri, obumbratur nouum. Quid est enim quod dicitur, testamentum uetus, nisi occultatio? & quid est aliud quod dicitur nouum, nisi ueteris reuelatio? Risus Abrahæ, exultatio est gratulantis, non irrisio diffidentis: uerba quoq; eius illa in animo suo, Si mihi centenarius nasceretur filius, & si Sara nonagenaria pariet: non sunt dubitantis, sed admirantis. Ideo pro gaudio ridentis Abrahæ, filius dictus est Isaac, id est, risus. Risus enim iste, in bono accipi debet. Sequitur,

Apparuit

APPARUIT autem ei deus in conualle Mambrae, sedenti in ostio tabernaculi sui in ipso seruire diei. Quumque leuasset oculos, apparuerunt ei tres uiri stantes prope eum. Quos quum uidisset, cucurrit in occursum eorum de ostio tabernaculi, & adorauit in terra, & dixit, Domine, si inueni gratiam in oculis tuis, ne transeas seruum tuum, sed afferam pauxillum aquae, & lauate pedes uestros: requiescite sub arbore, ponam buccellam panis, & confortate cor uestrum, postea transibitis. Idcirco enim declinastis ad seruum uestrum. Qui responderunt, Fac ut loquutus es.) In tribus uiris, quos dubitandum non est angelos fuisse, quamuis quidam existiment unum in eis fuisse dominum Christum, asserentes eum etiam ante indumentum carnis fuisse uisibilem, Est quidem diuinæ potestatis, & inuisibilis, incorporealis, immutabilisque naturæ, sine ulla etiam sui mutatione, etiam mortalibus aspectibus apparere: non per id quod est, sed per aliquid quod sibi subditum est. Quid autem sibi subditum non est? Verumtamen si propterea confirmant horum trium aliquem fuisse Christum: quia quum tres uidisset, ad deum singulariter est loquutus: quur non & illud aduertunt, duos ex eis uenisse, ut Sodomitæ deleantur, quum adhuc Abraham ad unum loqueretur, dominum eum appellans: & intercedens, ne simul iustum cum impijs Sodomitis perderet: illos autem duos sic suscepit Loth, ut etiam ipse in colloquio suo cum illis singulariter dominum appellet? Nam quum illis pluraliter dixisset, Ecce domini declinate in domum pueri uestri: & cætera, quæ ibi dicuntur, Postea tamen ita legitur, Et tenuerunt angeli manum eius, & manum uxoris eius, & manus duarum filiarum eius: ideo quod dominus parceret illis. Sequitur, Festinauit Abraham in tabernaculum ad Saram, dixitque ei, Accelera tria fata similia, commisce, & fac subcinericios panes. Ipse uero ad armentum cucurrit, & tulit inde uitulum tenerrimum & optimum, deditque puero, qui festinauit, & coxit illum: tulitque butyrum & lac, & uitulum quem coxerat, & posuit coram eis: ipse uero stabat iuxta eos sub arbore.) Tria fata, tres amphoræ sunt: ut idem mysterium & hic & in euangelio, ubi mulier tria fata fermentare dicitur, cognoscamus. Quæritur, si angelos intelligebat, quomodo eos potuit ad hanc humanitatem inuitare: quæ refectioni mortalis carnis necessaria est, non immortalitati angelorum? Quoniam certo & omnimodis inuolabili munere immortalitatis induti, non, nisi uellent, possibilitate, non necessitate comederunt: non quia indigebant, sed quia uolebant, ut hominibus congruerent, quadam humanitate fecerunt. Neque in phantasmate credendum est eos apparuisse, quando eos homines hospitio receperunt. Non enim potestas, sed egestas edendi ac bibendi talibus corporibus aufertur. Tabernaculum autem illud Abraham, typum habuit terrenæ Hierusalem: ubi pro tempore, prophetæ & apostoli habitauerunt: ubi & primum dominus adueniens à credentibus exceptus, ab incredulis in ligno suspensus est. In tribus autem uiris, qui uenerunt ad illum, domini Christi prænuntiabatur

nuntiabatur aduentus, cum quo duo angeli comitabātur, quos pleriq; Moy-
 sen & Heliam accipiunt: unum priscæ legis latorem, qui per eādem legem ad-
 uentum domini indicauit: alium qui in fine mundi uenturus est, denūtiaturus
 secundum aduentum Christi, atq; eius euāgelium Iudæis prædicaturus. Un-
 de & in monte dum dominus fuisset trāsfiguratus, hi duo Moyse & Helias
 cum eo ab apostolis uisi sunt. Quod uero Abraham tres uidens unum adora-
 uit, dominum scilicet & saluatorem ostendens, cuius iam aduentū est præsto-
 latus, iuxta quod in euangelio dominus ait, Abraham pater uester exultauit,
 ut uideret diem meum: uidit, & gauisus est. Tunc enim futurum aspexit my-
 sterium sacramenti, unde & pedes eorum lauit, ut in extremo mundi, lauacri
 purificationem demonstraret futuram. Pedes enim, nouissima significant. Si-
 quidem & cōuiuium præparat, uitulū scilicet saginatum. Iste autem uitulus
 tener & saginatus, domini Iesu Christi est corpus. Iste est etiam domini uitu-
 lus, qui propter salutē credentiū ad arborem crucis est immolatus. Hic est ui-
 tulus dominici corporis, qui in euangelio pro peccatore occiditur filio. Sed &
 butyrum & lac cum carne uituli apposuit. Lac quippe legis habuisse figuram
 apostolus noster annuntiat dicens, Lac uobis potum dedi, non escam. Non-
 dum enim poteratis, nec adhuc quidem potestis. Tradiderat enim illis legis
 mandatum, quasi lac de uberibus duarum tabularū expressum, hoc est, testa-
 mentum fidei. Necdum enim poterant propter infantiam sensus, euangelicæ
 doctrinæ solidam & robustam escam accipere. Butyrum autem tenerrimum
 & pinguiſſimum euāgeliorum est testimonium, quod ueluti oleum fidelibus
 in signum datur. Sed proinde uitulū cum lacte & butyro Abrahā ad eden-
 dum apposuit: quia nec corpus domini, quod est uitulus, sine lacte legis: nec
 lac legis sine butyro, hoc est, sine euangelij testimonio esse potest. Tria autem
 fata, unde Sara panes subcinericios fecit, tres filios Noe indicauerunt, ex qui-
 bus omne genus hominum natum est, qui diuinæ trinitati credentes, ex aqua
 baptismatis per ecclesiam, cuius imago Sara erat, cōspergēdi essent, & in uno
 pane Christi corporis redigendi. Hæc sunt illa tria fata, quæ mulier in euan-
 gelio dicitur fermentasse. Azyimi autem panes idcirco, quod sine fermēto ma-
 litia, & sine languore nequitia, sine fermento doctrinæ oporteat esse creden-
 tium unitatem. Subcinericij autem ideo, ut per pœnitentiā præteritorum de-
 lictorum spiritus sancti uapore decocti, uelut esca beneplacita deo acceptabi-
 les efficerentur. Sub arbore autē eos sedisse, passionis dominicæ erat signum,
 cuius ipsi sunt prædicatores. Sequitur, Quumq; comedissent, dixerunt ad
 eum, Vbi est Sara uxor tua? At ille respondit, Ecce in tabernaculo est. Cui di-
 xit, Reuertens ueniam ad te tempore isto, uita comite, & habebit filium Sara
 uxor tua. Quo audito Sara, risit post ostium tabernaculi. Erant enim ambo
 senes, prouectæq; ætatis, & desierant Saræ fieri muliebria. Quæ risit occulte,
 dicens, Postquā consenui, & dominus meus uetulus est, uoluptati operam
 dabo? Dixit autē dominus ad Abraham, Quare risit Sara, dicens, Num ue-
 re paritura

re paritura sum anus? Nunquid deo est quicquam difficile? Iuxta cōdictum reuertar ad te hoc eodē tempore, uita comite, & habebit Sara filium.) Quæritur quare Saram redarguat dominus, quum & Abraham riserit: nisi quia illius risus admirationis & lætitiæ fuit, Saræ autem dubitationis: & ab illo hoc dijudicari potuit, qui corda hominū nouit. Sequitur, Negauit Sara, dicens, Non risi, timore perterrita.) Quomodo intelligebat Abraham deum esse qui loquebatur cum eo, quum etiā negare ausa sit Sara, quod riserit: nisi fortè Sara homines eos esse putabat, Abraham uero deum intelligebat, quibusdam diuinæ maiestatis existentibus & apparentibus signis. Sequitur, Quum ergo exissent inde uiri, direxerunt oculos suos contra Sodomam, & Abraham simul gradiebatur deducēs eos, Dixitq; dominus, Num celare potero Abraham quæ gesturus sum, quum futurus sit in gentem magnam, & benedicendæ sint in illo omnes nationes terræ? Et hic duo illa breuissime plenissimeq; promissa sunt, gens Israel secūdum carnem, & omnes gentes secūdū fidem.

Scio enim quod præcepturus sit filiis suis & domui suæ post se, ut custodiant uiam domini, & faciant iustitiā & iudicium, ut adducat dominus propter Abraham omnia quæ loquutus est ad eum.) Ecce ubi promittit dominus Abrahamæ, non solum præmia, sed etiā obediētiā iustitiæ filiorum eius, ut circa eos etiam præmia promissa compleātur. Sequitur, Dixit itaq; dominus, *De clamore Sodomorum* Clamor Sodomorum & Gomorræorum multiplicatus est, & peccatum eorum aggrauatum est nimis: descēdam, & uidebo utrum clamorem, qui uenit ad me, opere compleuerint: an non est ita, ut sciam.) Verba hæc non dubitantis, quid horum potius euenturum sit, sed irascentis & minantis accipere debemus. Peccatum cum uoce, est culpa in actione: peccatum cum clamore, est culpa cum libertate & iactantia. Quod autem dixit, Descendam, & uidebo, & cætera huius modi: omnipotēs itaq; dominus omnia sciens, quur ante probationem quasi dubitat: nisi ut grauitatis nobis exemplum proponat, ne mala hominum ante præsumamus credere, quā probare? Et ecce per angelos ad cognoscenda mala descendit, mox facinorosos percutit: atq; ille patiens & mitis, ille de quo scriptum est, Tu autem domine cum tranquillitate iudicas omnia: quum in tanto crimine inuolutos inuenisset, quasi patientiam prætermisit, & diem extremi iudicij præuenit. Ecce malum quasi cum difficultate credidit, quum audiuit: & tamen sine tarditate percussit, quum cognoscendo reperiit: ut nobis uidelicet daret exemplum, quod maiora crimina, & tarde credenda sunt, quum audiuntur, & citius punienda, quum ueraciter agnoscuntur.

Conuerteruntq; se inde, & abierunt Sodomam, Abraham uero adhuc stabat coram domino. Et appropinquans ait, Nunquid perdes iustum cum impio. Si quinquaginta fuerint inuenti iusti in ciuitate, peribūt simul, & non perces loco illi propter quinquaginta iustos si fuerint in eo? Absit à te, ut rē hanc facias, & occidas iustum cum impio) Quæri solet utrum quod de Sodomis dixit deus, non se perdere locum, si inuenirētur illic uel decem iusti, speciali qua-

h dam

dam sententia de illa ciuitate, an de omnibus intelligendum sit generaliter, parcere deum loco in quo uel decem iusti fuerint. In qua quaestione non est quidem necesse, ut hoc de omni loco accipere compellamur. Verumtamē de Sodomis potuit sic dici: quia sciebat deus ibi non esse uel decem, & ideo sic respondebatur Abraham, ut significaretur, nec tot ibi posse inueniri, ad exag-
gerationem iniquitatis illorum. Non enim necesse erat deo tam sceleratis ho-
minibus parcere, nec cum illis perdere iustos, quā posset iustis inde liberatis
reddere impijs digna supplicia: sed, ut dixi, ad ostendendam malignitatem
multitudinis illorum, dixit, Si decem ibi inuenero, parcam uniuersae ciuitatis:
tanquam si diceret, Certe possum, nec pios cum impijs perdere, nec tamen
propterea impijs parcere: quia liberatis & separatīs inde pijs, possum impijs
digna rependere. Quare Abraham se puluerem dixit esse, & cinerem, dum
tantas promissiones accepit à deo, nisi ut sublimitatem promissionum humi-
litis temperaret subiectione: Aperte enim intelligitur in quo loco se posue-
rat, qui puluerem se ac cinerē, etiam dum cum deo loqueretur, aestimabat. Si
igitur ita se despexit, qui usque ad honorem diuinæ colloquutionis ascendit,
sollicita intentione pensandum est, qua poena illi ferendi sunt, qui ad sum-
mum non proficiunt, & tamen de minimis extolluntur. Sed quid significat
quod à quinquaginta iustis usque ad decem, si inuenerentur in Sodomis, dixit
dominus urbem esse saluandam? Numerum quippe quinquagenarium pro-
pter poenitentiae signum posuit, si fortē conuerterentur, & saluarentur. Quin-
quagenarius enim numerus, semper ad poenitentiam refertur. Vnde & Da-
uid in eodem numero psalmum scripsit poenitentiae. Proinde quando aspicit
deus, delinquentium uitam nequaquam uelle reuerti ad poenitentiam, quam
quinquagenarius numerus figurat, cōfestim ardorem immoderatae luxuriae,
compescit igne gehennae. Usque ad decem autem iustos non perire Sodo-
mam dixit: quasi in quolibet per decem praceptorum custodiam Christi no-
men inueniatur, iste non perit. Denarii enim numeri figura, crucem Christi
demonstrat. Sequitur,

CAP. XIX

VENERUNT QVE duo angeli Sodomam uespere, sedente Loth in
foribus ciuitatis. Quos quum uidisset, surrexit, & ibat obuiam eis: adorauit
pronus in terra, & dixit, Obsecro domini declinate in domum pueri uestri, &
manete ibi, lauate pedes uestros, & mane proficiscimini in uiam uestram.
Qui dixerunt, Minime: sed in platea manebimus. Compulit illos oppido, ut
diuerterent ad eum. Ingressisque domum illius, fecit conuiuium, coxit azyma,
& comederunt.) Valde enim credendum est, quod & Abraham in tribus, &
Loth in duobus uiris, dominum agnoscebant: cui per singularem numerum
loquebantur, etiam quum eos homines esse arbitrarentur. Neque enim aliam
ob causam sic eos susceperunt, ut tanquam mortalibus, & humana refectione
indigentibus ministrarent: sed erat profecto aliquid quo ita excelebant,
licet tanquam homines, ut in eis aliquid esset diuini fulgoris, sicut esse ad solet
in pro-

in prophetis, ut hi qui hospitalitatem illis exhibebant, dubitare non possent: atq; ideo & ipsos aliquando pluraliter, & in eis dominum aliquando singulariter adorarent. Angelos autem fuisse scriptura testatur, nō solum in hoc Genesio libro, ubi hæc gesta narrantur: uerum & in epistola ad Hebræos. Vbi quum hospitalitas laudaretur, Per hanc, inquit, etiam quidam nescientes, hospitio receperūt angelos. Idcirco autem angeli, quasi hospites coacti, domum Loth introisse dicuntur, ut tentata esset charitas Loth, probata, & remunerata: ut ostēderetur quantum esset hospitalitatis bonum. Hospitalem domum, angeli ingressi sunt ad liberandum. Clausas uero domos hospitibus, ignis in eis ingressus est ad perdendos peccatores: & idcirco hospites non sunt euitandi, sed ultro inuitandi. Sequitur, Prius autem quā irent cubitum, uiri ciuitatis uallauerunt domum, à puero usq; ad senem, omnis populus simul. Vocaueruntq; Loth, & dixerunt ei, Vbi sunt uiri, qui introierunt ad te nocte? Educ illos huc, ut cognoscamus eos. Egressus ad eos Loth, post tergum occludens ostium, ait, Nolite, quæso, fratres mei, nolite malum hoc facere: habeo duas filias, quæ necdum cognouerunt uirum, educam eas ad uos, & abutimini eis, sicut placuerit uobis: dum modo uiris istis nihil mali faciatis: quia ingressi sunt sub umbra culminis mei.) Quomodo prostituere uolebat filias suas ad compensationem: ut uiri hospites eius, nihil à Sodomitis tale paterentur: utrum admittenda sit compensatio flagitiorum, uel quoruncunq; peccatorum, ut nos faciamus mali aliquid, ne alius grauius malum faciat: an potius perturbationi Loth, non consilio tribuendum sit, quia hoc dixerit, merito quæritur, & nimium periculosissime admittitur hæc compensatio: si autē perturbationi humanæ tribuitur, & menti tantum malum permotæ, nullo modo imitanda est. Sequitur, Vimq; faciebant Loth uehementissime. Iam prope erat, ut infringerent fores. Et ecce miserunt manum uiri, & introduxerunt ad se Loth, clausēruntq; ostium: & eos qui erant foras, percusserunt cæcitate, à minimo usq; ad maximum, ita ut ostium inuenire non possent.) Non immerito mouet, quomodo potuerunt deficere quæredō ostium: si tali erant cæcitate percussi, ut omnino nihil uiderent. Hoc enim modo sua calamitate turbati, ulterius ostium non requirebant. Hac aorasia & illi percussi sunt, qui quærebant Helisæum. Sequitur, Dixerunt autem ad Loth, Habes hic tuorum quempiam generum, aut filios, aut filias? *Omnes qui tui sunt*, educ de urbe hac. Delebitur enim locus istum, eo quod increuerit clamor eorum coram domino, qui misit nos, ut perdamus illos.) Quia clamor peccantium in cælum ascendisse dicitur, idcirco de cælo puniendi erant. Egressus est itaq; Loth, & loquutus est ad generos suos, qui accepturi erant filias eius, & dixit, Surgite, & egredimini de loco isto, quia delebit dominus ciuitatem hanc. Et uisus est eis, quasi ludens loqui. Quumq; esset mane, cogebant eum angeli, dicentes, Surge, tolle uxorem tuam, & duas filias quas habes: ne & tu pariter

percas in scelere ciuitatis.) Quod quaerit, Et loquutus est ad generos suos, qui accepturi erant filias eius: quæ postea duæ filiæ Loth uirgines fuisse dicuntur, de quibus & ipse dudum ad Sodomenos dixerat, Ecce duæ filiæ meæ, quæ non cognouerunt uirum; & nunc scriptura commemorat eum habuisse generos: nonnulli arbitrantur illas quæ uiros habuerunt, in Sodomis remansisse, & eas exisse cum patre, quæ uirgines fuerunt. Quod quum scriptura non dicat, Hebræa ueritas exponenda est, in qua scribitur, Egressus est Loth, & loquutus est ad sponfos, qui accepturi erant filias eius. Nondum ergo uirgines filiæ, matrimonio fuerant copulatæ. Sequitur, Dissimulante illo apprehenderunt manum eius & manum uxoris ac duarum filiarum eius, eo quod domini parceret illi, & eduxerunt eum, posueruntq; extra ciuitatem, ibi loquuti sunt ad eum, Salua animam tuam. Noli respicere post tergum: nec stes in omni circa regione, sed in monte saluum te fac, ne & tu simul percas. Dixitq; Loth ad eos, Quæso domine mi, quia inuenit seruus tuus gratiã coram te, & magnificasti misericordiam tuam, quam fecisti mecum, ut saluares animam meam, nec possum in monte saluari, ne forte apprehēdat me malū, est ciuitas hic iuxta, ad quam possum fugere, parua est, & saluabor in ea. Nunquid non modica est, & uiuet anima mea in ea? Dixitq; ad eum, Etiam in hoc suscepi preces tuas, ut non subuertam urbem, pro qua loquutus es.) Ardentem quippe Sodomam fugere, est illicita carnis incendia declinare. Altitudo uero est montium, mundicia continentium. Vel certe, quasi in monte sunt, qui etiam carnali copulæ inhaerent: sed tamen extra suscipiendæ prolis admixtionē debitam, nulla carnis uoluptate soluuntur. In monte quippe stare quid est, nisi fructum propaginis in carne non quærere? In monte stare est, non carni carnaliter adhærere. Sed quia multi sunt, qui scelera quidem carnis deferunt: nec tamen in coniugio positi usu solummodo debiti iura cōseruant, exiit quidem Loth Sodomam, sed tamen mox ad montana non peruenit, quia iam dannabilis uita relinquitur, sed adhuc cellitudo coniugalis continentia subtiliter non tenetur. Est uero in medio Segor ciuitas, quæ fugiētem saluet infirmum: quia uidelicet quum sibi per incontinentiam miscentur coniuges, & lapsus scelerum fugiunt, & tamen perueniam saluantur. Quasi paruam quippe ciuitatem inueniunt, in qua ab ignibus defendantur, quia coniugalis hæc uita non quidem in uirtutibus mira est, sed tamen à supplicijs secura. Vnde & isdem Loth ad angelum dicit, Est ciuitas hic iuxta ad quam possum fugere, parua, & saluabor in ea. Nunquid non modica est, & uiuet anima mea in ea? Iuxta igitur dicitur, & tamen ad salutem tuta perhibetur, quia coniugalis uita, nec à mundo longe diuisa est, nec tamen à gaudio salutis aliena. Sed tunc in actione hanc uitam suam coniuges quasi in parua ciuitate custodiunt, quando prope assiduis deprecationibus intercedunt. Vnde recte per angelum ad eundem Loth dicitur, Ecce etiam in hoc suscepi preces tuas, ut non subuertam urbem.

pro qua

pro qua loquutus es: quia uidelicet quū deo deprecatio funditur, nequaquam
 talium coniugum uita damnatur. Igitur dominus pluit super Sodomam &
 Gomorram sulphur & ignem à domino de cœlo, & subuertit ciuitates has, &
 omnem circa regionem, uniuerfos habitatores urbium, & cuncta terræ uiren-
 tia.) Quur sulphureo igne puniebantur, nisi ut putidissimus libidinis ardor,
 putidissimo flammarum ardore puniretur: ut ueniente imbreo igne de cœlo,
 tota illa regio in cinerem uerteretur, ubi stupra in masculos in tantam consue-
 tudinem conualuerant, quanta iam nostro tempore gentes impias licenter ui-
 demus perpetrare. Verum & hoc eorum suppliciū, specimen futuri iudicij di-
 uini fuit. Quæri etiam potest, quare diebus Noe peccatum mundi aqua ulci-
 scitur, hoc uero Sodomitarum igne punitur: nisi quia illud naturale libidinis
 cum sceminis peccatum quasi leuiori elemento damnatur: hoc uero contra na-
 turam cum uiris libidinis peccatum acrioris elementi uindicatur incendio: &
 illic terra aquis abluta reuifcitur, hic flāmis cremata, æterna sterilitate arefcit.
 Quod prohibiti sunt qui liberantur ab angelis retro respicere, scilicet quia non
 est animo redeundum ad ueterem uitam, qua per gratiam regeneratus exui-
 tur, si ultimum euadere iudicium cogitamus. Deniq; uxor Loth ubi respexit,
 remansit, & in salem conuersa omnibus fidelibus quoddam præstituit condi-
 mētum, quo sapiant aliquid, unde illud caueatur exemplū. Sequitur, Abra-
 ham uero mane cōsurgens ubi steterat prius cum domino, intuitus est Sodo-
 mam & Gomorram, & uniuersam terram regionis illius, uiditq; ascendētem
 fauillam de terra, quasi fornacis fumum. Quum enim subuerteret deus ciuita-
 tes regionis illius, recordatus est Abrahæ, & liberauit Loth de subuersione ur-
 bium, in quibus habitauerat.) Commendat scriptura meritis magis Abrahæ
 liberatum esse Loth, ut intelligamus iustum Loth dictum secundū quendam
 modum, maxime quod unum uerum deum colebat, & propter comparatio-
 nem scelerum Sodomorum, inter quos uiuens ad uitam similem non potuit
 inclinari. Sequitur, Ascēditq; Loth de Segor, & māsit in monte, duæ quoq;
 filiae eius cum eo: timuerat enim manere in Segor, & mansit in spelūca ipse &
 duæ filiae eius.) Mirū si ipse mons est, in quem sponte ascendit, quò monente
 domino ac imperāte ascendere noluit. Quæritur quare quū primū fugæ mon-
 tis Segor prætulerit, & eam in habitaculū suū uoluerit liberari, nunc de Segor
 ad montē migret. Respondebimus ueram esse illam Hebræorū coniecturam
 de Segor, quod frequenter terræ motu subruta, Vale primū, postea Salisa ap-
 pellata sit. Ipsa est & Vala, quæ nunc Zoara nuncupatur. Imminet autē mari
 mortuo, & apud eam gignitur balsamū, & poma palmarū, antiquæ ubertatis
 indicia. Nullum autem moueat, quod Segor eadē quæ Zoara dicitur, quum
 idem nomē sit paruulæ uel minoris: sed Segor Hebraice, Zoara Syriace nun-
 cupatur, Vala autē interpretatur absorpta: timueritq; Loth, dicens, Ne fortē
 apprehendat me malum in ea: quia si quum cæteræ adhuc urbes starent, ista

De ebrietate
Loth XXX

sape subuerfa est, quantomagis nunc in communi ruina non poterit liberari: & hanc occasione infidelitatis, etiam in filias coitus dedisse præcipitium. Qui enim cæteras uiderat subruui ciuitates, & hanc stare, seque dei auxilio erutum, utique de eo quod sibi cõcessum audierat, ambigere non debuit. Sequitur, Dixit maior ad minorem, Pater noster senex est, nullusque uirorum remansit in terra, qui possit ingredi ad nos iuxta morem uniuersæ terræ. Veni, inebriemus cum uino, dormiamusque cum eo, ut seruare possimus ex patre nostro semen. Dederuntque patri suo bibere uinum nocte illa, & ingressa est ad eum maior, dormiuitque cum patre. At ille non sensit, nec quando accubuit filia, nec quando surrexit. Altera quoque nocte dixit maior ad minorem, Ecce, dormiui heri cum patre meo, demus ei bibere uinum etiam hac nocte, & dormies cum eo, ut seruemus semen de patre nostro.) Videtur namque filias Loth audisse quædam de consummatione seculi, quæ immineret per ignem, sed tãquam puellas non intelligere perfecte quæ didicerant. Nescierunt quod Sodomitis igne uastatis multum adhuc spatium integrum resideret in mundo, suspicatae sunt tale aliquid factum quale audierant in temporibus Noe, & ob reparandam mortalium posteritatem, solas se esse cum patre sene reseruatas. Recuperandi igitur humani generis desiderium suum, atque instaurandi seculi ex sese dandum opinantur exordium: & quamuis grande eis crimen uideretur, furari concubitus patris: grauior tamen eis uidebatur impietas, si humanæ, ut putabãt, posteritatis spes seruata castitate deleteretur. Propter hoc ergo consiliũ incunt minore, ut arbitror, culpa, spe tamen argumẽtoque maiore, patris incestitiam uel rigorem uino emolliunt & resoluunt. Singulis ingressæ noctibus singulae, concipiunt ab ignorante conceptũ, nec ultra repetunt. Vbi hic libidinis culpa, ubi incæstus crimẽ arguitur? Quomodo ergo dabitur uitio, quod non iteratur in facto? Quum igitur illæ ad conseruationem generis prolem quærerent, qui utique in eis humanus erat & naturalis affectus, nec se crederent posse inuenire alios uiros, uelut exusto illa conflagratione orbe terrarũ cum patre dormieras esse non crederent, nisi eius ignorantiam procurarent: ut scriptum est, Inebriauerunt eũ uino, & nescienti se miscuerunt. Quapropter culpandus est quidem, nec tamen quantũ ille incæstus, sed quãtum illa meretur ebrietas. Nam & hanc lex æterna condemnat, quia cibum & potum ad ordinem naturalem non nisi gratia conseruandæ salutis admittit. Quamuis ergo inter ebriosum & ebrium plurimum intersit: nam nec ebriosus semper est ebrius, nec quisquis aliquando ebrius, consequenter ebriosus est: tamen in homine iusto huius ipsius, & si non ebriositatis, at certe ebrietatis causa quærenda est. Quid enim tandem cogebat, ut filiabus suis crebra uina miscens, aut fortasse nec mixta crebro porrigentibus consentiret, aut crederet: nisi ut illius destitutionis & materni luctus dolor de cogitatione mentis ebriæ fugaretur, etiam ipsas tandem bibere

bere existimans, & aliqua fraude agentes, ne biberent: sed etiam talem tristi-
 bus illis adhibere consolationem, quomodo uirum iustum decuerit, non ui-
 demus: an aliqua Sodomitarum arte pessima, etiam paucis poculis patrem
 sic inebriare potuerunt, ut illud peccatum cum ignorante, uel potius de igno-
 rante committerent. Nos tamen scripturas sanctas, non hominum peccata
 defendimus. Sequitur, Conceperunt ergo duæ filiæ Loth de patre suo, pe-
 peritq; maior filium, & uocauit nomen eius Moab: ipse est pater Moabita-
 rum usq; in præsentem diem. Minor quoque peperit filium, & uocauit no-
 men eius Ammon: ipse est pater Ammonitarum usq; hodie.) Moab inter-
 pretatur, ex patre: Ammon uero, cuius quasi causa nominis redditur, filius ge-
 neris mei, siue filius populi mei: sic deriuatur, ut ex parte sit sensus nominis,
 & ex parte ipse sit sermo. Ammon uero à quo dicti sunt Ammonitæ, uoca-
 tur populus meus. Deus ergo qui nouit & de hominis opere malo facere o-
 pera bona, gentes quas uoluit, ex illo semine propagauit. Prodidit quippe
 ista per scripturas suas, non facienda præcepit, & cauenda admonuit, non po-
 suit imitanda. Nam & quinque ciuitates, quæ imbris igneis conflagratae
 sunt, illud (nisi fallor) significant, quod omnes qui quinque sensus corporis sui
 libidinose tractauerint, in illo futuro incendio crematuri sint. Loth autem fra-
 ter Abrahamæ iustus & hospitalis in Sodomis, & ab omni Sodomitarum con-
 taminatione purus, atq; integer, qui ex illo incendio, quod erat similitudo fu-
 turi iudicii, meruit saluus euadere, typum gestauit corporis Christi: quod in
 omnibus sanctis, & nunc inter iniquos atque impios gemit, quorum factis
 non consentit, & à quorum commixtione in fine seculi liberabitur illis dam-
 natis supplicio ignis æterni. Sed aliud genus hominum in eius uxore figu-
 ratum est, eorum scilicet qui per gratiam dei uocati, retro respiciunt, non si-
 cut Paulus, qui ea quæ retro sunt obliuiscitur, & in ea quæ ante sunt, extendi-
 tur. Vnde & ipse dominus, Nemo, inquit, imponens manum suam super a-
 raturum, & respiciens retro, aptus est regno cælorum. Neq; illud exemplum
 tacuit, quo nos tanquam sale condiret, ut non fatui negligereamus, sed pru-
 dentes caueremus hoc malum: Mementote uxoris Loth. Sic etiam in ipso
 Loth, quando cum eo filiæ concubuerunt: non illud, quod à Sodomis libe-
 ratus est, sed aliud aliquid figuratum est. Nam tunc ille ipse Loth futuræ
 legis uidetur gestasse personam, quum quidam ex illa procreati, & sub lege
 positi, male intelligendo, quodam modo inebriant eam, qua non legitime
 utendo, infidelitatis opera pariunt. Bona est enim lex ait Apostolus, si quis
 ea legitime utatur. Nec ideo tamen hoc factum, uel ipsius Loth, uel filia-
 rum eius iustificamus, quia significauit aliquid, quod futuram quorundam
 peruersitatem prænuntiaret. Aliud enim illæ, ut hoc facerent, intenderunt.
 Aliud deus, qui hoc fieri permisit, ut etiam aliquid inde monstraret, pro si-
 gnificatione futurorum. Proinde illud factum quum in sancta scriptura

narratur, prophetia est: quum uero in illorum uita qui hoc commiserunt, consideratur, flagitium est. Sequitur,

CAP. XX
De peregrina
tione Abrahæ
in Geraris
XXXI

PROFECTVS inde Abrahā in terram Australem habitauit inter Cades & Sur, & peregrinatus est in Geraris. Dixitq; de Sara uxore sua, soror mea est. Misit ergo Abimelech rex Geraræ, & tulit eam. Venit autem deus ad Abimelech per somnium noctis, & ait ei, En morieris propter mulierem quam tulisti: habet enim uirum. Abimelech uero non tetigit eam. Et ait, Domine, num gentem ignorantem & iustam interficies? Nonne ipse dixit, soror mea est: & ipsa ait, frater meus est? In simplicitate cordis mei, & mundicia manuum feci hoc. Quæri potest, quomodo adhuc in illa ætate propter Saræ pulchritudinem Abraham periclitari metuebat, sed magis formæ illius uis admiranda est, quæ adhuc adamari poterat: & ideo fecit in Geraris apud regē Abimelech, quod in Ægypto de coniuge sua fecerat, eiq; intacta similiter reddita est. Sequitur, Dixitq; ad eum deus, Et ego scio quod simplici corde feceris: & ideo custodiui te, ne peccares in me, & non dimisi ut tangeres eam. Nunc igitur redde uxorem uiro suo, quia propheta est, & orabit pro te, & uiues: si autem nolueris reddere, scito quod morte morieris, tu & omnia quæ tua sunt.) Quod ait deus ad Abimelech propter Saram, & peperci tibi, ut non peccares in me, quando eum admonuit uxorem Abrahæ esse, quam putabat eius esse sororem: aduertendum est & notandum in deum peccari, quando talia committuntur, quæ putant homines leuiter habenda tanta in carne peccata. Quod autem dixit ei, Ecce tu morieris: etiam hoc notandum est, quomodo dicat deus tanquam prædicens sine dubio futurum, quod admonendo dicit, ut à peccato abstinendo caueatur. Sequitur, Statimq; de nocte consurgens Abimelech uocauit omnes seruos suos, & loquutus est uniuersa uerba hæc in auribus eorum, timueruntq; omnes uiri ualde. Vocauit autem Abimelech etiā Abraham, & dixit ei, Quid fecisti nobis? Quid peccauimus in te, quia induxisti super me, & super regnum meum peccatum grande? Quæ non debuisti facere, fecisti nobis. Respondit Abraham, Cogitauim tecum, dicens, Forsitā non est timor dei in loco isto, & interficient me propter uxorem meam. Aliàs autem uere soror mea est, filia patris mei, & non filia matris meæ.) Quia de patre soror erat Abrahæ, de quo propinqua eius erat, id est, fratris filia erat non sororis. Necdum illo tempore tales nuptiæ lege prohibitæ: uiri sorores suas coniuges acceperunt. Quod profecto quanto est antiquius compellente necessitate, tanto postea factum est damnabilius, religione prohibente. Tulit igitur Abimelech oues & boues, seruos & ancillas, & dedit Abrahā: reddiditq; illi Saram uxorem suam, & ait, Terra coram uobis est, ubicūq; tibi placuerit, habitabit. Saræ autem dixit, Ecce dedi mille argenteos fratri tuo. Hoc erit tibi in uelamen oculorū ad omnes qui tecum sunt, & quocūq; perrexeris, memētoq; te esse deprehensam.) Quod autē iustū & fidelem uirū matrimoniū sui infamissimum

De munerib.
Abimelech
XXXII

simum nundinatorem appellat Faustus Manichæus: Abraham avaritiæ ac
 uentris causa duobus regibus Abimelech & Pharaoni diuersis temporibus
 Saram coniugem suam, mentitum sororem quia erat pulcherrima, ad concubitum
 asserit uenditasse: non ore ueridico à turpitudine separat honestatem, sed ore
 maledico totum uertit in crimen. Hoc enim Abraham factum lenocinio simile
 uidetur, sed non ualētibus ex illius æternæ legis lumine à peccatis recta facta
 discernere: quibus & constantia pertinacia uideri potest: & uirtus fiducia, ui-
 tium putatur audaciæ: & quæcunq; similiter obijciuntur, quasi non recte agen-
 tibus, à non recte cernentibus. Neq; enim Abraham flagitio consensit uxo-
 ris, eiusq; uendit adulterium: sed sicut illa famulam suam, non libidini ma-
 riti permisit, sed officio generandi ultro intulit, nequaquam turbato ordine na-
 turali, ubi eius potestas erat, iubens potius obedienti, quam cedens concupi-
 sciendi: sic & ipse coniugem castam, & casto corde sibi coherentem, de cuius a-
 nimo ubi pudicitia uirtus habitabat, nullo modo dubitabat: tacuit uxorem,
 dixit sororem, ne se occiso ab alienigenis atq; impijs captiua possideretur: cer-
 tus de deo suo, quod nihil eam turpe ac flagitiosum perpeti sineret, nec eum
 fides, ac spes fefellit. Namq; Pharaon territus monstris, multisq; propter eam
 malis afflictus, ubi eius uxorem diuinitus didicit, illam cum honore resti-
 tuit. Abimelech autem in somno commonitus & edoctus similiter fecit. Iam
 uero in hac re gesta atq; in diuinis libris posita, fideliterq; narrata, quem non
 delectet etiam factum propheticum perscrutari, & sacramenti ostium pia fide stu-
 dioq; pulsare: ut aperiat dominus & ostendat, quis tunc in illo figurabatur uiro,
 & cuius sit uxor, quæ in hac peregrinatione, atq; inter alienigenas pollui ma-
 culariq; non sinitur, ut sit uiro suo sine macula aut ruga. In gloria quippe Chri-
 sti recte uiuit ecclesia, ut pulchritudo eius, honor sit uiro eius: sicut Abraham
 propter Saræ pulchritudinem inter alienigenas honorabatur: eiq; ipsi cui di-
 citur in Canticis canticorum, O pulchra inter mulieres, ipsius pulchritudinis
 merito reges offerant munera: sicut Saræ obtulit rex Abimelech, plus in ea
 mirans formæ decus, quod amare potuit, & uiolare non potuit. Est enim &
 sancta ecclesia, domino Iesu Christo in occulto uxor. Occulte quippe atq; in-
 tus in abscondito secreto spiritali, anima humana inhæret uerbo dei: ut sint
 duo in carne una, quod magnum coniugij sacramentum in Christo & in ec-
 clesia commendat Apostolus. Proinde regnum terrenum seculi huius, cuius
 figuram gerebant reges, qui Saram polluere permitti non sunt, non expec-
 tum est, nec inuenit ecclesiam coniugem Christi, id est, quam fideliter illi tan-
 quam præcipuo uiro suo cohæret subdita: nisi quum uiolare tentauit, & ut di-
 uino testimonio per fidem matrimoniū cessit: correctumq; etiam in postero-
 ribus regibus, muneribus hanc honorauit, quam corruptioni suæ subdere in
 prioribus non eualuit. Nam quod tunc in eodem rege prius & posterius figu-
 ratum est, hoc in isto regno prioribus & posterioribus regibus adimpletur.

Quum

Quum autem dicitur de patre esse sororem Christi ecclesiam, non de matre: non terrenæ generationis, quæ euacuabitur: sed gratiæ cœlestis, quæ in æternum manebit, cognatio commendatur: secundum quam gratiam genus mortale non erimus, accepta potestate, ut filij dei uocemur, & simus. Neque enim hanc gratiam de synagoga matre Christi secundum carnem, sed de deo patre accepimus. Hanc uero cognationem terrenam, quæ ad mortem temporaliter generat, uocans in aliam uitam ubi nullus moritur: negare nos Christus docuit, non fateri, quum discipulis ait, Ne uobis dicatis patrem in terra, unus est enim pater uester, qui in cœlis est. Cuius rei præbuit exemplum, quando ipse ait, Quæ mihi mater? aut qui fratres? Et extendens manum super discipulos, ait, Hi sunt fratres mei. Et ne quisquam in hoc uocabulo terrenam cognationem cogitaret, adiunxit, Et quicumque fecerit uoluntatem patris mei, ipse mihi frater & mater & soror est. Tanquam diceret, de deo patre hanc cognationem appello, non de synagoga matre: ad æternam quippe uitam nunc uoco, ubi immortaliter natus sum: non ad temporalem, ut uocarem, mortalis effectus sum. Quod ergo ecclesia cuius uxor sit, occultatur alienigenis: cuius autem soror, non tacetur: hæc interim causa facile occurrit: quia occultum, & difficile ad intelligendum est: quomodo anima humana uerbo dei copuletur, siue misceatur, siue quid melius & apertius dici potest, quum sit illud deus, ista creatura. Secundum hoc enim sponsus & sponsa, uel uir & uxor, Christus & ecclesia dicuntur. Qua uero cognatione coniuncti sunt Christus & omnes sancti, gratia scilicet diuina, non cōsanguinitate terrena: hoc est, de patre, non de matre: & effabilius dicitur, & cautius auditur. Nam & inter se, omnes sancti per eandem gratiam fratres sunt: sponsus autem in eorum societate nullus illorum est. Proinde Christum quàm excellentissimæ iustitiæ atque sapientiæ, tamen hominem, multo facilius & procliuus alienigenæ crediderūt, non quidem falso, quod homo esset: sed quomodo etiam deus esset, ignorauerunt. Hinc & Hieremias, Et homo est, inquit, & quis cognoscet eum? Et homo est, quia proditur, quod frater est: & quis cognoscet eum? quia occultatur quod sponsus est.

CAP. XXI

De natiuitate Isaac
XXXIII

VISITAVIT autem dominus Sarā, sicut promiserat, & impleuit quæ loquutus est. Cōcepitque & peperit filium in senectute sua, tempore quo prædixerat ei deus. Vocauitque Abrahā filium suum, quem genuit ei Sara, Isaac: & circumcidit eum octaua die, sicut præceperat ei deus, quū centum esset annorum.) Hac quippe ætate patris, natus est Isaac. Natus est autē Abrahæ, secundum promissionē dei, de Sara filius: eumque nominauit Isaac. Riserat enim & pater, quando promissus est, admirans in gaudio: riserat & mater, quādo per illos tres uiros iterū promissus est, dubitās in gaudio, quāuis exprobrāte angelo: quod risus ille etiā si gaudij fuit, tamen plenæ fidei non fuit: post, ab eodem angelo in fide etiā confirmatus est. Ex hoc ergo puer nomē accepit. Significatum est

tum est autem magnum sacramentum in duobus filiis Abrahæ, quod unus de ancilla, quæ dicebatur Agar, secundum carnem natus est Ismahel: alter est autem de Sara libera secundum promissionem natus: uterque quidem de semine Abrahæ, sed illum genuit demonstrans consuetudo naturæ: illum uero dedit promissio significans gratiā. Ibi humanus usus ostenditur, hic diuinum beneficium commendatur. Sed ubi significandum fuerat dei donum, quod ingratum hominibus gratis gratia largiretur, sic oportuit filium dari, quemadmodum naturæ non debebatur excursus. Negat enim natura iam filios tali commixtione maris & foeminæ, qualis esse poterat Abrahæ & Saræ in illa iam ætate, etiā mulieris accedente sterilitate, quæ nec tunc parere potuit, quando non ætas fecunditati, sed ætati fecunditas defuit. Quod ergo naturæ sic affectæ, fructus posteritatis nō debebatur: significat quod natura generis humani peccato uitiata, ac per hoc iure damnata, nihil ueræ felicitatis in posterum merebatur. Recte igitur significat Isaac per repromissionem natus filios gratiæ, ciues ciuitatis liberæ, socios pacis æternæ. Sequitur, Dixitque Sara, Risum mihi fecit deus, quicumque audierit conridebit mihi. Rursumque ait, Quis auditurus crederet Abrahā, quod Sara lactaret ei filium, quem peperit ei iam senis? Isaac interpretatur risus, non ad irridendi opprobrium, sed ad celebrandum gaudium pertinebat, quod nato Isaac, & eo nomine uocato Sara monstrauit, ait quippe, Risum mihi fecit dominus, quicumque enim audierit, congaudebit mihi. Sequitur, Creuit itaque puer, & ablactatus est, fecitque Abraham grande conuiuium in die ablactationis eius.) Quur Abraham nec die quo natus est filius, nec die quo circumcissus est, sed die quo ablactatus est, epulum fecit? quod nisi ad aliquam significationem spiritalem referatur, nulla solutio questionis est: tunc scilicet esse debere magnum gaudium spiritualis ætatis, quando fuerit factus homo nouus spiritualis, id est, nō talis qualibus dicit apostolus, Lac uobis potum dedi, non escam: nōdum enim poteratis, sed nec adhuc potestis, adhuc enim estis carnales. Sequitur, Quumque uidisset Sara filium Agar Ægyptiæ ludentem cum Isaac, dixit ad Abraham, Ence ancillam hanc & filium eius, nō enim erit hæres filius ancillæ cum filio meo Isaac. Duxitque accepit hoc Abraham pro filio suo. Cui dixit deus, Non tibi uideatur asperum super puerum & super ancillam tuam: omnia quæ dixerit tibi Sara, audi uocem eius, quia in Isaac uocabitur tibi semen.) Dupliciter itaque hoc ab Hebræis exponitur, siue quod idola de luto fecerit, siue quod aduersum Isaac, quasi maioris ætatis loco sibi & ludo primogenita uendicaret, & ideo apparet illum ludum pugnam fuisse. Quod quidem Sara audiens, non tulit, & hoc ex ipsius approbatur sermone dicentis, Ecce ancillā hanc cum filio suo, nō enim erit hæres filius ancillæ cum filio meo Isaac. Quare autē contristatus sit Abraham, quum ista fuerint prophetia: quam utique magis debuit nosse ipse, quam Sara: sed intelligendum est, uel ex reuelatione hoc dixisse Saram: quia prius illi fuerat reuelatum, illum uero quem de hoc postea dominus instruit paterno

De ludu Isaac
& Ismahelis
XXXIII

terno affectu pro filio fuisse commotum, uel ambos nescisse prius, quidnam illud esset, & per Saram nescientē hac prophetia doctum esse, quum illa mortua esset muliebri animo propter ancillæ superbiam. Sequitur, Sed & filium ancillæ faciam in gentem magnam, quia semen tuum est.) Notandum quod & Ismahel dictus sit à deo, semē Abrahæ: sed aliter Ismahel, aliter Isaac: propter illud quod docet apostolus, quod dictum est, In Isaach uocabitur tibi semen: id est, nō filij carnis, sed filij promissionis deputabunt in semine. Sequitur,

Surrexit itaq; Abraham mane, & tollens panem & utrem aquæ imposuit scapulæ eius, tradiditq; puerum, & dimisit eum.) Quādo Isaac natus est, XIII annorum erat Ismahel: & post ablactationē eius, iste cum matre expellitur, quinto ablactationis anno tempus statutum. Nos igitur post decem & octo annos, Ismahel supputamus eiectum esse cum matre, & non conuenire iam adolescentem iuuenem matris sedisse ceruicibus. Et hoc facto dedit puerum matri, hoc est, in manu eius eum tradidit, uel commendauit, & sic dimisit ē domo. Quæ quum abiisset, errabat in solitudine Bersabeæ. Quumq; consumpta esset aqua in utre, abiicit puerum subter unam arborem quæ ibi erat, & abiit, seditq; ē regione procul, quantum potest arcus iacere. Dixit enim, Non uidebo morientem puerum. Et sedens contra leuauit uocem, & fleuit. Exaudivit autem deus uocem pueri.) Solet quæri quomodo quum puer esset annorum octodecim, proiecerit eum mater sub arbore, & ierit longe quantum potest arcus iacere, ne uideret eum morientem? Quasi enim quem portabat, proiecerit, ita uidetur sonare quod dicitur: maxime quia sequitur, Fleuit puer. Sed intelligendum est, proiectū esse non à portante: sed, ut sit, ab animo tanquam moriturum. Neq; enim quod scriptum est, Proiectus sum à facie oculorū tuorum: portabatur, qui hoc dixit: & est in quotidiano loquendi usu, quum proſci dicitur aliquis ab aliquo cum quo erat, ne ab illo uideatur, aut cum illo maneat. Intelligendum est autem quod scriptura tacuit, ita discessisse matrem à filio, ut puer ignoraret, quò mater abierit: & eam in syluestribus stirpibus lauisse, ne filium morientem siti, deficientemq; uideret. Ille autē etiam illa ætate, quid mirum si matre diutius non uisa, & tanquam perdita, eo loco ubi solus remansit, fleuit. Quod ergo postea dicitur, Accipe puerum: non ut eum de terra uelut iacentem tolleret, dictum est: sed ut ei coniūgeretur, & eum manu teneret deinceps comitem sicut erat, quod plerumq; faciunt simul ambulantes cuiuslibet ætatis. Nunc igitur quærendum est, quur antea uoluit Sara maritum de ancilla suscipere filium? aut quur nunc cum matre iubet expelli domo? quod non zelo fecit accensa, sed mysterio prophetiæ cōpulsā. Agar quippe, secundum quod ait Apostolus, in seruitutem genuit populum carnalem: Sara uero libera populum genuit, qui nō est secundū carnem, sed in libertate uocatus est: qua libertate, liberauit eum Christus. Hoc igitur mysterio figura batur, priorem populum in seruitute peccatorum generatum, in domo Israel, id est in ecclesia, non manere in æternum: neq; esse hæredem uel consortem cultoribus

cultoribus Christi: nec cum filio nobili, id est fideli populo, regnum coelestis gloriae possessurum. Quum eijceret igitur Abraham Agar de domo, accepit panes & utrem aquae dedit Agar, & imposuit super humeros eius infantem, & dimisit eam. Exiens autē Agar errabat in solitudine, & quum morientem siti filium proiecisset sub arbore, apparuit ei angelus domini, & demonstrauit ei fontem aquae, & potauit filium suū. Quid ergo significat, quod exiens Agar infantem in humeros suos posuit, nisi quod peccator populus & insipiens ceruicem matris suae synagogae grauauit. quum dixit: Sanguis eius super nos, & super filios nostros. Panes autem hoc indicabant, quod uetus sacerdotium panes propositionis, sicut scriptum est, portaret secum, & ueterascerent. Vter uero aquae qui defecit, Iudaica purificatio significabatur defutura: siue doctrina eorum carnalis in pelle mortua clausa, id est in carne ueteris hominis prauaricationis sententia damnata, quae nec refrigerium praestat, nec satiat sitim, sed aestu tepido uomitum facit. Quod uero errat Agar in solitudine cum filio suo, significat synagogam cum populo suo expulsam de terra sua sine sacerdotio & sacrificio in toto orbe terrae, & uiam quae est Christus penitus ignorare. Quod filius illius siti deperit, ostendit eundē populum nullam habentem spirituales purificationem. Quod autem filium siti morientē sub arbore proiecit, & sic demonstrante angelo aspicit fontem, significat quosdam ex ipso populo ad umbram ligni crucis refugium peturos. Quod exclamat puer plorans, & exaudiuit eum deus, & sic demonstrante angelo aspicit fontem, hoc pro illis dicitur, qui ex Iudaeis ad Christum conuertuntur, ac flentes retroactos errores exaudiuntur, reueratisque oculis cordis uident fontem aquae uiuae, id est Christum filiū dei, qui dicit: Ego sum fons aquae uiuae, qui sitit ueniat & bibat. Vnde Ismahel exauditiō interpretatur. Angelus autem iste similitudo est Heliae, per quem populus iste est crediturus, sicut per Malachiam dicitur: Ecce ego mittam uobis Heliam, qui couertat corda patrum in filios. Verū quod statim uocauit angelus domini Agar, dicens: Surge, tolle puerum, quia in gentem magnam faciam eum, hoc significabat: siue quod copiosius Iudaeorum populus esset regnaturus in seculū: siue quia coelestis regni gloriam consecuturi essent qui ex eis credidissent in Christo. Quod autem eundem angelum qui loquitur ad Agar, prius angelum scriptura pronunciat, deinde deum, filium dei eum fuisse credendū est: qui per legem & prophetas semper locutus est, qui propter obediētiam paterne uoluntatis angelus uocatur, deus autem secundum naturā patris, quia uere & ipse deus sicut & pater est. Sequitur. Eodē tempore dixit Abimelech & Fichol princeps exercitus eius ad Abraham: Deus tecum est in uniuersis quae agis. Iura ergo per dominū ne noceas mihi & posteris meis, stirpibusque meae, sed iuxta misericordiam quam feci tibi facias mihi & terrae in qua uersatus es aduena. Dixitque Abraham: Ego iurabo. Et increpauit Abimelech propter puteū aquae, quem ui abstulerant serui illius. Responditque Abimelech

De eo quod scriptū est, Dixit Abi. &c. XXXV

melech: Nesciui quis fecerit rem hanc, sed & tu nō indicasti mihi, & ego non audiui præter hodie. Tulit itaq; Abraham oues & boues, & dedit Abimelech, percusserūtq; ambo fœdus. Et statuit Abrahā septē agnas gregis seorsum. Cui dixit Abimelech: Quid sibi uolunt septē agnæ istæ quas stare fecisti seorsum? At ille septē, inquit, agnas has accipies de manu mea, ut sint in testimoniū mihi quoniā ego fodi puteū istum. Idcirco uocatus est locus ille Bersabee, quia ibi uterq; iurauit, & inierūt fœdus pro puteo iuramenti.) Vbi hic legitur puteus iuramēti, in Hebræo habet Bersabee. Duplex autē causa est cur ita appellatus sit: siue quia septē agnas Abimelech de manu Abrahæ suscepit, septē enim dicunt Sabeæ: siue quod ibi iurauerint, quia iuramētum Sabeæ similiter appellat. Quod si ante hanc causam supra hoc nomen legimus, sciamus per prolepsin dictum esse, sicut & Bethel, & Galgala, quæ utiq; usq; ad tēpus q̄ ita appellatæ sunt aliter uocabant. Quomodo ergo puteū quē foderat Abraham nesciebat Agar, si ante est ille fossus, q̄ illa expulsa. Valde enim fieri potuit, ut pecorū suorū causa longe à domo in qua cū suis habitabat, puteū foderet quē illa nesciret. Sequitur. Abrahā uero plantauit

De nemore
quod plantauit
Abraham
XXXVI

nemus in Bersabee, & inuocauit ibi nomē domini dei æterni, & fuit colonus terræ Philistinorū diebus multis. Quæri potest, quomodo ad puteū iuramēti nemus plātauerit Abrahā, siue ut alia translatio dicit, agrum, si in terra illa quemadmodum Stephanus dicit, nō acceperat in hæreditatem, nec passum pedis: sed ea intelligenda est hæreditas, quam deus munere suo fuerat daturus, non empta precio. Intelligitur autem spaciū circa puteū ad illud emptionis spaciū pertinere, in quo fuerant agnæ datæ, quando Abimelech & Abraham sibi etiā iurauerunt. Sequitur.

TENTAVIT deus Abraham, & dixit ad eum: Abraham, Abraham. At ille respondit: Assum.) Quæri solet quomodo hoc uerum sit, quum dicat in epistola sua Iacobus, quod deus neminē tentet: nisi quia locutioni scripturarum solet dici tentat, pro eo quod est probat. Tentatio uero illa de qua Iacobus dicit, nō intelligit, nisi qua quisq; peccato implicat. Vnde Apostolus dicit: Ne forte tentet uos is qui tentat. Nā & alibi scriptū est, Tentat uos dominus deus uester, ut sciat si diligatis eum. Etiā hoc genere locutionis, ut sciat dictum est, ac si diceretur, ut scire uos faciat: quoniā uires dilectionis suæ hominem latent, nisi experimento eidem innotescant. Sequitur. Tolle filium tuum quem diligis Isaac, & uade in terram uisionis, atq; offer eum ibi holocaustum super unum montium quem monstrauero tibi.) Notādum autem & ex prioribus, & ex præsentī loco, quod Isaac non sit natus ad quercum Mambre, sed in Geraris, ubi & Bersabee usq; hodie oppidum est. Huius rei scriptura testis est quæ ait: Et fuit Abrahā colonus terræ Philistinorum diebus multis. Et dixit illi deus: Tolle filium tuum unigenitum, quem diligis Isaac. Aiunt Hebræi hunc montem esse Moria, in quo postea templum conditum est in area Orne Iebusei, sicut in Paralipomenon scriptum est

CAP. XXII
De tentatione
Abrahæ.
XXXVII

est: Et cœperunt ædificare templum in mense secundo in secunda die mensis in mōte Moria, qui idcirco illuminans interpretatur & lucens, quia ibi est Dabir, hoc est oraculum dei, & lex & spiritus qui docet hominē ueritatem, & inspirat prophetas. Quod uero ait, offer eum in holocaustum, ut ex charitatis admonitione, & nominis recordatione tentationis pondus accumularetur, & paternus affectus torqueretur ex memoria promissionis, dum ante deus dixit ad eum: In Isaac uocabitur tibi semen, quasi si ille occideretur tota spes promissionum frustraretur. Nunquam sanē crederet Abraham, quod uictimis deus delectaretur humanis, quamuis intonante diuino præcepto obediendum sit, non disputandum. Veruntamen Abrahā confestim filium quum fuisset immolaturus, resurrecturum credidisse laudāus est: quia per hunc oportebant impleri promissiones dei, quem iubebat occidi. Sequitur, Igitur Abraham de nocte consurgens, strauit asinū suum, ducens secum duos iuuenes, & Isaac filium suū. Quumq; cōcidisset ligna in holocaustum, abiit ad locum quem præceperat ei deus. Die autem tertio eleuatis oculis uidit locum procul, dixitq; ad pueros suos: Expectate hic cū asino, ego & puer illuc usq; properātes postq; adorauerimus reuertemur ad uos.) Notādum quod de Geraris usq; ad montē Moria, id est sedem templi iter dierū trium sit, ut consequenter illuc die tertio peruenisse dicatur. Male igitur, qui Abraham putant illo tempore ad quercū Mambre habitasse, quum inde usq; ad mōtem Moria uix unius diei iter plenū sit. Qui ideo triduanī itineris mora eū immolaturus secū ducere iussus est, quatenus lōgitudine tēporis tentationis quoq; augeretur incrementū. Nam per triduū iter protenditur, & per totum triduū crescentibus curis paterna uiscera cruciantur, ut omni hoc spacio tam prolixo intueretur pater filium, cibū cum eo sumeret, tot noctibus puer penderet in amplexibus patris, inhereret pectori, cubitaret in gremio, quatenus per singula momenta in paterno affectu dolor occidendi filij accumularetur. Sequit̃, Tulit quoq; ligna holocausti, & imposuit super Isaac filium suū. Ipse uero portabat ignē & gladiū in manibus suis. Quumq; pergerent duo simul, dixit Isaac patri suo: Pater mi. At ille respondit: Quid uis fili? Ecce, inq̃t, ignis & ligna, ubi est uictima holocausti? Dixit Abrahā: Deus prouidebit sibi uictimā holocausti fili mi. Pergebāt ergo pariter, uenerūtq; ad locū quē ostenderat ei deus, in q̃ edificauit altare, & desuper ligna cōposuit.) Si Abrahā indubitanter firmo animo cogitabat mactare domino puerū in holocaustū, quid est quod dixit pueris suis, Vos expectate hic, ego & puer postq; adorauerimus reuertemur ad uos? Vere indubitātī animo eū crederat resurrecturū, & ideo laudandus est, & in cōstantia offerendi, & in fide resuscitādi. Sciebat certissime deū falli nō posse, licet puer occideret, promissionem tamē dei saluā permanere. Vnde & Paulus apostolus per spiritū dei didicerat, quid animi haberet Abrahā intra se, dum fidem eius laudādo dicit: Fide Abrahā nō hæsitaui, quū unicum offerret in quo acceperat promissio

nes, cogitans quia à mortuis eū resuscitare potens est deus. Sequitur, Quūq̃ colligasset Isaac filiū suū, posuit eū in altari super struem lignorū, extenditq̃ manū, & arripuit gladiū, ut immolaret filiū.) Non hæsitaui quod sibi reddi poterat immolatus, qui dari poterat non speratus. Sequitur, Et ecce angelus domini de cœlo clamauit, dicens: Abrahā, Abrahā. Qui respondit: Assum. Et ait ei: Ne extendas manū tuā super puerū, neq̃ facias illi quicquā. Nunc cognoui quod timeas deū.) Hoc est enim, nunc cognoui quod timeas dominum, ac si dicat, Nūc te feci cognoscere. Sequitur, Leuauit Abrahā oculos, uiditq̃ post tergū arietē inter uepres hærentē cornibus, quē assumens obtulit holocaustū pro filio suo, appellauitq̃ nomen loci illius, Dominus uidet. Vnde usq̃ hodie dicit in monte, Dominus uidebit.) Hoc autē genus locutionis euidenter apparet ubi dicit, Et uocauit Abrahā nomen loci illius, Dominus uidet. Vidit pro eo quod est apparuit, hoc est uideri se fecit, significās p̃ efficientem id quod efficit. Sequitur, Vocauit autē angelus domini Abrahā secundo de cœlo, dicens: Per memetipsum iurauit dicit dominus, quia fecisti rem hanc, & nō pepercisti filio tuo unigenito propter me, benedicā tibi, & multiplicabo semen tuū sicut stellas cœli, & uelut arenam quæ est in litore maris: possidebit semen tuū portas inimicorū suorū, & benedicentur in semine tuo omnes gentes terræ.) Nunquid Abrahā propter angelum nō pepercit filio suo, & nō potius p̃pter deū? Ergo angeli nomine dominus Iesus Christus significatus est, q̃ sine dubio deus est, & manifeste à propheta dictus est magni consilij angelus: aut quod deus erat in angelo, & ex persona dei angelus loquebat̃, sicut in prophetis etiā solet. Nam in cōsequentibus hoc magis uidetur apparere ubi legit̃, Et uocauit angelus domini Abrahā iterū de cœlo, dicens: Per memetipsum iurauit dicit dominus. Sæpe em̃ promiserat, sed nunquā iurauerat. Quid est autē dei ueri ueracisq̃ iuratio, nisi promissi confirmatio, & infidelīū quædā increpatio? Nunc uideamus quid sub huius sacramenti lateat mysterio. Iste enim Abrahā quādo filiū suū unicū perduxit ad immolandū, habebat personā dei patris. Sed quid est quod eū senex suscipit. Nō enim senescit deus, sed ipsa prænunciatio de Christo iam quodāmodo senuerat quādo natus est Christus. Inchoata est enim ab Adā, ubi dictum est: Erunt duo in carne una: sacramentū illud magnū in Christo & ecclesia: & cōpleta est sexta ætate seculi, quæ senectā significat̃ Abrahæ: quia ipsum sacramentū dei iam longæuū erat: & senectus Saræ in plebe dei, hoc est in multitudine prophetarū hoc idē significat, quia in fine temporū ex ipsa plebe sanctarū animarū natus est Christus. Sterilitas autē eius intimat, quod in hoc seculo spe salui facti sumus, & in Christo tanq̃ in Isaac omnes nati sumus, quē partū ecclesiæ in fine temporū mirabili dei gratia non naturali fecunditate prophetauit. Iam deinde sequentis historiæ sacramentū quid imaginarie portēdebat inspiciendū est. Quis ergo in Abrahā, ut prædictū est, p̃ illā immolationē figurabat̃, nisi pater excelsus? Quis in Isaac, nisi Christus? Nam

Nam sicuti Abraham unicū & dilectum filiū deo uictimā obtulit, ita deus pater unicum filiū suum pro nobis omnibus tradidit. Et sicut Isaac ipse sibi ligna portabat, quibus erat imponendus, ita & Christus gestabat in humeris lignū crucis, in q̄ erat crucifigendus. Duo autē serui illi dimissi, & nō perducti ad locū sacrificij Iudæos figurabant, qui quū seruiliter uiuerent, & carnaliter saperent, nō intelligebāt humilitatē Christi, nō intelligebant passionem Christi, ideo nō peruenerunt ad locū sacrificij. Quur autē duo serui, nisi quia ipse in duas partes diuidēdus erat, quod factū est Salomone peccante, quādo diuisus est idē populus loco regni, nō errore impietatis, quibus etiā saepe per prophetā dicit: Aduersatrix Israël, & præuaricatrix Iuda. Asinus autē ille insensata est stultitia Iudæorū. Ista insensata stultitia portabat omnia sacramēta, & quod ferebat nesciebat. Iam quod dictū est eis, Expectate hic cum asino, postq̄ adorauerimus reuertemur ad uos, Apostolū audi dicentē: Cæcitas, inquit, ex parte facta est in Israël. Quid cæcitas est? Expectate hic cū asino, ut plenitudo gentiū intraret, inquit, hoc est postq̄ adorauerimus ubi sacrificiū crucis dominicæ impletū per gentes fuerit prædicatū, hoc est ut plenitudo gentiū intraret. Quid est, reuertemur ad uos? Et sic omnis Israël saluus fieret. Triduū autē illud q̄ uenerūt ad locū immolationis, tres mūdi ætates significat: una ante legē, alia sub lege, tertia sub gratia. Ante legē ab Abraham usq̄ ad Moysen: sub lege, à Moysen usq̄ ad Ioannē; inde iā à domino & quicq̄ restat, tertius dies est gratiæ, in qua tertia ætate, quasi post triduū sacramentū sacrificij Christi cōpletū est. Deinde Isaac ligatis pedibus altari superponit, & dominus in ligno suspēsus cruci affigit. Sed illud quod figuratū est in Isaac, translātū est ad arietē. Quur hoc, nisi quia Christus ouis: ipse enim filius, ipse agnus: filius quia natus, aries quia immolatus. Sed quid est quod in uepribus hērebat aries ille? Crux cornua habet, sic enim duo ligna cōpinguntur in se, quū speciē crucis reddunt. Vnde scriptū est de eo: Cornua in manibus eius sunt. Cornibus ergo hārens aries, Christū significat crucifixū. Vepres autē spinæ sunt. Spinæ iniquos & peccatores significāt, qui suspenderūt dominū in cruce. Inter spinas itaq̄ peccatorū Iudæorum suspēsus est dominus, sicut per Hieremiā idē dicit: Spinis peccatorū suorū circūdedit me populus hic. Alij hunc arietē cornibus in uepribus obligatū, eundē senserūt Christum anteq̄ immolare spinis à Iudæis coronatū. Peracto igitē sacrificio dicit ad Abraham: In semine tuo benedicent omnes gētes. Quādo enim hoc factum est, nisi quādo dicit ille aries: Foderunt manus meas & pedes meos, dinumerauerunt omnia ossa mea. Hoc enim quādo factū est in psalmis sacrificium, tunc in ipso psalmo dictū est: Cōmemorabunt & cōuertent ad dominum uniuersi fines terræ, & adorabunt in cōspectu eius omnes patriæ gētiū, quādo domini est r. & c. Immolato igitē Abraham ariete pro Isaac filio suo, uocauit nomē loci illius, Dominus uidet, pro eo quod est dominus uideri se fecit, utiq̄ per incarnationē. Sequit, His ita gestis, nūciatū est Abraham, quod

De eo quod
scriptum est,
Nunciatū est
Abraham.
XXXVIII

Melcha quoq; genuisset filios Nachor fratri suo, Hus primogenitū, & Buz fratrem eius, Camuel quoq; patrem Syrorū, & Chesdet, & Azau, Faldas quoq; & Gethlafach, & Batuel, de q̄ nata est Rebecca. Istos octo genuit Melcha Nachor fratri Abraham.) De Melcha uxore Nachor, filia Aran, natus est Hus, de cuius stirpe Iob descendit, sicut scriptū est in exordio uoluminis huius. Vir fuit in terra Hus nomine Iob. Male igit̄ quidā æstimant Iob de genere esse Esau: siquidē illud quod in fine libri ipsius habet̄, eo quod de Syro sermone translatus est, & quartus sit ab Esau, & reliqua quæ ibi cōtinentur, in Hebræis uoluminibus nō habent̄. Secundus natus est de Melcha Buz, ex cuius genere fuit Balaam ille diuinus, ut Hebræi tradunt, qui in libro Iob dicit̄ Eliu, primū uir sanctus, & propheta dei, postea per inobediētiam & desiderium munerū, dum Israël maledicere cupit, diuino uocabulo priuat̄. Dicitur in eodem libro: Et iratus Heliu filius Barachiel Buzitis. De huius uidelicet Buz radice descendit. Camuel uero pater est Damasci: ipsa enim Arā uocat̄, quæ hic pro Syria scripta est, & ipso nomine legit̄ in Esaia. Nō utiq; illi qui nuntiauerunt, nuntiare patrem Syrorū potuerunt: ex origine quippe illius Syri Syrorū genus longe postea propagatū est: sed dictū est à persona scribentis, qui post omnia illa tempora hæc scribendo narrauit. Cafeth quoq; quartus à quo Casdaim, id est Chaldei postea uocati sunt. Sequitur,

CAP. XXIII
De morte Sa
ra. XXXIX.

VIXIT autem Sara CXXVII annis, & mortua est in ciuitate Arbe, quæ est Ebron in terra Chanaan.) Arbe in lingua Hebræa quatuor significat, quia ibi Abrahā, Isaac, & Iacob conditi sunt, & ipse princeps humani generis Adā, ut in Iesu Naue libro apertius demonstratum est. Sequit̄, Venitq; Abrahā, ut plangeret & fleret eam. Quumq; surrexisset ab officio funeris, locutus est ad filios Heth dicēs: Aduena sum, & peregrinus apud uos, date mihi ius sepulchri uobiscū, ut sepeliam mortuū meum. Responderūtq; filij Heth: Audi nos domine, princeps dei es apud nos, in electis sepulchris nostris sepeli mortuū tuū, nullusq; te prohibere poterit quin in monumento eius sepelias mortuum tuum. Surrexitq; Abrahā, & adorauit populū terræ, filios uidelicet Heth.) Quærit̄ quomodo scriptū sit, Dominū deum tuum adorabis, & illi soli seruies, quū Abrahā quendā populum gentiū sic honorauerit, ut etiā adoraret. Sed animaduertendum est in eodem præcepto nō dictum, dominū deū tuum solum adorabis, sicut dictū est, illi soli seruies. Nec moueat quod in alio loco in quadā scriptura, phibet angelus homines adorare se, & admonet ut dominus potius adoretur. Talis enim apparuerat angelus, ut pro deo posset adorari, & ideo fuerat corrigendus adorator. Tunc emit agrum Abrahā in quo sepeliuit uxore suā Saram. Tūc ergo secundum narrationē Stephani in terra illa est collocatus, quādo cœpit ibi esse possessor, post mortē scilicet patris sui Thare, qui colligit̄ biennio ante Sarā fuisse defunctus. Sed quid sibi uult, quod Sara in sepulchro duplici sepelitur: nisi quia anima, quæ seculo moritur ut deo uiuat, gemina uitæ requie suscipitur,

id

id est actione boni operis, & contemplatione diuinitatis.

ERAT autem Abraham senex dierumque multorum, & dominus in cunctis benedixerat ei. Dixitque ad seruum suum seniore domus suae, qui praeerat omnibus quae habebat: Pone manum tuam sub femur meum, ut adiurem te per dominum deum caeli & terrae, ut non accipias uxorem filio meo de filiabus Chananeorum, inter quos habito, sed ad terram & ad cognationem meam profiscaris.) Tradunt Hebraei, quod in sanctificatione Abraham, hoc est in eius circumcisione iurauerit seruus eius: nos autem dicimus iurasse eum in semine Abraham, hoc est in Christo, qui ex illo nasciturus erat iuxta Euangelistam Matthaeum loquentem, Liber generationis Iesu Christi filij David, filij Abraham. Sequitur, Domine deus domini mei Abraham occurre mihi obsecro hodie, & fac misericordiam cum domino meo Abraham. Ecce ego sto super fontem aquae, & filiae habitatorum huius ciuitatis egredientur ad hauriendam aquam. Igitur puella cui dixero, Inclina hydriam tuam ut bibam, & illa responderit, Bibe, quin & camelis tuis dabo potum, ipsa est quam praeparasti seruo tuo Isaac.) Aliud est enim, mirum aliquid petere, quod ipso miraculo signum sit non augurium: aliud, ea obseruare, quae ita sunt ut mira non sint, sed à coniectoribus superstitiosa uanitate interpretantur. Sed hoc ipsum etiam, quod mirum aliquid postulatur, quo significetur quod quisque uult nosse, utrum audiendum sit, non parua quaestio est. Eò enim pertinet, quod dicuntur qui hoc non recte faciunt tentare dominum. Nam ipse dominus quum à diabolo tentaretur, testimonium de scripturis adhibuit, Non tentabis dominum deum tuum. Suggerebatur enim tanquam homini, ut signo aliquo exploraret ipse quantus esset, id est quam multum apud deum posset, quod uitiose fit quum sit. Ab hoc autem discernitur quod Gedeon fecit, pugnae imminente periculo. Consultatio quippe illa magis quam tentatio fuit. Sequitur, Dominus, ait, in cuius conspectu ambulo mittet angelum suum tecum, & diriget uiam tuam, accipiesque uxorem filio meo de cognatione mea, & de domo patris mei. Innocens eris à maledictione mea, quum ueneris ad propinquos meos, & non dederint tibi.) Quomodo illa coniuratio maledictum possit intelligi, nisi maledictus esset, si contra eius coniurationem fecisset. Sequitur, Responderunt Laban & Batuel: A domino egressus est sermo, non possumus extra placitum eius aliud quicquam loqui tecum. En Rebecca coram te est, tolle eam & proficiscere, & sit uxor filij domini tui, sicut loquutus est dominus.) Quaeritur quando loquutus est dominus: nisi quia uel prophetam esse Abraham nouerant, & propheticè à domino dictum, quod per illum dictum fuerat agnoscebant: aut signum illud quod sibi datum seruus eius narrauit, loquutionem domini appellauerunt. Sequitur, Dimiserunt ergo eam & nutricem illius, seruumque Abraham & comites eius.) Decens quippe erat, ut ad nuptias absque parentibus uirgo proficiscens, nutricis auxilio frueretur. Sequitur, Soror nostra

Cap. XXIII
De Abraham
iuramentum à
seruo exigente.
XL

es, crescas in mille milia, & possideat semen tuum portas inimicorum suorum. Non prophetae fuerunt, aut uanitate tam magna optauerunt, sed eos quae promiserat deus Abrahae latere non potuit. Quid est quod Abraham puerum iubet sub femore suo manum ponere, & per coeli dominum iurare, nisi quod illius caro per illud membrum descensura erat, qui & Abrahae filius esset ex humanitate, & dominus ex diuinitate. Sic utique puero dicit: Pone manum tuam sub femore meo, & iura per deum coeli. Ac si aperte diceret: Tunc filium meum, & iura per dominum meum. Vnde nec super femur, sed sub femore manum ponere iubet: quia ex illo femore descensurus erat, qui homo quidem, sed super omnes homines ueniret. Vnde dignum non fuit ut manum super femur poneret, quia nulla caro super illam carnem est, quam in redemptionem nostram sibi patris unigenitus uniuert. Quid est quod Isaac dilecto filio uxor de filiabus Chananeorum duci prohibet, nisi quod illi de quo scriptum est. Hic est filius meus dilectus in quo mihi complacui, nullae reprobae animae coniungunt. De cognatione autem uxorem filio deducere seruus praecipit, quia sola sancta electorum ecclesia unigenito filio copulanda erat, quam ipse unigenitus ex praedestinatione iam & praescientia extraneam non habebat. Quis uero est puer, qui ad deducendam uxorem mittit, nisi prophetarum ordo atque apostolorum, omniumque doctorum, qui dum uerbum praedicationis bonis mentibus faciunt, ad unamquamque animam unigenito filio coniungendam quasi prouisoires fiunt. Qui pergens de bonis omnibus domini sui detulit, quia in his quae de domino loquuntur in semetipsis uirtutum diuitias ostendunt: ut tanto citius ad sequendum deum pertrahant, quanto auditoribus suis in semetipsis monstrant quae narrat. Atque isdem puer iuxta fontem stetit, atque ex praefixa sententia quae puella eligenda esset proposuit: quia praedicatores sancti sacri eloquii fluente considerant, atque ex ipsis colligunt quod uel quibus praedicationis suae uerba committant, & ex quibus auditoribus fiduciam certitudinis assumant. Potum uero petiit, quia praedicator omnis animam sui auditoris sitit. Sed Rebecca potum praebuit, quia sancta electorum ecclesia praedicatorum suorum desiderio ex uirtutis suae fide satis fecit. Quia enim deum quem audiuit confessus est, praedicatori suo aquam refectionis obtulit, eiusque animam refrigerauit. Et notandum, quod hydriam ab humeris in ulnas posuit, quia illa est placita confessio quae a bono opere procedit: uel certe aquam praebuit, quia in hoc quod credidit, uacua non remansit. Nam mox praedicare studuit quod audiuit, & docendo multos ex se praedicatores protulit. Aqua quippe in hydria est scientia praedicationis in mensura, quia sancta ecclesia studet non plus sapere quam oportet sapere, sed sapere ad sobrietatem. Et hydriae aqua in ulna, est doctrina praedicationis in opere: quae non solum eius comitibus, sed potum etiam camelis praebuit: quia uerbum uitae non solum prudentibus, sed etiam stultis praedicat, iuxta Pauli uocem dicentis: Sapientibus & insipientibus debitor sum. Vel certe aqua etiam iumentis datur, quando quomodo cura carnis sit habenda disponitur, ut ex uoluptate impendi non debeat, & tamen in necessitatibus

nō neget, sicut scriptum est, Carnis curā ne feceritis in desiderijs. Qui enim hāc in desiderijs fieri prohibet, proculdubio in necessitate cōcedit, iuxta hoc quod rursum dicit: Nemo carnē suā odio habet, sed nutrit & fouet eā. Puer autē Rebeckæ in aures & armillas dedit, quia prädicator quisq; & auditū sanctæ ecclesiæ per obediētiā, & manus per bonæ operationis meritū exornat. Sed in aures duorū scilicet sunt, armillæ autē scilicet decem, quia prima uirtus obediētiæ in charitate est. Quæ uidelicet charitas in duobus præceptis distinguit, ut deus & proximus diligat. Et recta operatio ex decalogi completionē perficit, ut quā bona agi cōeperint, mala iam nulla perpetrent. Rebecca autē esse in domo patris sui locū spaciōsum ad manendū perhibuit: quia à priori iam populo naturæ legē sancta ecclesia se scisse monstrauit, & prædicationis uerba in amplo charitatis gremio suscepit. Doctori enim spaciōsus ad manendū locus est, in auditorū corde latitudo ueritatis. Vnde & quibusdam dicit: Capite nos, neminē læsimus, neminē corrupimus, nō angustamini in nobis, angustamini autē in uisceribus uestris. Ac si aperte eis diceret, Ad suscipiendā doctrinā spaciōsum locū mentis facite, sed ad cogitanda carnalia angustati remanete. Quod palearū ac fœni plurimū habere indicauit, significat quia sancta ecclesia uerba uitæ audiens, terrena stipēdia prædicatoribus reddidit, quæ Paulus quasi pro nihilo accipere se dixit: Si nos, inquit, spiritualia uobis seminauimus, magnū est si à uobis carnalia metamus. Frater autē Rebeckæ erat Laban. Qui cōcitus egressus, in aures & armillas sororis aspiiciens intus puerum uocauit: quia sunt carnales quiq; fidelibus cōiuncti: quidum spiritualiū dona cōspiciunt in admiratione positi, & si nō usq; ad opera, tamen in animā usq; ad suscipiendā fidē uerbū prædicationis admittunt. Quia enim bonos sæpe miraculis fulgere cōsiderāt, ea quæ de æternitate audiunt nō recusant, quāuis sanctā electorū ecclesiā moribus non sequentes in carnali operatione remaneant. Qui Laban paleas, fœnum, aquā, panē obtulit, sed puer nisi causam prius cōiugij obtineret, accepturum se esse recusauit: quia sunt pleriq; qui doctores suos ex tēporalibus stipendijs cōtinere parati sunt, sed prædicatores sancti recipere nolunt tēporalia, nisi prius obtineāt æterna. Si enim in animabus fructū nō inueniunt, sumere stipendia corporibus cōtemnunt: nec pedes aqua lauant, quia laborem sui desiderij nulla consolatione releuāt. Mox ut causam cōiugij domini sui puer obtinuit, uasa aurea atq; argentea, ac uestes protulit, quas Rebeckæ dedit: quia doctores sanctæ ecclesiæ tot ornamenta præbent, quot uirtutum dona docuerint. Quæ enim prius in aures atq; armillas acceperat, iam nūc uasa aurea & argentea ac uestes accepit: quia sancta ecclesia, quæ ante per fidem operationem & obediētiā percepit, excrescens postmodum etiam ad spiritualia dona conualescit, ut prophetiæ spiritu repleta & uirtutum gratia, ampliatis iam muneribus crescat. Puer uero matri eius ac fratribus dona obtulit, quia gentilitas ex quo ecclesia ad fidē uenit, post cōuersionem eius in gloria temporali conualuit.

conualuit, sicut & nūc cernimus, quia ubiq; Christiani afflictionē sentiūt, & gentiles quiq; in terrena uirtute gloriant. Sed & fratres eius dona percipiūt, quia ij qui eam fidē uerbotenius tenent, sed tamen professionē suā moribus non sequentes carnaliter uiuunt, benigne à fidelibus honorari solent pro eo quod esse fideles uident. Mater ergo & fratres dona percipiūt, à sorte tamē hæreditatis alieni: quia siue infideles, siue carnales, qui intra fidei professionē tenentur, ad hæreditatis æternæ sortem nō ueniūt, sed tamē supernę largitatis gloriā temporaliter cōsequunt. Rebecca autē cū puellis suis significat, quia sancta ecclesia habet secū minoris meriti animas sodales suas. Nam & si in quibusdā per sensum mentis in toto cōtemplationē non habet, tales animæ quasi puellæ Rebeckæ sunt, quā sequunt moribus: sed tamen ad contemplationē istarum animæ ascendunt, & ex eisdem puer quasdā habuit in comitatu: quia cū sanctis prophetis fuerunt quidā, qui bene uiuerent, & prophetiæ spiritū nō haberent: & cū beatis apostolis atq; doctoribus fuere pleriq; qui uitam moribus tenerent, sed prædicatoris uerba nō promerent. Festinus autē puer ad domū redit, quia prædicatores sancti quū prædicando uitā audientium obtinent, illi mox gratias reddunt, de cuius hoc munere perceperūt: & sibi in ea operatione nihil tribuūt, sed auctori. Eo autē tēpore Isaac deambulabat per uia quæ ducit ad puteū, cuius nomē est uiuentis & uidentis.) Quis est uiuens & uidens, nisi omnipotens deus, de quo scriptum est: Viuo ego in æternū dicit dominus. De quo rursum dicit: Omnia nuda & aperta sunt oculis eius. Puteus uero uiuentis & uidentis est hæc sacræ scripturæ profunditas, quam nobis ad irrigationē mentis præbuit omnipotens deus. Quæ est uia quæ ducit ad puteum uiuentis & uidentis, nisi humilitas passionis unigeniti, per quam nobis apertū est hoc quod prius latenter scripturæ sacræ fluentia loquebantur. Nisi enim unigenitus dei filius incarnatus, tentatus, apprehensus, colaphis cæsus, sputis illusus, crucifixus, ac mortuus fuisset, nobis huius putei, id est scripturæ sacræ profunditas nō pateret. Quid ergo fidelibus humilitas passionis eius facta est, nisi clauis apertionis, per quā mysteriorum dei puteum inuenimus, ut aquā scientiæ de profundo biberemus. Incarnationem quippe, passionem, mortē, resurrectionem, atq; ascensionem illius, sacri eloquiū paginæ testantur. Quæ quia facta cognouimus, iam nunc intelligimus audita. Hæc autem legi poterant, sed quia necdum euenerant, intelligi nō ualebant. Vnde & per Ioannē dicit: Vicit leo de tribu Iuda radix Dauid aperire librū, & soluere signacula eius. Ipse enim librū aperuit, & signacula eius soluit, qui nascēdo, moriendo, resurgēdo, atq; ad cœlos ascēdēdo, scripturæ sacræ nobis arcana patefecit. Et notandū, quod non dicit ambulabat per uiam quæ ducit ad puteum, sed deambulabat. Deambulat quippe, qui uia per quā ambulat eundo & redeundo cōculcat: in humilitate passionis dominus deambulauit, quādo à Iudæis uerborū cōtumelias, modo cōtra se falsum testimoniū, modo alapas, modo sputa, modo spineā coronā, modo crucem

rem tolerando sustinuit. Deambulasse igitur in humilitate passionis est, tot aduersitates & probra diuersis modis iterando pertulisse. Qui Isaac ueniente Rebecca in terra australi habitabat, quia unigenitus dominus ac redemptor noster ueniente ad se ecclesia in illorum mentibus mansit, quos ex Iudæa editos non torporis frigus, sed feruor charitatis tenuit. Ex illo quippe populo Anna prophetissa, ex illo Simeon extitit, qui in ulnas dominum accepit. Egressus autem fuerat ad meditandum in agro. Quia ager mundus accipit ipse dominus per se exponit, dicens: Ager autem est mundus. Qui in hoc egressus est, eo quod uisibilis apparere dignatus est, sicut scriptum est: Existi in salutem populi tui, ut saluos facias Christos tuos. Solent exercendi iuuenes, in armorum usu meditari: Isaac ergo ad meditandum in agro existit, quia redemptor noster se sequentibus formam humilitatis præbens, per exercitium longanimitatis suæ passionis in se & patientiæ exempla monstrauit. Meditatio armorum est frequentatio passionum. Qui enim uerbera manu, lanceam, crucem pertulit, passionem suam usque ad mortem in se frequentare pertulit. Passiones uero arma dicimus, quia per ipsas ab aduersario occulto liberamur. Qui ad meditandum in agro inclinata iam die existit, quia passionum exercitia iuxta finem mundi suscepit, sicut per Psalmistam de crucifixionis suæ passione loquitur, dicens: Eleuatio manuum mearum sacrificium uespertinum. Quid est autem quod Rebecca ad Isaac dorso cameli deducit, nisi quod per Rebeccam (sicut præfati sumus) ecclesia: & per camelum cui præsidet, tortis moribus atque inhonestis idolorum cultibus gentilium populus designatur. Qui enim ex semetipsis sibi inuenerunt deos quos colerent, quasi à semetipsis eis in dorso onus excreuerat quod portarent. Rebecca ergo ad Isaac ueniens, dorso cameli deducitur: quia ad Christum ex gentilitate ecclesia properans, intortis uitiosisque uitæ ueteris conversationibus inuenitur. Quæ ut Isaac uidit, de camelo descendit: quia sancta ecclesia quanto redemptorem suum subtilius agnoscit, tanto carnalis uitæ studia humiliter deserit, atque in semetipsa tortitudini uitiosæ contradicit. Isaac ergo uiso descendit, quia domino cognito uitia sua gentilitas deseruit, & ab elationis celsitudine ima humilitatis petit. Quid est autem, quod Isaac in camelo sedens Rebecca conspexit, nisi quod redemptorem suum ecclesia ex gentibus ueniens, dum adhuc uitæ esset innixa, & nec dum spiritualibus, sed animalibus motibus inhæreret, agnouit. Nec mouere debet, quod puer quoque cum camelis uenerat, in quibus diuitias domini sui ferebat: quia ipsi quoque prædicatores sancti, quamuis iam ad superiora intelligenda atque præferenda intellectu & uita emicent, adhuc tamen in semetipsis contradictionem carnis sentiunt. Nam uident aliam legem in membris suis, repugnantem legi mentis suæ, se seducentem in lege peccati: & diuitias in camelis portant, quia ne magnitudo reuelationum extollat eos, datur eis stimulus carnis suæ. Habent enim thesaurum istum in uasis fictilibus, ut sublimitas sit uirtutis dei, & non ex ipsis. Qui enim per carnem

nem cœlestia loquuntur, & tamen adhuc in carne cōtradictionē de uitio sentiunt, quid aliud quàm super tortuosa camelorum dorſa insident? Rebecca uero Isaac uiſo quis ille homo sit requisito puero cognoscit, quia quotidie sancta ecclesia adhuc per prophetarum atq; apostolorum dicta, quid de redemptore suo credere debeat intelligit: quæ sese mox pallio operuit, quia quanto subtilius saluatoris sui mysteria penetrat, tanto altius de antea acta uita confunditur, & quia peruerſe egerit uerecūdatur: pallio se operire curauit, quia uiſo domino infirmitatis suæ actiones erubuit, & illa quæ prius in camelo libere gestabatur, descendens postmodum uerecundia tegitur. Vnde eidem ecclesiæ à priore electione cōuersæ per apostolicam uocem, quasi Rebecca de camelo descendenti, sibiq; palliū superducenti dicitur, Quem enim fructum habuistis tunc in illis, in quibus nunc erubescitis. Quam Isaac in tabernaculum suæ matris introduxit, atq; uxorem accepit: quia loco synagogæ dominus, ex qua per carnem natus, sanctam ecclesiam diligit, eamq; sibi in amore & contemplatione coniunxit: ut quæ prius proxima ex cognatione, id est cognata ex prædestinatione fuerat, postmodum iam coniuncta in amore continuo uxor fuit. Quam intantum dilexit, ut dolorem qui ex morte matris accesserat temperaret: quia ex lucro sanctæ ecclesiæ redemptor non ster eam quæ ex perditione synagogæ accedere potuit, tristitiā deterſit. Dū enim Rebecca coniungitur, dolor de morte matris amputatur, Quia dum sancta ecclesia ex gentilitate ueniens usq; ad thorū cōtemplationis perducitur, Iudæa pro nihilo habetur. Qui si interpretare ipsa eorum nomina curabimus, Isaac risus, Rebecca autem patientia dicitur. Risus uero ex lætitiā est, patientia autem de tribulatione. Et quamuis sancta ecclesia iam in cœlestis sit gaudiū contemplatione suspensa, habet tamen adhuc quod triste de mortalis carnis pondere toleret. Isaac uero & Rebecca iunguntur, id est risus & patientia permiscetur: quia fit in sancta ecclesia hoc quod scriptū est, Spe gaudentes, in tribulatione patientes: ut hanc & prospera de cōtemplatione lætificent, & adhuc aduersa de tribulatione perturbent. Sequitur,

CAP. XXV

De Cethura
uxore Abrahæ.

XLI

ABRAHAM uero aliam duxit uxorem, nomine Cethuram.) Quæstio hic esset, si peccatum esset, maxime in antiquis dantibus operam propagandæ proli. Neq; incontinentia suspicanda est tanti uiri, in illa præsertim iam ætate. Quur autem de hac filios fecerit, qui cum miraculo de Sara iam fecerat, supra dictum est. Quid si enim & hoc prouisum est in ipso patre multarum gentium, post obitum coniugis iterū coniugari, ut demonstraretur non esse peccatum. Veruntamen hoc factum Abrahæ, quod post mortem Saræ de Cethura filios procreauit, non sic accipiendum est, quasi humana consuetudine & cogitatione tantummodo substituendæ numerosioris prolis hoc factum sit. Sic enim possent accipere homines etiam quod de Agar factum est, nisi Apostolus admoneret, illa fuisse facta prophetice in utrisq; personis mulierum: earumq; filios duo testamenta ad futurorum prænunciationem allego,

allegorica significatione figurare. Vnde in ipso quoq; Abraham factum aliquid tale quærendum est, & si non facile occurrat. Ergo interim munera quæ acceperunt filij concubinarum, uidentur mihi significare quædam dei dona, uel in sacramentis, uel in quibusq; signis, etiam carnali populo Iudæorum & hæreticis data, uelut filijs concubinarum, quum hæreditatis munus, quod est charitas & uita æterna, non nisi ad Isaac pertineat, hoc est, ad filios promissionis.

Fuerunt autem dies Abraham CLXXV anni, & deficiens mortuus est in senectute bona) Annorum ergo LXXV Isaac filium suum dereliquit, quem centenarius genuit. Iam ex hoc per posteros Abraham, id est, Isaac & Iacob, ciuitatis dei quò procurret tempora uideamus. Hæ sunt generationes Ismahel filij Abraham, quem peperit ei Agar Ægyptia famula Saræ, & hæc nomina filiorum eius in uocabulis & generationibus suis) Non enim satis elucet quur additum sit secundum nomina generationum eorum, quum hi soli nominentur quos ille genuit, nō etiam qui ab ipsis geniti sunt: nisi fortè quia nationes ex illis propagatæ eorum nominib. sunt appellatæ, hoc significatū sit, quum dictum est, Secundum nomina generationū eorum: quamuis hoc modo illæ nationes secundum nomina istorum, non ista nomina secundum illas nationes, quia illæ posterius extiterunt. Vnde notanda loquutio est, quia & postea de illis dicitur, duodecim principes secundū gentes eorum, tanquam dixisset, secundum quæ nomina gentes eorum appellatæ sunt. Sequitur, Duodecim principes tribuū suarū. Et facti sunt anni uitæ Ismahel CXXXVII, deficiensq; mortuus est, & appositus ad populum suum. Habitauit autem ab Euila usq; Sur, quæ respicit Ægyptum introeuntibus Assyrijs: coram cunctis fratribus suis obiit.) Euila, est regio quam circuit fluuius Physon, exiens de paradiso. Dicta autem Euila, à quodam nepote Noe. Est & alia Euila solitudo contra faciem Ægypti. Sur quoq; solitudo est inter Cades & Barath, extendens desertum usq; ad mare rubrum, & Ægypti confinia. Duodecim filij nati sunt Ismahel, e quibus primogenitus fuit Nabaioth, à quo omnis regio ab Euphrate usq; ad mare rubrum, Nabathea usq; hodie dicitur, quæ pars Arabiæ est. Nam & familiæ eorum oppidaq; ac castella munita, & tribus horum appellatione celebrantur. Quod autem in extremo huius rei capitulo scriptum est, Coram omnibus fratribus suis occubuit: id est, in manibus omnium filiorum suorum mortuus est, superstitibus liberis, & nullo prius morte præcepto. Fratres aut pro filijs appellari, Iacob quoq; ad Laban demonstrat, dicens, Quod est peccatum meum, quia persequutus es post me, & quia scrutatus es omnia uasa mea, quid inuenisti de uniuersis domus tuæ? Ponatur coram fratribus meis, & fratribus tuis, & diiudicent inter nos. Nec enim possumus credere, ut scriptura comemorat, quod Iacob exceptis liberis secum fratres alios haberet. Sequitur, Deprecatusq; est dominum pro uxore sua, eo quod esset sterilis. Qui exaudiuit eum, & dedit conceptum Rebecca. Sed & collidebatur in utero eius paruuli. Quæ ait, Si sic mihi futurum erat, quid necesse fuit concipere?

De morte Abraham XLII

De generationibus Ismahel XLIII

De eo qd' scriptū est, Deprecatus est Isaac XLIII

k re: Per

re: Perrexitq; ut consuleret dominum.) Quæritur quò ierit: non enim erant tunc prophetae, aut sacerdotes, secundum ordinem tabernaculi uel templi domini. Quò ergo ierit, merito mouet: nisi fortè ad locum ubi aram construxerat Abraham. Sed illic quomodo responsa dentur, omnino tacet scriptura: utrum per aliquem sacerdotem: quod incredibile est, si erat, non fuisse nominatum: an erant aliqui tales, etiam illo tempore, homines dei, in quibus posset deus interrogari. Quicquid horum est, & si quid aliud quod me fortè com-

De dicto ad
Rebeccam,
Dux gentes
Ec. XLV

memorare præterierit, mentiri tamen scriptura non potest, quæ dixit Rebecca: *cam isse ad interrogandum deum, eiq; respondisse, Dux gentes in utero tuo sunt, & duo populi ex uentre tuo diuidentur, populusq; populum superabit, & maior seruiet minori.*) Spirituali intelligētia carnales in populo dei significuntur per maiorem filium, & spirituales per minorem: quia sicut dicit Apostolus, Non prius quod spiritale est, sed quod animale: postea uero quod spiritale. Sic solet & hic intelligi hoc quod dictum est, ut in Esau figuratus sit maior populus dei: hoc est, Israeliticus secundum carnem: per Iacob autem figuratus sit ipse Iacob, secundum spiritalem progeniem. Sed & historica proprietate hoc responsum inuenitur esse completum, ubi populus Israel, hoc est, Iacob minor filius, superauit Idumæos, hoc est, gētem quam propagauit Esau: eosq; fecerunt tributarios per Dauid, quādiu fuerunt usq; ad regem, sub quo Idumæi rebellauerunt, & iugum Israelitarum Idumæi à ceruice sua deposuerunt, secundum prophetiam ipsius Isaac, quando minorem pro maiore benedixit. Hoc enim dixit eidem maiori, quum & ipsum postea benediceret. Ego puto quod & de singulis nobis hoc dici potest, quia dux gentes & duo populi intra nos sunt. Nam & uirtutū populus & uitiorum nihilominus intra nos est. De corde enim nostro procedunt cogitationes malæ, adulteria, furta, falsa testimonia, doli, contentiones, hæreses, inuidiæ, comestationes, & his similia. Vides quantus malorum populus intra nos est. Si uero mereamur illam uocem dicere sanctorum, A timore tuo domine concepimus & peperimus, spiritum salutis tuæ fecimus super terram: tunc & alius intra nos populus inuenitur, in spiritu generatus. Fructus enim spiritus est charitas, gaudium, pax, longanimitas, patientia, bonitas, mansuetudo, continentia, castitas, & his similia. Vides alium populum, qui & ipse intra nos est: sed iste minor est, ille maior. Semper enim plures sunt mali, quàm boni, & uitia numerosiora uirtutibus. Sed si tales simus, qualis Rebecca, & mereamur de Isaac, id est, de uerbo dei habere conceptum, etiam in nobis populus populum superabit, & maior seruiet minori: seruiet enim caro spiritui, & uitia uirtutibus cedent. Sequitur,

De natiuitate
Esau & Iacob
XLVI

Iamq; tempus pariendi uenerat, & ecce gemini in utero reperti sunt.) Hic sermo, id est, temporis completio, nunquam nisi de sanctis mulieribus scribitur, sicut de hac Rebecca, & Elisabeth matre Ioannis, & Maria matre domini nostri Iesu Christi. Vnde eximiū aliquid & præter cæteros homines huiusce modi partus ostenditur, & impletio dierum ortum perfectæ sobolis indicat.

Qui

Qui primus egressus est, rufus erat, & totus in morem pellis hispidus, uocatumque est nomen eius Esau. Protinus alter egrediens, plantam fratris tenebat manu, & idcirco appellatus est Iacob.) Non ob aliud ante aduentum domini scripta sunt omnia, quæ in scripturis sanctis legimus, nisi ut domini commendaretur aduentus, & futura præsignaretur ecclesia, id est, populus dei per omnes gentes, quod est corpus eius, adiunctis atque adnumeratis omnibus sanctis, qui etiam ante aduentum eius in hoc seculo uixerunt, ita eum credentes uenturum esse, sicut nos uenisse. Sicut enim Iacob manum prius dum nascere tur emisit ex utero, quæ etiâ pedem prænascentis fratris tenebat, deinde utique sequutum est caput, tunc demum necessario cætera membra: sed tamē caput non tantum ea membra quæ sequuta sunt, sed etiam ipsam manū quæ in nascendo præcessit, dignitate ac potestate præcedit: & quamuis nō tempore apparendi, tamē naturæ ordine prius est. Ita & dominus Iesus Christus, & si antequam appareret in carne, & quodammodo ex utero secreti sui ad hominū oculos mediator dei & hominum homo procederet, qui est super omnia deus benedictus in secula, præmisit in sanctis patriarchis & prophetis quandam partem corporis sui, quæ uelut manu nasciturum se esse prænūtiāns, etiam populum superbe præcedentem, uinculis legis tanquam digitis quinque supplantat: quia & per temporū quinque articulos prænūtiari uenturus prophetarique non destitit: & huic rei consonantes per quos lex data est, libros quinque cōscripsit: & superbi carnaliter sapientes, & suam iustitiam uolentes constituere, non aperta manu Christi repleti sunt benedictione, sed constricta atque conclusa retēti sunt. Itaque illi obligati sunt pede, & ceciderūt: nos uero surreximus, & erecti sumus. Quamuis ergo (ut dixi) præmiserit dominus Christus quādam partem corporis sui in sanctis, qui eum nascendi tempore præcesserunt: tamē ipse est caput corporis ecclesiæ, illique omnes eidem corpori, cuius ille caput est, cohæserunt, credēdo in eum quē prænūtiabant. Non enim præcurrēdo diuulsi sunt, sed adiuncti potius obsequēdo. Nā & si manus à capite præmitti potest, connexio tamen eius sub capite est. Quapropter omnia quæ ante scripta sunt, ut nos doceremur scripta sunt, & figuræ nostræ fuerunt, & in figura cōtingebant illis: scripta sunt autem propter nos, in quos finis seculorū obuenit. Qui enim primus egressus est, rufus erat, & totus in morem pellis hispidus, uocatumque est nomen eius Esau. Protinus alter egrediens, plantā fratris tenebat manu, & idcirco appellatus est Iacob. Quod Paulus apostolus magnū uult intelligi gratiæ documentū. Quia ille totus rufus & hispidus, nisi quia populus prior prophetarum & Christi fuit cruore pollutus, ac peccati & nequitie squalore extitit circumdatus: Cuius ideo minor calcaneū tenuit: quia mystice, maior minorem superaturus erat. Planta enim Esau nouissimū præsignabat Israelitici populi tempus, in quo dominus noster aduenire dignatus est, ut eis conferret salutē. Sed in typo Niniuitarū gentium populus, ut Iacob Esau, Israel incredulū condemnauit. Vnde & Iacob, à luctando uel supplantando nomen accepit. Sequitur.

De diuersita-
te ingeniorū
in geminis
XLVII

De uēditis pri-
mogenitis ab
Esau XLVIII

Sexagenarius erat Isaac, quando nati sunt paruuli.) Sexta enim ætate mūdi populum Iudæorum propter superbiam & incredulitatē uidemus esse abiectum, & gentium populū ad fidem Christi reuocatum. Sequitur, Quibus adultis, factus est Esau uir gnarus uenādi & homo agricola: Iacob autem uir simplex habitabat in tabernaculis. Isaac amabat Esau, eo quod de uenationibus illius uesceretur, & Rebecca diligebat Iacob.) In typo itaq; Esau, carnalis populus Israel, ut de Nemroth legitur, uenator fuit & agricola: id est, propriū derelinquens deum, externarum gentium dñs cultum sacrilegum exhibuit, & terrenis cupiditatib. ac desiderijs deditus est. Quod uero Iacob in domo simplex habitabat & sine dolo, non per dolum accepit primogeniti benedictionem, nec per fraudem subripuit, sed ut sibi debitam accepit, quam concedēte fratre de lentis mercede comparauit. Sequitur, Coxit autem Iacob pulmentum. Ad quem quū uenisset Esau lassus de agro, ait, Da mihi de coctione hac rusa, quia oppido lassus sum. Quamobrem uocatū est nomē eius Edom. Cui dixit Iacob, Vende mihi primogenita tua. At ille respondit, En morior, quid mihi proderunt primogenita? Ait Iacob, Iura ergo mihi. Iurauit Esau, & uendit primogenita, & sic accepto pane & lētis edulio comedit, & bibit, & abiit, paruipendens quod primogenita uendidisset.) Tradunt Hebræi omnes primogenitos functos officio sacerdotali ante q̃ Aaron in sacerdotiū eligeretur, & habuisse uestimentum sacerdotale, quo induti uictimas deo offerebant: & hæc esse primogenita, hoc est, uestimēta Esau, quæ uendidit Iacob fratri suo. Nam quod iste Esau primogenita sua propter escam fratri suo iuniori uenundauit, ac postmodū paterna benedictione priuatus est: significat eundē Israeliticum populum, qui à deo, ut Exodi indicat liber, primogenitus filius nuncupatus est: qui propter præsentis seculi lucra, non solum primatus sui honorem amisit, uerum etiā & regni cœlestis premium præparatū adipisci non meruit: domino quodam modo id eidem exprobrāte, quum dicit, Auferetur à uobis regnum dei, & dabitur genti faciēti fructum eius. Primogenita autem ipsa, ut iam supra dictum est, uestis erat sacerdotalis, quam maiores natu cum benedictione patris induti, uictimas deo uelut pontifices offerebant: hoc dono terreni amoris desiderio caruerunt Iudæi cum gloria regni futuri. Sequitur,

CAP. XXVI
De peregrinatione
Isaac ad
Abimelech
XLIX

PORTA autem fame super terram post eam sterilitatem quæ acciderat in diebus Abraham, abiit Isaac ad Abimelech regem Palæstinorū in Gerara.) Quæritur hoc quando sit factum: utrum postea q̃ Esau uendidit primogenita sua, post illam quippe narrationē hoc narrare incipit: an ut fieri solet, per recapitulationē narrator ad ea reuersus sit, quū progressus de filijs eius ad eum locum peruenisset, qui de lenticula cōmemoratus est. Mouet autem quia ipse inuenitur Abimelech, qui etiam Saram concupiuerat: ipsius enim paranympheus & princeps militiæ qui ibi cōmemorati sunt, etiam hic commemorantur: utrum uel uiuere potuerint. Quando enim amicus factus est Abraham, nondum natus erat Isaac, sed iam promissus. Ponamus ante annū q̃ nasceretur Isaac,

Isaac, hoc fuisse factum. Deinde Isaac suscepit filios quū esset annorum LX. illi aut iuuenes erant, quando uēdidit Esau primogenita sua. Ponamus etiam ipsos circa XX annos fuisse. Fiunt anni ætatis Isaac usq; ad illud factum filiorum eius circiter LXXX. Adolescentem accipiamus fuisse Abimelech, quādo matrem ipsius concupiuit, & Abrahæ amicus est factus. Potuit ergo iam esse quasi centenarius, si post illud factum filiorū suorum perrexerit in eam terram famis necessitate Isaac. Non ergo ex hoc cogit nulla necessitas per recapitulationem putare narratam profectionē Isaac in Gerara: sed quia ibi diuturno tēpore fuisse Isaac scribitur, & puteos fodisse, & de his contendisse, & ditatum fuisse pecunia, mirum nisi recapitulando ista cōmemorant, quæ ideo fuerant prætermissa, ut primū de filijs eius, usq; ad illum locum de lenticula, narratio perueniret. Sequitur, Apparuitq; ei dominus, & ait, Ne descendas in Ægyptum, sed quiesce in terra quam dixero tibi, & peregrinare in ea, eroq; tecum, & benedicam tibi: tibi enim & semini tuo dabo uniuersas regiones has, complens iuramentum meum quod sponendi Abraham patri tuo: & multiplicabo semen tuum sicut stellas cœli, daboq; posteris tuis uniuersas regiones has, & benedicentur in semine tuo omnes gentes terræ, eo quod obedierit Abraham uoci meæ.) Iste patriarcha nec uxorem habuit aliam, nec aliquam concubinam, nec ideo tamen istū patri eius præferre debemus. Erant enim proculdubio paternæ fidei & obedientiæ merita potiora, intātum ut propter illum dicat deus se huic facere bona quæ facit, quum illi dicat, Ego sum deus Abraham patris tui, noli timere, tecum enim sum, & benedixi te, & multiplicabo semen tuum: ut intelligamus q̄ caste Abraham fecerit, quod hominib; impudicis & nequitiae suæ de scripturis sanctis patrociniā quærētib; uidetur fecisse libidinose. Sequitur, Māsit itaq; Isaac in Geraris. Qui quum interrogaretur à uiris loci illius super uxore sua, respōdit, Soror mea est. Timuerat enim confiteri, quod sibi esset sociata coniugio, reputans ne fortē interficerent eum propter illius pulchritudinem.) Quod Isaac Rebeccam quæ uxor erat, sororē finxerit: genus enim Rebeccae non tacitum est, & eam per notissimā propinquitatem sororem eius fuisse manifestum est. Vt autem taceret uxorem quid mirum, aut quid prauū si imitatus est patrem, quum eadem iustitia defendatur, qua pater eius de simili obiecto inculpatus inuētus est: Sequitur. Quumq; pertransissent dies plurimi, & ibidem moraretur, prospiciens Abimelech Palæstinorum rex per fenestram, uidit eum iocantem cum Rebecca uxore sua, & accersito eo ait, Perspicuum est quod uxor tua sit. Quir mentitus es, sororem tuam esse? Qui respondit, Timui ne morerer propter eam.) Quæ igitur pro Abraham quod ad hanc rem attinet, eadem etiam pro Isaac filio eius ualent, quæ recensere non est difficile: nisi fortē studiosorum aliquis quærat, in cuius figuræ sacramento accipiendū sit, quod rex alienigena Rebeccam uiri sui coniugem tunc esse cognouit, quando cum cū illa ludentē uidit, quod non cognouisset, nisi cum coniuge ille sic luderet, quomodo cū ea quæ coniunx non esset, ludere

ludere non deceret. Quod quum sancti coniugati faciunt, nō inaniter faciunt, sed prudenter. Descendunt enim quodammodo ad fœminei sexus infirmitatem, ut aliquid blanda hilaritate uel dicant uel faciant, non eneruātes, sed temperantes uirilem uigorem. Quid autem sibi uelit in sacramento Christi & ecclesiæ, quod tantus patriarcha cum coniuge luserit, coniugiumq; illud inde sit cognitum: profecto quisquis ne aliquid errando, in ecclesia peccet, secretum uiri huius in scripturis sanctis diligenter intuetur, inueniet eum maiestatem suam, qua in forma dei æqualis est, paulisper abscondisse in forma serui: ut eius capax esse humana infirmitas posset, eoq; modo coniugi se congruēter aptaret. Quid enim absurdum, immo quid non conuenienter futurorum prænuntiationi accommodatū, si propheta dei carnaliter aliquid luserit, ut eum caperet affectus uxoris, quum ipsum uerbum dei caro factum est, ut habitaret in nobis? Sequitur, Seminauit autem Isaac in terra illa, & inuenit in ipso anno centuplum. Benedixitq; ei dominus, & locupletatus est homo, & ibat proficiens ac succrescens, donec magnus uehementer effectus est.) Secundum terrenam felicitatem dictum Isaac locupletatum, sequentiā docent. Exequitur enim narrator easdem eius diuitias, quibus magnus factus est, & hinc motus est Abimelech. Timuit illum ibi esse, ne potentia eius sibi esset infesta. Quamquam ergo spiritale aliquid ista significant, tamen secundum id quod contigerunt, ideo præmissum est, Benedixit eum dominus: ut sana fide intelligamus etiam ista temporalia dona nec dari posse nec sperari debere, etiam quum ab infirmioribus appetuntur, nisi ab uno deo tribuantur: & qui in minimis fidelis est, & in magnis fidelis sit: & qui in Mammona iniquo fidelis est inuentus, etiam uerum accipere mereatur: sicut dominus in euāgelio loquitur. Isaac, sermo domini est, qui sermo in lege dei ordeum seminat, in euangelij triticum. Illum enim cibum perfectioribus & spiritualibus, hunc imperfectioribus, & animalibus parat: quia scriptum est, Homines & iumenta saluos facies domine. Isaac ergo sermo legis, ordeum seminat, & tamen in ipso ordeo inuenit centesimum fructum. Inuenis & in lege martyres, quorum est centesimus fructus. Sed & dominus noster Isaac, euangeliorum perfectiora quæq; apostolis, turbis autem cōmunia planè loquebatur. Vis autem uidere, quia etiam ipse ordeus dei cibos incipientibus exhibet? Scriptum est in euangelij, quia secundo puerit turbas, sed illas quas primum pascit: postea uero quum iam profecissent in uerbo & doctrina, triticeos eis exhibet panes. Sed post hoc dominus, inquit, benedixit Isaac & magnificatus est ualde. Paruus erat Isaac in lege, sed processu temporis fit magnus in prophetis. Nam quum in sola lege est, nondum magnus est, quippe quæ & uelamine tecta est. Crescit ergo in prophetis: iam quum peruenerit usque ad hoc, ut uelamen abijciat literæ, tunc erit magnus ualde, quum cœperit litera legis uelut palea ordeus eius secerni, & apparuerit quod spiritualis est lex: tunc magnificabitur Isaac, & fiet magnus ualde. Vide enim quia & dominus in euāgelij paucos panes frāgit, & quot millia refecit

De prouentu
frugum Isaac

L

populorum.

populorum, & quāti cophini reliquiarū supersunt. Dōnec integri sunt panes nemo saturatur, nemo reficitur: nec ipsi panes uidentur augeri. Considera ergo nunc, quomodo paucos panes frangimus in scripturis diuinis. Paucos sermones assumimus, & quot millia hominum saturantur? Sequitur, Habuit quoq; possessionem ouium & armentorum & familiae plurimum, & cœpit fodere puteos, quos foderant pueri patris eius Abrahæ, sed inuidentes eis Philistīm obstruxerunt eos humo. Et reliqua.) Quis est iste Isaac, nisi saluator noster? Quis est iste, qui quum descendisset in istum torrentem Gerara, primo omnium illos puteos fodere uult, quos foderant pueri patris eius: id est, Moyse puteum legis foderat: Dauid, Salomon, & propheta, qui libros scripserunt ueteris testamenti: quos tamen terrena & sordida repleuerat intelligentia Iudæorum. Hos quum uellet purgare Isaac: id est, dominus noster, & saluator, cuius ille Isaac figuram gessit: ut ostenderet, quia quæcunq; propheta dixerūt, de se dixerunt: rixati sunt cum eo Philistīm, id est Iudæi, à regno dei alieni: sed discedit ab eis: non enim esse potest cū his, qui in puteis aquam habere noluerūt, sed terram: & dicit eis, Ecce relinquetur uobis domus uestra deserta. Fodit ergo Isaac nouum puteum.) Immo pueri Isaac fodiunt. Pueri sunt Isaac, Matthæus, Marcus, Lucas, Ioannes. Pueri eius sunt, Petrus, Iacobus, Iudas: puer eius, apostolus Paulus: qui omnes noui testamenti puteos fodiunt. Sed & pro his altercatur illi, qui terrena sapiunt, nec noua condipantur, nec uetera purgant, euangelicis puteis contradicunt, & apostolicis aduersantur: & quoniam in omnibus contradicunt, in omnibus litigant, dicitur ad eos, Quoniam indignos uos fecistis gratiæ dei, ex hoc iam ad gentes ibimus. Post hæc fodit tertium puteum Isaac, & appellauit nomen loci illius, Latitudo, dicens, Nunc dilatauit nos dominus, & fecit crescere super terram.) Vere enim nunc dilatatus est Isaac, & auctum est nomen eius super uniuersam terram, quum adimpleuit in nobis scientiam trinitatis. Tunc enim tantum in Iudæa notus erat, & in Israel nomen eius nominabatur: nunc autem in omnem terram exiit sonus eorum, & in fines orbis terræ uerba eorum. Exeuntes enim pueri Isaac: hoc est, apostoli domini saluatoris, per uniuersum orbem terræ foderunt puteos, & aquam uiuam omnibus ostenderunt, baptizantes omnes gentes in nomine patris & filij & spiritus sancti. Sed quid est, quod puteos quos Abraham aperuit, Isaac sic uocauit eos, sicut & pater eius? Non enim immutauit uocabula puteorum. Et est mirum, quod Moyse, apud nos etiam Moyse appellatur: & propheta unusquisq; suo nomine appellatur. Non enim Christus in eis nomina, sed intelligentiam commutauit. Hæc mystice. Moraliter autem, Isaac apud alienigenam gentem puteos fodisse describitur: quo uidelicet exemplo discimus, ut in hac peregrinationis erumna positi, cogitationum nostrarum profunda penetremus: & quousq; nobis ueræ intelligentiæ aqua respōdeat, nequaquam nostræ inquisitionis manus ad exhaurienda cordis interna torpescat. Quos tamē puteos allo-

phyli, id est, immundi spiritus insidiātes replent, quia nimirum immundi spiritus, quum nos studiosius fodere conspiciunt, molestas nobis tentationum cogitationes immergunt. Sequitur, Ascendit autem ab illo loco in Bersabee, ubi apparuit ei dominus in ipsa nocte, dicens, Ego sum deus Abraham patris tui. Vsq; ad id quod dicit, Surgentes mane iurauerunt sibi mutuo, dimisitq; eos pacifice) Huius Isaac duas nobis figuras exposuit apostolus Paulus: unam qua dixit, quod Ismahel quidem filius Agar, populi secundum carnem: Isaac uero, populi qui ex fide est formā teneret. Aliam qua ait, Non dixit, Et seminibus, quasi in multis: sed, semini tuo, tāquam in uno, qui est Christus. Tenet ergo Isaac & populi figuram & Christi. Christū autem tanquam uerbum dei, non solum in euangelij loqui, sed & in lege certum est, & in prophetis. Verum in lege incipientes, in euangelij perfectos docet. Isaac ergo nunc uerbi formam, quod in lege uel prophetis est, tenet. Ascendit igitur Isaac ad puteum iuramenti, & apparuit illi dominus. Ascensionem legis dicimus ornatum esse templi, & eorum quæ ibi diuina gerebantur obsequia. Potest & augmentum prophetarum, legis ascensio nominari: & propterea fortē ad puteum iuramenti dicitur, & ibi apparuisse ei dominum: per prophetas enim iurauit dominus, & non pœnitebit, quod ipse sit sacerdos in æternum secundum ordinem Melchisedech. Ad puteum ergo iuramenti uisus est ei deus, futura in eum promissa confirmans. Et ædificauit ibi altare domino, & inuocato nomine domini extendit ibi tabernaculum, præcepitq; seruis suis ut foderēt puteum.) Ædificat quidem Isaac altare etiam in lege, & figit tabernaculū suum: in euangelij autem non figit tabernaculū, sed domum ædificat, & fundamentum collocat. Audi enim sapientiā dicentem de ecclesia, Sapientia, inquit, ædificauit sibi domū, & supposuit columnas septem. Audi de hoc etiam & Paulum dicentem, Fundamentū enim aliud nemo potest ponere, præter id quod positū est, quod est Christus Iesus. Vbi ergo tabernaculū est, etiam si figatur sine dubio resoluendū est: ubi uero fundamenta sunt, & supra petram ædificatur domus, nunquā resoluitur domus illa, fundata est enim super petram. Fodit tamen & ibi Isaac puteum, nec unquam cessat puteos fodiēdo, donec oriatur fons aquæ uiuæ, & fluminis impetus latificet ciuitatē dei. Sequitur, Sed & Abimelech ille qui dudum honorauerat Abraham, uenit nūc cum amicis suis de Geraris ad Isaac. Et dicit illis Isaac, Quid uenistis ad me? Vos enim odistis me, & eieistis me à uobis. At illi responderunt, dicētes, Vidētes, inquit, uidimus, quia est dominus tecum: & diximus, Fiat cōiuratio inter nos & te, & constituamus tecum pactū, ne facias nobis malum) Iste Abimelech non semper pacem cum Isaac habet, sed aliquando dissidet, aliquando pacem requirit. Iste Abimelech personam tenet studiosorum & sapientium seculi, qui per eruditionem philosophiæ multa etiam ex ueritate comprehenderunt. Intelligere possumus quomodo hic cum Isaac, qui uerbi dei quod in lege est tenet figuram, neq; in dissensione semper potest esse, neque semper in pace. Philo-

sophia

sophia enim mundi, neq; in omnibus legi dei contraria est, neq; in omnibus consona. Multi enim philosophorum unum esse deum qui cuncta creauerit, scripserunt. In hoc consentiunt legi dei. Aliquantum etiam hoc addiderunt, quod deus cuncta per uerbum suum & fecerit & regat, & uerbum dei sit, quo cuncta moderetur. In hoc non solum legi, sed & euangelij consona scribunt. Moralis uero & physica quæ dicitur philosophia, penè omnia quæ nostra sunt sentit. Dissidet uero à nobis, quum deo dicit materiã coeternam: dissidet, quum negat deũ curare mortalia, sed prouidentia eius super lunaris globi spatia conhiberi. Dissident à nobis, quum uitam nascentiũ stellarum cursibus pèdunt: dissident, quum perpetuum dicunt hunc mundum, & nullo fine claudendum. Sed & alia plurima sunt, in quibus nobiscum uel dissident uel concordant. Et ideo Abimelech secundum hanc figuram, aliquando dissidere describitur. Sed & hoc non puto q̃ otiose spiritui sancto, qui hæc scripsit, curæ fuerit comprehendere, quod duo alij cū Abimelech uenerunt, id est, Ochozat amicus eius, & Phicol dux exercitus eius. Interpretatur autem Ochozat tenens, & Phicol, os omnium: ipse autem Abimelech, pater meus rex. Hi tres imaginem totius philosophiæ tenent, quæ apud eos in tres partes diuiditur, logicam, physicam, & ethicam, id est, rationalem, naturalem, & moralem. Rationalis est illa, quæ deum patrem omniũ cõfiteatur, id est, Abimelech. Naturalis illa est, quæ fixa est & tenet omnia, uelut naturæ ipsius uiribus nitens, quam profitetur Ochozat, qui dicitur tenens. Moralis est, quæ in ore est omnium, & ad omnes pertinet, & per communem similitudinem præceptorum in omnium ore uersatur, quam designat iste Phicol, qui os omnium interpretatur. Hi ergo omnes qui in huiusmodi eruditionibus sunt instituti, ueniunt ad legem dei, & dicunt, Videntes uidimus, quia est dominus tecũ: & diximus, Sit iuramētum inter nos, & ineamus fœdus, ut non facias nobis quicquid mali, sicut & nos nihil tuorũ attigimus, nec fecimus quod te læderet: sed cum pace dimisimus, auctũ benedictione domini. Possunt quidem hi tres qui pacẽ requirunt à uerbo dei, & præuenire cupiunt pacto societatem eius, figuram tenere magorum, qui ex orientis partibus ueniũt, eruditi paternis libris & institutione maiorum, & dicunt, quia uidentes uidimus natum regem, & uidimus quia deus est cum ipso, & uenimus adorare eum. Sed & si quis ille est huiusmodi eruditionibus institutus, uidens quia deus erat in Christo mundum reconcilians sibi, & attentus operum eius magnitudine dicat, Videntes uidimus, quia est dominus tecum, & diximus, Sit iuramentum inter nos. Accedens enim ad legem dei, necessario dicit, Iurauimus, & statui custodire mandata tua. Sed quid petunt? Ne facias nobis quicquam mali, sicut & nos nihil tuorum attigimus: nec fecimus quod te læderet, sed cum pace dimisimus, auctum benedictione domini. Remissionem peccatorum per hoc deprecari uidentur, ne recipiant mala, benedictionem postulant, non retributionem. Denique uide quid sequitur, Et fecit illis conuiuium magnum Isaac, & manducauerunt & biberunt, & post

post cibum & potum surgentes iurauerunt sibi mutuo, dimisitq; eos Isaac pacifice in locum suum.) Certum est enim quia qui ministrat uerbum, sapientibus & insipientibus debitor est. Quia ergo hic conuiuium sapientibus exhibet, idcirco dicitur, quia non paruum, sed magnum cōuiuium fecit. Sequitur,

Ecce autem uenerunt in ipso die serui Isaac, annūtiantes ei de puteo quem foderant, atq; dicentes, Inuenimus aquam. Vnde appellauit eum Abundantia: & nomen impositum est urbi, Bersabee.) Hoc significat quod inuenerint aquam, & propterea appellatus sit, Puteus saturitatis: & uocata ciuitas, Bersabee, hoc est, puteus saturitatis. Licet enim supra ex uerbo iuramenti, siue ex septenario ouium numero, quod Sabee dicitur, assueremus Bersabee appellatam: tamen nunc ex eo quod aqua inuenta est, Isaac ad nomē ciuitatis, quæ ita uocabatur, adludens, declinauit paululū literam, & pro stridulo Hebræorum Sin, à quo Sabee incipitur, Græcum sigma, id est, Hebræum samech, posuit. Alioquin & iuxta allegoriæ legem, post tātōs puteos in fine uirtutum nequaquam congruit, ut Isaac aquam minime reperiret. Sequitur,

CA. XXVII

SENVIT autem Isaac, & caligauerunt oculi eius, & uidere non poterat.

De senectute

Isaac LII

Vocauitq; Esau filium suum maiorem, & dixit ei, Fili mi. Qui respondit, Adsum. Cui pater, Vides, inquit, quod senuerim, & ignorem diem mortis meæ. Sume arma tua, pharetram & arcum, & egredere foras. Quumq; uenatu aliquid comprehenderis, fac mihi inde pulmentum, sicut uelle me nosti, & affer, ut comedam, & benedicat tibi anima mea, anteq; moriar.) Plura sunt quàm ut exēplis debeamus docere, sanctos uiros & deo charos ea tātūmodo scisse, quæ eis à domino reuelata sunt: ignorasse uero quæ reuelata eis nō fuerūt: sicut & Isaac uir iustus & deo charus, non illi cui uoluit, sed cui noluit deceptus errore benedixit. Vnde non mirū est, & Isaac in sua maxime utilitate nescisse quid faceret: quum magis eo tempore erraret, quo filium sanguinarium & de dīto uoluptati, & eum qui postea uellet fratrē occidere, pratermisso illo qui innocēter habitabat domi, uellet efferre, & suam magis q̄ dei facere uoluntatem. Vnde dispēsationis diuini iudiciū fuit, ut oculis cæcaretur: & quū ipse diceret, Vox, uox Iacob est: manus aut, manus sunt Esau: tamen intelligeret minorem esse filiū, qui benedictione fratris præcepta restiterat. Vnde intelligēdum in hoc factā esse spiritalem admonitionē, ut cōfirmaret benedictionē suam in filio minore, cui potius irascendū fuit, quod sefellerit patrem. Isaac portat imaginē dei patris, Rebecca spiritus sancti, Esau populi prioris & diaboli, Iacob ecclesiæ siue Christi. Senectus Isaac, consummationē orbis ostēdit: oculi illius qui caligauerūt, fidem defecisse & perisse de mundo, & religionis lumen anti quū neglectū esse significant. Quod filius maior uocatur, acceptio legis est Iudeorū: quod escas eius atq; capturā diligit pater, homines sunt saluati ab errore, quos per doctrinā iustus quisq; uenatur. Sermo dei, benedictiōis est re promissio, & spes regni futuri, in quo cū Christo sancti regnaturi sunt, & uerū sabbatū celebraturi. Sequit̄. Quod quū audisset Rebecca, & ille abiisset in agro ut iussionem

ut iussione patris impleat, dixit filio suo Iacob, Audiui patrem tuum loquentem cum Esau fratre tuo, & dicentem ei, Affer mihi de uenatione tua, & fac cibos, ut comedam, & benedicam tibi coram domino antequam moriar. Nunc ergo fili mi acquiesce consiliis meis, & pergens ad gregem affer mihi duos hœdos optimos, ut faciam ex eis escas patri tuo, quibus libenter uestitur. Quos quum intuleris & comederit, benedicat tibi antequam moriatur.) Rebecca plena spiritu sancto, & sciens quid audisset antequam pareret, quia maior seruiet minori: magis autem forma spiritus sancti quam futura nouerat in Christo, in Iacob ante meditabatur. Accipe mihi duos hœdos, inquit: præfigurans carneum saluatoris aduentum, in quo eos uel maxime liberaret, qui peccatis tenebatur obnoxij. Siquidem in omnibus scripturis, hœdi pro peccatoribus accipiuntur. Quod autem duos iubetur afferre, duorum populorum significatur assumptio: quod teneros & bonos, dociles & innocentes animo. Siue aliter carnes hœdorum, ex quibus Isaac præparatus est cibus, peccantium intelligenda est conuersio, ex duobus populis uenientium, Iudæis uidelicet & nationibus uniuersis. Panes autem, apostolorum accipienda est fides, & illorum qui in pentecoste adueniente spiritu sancto crediderunt de Iudaico populo. In uino autem intelligendus est martyrum cruor. Tali quippe cibo ac potu delectari intelligitur deus. Sequitur, Et uestibus Esau ualde bonis, quas apud se habebat domi, induit eum, pelliculasque hœdorum circumdedit manibus, & colli nuda protexit.) In hoc loco tradunt Hebræi primogenitos functos officio sacerdotum, & habuisse uestimentum sacerdotale, quo induti deo uictimas offerebant, antequam Aaron in sacerdotium eligeretur. Vestimentum Esau, fides, & scripturæ sunt Hebræorum, quibus gentilium indutus est populus: siue fides intelligenda est patriarcharum. Pelles hœdorum, quibus manus Iacob opertæ sunt, collumque contextum est, peccata sunt utriusque plebis, quæ Christus in extensione manuum cruci secum affixit. Quod ex eisdem pellibus colli nuda protexit, significat quia quorum suscepit personam, eorum & propria uoce deplo-
rauit infirmitates, & fleuit peccata. Sequitur, Quomodo, inquit, tam cito inuenire potuisti, fili mi? Qui respondit, Voluntas dei fuit, ut cito mihi occurreret quod uolebam.) Quod Isaac querit ab Iacob, quur tam cito uenerit, admiratur uelocem credentium fidem. Quod cibi delectabiles offeruntur, hostia placens deo, & salus est peccatorum. Sequitur, Dixit Isaac, Accede huc ut tangam te, fili mi: & probem utrum tu sis filius meus Esau, an non. Accessit ille ad patrem, & palpato eo dixit Isaac, Vox quidem, uox Iacob est: manus autem, manus sunt Esau. Et non cognouit eum, quia pilosæ manus similitudinem maioris expresserant.) Hoc in loco Isaac, Iudaicum populum præfigurauit: Iacob filius eius, dominum Iesum Christum. Qui & caligans oculis, & prophetans, in præsentem filium non uidit, cui tam multa in posterum præu-
dit: quia nimirum Iudaicus populus prophetiæ spiritu plenus & cæcus, eum de quo multa in futuro prædixit, in præsentem positum non agnouit. Sequitur,
Statimque

Statimque ut sensit uestimentorum eius fragrantiam, benedicens eum ait, Ecce odor filij mei, sicut odor agri pleni, cui benedixit deus. Det tibi deus de rore coeli, & de pinguedine terræ abundantiam frumenti, uini, & olei: & seruiant tibi populi & adorent te tribus. Esto dominus fratrum tuorum, & incuruentur ante te filij matris tuæ. Qui maledixerit tibi, sit ille maledictus: & qui benedixerit tibi, benedictionibus repleatur.) Benedictio Iacob, prædicatio Christi est in omnibus gentibus. Hoc fit, agitur: hoc lex & prophetia est. Isaac significat plebem Iudæorum, à qua Christus benedicitur, uelut à nesciente, quia ab ipsa nescitur: odore nominis Christi, sicut ager, mundus impletur: uel certe odor agri pleni, bonorum operum accipienda sunt gesta. Eius est benedictio de rore coeli, hoc est, de uerborum pluuia diuinorum: & de ubertate terræ, hoc est, de congregatione populorum uel apostolorum doctrina. Eius est multitudo frumenti & uini, hoc est, multitudo quæ colligit frumentum & uinum in sacramento corporis eius & sanguinis. Potest & per abundantiam frumenti & uini, sanctorum martyrum ac uirginum intelligi multitudo. Ei seruiunt gentes, ipsum adorant principes. Ipse est dominus fratrum suorum, quia populus eius dominatur Iudæis. Ipsum adorant filij patris eius, id est, filij Abrahamæ secundum fidem, quia & ipse filius est Abrahamæ secundum carnem. Ipsum qui maledixerit, maledictus erit, & qui benedixerit, benedictus est. Christus inquam noster ex ore Iudæorum, quamuis errantium, sed tamen legem prophetarumque canentium benedicitur, id est, ueraciter dicitur, & alius benedici putatur, qui ab eis errantibus expectatur. Sequitur, Vix Isaac sermonem impleuerat, & egresso Iacob foras uenit Esau, coctosque de uenatione cibos intulit patri, dicens, Surge pater mi, & comede de uenatione filij tui, ut benedicat mihi anima tua) In præfiguratione quippe horum fratrum congrue ualde illud aptabitur, quod euangelica indicat lectio, in qua dicitur, Venit quidam princeps synagogæ ad Iesum, & ait illi, Filia mea modo defuncta est: sed ueni, impone manum tuam super illam, & uiuat. Ad quam quum resuscitanda pergeret dominus, ecce (ait) mulier quæ fluxum sanguinis patiebatur: & typum gestabat ecclesiæ: accessit retro, quasi ignorante domino, & tetigit fimbriam uestimenti eius, & statim sanata est. Cui ait dominus, Vade filia in pace: fides tua te saluam fecit. Sequitur, Dixitque illi Isaac, Quis enim es tu? Qui respondit, Ego sum filius tuus primogenitus Esau. Expauit Isaac stupore uehementi, & ultra quam credi potest admirans ait, Quis igitur ille est, qui dudum captam uenationem attulit mihi, & comedi ex omnibus, prius quam tu uenires? Benedixique ei, & erit benedictus.) Ecce benedictionem promissam petente maiore expauescit Isaac, & alium pro alio se benedixisse cognoscens miratur, & quis nam ille sit percontatur: nec tamen se deceptum esse conqueritur, immo confestim reuelato sibi intus in corde magno sacramento deuorat indignationem, confirmat benedictionem, non maledictionem. Potius miraretur iratus, si hæc non superna inspiratione, sed terreno more gererentur. O res gestas, sed prophetice:

prophetice: gestas in terra, sed cœlitus: per homines, sed diuinitus. Si excutiantur singula tantis fœcunda mysterijs, multa sunt implenda uolumina. Sed huic operi modus moderate imponendus, nos in alia festinare compellit. Sequitur, Auditis Esau sermonibus patris irrugijt clamore magno, & consternatus ait, Benedic etiam mihi pater. Qui ait, Venit germanus tuus fraudulenter, & accepit benedictionem tuam. At ille subiunxit, Iuste uocatum est nomen eius Iacob, supplantauit enim me en altera uice. Primogenita mea ante tulit, & nunc secundo subripuit benedictionem meam.) Ecce secundo Iacob supplantator interpretatur. Ab eo igitur quod fratrem arte deceperit, adlusit ad nomen. Qui ideo Iacob ante uocatus est, eo quod in ortu plantam fratris apprehendat. Sequitur, Rursumq; ait ad patrem, Nunquid non reseruasti, ait, & mihi benedictionem? Respondit Isaac, Dominum tuum illum constitui, & omnes fratres eius seruituti illius subiugauit. Frumento & uino stabiliui eum: & tibi post hæc, fili mi, ultra quid faciam? Cui Esau, Num unam, inquit, tatum benedictionem habes, pater? Mihi quoq; obsecro, ut benedicas. Quumq; eiulatu magno fleret, motus Isaac dixit ad eum, In pinguedine terræ, & in rore cœli desuper, erit benedictio tua. Viues gladio, & fratri tuo seruias: tempusq; ueniet quum excutias & soluas iugum eius de ceruicibus tuis.) Significat quod Idumæi seruituri essent Iudæis: & tempus esse uenturum, quando de collo suo iugum seruitutis abjcerent, eorumq; imperio contradicerent. Neq; enim maiorem filium penitus uidemus fuisse despectum, sed sicut ait Apostolus, Quum intrauerit plenitudo gētiū, tunc omnis Israel saluus erit. Cuius tamen secundæ benedictionis prophetatio hæc est, In pinguedine terræ, & in rore cœli desuper, erit benedictio tua. id est, in fœcunditate rerum, & potentia regni, quæ in illo populo fuit. uel certe, In pinguedine terræ, & rore cœli desuper: hoc est, in confessione dominicæ incarnationis, & fide deitatis illius, erit Israel benedicendus: siue etiam, in rore cœli erit benedictio eius, id est in eloquijs dei. Iplis enim primum credita sunt eloquia dei, & legis testamentum. Viues gladio: id est, quia sanguini deditus populus ille necem in Christo uel prophetis exercuit. Et fratri tuo seruias: scilicet populo Christiano. Tempusq; ueniet, quando excutias & soluas iugum de ceruicibus tuis: dum per cognitionem fidei, ad gratiam Christi conuersus, deposueris onus legis: quando iam non seruus populi minoris, sed per fidem frater uocaberis. Sequitur, Oderat autem semper Esau Iacob, pro benedictione qua benedixit ei pater: dixitq; in corde suo, Venient dies luctus patris mei, ut occidam Iacob fratrem meum.) Quia igitur iniquitas inimica est iustitiæ, Esau in discordiā concitatur, & necem fraudulentus excogitat, dicens in corde suo, Appropinquant dies luctus patris mei, ut occidam Iacob fratrem meum. Ita & diabolus fratricidas Iudæos in Cain ante præmeditans, in Esau manifestissime confitetur: tempus quoq; interfectionis ostendens, malitiæ quam Iudæi exercuerunt in Christo. Sequitur, Quæ mittens & uocans Iacob filium suum, dixit

I ad eum,

ad eum, Ecce Esau frater tuus minatur, ut occidat te.) Quomodo annūtiata sunt uerba Esau Rebecca, quod cōminatus est occidere fratrem suum: quum scriptura dicat, hoc eum in sua cogitatione dixisse: nisi quia hinc datur nobis intelligere, quod diuinitus ei reuelabantur omnia: Vnde & ad magnum mysterium pertinet, quod filium suum minorem pro maiore uoluit benedici. Sequitur, Nunc ergo audi fili mi uocem meam, & consurgens fuge ad Laban fratrem meū in Aran, habitabisq; cum eo dies paucos, donec quiescat furor fratris tui, & cesset indignatio eius, obliuiscaturq; eorum quæ fecisti in eum, & postea mittam & adducam te inde huc.

CA. XXVIII

VOCAVITQVE Isaac Jacob, & benedixit, præcepitq; ei, dicens, Noli accipere coniugem de genere Chanaan: sed uade, & proficiscere in Mesopotamiam Syriæ, ad domum Bathuel patris matris tuæ, & accipe tibi inde uxorem de filiabus Laban auunculi tui. Deus autem omnipotens benedicat tibi & crescere te faciat atq; multiplicet, ut sis in turbas populorum: & det tibi benedictiones Abraham & semini tuo post te, ut possideas terram peregrinationis tuæ, quam pollicitus est auo tuo.) Hinc iam intelligimus segregatum semen Jacob ab alio semine Isaac, quod factum est per Esau. Quando enim dictum est, In Isaac uocabitur tibi semen, perticens usq; ad ciuitatem dei, separatum est inde aliud semē, quod erat in ancillæ filio, & quod futurum erat in filijs Cethuræ. Sed adhuc erat ambiguum de duobus geminis filijs Isaac, an ad utrumq; an ad unum eorum illa benedictio pertineret: & si ad unum eorum, quis nam esset illorum. Quod nunc declaratum est, quum propheticè à patre benedicitur Jacob, & dicitur ei, Sis in turbas populorum, & possideas benedictiones Abraham aui tui. Quomodo itaq; Jacob fratris dolos fugiens Mesopotamiam tendit: ita & Christus, Iudæorum incredulitate compellus, proficiscitur in Galilæam, inde sibi ex gentibus spōsam sumpturus ecclesiam. Et sicut Jacob dolos fugiens fratris, relictæ domo, patria, uel parentibus, abiit in regionem lōginquam, ut acciperet sibi uxorem: ita & Christus, relinquens parentes secundum carnem, id est populum Israel, & patriam, id est Hierosolymam & omnes regiones Iudææ, abiit in gentes, accipiens sibi ecclesiam, ut impleretur quod dictum est per prophetam, Populus quem non cognoui seruiuit mihi, obauditu auris obaudiuit mihi. Nos autem dicimus, nō uenisse dominum nisi ad oues perditas domus Israel: nec uoluisse panem accipere filiorum, & dare canibus: & benedictionem primam Iudæorum populo detulisse, quibus credita sunt eloquia dei, & repromissio, & legis datio, & cōfectio testamenti. Verum quia illi credere noluerunt, ad Jacob, id est minorem populum, benedictionem cernimus esse translata: neq; tamē maiorem filium penitus uidemus esse despectū: quia quum subintrauerit plenitudo gentium, tunc omnis Israel saluus erit.

INDEX CAPITVM

LIBRI TERTII



DE SOMNIO Iacob

Caput I

De aduentu Iacob ad terram orientalem, & quidit puteum
in agro, & greges ouium accubantes iuxta eum II

De seruitute Iacob, qua seruiuit Laban pro Lia & Ra-
chel III

De natiuitate filiorum Lia & Rachel & ancillarum earum IIII

De mercede Iacob V

De reuersione Iacob in terram Chanaan, & persequutione Laban post
eum VI

De nuntijs, quos misit Iacob ante se ad Esau fratrem suum in regione
Edom VII

De eo quod scriptum est, Leuans Iacob oculos suos, uidit uenientem Esau, &
cum eo quadringentos uiros VIII

De aduentu Iacob in Sochor IX

De eo quod scriptum est, Egressa est Dina filia Lia, ut uideret mulieres re-
gionis illius X

De morte Debboræ nutricis Rebecæ XI

De morte Rachel ad terram quæ ducit Effrata XII

De stupro Ruben in concubina patris sui XIII

Catalogus duodecim filiorum Iacob XIII

De generationibus Esau XV

De regibus qui regnauerunt in terra Edom XVI

De odio fratrum in Ioseph XVII

De somnijs Ioseph, & uenditione eius in Ægyptum XVIII

De uxore & liberis Iudæ XIX

De hero Ioseph XX

De Ioseph misso in carcerem XXI

De somnio eunuchorum Pharaonis, pincernæ, & pistoris XXII

De somnio Pharaonis XXIII

De principatu Ioseph super terram Ægypti XXIII

De eo quod scriptum est, Audiens Iacob quod alimenta uenderentur in
Ægypto XXV

De eo quod scriptum est, Recordatus est somniorum quæ aliquando uide-
rat: dure loquutus est fratribus suis, tradiditq; eos tribus diebus in custo-
dia: tollensq; Simeon & ligans, illis præsentibus, iussit ministris ut imple-
rent saccos eorum tritico XXVI

De eo quod scriptum est, Narrauerunt omnia patri suo, dicentes, Loquutus
est nobis I 2

est nobis dominus terræ dure, & putauit nos exploratores esse prouin-	
ciæ	XXVII
De eo quod scriptum est, Attollens autem Ioseph oculos, uidit Benjamin stan-	
tem fratrem suum uterinum	XXVIII
De eo quod scriptum est, Præcepit autem Ioseph dispensatori domus suæ,	
Imple saccos eorum frumeto quantum possunt capere, & pone pecuniam	
singulorum in summitate sacci, & scyphum meum argenteum	XXIX
De manifestatione Ioseph ad fratres suos, & munerum largitate	XXX
De profectione Iacob in Ægyptum	XXXI
Numerus filiorum Iacob, qui ingressi sunt Ægyptum	XXXII
De eo quod dixit Pharao ad Ioseph, Pater tuus & fratres tui uenerunt ad te,	
in optimo loco fac habitare eos	XXXIII
De eo quod ait Ioseph ad populum, En ut cernitis, & uos & terram uestram	
Pharao possidet, Accipite semina & serite	XXXIII
De eo quod scriptum est, Ait Iacob ad Ioseph, Si inueni gratiam in conspe-	
ctu tuo, pone manum tuam sub femur meum	XXXV
De eo quod scriptum est, Ait quoq; Iacob ad Ioseph, En morior, & erit deus	
uobiscum, reducetq; uos ad terram patrum uestrorum	XXXVI
De benedictionibus patriarcharum	XXXVII
De morte Iacob, & obsequio corporis eius	XXXVIII
De annis uitæ Ioseph & morte eius	XXXIX
De eo quod scriptum est, Nuntiatum est Ioseph, quod agrotaret pater	
eius	XL

DIVI EVCHERII LVGDVNENSIS

EPISCOPI COMMENTARIORVM IN GENESIM

ad Veranium & Salonium fratres episcopos

Liber Tertius.



DEVS SUMMAE BONITATIS, A QVO EST datum optimum & omne donum perfectum, desursum descendens à patre luminum, à quo & per quem bona uoluntas in homine præparatur, qui huius operis mihi dedit initium, ipse tribuat & bene sonantem sermonem ministrare. Dicamq; domino meo quod & sanctus Iacob patriarcha dixit, Si dominus deus meus fuerit mecum in opus quod nunc adripui, & custodierit me, erit mihi in deum: & hæc sancta scriptura, quam in manibus habeo, in emolumentum: decimas & hostias & primitias offeram ei: id est, & initium bonæ uoluntatis, & perfectionem boni operis, illius sancto nomini consecrabo. Igitur egressus Iacob de Bersee, pergebat Aran. Quumq; uenisset ad quendam locum, & uellet in eo requiescere post solis occubitum, tulit de lapidibus qui ibi iacebant, & supponens capiti suo dormiuit in eodem loco: uiditq; in somnis scalam stantem super terram, & cacumen illius tangens cælum, angelos quoq; dei ascendentes & descendentes per eam, & dominum innixum scalæ, & dicentem sibi, Ego sum deus Abraham & deus Isaac patris tui: terram in qua dormis tibi dabo & semini tuo, eritq; semen tuum quasi puluis terræ, dilataberis ad orientem & occidentem, septentrionem & meridiem, & benedicetur in te & semine tuo cunctæ tribus terræ: & ero custos tuus quocunq; perrexeris, & reducam te in terram hanc, nec dimittam nisi compleuero uniuersa quæ dixi. Somnus iste Iacob, mors siue passio Christi est. Lapis ad caput eius, qui nominatim quodammodo dictus est etiam unctus, Christum significat. Caput enim uiri Christus est. Quis enim nesciat Christum ab unctione appellari? Domus autem dei, quia ibi natus est Christus, in Bethlehem. Porta uero cæli, quia ibi in terram descendit, inde iterum ad cælum ascendit. Erectio autem lapidis, resurrectio Christi est. Porro scala, Christus est, qui dixit, Ego sum uia. Per hanc ascendunt & descendunt angeli, in quibus significati sunt euangelistæ prædicatores Christi. Possunt & per scalam duo accipi testamenta, aut certe fides & opera, per quæ gētes hæredes effectæ sunt regni cælestis. Per hæc enim ascensus ad deum est, & descensus dei ad homines. Angeli autem, id est, nuntij ecclesiæ sunt accipiendi doctores, ascendentes utiq; quū ad intelligendam eius supereminetissimam diuinitatem, excedunt uniuersam creaturam: ut eum inueniant in principio uerbum deum apud deum, per quem facta sunt omnia: descendentes autem, ut eum inueniāt factum ex muliere, factum sub lege, ut eos qui sub lege erant, redimeret. In illa enim scala à terra usq; in cælum, à carne usq;

De somnio
Iacob I

ne usq; ad spiritū, carnales proficiēdo uelut ascendēdo spiritales fiūt: ad quos lacte nutriendos, etiam ipsi spiritales descendunt quodam modo, quum eis non possunt loqui quasi spiritalibus, sed quasi carnalibus. Ipse est sursum in capite suo: ipse deorsum in corpore suo, quod est ecclesia. Ipsum ergo scalam intelligimus, quia ipse dixit, Nemo potest uenire ad patrem, nisi per me. Ad ipsum ergo ascenditur, ut in excelsis intelligatur: & ad ipsum descēditur, ut in membris suis paruulus nutriatur: & per illum se erigunt, ut sublimiter exētent: per ipsum etiam se humiliant, ut eum sublimiter ac temperāter annuntient. Sequitur, Surgens ergo mane tulit lapidem quem supposuerat capiti suo, & erexit in titulum fundens oleum desuper: appellauitq; nomen urbis illius Bethel, quæ prius Luza uocabatur.) Et uocauit nomen loci illius Bethel, cuius prius Luza, uocabulum erat ciuitatis antiquæ: quod nihil aliud significat, nisi ante, aut prius, uel uestibulum, siue superliminare, uel postes. Quod uero ait, Dominus est in loco isto, & ego nesciebā: & dixit, quā terribilis est locus hic: nō est hic aliud, nisi domus dei, & porta cœli. hæc uerba ad prophetiam pertinent, quia ibi futurum erat tabernaculum, quod constituit deus in hominibus in primo populo suo. Portam autē cœli sic intelligere debemus, tanquam inde fiat aditus credentibus, ad capeſſendum regnum cœlorum. Quod statuit Iacob lapidem, quem sibi ad caput posuerat, & constituit eum titulum, & perfudit illum oleo, non aliquid idololatriæ simile fecit: non enim uel tunc uel postea frequentauit lapidem, adorando, uel sacrificando ei: sed si gnum fuit prophetiæ euidentissime constitutum, quæ pertinet ad unctionem, unde Christi nomen à chrismate est. Quod autem uouit uotum, si prosperaretur eundo & redeundo, & decimas promisit domui dei futuræ in loco illo, prophetia est domus dei: ubi & ipse rediens deo sacrificauit, non illum lapidem deum appellans, sed domum dei: id est, quia in eo loco futura erat domus dei. Sequitur,

CA. XXIX

De aduētū Iacob ad terrā orientālē II

PROFECTVSQVE inde Iacob uenit ad terram orientalem, & uidit puteū in agro, tresq; greges ouium accubātes iuxta eum. Nam ex illo adaquabantur pecora, & os eius grandi lapide claudebatur. Morisq; erat, ut cunctis ouibus congregatis deuoluerent lapidem, & reſectis gregibus rursū super os putei ponerent.) Terra orientalis ad quā dominus noster profectus est, illos significat, qui uitiorū tenebras relinquentes, opera lucis quærebant. Apud Iudæam enim tantūmodo cognitus erat deus. Puteus autē quem illic reperit, Mosaica intelligēda est lex, iuxta quem tres greges accubasse scribitur, scribas uidelicet, Phariseos & Sadduceos, quos dominus legi arguisse. Oues quoq; Laban, quas ablato lapide grādi quo os putei claudebatur, dominus adaquauit, tunc uidelicet quando seorsum discipulis & seorsum turbis loquebatur. Tunc amouit umbras & imagines, quibus legis operiebatur historia, quando uniuersa quæ de se fuerant scripta, in se expleri permisit, uel expleta esse ostēdit. A passione enim domini, cunctis fidelibus lex spiritali intelligentia patet. Nam ante
tea licet

tea licet in scenopegia solennitate concurrentibus undiq; populis, liber Deu-
 teronomij à sacerdotibus recenseretur: tamen rursus claudabatur, quia nec-
 dum aduenerat, in quo in ueritate expleta sunt omnia. Sequitur, Et ecce
 Rachel ueniebat cum ouibus patris sui. Nam gregem ipsa pascebat. Quam-
 quam uidisset Jacob, & sciret consobrinam suam esse, ouesq; Laban auuncu-
 li sui, amouit lapidem, quo puteus claudabatur, & adaquato grege oscula-
 tus est eam: eleuataq; uoce fleuit: & indicauit ei, quod frater esset patris eius,
 & filius Rebeckæ.) Intelligitur enim, quod illi cum quibus prius loquebatur
 Jacob, interrogati quæ esset quæ ueniebat cum ouibus, ipsi dixerint, filiam es-
 se Laban, quam utiq; non nouerat Jacob: sed illius interrogatione, illorumq;
 responsionem scriptura præmittens intelligi uoluit. Quod scriptum est, Oscula-
 tus est Jacob Rachel: & exclamans uoce sua fleuit, & indicauit ei, quod frater
 esset patris eius, & filius Rebeckæ: consuetudinis quidē fuit in illa simplicitate
 antiquorū, ut propinqui propinquas suas oscularētur, & hoc hodie fit in mul-
 tis locis: sed quæri potest, quomodo ab incognito illa osculū acceperit, si post-
 ea Jacob indicauit propinquitatem suam. Ergo intelligendum est, aut illum
 qui iam audierat, quæ illa esset, fidenter in eius osculum irruisse: aut postea
 scripturam narrasse per recapitulationem, quod primo factum erat, id est, ut
 indicaret quis esset. Sequitur, Auditis autem Laban causis itineris, respon- *De seruitute*
 dit Jacob, Os meum es, & caro mea. Et postquam expleti sunt dies mensis *Iacob III*
 unius, dixit ei, Num quia frater meus es, gratis seruiēs mihi? Dic quid merce-
 dis accipies. Habebat uero duas filias, nomen maioris, Lia: minor autem ap-
 pellabatur Rachel. Sed Lia, lippis erat oculis: Rachel, decora facie, & uenu-
 sto aspectu. Quam diligens Jacob, ait, Seruiam tibi pro Rachel filia tua mi-
 nore, septem annis. Respondit Laban, Melius est ut tibi eam dem, quàm ui-
 ro alteri. Seruiuit igitur Jacob pro Rachel septem annis, & uidebantur illi
 pauci dies, præ amoris magnitudine. Quærendum est quomodo dictum sit,
 uidebantur in conspectu eius uelut pauci dies: quum magis etiam breue tem-
 pus longum soleat esse amantibus. Dictum est ergo propter laborem serui-
 tutis, quem facilem & leuem amor faciebat. Dixitq; ad Laban, Da mihi
 uxorem meam, quia iam tempus expletum est, ut ingrediar ad eam. Qui uo-
 cati multis amicorum turbis ad conuiuium fecit nuptias, & uespere filiam
 suam Liam introduxit ad eum, dans ancillam filiae nomine Zelpham. Ad-
 quam quum ex more Jacob fuisset ingressus, facto mane uidit Liam. Et dixit
 ad socerum, Quid est quod facere uoluisti? Nonne pro Rachel seruiui tibi?
 Respondit Laban, Non est moris in loco nostro, ut minores ante tradamus
 ad nuptias. Imple hebdomadam dierum copulæ huius, & hanc quoq; dabo
 tibi pro opere quo seruiturus es mihi septem annis alijs. Acquieuit placito: &
 hebdomada transacta, Rachel duxit uxorem: cui pater seruam Balam dede-
 rat. Tandemq; potitus optatis nuptijs, amorem sequentis priori prætulit.)
 Si parum aduertatur rei huius narratio, putabitur quod posteaquam Liam
 I 4 Iacob

De natiuitate
filiorū Iacob
III

Iacob duxit uxorem, deinde seruiuit alios septem annos pro Rachel, & tunc eam duxit. Verum autem nō ita est, sed Laban ei dixit, Imple hebdomadam dierum copulæ huius, & hanc dabo tibi pro opere quo seruiturus es mihi septem annis alijs. Hoc itaq; ait, Imple dies nuptiarum septem, pertinentes ad istam quam duxisti, & dabo tibi & hanc pro eo quod operaberis apud me adhuc septem annos alios. Deinde sequitur, Fecit autem Iacob sic, & impleuit hebdomadā, & Rachel duxit uxorem. Dedit autem Laban Rachel filiæ suæ Balam ancillam suam, & intrauit ad Rachel. Dilexit autem Rachel magis q̃ Liam, & seruiuit illi septē annos alios.) Vtiq; apparet, quia postea quā duxit Rachel, tunc seruiuit pro ea septem annos alios. Nimis enim durū & ualde iniquum fuit, ut deceptum adhuc differret alios septem annos, & tunc eam traderet quam primo debuit. Septem autem diebus solere nuptias celebrare etiam liber Iudicū ostendit in Sampson, quando fecit uotum septem diebus: & addidit scriptura, quod sic solerent facere iuuenes. Sequitur, Videns autem dominus quod despiceret Liam, aperuit uuluā eius, sorore sterili permanente. Quæ conceptum genuit filium, uocauitq; nomen eius Ruben, dicens, Vidit deus humilitatem meam, nunc amabit me uir meus.) Ruben interpretatur uisionis filius. Rursumq; concepit, & peperit filium, & ait, Quoniā audiuit me dominus, eo quod odio me haberet uir meus, dedit mihi etiā hunc. Et uocauit nomē eius Simeon.) Ab eo quod est exaudita, Simeon nomen filio imposuit. Simeon quippe interpretatur auditio. Concepit tertio, & genuit filium, dixitq; Nunc quoq; copulabitur mihi uir meus, eo quod pepererim ei tres filios: & idcirco appellauit nomen eius Leui.) Leui interpretatur assumptio. Quarto concepit, & peperit filium, & ait, Modo confitebor domino: & ob hoc uocauit eum Iuda.) Iudas enim, confessio interpretatur. A' confessione itaq; confessoris nomen eius dictum est. Verum tamen hic confessio pro gratiarum actione, aut pro laude accipitur, ut frequenter in psalmis est: & in euangelio, Confitebor tibi domine pater cœli & terræ, id est, gratias ago tibi, siue glorifico te. Sequitur,

CAP. XXX

CERNENS autem Rachel quod infœcunda esset, inuidit sorori suæ, & ait marito suo, Da mihi liberos, alioquin morior, Cui iratus respondit Iacob, Num pro deo ego sum, qui priuauit te fructu uentris tui? At illa, Habeo, inquit, famulam Balam, ingredi ad illam, ut pariat super genua mea, & habeam ex ea filios. Deditq; illi Balam in coniugium. Quæ ingressa ad se uiro, concepit & peperit filium. Dixitq; Rachel, Iudicauit mihi dominus, & exaudiuit uocem meam, dans mihi filium. Et idcirco appellauit nomen eius Dan) Propterea uocauit nomē eius Dan. Causam nominis expressit, ut ex eo quod iudicasset dominus, filio ancillæ nomen imponeret. Dan quippe interpretatur iudicium. Rursumq; Bala cōcipiens, peperit filium. Pro quo ait Rachel, Comparauit me deus cum sorore mea, & inualui: uocauitq; eum Neptalim) Causa nominis Neptalim, alia hic exponitur, quā in libro Hebræorum scripta sit,

ptā sit. Vnde? A' conuersatione, siue comparatione: quia utrumq; sonat, com-
 parationem, siue cōuersationem, hoc est Neptalim. Sequitur, Sentiens Lia
 quod parere cessasset, Zelpham ancillā suam marito tradidit. Qua post con-
 ceptum ædente filium dixit, Feliciter: & idcirco uocatum est nomē eius Gad.)
 Nos autē dicere possumus Impræcinctum. Gad enim potest & præpositio/
 nem sonare, & uenit ab euentu, siue præcinctu, qui Gad dicitur. Peperitq;
 Zelpha alterum. Dixitq; Lia, Hoc pro beatitudine mea. Beatam quippe me
 dicent mulieres. Propterea appellauit eū Aser.) Aser ergo nō diuitiæ, sed bea-
 tus dicitur, dumtaxat in præsentī loco: nam in alijs, secundum ambiguitatem
 uerbi, possunt & diuitiæ sic uocari. Sequitur, Egressus autē Ruben tempo-
 re messis triticeæ, in agro reperit mandragoras, quas matri Liæ detulit. Di-
 xitq; Rachel, Da mihi partem de mandragoris filij tui. At illa respondit, Pa-
 rum ne tibi uideatur, quod præripueris maritum mihi, nisi etiam mandrago-
 ras filij mei tuleris? Ait Rachel, Dormiat tecum hac nocte pro mandragoris
 filij tui. Redeuntiq; ad uesperam de agro Jacob, egressa est in occursum Lia,
 Et ad me, inquit, intrabis, quia mercede cōduxi te pro mandragoris filij mei.
 Dormiuitq; cum ea nocte illa, & exaudiuit deus preces eius, concepitq; & pe-
 perit filium quintum, & ait, Dedit deus mercedem mihi, quia dedi ancillam
 meam uiro meo. Appellauitq; nomen eius Isachar.) Totum nomen interpre-
 tatur, merces est.) Is quippe dicitur est: Sachar, merces. Hoc autem ideo quia
 mandragoris filij Ruben, introitum qui Racheli debebatur, ad se uiri emer-
 ret. Sequitur, Rursum Lia concipiens peperit sextum filium, & ait, Ditauit
 me deus dote bona, etiam hac uice mecum erit maritus meus, eo quod genuer-
 im ei sex filios. Et idcirco appellauit nomen huius Zabulon.) Et est sensus:
 Quia sex filios genui Jacob, propterea iam secura sum, habitabit enim me-
 cum uir meus, unde & filius meus uocetur Habitaculum. Et post hæc pe-
 perit filiam, & uocauit nomen eius Dina.) Hæc transfertur in Causam, siue
 iurgium: iurgij enim in Sychimis causa extitit. Post filios, parentum ponen-
 da sunt nomina. Lia interpretatur laborans: Rachel ouis, cuius filius Ioseph,
 ab eo quod sibi mater alium addi optauerit. Iam uero Jacob, cui pro ingen-
 ti crimine quatuor obijciuntur uxores, generali proloquutione purgatur.
 Quando enim mos erat, crimen non erat: & nunc propterea crimen est, quia
 mos non est. Alia sunt enim peccata contra naturam, alia contra mores, a-
 lia contra præceptum. Quæ quum ita sint, quid tandem criminis est, quod
 de pluribus simul habitis uxoribus obijcitur sancto uiro Jacob? Si naturam
 consulas, non lasciuiendi, sed gignendi causa illis mulieribus utebatur: si mo-
 res, illo tempore atque in illis terris hoc factitabatur: si præceptum, nulla le-
 ge prohibebatur. Nunc uero quur crimen est, si quis hoc faciat: nisi quia &
 moribus & legibus hoc non licet? Quæ duo si quis contempserit, etiam si
 tantummodo causa generandi uti possit foeminis pluribus, peccat tamen,
 & ipsam

& ipsam uiolat humanam societatem, cui necessaria est propagatio filiorum. Sed quia homines aliter se habentibus iam moribus & legibus, non possunt delectari uxorum multitudine, nisi libidinis magnitudine: ideo errant, & putant omnino haberi non potuisse uxores multas, nisi flagrantia concupiscentiæ carnalis & sordidæ uoluptatis. Comparantes enim non alios, quorum uirtutem animi prorsus nosse non possunt, sed sicut ait Apostolus, semetipsos sibi metipsis non intelligunt: & quia ipsi, etiam si unam habuerint, ad eandem non solum generandi officio ducti uiriliter accedunt, sed sæpe coeundi stimulo uicti eneruiter pertrahuntur. Sicut ergo sancti apostoli auditoribus ammirantibus doctrinam suam condelectabantur, non auiditate consequendæ laudis, sed charitate seminandæ ueritatis: ita sancti patriarchæ coniugibus excipientibus semen suum miscebantur, non concupiscentia percipiendæ uoluptatis, sed prouidentia propagandæ successionis. Nam & illud quod mendacissima criminatione Faustus obiecit, habuisse inter se uelut quatuor scortum certamen, quæ nam eum ad concubitum raperet: ubi hoc legerit, nescio: nisi fortè in corde suo, tãquam in libro nefariarum fallaciarum, ubi uere ipse scortabatur: sed cum serpente illo, de quo Apostolus timebat ecclesiæ, quam uirginem castam cupiebat unum uiro exhibere Christo: ne sicut Euam deceperat astutia sua, sic & illorum mentes à Christi castitate auertendo corrumperet. Ita enim huic serpenti amici sunt isti, ut eum præstitisse, potius quàm nocuisse contendant. Ipse planè Fausti persuasit pectori adulterato, falsitatis semina infundens, ut has male conceptas calumnias ore immundissimo pareret, & stylo audacissimo etiam memoriæ commendaret. Nulla enim ancillarum uirum Jacob ab altera rapuit, nulla de illius concubitu cum altera litigauit. Ideo magis ordo erat, quia libido non erat: & tanto firmitus coniugalis seruabantur potestatis iura, quanto castius uitabatur carnalis cupiditatis iniuria. Quod enim & ab uxore conducitur, ibi uera nostra manifestatur assertio: ibi pro se aduersum maledicta Manichæorum ipsa ueritas clamat. Quid enim opus erat, ut eum altera cōduceret: nisi quia ordo alterius erat, ut ad eam maritus intraret? Neque enim ad aliam unquam accessisset, nisi eum conduxisset. Sed utique iustis ad eam uicibus accedebat, de qua tot filios procreauerat, & cui obedierat, ut etiam de ancilla procrearet, & de qua postea non conducente procreauit. Sed tunc Rachel noctem habebat in ordine, ut maneret cum uiro: tunc penes eam potestas illa erat, de qua Apostolus, uox certe noui testamenti, non tacuit dicens, Similiter & uir non habeat potestatem sui corporis, sed mulier. Ideo iam cum sorore pacta erat: cui facta debitor, eam traderet ad debitorem suum. Nam hoc nomine id appellat Apostolus, Vxor, inquit, uir debitum reddat. Cui ergo uir debitor erat, iam acceperat à sorore quod elegerat uoluntate, ut ei daret, quod habebat in potestate. Hic uero ille, quem Faustus tanquam impudicum, clausis, uel potius extinctis oculis crimi-

lis criminatur, si concupiscentiæ non iustitiæ seruus esset, nonne per totum diem in uoluptatem illius noctis æstualet, qui erat cum pulchriore cubiturus, quam certe amplius diligebat, & pro qua bis septenarium annorum laborem gratuitum impenderat. Quum ergo iam die peracto in eius iret amplexus, quando inde auerteretur, si talis esset qualem Manichæi nihil intelligentes opinantur: nonne placito contempto mulierum intraret potius ad speciosam, quæ illi noctem ipsam non solum coniugis more, uerumetiam ordinis iure debebat, utereturque potius ipse potestate maritali: quia & uxor non habet potestatem sui corporis, sed uir: & pro eo tunc seruitutis illarum uicissitudo fiebat. Coniugali ergo potestate multo uincibilis uteretur, si formæ desiderio uinceretur: sed eo meliores sceminae inuenirentur, si illæ pro concipiendis filiis, ipse autem pro concubitu suo & uoluptate certaret. Itaque uir temperantissimus, ut plane uir: quia tam uiriliter sceminis utebatur, ut delectationi carnali non subijceretur, sed dominaretur: magis quid deberet, quam quid ei debebatur, attendit. Nec ad propriam uoluntatem sua potestate abuti uoluit, sed illius debiti redditor, quam exactor esse maluit. Vnde & cōsequens erat, ut ei redderet, quam pro se, ut id acciperet, illa cui debebatur elegit. Quo earum placito comperto pactoque, quum repente atque inopinate à pulcherrima coniuge reuocaretur, & ad minus decoram uocaretur, non ira incanduit, non tristitia nubilatus est, non enerviter blandus, ut sibi potius Rachel noctem redderet, inter ambas sategit. Sed maritus iustus & prouidus pater, quum illas proles curam gerere uideret, & ipse nihil aliud de concubitu quæreret, earum uoluntati obtemperandum iudicauit, quæ sibi sigillatim filios optabant, sibi nihil minui cui ambæ pariebant, tanquam diceret, Vobis inter uos ut uultis cedite atque cōcedite, quæ nam uestrum fiat magis mater: ego quid contendam, quando siue inde siue inde nascenti non erit alius pater. Hanc profecto modestiam, hanc concupiscentiæ coercionem, & in commixtione corporum coniugaliū solum appetitum posteritatis humanæ, ut erat acutus Faustus in illis literis & intelligeret & laudaret, nisi eius ingenium detestabili secta deprauatum & quid reprehenderet quæreret, & unam nuptialis copulationis honestatem maris & sceminæ, qua liberorum procreātorum causa copulantur, crimen maximum reputaret. Nunc iam defensis patriarchæ moribus, refutatoque crimine quod nefarius error obiecit, de reliquo ut possumus mysteriorum secreta rimemus: pulsemus fidei pietate, ut nobis aperiatur à domino, quid rerum figurauerint quatuor istæ uxores Iacob, quantum duæ liberæ, & duæ ancillæ fuerunt. Videmus enim Apostolum in libera & ancilla, quas habuit Abraham, duo testamenta intelligere: sed ibi una & una facilius apparet, quod dicitur, Hic autem duæ sunt & duæ. Deinde ibi ancillæ filius exheredatur, hic uero ancillarum filij simul cum filiis liberarum terram promissionis accipiunt. Vnde hic proculdubio aliquid aliud significatur. Quam enim duas liberas uxores Iacob ad nouum testamentum, per quod in libertatem

libertatem uocati sumus, existimem pertinere: non tamen frustra duæ sunt, nisi forte quia id quod in scripturis adueriti & inueniri potest, duæ uitæ nobis in Christi corpore prædicantur: una temporalis, in qua laboramus: alia æterna, in qua delectationem dei contemplamur. Istam dominus passione, illam resurrectione declarauit. Admonet nos ad hoc intelligendum, illarum etiam nomina sceminarum. Lia enim interpretatur Laboras: Rachel autem Visum principium, siue Verbum, ex quo uidetur principium. Actio ergo humanæ, mortaliscq; uitæ, in qua uiuimus ex fide, multa laboriosa opera faciētes, incerti quo exitu proueniant, ad utilitatem eorum quibus consulere uolumus, ipsa est Lia prior uxor Iacob, ac per hoc & infirmis oculis fuisse commemoratur. Cogitationes enim mortalium timidæ, & incertæ prouidentia nostræ. Spes uero æternæ contemplationis dei, habens certam & delectabilem intelligentiam ueritatis, ipsa est Rachel, unde etiā pulchra facie & pulchra specie. Hanc enim amat omnis pie studiosus, & propter hanc seruit gratiæ dei, qua peccata nostra & si fuerint sicut phœnicium, tanquam nix dealbabuntur. Laban quippe interpretatur Dealbatio, cui seruiuit Iacob pro Rachel. Neq; enim se quisq; conuertit sub gratia remissionis peccatorū seruire iustitiæ, nisi ut quiete uiuat in uerbo, ex quo uidetur principium, quod est deus. Ergo propter Rachel, non propter Liam seruitur. Nam quis tandem amauerit in operibus iustitiæ laborem actionū atq; passionum, quis eam uitam propter seipsam expetierit, sicut nec Iacob Liam? Sed tamen sibi nocte suppositam in usum generandi, amplexus & fecunditatem illius expertus est. Dominus enim eam, quia per seipsam diligere non poterat, primo ut ad Rachel perueniretur, toleranti fecit: deinde propter filios commendauit. Ita enim unusquisq; utilis dei seruus sub dealbationis peccatorum suorum gratia cōstitutus, quid aliud in sua conuersatione meditatus est, quid aliud in corde gestauit, quid aliud in corde adamauit, nisi doctrinam sapientiæ? quam pleriq; se adepturos & percepturos putant statim, ut se in septem præceptis legis exercuerint, quæ sunt de dilectione proximi, ne cuiquam homini noceatur: id est, Honora patrem & matrem, Non moechaberis, Non occides, Non furaberis, Non falsum testimonium dices, Non concupisces uxorem proximi tui, Non concupisces rem proximi tui. Quibus quantum potuerit obseruatis, postea quā pro concupita & sperata pulcherrima delectatione doctrinæ, per tentationes uarias quasi per huius seculi noctem, tolerantia laboris adhæserit: uelut pro Rachel, Lia inopinante coniungitur: & hanc sustinet, ut ad illam perueniat, si perseveranter amat, acceptis alijs septem præceptis: ac si dicatur, Serui alios septem annos pro Rachel: ut sit pauper spiritu, mitis, lugens, esuriens, sitiensq; iustitiam, misericors, mundicordis, pacificus. Vellet enim homo, si fieri posset, sine ulla tolerantia laboris, quæ in agendo patiendocq; amplectenda est, statim ad pulchræ atq; perfectæ sapientiæ delicias peruenire: sed hoc non potest in terramorientium. Hoc enim significare uidetur quod dictum est ad Iacob, Non est moris

est moris in loco nostro, ut minor nubat prius quā maior: quia nō absurde maior appellatur, quæ tempore prior est. Prior est autem in recta hominis eruditione, labor operandi quæ iusta sunt, quā uoluntas intelligendi quæ uera sunt. Ad hoc ualeat quod scriptum est, Concupisti sapientiam, serua mandata, & dominus præbebit illam tibi. Mandata utiq; ad iustitiam pertinentia, iustitiā quæ ex fide est, quæ inter tentationum incerta uersatur: ut pie credendo quod nondum intelligit, etiam intelligentiæ meritum consequatur. Quantum enim ualeat, quod modo commemorauimus esse scriptum, Concupisti sapientiam, serua mandata, & dominus præbebit illam tibi: tantum & illud ualere arbitror, Nisi credideritis, non intelligetis: ut iustitia ad fidem, ad sapientiam uero intelligentia pertinere monstretur. Proinde in his qui flagrant ingenti amore perspicuæ ueritatis, non est improbandū studium, sed ad ordinem reuocandum: ut à fide incipiant, & bonis moribus nitantur peruenire quod tendunt. In eo quippe quod aduersatur, uirtus est laboriosa: in eo uero quod appetitur, luminosa sapientia. Quid opus est, inquit, credere? quid non mihi ostenditur manifestū aliquod uerbum, quo uideam rerum omnium scientiæ principium? Id enim est, in quod maxime ac primitus inardescit, si uel studiosus est animus rationalis. Cui respondeatur, Pulchrum est quidem quod desideras, & amari dignissimum: sed prius nubet Lia, & postea Rachel. Ardor ergo iste ad id ualeat, ut ordo non recusetur, sed potius toleretur: quum autem peruentum fuerit, simul habebitur in hoc seculo, non solum speciosa intelligentia, sed etiam laboriosa iustitia. Quālibet enim acute, synceriterq; cernatur à mortalibus incommutabile bonū, adhuc corpus quod corrumpitur aggrauat animam, & terrena inhabitatio deprimat sensum multa cogitantem. Ad unum ergo tenendum, multa ferenda sunt. Itaq; duæ sunt uxores Iacob liberæ, ambæ quippe sunt filiæ remissionis peccatorum, hoc est dealbationis, quod est Laban. Verum tamen una amatur, & altera toleratur. Sed quæ toleratur, ipsa prius & uberius fecundatur: ut si non propter seipsam, certe propter filios diligatur. Labor enim iustorum, maximū fructum habet, in eis quos regno dei generant, inter multas tentationes & tribulationes prædicando euangelium: & eos propter quos sunt, in laboribus abundantius, in plagis supra modum, in mortibus frequenter: propter quos habent foris pugnas, intus timores, gaudium & coronam suam uocant. Nascuntur autem eis facilius atq; copiosius ex illo sermone fidei, quo prædicant Christum crucifixum, & quicquid humanitatis eius citius humana cogitatione percipitur, & infirmos etiam Liæ oculos non perturbat. Rachel autē clara aspectu mente excedit deo, & uidet in principio uerbum deum apud deum, & uult parere & non potest: quia generationem eius quis enarrabit? Proinde uita quæ studio contemplationis competit, ut ea quæ carni sunt inuisibilia, non infirmis oculis mentis, per ea quæ facta sunt, intellecta conspiciat, & sempiternā dei uirtutem ineffabiliter cernat, uacare uult ab omni negotio, & ideo sterilis: affectādo quippe otium, quo stu-

m dia

dia contemplationis ignescunt, non cōtemperatur infirmitati hominum, qui in uarijs pressuris sibi desiderant subueniri. Sed quia & ipsa procreandi charitate inardescit, uult docere quod nouit. Neq; enim inuidia tabescit, quū uidet sororem labore agendi atq; patiendi filijs abundantem: sed dolet potius curare homines ad eam uirtutē, qua eorum infirmitatibus necessitatibusq; confulitur, quā ad illam unde diuinum & incōmutabile aliquid discitur. Hic dolor figuratus uidetur in eo quod scriptū est, Et zelauit Rachel sororem suam. Proinde quia liquidus purusq; intellectus, de illa substantia quæ corpus non est, ad carnis sensum nō pertinet, & uerbis carne editis exprimi nō potest: elegit doctrina sapientiæ per quaslibet corporeas imagines & similitudines, utcunq; cogitanda insinuare diuina, quā ab officio talia docendi cessare: sicut elegit Rachel ex uiro suo & ancilla suscipere filios, quā sine filijs omnino remanere. Bala quippe interpretari dicitur Inueterata. Hanc habuit ancillam Rachel. De ueteri quippe uita carnalibus sensibus dedita corporeæ cogitatur imagines: etiam quum aliquid de spiritali & incommutabili substantia diuinitatis auditur. Suscepit & Lia de ancilla sua filios, amore numerosioris prolis accensa. Inuenimus autem Zelpham eius ancillā interpretari, os hians. Quapropter ad prædicatores fidei euangelicæ, quorum os hiat, & cor non hiat, quum in scripturis aduerterimus, hæc intelligit ancilla Liæ. Scriptū est enim de quibusdam, Populus hic labijs me honorat, cor autem eorum longe est à me. Et talibus Apostolus dicit, Qui prædicas non furandum, furaris: qui dicis non mœchandum, mœcharis. Verumtamen ut etiam per hanc conditionem libera illa uxor Iacob laborans filios hæredes regni suscipiat, ideo dominus dicit, Quæ dicunt, facite: quæ autem faciunt, facere nolite. Vnde in labore uinculorū uita apostolica: siue, inquit, occasione, siue ueritate, Christus annuntietur, & in hoc gaudeo, sed & gaudebo: tanquam & ancilla pariente de prole numerosiore. Lætatus est quidē Liæ affectus ex beneficio Rachel editus, quū uirum suum secum debita nocte cubiturum, acceptis à filio Liæ mādagicis malis cum sorore cubitare permisit. De hoc autē pomi genere opinari quosdam scio, quod acceptum in escam sterilibus fœminis fœcunditatem pareret: ac per hoc putant omnimodo instituisse Rachel, ut hoc à filio sororis acciperet cupiditate pariendi. Quod ego non arbitrarer, nec si tunc concepisset: nunc uero quū post Liæ duos alios ab illa nocte partus dominus ei prolem donauerit, nihil est quur de mandragora tale aliquid suspicemur, quale in nulla fœmina experti sumus. Dicam ergo quid sentiam, dicāt hinc fortē meliora doctiores. Quum enim hæc mala ipse uidissem, & propter istū ipsum sacre lectionis locum, id mihi obtigisse gratularer, rara enim res est: naturam eorum diligēter quantum potui perscrutatus sum, non aliqua à cōmuni sensu remotiori scientia, quæ docet uirtutes radicum, & potestates herbarum, sed quātum mihi & cuilibet homini renūtiabat uisus, & olfactus, & gustus. Proinde rem comperi pulchram, & suaue olentem, sapore autem insipido: & ideo quur eam mulier

tantopere

tantopere concupiuerit ignorare me fateor: nisi fortè propter pomi raritatem
 & odoris iocunditatem. Quur uero ipsam rem gestam sancta scriptura tacere
 noluerit, quæ non utiq; talia desideria muliercularum, nobis pro magno insi-
 nuare curaret, nisi aliquid in eis magnum quærere cõmoneret: nihil amplius
 conijcere ualeo, quàm quod ex illo cõmuni sensu mihi suggeritur: ut illo man-
 dragorico pomo figurari intelligam famam bonam, non eam quæ confertur
 quum laudant hominem pauci iusti atq; sapientes, sed illam popularem, qua
 etiam maior & clarior notitia comparatur: non ipsam per sese expetendâ, sed
 intentioni bonorum, qua generi humano cõsulunt, pernecessariam. Vnde di-
 cit Apostolus, Oportet etiam testimoniũ habere bonũ ab eis qui foris sunt.
 Qui licet parum sapiant, reddunt tamẽ plerumq; labori eorum, per quos sibi
 consulitur, & splendorẽ laudis, & odorem bonæ opinionis. Nec ad istam glo-
 riam popularem primi perueniunt eorum qui sunt in ecclesia, nisi quicũq; in
 actionum periculis & labore uersantur. Propterea Lia filius mala mãdrago-
 rica inuenit exiens in agrum, id est, honeste ambulans ad eos qui foris sunt.
 Doctrina uero illa sapientiæ, quæ à uulgi strepitu remotissima in contempla-
 tione ueritatis dulci delectatione defigitur, hanc popularem gloriam quãtu-
 lancunq; non assequeretur, nisi per eos qui in medijs turbis agẽdo ac suaden-
 do populis præsunt: non ut præsint, sed ut prosint: quia dum isti actiuosi & ne-
 gotiosi homines, per quos multitudinis administratur utilitas, & quorum au-
 toritas populis chara est, testimoniũ perhibent: etiam remotiori uitæ propter
 studium conquirendæ & cõtēplandæ ueritatis, otiose quodammodo mala
 mandragorica per Liam ueniunt ad Rachel. Ad ipsam uero Liam per filium
 primogenitũ, id est, per honorem fecunditatis eius, in qua est omnis fructus
 laboriosæ atq; inter incerta tentationum periclitantis actionis: quam pleriq;
 bono ingenio præditi, studioq; flagrant, quamuis idonei regendis populis
 esse possint, tamen uitant propter turbulentas occupationes: & in doctrinæ
 otio, tanquam speciosæ Rachel fruuntur amplexibus. Sed quia bonum est,
 ut etiam hæc uita lãtius innotescens popularem gloriam mereatur: iniustum
 est autem ut eam consequatur, si amatorem suum administrandis ecclesiasti-
 cis curis aptum & idoneum in otio detinet, nec gubernationi communis utili-
 tatis impartit: propterea Lia sorori suæ dicit, Parum est tibi, quod uirum me-
 um accepisti, insuper & mandragoras filij mei uis accipere: per unum uirum
 significans eos omnes, qui quum sint agendi uirtute habiles, & digni quibus
 regimen ecclesiæ committatur ad dispensandũ fidei sacramentum: illi accensi
 studio doctrinæ, atq; indagandæ & cõtēplandæ sapientiæ, se ab omni-
 bus actionum molestijs remouere, atq; in otio discendi atq; docendi recon-
 dere uolunt. Ita ergo dictum est, Parum est tibi quod accepisti uirum meum,
 insuper & mandragoras filij mei uis accipere: ac si diceretur, Parum est quod
 homines fauore rerum gerendarum necessarios in otio detinet uita studioso-
 rum, insuper & popularem gloriam requirit. Proinde ut eam iuste compareret,

impartit Rachel uirum suum sorori suæ illa nocte: ut scilicet quæ uirtute laboriosa regimini populorum accommodati sunt, etiam si scientiæ uacare deligerent, suscipiant experientiam tentationum curarumque sarcinam pro utilitate cõmuni: ne ipsa doctrina sapientiæ, cui uacare statuerunt, blasphemetur, neque adipiscatur ab imperitioribus populis existimationem bonam, quod illa forma significant, & quod necessarium est ad exhortationem discipulorum. Sed planè ut hanc curam suscipiant, ui coguntur: satis & hoc significatum est, quod quum ueniret de agro Iacob, occurrit ei Lia, eumque detinens ait, Ad me intrabis, conduxim enim te pro mandragoris filij mei: tanquam diceret, Doctrinam quam diligis uis conferre bonam opinionem, noli defugere officij laborem. Hæc in ecclesiâ geri, quisquis aduerterit, cernit. Experimur in exemplis, quod intelligimus in libris. Quis non uideat geri toto orbe terrarum, uenire omnes ab operibus seculi, & ire in ortum agnoscendæ ueritatis, tanquã in amplexum Rachel: & excipi de transuerso ecclesiastica necessitate, atque ordinari in labore tanquam Lia dicente, Ad me intrabis: quibus castè mysterium dei dispensantibus, ut in huius seculi nocte deo generent filios dei, laudantur à populis etiam in illa uita, cuius amore cõuersi spem seculi reliquerunt, & ex cuius professione ad ministerium regendæ plebis assumpti sunt. Id enim agunt in omnibus laboribus suis, ut illa professio à qua se conuerterant, quia tales rectores populis dedit, latius & clarius glorificetur: tanquam Iacob non recusante noctem Liæ, ut Rachel pomis suæ olentibus & clare nitentibus potiatur: quæ aliquando & ipsa præstante misericordia dei, per seipsam parit, uix tandè quidem: quia perrarum est, ut, In principio erat uerbum, & uerbum erat apud deum, & deus erat uerbum: & quicquid de hac re sapiënter dicitur, sine phantasmate carnalis cogitationis & salubriter uel ex parte capiatur. Sequitur, Da mihi uxores & liberos meos, pro quibus seruiui tibi, ut abeam. Tu nosti seruitutem qua seruiui tibi. Ait ei Laban, Inueniã gratiam in conspectu tuo. Experimẽto didici, quod benedixit mihi deus propter te. Constitue mercedem tuam, quã dem tibi. At ille, Tu nosti, inquit, quomodo seruierim tibi, & quanta in manibus meis fuerit possessio tua. Modicum habuisti antequam uenirem ad te, & nunc diues effectus es, benedixitque tibi deus ad introitum meum.) Satis aduertendum est & notandus scripturarum sensus, ne quum ita quisque loquutus fuerit, quasi gloriari uideatur. Multum enim interest, quod adiecit, Benedixit te deus in introitu meo. Ingressum enim uoluit intelligi, gratias hinc agens deo. Sequitur, Dixitque Laban, Quid dabo tibi? At ille ait, Nihil uolo. Sed si feceris quod postulo, iterum pascam & custodiã pecora tua. Gira omnes greges tuos, & separa cunctas oves uarias & sparso uellere: & quodcunque fuluũ & maculosum uariumque fuerit, tam in ouibus, quàm in capris, erit merces mea. Respondebitque mihi cras iustitia mea, quando placiti tempus aduenerit coram te: & omnia quæ non fuerint uaria & maculosa & fulua, tam in ouibus, quàm in capris furti me arguent. Dixitque Laban, Gra-

De mercede
Iacob V

tum

tum habeo quod petis. Et separauit in die illo capras & oues & hircos & arietes uarios & maculosos: cunctum autem gregem unius coloris, id est albi & nigri uelleris tradidit in manus filiorum suorum, & posuit spatium itineris inter generum & se dierum trium, qui pascebat reliquos greges eius. Tollens ergo Iacob uirgas populeas uirides & amygdalinas & ex platanis ex parte decorticauit eas, detractisq; corticibus in his quæ spoliata fuerant candor apparuit: illa uero quæ integra erant, uiridia permanferunt, atq; in hunc modum color effectus est uarius. Posuitq; eas in canalibus ubi effundebatur aqua, ut quum uenissent greges ad bibendum, ante oculos haberent uirgas, & in aspectu earum conciperent, Factumq; est in ipso calore coitus, ut oues intueretur uirgas & parerent maculosa & uaria, & diuerso colore sparsa. In facto Iacob quod uirgas excorticauit, detrahens ut album uarie appareret, sic in conspectu foetus pecorum uariarentur, quum matres in alueis aquarum biberent, & uisis uirgis illam uarietatem conciperent: ut ex duplici desiderio dum auide bibunt, & ascenduntur à maribus, tales foetus conciperent, quales umbras arietum desuper ascendentium in aquarum speculo contemplabantur. Ex uirgis enim in canalibus positis, uarius erat etiam imaginum color. Nec mirum hanc in conspectu foeminarum esse naturam, ut quales perspexerint, siue mente conceperint, in extremo uoluptatis aestu quæ concipiunt, talem sobolem procreent: quum hoc ipsum etiam in equarum gregibus apud Hispanos dicatur fieri. Multa dicuntur similiter fieri in animalium foetibus, & Quintilianus in ea controuersia in qua accusabatur matrona, quod Æthiopem peperit, pro defensione illius argumentatur, hanc concipientium esse naturam quam supra diximus. Sed & mulieri accidisse traditur, & scriptum reperitur in libris antiquissimi & peritissimi medici Hippocratis, quod suspitione adulterij fuerat punienda, quum pulcherrimum peperisset utriq; parenti generiq; dissimilem, nisi memoratus medicus soluisset quaestionem, illos admonens quaerere, ne forte aliqua talis pictura esset in cubiculo. Qua inuenta, mulier à suspitione liberata est. Sed ad hanc rem quam fecit Iacob, uirgarum ex diuersis arboribus trium copulatio quid contulerit utilitatis, quod attinet ad uarias pecudes multiplicandas, non apparet omnino: nec aliquid ad hoc commodi interest, utrum ex unius generis ligno uariantur uirgæ, an plura sint lignorum genera, quum sola quaeratur lignorum uarietas. Ac per hoc cogit inquiri prophetiam aliquam res ista, quam sine dubio ut propheta fecit Iacob, & ideo nec fraudis arguendus est. Non enim tale aliquid, nisi reuelatione spiritali eum fecisse credendum est. Virgæ populeæ & amygdalinæ siue ex platanis, testimonia intelligenda sunt ex lege atq; prophetis & agiographis, quæ dominus noster ex parte decorticauit, & ex parte in proprio colore dimisit. Decorticauit enim quum dicit, Scriptum est oculum pro oculo, dentem pro dente: ego autem dico uobis, non reddere aduersario omnino talionem: uel quum interrogatus à Iudæis, si deberet uxorem quis iuxta præceptum Moyli quacumq; ex causa

dimittere: respondisse scribitur, ad duritiam cordis eorum fuisse à Moyse præceptum: nam ab initio non ita fuisse, & iterum, Scriptum est enim, diliges proximum tuum, & odio habebis inimicum tuum: ego autem dico uobis, orate pro inimicis uestris, & benefacite his qui uos persequuntur: & cætera. Hunc enim uersiculum ex parte decoriare uisus est, quum dicit, debere diligere inimicum: ex parte uero in proprio colore dimisit, illud uidelicet quod de diligendo proximo ante præmisit. Oues enim accipiendi sunt isti, qui ad fidem ueniunt Christi: arietes uero, beati intelligendi sunt apostoli, seu ecclesiarum ministri: canales autem aquarum, euangeliorum accipiendi sunt libri: uirgæ uero testimonia sunt ueteris testamenti, quæ euangelis contexta noscuntur. Primum autem tempus conceptionis, aut pentecostes accipiendus est dies, in qua per prædicationem apostolorum, uelut primitiui tria millia uirorum scribuntur simul concepisse diuinum sermonem: aut certe tempus accipiendum est quadragesimæ aut paschæ, in quo poenitentibus & catechumenis iuxta intelligentiæ illorum mensuram, aut spiritaliter scripturarum testimonia proferuntur, aut certe secundum historiam textum: utrisque uidelicet apta, ex quibus ualeant auditu concipere, & fructus bonorum operum procreare. Decorticatur enim simul uirgæ, quum scripturarum testimonia, quæ secundum historiam nequaquam stare uidentur, spiritaliter à sacerdotibus explanantur, ut de lepra parietis & pelliculæ staminis & subtegminis in Leuitico scriptum est. Quod autem pro mercede sua Iacob uarium & fuluum siue maculosum tam in ouibus quam in capris sibi dicit dari, hoc significat, quod in euangelio scribis & phariseis legitur respondisse: non ueni uocare iustos, sed peccatores in poenitentiam. Quod uero ait, Respōdebit mihi cras iustitia mea, iudicii tempus indicat: quando fidelibus redditurus est beatitudinis sempiternam mercedem, & infidelibus ac preuaricatoribus poenarum illaturus est ultionem. Intellectus sacri eloquii inter textum & mysterium tanta est libratione pēsandus, ut utriusque partes late moderata, hinc neque nimie discussionis pondus deprimat, neque rursum torpor incuriæ uacuum relinquat. Multæ quippe eius sententiæ iuxta allegostrarum conceptionem sunt grauidæ, ut quisquis eas ad solam historiam tenere nititur, earum notitiæ per suam incuriam priuetur. Nonnulli uero ita exterioribus præceptis inserviunt, ut si qui ea subtilius penetrare uoluerint, intus quidem nihil inueniant, sed hoc sibi etiā quod foris loquuntur, abscondant. Vnde bene quoque narratione historica per significationem dicitur, Tollens Iacob uirgas populeas uirides & amygdalinas & ex platanis, ex parte decorticauit eas: & reliqua. Quid est uirgas uirides & amygdalinas & ex platanis ante oculos gregum ponere, nisi per scripturarum seriem antiquorum patrum uitas atque sententias in exemplum populis præbere? Quæ nimirum quia iuxta rationis examen rectæ sunt, uirgæ nominantur. Quibus ex parte corticem subtrahit, ut in his quæ expoliantur intimus candor appareat: & ex parte corticem seruat, ut sicut fuerant exterius in uiriditate permaneant: uariisque uirgarum color efficitur, dum cortex ex parte subtrahitur & ex parte retinetur. Ante considerationis enim

enim nostræ oculos, præcedentiū patrum sententiæ quasi uirgæ uariæ ponuntur. In quibusdam plerūq; intellectū literæ fugimus, & quasi corticem subtrahimus: & dum plerūq; intellectū literæ sequimur, quasi corticem reseruamus: dumq; ab ipsis cortex literæ subducitur, allegoriæ candor interior demonstratur: & dum cortex relinquitur, exterioris intelligentiæ uirentia exempla monstrantur. Quas bene Iacob in aquæ canalibus posuit, quia & redēptor noster in libris eas sacræ scientiæ, quibus nos intrinsecus infundimur, fixit. Aspicientes arietes, cū ouibus coeunt: quia rationales nostri spiritus, dum in earū intentione defixi sunt, singulis quibusq; actionib. permiscuntur: ut tales foetus operum procreent, qualia exēpla præcedentiū in uocibus præceptorū uidēt, & diuersum colorē proles boni operis habeāt: quia & nonnunq; subtracto literæ cortice, altius interna cōsiderat: & reseruato nonnunq; historiæ tegmine, bene se in exterioribus format. Igitur quando primo tēpore ascēdebant oues, ponebat Iacob uirgas in canalibus aquarū ante oculos arietū & ouium, ut in earum contēplatione conciperent: usq; in eum locū ubi, mutasti mercedē meam decem uicibus.) Hoc enim quādo & quomodo factū sit, scriptura non narrat: sed utiq; factū est quod iste cōmemorat. Nam dixit & hoc uxorib. suis, quando eas uocauit in campo. Conquerēs enim de patre illarū, ait inter cætera, Et mutauit mercedē meam decem uicibus: siue decem agnorū. Intelligitur ergo per singula tempora partus ouium, quū uideret Laban tales foetus esse natos quales placuerat ut ad Iacob pertinerēt, fraude pactū mutasse: & dixisse, ut futuro foetū alios pecudū colores in mercede haberet Iacob. Quū autē ille uirgas uarias nō supposebat, nō nascebātur uarij, sed unius coloris, quæ Iacob ex nouo pacto aufererat. Quod quū uidisset Labā, rursū pactū fraude mutauit, ut ad Iacob uariæ pertinerēt. Tunc illarū suppositione uirgarū, uaria nascebantur. Ergo quod ait Iacob uxorib. suis, Mutauit mercedē meam decem uicibus: & postea ipsi Labā similiter: nō ita dixit, quasi prouenerit socero eius ipsa fraus: ut enim ei nō proueniret, deum sibi dixit aduersū illum adfuisse. Decem uero uices pro decem tēporibus posuit, quibus oues quas pascebat per sexennij pepererunt: bis quippe pariebant in anno. Contigerat enim ut primo anno quo inter se pacti sunt, & ad eas pascēdas placito huius mercedis accessit, semel parerent in fine anni: quia quum accessit, iam semel pepererāt: rursūq; sexto anno, id est ultimo, quū semel peperissent, exorta necessitate profectio- nis, prius recederet, q̃ iterum parerent: ac per hoc quū primus annus atq; ultimus, duos ouijū partus sub illo haberent, hoc est singulos, mediū uero quatuor anni binos, fiunt omnes decē. Nec mirū quod hæc decē tēpora nomine uicissitudinū appellauit, quia h̃sdē temporibus nascebātur: uelut si quisq; dicat, per tot uindemias aut tot messes, quib. intelligat numerus annorū. Pecudum autē illius regionis foecūditas, sicut Italicarū tāta fertur, ut bis in anno pariāt. Seq̃.

CA. XXXI
De reditu Iacobi in terram Chanaan VI

SVRREXIT itaq; Iacob, & impositis liberis & coniugibus super camelos abiit, tulitq; omnem substantiam & greges, & quicquid in Mesopotamia

acquisierat, pergens ad Isaac patrem suum ad terram Chanaan. Eo tempore Laban ierat ad tondendas oues, & Rachel furata est idola patris sui. Noluitque Jacob confiteri focero suo quod fugeret. Quumque abiisset tam ipse, quam omnia quæ iuris eius erant, & amne transmenso pergeret contra montem Galaath.) Non quod eo tempore Galaath mons diceretur, sed per anticipationem, ut frequenter diximus, illo uocatur nomine quo postea nuncupandus est. Nuntiatum est Laban die tertio quod fugeret Jacob. Qui assumptis fratribus suis, persequutus est eum diebus septem, & comprehedit eum in monte Galaath, uiditque in somnis dicentem sibi deum, Caue ne quicquam aspere loquaris contra Jacob. Iamque Jacob extenderat in monte tabernaculum, quando ille consequutus est eum cum fratribus suis. In eodem monte fixit tentorium, & dixit ad Jacob, Quur ignorante me fugere uoluisti, nec indicare mihi, ut prosequerer te cum gaudio & canticis & tympanis & citharis? Non es passus ut oscularer filios meos & filias? Stulte operatus es. Et nunc ualet quidem manus mea reddere tibi malum: sed deus patris tui hieri dixit mihi, Caue ne loquaris cum Jacob quicquam durius. Esto, ad tuos ire cupiebas, & desiderio tibi erat domus patris tui, quur furatus es deos meos?) Notandum est, quod à principio libri nunc primum inuenimus deos gentium, superioribus quippe scripturæ locis deum nominabant. Sequitur, Tulit itaque lapidem, & erexit illum in titulum.) Diligenter enim aduertendum est, quomodo istos titulos in rei cuiusque testimonio constituebant, non ut eos pro dijs colerent, sed ut in eis aliquid significaretur. Sequitur, Quem uocauit Laban, tumulus testis, & Jacob, aceruum testimonij: uterque iuxta proprietatem linguæ suæ.) Traditur ab eis qui & Syram & Hebræam linguam nouerunt, propter proprietates suæ cuiusque factum. Fieri enim solet, ut alia lingua non dicatur uno uerbo quod alia dicitur, & uicinitate significationis quidque appelletur. Erat enim Laban Syrus, & antiquam linguam parentum prouinciæ in qua habitabat, sermone non mutauerat. Hoc enim medie positum est, quod utrique conueniret: & ei qui dixerat, aceruus testimonij, & ei qui dixerat, tumulus testis. Sequitur, Intueatur dominus & iudicet inter nos, quando recesserimus à nobis, si afflixeris filias meas, & si introduxeris uxores alienas super eas. Nullus sermonis nostri testis est, absque deo qui præsens respicit.) Quod dicit Laban, Nullus sermonis nostri testis est absque deo, qui præsens respicit: nullus extraneorum præter testificationem dei, quem ita habere deberent, tanquam nemo cum eis esset, quem testimonio eius iungerent. Post longam igitur seruitutem quam Jacob apud focerum suum pro uxoribus uelut mercenarius sustinuit, præcepit ei dominus, ut reuerteretur in patriam suam: tunc ignorante focero cum uxoribus & comitatu properauit. Laban autem consequutus est eum in montem Galaath cum furore, atque idola quæ Rachel furata erat apud eum requisit, nec reperit. Quid igitur ipsum hoc sibi figuraliter uelit, inquam. Dum Laban superius aliam gerat personam, nunc tamē diaboli typum figurat. Laban quippe interpretatur dealbatio.

Dealbatio

Dealbatio autem diabolus non inconuenienter accipitur, qui quum sit ex merito tenebrosus, transfigurat se in angelum lucis. Huic seruiuit Iacob ex patre reproborum Iudaicus populus, ex cuius carne incarnatus dominus uenit. Potest etiam per Laban mūdus exprimi, qui cum furore Iacob persequitur: quia electos quosq̃, qui redemptoris nostri membra sunt, persequendo opprimere conatur. Huius filiam, id est, seu mundi, seu diaboli, Iacob abstulit: quū sibi Christus ecclesiam ex gentilitate coniunxit, quam & de domo patris abstulit: quia ei per prophetam dicit, Obliuiscere populū tuum, & domum patris tui. Quid uero in idolis, nisi auaritia, designatur? Vnde per Paulum dicitur, Et auaritia quæ est idolorum seruitus. Laban ergo ueniens apud Iacob, idolum non inuenit: quia ostensis mundi thesauris diabolus, in redemptore nostro uestigia concupiscentiæ terrenæ non reperit. Sed quæ Iacob non habuit, ea Rachel sedendo cooperuit. Per Rachel quippe, quæ & ouis dicitur, ecclesia figuratur. Sedere autem, est humilitatem pœnitentiæ appetere: sicut scriptum est, Surgite postquā sederitis. Rachel ergo idola sedēdo cooperuit, quia sancta ecclesia Christū sequens, uitium terrenæ concupiscentiæ per humilitatem pœnitentiæ cooperuit. De hac coopertione per prophetā Dauid dicitur, Beati quorum remissæ sunt iniquitates, & quorū tecta sunt peccata. Nos quidem Rachel illa significabat, qui idola sedendo premimus, si culpas auaritiæ pœnitendo damnamus. Quæ auaritiæ immūditia, non illos qui uiriliter currunt impedit, quibus dicitur, Viriliter agite & conforretur cor uestrum: sed hos maxime impedit, qui quasi effœminato gressu gradientes, per blandimenta seculi resoluuntur. Vnde illic eiusdem Rachelis hæc uerba sunt, Iuxta consuetudinem fœminarum nunc accidit mihi: id est, quasi muliebria se habere innouit. Laban autē postquā persequutus esset Iacob, & inuenisset eum, & loquuti essent inter se inientes fœdus, tulit Iacob lapidem, & erexit illum in titulum. Dixitq̃ fratribus suis, Afferte lapides. Qui congregantes fecerunt tumulum, quem uocabat Laban, tumulus testis: & Iacob, aceruum testimonij.) Inter fideles enim tam Iudæos quā gentes, testis est lapis eminens similitudine Christi, & aceruus lapidum, quod est turba credentium. Sequitur,

IACOB quoq̃ abiit itinere quo cœperat, fuerūtq̃ ei obuiam angeli dei. Quos quum uidisset, ait, Castra dei sunt hæc. Et appellauit nomen loci illius Manaim: id est, castra.) Castra dei quæ uidit Iacob in itinere, nulla dubitatio est quod angelorum fuerit multitudo. Ea quippe in scripturis, cœli militia nominatur, Pulchre ad fratrem iturus inimicum, angelorum se comitantium excipitur choris. Misit autem nuntios ante se ad Esau fratrem suum in regionem Edom, præcepitq̃ eis, dicens, Sic loquimini domino meo, Hæc dicit frater tuus Iacob, Apud Laban peregrinatus sum, & fui usque in præsentem diem. Habeo boues & asinos, oues & seruos atq̃ ancillas, mittoq̃ legationem ad dominum meum, ut inueniam gratiam in conspectu tuo. Reuersi sunt ad Iacob nuntij, dicentes, Venimus ad Esau fratrem tuum, & ecce properat in occursum

CA. XXXII
De nuntijs Iacob ad Esau
VII

occursum tuum cum quadringentis uiris. Timuit Iacob ualde, & perterritus diuisit populum qui secum erat, greges quoque & oues & boues & camelos in duas turmas.) Quæri potest quomodo habuerit fidem promissionis dei, quandoquidem dixit, Si uenerit ad turmam primam frater meus, & percusserit eam, alia turma quæ reliqua est, saluabitur. Sed etiam hoc fieri potuit, ut auerteret castra eius Esau: & tamen deus post illam afflictionem adesset, ut liberaret eum, & quæ promisit, impleret. Et admonendi sumus hoc exemplo, ut quamuis credamus in deum, faciamus tamen quæ facienda sunt ab hominibus in præsidium salutis: ne prætermittentes ea, deum tentare uideamur. Denique post hæc quæ uerba dicat idem Iacob, considerandum est. Deus, inquit, patris mei Abraham, & deus patris mei Isaac, qui dixisti mihi, Reuerte in terram tuam, & in locum natiuitatis tuæ, & bene faciam tibi: minor sum cunctis miserationibus, & ueritate quā explesti seruo tuo: in baculo meo transiui Iordanem istum, & nunc cum duabus turmis regredior: erue me de manu fratris mei, quia ualde eum timeo, ne forte ueniens percutiat matrem cum filijs: tu loquutus es, quod bene faceres mihi, & dilatares semen meum sicut arenam maris, quæ præ multitudine numerari non potest.) Satis in his uerbis & humana infirmitas & fides pietatis apparet. Sequitur, Quumque dormisset ibi nocte illa, separabat de his quæ habebat munera Esau fratri suo, capras CC, hircos uiginti, oues CC, arietes uiginti, camelos foetas cum pullis suis triginta, uaccas quadraginta, & tauros uiginti, asinas uiginti, & pullos earum decem: & misit per manus seruorum suorum singulos seorsum greges. Dixitque pueris suis, Antecedite me, & sit spatium inter gregem & gregem. Et præcepit priori, dicens, Si obuium habueris Esau fratrem meum, & interroga uerit te, cuius es? aut, quò uadis? & cuius sunt ista quæ sequeris? respondebis, Serui tui Iacob: munera misit domino meo Esau: ipse quoque post nos uenit. Similiter madata dedit secundo ac tertio, & cunctis qui sequebantur greges, dicens, Iisdem uerbis loquimini ad Esau, quum inueneritis eum: & addetis, Ipse quoque seruus tuus, iter nostrum insequitur. Dixit enim, Placabo illum muneribus quæ præcedunt, & postea eum uidebo: forsitan propitiabitur mihi. Præcesserunt itaque munera ante eum: ipse uero mansit nocte illa in castris. Dixit enim, Placabo uultum eius, in muneribus præcedentibus eum.) Scriptor libri narrat de Iacob, Dixit enim, Placabo uultum eius. Hucusque uerba Iacob dixisse intelligitur: cætera uero sua intulisse, quod ait, In muneribus præcedentibus eum: tanquam diceret, In muneribus quæ præcedebant Iacob, placabo uultum fratris mei. Ordo enim uerborum Iacob: Placabo uultum eius, & post hæc uidebo faciem eius, forsitan enim suscipiet faciem meam: interposita autem sunt uerba scriptoris, In muneribus præcedentibus eum. Sequitur, Quumque mature surrexisset, tulit duas uxores suas & totidem famulas cum undecim filijs, & transiuit torrentem Iaboch: transductisque omnibus quæ ad se pertinebant, remansit solus: & ecce uir luctabatur cum eo

cum eo usque mane. Qui quum uideret, quod eum superare non posset, tetigit neruum femoris eius, & statim emarcuit. Dixitque ad eum, Dimitte me, iam enim ascendit aurora. Respondit, Non dimittam te, nisi benedixeris mihi. Ait ergo, Quod nomen est tibi? Respondit, Iacob. At ille, Nequaquam, inquit, Iacob appellabitur nomen tuum, sed Israel: quoniam si contra deum fortis fuisti, quanto magis contra homines praeualebis? Interrogauit eum Iacob, Dic mihi quo appellaris nomine? Respondit, Quir quæris nomen meum, quod est mirabile? Et benedixit eum in eodem loco. Vocauitque Iacob nomen loci illius Phanuel, dicens, Vidi dominum facie ad faciem, & salua facta est anima mea.) Sensus itaque hic est: Non uocabitur nomen tuum supplantator, hoc est Iacob: sed uocabitur princeps cum deo, hoc est Israel. Quomodo enim ego princeps sum, sic & tu qui mecum luctare potuisti princeps uocaberis. Si autem mecum qui deus sum, siue angelus (quoniam plerique uarie interpretantur) pugnare potuisti, quanto magis cum hominibus: hoc est, cum Esau, quem formidare non debes? Illud autem quod in libro nominum interpretatur, Israel, uir uidens deum, siue mens uidens deum, omnium penè sermone detritum, non tam uere quam uolenter mihi interpretatum uidetur. Quamuis igitur grandis autoritatis sint, & eloquentiae ipsorum nos umbra opprimat, qui Israel, uirum siue mentem uidentem deum, transtulerunt: nos magis scripturae, & angeli uel dei, qui Israel ipsum uocauit, autoritate ducimur, quam cuiuslibet eloquentiae secularis. Hoc autem nomen illi ab angelo impositum, qui cum illo fuit in itinere de Mesopotamia redeunte luctatus, typum Christi euidentissime gerit. Nam quod ei praeualuit Iacob utique uolenti, ut mysterium figuraret, significat passionem Christi, ubi uisi sunt ei praeualere Iudaei. Et tamen benedictionem ab eodem angelo quem superauerat, impetrauit: ac sic huius nominis impositio, benedictio fuit. Interpretatur autem Israel, princeps cum deo: siue ut alij uolunt, uir uidens deum: quod erit in fine, praeium sanctorum omnium. Tetigit porro illi idem angelus, ueluti praeualenti, latitudinem femoris: eumque isto modo claudum reddidit. Erat itaque unus atque idem Iacob, & benedictus, & claudus: benedictus, in eis qui in Christum ex eodem populo crediderunt, atque in infidelibus claudus. Nam femoris latitudo, est generis multitudo. Plures quippe sunt in ea stirpe, de quibus prophetice praedictum est, & claudicauerunt à semitis suis. Sequitur,

LEVANS autem Iacob oculos, uidit uenientem Esau, & cum eo quadringentos uiros: diuisitque filios Lia & Rachel, ambarumque famularum: & posuit utramque ancillam & liberos earum in principio, Liam uero & filios eius in secundo loco, Rachel autem & Ioseph nouissimos: & ipse progrediens adorauit pronus in terra septies, donec appropinquaret frater eius. Currens itaque obuiam Esau fratri suo, amplexatus est eum, stringensque collum & osculans, fleuit: leuatisque oculis uidit mulieres & liberos eorum, & ait, Quid sibi uolunt isti, & si ad te pertinent? Respondit, Paruuli sunt, quos donauit mihi deus

Ca. XXXIII
De congressu
Iacob & Esau
VIII

deus seruo tuo. Et appropinquantēs ancillæ & filij earum, incuruati sunt. Accessit quoq; Lia cum filijs suis, & similiter adorauerunt. Extremi Ioseph & Rachel adorauerunt. Dixitq; Esau, Quæ nam sunt istæ turmæ quas obuiam habui? Respōdit, Vt inuenirem gratiam coram domino meo. Et ille ait, Habeo plurima frater mi, sint tua tibi. Dixitq; Iacob, Noli ita facere, obsecro: sed si inueni gratiam in oculis tuis, accipe munusculum de manu mea. Sic enim uidi faciem tuam, quasi uiderem uultum angeli dei, siue uultum dei.) Quid sibi uult quod Iacob ait fratri suo, Propter hoc uidi faciem tuam, quēadmodum quum uidet aliquis faciem dei: utrum pauētis & perturbati animi uerba usq; in hanc adulationem proruperunt: an secundum aliquem intellectū sine peccato dicta accipi possunt? Fortassis enim quia dicti sunt & gentium dī, quæ sunt dæmonia, non præiudicetur ex his uerbis homini dei. Non enim dixit, Quemadmodum si uiderem faciem dei: sed, Quum uidet aliquis. Ipse autem aliquis quem significare possit, incertum est. Atq; ita fortasse temperata sunt uerba, ut & ipse Esau sibi delatum tantū honorem grate acciperet: & qui hæc etiam aliter intelligeret, eum à quo dicta sunt nullo crimine impietatis argueret: quod sibi benigno animo dicta hæc uerba fraterna sunt, quoniam & post bonam susceptionem, metus ipse trāsierat. Potuit & sic dici quemadmodum & Moyse Pharaoni deus dictus est, secundum quod dicit Apostolus, Et si sunt qui dicuntur dī, siue in cœlo, siue in terra, quemadmodum sunt dī multi & domini multi, maxime quia sine articulo in Græco dictum est, quo articulo euidentissime solet ueri dei unius fieri significatio. Non enim dixit, *πρόσωπον θεοῦ*: sed dixit, *πρόσωπον θεοῦ*. Facile autem hoc intelligunt qua distantia dicatur, qui Græcum eloquium audire atq; intelligere solent. Sequitur, Ait Esau ad Iacob, Gradiamur simul, & ero socius itineris tui. Dixit Iacob, Nosti domine mi, quod paruulos habeam teneros, & oues ac boues scætas mecum, quas si plus in ambulando fecero laborare, moriētur una die cuncti greges. Præcedat dominus meus ante seruum suum, & ego sequar paulatim uestigia eius, sicut uidero posse paruulos meos, donec ueniam ad dominum meum in Seir.) Hoc enim sicut scriptura diuina narrat, Iacob nō fecit, ut ad Esau perueniret in Seir: sed eo perrexit itinere, quo dirigebat ad suos. An fortè ueraci animo promiserat, sed aliud postea cogitando elegit. Sequitur, Et Iacob uenit in Sohot, ubi ædificata domo, & fixis tentorijs, appellauit nomen loci illius Sohot, id est tabernacula: transiuitq; Salem urbē Sy-
cimorum, quæ est in terra Chanaā, postquā reuersus est de Mesopotamia Syriæ, & habitauit iuxta oppidum, emitq; partem agri, in quo fixit tabernacula, à filijs Emor patris Sichem, centum agnis: & erecto ibi altari inuocauit super illud fortissimum deum Israel.) Est autem usq; hodie ciuitas trans Iordanem hoc uocabulo, id est Sohot, inter partes Scythopoleos. Et uenit Iacob Salem, ciuitatē Sichem, in terra Chanaan, quum uenisset de Mesopotamia Syriæ. Error oboritur quomodo Salem, Sichē ciuitas appelletur, quum

De aduētū Iacob in Sohot
IX

Hieru

Hierusalem in qua regnavit Melchisedech, Salem ante sit dicta. Aut enim unius nominis urbs utraq; est, quod etiam de pluribus Iudeę locis possumus inuenire, ut idem urbis & loci nomen in alia atq; alia tribu sit: aut certe istam Salem, quę nunc pro Sichem nominatur, dicimus hic interpretatā Consummatam, atq; perfectam: & illam quę postea Hierusalem dicta est, pacificam, nostro sermone transferri. Vtrumq; enim accentu paululū declinato hoc uocabulum sonat. Sequitur,

C. XXXIII

De stupro

Dinę X

EGRESSA est autem Dina filia Lię, ut uideret mulieres regionis illius. Quam quum uidisset Sichem filius Emor Ethei princeps terrę illius, adamauit, rapuit, & dormiuit cum illa, ui opprimens uirginē, & conglutinata est anima eius cum ea, tristemq; blanditijs deliniuit: & pergens ad patrem suum ait, Accipe mihi puellam hanc coniugem.) Si iam cum illa dormierat, eamq; humiliauerat, quomodo postea uirginē uocat: nisi fortē uirgo nomen ætatis est secundum Hebræum eloquium: an potius per recapitulationem postea commemoratur, quod primo factū est: Prius enim potuit intendere animę ipsius & adamare uirginem, & loqui secundum sensum uirginis: & deinde cum illa dormire, eamq; humiliare. Dina quippe ut mulieres uideat extraneę regionis egreditur, quādo unaquęq; mens sua studia negligens, actiones alienas curans, extra habitum atq; extra ordinē proprium euagatur. Quam Sichem princeps terrę uidit & adamauit: quia uidelicet inuentā in curis exterioribus, diabolus corrumpit: & adglutinata est anima eius cum ea, quia unitā sibi per iniquitatem efficit. Et quia quum mens peccare se cōspicit, admissum flere conatur: corrupta autem spes ac securitates uacuas ante oculos uocat, quatinus utilitatem tristitię subtrahat: recte illic adiungitur, Tristemq; blanditijs deliniuit. Modo enim aliorū facta grauiora, modo nihil esse quod perpetratum est, modo misericordem deum loquitur, modo tempus adhuc subsequens ad pœnitentiam pollicetur: ut dum per hoc decepta mens ducitur, ab intentione pœnitentię suspendatur: quatenus tunc bona nulla suscipiat, quam nunc mala nulla cōtristant: & tunc plenius obsidatur supplicijs, quę nūc gaudet etiam in delictis. Sequitur, Et ecce die tertio quando grauissimus est dolor uulnerrum, arreptis duo Iacob filij, Simeon & Leui fratres Dinę, gladijs ingressi sunt confidenter: interfectisq; omnibus masculis, Emor & Sichem pariter necauerunt, tollentes Dinam de domo Sichem sororem suam. Quibus egressis introierunt super occisos cæteri filij Iacob, & depopulati sunt urbem in ultionem stupri sororis suę.) Apparet ergo his uerbis, non transeūter sicut uiator solet, illic mansisse Iacob: sed agrum emisit, tabernaculum constituisse, aram instruxisse: ac per hoc diutius in Sichem māsisse, quę alio nomine dicitur Salem, quę est in terra Chanaan. Filiam uero eius quū in eam uenisset ætatem, ut amicas habere iam posset, uidere uoluisset filias ciuium loci, atq; ita factam esse pro illa cruētissimam cædem & deprædationem, quę iam, ut puto, quęstionem non habet. Multitudo enim non parua fuit, quia plurimum diratus

n

erat.

erat. Sed filij eius in hoc facto nominantur, quia eiusdem facti principes atq; autores fuerunt. Sequitur.

CA. XXXV

INTEREA loquutus est deus ad Iacob, Surge, & ascende Bethel, & ha-

bita ibi: facq; altare deo, qui apparuit tibi, quando fugiebas fratrem tuum.) Quare non dixit, Et fac ibi altare mihi, qui apparui tibi: sed deus dicit, Fac ibi aram deo qui apparuit tibi: Vtrū filius ibi apparuit, & deus pater hoc dicit: an in aliquo genere loquutionis adnumerādum, sicut est illud, Pluit dominus à domino: Sequitur, Ait, Abijcite deos alienos, qui in medio uestri sunt, & mundamini, & mutate uestimenta uestra, Surgite, & ascēdamus in Bethel, & faciamus ibi altare domino, qui exaudiuit me in die tribulationis meæ, & fuit socius itineris mei. Dederunt ergo ei omnes deos alienos quos habebāt, & in aures quæ erāt in auribus eorum. At ille infodit ea subter terebinthū, quæ est post urbē Sichem.) Quæritur quare in aures, quæ ornamenta erant, & ad idolatriam nō pertinebant; nisi quia intelligendū est, phylacteria fuisse dæmoniorum: Nam Rebeckā à seruo Abrahamæ in aures accepisse, scriptura testatur. Quod non fieret, si ei in aures ornamēti gratia non licerent. Ergo illæ in aures, quæ cum idolis datæ sunt, ut dictum est, idolorū phylacteria fuerunt. Sequitur, Quumq; profecti essent, terror domini inuasit omnes circa regiones, & non sunt ausi persequi recedētes.) Incipiamus aduertere, quomodo deus operetur in mentibus hominum. A quo enim timor dei factus est in illis ciuitatibus, nisi ab illo qui sua promissa in Iacob filijsq; eius tuebatur: Sequit, Venit igitur Iacob Luzam, quæ est in terra Chanaan, cognomēto Bethel, ipse & omnis populus cum illo. Aedificauitq; ibi altare, & appellauit nomen loci, domus dei: ibi enim apparuit ei deus, quum fugeret fratrem suum.) Ecce manifestissime comprobatur Bethel, non Vlamau, ut Septuaginta interpretes dixerunt, sed Luzam, id est Amygdalum, ante uocitatum. Nec mirū debet uideri. Multis enim locis hoc accidit, & in ciuitatibus, & in fluminibus, & in quibusq; terrarum locis, ut ex alijs atq; alijs causis uel adderentur uel mutarentur uocabula, sicut & hominibus. Sequitur, Eodē tempore mortua est Debbora nutritrix Rebeckæ, & sepulta ad radices Bethel subter quercū. Vocatumq; est nomen loci illius, quercus fletus.) Debbora enim typum gerebat Mosaicę legis, quæ ut apes mella diuinæ cognitionis & cultus populis præbuit, quæ ob hoc etiam domini nutricula fuit: quia ut Apostolus ait, Natus ex muliere, factus est sub lege. Vmbra igitur & imagines legis tūc mortuæ atq; sepultæ noscuntur, quando dominus in passione sua legitur exclamasse, Consummatum est. Quercus uero sub qua Debbora sepulta esse pronuntiatur, crux intelligenda est domini: quæ ob hoc quercus est appellata fletus, quia in ea suspensa est uita, quæ Iudæis incredulis perpetuū intulit luctū. Sequitur, Apparuit autem iterū deus Iacob postq; reuersus est de Mesopotamia Syriæ, benedixitq; ei, dicens, Non uocaberis ultra Iacob, sed Israel erit nomen tuū. Et appellauit eū Israel.) Dudum nequaquam ei ab angelo nomen imponitur, sed quod imponendum

De morte
Debbora XI

nendum à deo sit prædicitur. Quod igitur futurum ibi promittitur, hic docetur expletum. Hoc ergo ei dicit iterum deus in benedictione, quæ repetitio confirmat magnū promissum in hoc nomine. Nam hoc mirū est. Quibus enim semel dictum est, amplius eos non uocari quod uocabantur, sed quod eis nomen nouū imponebatur, omnino amplius aliquid non uocatos, nisi quod eis impositum sit: istum autem per totam uitam suam appellatum esse Iacob, cui semel deus dixerat, Non iam uocaberis Iacob, sed Israel erit nomē tuū. Nimirum ergo nomen hoc ad illam recte intelligitur pertinere promissionē, ubi sic uidebitur deus quomodo non est antea patribus uisus. Ibi enim non erit nomen uetus, quia nihil remanebit uel in ipso corpore uetustatis, & dei uisio summum erit præmiū. Sequitur, Ego deus omnipotēs: crescere & multiplicare: gentes & populi nationū erunt ex te, reges de lumbis tuis egrediētur. Vtrum gentes secundum carnem, congregationes autem gentium secundū fidem: an utrūq; propter fidem gentium dictum est. Sed gentes appellari nō possunt, una gens Israel secundum carnem. Sequitur, Ille uero erexit titulū lapideum in loco quo loquutus fuerat ei deus, libans super eum libamina, & effundens oleum, uocansq; nomen loci Bethel. Iterum factū est hoc loco quod factum fuerat, an iterum commemoratū est? Sed quodlibet horum sit, super lapidem libauit Iacob, non lapidi libauit: non sicut idololatræ solent, aras ante lapides constituere, & tanquam dñs libare lapidibus. Sequitur, Egressus autē inde, uenit uerno tempore ad terrā quæ ducit Effrata. In qua quum parturiret Rachel, ob difficultatem partus periclitari cœpit. Dixitq; ei obstetrix, Noli timere: quia & hunc habebis filium. Egrediēte autem anima præ dolore, & imminente iam morte uocauit nomē filij sui Benoni, id est, filius doloris mei. Pater uero appellauit eum Benjamin, id est, filius dextræ. Mortua est ergo Rachel, & sepulta in uia, quæ ducit Effrata, hæc est Bethlehem, erexitq; titulum super sepulchrum eius. Effrata uero & Bethlehem unius urbis uocabulum est, sub interpretatione consimili. Siquidem in frugiferam & in domū panis uertitur, propter eum panē qui de cœlo ibi descēdisse legitur. Sed quid sibi uult, quod quū eundē Benjamin Rachel pareret, uocauit nomen eius, filius doloris mei: nisi futurū prophetans ex eius tribu Paulum, qui affligeret filios ecclesiæ persecutionis suæ tempore? Siue aliter per Benjamin terrestris figurabat Hierusalem, quæ est in tribu eiusdem Benjamin, cuius populus graui matrem dolore affecit, effundendo sanguinem prophetarū, insuper etiam in necem Christi impijs acclamando uocibus, sanguis eius super nos & super filios nostros. Sequitur, Egressus inde, fixit tabernaculum trans torrentem gregis. Quod alia translatio dicit, Trans torrētem Hader. Hunc locum esse Hebræi uolunt, ubi postea templum ædificatū est: & turrim Hader, turrim gregis significari: hoc est, congregationis & cœtus: quod Micheas propheta testatur, dicens, Et tu turris gregis filia Sion, & cætera. illoq; tempore Iacob trans locū ubi postea templum ædificatū est, habuisse tentoria. Sed sequamur ordinem. Via pa-

De morte Ra-
chel XII

De concubitu
Ruben cū Ba-
la XIII

Catalogus fi-
liorum Iacob
XIII

storum iuxta Bethlehēm locus est, ubi uel angelorū grex in ortu domini cecidit, uel Iacob pecora sua paut, loco nomen imponens: uel quod uerius est, uaticinio futurum iam tunc mysterium monstrabatur. Sequitur, Quumq̃ habitaret in illa regione, abiit Ruben, & dormiuit cum Bala cōcubina patris sui, quod illum minime latuit.) Ruben concupiscentia motus libidinis, in concubina patris sui præceps efferbuit. Quod incæsti crimen non scriberetur, nisi futura peruersitas Israelitici populi prænuntiaretur. Quanquā & in illo qui hoc commisit, consideretur esse flagitium, in scripturis tamē est prophetia futurorum. Namq̃ per Ruben primogenitū, populus primogenitus Israel ex circūcisione significatur. Qui thorū concubinæ polluit, id est, legem ueteris testamenti sæpe præuaricando commaculauit. Quod autem in concubina lex ueteris testamenti ponatur, Paulus apostolus docuit, dicens, Abraham duos filios habuit, unum de ancilla, & unum de libera: hæc autē sunt duo testamenta: & cætera. In quo Agar quæ concubina fuit, ueteris testamēti ponitur typus: una est enim perfecta colūba genitricis suæ, quæ uirgo casta regina & sponsa Christi ecclesia per euangelium iungitur. Sequitur, Erant autem filij Iacob duodecim, Filij Liæ: primogenitus Ruben, & Simeon, & Leui, & Iudas, & Issachar, & Zabulon. Filij Rachel: Ioseph, & Benjamin. Filij Balæ ancillæ Rachel: Dan, & Neptalim. Filij Zelphæ ancillæ Liæ: Gad, & Aser. Hi filij Iacob, qui nati sunt ei in Mesopotamia.) Quomodo XII filij Israel computātur qui nati sunt, & dicitur, Hi sunt filij Israel, qui nati sunt ei in Mesopotamia: quum Benjamin longe postea natus sit, quum iam transisset Bethel, & appropinquaret Bethlehēm? Hinc frustra quidam conātes istam soluere quæstionē dixerunt, non legendum, Nati sunt: sicut Latini pleriq̃ codices habent: sed, Facti sunt: Græce enim scriptū est, ἐγένοντο. Ita uolentes intelligi, etiam Benjamin quāuis ibi natus non fuerit, ibi factum tamen: quia iam fuerat in utero seminatus, ut prægnans inde Rachel exisse credatur. Hoc autem modo etiam si, Nati sunt, legeretur, possent dicere iam in utero natus erat, quia cōceptus erat: sicut & de sancta Maria dictum est ad Ioseph, Quod enim in ea natū est, de spiritu sancto est. Sed aliud est quod impedit hanc solutionē quæstionis huius: quia si iam Benjamin ibi conceptus erat, qui filij Iacob grandes inde exierant, uix annorum XII esse poterant. Viginti namq̃ annos illic expleuit, quorum primis VII, sine coniugio fuit, donec seruiēdo adipisceretur. Ut ergo primo anno quod duxit uxorem, ei filius nasceretur, XII annorum esse poterat primitiuus, quum inde profectus est. Proinde si iam conceptus fuerat Benjamin, intra X menses omnis illa uia peracta est, & quicquid in itinere adscriptum est. Vnde sequitur, ut filij eius tam paruuli, pro sorore sua Dina tantam stragem fecerint, tot homines trucidauerint, ita expugnaverint ciuitatem: in quibus Simeon & Leui, qui primi gladijs accincti intrauerunt ad illos, hominesq̃ peremerunt, unus undecim, alius autem decem annorum fuisse reperiatur: etiā si per annos singulos sine intermissione illa pepererat: quod utiq̃ incredibile est, ab illius

illius ætatis pueris, illa omnia fieri potuisse: quando & ipsa Dina uix adhuc sex annorum fuit. Proinde aliter soluenda quæstio est, ut ideo intelligatur dictum esse, cōmemoratis XII filijs, Hi sunt filij Iacob, qui nati sunt ei in Mesopotamia Syriæ: quia inter omnes, qui tam multi erant, unus tantum erat non ibi natus. Qui tamen inde habuit nascendi causam, quod ibi mater eius patri copulata est. Sed solutio ista quæstionis, aliquo exemplo loquutionis similis firmanda est. Nulla tamen facilius est solutio quæstionis huius, quàm ut per synecdochen accipiatur. Vbi enim pars maior est, aut potior, solet eius nomine etiam illud comprehēdi, quod ad ipsum nomen pertinet: sicut ad XII apostolos iam non pertinebat Iudas, qui etiam mortuus fuit, quū dominus resurrexit à mortuis: & tamen ipsius duodenarij numeri nomen, Apostolus in epistola sua tenuit, ubi ait, Quum apparuisset illis duodecim. Cum articulo enim hoc Græci codices habent, ut non possent intelligi quicumq; XII: sed illi, in eo numero insignes. Eo modo loquutionis puto & illud à domino dictū, Nonne ego uos duodecim elegi, & unus ex uobis diabolus est: ut non ad electionem ipse pertinere uideretur. Sic quia aptior erat numerus XII filiorum Iacob, qui nati fuerant in Mesopotamia, ipsorum cōmemoratione scriptura cōplexa est etiam Beniamin, qui non erat ibi natus, & dictum est, Hi filij Iacob qui nati sunt ei in Mesopotamia Syriæ. Sequitur,

HÆ SVNT autem generationes Esau: ipse est Edom. Esau accepit uxores de filiabus Chanaan: Ada, filiam Elom Ethæi: & Olibama, filiā Manæ filij Esebon Euæi: Basemath quoq; filiam Ismahel, sororem Nabaioth. peperit autem Ada, Eliphaz: Basemath genuit Raguel: Olibama ædedit Hieus, & Elom, & Chore. Hi filij Esau, qui nati sunt ei in terra Chanaan.) Quod post narrationē mortis Isaac, narratur quas uxores acceperit Esau, & qui ei filij nati sint, recapitulatio intelligēda est. Neq; enim post mortem Isaac fieri cepit, quum iam essent Esau & Iacob CXX annorum. Nam eos sexagenarius suscepit, & per omnes annos uitę suę CLXXXV. Iste est Eliphaz, cuius scriptura in Iob uolumine recordatur. Sequitur, Tulit autem Esau uxores suas, & filios & filias, & omnem animā domus suę, & substātiā, & pecora, & cuncta quæ habere poterat in terra Chanaan, & abiit in alterā regionem, recessitq; à fratre suo Iacob. Diuites enim erant ualde, & simul habitare non poterāt, nec sustinebat eos terra peregrinationis eorum præ multitudine gregum. Habituauitq; Esau in monte Seir, ipse est Edom.) Esau & Edom & Seir, unius nomen est hominis: & quare uarie nuncupetur, supra dictū est. Sed quæstio est, quomodo scriptura dicat, post mortem Isaac patris sui, Esau abscessisse de terra Chanaan, & habitasse in monte Seir: quum ueniēte de Mesopotamia Iacob fratre eius, legat quod iam illic habitabat. Proinde quid fieri potuerit, ut scriptura falli, uel fallere non credatur: in promptu est cogitare, quod scilicet Esau postea quàm in Mesopotamiam frater eius abcessit, noluit habitare cum parentibus suis: siue ex illa cōmotione, qua dolebat se benedictione fraudatum,

Ca. XXXVI

De generationibus Esau

XV

De regibus
Edom XVI

sive alia aliqua causa, uel uxorū suarum quas odiosas uidebat esse parētibus, uel qualibet alia, & cœperat habitare in monte Seir: deinde post reditū Iacob fratris sui, facta inter eos cōcordia, reuersus est & ipse ad parentes: & quū mortuum patrem simul sepelissent, quia eos plurimum ditatos terra illa, sicut scriptum est, minime capiebat, abcessit rursus in Seir, & ibi propagauit gentem Idumæorū. Sequitur, Reges autem qui regnauerunt in terra Edom, anteq̃ haberent regem filij Israel, fuerunt hi: Bahale filius Beor, nomenq̃ urbis eius Denaba. Mortuus est autem Bahale, & regnauit pro eo Iobab filius Zaræ de Bosra.) Hunc quidam suspicantur esse Iob, ut in fine uoluminis ipsius additum est. Contra Hebræi de Nachor eum stirpe generatū affirmant, ut iam supra dictum est. Quod aut̃ scriptum est, Hi reges qui regnauerunt in Edom antequā regnaret rex in Israel, non sic accipiendum est, tanquā omnes reges nominati sint, usq̃ ad ea tempora quib. cœperunt reges Israel, quorū primus fuit Saul. Multi enim fuerunt in Edom usq̃ ad tempora Saul, sub tēporibus etiam iudicum, quorum tempora fuerunt ante reges. Sed ex his multis, eos solos potuit commemorare Moyses, qui fuerunt anteq̃ ipse moreretur. Nec mirum est, quod numerantibus ab Abraham per Esau patrem gentis Idumæorum, atque per Raguel filium Esau, & Zara filium Raguel, & Iobab filium Zaræ, cui Iobab successit in regnū Balach, qui primus in terra Edom rex fuisse commemoratur, usq̃ ad ultimum regem quem potuit nominare Moyses plures generationes inueniuntur, quā numerantur ab Abraham per Iacob usq̃ ad Moysen. Nam illic inueniuntur ferè undecim, hic autē usq̃ ad Moysen ferè septem. Fieri enim potuit, ut ideo ibi plures nominarentur, quia citius moriendo plures alter alteri successerunt. Sic etiam contigit, ut alium ordinem sequens Matthæus, ab Abraham usq̃ ad Ioseph quadragintaduas generationes numeret: Lucas autem in ordine alio numerās generationes, non per Salomonē sicut ille, sed per Nathan, ab Abraham usq̃ ad Ioseph quinquagintaquinq̃ commemoret. In illo quippe ordine ubi plures numerātur, citius mortui sunt, quā hic, ubi pauciores. Ne fortè autem moueat aliquem, quod inter reges Edom commemoratur Balach filius Beor, & de similitudine nominis existimet illum esse Balaach qui restitit Moyſi ducenti populum Israel: sciat illum Balaach Moabiten fuisse, non Idumæum: fuisseq̃ filium Sefphor, non filium Beor: fuisse etiā ibi tunc filium Beor, Balaam, non Balaach: quem Balaam conduxerat idem Balaach, ad maledicendū populum Israel.

C. XXXVII

De odio fratru in Ioseph XVII

IOSEPH quum sexdecim esset annorū, pascebat gregem cum fratribus suis, adhuc puer, & erat cum filijs Balæ, & Zelphæ, uxorū patris sui: accusauitq̃ fratres suos apud patrem, crimine pessimo. Israel autē diligebat Ioseph super omnes filios suos, eo quod in senectute genuisset eū, fecitq̃ ei tunicā polymitam. Videntes autē fratres eius, quod à patre plus cunctis fratribus amaretur, oderant eum, nec poterant ei quicquam pacifice loqui.) Si sextodecimo anno Ioseph in Ægyptum est uenditus, ante XIII annos q̃ moreretur auus eius

eius uenditus inuenitur: XVI enim annorum esse non potuit, nisi ante XIII annos mortis Isaac, CVII anno uitæ patris sui Iacob. His enim quæ adiecerimus XXIII, quibus Ioseph usque ad aduentum patris sui fuit in Ægypto, fient anni ætatis Ioseph XXXIX, & Iacob CXXX, & nulla erit quæstio. Sed quoniam scriptura post mortem Isaac ista narravit, putatur Ioseph post eiusdem patris sui mortem XVI annorum fuisse. Quapropter intelligamus de uita Isaac tanquam multum decrepiti senis tacuisse scripturam, quum de Iacob & eius filijs loqueretur. Viuo tamen Isaac, XVI annorum esse coepit Ioseph. Accidit quoque ut uisum somnium referret fratribus suis, quæ causa maioris odij seminariū fuit. Dixitque ad eos, Audite somnium meum, quod uidi. Putabam nos manipulos ligare in agro, & quasi consurgere manipulum meum, & stare, uestrosque manipulos circumstantes adorare manipulum meum. Responderunt ei fratres eius. Nunquid rex noster eris, aut subiiciemur ditioni tuæ? Hæc ergo causa somniorum atque sermonum, inuidiæ & odij fomitem ministravit. Aliud quoque uidit somnium, quod narras fratribus, ait, Vidi per somnium, quasi solem & lunam & stellas undecim adorare me. Quod cum patri suo & fratribus retulisset, increpauit eum pater, & dixit, Quid sibi uult hoc somnium, quod uidisti? Num ego & mater tua & fratres tui adorabimus te super terram? Inuidebāt igitur ei fratres sui, pater uero rem tacitus considerabat. Quod dicit Iacob ad Ioseph Quod est somnium hoc quod somniasti? nunquid ueniētes ueniemus, ego & mater tua & fratres tui adorare te super terrā? nisi in aliquo mysterio dictum accipiat, quomodo intelligit de matre Ioseph, quæ iam erat mortua? Vnde nec in Ægypto quum sublimaretur putandum est hoc esse completum: quia nec pater eum adorauit, quando ad eum uenit in Ægyptum, nec mater olim defuncta potuit. In Christi ergo persona facile intelligi potest etiam de mortuis, secundum quod dicit Apostolus, Quia donauit ei nomen, quod est super omne nomen, ut in nomine Iesu omne genu flectatur, cœlestium, terrestrium, & infernorum. Sequitur, Perrexit ergo Ioseph post fratres suos, & inuenit eos in Dothaim. Qui quum uidissent eum procul antequam accederet ad eos, cogitarunt eum occidere, & mutuo loquebantur, Ecce somniator uenit, uenite, occidamus eum, & mittamus in cisternam ueterem, dicemusque, fera pessima deuorauit eum: & tunc apparebit, quid illi prosint somnia sua. Audiens autem hoc Ruben, nitebatur liberare eum de manibus eorum, & dicebat, Non interficiamus animam eius, nec effundamus eius sanguinem, sed projcite eum in cisternam hanc, quæ est in solitudine, manusque uestras seruate innoxias. Hoc autem dicebat, uolens eripere eum de manibus eorum, & reddere patri suo. Confestim igitur ut peruenit ad fratres suos, nudauerunt eum tunica talari & polymita, miseruntque in cisternam quæ non habebat aquam. Et sedentes, ut comederent panem, uiderunt Ismahelitas uenire de Galaath, & camelos eorum portantes aromata, & resinam, & stacten in Ægyptum. Dixit ergo Iudas fratribus suis, Quid nobis prodest, si occiderimus fratrem nostrum,

De somnijs Ioseph & uenditione XVIII

strum, & celauerimus sanguinem illius: Melius est, ut uenūdetur Ismahelitis, & manus nostræ non polluātur: frater enim & caro nostra est. Acquieuerunt fratres sermonibus eius, & prætereuntibus Madianitis negotiatoribus, extrahentes eum de cisterna, uendiderūt Ismahelitis triginta argenteis.) Quæritur quare Ismahelitas scriptura, quibus à fratribus uenditus est Ioseph, etiā Madianitas uocet: quum Ismahel sit de Agar filius Abrahæ, Madianitæ uero de Cethura: An quia scriptura dixerat de Abrahā, quod munera dederit filiis cōcubinarum suarum Agar scilicet, & Cethuræ, & dimiserit eos ab Isaac filio suo in terram orientis, unam gentem fecisse intelligēdi sunt: Sequitur, Qui duxerunt eum in Ægyptum. Reuersusq; Ruben ad cisternā non inuenit puerum, & scissis uestibus pergens ad fratres, ait, Puer non comparet, & ego quō ibo: Tulerunt autem tunicam eius, & in sanguine hœdi quem occiderant, tinxerunt, mittētes qui ferret ad patrem, & diceret, Hanc inuenimus: uide utrum tunica filij tui sit, an non: Quam quum cognouisset pater eius, ait, Tunica filij mei est, fera pessima comedit eum, bestia deuorauit Ioseph. Scissisq; uestibus indutus est cilicio, lugens filium multo tempore. Congregatis autem liberis eius, ut lenirent dolorem patris, noluit consolationem recipere: sed ait, Descendam ad filium meum lugens in infernū.) Solet esse magna quæstio quomodo intelligatur esse infernum: utrum illic mali tantum, an etiam boni, mortui descendere soleant. Si ergo tantum mali, quomodo iste ad filium suum se dicit, lugendo uelle descendere: Non enim in pœnis inferni eum esse credebat, sed perturbati & dolentis uerba sunt, mala sua etiam hinc exaggerantis. Sequitur, Madianitæ uero uēdiderunt Ioseph in Ægyptum Putiphari eunūcho Pharaonis, magistro militiæ.) Quæritur quomodo postea isdem Eunuchus uxorem habere dicatur. Tradunt Hebræi emptū ab hoc Ioseph, ob nimiam pulchritudinem in turpe ministerium, & à domino uirilibus arefactis postea electum esse, iuxta morem Hierophantarū, in pontificatum Heliopoles: & huius filiam esse Assenez, quam postea Ioseph uxorem acceperit. Ioseph unus ex XII filiis Iacob, quem pater præ cæteris filiis dilexit, Christū dominum figurauit: quem deus pater, secundū carnem natum, cæteris fratribus ex Abraham stirpe genitis prætulit. Vnde & ibi dicitur, Amabat eum Iacob, eo quod in senectute genuisset eum. Senesciente enim mūdo, illucescens dei filius per Mariæ uirginis partum, serus aduenit, tanquā filius senectutis, secundum sacramentum suscepti corporis, qui erat ante per substantiam deitatis semper cum patre. Tunica uero polymita, quam fecit ei pater, uarietatem populorum ex omnibus gentibus in corpore Christi congregatam significauit. Somnium uero illud, per quod fratrum manipuli adorauerunt manipulum eius, illud est quod in Christo completū est, Adorabūt eum omnes reges terræ, omnes gentes seruiant ei: scilicet per fidem, fructū bonorū operum afferentes. Ipse est, quem sol & luna adorant, & stellæ, de quo sole dictū est, Laudate eum sol & luna, laudate eum omnes stellæ. Ipsum enim excellētia sanctorū in solis

solis nomine, & ecclesiæ claritas sub imagine lunæ & omnium populorū numerositas in figura stellarū adorant. Vnde pater suus increpauit eum, dicens, Nunquid ego & mater tua & fratres tui adorabimus te? Obiurgatio ista patris, duritiam populi Israel significat: pro eo quod ex se natum Christum esse cognoscunt, & adorare contēnunt. Iacob mittit Ioseph filium suum, ut de fratribus sollicitudinem gereret: & deus pater misit filium suum unigenitū, ut genus humanū peccatis lāguīdum uisitaret. Mittitur ab illo utiq; patre, de quo scriptum est, Misit deus filium suum in similitudine carnis peccati, ut uideret si recte ageretur oues. Et dominus ait in euāgelio, Non ueni, nisi ad oues perditas domus Israel. Inuenit ergo Ioseph fratres suos in Dotaim. Dotaim interpretatur, defectio. Vere in grandi defectione erant, qui de patricidio fratris cogitabant. Quumq; uidissent Ioseph fratres sui procul, occidere eum cogitauerunt: & Iudæi uidentes uerum Ioseph, dominum Iesum Christum, ut eum crucifigerent, unum omnes cōsiliū statuerunt, dicentes, Crucifige eum. Fera pessima deuorauit eum: id est, plebs Iudaica interfecit eum: de qua dominus in euangelio dicit, Ecce ego mitto uos, sicut oues in medio luporum. Nuda uerunt Ioseph fratres sui tunica polymita & talari, & Iudæi Christum per mortem crucis expoliauerūt tunicam corporalem. Polymitam autem, id est, decoratam omnium uirtutum diuersitate. Resparserūt autem tunicam hœdi sanguine, quia falsis eum testimonijs accusantes, in inuidiā deduxere populi, peccata donantem omnium. Mittitur dehinc in cisternā, id est, in lacum: & Christus expoliatus carne humana descendit in infernum. De cisterna quoq; leuatus ille Ismahelitis, id est, gentilibus uenditur: & Christus postquā de inferno egreditur, ab omnibus gentibus fidei cōmercio comparatur. Ille per Iudæ consiliū, triginta argenteis distrahitur: & hic Christus per consiliū Iudæ Scariotis eodem numero uenundatus est. Dehinc Iacob posteritatis suæ deplorans deficiētia, quasi pater lugebat filium amissum, quasi propheta flebat interitum Iudæorum. Deniq; scidit uestimētum suum, quod in passione legis factum à principe sacerdotū: sed & uelum templi scissum est: ut propheta & nudatum suum populum, & diuisum ostenderet regnum.

EO TEMPORE descendens Iudas à fratribus suis diuertit ad uirum Odollamitem nomine Hiram, uiditq; ibi filiam hominis Chananæi uocabulo Sue, & uxore accepta ingressus est ad eam. Quæ concepit & peperit filium, uocauitq; nomen eius Her. Rursus concepto fœtu, natum filium nominauit Onan. Tertium quoq; peperit, quem appellauit Sela. Quo nato, parere ultra cessauit. Dedit autem Iudas uxorem primogenito suo Her, nomine Thamar. Fuitq; Her primogenitus Iudæ nequam in cōspectu domini, & ab eo occisus est. Dixit ergo Iudas ad Onan filium suum, Ingredere ad uxorem fratris tui, ut suscites semen fratri tuo. Ille sciens non sibi nasci filios, introiens ad uxorem fratris sui, semen fundebat in terram, ne liberi fratris nomine nascerentur. Et idcirco percussit eum dominus, quod rem detestabilem fecisset.

Quam/

CAPVT

XXXVIII

De uxore &
liberis Iudæ

XIX

Quamobrem dixit Iudas nurui suę, Esto uidua in domo patris tui, donec crescat Sela filius meus. Timebat enim ne & ipse moreretur, sicut fratres eius.) Quæritur quomodo ista fieri potuerint. Si enim postea quàm Ioseph deuenit in Ægyptum, quomodo intra uiginti ferme & tres annos; nam post tantum temporis colligitur eos uenisse ad eundem Ioseph fratrem suum in Ægyptum cū patre suo. Fieri enim potuit, ut Iudas & filij eius iuxta ætatis annos possent ducere uxores. Nam Thamar nurū suam, mortuo primogenito suo alteri filio dedit: quo etiā mortuo, expectauit ut cresceret tertius: & quum creuisset, nec illi eam dedit, timens ne & ipse moreretur. Vnde factum est, ut eidem socero suo se illa supponeret. Quomodo ergo hæc omnia intra tam paucos annos fieri potuerint, merito mouet: nisi ut forte solet scriptura per recapitulationem aliquos annos ante uenditū Ioseph, hoc fieri cœpisse intelligi uelit: quoniam sic positū est, ut diceretur, factum est in illo tempore. Vbi tamen quæritur, si XVI annorum erat Ioseph quando uenditus est, quot annorū esse Iudas potuerit quartus filius Iacob, quandoquidē ipse primogenitus Ruben ut plurimū fratrem suum Ioseph quinq; aut sex annos potuerit ætate præcedere. Euidenter autem scriptura dicit xxx annorum fuisse Ioseph, quādo innotuit Pharaoni. Quum ergo ipse anno XVI ætatis suæ uenditus fuisse credatur, XIII annos peregerat in Ægypto ignotus Pharaoni. Ad hos autē XIII annos accesserūt VII anni ubertatis, & facti sunt anni XXI. His addūtur duo, quia secūdo anno famis intrauit Iacob in Ægyptū cum filijs suis, & inueniuntur XXIII anni, quibus absuit Ioseph à patre & à fratrib. suis. Quo medio tempore quomodo fieri potuerint de uxore & filijs & nuru Iudæ omnia quæ narrant, indagare difficile est: nisi forte ut credamus, & hoc enim fieri potuit, mox ut adolescere Iudas cœpit, eum incidisse in amorē eius quam duxit uxorem, nondum uendito Ioseph in Ægyptum. Sequitur, Euolutis autē multis diebus, mortua est Sue uxor Iudæ. Qui post luctum consolatione recepta, ascendebat ad tonfores ouium suarum, ipse, & Hiras opilio gregis Odollamita, in Thamnas. Nuntiatūq; est Thamar, quod socer eius ascenderet in Thamnas ad tondēdas oues. Quæ depositis uiduitatis uestibus, assumpsit theristrū, & mutato habitu sedit in biuio itineris quod ducit Thāna, eo quod creuisset Sela & non eum accepisset maritum. Quam quum uidisset Iudas, suspicatus est esse meretricem: operuerat enim uultum suum ne cognosceretur. Ingrediēsq; ad eam ait, Dimitte me ut coeam tecum. Nesciebat enim quod nurus sua esset. Qua respondente, Quid mihi dabis, ut fruaris concubitu meo, dixit, Mittam tibi hœdum de gregibus. Rursum illa dicente, Patiar quod uis si deris mihi arrabonem, donec mittas quod polliceris, Ait Iudas, Quid uis tibi pro arrabone dari? Respōdit, Anulum tuum & armillam, & baculum quem manu tenes. Ad unum igitur coitum concepit mulier, ac surgens abiit, deposi-
toq; habitu quem assumpserat, induta est uiduitatis uestibus.) Si enim uir & uxor, sicut dominus dicit, non iam duo sed una caro est: non aliter nurus est,
quàm

quàm filia deputanda: tamen eum quantū in ipso erat deformiter cum meretrice cubasse, non dubium est. At illa quæ socerum fefellit, non carnis eius concupiscentia, nec meretriciæ mercedis cupiditate peccauit: sed ex ipso sanguine prolem requirens, ex quo duobus etiam fratribus nupta, tertio quoque denegato habere non potuit, patri eorum socero suo foetandum corpus fraude subiecit. Melius quidem sine filiis remaneret, quàm sine iure matrimoni mater fieret. Longe tamen alia intentione peccauit, quod filiis suis patrem prouidit socerum suū, quàm si eum sibi concupisset adulterū. Denique cum iussu eius produceretur ad mortem, & uirgam monile atque anulum protulisset, dicens ab eo se grauidatā cuius pignora illa essent: ubi ea quæ dederat ille cognouit, istam magis quàm se iustificatam esse, respondit, quod ei maritum suum coniungere noluisse: qua destitutione compulsa, illo modo potius quàm nullo modo, posteritatem non aliunde quàm ab eadem stirpe conquireret. In qua sententia non eam iustificatam, sed eam plus quàm se iustificatam dicens, nec ipsam laudauit, sed in sui comparatione præposuit: desiderium scilicet habēdæ prolis, quoducta illa se socero supposuerat, minus culpans, quàm libidinosi concubitus ardorem, quo ipse uelut ad meretricem uictus intrauerat: sicut quibusdam dicitur iustificastis Sodomam, id est tantū peccastis ut uobis Sodoma comparata iusta uideatur: quanquam etiam hæc mulier non in peioris facti comparatione minus culpata, sed omnino à socero laudata intelligatur. Quæ tamen consulta illa æterna lege iustitiæ, quæ naturalē ordinem perturbari uetat, non utique tantummodo corporum, sed maxime ac primitus animorū, quia in procreandis filiis ordinatam societatem non custodiuit, merito culpabilis inuenitur. Quid mirum si peccatrix à peccatore laudatur: quod ita nobis Faustus, uel ipsa Manichea peruersitas arbitratur aduersum esse, quasi nobis in huius scripturæ uera ratione digno præconio uitia hominum, quæ ista commemorat, necesse sit approbare. Quin potius necesse est, ut quanto istam religiosius accipimus, tanto fidentius illa culpemus, quæ per eius ueritatem certius culpanda didicimus. Ibi enim fornicatio & omnis illicitus concubitus, diuino iure damnatur. Ac per hoc quum talia quorundam facta commemorat, de quibus eo loco suam taceat sententiā, iudicanda nobis permittit, non laudanda perscribit. Vnde hic expressius apparet, nō ad ipsum Iudam, sed ad Christum, qui ex eius tribu prænūtiabatur in carne uenturus, illam pertinere prophetiam, qua Iacob patriarcha sub nomine illius Iudæ taxatus est. Et ideo magis flagitiū eius diuina scriptura tacere non debuit, sicut non tacuit in uerbis patris eius, quibus post illud dedecus ita laudatur. Quia ipse in prophetia non agnoscitur, alius requiratur. Neque enim Iudas, quum ad Thamar concupiscentia uictus intraret, hanc suæ libidinis intētionem gerebat, ut inde aliquid significaretur, quod ad salutem hominum pertineret: sicut nec Iudas ille qui deū tradidit, hoc intendit, ut aliquid inde gereretur quod ad eandem salutem hominū pertineret. Porro si de tā malo opere Iudæ illius, tam bonū opus dominus

dominus fecit, ut eiusdem suæ passionis sanguine nos redimeret: quid mirum si propheta eius, de quo ipse ait, De me enim ille scripsit, ex malefacto Iudæ istius boni aliquid significauit, ut suo mysterio nos doceret: Ea quippe hominum facta, sancto spiritu disponente atq; inspirante collegit propheta narrator, quorum interpositio non uacaret, ad præsignationem rerum quas intendat prophetare. Ad significanda autē aliqua bona, nihil interest si facta illa quibus ea significātur, seu bona, seu mala sint. Quid enim interest quum uolo aliquid legendo cognoscere, utrum ex minio reperiam scriptos nigros Æthiopes, & ex atramento, candidos Gallos? Verūtamen si non scripta, sed scripturam talem uiderem, sine dubitatione reprehenderem. Ita in factis hominum, quæ ad imitandum uitandum uel proponuntur, magnum interest bona ne an mala sint: quæ autem ad significandum scribuntur, siue dicuntur, nihil refert in moribus facientium, quam laudem reprehensionem uel mereantur: si modo habent aliquam rei, qua de re agitur, necessariam præfigurandi congruentiam. Sicut enim Caiphæ uerba in euangelio, quantum ad eius noxium perniciosumq; animum pertinebat, quantum deniq; ad ipsa uerba, si in eis uoluntatem dicentis attendas, quibus aiebat, ut iustus iniuste necaretur, utique mala erant: tamen magnum bonum illo nesciente significabant, quando ait, Expedi uobis ut unus moriatur homo, & nō tota gens pereat: dictumq; est de illo: hoc autem non à se dixit, sed quum esset pontifex, prophetauit: quia oportebat Iesum mori pro gente: ita factum Iudæ, secundum illius libidinem malum fuit: sed illo nesciente, magnum bonum significauit. A seipso quippe malum fecit, sed non à seipso bonū significauit. Hoc autem quod necessario præloquendum putauī, non ad hoc tantum Iudæ factum, sed etiam ad cætera ualeat, si qua occurrerint mala facta hominum, quibus bonum aliquid à narrante prophetatum est. In Thamar ergo nuru Iudæ intelligitur plebs regni Iudæorum, cui de tribu Iuda reges tanquam mariti adhibebantur. Merito nomen eius amaritudo interpretatur, ipsa enim domino fellis poculum dedit. Duo autem genera principū, qui non recte operabantur in plebe, unū eorum qui male operabantur, alterū eorum qui nihil proderant, significantur in duobus filiis Iudæ: quorum unus erat uir sæuus ante dominū, alter in terram fundebat, ne semen daret ad fecundandam Thamar. Nec sunt amplius quàm duo genera hominū inutilia generi humano: unum nocentium, alterum præstare nolentium: & si quid boni habent in hac terrena uita perdentium, tantumquam in terra fundentium. Et quoniam in malo prior est qui nocet, quàm ille qui non prodest, ideo maior dicitur malignus: & ille sequens, qui fundebat semen in terram, mœror eorum. Nomen quoq; maioris qui uocabatur Her, interpretatur pelliceus, qualib. tunicis induti sunt primi homines in pcena damnationis suæ, dimissi ex paradiso. Sequentis autē nomē qui uocabatur Onan, interpretatur mœror eorum. Quorū, nisi quibus nihil prodest, quum habeat unde prodesse possit, atq; id perdat in terra? Porro maius malum est ablatae uitæ.

uitæ, quod significat pellis: quam non habitæ, quod significat mœror eorum. Deus tamen ambos occidisse dictus est, ubi figuratur regnum talibus hominibus abstulisse. Tertius uero filius Iudæ quod illi mulieri non iungitur, significat tempus ex quo reges plebis Iudæorum cœperunt de tribu Iuda non fieri. Et ideo erat quidem filius Iudæ, sed eum maritum Thamar nō accipiebat: quia erat eadem tribus Iuda, sed iam in populo inde nemo regnabat. Vnde & nomen eius, id est Sela, interpretatur dimissio eius. Non pertinent sanè ad hanc significationē uiri sancti & iusti, qui licet illo tempore fuerint, ad nouum tamen pertinebant testamentū: cui prophetando scienter utiles fuerunt, quālis Dauid fuit. Eo namq; tempore quo iam Iudæi ex tribu Iuda cœperant reges non habere, non est computandus Herodes maior in regibus eius, tanq̃ maritus Thamar, erat enim alienigena. Nec enim sacramēto illo mysticæ unionis tanquam coniugali fœdere cohærebat, sed tanquam extraneus dominabatur, quam potestātē à Romanis & à Cæsare acceperat: sic & filij eius tetrarchæ, quorum erat unus Herodes patris nomine appellatus, qui cum Pilato in passione concordauit. Isti ergo alienigenæ usq; adeo non deputabantur in regno illo mystico Iudæorum, ut ipsi Iudæi publice clamarent, frendentes aduersus Christum, Nō habemus regem nisi Cæsarem: neq; hoc uerum nisi illa uniuersali dominatione Romanorum, quippe Cæsar etiam rex erat non proprie Iudæorū: sed ut Christū negarent, & huic adularentur, ideo se tali uoce damnauerūt. Illo ergo tempore quo iam de tribu Iuda regnum defecerat, ueniēdum erat ad Christum uerum saluatorem dominum nostrum, qui non obesset, multumq; prodesset. Sic enim fuerat prophetatū, Non deficiet princeps ex Iuda, neq; dux de fœmoribus eius, donec ueniat cui repromissum est, & ipse erit expectatio gentium. Iam isto tempore omne quoq; magisterium Iudæorum, & mystica unde Christi uocabantur unctio, ipsa defecerat secundum prophetiā etiam Danielis: tunc uenit cui repromissum erat, qui est expectatio gentium, & unctus est sanctus sanctorum oleo exultationis præ principibus suis. Natus est enim maioris Herodis tempore, passus est autem Herodis minoris tempore. Huius itaq; uenientis ad oues quæ perierant domus Israel, figuram gessit ipse Iudas, quum iret ad tondendas oues in Thamna, quod interpretatur deficiens. Iam enim defecerat princeps ex Iuda, & omne magisterium atq; unctio Iudæorum, ut ueniret cui repositum erat. Venit autem cū suo pastore Odollamite, cui nomē erat Hiras. Et interpretatur Odollamites Testimonium in aqua. Cum hoc planè testimonio dominus uenit, habens quidem testimoniū maius Ioanne: sed tamen propter oues infirmas hoc testimonio est usus in aqua. Nam & ipse Hiras, quod nomen illius pastoris fuit, interpretatur Fratris mei uisio. Vidit omnino fratrem suum Ioannes: fratrem secundum semen Abraham, secundū cognationem Mariæ matris eius & Elisabeth matris suæ: eundemq; dominū & deum suum, quia sicut ipse ait, de plenitudine eius accepit. Vidit omnino, & ideo in natis mulierum maior

illo non exsurrexit, quia ex omnibus prænuntiantibus Christum ipse uidit, quod multi iusti & prophetae cupierunt uidere, & non uiderunt. Salutauit ex utero, agnouit perfectus ex columba, & ideo tanquam Odollamites uere testimonium perhibuit in aqua. Venit autem dominus ad oues tondendas: hoc est, ad exonerandas sarcinis laboriosis, ex quibus ecclesiae in Canticis canticorum, dentes essent uelut grex detonsarum. Iam Thamar habitum mutet. Nam & Commutans interpretatur Thamar: sed in ea prorsus nomen amaritudinis maneat: non illius in qua domino se ministravit, sed illius in qua Petrus amare fleuit. Nam & Iudas, Latine Confessio est. Confessione ergo amaritudo miscatur, ut uera poenitentia praesignetur. Hac poenitentia foecundatur ecclesia, in omnibus gentibus constituta. Oportebat enim Christum pati, & resurgere tertia die, & praedicari in nomine eius poenitentiam & remissionem peccatorum in omnes gentes, incipientibus ab Hierusalē. Nam & ipse habitus meretricius, confessio peccatorum est. Typum quippe iam ecclesiae gerit Thamar, ex gentibus euocata, sedens cum hoc habitu ad portam Ahenā, uel Henaim, quod interpretatur Fontes. Cucurrit enim uelut ceruus ad fontes aquarum peruenire ad semen Abraham: illic à non agnoscente foetatur, quia de illa praedictum est, Populus quem non cognoui, seruiuit mihi. Accipit in occulto anulum, monile, & uirgam: quia uocatione signatur, iustificatione decoratur, glorificatione exaltatur. Quos enim praedestinauit, illos & uocauit: quos autē uocauit, illos & iustificauit: & quos iustificauit, illos & glorificauit: sed haec, ut dixi, adhuc in occulto, ubi fit & conceptio sanctae ubertatis. Mittitur autem promissus haedus, tanquam meretrici: haedus exprobratio peccati per eundem Odollamitam, tanquam increpantem & dicentem, Generatio uiperarum: sed non eam inuenit peccati exprobratio, quam mutauit confessionis amaritudo. Post uero iam publicatis signis, anuli, monilis, & uirgae, uicit temere iudicantes Iudaeos, quorum iam personam ipse Iudas gestabat, qui hodieque dicunt, non hunc esse populum Christi, nec habere nos semen Abraham: sed prolati certissimis documentis nostrae uocationis, iustificationis, & glorificationis, sine dubio confunduntur, & nos magis quam se iustificatos esse fatebuntur. Instante autem partu apparuerunt gemini in utero, atque in ipsa effusione infantum unus protulit manum, in qua obstetrix ligauit coccinum, dicens, Iste egreditur prior. Illo uero retrahente manum, egressus est alter. Dixitque mulier, Quare propter te diuisa est maceria? Et ob hanc causam uocauit nomen eius Phares. Postea egressus est alter, in cuius manu erat coccinum, quem appellauit Zara.) Quir patriarcha Iudas propriae nurus post mortem filii sui legitur expetisse concubitum, quo geminorum partus est editus: nisi ut figura praecederet de utroque Iesu domini testamento, quorum alterum in typo futurae mortis eius est conditum, alterum in euangelii ueritate, duos esse populos generandos, quorum posterior in crucis signo saepe omnem munitionem populi superioris incideret: Hic est populus manu prior, ortu posterior, de quo ipse dominus

dominus Iesus natus ex tribu Iuda, opera sua ante præmisit, quàm nobis ex uirgine nasceretur. Siue aliter, per manum significantur opera. Zara quippe interpretatur, oriens: significauit antiquum Israeliticū populum, sub lege constitutum, qui prior quasi manum misit, quādo dictis prophetis, & legalibus sacrificijs, natiuitatem & passionem domini in carne prænuntiavit: sed instante partu manum subtraxit: quia adueniente plenitudine temporum, credere in dei filium noluit, & eum in præsenti positum despexit, de quo tam multa in postmodum prædixit. Phares uero qui interpretatur diuidens, prior egresus est: quia postquàm cæcitas in Israel facta est, plenitudo gētium introiuit, & sic postmodum Israel saluus erit.

IGITUR Ioseph ductus est in Ægyptum.) Ad ordinem redit scriptura, unde recesserat ut illa narraret quæ supra digesta sunt. Emitq; eum Putiphar, eunuchus Pharaonis, princeps exercitus, uir Ægyptius, de manu Ismahelitarum, à quibus perductus erat: fuitq; dominus cum eo, & erat uir in cunctis prospere agens.) Sicut enim Ioseph descendit in Ægyptum, ita & Christus in mundum: emitq; eum eunuchus, id est castus in disciplinis euangelicis populus Christianus. Erat autem Ioseph pulchra facie & decorus aspectu.) Sic & de Christo Dauid ait, Speciosus forma præ filiis hominum, diffusa est gratia in labijs tuis. Post multos itaq; dies iniecit domina sua oculos suos in Ioseph, & ait, Dormi mecum. Qui nequaquam acquiescens operi nefario, dixit ad eam, Ecce, dominus meus omnibus mihi traditis, ignorat quid habeat in domo sua: nec quicquam est, quod non in mea sit potestate, uel non tradiderit mihi, præter te, quæ uxor eius es. Quomodo ergo possum malum hoc facere, & peccare in dominum meum?) Huiusmodi uerbis per singulos dies, & mulier molesta erat adolescenti, & ille recusabat stuprum. Quisquis mundi huius successibus eleuatur, lenocinante cordis lætitia, tentari se luxuriæ stimulis sentit, Ioseph factum ad memoriam reuocet, & in arce se castitatis seruet: qui dum sibi à domina conspiceret pudicitiae damna suaderi, ait ei, Ecce, dominus meus omnibus mihi traditis, ignorat quid habeat in domo sua: nec quicquā est, quod non in mea sit potestate, uel non tradiderit mihi, præter te, quæ uxor eius es. Quomodo ergo possum malum hoc facere, & peccare in dominum meum? Quibus uerbis ostenditur, quia bona quæ assuetus fuerat, repente memoria reuoluit: & malum quod se pulsabat, eijcit: & quia perceptæ gratiæ meminit, uim culpæ imminenti fregit. Quum enim uoluptas lubrica tentat in prosperis, hæc ipsa sunt prospera aculeo aduersitatis premenda: ut eo erubescamus praua committere, quo nos à deo meminimus gratuita bona percepisse: & illatam gratiam exteriorū, uertamus in arma uirtutum: ut sint ante oculos quæ percepimus, & quæcunq; nos illiciunt subigamus. Quia enim uoluptas ex prosperitate nascitur, eiusdem prosperitatis est consideratione ferienda, quatinus hostis noster unde oritur, inde moriatur. Considerandum quippe est, ne acceptum munus uertamus in uitium, ne per

fauorem uitæ nos absorbeat uorago nequitia. Iram namq; contra nos superbi iudicis inextinguibiliter accendimus, si contra benignitatem illius, etiam ex ipsa sua largitate pugnemus. Sequitur, Accidit autem, ut quadam die intraret Ioseph domum, & operis quippiam absq; arbitris faceret, & illa apprehensa lacinia uestimēti eius, diceret, Dormi mecum. Qui relicto in manu eius pallio, fugit, & egressus est foras.) Dum mulier adultera Ioseph male uti uoluisse, relicto pallio fugit foras: quia dum synagoga dominum, purum hominem credens, quasi adulterino cōplexu constringere uoluit, ipse tantū literā legis eius oculis reliquit: & ad cognoscendā suā diuinitatis potentiā, cōspicuum se gentibus præbuit. Vnde & Paulus dicit, Vsq; hodie dum legitur Moyses, uelamē est super cor eorum. Quæ uidelicet adultera mulier apud semetipsam pallium retinuit: & quem male tenebat, nudum amisit. Sequitur, Quumq; uidisset pallium mulier in manibus suis, & se esse contemptam, uocauit homines domus suæ, & dixit ad eos. En introduxit ad me uirum Hebræum, ut illuderet mihi. Quumq; ego subclamassē, & audisset uocē meam, reliquit pallium quod tenebat, & fugit foras.) In argumentū fidei, retentū pallium, ostendit marito reuertenti domum. Ista mulier, ut iam dixi, figura erat synagogæ, quæ sæpe, sicut scriptum est, mœchata est post deos alienos. Similiter uolebat & Christū in adulterij sui scelere retinere, ut negaret se esse deum, & phariseorum magis & scribarum, quàm legis præcepta seruaret, quæ illi uelut maritus erat. Christus autem non acquiescens illicitæ doctrinæ, id est, adulterio adulterinæ synagogæ, manu ueste corporis apprehensus, carne se exiit, & liber mortis ascendit ad cœlos. His auditis dominus, & nimium credulus uerbis coniugis, iratus est ualde: tradiditq; Ioseph in carcerem, ubi uincti regis custodiebantur, & erat ibi clausus. Fuit autem dominus cum Ioseph, & misertus est illius: deditq; ei gratiam in conspectu principis carceris, qui tradidit in manu eius uniuersos uinctos. Dominus enim erat cum illo, & omnia eius opera dirigebat.) Vxor Putiphar, plebem Iudaicam præsignabat, quam regendam à Romanis principibus Pilatus susceperat: quæ plebs legis traditionibus, sibi pro tempore traditis, dominum uolebat præbere consensum: ut sabbati otium custodiri, confirmaret: uxorem à uiro dimittendam quacunque ex causa, permetteret. Pro quibus, quum à domino fuisset certis responsionibus refutata, Pilato præsidī eum tradiderunt, malefactorem eum quodammodo proclamantes, & secundum legem debere puniri: eo quod se filium dei diceret, & æqualem patri pronuntiaret: à quibus obiectionibus Pilato traditus carceri mortis est: sed illum non carcer terruit, non inferna tenuerunt, quum etiam ubi ueluti puniendus descenderat, inde alios liberauit. Sequitur,

De Ioseph mis-
so in carcerē
XXI

CAP. XL
De somnio eu-
nuchorum
XXII

HIS ITA gestis, accidit ut peccaret duo eunuchi, pincerna regis Ægypti & pistor, domino suo. Iratusq; Pharaon contra eos: nam alter pincernis præerat, alter pistoribus: misit eos in carcerem principis militum, in quo erat Ioseph.

Ioseph. At custos carceris tradidit eos Ioseph, qui & ministrabat eis.) Denique inuenit Ioseph duos eunuchos de domo regis in carcere uinctos, duorum populorum credentium uel incredulorum figuram gestantes, qui conclusi sub peccato Adæ, transgressione obnoxij tenebantur. Hi ergo siue pro originali peccato, seu pro delictis proprijs, quia omnes debitores sunt deo, & nullus exceptus est, qui non illius, iuxta Apostoli dictum, indigeat gratia: Omnes enim peccauerunt, & egent gratia dei: ob quod etiam omnes sancti conditione obnoxij fuerunt debito mortis, hoc ipsum Apostolo prædicante, quum dicit, Regnauit mors ab Adam usque Moysen, etiam in eos qui non peccauerunt, in similitudinem præuicationis Adæ. Qui ideo uterque populus eunuchi dicitur, uel intelliguntur, quia castam acceperant regulam disciplinæ. Eloquia, inquit, domini, eloquia casta. Sequitur, Aliquantum autem temporis fluxerat, & illi in custodia tenebantur, uideruntque somnium nocte una iuxta interpretationem congruam sibi. Ad quos quum introisset Ioseph mane, & uidisset eos tristes, sciscitatus est, dicens, Quur tristior est hodie solito facies uestræ? Qui responderunt, Somniū uidimus, nec est qui interpretetur nobis. Dixitque ad eos Ioseph, Referte mihi quid uideritis. Respondit præpositus pincernarum. Videbā corā me uitē, in qua erāt tres propagines, crescere paulatim ingēmas, & post flores uuas maturescere, calicemque Pharaonis in manu mea. Tuli ergo uuas & expressi in calicem quem tenebam, & dedi poculum Pharaoni.) Tres uero dies aut dominicæ passionis & resurrectionis accipiendum est tempus, in quo animæ sanctorum eductæ ab inferis leguntur à domino: aut certe tria intelligenda sunt tempora, ante legem, & sub lege, & sub euangelica gratia. In primo enim tempore clausæ fuerunt gēmae, quia ut de Abel, Seth, Enos, & Enoch, ac Noe, atque Melchisedech legitur, qui alij fuerint deo placentes scriptura minime refert. In secundo uero tempore, id est, sub lege, flores eruperunt sanctorum: quia qui sub lege deo placuerunt, sacris uoluminibus ostenduntur. Tertio uero tempore sub euangelica quodammodo prædicatione, uuæ ad maturitatem peruenerunt, quando credentium in Christo fides proficiendo in tantum roborata est, ut pro diuini nominis confessione cruorem suum effundi à persecutoribus minime detrectauerint: aut certe pro Christi amore, sæua castigatione membra sui corporis crucifigunt cum uitijs & concupiscentijs, castrantes se uidelicet à mundi delectationibus & carnalibus desiderijs, calicem uidelicet dominicæ passionis in memoria semper habentes, & sermonibus in mundo prædicantes poculum porrigunt Pharaoni. Sequitur, Hæc est interpretatio somnij: Tres propagines, tres adhuc dies sunt, post quos recordabit Pharaon ministerij tui, & restituet te in gradum pristinum, dabisque ei calicem iuxta officium tuum, sicut facere ante consueueras.) Post trinam enim lucem domino ab inferis resurgente, & legis obscura, ut Ioseph somnia, reuelante, solutus est à peccatis credentium populus, & de inferni carcere, uel potestate demonum liberatus, redditusque est in ministerio

legis diuinæ. Sicut enim in pincerna, qui eductus de carcere & suo restitutus est ministerio, gentilis significatus est populus: ita in principe pistorū, sine dubio, gens intelligenda Iudaica est. Tria canistra super caput eius, & in uno canistro quod erat excelsius portare omnes cibos qui fiunt arte pistoria, auesq̃ comedere ex eo, quid aliud significat, nisi tripartita ipsi populo concessa diuinæ legis eloquia, legē uidelicet, & prophetas, & agiographa. Quæ omnia super caput portabat, quia mētem illorum excefferat spiritalis scientiæ plenitudo. Arte pistoria panes cocti, quid aliud significāt, nisi quod lex ueteris testamenti, non est humana inuenta astutia, sicut impij astruunt Marcionistæ, & hæretici Manichæi: sed spiritus sancti autoritate, antiquis patriarchis & sanctis prophetis est credita. Spiritum enim sanctum per ignem significari, multis locis in diuina legimus scriptura. Vnum enim canistrum, quod altius cæteris erat, nimirum lex intelligenda Mosaica est, propter densitatem mysteriorum & umbraticas significationes: ex quo cibū uolucres coeli percipiunt, dum animæ sanctæ, quæ per coeli significantur aues, spiritaliter aluntur, dum in lege domini meditātur die ac nocte, qui possunt dicere cum Apostolo, Nostra autē conuersatio in cœlis est. Pharaonē, qui eduxit Ioseph de carcere, eiq̃ potestatem in omni terra dedit Ægypti, prioriq̃ ministerio suum pincernam restituit, & pistorem suum die tertia patibulo suspēdit, dei patris habuisse figuram, nō dubium est: qui Iesum Christum dominum nostrum resuscitauit ab inferis, & fidelem noui testamēti populum à nexibus primæ præuaricationis & cæterorum omnium eripuit uinculis. Infidelem uero capite absciso, id est, Christo, qui est caput legis & prophetarum: & die tertia, hoc est tertio suspendit tempore: quia in cruce nostri saluatoris, ubi fideles sunt à peccatorum uinculis absoluti, ibi ipsi impij Iudæi atq̃ cæteri ethnici, quorum ipse Pharaonis pistor figuram tenuit, sunt condemnati, qui in humilitate carnis positum, dominum despexerunt. Quod uero uolucres coeli lacerauerūt carnes eius, huius rei præsagium fuit, quod quadragesimosecundo anno post domini resurrectionem & ascensionem in coelos, ex omni orbe terrarum populi ueniētes cum ducibus Romanorum Tito & Vespasiano, eos non solum uastitate & fame cruciauerunt, sed etiam multa in eis ludibria exercuerunt: digni quippe erant talia perpeti, qui talia in dei prophetis, & in ipso exercuerunt domino: & eos qui ex eis famem & gladium euaserunt, in toto mundo diuiserunt, atq̃ sibi suisq̃ posteris in famulis iure perpetuo reliquerunt, usq̃ dum plenitudo gentium introeat, & sic postmodum & ipsi, non proprio merito, sed dei gratia salui fiant: qui in primo nostri saluatoris aduentu, ignorātes dei iustitiam, & suam quærentes statuere, iustitiæ dei non fuerunt subiecti: & impleatur illud quod beatus Iacob patriarcha ex eorum persona, Esau filio suo prædixit, Viues gladio, & fratri tuo seruiēs, tempusq̃ ueniet quādo soluas & excutias iugum de cœuicibus tuis. Sequitur,

POST duos annos uidit Pharaon somnium. Putabat se stare super fluvium de quo ascendebant septem boues pulchræ & crassæ nimis, & pascebantur in locis palustribus. Aliæ quoque septem emergebant de flumine fœdæ confectæque maciæ, & pascebantur in ipsa amnis ripa, in locis uirentibus: deuoraueruntque eas, quarum mira species & habitudo corporis erat.) Quod putabat se stare Pharaon super flumē, quemadmodum seruus Abrahamæ dixit, Ecce ego sto super fontem aquæ: hæc loquutio si intelligatur, ita est ut in Psalmo scriptum est, Qui fundauit terram super aquas. Secundum hanc enim loquutionem recte intelligitur, quod altior sit terra, quàm aqua: altius quippe ab aquis sustollitur, ubi habitant terrena animalia. Sequitur, Expergefactus Pharaon, rursum dormiuit, & uidit alterum somnium. Septem spicæ pullulabant in culmo uno plenæ atque formosæ. Aliæ quoque totidem spicæ, tenues, & percussæ uredine oriebantur, deuorantes omnem priorum pulchritudinem. Euigilans post quietem, & facto mane, pauore perterritus, misit ad coniectores Ægypti, cunctosque sapientes: & accersitis, narrauit somnium, nec erat qui interpretaretur. Tunc demum reminiscens pincernarum magister, ait, Iratus rex seruis suis, me & magistrum pistorum retrudi iussit in carcerem principis militum, ubi una nocte uterque uidimus somnium præsagium futurorum: eratque ibi puer Hebræus, eiusdem ducis militum famulus, cui narrantes somnia, audiuius quicquid postea rei probauit euentus. Ego enim redditus sum officio meo, & ille suspensus est in cruce.) Somnium Pharaonis, legis & prophetarum præsignabat figuras, in quibus de conuersione omnium gentium, & antichristi persecutionibus, sancto spiritu reuelante loquuti sunt. Qui in septem spicis plenis, seu in septem uaccis pinguibus ostendebatur: quia sunt septem charismatum spiritalium dona, quibus ubertas fidei diuinæ, in gratia noui testamenti larga pietate redundat. Fertilitatis autem hebdomada, tempus accipiendum est, quo ab uniuersis gentibus, fides confessionis nominis Christi, uel scientia trinitatis suscepta est: de qua ait propheta, Repleta est terra scientia domini, sicut aquis maris operientis. Intantum enim prædicationis diuinæ uerbum per totas orbis regiones in uniuersis gentibus fecit proficere, & suscepta fidei suæ gratia, per sanctam conuersionem ad perfectionem contendere, ut non solum cœlesti horreo fierent apti, uerum etiam & exemplo suo ad imitandum cæteros prouocarent. At contra, septem sterilitatis anni, famem ueritatis & iustitiæ nouissimis temporibus significabāt, quæ fidelium consumptura est multitudinem temporibus antichristi. Sequitur,

Ecce anni septem ueniēt fertilitatis magnæ in uniuersa terra Ægypti, quos sequentur septem anni alij tantæ sterilitatis, ut cuncta obliuioni tradatur retro abundantia. Consumptura est enim fames omnē terram, & ubertatis magnitudinem perditura est inopiæ magnitudo.) Et est sensus: Ubertatis huius quam futurā significauerūt boues bonæ & spicæ bonæ, obliuiscetur homines in ea fame, quam significauerant boues & spicæ malæ. Potest & hebdomada

duorum annorum, significare tempus præsens & futurum. Qui enim fideliter ac pie uiuendo laborauerint in seculo præsentis, quod reperiant in futuro, beatitudinem consequentur perpetuæ uitæ. Qui autem infideles existunt, & nihil cogitant de futuro, otioq; in præsentis seculo torpescunt, sterilitatis suæ in futuro reperient finem. Sequitur. Nunc ergo prouideat rex uirum sapientem & industrium, & præferat eum terræ Ægypti, qui constituat præpositos per singulas regiones, & quintam partem fructuum per septem annos fertilitatis, qui iam nunc futuri sunt, congreget in horrea, & omne frumentum sub Pharaonis potestate condat, serueturq; in urbibus, & paretur futuræ septem annorum fami, quæ pressura est Ægyptum, & non consumetur terra inopia. Placuit Pharaoni consilium & cunctis ministris eius, loquutusq; est ad eos. Num inuenire poterimus talem uirum, qui spiritu dei plenus sit?) Ecce iam nisi fallor, tertio insinuat nobis in hoc libro, spiritum sanctum esse spiritum dei: primo, ubi dictum est, Spiritus dei ferebatur super aquas. secundo, ubi dixit deus, Non permanebit spiritus meus in hominibus istis, propter quod carnes sunt. & tertio nunc, quod Pharaon dicit de Ioseph esse in illo spiritum dei. Nondum tamen legimus spiritum sanctum. Sequitur. Dixit Pharaon ad Ioseph, Quia ostendit tibi deus omnia quæ loquutus es, nunquid sapientiorum & similem tui inuenire poterō? Tu eris super domum meam, & ad tui oris imperiū, cunctus obediat populus: uno tantum regni solio te præcedam.) Idipsum in secundo psalmo à patre dicitur domino, Filius meus es tu, ego hodie genui te, Postula à me, & dabo tibi gentes hæreditatem tuam, & possessionem tuam terminos terræ. Et ipse dominus in euangelio discipulis ait, Data est mihi omnis potestas in cælo & in terra. Data quippe potestas est homini assumpto, non uerbo dei filio patri & spiritui coæterno, à quo creata sunt omnia. Vno tantum præcedit filium pater, paterni uidelicet nominis uocabulo: ut in confessione seu in laudibus, patris nomē semper anteponatur. Nam dignitate & potestate, natura atq; uirtute, æternitate uel origine, unum sunt, unius deitatis atq; substantiæ, nominibus enim tantummodo distinguuntur. Sequitur. Dixitq; rursus Pharaon ad Ioseph, Ecce constitui te super uniuersam terram Ægypti. Tulitq; anulum de manu sua, & dedit in manu eius, uestiuitq; stola byssina, & collo torquem auream circumposuit, fecitq; ascendere super currum suum, secundo clamante præcone, ut omnes coram eo genu flecterent, & præpositum esse scirent in uniuersa terra Ægypti.) Ioseph qui typum induit Christi, currum meruit ascendere: & præco clamauit ante eum, & constituit illum Pharaon super uniuersam terram Ægypti. Ita & dominus noster, postquam est distractus à Iuda, ut Ioseph à fratribus, & de inferorum carcere surrexit, ascendit currum regni cœlestis, de quo dictum est, Currus dei decem milium: & accepit potestatem prædicandi, & iudicandi, sicut Paulus apostolus ait, Et dedit ei nomen, quod est super omne nomen, ut in nomine Iesu omne genu flectatur, cœlestium, terrestrium, & infernorum,

De principatu
Ioseph super
Ægyptum
XXIII

ferorum. Accepit quoque & anulum, id est, pontificatum fidei, quo credentium animæ saluatori signantur, ac frontibus & cordibus nostris per signum crucis, figura exprimitur æterni regis. Induiturque stola byssina, id est, carnem sanctam bysso splendidiorē, & stola immortalitatis. Accepit quoque torquem auream, id est, intellectum bonum: præco ante eum præcedit, id est, Ioannes baptista, qui iter eius præcedens præconabat, dicens, Parate viam domini. Didicimus enim labores Christi in orbe gentium, quem significabat Ægyptus, per varias passiones martyrum: & nunc uidemus honorem Christi in eodem orbe terrarum: erogatione frumenti, id est, uerbi diuini prædicatione, sibi omnia subiugātem. Sequitur, Dixitque rex ad Ioseph, Ego sum Pharaos, absque tuo imperio non mouebit quisquam manum aut pedem in omni terra Ægypti. Vertitque nomen illius, & uocauit eum lingua Ægyptiaca Saluatorem mundi.) Quid manifestius de Christo, quando sub figura Ioseph, saluator ostenditur, non tantum unius terræ Ægypti, sed etiam totius mundi? Sequitur, Deditque illi uxorem Aseneth, filiam Putiphar sacerdotis Heliopoleos.) Quæri solet, cuius Putiphar Ioseph filiam acceperit uxorem: utrum illius, cuius seruus fuit, an alterius? Credat quisque quod placet, non est tamen quaestio quis fuerit: siue enim unus fuerit, siue duo, quodlibet horum quisque existimet, non est fidei periculosum, nec contrarium ueritati scripturarum dei. Sicut enim accepit Ioseph ex gentibus uxorem, ita & Christus ecclesiam: ex qua genuit duos filios, id est, duos populos, ex Iudæis & gentibus congregatos. Tringenta autem erat annorum, quando stetit Ioseph in conspectu regis Pharaonis. Totidemque annorum legitur fuisse Christus, quando sub typo Pharaonis in conspectu mundi apparuit reuelatus. Venitque fertilitas septem annorum, & in manipulos reductæ segetes congregatæ sunt in horrea Ægypti, omnisque frugum abundantia in singulis urbibus condita est, tantaque fuit multitudo tritici, ut arenæ maris coæquaretur, & copia mensuram excederet. Pro eo dictum non erat numerus, quod nomen numeri usitati excederet illa copia, & quomodo appellaretur, non inueniebatur. Nam inde fieri potest, ut cuilibet magnæ & infinitæ multitudini numerus non sit, quod congregauit Ioseph per septem annos omnem frugum abundantiam: id est, frumenta fidei sanctorum horreis condens, per illa scilicet septem charismata, quasi per septem annos: ut quum septem anni inopiæ esse cœperint, id est, quum iniquitas occurrerit septem capitalium criminum sub antichristo, quando fames fidei fuerit saluatoris, tunc sancti pariter & fideles habeant copiosam iustitiæ frugem: ne fides eorum in opera sermonum uel prædicationis attenuata, deficiat. Sequitur,

AUDIENS autem Iacob, quod alimenta uenderetur in Ægypto, dixit filiis suis, Quare negligitis? Audiui quod triticum uenūdetur in Ægypto. Descendite, & emite nobis necessaria, ut possimus uiuere, & non consumamur inopia. Descendentes igitur fratres Ioseph decem, ut emerent frumenta ingressi sunt terram Ægypti.

CAP. XLII
De frumentatione filiorum
Iacob XXV

Ægypti, & Ioseph princeps erat terræ Ægypti, atq; ad illius nutum frumēta
 populis uendebātur. Quumq; adorassent eum fratres sui, & cognouisset eos,
 quasi ad alienos durius loquebatur, interrogans eos, Vnde uenistis? Qui re/
 sponderunt, De terra Chanaan, ut emamus frumenta. Et tamen fratres ipse
 cognoscens, nō est agnitus ab eis.) Igitur post ubertatis annos in uniuerso or
 be fames præualuit: merito, quia non erat qui faceret bonitatem. Post hæc Io
 seph à penuria frumenti saluat Ægyptum, & Christus à fame uerbi dei libe/
 rat mundum. Aperuit enim horrea sua Christus, in omni orbe terrarū: & ero
 gatione frumenti sui, omnia subiugauit. Nisi enim Ioseph fratres sui uēdidis/
 sent in Ægyptum, defecerat Ægyptus: & nisi Iudæi Christum crucifixissent,
 perierat mundus. Ioseph interpretatur Augmentatio, siue Ampliatio: sed in
 illo Ioseph ampliatiōem non habuit, nisi sola Ægyptus: in nostro autem Io
 seph augmētum habere meruit uniuersus mundus. Ille erogauit triticum, no/
 ster erogauit dei uerbum. Dicit Iacob filiis suis, Est frumentum in Ægypto:
 dicit & deus pater, Ex Ægypto uocaui filiū meum. Descendant igitur decem
 prouectiores fratres: id est, Iudæi, quasi sub decalogo legis & numero consti/
 tuti: quos ipse cognoscens, non est agnitus ab eis. Cognoscuntur Hebræi à
 Christo, sed ipsi nō cognoscunt eum. Sequitur, Recordatusq; somniorum
 quæ aliquādo uiderat, ait, Ut uideatis infirmiora terræ uenistis. Qui dixerūt,
 Non est ita domine: sed serui tui uenerūt, ut emerent cibos. Omnes filij unius
 uiri sumus: nec quicquam famuli tui machinantur mali. Quibus ille ait, Ali/
 ter est: immunita terræ huius cōsiderare uenistis. Et illi, Duodecim, inquiunt,
 serui tui fratres sumus, filij uiri unius in terra Chanaan: minimus cum patre
 nostro est, alius non est super. Hoc est, ait, quod loquutus sum, exploratores
 estis. Iam nunc experimentū uestri capiam. Per salutem Pharaonis non egre
 dimini hinc, donec ueniat frater uester minimus. Mittite è uobis unum, & ad/
 ducat eum: uos autem eritis in uinculis, donec probentur quæ dixistis, utrum
 falsa, an uera sint: alioquin per salutem Pharaonis exploratores estis.) Quid
 est quod Ioseph uir tam sapiens, atq; ita non solum hominum inter quos ui/
 uebat, sed ipsa etiam post scriptura teste laudatus, iurat per salutē Pharaonis
 non exituros de Ægypto fratres suos, nisi frater eorū iunior uenerit: an etiam
 bono & fideli uilis erat Pharaonis salus, qui fidem primitus domino suo ser/
 uabat in omnibus: quanto magis ipsi Pharaoni, qui eum in tanto honore lo/
 cauerat, si illi seruauit, qui eum seruum emptitium possidebat? Quod si non
 curabat salutem Pharaonis, nunquid & periurium pro cuiuslibet hominis sa/
 lute uitare non debuit? an non est periurium? Tenuit enim unum ex eis, do/
 nec ueniret Benjamin: & uerum factum est quod dixerat, Non exhibitis hinc,
 nisi ueniat frater uester minimus. Ad omnes enim poterat pertinere quod di/
 ctum est. Neq; enim digne dicerentur redire ad patrem, quorum frater uin/
 ctus tenebatur in Ægypto, cum quo & ipsi mente & animo solliciti, uelut qui
 busdam charitatis uinculis tenebantur astricti. Nam quomodo & ille uentur

De eo qd̄ scri
 ptum est, Re/
 cordatus som
 niorum, &c.

XXVI

rus esset, nisi ad eum adducendum aliqui redissent: Sed quod sequitur magis urget quæstionem, quum iterum iurauit, dicens, Mittite unum ex uobis, & adducite fratrem uestrum: uos autem eritis in uinculis, donec probentur quæ dixistis, utrum uera, an falsa sint: alioquin per salutem Pharaonis, exploratores estis. Huic sententiæ interposuit iurationem, quia si uera non dixissent, exploratores essent: id est, exploratorum poena digni essent: quos tamen uera dicere sciebat, tanquam si dictum esset, Exploratores estis: exploratorum poena digni eritis. Sequitur. Tradidit eos in custodiam tribus diebus, tertia autem die eductis eis de carcere, ait, Facite quod dixi, & uiuetis, deum enim timeo. Si pacifici estis, frater uester unus ligetur in custodia: uos autem abite & ferete frumenta quæ emisistis, in domum uestram: & fratrem uestrum minimum adducite ad me, ut possim uestros probare sermones, & non moriamini. Fecerunt ut dixerat, & loquuti sunt adinuicem, Merito hæc patimur, quia peccauimus in fratrem nostrum, uidentes angustiam animæ illius, dum deprecaretur nos, & non eum audiuius. Idcirco uenit super nos ista tribulatio. Ex quibus unus Ruben, ait, Nunquid non dixi uobis, Nolite peccare in puerum: Et non audistis me. En sanguis eius exquiritur. Nesciebant autem quod intelligeret Ioseph: eo quod per interpretem loqueretur eis.) Quid est quod quum inter se poenitentes filij Israel loquerentur de fratre suo Ioseph, quod in illo male egerint, & hoc eis diuino iudicio redderetur, quod se periclitari uiderent, adiungit scriptura, & dicit, Ipsi ignorabant quod intelligeret Ioseph, interpret enim inter illos erat: hoc scilicet intelligendum est, ideo eos putasse quod ille non intelligeret quæ loquebantur: non ob aliud adhibitum putabant interpretem, nisi quod eorum linguam ille nesciret: nec cura erat interpretis ea dicere illi à quo positus fuerat, quæ non ad illum, sed inter se loquebantur. Sequitur, Aueritque se parumper, & fleuit, & reuersus loquutus est ad eos.) Nec adiungit quid illis dixerit. Vnde intelligitur hæc eadem dixisse, quæ dixerat. Sequitur, Tollens Simeon, & ligans illis presentibus, iussit ministris, ut impleant saccos eorum tritico, & reponerent pecunias singulorum in sacculis suis, datis supra eis cibarijs in uia. Qui fecerunt ita. At illi portantes frumenta in asinis profecti sunt: apertoque unus sacco, ut daret iumento pabulum in diuersorio, contemplatus pecuniam in ore sacculi, dixit fratribus suis, Reddita est mihi pecunia, en habetur in sacco. Et obstupefacti turbatique dixerunt mutuo, Quid nam est, quod fecit nobis deus?) Si diligentius consideremus, inueniemus quia nunquam ferè in sanctum quis locum dicitur descendisse, uel uituperabilem conscendisse memoratur. Quæ obseruationes ostendunt diuinam scripturam, non ut plurimis uidetur, inerudito atque agresti sermone compositam: sed secundum disciplinam diuinæ eruditionis, aptatam: neque historicis narrationibus, quantum rebus & sensibus mysticis seruientem. Vnde quum detentus fuisset Simeon in Ægypto, & nouem fratres eius dimissi reuerterentur ad patrem, non est scriptum, quia ascenderunt ex Ægypto: sed

De eo quod
scriptum est,
Narrauerunt
sibi om. &c.
XXVII

sed imponentes, inquit, frumētum super alinos suos, abierunt. Quū autem recepto fratre & cognito Ioseph, sed & Benjamin in oculis eius oblato cum lætitia reuerterentur: tunc dicitur, Quia ascenderunt ex Ægypto, & uenerunt in terram Chanaā ad Iacob patrem suum. Sequitur, Et narrauerunt sibi omnia quæ accidissent eis, dicentes, Loquutus est nobis dominus terræ dure, & putauit nos exploratores prouinciæ: cui respondimus, Pacifici sumus, nec ul- las molimur insidias: duodecim fratres uno patre geniti sumus, unus non est super, minimus cum patre uersatur in terra Chanaan. Qui ait nobis, Sic probabo quod pacifici sitis: fratrem uestrum unum dimittite apud me, & cibaria domibus uestris necessaria sumite, & abite: fratremq; uestrum minimum adducite ad me, ut sciam quod non sitis exploratores, & istum qui tenetur in uinculis recipere possitis, ac deinceps emendi quæ uultis habeatis licentiam. His dictis quum frumenta effunderent, singuli repperunt in ore saccorum ligatas pecunias.) Dederunt quidem illi pecuniam: sed Ioseph, id est Christus dominus triticum dedit, & argentum tribuit: quia nō argento emitur Christus, sed gratia. Sequitur, Dixit Iacob filijs suis, Absq; liberis me esse fecistis. Ioseph non est super, Simeon tenetur in uinculis, Benjamin auferetis, deducetisq; canos meos cum dolore ad inferos.) Vtrum ideo ad infernū, quia cum tristitia: an etiam si abesset tristitia, tanquam ad infernum moriēdo descenderet? De inferno autē magna quæstio est: & quid inde scriptura sentiat locis omnibus, ubi fortè hoc commemoratum fuerit, obseruandum. Sequitur,

CAP. XLIII

IUDAS quoq; dixit patri suo, Mitte puerum ut proficiscamur, & possimus uiuere nos & paruuli nostri. Descenderuntq; in Ægyptum, & steterunt coram Ioseph. Quos quum ille uidisset & Benjamin simul, præcepit dispensatori suo, dicens, Introduc uiros domum, & occide uictimas, & instrue conuiuium, quoniam mecum comessuri sunt meridie. Accedentes autem, ad dispensatorem loquuti sunt, Oramus domine ut audias, Iam ante descēdimus, ut emeremus escas: quibus emptis, quum uenissetus ad diuersorium, aperuimus sacculos nostros, & inuenimus pecuniā in ore saccorum, quam nunc eodem ponere reportauimus. At ille respondit, Deus uester, & deus patris uestri dedit uobis thesauros in sacculis uestris: nam pecuniam quam dedistis mihi probatam, ego habeo.) Quod à præposito domus audiunt, Deus uester, & deus patrum uestrorum dedit uobis pecuniam in saccis uestris, argentum autem uestrum probatum habeo: mendacium uidetur quod non est, sed aliquid significare credendum est. Argentum enim quod datur & non minuitur, quod & probatum appellatū est, nimirum illud intelligitur de quo alibi legimus, Eloquia domini, eloquia casta, argentum igne exam. prob. terræ pur. septuplum: id est perfectos. Sequitur, Eduxitq; ad eos Simeon, & introductis domum attulit aquam, & lauerunt pedes suos, deditq; pabula iumentis eorum. Illi uero parauerunt munera donec ingrederetur Ioseph meridie, audierant enim quod ibi comessuri essent panem. Igitur ingressus est Ioseph domum suam, obtule,

obtuleruntque ei munera, & adorauerunt proni in terra. At ille clementer resalutatis eis, interrogauit dicens, Saluus ne est pater uester senex, de quo dixeratis mihi? Adhuc uiuit? Et incuruati adorauerunt eum.) Astute namque fratrem uendere ausi sunt, ut dei consilium mutaretur: sed diuino iudicio, quod declinare conati sunt, renitentes seruiuerunt. Inde quippe coacti sunt dei uoluntatem peragere, unde huic moliti sunt astute contraire. Sic diuinum consilium dum uitatur, completur: sic humana sapientia dum reluctatur, comprehenditur. Timuerunt fratres ne Ioseph super eos excresceret, sed hoc quod diuinitus dispositum fuerat, cauendo actum est ut ueniret. Humana ergo sapientia in se ipsa comprehensa est, quæ uoluntati dei unde per intentionem restitit, inde eius impletioni militauit. Quod sæpe nonnulli dum humana sapientia inflati, desiderijs suis diuina iudicia contraire conspiciunt, astutis eis machinationibus reluctari conantur: & quo ad uotum uim supernæ dispositionis intorqueant, callidis cogitationibus insistant, subtiliora consilia exquirunt: sed inde uoluntatem dei peragunt, unde hanc immutare contendunt: atque omnipotentis consilio, dum resistere nituntur, obsequuntur: quia sæpe & hoc eius dispositioni apte militat, quod ei per humanum studium friuole resultat, sicut scriptum est, Comprehendit sapientes in astutia sua. In astutia namque sua sapientes comprehendit, quando eius consilij humana facta etiam tunc congrue seruiunt, quum resistunt, unde per Psalmistam dicitur, Nouit dominus cogitationes hominum, quoniam uanæ sunt. Pensemus igitur gestæ rei ordinem, pensemus quomodo cogitationes hominum in ipsa sua prouisione diuinitas comprehendat. Ideo ab eis Ioseph uenditus fuerat ne adoraretur, sed ideo est adoratus quia uenditus. Restat ergo ut in cunctis quæ agimus, uim supernæ uoluntatis inquiramus, cui uidelicet cognitæ debet nostra actio famulari, & quasi ducem sui itineris sequi: ne ei etiam nolens seruiat, si hanc superbiens declinat. Vitari enim uis superni consilij nequaquam potest, sed magna sibi uirtute hanc temperat, qui se sub eius nutibus refrenat, eiusque sibi pondera leuiget, qui hæc ex subiecto cordis humero uolens, portat. Sequitur, Attollens autem oculos Ioseph uidit Benjamin fratrem suum uterinum, & ait, Iste est frater uester minimus de quo dixeratis mihi? Et rursus, Deus, inquit, misereatur tibi, fili mi. Festinauitque quia commota fuerant uiscera eius super fratrem suum, & erumpebant lachrymæ, & introiens cubiculum fleuit: rursusque lota facie egressus, continuuit se.) Vidit Ioseph Benjamin paruulum fratrem suum: mystice quoque uidit dominus Iesus Paulum, quando lux circumfulsit eum. Qui idcirco minimus dicitur, quia nondum maturam in carne fidei gerebat ætatem: unde & adolescens legitur fuisse, quando lapidantium Stephanum uestimenta seruabat. Fleuit Ioseph super Benjamin: & cæcitas Pauli, ætus est Christi. Lauat faciem suam, ut ei lumen amissum restituatur: lauit faciem suam Christus, ubi baptizatus est Paulus, per quem dominus noster Iesus Christus à plurimis uideretur. Sequitur, Et ait, Ponite panes. Quibus appositis,

De eo quod scriptum est, Attollens, &c.

XXVIII

positis, seorsum Ioseph, & seorsum fratribus, Aegyptijs quoque qui uescebantur simul seorsum (illicitum est enim Aegyptijs comedere cum eis, & prophatum putant huiusmodi conuiuium) sederunt coram eo primogenitus iuxta primogenita sua, & minimus iuxta primogenita sua, & mirabantur nimis, sumptis partibus, quas ab eo acceperunt: maiorque pars uenit Benjamin, ita ut in quinque partes excederet: biberuntque, & inebriati sunt cum eo.) Solent huic ebriosi adhibere testimonio patrocinium, non propter illos filios Israel, sed propter Ioseph, qui ualde sapiens commendabatur. Sed hoc uerbum & pro satietate solere poni in scripturis, qui diligenter aduertit, multis in locis inueniet. Vnde est illud, Visitasti terram, & inebriasti eam, multipl. ditare eam: eo quod in laude benedictionis hoc positum est, & donum dei commemoratur, apparet per hanc ebrietatem, satietatem significari. Nam ita inebriari, ut inebriantur ebriosi, nec ipsi terrae utile est. Sequitur,

CAP. XLIII

De scypho posito in sacco
Beniamin

XXIX

PRAECEPIT autem Ioseph dispensatori domus suae, Imple saccos eorum frumento, quantum possint capere, & pone pecuniam singulorum in summitate sacci, scyphum autem meum argenteum & precium quod dedit tritici pone in ore sacci iunioris. Factumque est ita.) Mouet quid sibi uelit hoc factum Ioseph, quo fratres suos donec eis aperiret quis esset, toties ludificauit, & tanta expectatione suspendit. Quod licet tanto sit suauius quam legitur, quanto illis sit inopinatus cum quibus agitur, tamen sapientiae illius grauitate, nisi magnum aliquid isto quasi ludo significaretur, nec ab illo fieret, nec ea scriptura contineretur, in qua est tantae sanctitatis autoritas, & prophetarum tanta intentio futurorum, quam modo exequi exponendo suscepimus. Sequitur,

Apud quemcunque seruorum tuorum fuerit inuentum quod quaeris, moriatur, & nos serui erimus domini nostri. Qui dixit, Fiat iuxta sententiam uestram. Apud quem fuerit inuentum, ipse sit seruus meus, uos autem eritis innoxij. Itaque festinato deponentes in terram saccos, aperuerunt singuli. Quos scrutatus, incipiens à maiore usque ad minimum, inuenit scyphum in sacco Benjamin.) Sed quid sibi uult, quod scyphus Ioseph inuentus est in sacco Benjamin: nisi quia in corpore Pauli iam doctrinae coelestis praefulgebat eloquiū, dum esset eruditus in lege: sed quia subiectus non erat diuinæ gratiae, intra saccum erat scyphus, doctrina intra legem, lucerna sub modio. Missus tamen Ananias manum posuit, marsupium soluit: marsupio soluto, argentum resplenduit: & decidentibus squamis, uelut quibusdam sacci uinculis, soluto sacco, id est deposito legis uelamine, adeptus est gratiae libertatem, & reuelata facie sermones euangelij praedicauit. Sequitur, At illi scissis uestibus, oneratisque rursum asinis, reuersi sunt in oppidum: primusque Iudas cum fratribus ingressus est ad Ioseph, necdum enim de loco abierat, omnesque ante eum pariter in terram corruerunt. Quibus ille ait, Quare sic agere uoluistis? An ignoratis, quod non sit similis mei in augurandi scientia? Cui Iudas, Quid respondebimus, inquit, domino meo? uel quid loquemur? aut iuste poterimus obtendere? Deus inuenit

uenit iniquitatem in manibus seruorū tuorum. En omnes serui sumus domini mei, & nos & apud quem inuentus est scyphus.) O' iaculum in corde, peregrini uenerunt, famis periculum fugiebant, frumenta quærebant, non acceperunt, & feriri se insuper criminis obiectione uidebant. Inter hæc ducuntur ad carcerem, & post triduum educti adhuc in eadem asperitate terrentur. Iam reditur ad cor, iam culpæ memoria pulsatur animum, atq; inter se inuicem loquuntur, Merito hæc patimur, quia peccauimus in fratrem nostrum, uidētes angustiam animæ illius, quum deprecaretur nos, & non eum audiuius. In his autem uerbis cor Ioseph secessum petit, soluit flendo quod pietati debuit, seuerus ad fratres reuertitur, ut cruciatus eorum animus à culpa liberaretur. Post hæc unus religatur in uinculis, dimittuntur cæteri cum frumento ut unus frater ueniat, quem minimum se habere dixerant: ueniente postmodum fratre uincebat mentem pietas, quum frater innocens uideretur: sed permanebat in ostensione asperitas, ut fratres noxi purgarentur: frumenta dantur, scyphus in sacco iunioris fratris absconditur, fortis post eos quæstio mouetur, mittitur ut reducantur, addici in seruitutem decernitur, apud quem scyphus fuisset inuentus, in sacco ultimi fratris inuenitur. Tunc Beniamin reducitur, afflicti omnes fratres secuntur. O' tormēta misericordiæ, cruciat, & amat. Reuersi igitur, in terra cum lachrymis prostrati ueniā postulant, memores enim quid de illo patri promiserāt, mœrore intolerabili tabescebāt. Tunc se ultra cohibere non ualens, pietas clausa prorupit in medium, & excussit charitatis lachrymas de uultu serenitatis. De terrore est asperitas quæ apparebat, & non erat, quia misericordia erat, sed nō apparebat. Sic uir sanctus facinus fratrum & dimisit & uindicauit, sic ore clementiam retinuit, ut delinquentibus fratribus nec sine ultione pius existeret, nec sine pietate districtus. Sequitur. Respōdit Ioseph, Absit à me, ut sic agam. Qui furatus est scyphum ipse sit seruus meus, uos autem abite liberi ad patrem uestrum.) Nonne clementer considerandum puto tantam miseriam in hac perturbatione fratrum suorū, quomodo Ioseph quam diu uoluit tenuit, ac quanta uoluit mora produxit, nō eos utiq; faciens calumniosos, quando tantæ etiam ipsorum futuræ lætitiæ exitum cogitabat: & totum hoc quod agebat, ut eorum gaudium differretur, ad hoc cogitabat, ut eadem dilatione cumlaretur: tanquam non essent condignæ passionis eorum in toto illo tempore quo turbabantur, ad futuram gloriā exultationis quæ in eis fuit reuelanda fratre cognito, quem à se perditum esse arbitrabantur. Sequitur. Accedens propius Iudas, confidenter ait, Oro domine mi, loquatur seruus tuus uerbū in auribus tuis, & ne irascaris famulo tuo. Interrogasti prius seruos tuos, habetis patrem aut fratrem: & nos respondimus, Est nobis pater senex & puer paruulus, qui in senectute illius natus est, cuius uterinus frater est mortuus, & ipsum solū habet mater sua, pater uero tenere diligit eum. Dixisti seruis tuis, Adducite eum ad me, & ponam oculos meos super illum. Suggestimus domino meo, nō potest puer relinquere patrem suum. Si enim

p. 2 illum

illum dimiserit, morietur. Et dixisti seruis tuis, Nisi uenerit frater uester minimus uobiscum, non uidebitis amplius faciem meam.) Multa in narratione Iudæ aliter dicta sunt, quam cum illis egerat Ioseph, quamuis apud eum loqueretur, ut omnino de illa simulatione quod exploratores essent nihil diceretur, quod utrum consulto tacitum sit, an id fecerit perturbationis obliuio, non apparet. Nam & illud quod dixerunt, se ab ipso Ioseph interrogatos de patre & fratre suo, se autem illa interroganti indicasse, mirum si uel ad sententiã possit ista peruenire narratio, ut eam constet esse ueracem: quanquam & si aliqua in ea falsa sunt, falli potius per obliuionẽ potuit, quã auderent mentiri, apud eum præsertim, cui non sicut nescienti, sed etiam illa quæ nouerant eum scire, ad flectendã eius misericordiã narrationi inferebat. Sequitur, Manebo itaq; seruus tuus pro puero in ministerio domini mei, & puer ascēdat cum fratribus suis.

CAP. XLV
De manifesta-
tione Ioseph
ad fratres
XXX

NON se poterat ultra cohibere Ioseph, eleuauitq; uocem cum fletu, quam audierunt Ægyptij, & dixit fratribus suis, Ego sum Ioseph. Adhuc pater meus uiuit? Nec poterant respondere fratres, nimio timore perterriti. Ad quos ille clemēter, Accedite, inquit, ad me. Et quum accessissent prope, Ego sum, ait, Ioseph frater uester, quem uendidistis. Pro salute enim uestra misit me deus ante uos in Ægyptum, ut reseruemini super terram, & escas ad uiuendum habere possitis.) Quid est quod dicit Ioseph, Misit me deus ante uos in Ægyptũ, ut seruemini super terram, & escas ad uiuendum habere possitis: nisi forte significat illud altum secretumq; mysteriũ, quod ait Apostolus, Reliquiæ per electionẽ gratiæ saluæ factæ sunt, quia propheta prædixerat, Si fuerit numerus filiorũ Israel quasi arena maris, reliquiæ saluæ fient. Ad hoc enim occisus est Christus à Iudæis, & traditus gentibus, tanquam Ioseph Ægyptijs à fratribus, ut & reliquiæ Israel saluæ fierent: unde dicit Apostolus, Nam & ego Israelita sum: & ut plenitudo gentium intraret, & sic omnis Israel saluus fieret, id est ex reliquijs Israel secundum carnem & plenitudine gentium, quæ in fide Christi secundum spiritum sunt Israel: aut si genti illius Israelitiæ restat fidei plenitudo, ex qua erant reliquiæ, in quibus reliquijs tunc & apostoli salui facti sunt, hoc significat ea plenitudine liberatiõis Israel, qua per Moysen ex Ægypto liberati sunt. Sequitur, Dedit Ioseph fratribus suis plaustra secundum Pharaonis imperiũ & cibaria in itinere, singulisq; proferri iussit binas stolas: Benjamin uero dedit trecentos argenteos cum quinque stolis optimis, tantundem pecuniæ & uestium mittens patri suo, addens ei asinos decem, qui subueherent ex omnibus diuitijs Ægypti, & totidem asinas triticum in itinere parnesq; portantes.) Triginta argenteos à Christo accepit quicũq; prædicat trinitatem siue Christi crucẽ: ideoq; Paulus ait, Neq; enim iudicaui me scire aliquid inter uos, nisi Christum Iesum, & hũc crucifixum. Quinq; autem stolas accepit, id est sapientiæ, omniumq; sensuum multiplicem in lege disciplinam. Præcellit igitur Paulus, & exuberat eius portio meritorum: sed tamẽ habent & fratres, id est alij prædicatores gratia sua binas stolas, id est ut confiteantur Christum

Christum & deum esse & hominē, iuxta quod in Prouerbijis legitur, Omnes domestici eius uestiti sunt duplicibus, idest mystica uel morali intelligentia. Mittuntur & patri munera. Filius honorat patrē suum, & Christus populum suum promissis inuitat muneribus. Portant hæc munera asini illi gentiles, inuiles, & laboriosi: nunc autem utiles portent in typū Christi munera, portent in euangelio munerum largitorem. Sequitur, Qui ascendentes uenerunt in terram Chanaan ad patrem suum Iacob, & nuntiauerunt ei, dicentes, Ioseph uiuit, & ipse dominatur in omni terra Ægypti. Si enim potuisset uinci à libidine & peccasset cum uxore domini sui, nō puto quod hoc à patriarchis nuntiātū de eo fuisset patri eius Iacob, quia filius eius uiueret. Hoc enim si fecisset, sine dubio non uiuebat. Anima enim quæ peccat, ipsa moritur. Tale ergo aliquid & in Iacob indicare uidetur hic sermo, quod donec lōge fuit ab Ioseph, & non est annūtiatum ei de uita eius, ueluti defecerat in eo spiritus eius, & lumen quod in ipso fuit fomentis deficiētibus iam fuerat obscuratū: ubi uero uenerunt qui ei annūtiauerunt de uita eius, id est qui dicerent, quia uita erat lux hominum, reaccēdit in se spiritum suum, & reparatus est in eo fulgor luminis ueri, & qui mortuus uidebatur, fide resurrectionis uiuificatur. Sed & in nobis calcare libidinē, fugere luxuriā, omnesq; uoluptates corporis premere ac refrēnare, hoc est principatū gerere totius Ægypti: & hoc est quod apud Israel magnum ducitur, & in admiratione habetur. Si quis uero est, qui aliqua quidem uitia corporis subiiciat, alijs uero cedat & subiaceat, de isto nō integre dicitur, quia principatū agit totius terræ Ægypti, sed unius fortē aut duarū aut trium ciuitatum uidebitur gerere principatū. Sequitur, Quo audito, quasi de graui somno euigilans, tamen non credebat eis, illi econtra referebant ordinē rei) Vocatur ergo plebs incredula, id est Iacob, à filijs suis, id est Petro & Paulo & Ioanne, dum populus Iudæorum inuitatur ad gratiam. Sequitur, Quumq; uidisset uniuerſa quæ miserat, reuixit spiritus eius, & ait, Sufficit mihi si adhuc Ioseph filius meus uiuit, uadam & uidebo illum ante q̃ moriar) Sed nec hoc quidem ociose relinquendū est, quod non animum sed spiritum, tanq̃ meliorem sui partē resuscitatū esse dicit. Splendor etenim lucis qui erat in eo, etiam si extinctus penitus non est, tunc quum obtulerunt filij eius tunicam Ioseph hædi sanguine maculatam, & mendacio eorum decipi potuit, ita ut scinderet uestimēta sua & poneret saccum super lumbum suum & lugeret filium suum nec uellet omnino consolari, sed diceret Quia descendā ad filium meū lugens in infernum. Tunc etiam si, sicut diximus, nō erat penitus extinctum in eo lumen, maxima tamē ex parte fuerat obscuratū quod decipi potuit, quod uestimenta scindere, quod falso lugere, quod implorare mortē, quod in infernum cuperet lugendo descendere. Propter hæc quoq; nunc resuscitatur & reuiuiscit spiritus eius, quia cōsequēs erat ut lumen quod in eo obscurauerat fraus mendacijs, reaccenderet & refoueret ueritatis auditus. Sequitur,

PROFECTVS QVE Israel cū omnibus quæ habebat uenit ad puteum

p 3 iura,

CAP. XLVI
De profectio-
ne Iacob in
Ægyptum
XXXI

illum dimiserit, morietur. Et dixisti seruis tuis, Nisi uenerit frater uester minimus uobiscum, nō uidebitis amplius faciem meam.) Multa in narratione Iudæ aliter dicta sunt, quàm cum illis egerat Ioseph, quamuis apud eum loqueretur, ut omnino de illa simulatione quod exploratores essent nihil diceretur, quod utrum consulto tacitum sit, an id fecerit perturbationis obliuio, non apparet. Nam & illud quod dixerunt, se ab ipso Ioseph interrogatos de patre & fratre suo, se autem illa interroganti indicasse, mirum si uel ad sententiā possit ista peruenire narratio, ut eam constet esse ueracem: quanquam & si aliqua in ea falsa sunt, falli potius per obliuionē potuit, quàm auderent mentiri, apud eum præsertim, cui non sicut nescienti, sed etiam illa quæ nouerant eum scire, ad flectendā eius misericordiā narrationi inferebat. Sequitur, Manebo itaque seruus tuus pro puero in ministerio domini mei, & puer ascēdat cum fratribus suis. NON se poterat ultra cohibere Ioseph, eleuauitque uocem cum fletu, quam audierūt Ægyptij, & dixit fratribus suis, Ego sum Ioseph. Adhuc pater meus uiuit? Nec poterant respondere fratres, nimio timore perterriti. Ad quos ille clemēter, Accedite, inquit, ad me. Et quum accessissent prope, Ego sum, ait, Ioseph frater uester, quem uendidistis. Pro salute enim uestra misit me deus ante uos in Ægyptum, ut seruemini super terram, & escas ad uiuendum habere possitis.) Quid est quod dicit Ioseph, Misit me deus ante uos in Ægyptū, ut seruemini super terram, & escas ad uiuendum habere possitis: nisi forte significat illud altum secretumque mysteriū, quod ait Apostolus, Reliquiæ per electionē gratiæ saluæ factæ sunt, quia propheta prædixerat, Si fuerit numerus filiorū Israel quasi arena maris, reliquiæ saluæ fient. Ad hoc enim occisus est Christus à Iudæis, & traditus gentibus, tanquam Ioseph Ægyptijs à fratribus, ut & reliquiæ Israel saluæ fierent: unde dicit Apostolus, Nam & ego Israelita sum: & ut plenitudo gentium intraret, & sic omnis Israel saluus fieret, id est ex reliquijs Israel secundum carnem & plenitudine gentium, quæ in fide Christi secundum spiritum sunt Israel: aut si genti illius Israelitiæ restat fidei plenitudo, ex qua erāt reliquiæ, in quibus reliquijs tunc & apostoli salui facti sunt, hoc significat ea plenitudine liberatiōis Israel, qua per Moysen ex Ægypto liberati sunt. Sequitur, Dedit Ioseph fratribus suis plaustra secundum Pharaonis imperiū & cibaria in itinere, singulisque proferri iussit binas stolas: Benjamin uero dedit trecentos argenteos cum quinque stolis optimis, tantundem pecuniæ & uestium mittens patri suo, addens ei asinos decem, qui subueherent ex omnibus diuitijs Ægypti, & totidem asinas triticum in itinere parantesque portantes.) Triginta argenteos à Christo accepit quicumque prædicat trinitatem siue Christi crucē: ideoque Paulus ait, Neque enim iudicaui me scire aliquid inter uos, nisi Christum Iesum, & hūc crucifixum. Quinque autem stolas accepit, id est sapientiæ, omniumque sensuum multiplicem in lege disciplinam. Præcellit igitur Paulus, & exuberat eius portio meritorum: sed tamē habent & fratres, id est alij prædicatores gratia sua binas stolas, id est ut confiteantur Christum

CAP. XLV
De manifesta-
tione Ioseph
ad fratres
XXX

Christum & deum esse & hominē, iuxta quod in Prouerbijs legitur, Omnes domestici eius uestiti sunt duplicibus, idest mystica uel morali intelligentia. Mittuntur & patri munera. Filius honorat patrē suum, & Christus populum suum promissis inuitat muneribus. Portant hæc munera asini illi gentiles, inutiles, & laboriosi: nunc autem utiles portent in typū Christi munera, portent in euangelio munerum largitorem. Sequitur, Qui ascendentes uenerunt in terram Chanaan ad patrem suum Iacob, & nuntiauerunt ei, dicentes, Ioseph uiuit, & ipse dominatur in omni terra Ægypti. Si enim potuisset uinci à libidine & peccasset cum uxore domini sui, nō puto quod hoc à patriarchis nuntiātū de eo fuisset patri eius Iacob, quia filius eius uiueret. Hoc enim si fecisset, sine dubio non uiuebat. Anima enim quæ peccat, ipsa moritur. Tale ergo aliquid & in Iacob indicare uidetur hic sermo, quod donec lōge fuit ab Ioseph, & non est annūtiatum ei de uita eius, ueluti defecerat in eo spiritus eius, & lumen quod in ipso fuit fomentis deficiētibus iam fuerat obscuratū: ubi uero uenerunt qui ei annūtiauerunt de uita eius, id est qui dicerent, quia uita erat lux hominum, reaccēdit in se spiritum suum, & reparatus est in eo fulgor luminis ueri, & qui mortuus uidebatur, fide resurrectionis uiuificatur. Sed & in nobis calcare libidinē, fugere luxuriā, omnesq; uoluptates corporis premere ac refrēnare, hoc est principatū gerere totius Ægypti: & hoc est quod apud Israel magnum ducitur, & in admiratione habetur. Si quis uero est, qui aliqua quidem uitia corporis subiiciat, alijs uero cedat & subiaceat, de isto nō integre dicitur, quia principatū agit totius terræ Ægypti, sed unius fortē aut duarū aut trium ciuitatum uidebitur gerere principatū. Sequitur, Quo audito, quasi de graui somno euigilans, tamen non credebat eis, illi econtra referebant ordinē rei. Vocatur ergo plebs incredula, id est Iacob, à filijs suis, id est Petro & Paulo & Ioanne, dum populus Iudæorum inuitatur ad gratiam. Sequitur, Quumq; uidisset uniuersa quæ miserat, reuixit spiritus eius, & ait, Sufficit mihi si adhuc Ioseph filius meus uiuit, uadam & uidebo illum ante q̃ moriar. Sed nec hoc quidem ociose relinquendū est, quod non animum sed spiritum, tanq̃ meliorem sui partē resuscitatū esse dicit. Splendor etenim lucis qui erat in eo, etiam si extinctus penitus non est, tunc quum obtulerunt filij eius tunicam Ioseph hœdi sanguine maculatam, & mendacio eorum decipi potuit, ita ut scinderet uestimēta sua & poneret saccum super lumbum suum & lugeret filium suum nec uellet omnino consolari, sed diceret Quia descendā ad filium meū lugens in infernum. Tunc etiam si, sicut diximus, nō erat penitus extinctum in eo lumen, maxima tamē ex parte fuerat obscuratū quod decipi potuit, quod uestimenta scindere, quod falsō lugere, quod implorare mortē, quod in infernum cuperet lugendo descendere. Propter hæc quoq; nunc resuscitatur & reuiuiscit spiritus eius, quia cōsequēs erat ut lumen quod in eo obscurauerat fraus mendacijs, reaccenderet & refoueret ueritatis auditus. Sequitur,

PROFECTVS QVE Israel cū omnibus quæ habebat uenit ad puteum

CAP. XLVI
De profectio-
ne Iacob in
Ægyptum
XXXI

iuramēti, & mactatis ibi uictimis deo patris sui Isaac, audiuit deum per uisionem nocte uocantem se, & dicentem sibi, Iacob, Iacob. Qui respondit, Adsum. Ait illi deus, Ego sum fortissimus deus patris tui. Noli timere descendere in Ægyptum, quia in gentem magnam faciam te ibi. Ego descendā tecum illuc, & ego inde adducam te reuertentem.) Quis est, qui factus est in gentem magnam in Ægypto, & in fine reuocatus est? Quantū ad Iacob illum spectat de quo dici putatur, non uidebitur uerū: non enim in fine reuocatus est ex Ægypto, quippe qui defunctus in Ægypto est. Absurdū autē erit, si quis in eo reuocatum dicit à deo Iacob, quia corpus eius reportatū est, quod si recipiat, non erit uerum: quia deus, non est deus mortuorū, sed uiuorum. Non enim conuenit hæc de corpore mortuo intelligi, sed super uiuos & in gentibus approbari. Videamus ergo domini descensum in hunc mundū, & in gentem magnam, hoc est, in ecclesiam ex gentibus factam, cōsummatisq; omnibus ad patrem regressum. In hoc ergo uerius q̃ in Iacob adimplebitur quod dictū est, Quia reuocabo te inde in fine. Sed & unusquisq; nostrū eodem ordine atq; eadem uia Ægyptum & agones ingreditur, si mereatur ut deus semper maneat cum eo, & faciat eum in gētem magnam. Magna enim gens, est uirtutū numerus, & iustitiæ multitudo, in qua sancti quicq; multiplicari dicunt & crescere. Completur in eo etiam illud quod dictū est, Quia reuocabo te in fine. Finis enim, perfectio rerum, & uirtutum cōsummatio ponitur. Sequitur, Ioseph quoq; ponet manū suam super oculos tuos.) Verus etenim Ioseph, dominus & saluator noster, sicut corporale manum suam posuit super oculos cæci & reddidit ei uisum, quem perdididerat: ita etiā spirituales manus suas posuit super oculos legis, qui per corporalem intelligentiā scribarum & Phariseorum fuerant excæcati, & reddidit ei uisum, ut his quibus aperit dominus scripturas, spiritalis in lege uisus, & intellectus appareat. Atq; utinā & nobis inīciat dominus Iesus manus suas super oculos, ut incipiamus & nos respicere, non ea quæ uidentur, sed quæ nō uidētur: & aperiat nobis illos oculos qui non intuent præsentia, sed futura: & reuelet nobis cordis aspectū, quo deus uidetur in spiritu. Sequitur, Surrexit Iacob à puteo iuramēti, tuleruntq; eum filij cū paruulis & uxorib. suis in plaustris quæ miserat Pharaon ad portandū senem, & omnia quæ possederat in terra Chanaan: uenitq; in Ægyptū cū semine suo, filij eius, & nepotes, filia, cunctaq; simul progenies. Quærendū est quomodo dicat, Filias eius cum eo: quum unā tantū filiam legatur habuisse. Superius autē filias eius dixeramus accipi posse, neptes eius, sicut filij Israel omnes dicuntur etiam uniuersus populus ab illo propagatus. Sed nunc quū dicit, filias filiarū, præter unam Dinam, pluralis numerus pro singulari positus est, sicut etiā pro plurali, singularis solet poni: nisi nurus eius quisq; asserat filias eius potuisse appellari. Sequit̃, Hi filij Lia, quos genuit in Mesopotamia Syriæ cū Dina filia. Omnes enim animæ filiorū & filiarū eius trigintatres.) Nunquid istæ omnes xxxiii animæ ex Lia in Mesopotamia Syriæ natæ sūt? Sed utiq; sex filij &

Numerus filiorum Iacob ingressorū in Ægyptum
xxxii

una

una filia, ex quib. nepotes cōmemorati sunt. Si ergo de uno Bēlamin quæstio nata fuerat, quādo numeratis XII filijs Iacob, & nominatim cōmemoratis dictum est, Hi filij Iacob, qui nati sunt ei in Mesopotamia Syriæ: quanto maior nunc quæstio est, quomodo XXXIII animæ ex Lia in Mesopotamia Syriæ nate sint: nisi quia illa loquutio cōfirmatur, tanq̃ ibi omnes orti sint. Deinde & illud non dubiū iam est, in una filia filias nominari, plurali numero pro singulari posito. Sed tamen uidendū est, quid hic respōdeatur eis, qui hoc testimonio cōfirmare nituntur à parētibus simul animas cum corporibus propagari. Animas enim dictas pro hominib. à parte totū significāte loquutione, nullus ambigit: sed quomodo ipsam partem ex qua totū commemoratū est, hoc est animam, cuius nomine totus homo significatus est, alienemus ab eo quod dictum est, Exierunt de femorib. eius, ut carnes tantū ex illo natas, quāuis solæ animæ nominentur. Sequit̃, Cunctæ animæ quæ ingressæ sunt cū Iacob in Ægyptū, & egressæ de femore illius absq̃ uxoribus filiorū LXVI. Filij aut̃ Ioseph qui nati sunt ei in terra Ægypti, animæ duæ. Omnes animæ domus Iacob, quæ ingressæ sunt Ægyptū, fuere LXX. Quod legit̃ LXVI animas intrasse cū Iacob in Ægyptū, exceptis uidelicet filijs Ioseph: & deinde illis annumeratis infertur LXX animæ erant, cum quib. Iacob intrauit in Ægyptū, sic accipiendū est, in domo Iacob quādo intrauit in Ægyptum. Nam utiq̃ quos ibi inuenit, non cum eis intrauit: sed quādiligentius discussa ueritate reperiuntur duo nati iam fuisse quum intrauit, Effraim & Manasses: quod non solum Hebræi codices habere dicuntur, uerum etiā ipsa secundū Septuaginta interpretatio in Exodo declarat. Nec Septuaginta interpretes mihi uidentur errasse, dum dicūt LXXV animas cum Iacob intrasse Ægyptū: propter aliquā mysticam significationē, quadā uelut prophetica libertate hunc numerū complere uoluerunt, si adhuc uiuēte Iacob, illi ex duobus filijs Manasse & Effraim propagati sunt, quos eidem numero domus Iacob aggregandos iudicauere. Sed quia inuenitur Iacob XVII annos uixisse in Ægypto, quomodo potuerint filij Ioseph illo uiuo etiā nepotes habere non inueniē. Ingressus est enim Ægyptum Iacob secundo famis anno: nati sunt aut̃ filij Ioseph in annis abundantia. Quibuslibet annis ubertatis nati existiment̃, à primo anno ubertatis usq̃ ad secundum annum famis quo ingressus est in Ægyptum, IX anni fiunt. His additis XVII, quibus ibi uixit Iacob, XXVI anni reperiuntur. Quomodo ergo minus q̃ XXVI annorum iuuenes, nepotes habere potuerunt? Sed neq̃ ulla Hebraica ueritate ista soluitur quæstio. Quēadmodū enim impleri potuit, ut tot nepotes susciperet Iacob ante q̃ intraret in Ægyptū, etiam de Benjamin, qui illa ætate uenit ad fratrem? Non solum aut̃ scriptura eum filios habuisse commemorat, sed & nepotes & pronepotē, qui omnes annumerantur LXVI, cum quibus Iacob in Ægyptū, etiam secundū Hebraicā ueritatē perhibetur intrasse. Vidēdum est etiam quid sibi uelit, quod cum Ioseph & filij eius, non amplius q̃ octo commemorentur, Benjamin uero & eius filij simul undecim

reperiantur, non XIX omnes, sicut sunt VIII & XI, sed XVIII referantur in summam, & postea Ioseph cum filiis suis non animæ VIII, sed IX fuisse dicantur, quum VIII inueniantur. Hæc omnia quæ indissolubilia uidentur, magnā continent sine dubitatione rationem: sed nescio utrum possint cuncta ad literam conuenire, præcipue in numeris, quos in scripturis sacratissimos esse & mysteriorum plenissimos, ex quibusdā quos inde nosse potuimus dignissime credimus. Sequitur, Misit autem Iudam ante se ad Ioseph, ut nuntiaret ei, & ille occurreret ei in Gessen. Quò quum peruenisset, iuncto Ioseph curru suo ascendit Ioseph obuiam patri ad eundem locum, uidensq; eum irruit super collum eius, & inter amplexus fleuit. Occurrit illi Iudas, id est cōfessio, quia iam præcedit confessio, quos antea perfidia possidebat, & sic uero Christo occurrerūt: & sic Ioseph, hoc est uerus Christus illis occurrit impartiendo illis fidem. Quis enim hac ætate suscipit ultimis temporibus populum Iudæorum, non secundum illius merita, sed secundum electionis suæ gratiam, & imponit manus super oculos eius, & cæcitatem aufert, cuius ideo distulit cæcitatem, ut postremus crederet qui antea non putabat esse credendum in Christo. Vnde Apostolus ait, Quia cæcitas ex parte in Israel facta est, donec plenitudo gentiū intraret, & sic omnis Israel saluus fieret. Sequitur, Loquutus est autē Ioseph ad fratres suos, & ad omnem domum patris sui, Ascendam & nuntiabo Pharaoni, dicamq; ei, Fratres mei & domus patris mei qui erant in terra Chanaā uenerunt ad me, & sunt uiri pastores ouium, curamq; habent alēdorum gregum, pecora sua & armēta & omnia quæ habere potuerūt, adduxerūt secū. Quūq; uocauerit uos Pharaō, & dixerit uobis, Quod est opus uestrū, respondebitis, Viri pastores serui tui, ab infantia nostra usq; in præsens, & nos & patres nostri. Cōmendatur in patriarchis, quod pecorū nutritores erant à pueritia sua & à parentib. suis, & merito. Nam hæc est sine ulla dubitatione iusta seruitus, & iusta dominatio, quū pecora homini seruiūt, & homo pecorib. dominatur: sic enim dictū est quum homo crearetur, Faciamus hominē ad imaginē & similitudinē nostrā, & habeat potestatem piscium maris & uolatiliū cœli, & omnium pecorū quæ sunt super terram. Vbi insinuat rationē debere dominari irrationabili uitæ. Seruum autē hominē homini, uel iniquitas, uel aduersitas fecit: iniquitas quidem sicut dictū est, Maledictus Chanaā, seruus erit fratribus suis, aduersitas uero sicut accidit Ioseph, ut uenditus à fratrib. seruus alienigenis fieret. Itaq; primos seruos, quibus hoc nomen in Latina lingua inditū est, bella fecerūt. Qui enim homo ab homine superatus, iure belli poterat occidi, quia seruatus est, seruus est appellatus. Inde & mancipia dicta, quia manu capta sunt. Est etiam ordo naturalis in hominibus, ut seruiant scēminæ uiris, & filij parentibus: quia & illic hæc iustitia est, ut infirmior ratio seruiat fortiori. Hæc igitur in dominationibus & seruitutibus clara iustitia est, ut qui excellūt ratione, excellāt dominatione. Quod quum in hoc seculo per iniquitatem hominum perturbatur, uel natura carnaliū aduersitatū, serunt iusti temporalem aduer-

diuersitatem, in fine habituri & ornatissimā & sempiternā felicitatem. Regna uerunt hic ergo patriarchæ & prophetæ, ut ista regna deum dare & auferre ostenderetur: non hic regnauerunt apostoli & martyres, ut regnū cœlorū desiderandum panderetur. Illi regia bella gesserunt, ut tales quoque uictorias appareret dei uoluntate præstari: isti non resistendo interfecti sunt, ut potiore esse docerent uictoriam pro fide ueritatis occidi, quamquam & illic prophetæ nouerant mori pro ueritate. Hæc autem dicetis, ut habitare possitis in terra Gessen.) Interpretatur autem Gessen Propinquitas, uel proximitas. Per quod ostenditur, quia etiam si in Ægypto habitat Israel, non tamē longe est à deo, sed proximus est ei & coniunctus, sicut etiam ipse dicit, Quia ego descendam tecum in Ægyptū, & ero tecum. Et nos ergo etiam si uideamur in Ægyptum descendisse, etiam si in carne positi agones mundi huius & certamina sustinemus, etiam si inter eos habitamus qui deseruiūt Pharaoni, tamē si prope deo sumus, si in mandatorū eius meditatione uersamur, & præcepta eius ac iudicia perquirimus: hoc est enim esse prope deo, semper quæ dei sunt cogitare, quæ dei sunt querere: & deus semper erit nobiscum. Sequitur, Quia detestantur Ægyptij omnes pastores ouium. Abominatio est enim Ægyptijs omnis pastor ouium Merito Ægyptijs in quibus est figura præsentis seculi, in quo abundat iniquitas, abominatio est omnis pastor pecorum: abominatio est enim iniquo uir iustus. Sequitur,

INGRESSVS ergo Ioseph, nuntiauit Pharaoni, dicens, Pater meus & fratres mei, oues eorum & armenta & cuncta quæ possident, uenerunt ad me de terra Chanaan, ecce cōsistunt in terra Gessen. Extremos quoque fratrum suorum quinque uiros, statuit corā rege. Quos ille interrogauit, Quid habetis operis? Responderunt, Pastores ouium sumus & nos & patres nostri, ad peregrinandum in terra tua uenimus, quoniā non est herba gregibus seruorum tuorum ingrauescente fame in terra Chanaā, petimusque ut esse nos iubeas in terra Gessen.) Quæri potest quum Ioseph frumenta colligeret, unde homines uiuerent, pecora unde uiuebant, dū tanta fames inualesceret, maxime quia fratres Ioseph Pharaoni dixerunt, Non sunt enim pascuæ gregibus seruorum tuorum in terra Chanaan inualescente fame, & propter hanc inopiā pascuarum se uenisse cōmemorauerunt. Pro eo si ea fame pascua defecerant in terra Chanaan, quur in Ægypto non defecerant, eadem tunc fame inualescente? Nam sicut perhibetur ab eis qui loca illa sciunt, in multis Ægypti paludibus poterant pascua non deesse, etiam quum fames esset frumentorū, quæ solent Nili fluminis inundatione prouenire. Magis enim dicuntur paludes illæ & feracius pascua gignere, quando aqua Nili fluminis minus excrescit. Sequitur,

Dixit itaque rex ad Ioseph, Pater tuus & fratres tui uenerunt ad te, terra Ægypti in conspectu tuo est, in optimo loco fac habitare eos, & trade eis terram Gessen. Tradidit post hæc Ioseph parentibus & fratribus optimam terram Gessen.) Sic & dominus eligens terram meliorem parentibus, id est prophetis

CAP. XLVII

De dicto regis, Pater tuus & fr. &c.
XXXIII

prophetis & patriarchis, ex quibus secundum carnem nasci dignatus est: siue omnibus sanctis, de quibus in euangelio dicit, Hi sunt fratres mei, qui faciunt uoluntatem meam. His igitur daturus est terram repromissionis regni dei, de qua dicit propheta, Credo uidere bona domini in terra uiuentium. Sequitur,

Post hæc introduxit patrem suum ad regem, & statuit eum coram eo. Qui benedicens illi, & interrogatus ab eo, quot sunt dies annorū uitæ tuæ, respondit, Dies peregrinationis meæ centum triginta annorum sunt, parui & mali, & non peruenerunt usq; ad dies patrum meorum, quibus peregrinati sunt.) Dicimus autem, non tam seculum ipsum, quod die & nocte annis currit & mensibus, appellari malum, quàm ea quæ in seculo fiunt. Quomodo sufficere dicitur diei malitia sua, ita & dies Iacob modici dicuntur esse & mali, & quod ea quæ sustinuit per uaria eum exercuerunt tentamenta: unde & Ioannes ait, Mundus in maligno positus est: non quod mundus ipse sit malus, sed quod mala in mundo fiant ab hominibus. Sequitur, Et alebat omnem domū patris sui, præbens cibaria singulis.) Verūtamen Iacob nec quando uidit Ioseph adorauit, nec quando ab illo triticum accipiebat. Quomodo ergo somniū Ioseph impletum putabimus, & non potius maioris rei cōtinere prophetiam? Sequitur, In toto enim orbe panis deerat, & oppresserat fames terram maxime Ægypti & Chanaan, ex quibus omnem pecuniam cōgregauit, & intulit eam in ærarium regis.) Pertinuit ad scripturam in hac etiam re commēdare fidem famuli dei. Emit igitur Ioseph omnem terram Ægypti uendentibus singulis possessiones suas præ magnitudine famis, subiecitq; eā Pharaoni, & cūctum populum eius à nouissimis terminis Ægypti usq; ad extremos fines eius.) Respice ad originē generis, & inuenies quod pater eorum Cham, qui nuditatem riserat patris, huiuscemodi sententiā meruit, ut filius eius Chanaan seruus esset fratribus suis, quo in eo nequitiam morum argueret cōditio seruitutis. Non ergo immerito ignobilitatem generis decolor posteritas imitatur. Hæc ergo si intelligamus spiritaliter, quæ sit Ægyptiorū seruitus agnoscimus: quia seruire Ægyptijs non est aliud q̃ obnoxium esse carnalib. uitijs, & dæmonibus esse subiectū. In quod utiq; unumquēq; non extrinsecus illata necessitas cogit, sed segnitia animi, & libido ac uoluptas corporis subigit, cui se animus per socordiam subdit. Qui uero libertatis animæ curam gerit, & dignitatem mentis cœlesti cogitatione nobilitat, iste ex filijs Israel est, qui etiam si uiolenter opprimatur ad tempus, non tamen libertatē suam in perpetuum perdit. Sequitur, Præter terrā sacerdotū que à rege tradita fuerat eis, quibus & statuta cibaria ex horreis publicis præbebantur, & idcirco non sunt cōpulsū uēdere possessiones suas.) Deniq; uis scire quid intersit inter sacerdotes dei & sacerdotes Pharaonis? Pharao concedit terrā sacerdotibus suis, dominus autem sacerdotibus suis partem non cōcedit in terra: sed dicit eis, Ego sum pars uestra. Obseruate ergo qui hæc legitis, omnes domini sacerdotes, & uideate quæ sit differentia sacerdotum, ne fortè qui partem habent in terra, & terrenis

renis cultibus ac studijs iacant, non tam domini, quàm Pharaonis sacerdot-
 tes esse uideantur. Ille est enim qui uult sacerdotes suos habere possessiones
 terrarum, & exercere agri non animæ culturam, ruri & non legibus operam
 dare. Christus autē dominus noster sacerdotibus suis quid præcipiat audia-
 mus. Qui non, inquit, renuntiauerit omnibus quæ possidet, non potest meus
 esse discipulus. Contremisco hæc dicens, meus enim primo omnium, meus in
 quam ipse accusator existo, meas condemnationes loquor. Negat Christus
 suum esse discipulum, quem uiderit aliquid possidentem, & cum qui non re-
 nuntiat omnibus quæ possidet. Et quid agimus? Quomodo hæc aut ipsi legi-
 mus, aut populis prædicamus, qui non solum non renuntiamus his quæ pos-
 sidemus, sed acquirere uolumus ea quæ nunquam habuimus, ante quàm ue-
 niremus ad Christum? Nunquid nam quia nos redarguit conscientia tegere
 & non proferre quæ scripta sunt, possumus modo duplicati criminis esse rei?
 Confiteor palàm, & populo audiente confiteor hæc scripta esse; etiam si non
 dum impleſſe me noui. Sed hoc saltem commoniti festinemus implere, festi-
 nemus transire à sacerdotibus Pharaonis, quibus terrena possessio est, ad sa-
 cerdotes dei, quibus in terra pars non est, quibus portio dominus est. Sequi-
 tur, Dixit ergo Ioseph ad populum, En ut cernitis & uos & terram uestram
 Pharaon possidet, accipite semina, & serite agros, ut fruges habere possitis.
 Quintam partem regi dabitis, quatuor reliquas permitto uobis in semen, &
 in cibos famulis & liberis uestris.) Contulimus sacerdotes sacerdotibus, nunc
 si uidetur & populum Ægyptiū populo Israelitico conferamus. Dicitur enim
 in consequentibus, quia post famem & seruitutem populus Ægyptius quin-
 tam partem offerat Pharaoni, ecōtrario uero Israeliticus populus deferat de-
 cimas sacerdotibus. Vide & in hoc scripturam diuinam in generatione sub-
 nixa, uide Ægyptium populū quinario numero tributa pendentem. Quinq;
 enim sensibus corporalibus designantur, quibus carnalis populus seruit, sem-
 per enim Ægyptij uisibilibus rebus & corporalibus obsequuntur. At uero Is-
 raeliticus populus honorat decadā, perfectionis numerum. Decem enim uer-
 ba legis accepit, & decalogi uirtute constrictus, ignota mundo huic sacra-
 ta largitione diuina suscepit. Sed & in nouo testamento similiter uenerabilis
 est denarius numerus, sicut & fructus spiritus diuinis exponit germinare uir-
 tutibus, & seruus fidelis de negotiationib. sui lucri decē mnas offert domino,
 & decem ciuitatum accipit potestatem. Verum quia unus est autor omniū, &
 fons & initium unus est Christus, idcirco populus decimas quidē ministris & sa-
 cerdotib. præstat: primo uero offert primogenito omnis creaturæ, & initia ini-
 tio omniū, de quo scriptū est, Qui est initium primogenitus omnis creaturæ. Vi-
 de ergo ex his omnib. differentiā populi Ægyptiorū & populi Israel, & diffe-
 rentiam sacerdotū Pharaonis & sacerdotū domini, & discutiens temetipsum
 præuide de quo populo sis, & cuius ordinis sacerdotium teneas: si adhuc car-
 nalibus sensibus seruis, si adhuc quinario numero uectigal exsoluis, & respicis
 ea quæ

De dicto Io-
 seph, En ut
 cernitis, &c.
 XXXIII

De iuramen-
to Ioseph
XXXV

ea quæ uisibilia & temporalia sunt, & non respicis ea quæ inuisibilia & æterna sunt, de Ægyptio populo te esse cognosce. Si uero decalogum legis & decadam noui testamenti, quæ supra exposuimus, semper ante oculos habeas, & de his decimas offers, & primogenita sensus tui in fide immolas primogenito ex mortuis, & initia tua refers ad initium omnium, uerus Israelita es, in quo dolus nō est. Sequitur, Quumq; appropinquare cerneret Israel diem mortis suæ, uocauit filium suum Ioseph, & dixit ad eum, Si inueni gratiam in conspectu tuo, pone manum tuam sub femur meum, & facies mecum misericordiam & ueritatem.) Ea filium adiuratione constringit, qua seruū constrinxerat Abraham: ille mandans unde uxor ducatur filio suo: iste sepulturā commendans corporis sui. In utramq; causam tamē nominata sunt duo illa, quæ magna habenda atq; pendenda sunt, in scripturis omnibus quæcunq; dissim leguntur, misericordia & iustitia, uel misericordia & iudicium, uel misericordia & ueritas, sicut scriptum est, Vniuersæ uia domini misericordia & ueritas. Hæc ergo duo commendata, multum considerāda sunt. Seruus Abraham dixerat, Si facitis cum domino meo misericordiam & iustitiam: & iste filio dicit, Vt facias in me misericordiam & ueritatem. Sequitur, Vt non sepelias me in Ægypto, sed dormiam cum patribus meis, & auferas me de hac terra, condasq; in sepulchro maiorum.) Quid sibi autem uelit tanto uiro tam sollicita corporis commendatio, ut non in Ægypto sepeliatur, sed in terra Chanaan iuxta patres suos: mirum uidetur & quasi absurdum, nec quasi conueniens tantæ excellentiæ mentis propheticæ, si hoc ex hominum consuetudine etiam curet: si autem in omnibus his sacramenta quærantur, maioris admirationis gaudium ipsi qui inuenerit orietur. Cadaueribus mortuorum peccata significari non dubium est, quum iubentur homines post eorum cōtactionem, siue qualicunq; contactu, tanquam ab immūdia purificari, & hinc illa sententia dicta est, qui baptizatur à mortuo, & iterum tangit illum, quid prodest lauitio eius? Sepultura ergo mortuorum, remissionem significat peccatorum, eō pertines quod dictum est, Beati quorum remissæ sunt iniquitates, & quorum tecta sunt peccata. Vbi ergo sepelienda erant hoc significantia cadauera patriarcharum: nisi in ea terra, ubi ille crucifixus est, per quem facta est remissio peccatorum: & si quid aliud de re tanta, uel hoc modo uel sublimius intelligi potest. Nec tamen frustra arbitremur tales ac tantos homines tantam gessisse curam pro sepeliendis corporibus suis, quum sit, atq; esse debeat fidelium ista securitas, quod ubicunq; corpora eorum sepeliantur, uel insepulta etiam per inimicorū rabiem relinquuntur, aut pro eorum libitu dilacerata absumentur, nō ideo uel minus integram, uel minus gloriosam eorum resurrectionem credimus esse futuram. Sequitur, Respondit Ioseph, Ego faciam quod iussisti. Et ille, Iura ergo, inquit, mihi. Quo iurante, orauit Israel deum, conuersus ad lectuli caput.) Merito quæritur quid sit quod dictum est, Adorauit Israel deum, conuersus ad lectuli caput: in quo utiq; senex iacebat, & sic positum

caput

caput habebat, ut in eo sine labore quando uellet, oraret, quod scilicet postquam iurauit filius, securus de petitione quam rogauerat, adoraret deum contra caput lectuli sui. Sanctus quippe & deo deditus uir, oppressus senectute sic habebat lectum positum, ut ipse iacentis habitus absque difficultate ulla ad orationem esset paratus. Sequitur,

HIS ita transactis, nuntiatum est Ioseph, quod ægrotaret pater eius. Qui assumptis duobus filiis suis, Manasse, & Effraim, ad eum perrexit. Dictumque est seni, Ecce Ioseph filius tuus uenit ad te. Qui confortatus sedit in lectulo, & ingressus ad se, ait, Deus omnipotens apparuit mihi in Luza, quæ est in terra Chanaan, benedixitque mihi, & ait, Ego te augebo, & multiplicabo, & faciam in turbas populorum: daboque tibi terram hanc, & semini tuo post te, in possessionem sempiternam.) Etiam hinc commemorat Iacob promissiones dei erga se factas, dicitque sibi dictum, Faciam te in turbas populorum. Quibus uerbis magis fidelium uocationem significat, quam carnalis generis propagationem. Sequitur, Duo igitur filij tui, qui nati sunt tibi in terra Ægypti antequam huc uenirem ad te, mei erunt, Effraim, & Manasses, sicut Ruben & Beniamin reputabuntur mihi.) Si quis autem ambigit, quod septuaginta animæ introissent in Ægyptum filiorum Israel, & quod Ioseph eo tempore quo ingressus est Iacob, non nouem, sed duos tantum filios habuerit, præsentis capitulo confirmatur. Siquidem ipse Iacob loquitur, duos eum habuisse filios, non nouem. Quod si e contrario nobis illud opponitur, quomodo in Actibus apostolorum in cōcione Stephani dicatur ad populum, septuagintaquinque animas ingresses esse Ægyptum, facilis excusatio est. Non enim debuit sanctus Lucas, ipsius scriptor historiarum, ingens Actuum apostolorum uolumen emittens gentibus, contrarium aliquid scribere aduersus eam scripturam quæ iam fuerat gentibus diuulgata: & utique maioris opinionis illo dūtaxat tempore Septuaginta interpretum habebatur autoritas, quam Lucas, qui ignotus & uilis & non magnæ fidei in nationibus habebatur. Hoc autem generaliter obseruandum, quod ubicunque sancti apostoli aut apostolici uiri loquuntur ad populos, his plerumque testimonijs utuntur, quæ iam fuerant in gentibus diuulgata. Quod autem dicit, Effraim & Manasses sicut Ruben & Simeon erunt mihi: illud significat, Sicut Ruben & Simeon duæ tribus erunt, & ex suis uocabulis appellabuntur, duosque populos procreabunt: & sic hæreditabunt repromissionis terram, sicut & cæteri filij mei. Sequitur, Reliquos autem quos genueris post eos, tui erunt, & nomine fratrum suorum uocabuntur in possessionibus suis.) Non, inquit, accipient separatim terram, nec fundulos habebunt proprios, ut reliquæ tribus, sed in tribubus Effraim & Manasse, quasi appendices populi commiscebuntur. Sequitur, Mihi enim quando ueniebam de Mesopotamia mortua est Rachel mater tua in terra Chanaā, in ipso itinere, eratque uertum tempus: & ingrediebar Effratam, & sepeliui eam iuxta uiam Effratæ, quæ alio nomine uocatur Bethlehem.) Quod Iacob filio suo Ioseph tãquam nescienti

CA. XLVIII
De ægritudine Iacob
XXXVI

uoluit indicare ubi & quando sepelierit matrem eius, quum & ipse simul fuerit cum fratribus suis: sed & si erat tam paruus etate erat, ut illud uel curare uel animo retinere non posset: quæ res cõpulit modo dici, nisi fortè ad rem pertinuit cõmemorare ibi sepultam matrem Ioseph, ubi Christus erat nasciturus. Sicut autem duo filij Isaac, Iacob & Esau, figuram habuerunt duorum populorum in Iudæis & Christianis, quamuis quatum ad carnis propagationem pertinet, nec Iudæi uenerunt de semine Esau, sed Idumæi, nec Christianæ gentes de Iacob, sed potius Iudæi: ad hoc enim tantum figura qua dictum est, Maior seruiet minori: ita factum est etiam in duobus filiis Ioseph: nam maior gessit typum Iudæorum, Christianorum minor. Quos quum benediceret Iacob, manum dextram ponens super minorem quem habebat ad sinistram, sinistram uero super maiorem quem habebat ad dexteram: graue uisum est patri eorum, & admonuit patrem uelut corrigens eius errorem, & quis nam eorum maior esset ostendens. At ille noluit mutare manus, sed dixit, Scio fili mi, scio: & hic erit in populum & exaltabitur, sed frater eius iunior maior illo erit, & semen eius erit in multitudine gentium. Etiam hic duo illa promissa demonstrat, nam ille in populo, hic in multitudine gentium. Quid euidentius quam his duabus promissionibus contineri populum Israelitarum orbemque terrarum in semine Abrahæ, illum secundum carnem, istum secundum fidem? Sequitur, Ait quoque Iacob ad filium suum Ioseph, En ego morior, & deus erit uobiscum: reducetque uos ad terram patrum uestrorum. Do tibi partem unam extra fratres tuos, quam tuli de manu Amorrhæi in gladio & arcu meo.) Sychyma iuxta Græcam & Latinam consuetudinem declinata est, alioquin Hebræice Sichem dicitur, ut Ioannes quoque euangelista testatur, licet uitiose, ut Sychar dicatur, error inoleuit: & est nunc Neapolis, urbs Samaritanorum. Quia igitur Sichem ex lingua Hebræa transfertur in humerum, pulchre adludit ad nomen, dicens, Et ego tibi dabo humerum unum. Vnum autem pro præcipuum ponitur. Quod autem ait, se eam in arcu & gladio possedisse: arcum & gladium, iustitiam uocat: per quam meruit peregrinus & aduena, interfecto Sichem & Emor de periculo liberari. Timuit enim, ut supra diximus, ne uicina oppida atque castella ob euerisionem fœderatæ urbis, aduersus se consurgerent, & dominus non dedit eis, ut nocerent illi. Vel certe sic intelligendum est: Dabo tibi Sichymā, quam emi in fortitudine mea, hoc est in pecunia, quam multo labore & sudore acquisui. Quod autem ait, Super fratres tuos: ostendit absque sorte dedisse eam tribui Ioseph, siquidem eo loco sepultus est Ioseph, & mausoleum eius usque in præsens cernitur. Proculdubio ergo aliquod hic lateret propheticum sacramentum, quia & Ioseph quadam præcipua significatione Christum figurauit, & ei datur illa terra ubi disperdiderat obruendo deos alienos Iacob, ut Christus intelligatur possessurus gentes dijs patrum suorum renuntiantes & credentes in eum. Hæredem ergo bonorum operum sanctum Ioseph præ cæteris elegit, cuius opera fratres æquare non poterant: & ideo

De uerbis Iacob, En morior, &c.

XXXVII

ideo locum stupri & flagitijs uacantem ad incolatum sanctorum uerbis coelestibus & gladio capiens spiritali, ut ubi habitatores antea lasciuia & princeps luxuria uersabantur, ubi fuerunt incentiua libidinis & fomenta nequitiae, ibi nunc sancti sacerdotes magisteria doceant castitatis, & plurima uirginalis integritatis exempla, quodam supernae lucis fulgore resplendeant. Sequitur,

VOCAVIT autem Iacob filios suos, & ait eis, Congregamini ut annuntiem quae uentura sunt uobis diebus nouissimis, congregamini & audite filij Iacob, audite Israel patrem uestrum.) Qui ante iuniorem seniori praetulerat, coepit à primo, ut in illo mysterij praeferebat gratiam, in hoc ordinem seruaret aetatis. Sequitur, Ruben primogenitus meus, tu fortitudo mea & principium doloris mei, prior in donis, maior in imperio. Effusus es sicut aqua: non crescas, quia ascendisti cubile patris tui, & maculasti stratum eius.) Est autem sensus hic: Tu es primogenitus meus, maior in liberis, debebas iuxta ordinem natiuitatis tuae, & haereditatem quae primogeniti iure debebatur, sacerdotium accipere & regnum. Hoc quippe in portando onere, & praualido robore demonstratur: uerum quia peccasti, & quasi aqua quae uasculo non tenetur, uoluptatis effusus es impetu, idcirco praecipio tibi, ut ultra non pecces, sisque in fratrum numero poenam ex peccato luens, quod primogeniti ordinem perdidisti. Secundum mysticam intelligentiam, Ruben prioris populi uidetur ferre personam: & ideo redargui magis quam benedici uidetur, qui & primogenitus est sicut propheta dicit, Israel primogenitus meus. Etenim iuxta quod primogenitis debebatur, ipsius erat accipere sacerdotium & regnum. Additur, Tu uirtus mea: utique quia ex ipso populo fundamentum fidei, ex ipso uirtus dei, quae est Christus, aduenit. Quomodo autem ipse sit principium dolorum, nisi dum deo patri semper irrogaret iniuriam, dum conuertit ad eum dorsum & non faciem? Ille prior in donis, quia primis ipsis credita sunt eloquia dei, primis ipsis legislatio & testamentum, siue promissio. Maior est hic in imperio, utique pro magnitudine uirium dixit, quia copiosius ceteris in hoc seculo idem populus regnauit. Effusus est autem sic peccando in Christo, quasi aqua quae uasculo non tenetur, uoluptatis effusus est impetu: & idcirco addidit, Ultra non crescas: quia populus ipse, postquam in uniuerso orbe dispersus est, ualde imminutus atque abbreviatus est. Sed quare talia meruerit, subiungit, Quia ascendisti cubile patris tui, & maculasti stratum eius. Praedicat enim passionem domini & primogenitae plebis audaciam, quia ascendit cubile dei patris, & maculauit stratum eius, quando corpus domini in quo plenitudo diuinitatis quiescebat, raptum in cruce suspendit, & ferro maculauit. Sequitur, Simeon & Leui, fratres, uasa iniquitatis bellantia, in consilio eorum, ne ueniat anima mea, & in coetu illorum non sit gloriatio mea, quia in furore suo occiderunt uirum, & in uoluntate sua suffoderunt murum. Maledictus furor eorum, quia pertinax, & indignatio eorum, quia dura. Diuidam eos in Iacob, & dispergam illos in Israel.) Significat autem non sui fuisse consilij, quod Sichem & Emor, foederatos uiros

CAP. XLIX
De benedictionibus patriarcharum.
XXXVIII

interfecerint, contra iusq; pacis & amicitiarum sanguinem fuderint innocentem, & quasi quodam furore sic crudeliter obstinati, muros & hospites urbis euerterint. Vnde sequitur, & dicit, Maledictus furor eorum, quia pertinax, & indignatio eorum, quia dura: diuidam eos in Iacob, & dispergam illos in Israel. Leui enim hæreditatem propriam non accepit, sed in omnibus ceptis paucas urbes ad habitandum habuit. De Simeon uero, in libro Iesu Naue scriptum est, quod & ipse proprium funiculum non fuerit consequutus, sed de tribu Iuda quædam fuerit consequutus. In Paralipomenon autem libro manifestius scribitur, quod quum multiplicatus fuisset, & non habuerit possessionis locum, exierit in desertum. Per Simeon & Leui, scribæ & sacerdotes Iudæi populi intelliguntur. De Simeon enim, scribæ sunt Iudæorum. De tribu uero Leui, principes sacerdotum: de quibus scriptum est, Quia consiliū fecerunt, ut Iesum morti traderent. De quo consilio iste patriarcha, qui iam mente deum uidebat, dicit, In cōsilio eorum ne ueniat anima mea. Horrebat enim iam in illo tempore iste sanctus patriarcha uidere tantorū scelerum facinus, quod in nouissimis temporibus facturi erant Iudæi. Sequitur, Quia in furore suo occiderunt uirum, id est, dominum Iesum Christum: & in dolore suo suffoderunt murum, quando lancea confoderunt illud spiritale & fortissimum propugnaculum, qui custodit Israel. Maledictus furor eorum, quia pertinax ad tantum facinus utiq; perpetrandū, quando furore accensi & ira obtulerunt Christum Pontio Pilato, dicentes illi, Crucifige, crucifige: Et, Si hunc dimittis, non es amicus Cæsaris. Et indignatio eorū, quia dura: dum Barabban latronem dimittendum peterent, & principem uitæ crucifigendum postularent. Diuidam eos in Iacob, & dispergam illos in Israel. Hic duo nominantur, diuisio, & dispersio. Idcirco quia nonnulli ex ipsis in dominum crediderunt, quidam in infidelitate permanserunt. Diuisi enim dicuntur ij, qui ab eis separantur, & ueniunt ad fidem: dispersi autem, ij quorū patria temploq; subuerso, per orbem terræ incredulum genus illorum spargitur. Sequitur, Iuda, te laudabunt fratres tui. Manus tuæ in ceruicibus inimicorum tuorum: adorabūt te filij patris tui. Catulus Leonis Iuda: ad prædam fili mi ascendisti, requiescens accubuisti ut leo & quasi leena, quis suscitabit eum? Nō auferetur sceptrum de Iuda, nec dux de femoribus eius, donec ueniat qui mittendus est: & ipse erit expectatio gentium: ligans ad uineam pullum suum, & ad uitem, o fili mi, asinam suam. Lauabit in uino stolam suam, & in sanguine uuæ pallium suum. Pulchriores sunt oculi eius uino, & dentes eius lacte candidiores.) Licet de Christo mysterium sit, tamen iuxta literam prophetatū est, quod reges ex Iuda per David stirpē generarētur, & quod adorarent eum omnes tribus. Non enim ait, Filij matris tuæ: sed, Filij patris tui. Et quod sequitur, Ex germine fili mi ascendisti: in Hebræo habet, De captiuitate fili mi ascendisti: ut ostēderet, eum captiuos populos esse ducturum. Hic certe nemo dubitat, prophetatis personam esse dilucidatam. Audiamus igitur quid dicat filio suo Iudæ, de cuius tribu Christus

stus uenit ex semine Dauid, secundum carnem, sicut apostolica doctrina testatur. Iuda, te laudabunt fratres tui. Per hunc enim Iudam, uerus confessor exprimitur Christus, quia ex eius tribu secundum carnem est genitus. Ipsum laudant fratres sui, apostoli scilicet, & omnes cohæredes eius: qui per adoptionem, filij deo patri effecti sunt, & Christi fratres per gratiam, quorum ipse est dominus per naturam. Manus tuæ in ceruicibus inimicorum tuorum. Iisdem enim manibus, & eodem crucis trophæo, & suos exuit, & inimicos atque aduersarias potestates curuauit: iuxta quod & pater promittit ei, dicens, Sede ad dexteram meam, donec ponam inimicos tuos scabellum pedum tuorum. Adorabunt te filij patris tui, quoniam multi ex filiis Iacob adorauerunt eum, qui per electionem gratiæ salui facti sunt. Catulus Leonis Iuda, quoniam nascendo paruulus factus est, sicut scriptum est, Paruulus natus est nobis. Ad prædā fili mi ascendisti: id est, ascendens in crucē captiuos populos redemisti, & quos ille leo contrarius inuaserat, tu moriens eripuisti. Denique rediens ab inferis ascendisti in altum, captiuam duxisti captiuitatem. Requiescens accubuisti, ut leo. Manifestissime in passione Christus recubuit, quando inclinato capite tradidit spiritum, siue quādo in sepulchro securus, uelut quodam corporis somno quieuit. Sed quare ut leo, & uelut catulus leonis? In somno enim suo leo fuit: quia non necessitate, sed potestate hoc ipsum impleuit, iuxta quod & ipse dixerat, Potestatem habeo ponendi animā meā, & nemo eam à me aufert, sed ego eam ponam. Quod uero addidit, Et ut catulus leonis Iuda, quia inde mortuus unde natus. Phisici autem de catulo leonis scribunt, quod quum natus fuerit tribus diebus & tribus noctibus dormiat, tunc deinde patris fremitu uel rugitu ueluti tremefactus cubilis locus suscitare dicitur catulum dormientem. Quod ualde congruenter de passione mortis aptatur in Christo, qui tribus diebus & tribus noctibus in cubili sepulchri iacens somnū mortis impleuit. Bene ergo Christus ut leo quieuit, quia non mortis acerbitatē timuit, sed etiam in ipsa morte mortis imperiū uicit. Bene idem iterū ut catulus leonis, quia die tertia resurrexit, unde & sic adiungitur de resurrectione eius, quis suscitabit eum? Hoc est, quia nullus hominū, nisi ipse se, iuxta quod idem de corpore suo dixit, Soluite templum hoc, & post triduum suscitabo illud. Non deficiet princeps de Iuda, nec dux de femoribus eius, donec ueniat qui mittendus est, & ipse erit expectatio gentium. Hic locus manifestissime ad Iudā refertur. Tamdiu enim fuit ex semine eius apud Iudæos intemerata successio regni, donec Christus ad redemptionem mundi ex uirgine nasceretur. Probant hoc historiæ Iudeorum, quibus ostenditur primum alienigenam regem in gente Iudæorum fuisse Herodem, quo tempore natus est Christus. Quod si putant Iudæi non uenisse Christum, ergo de tribu Iuda usque hodie Iudæorum permanet regnum. Itaque non defuit uel dux uel princeps de semine Iuda, donec ueniret cui repositū est. Sed quia non solum Iudæis profuit qui mittendus erat: ideo sequitur, Et ipse erit expectatio gentium. Alligans ad uineam pullum suum: quod uidelicet pullū asinæ,

de natura catuli
leonis.

et standum.

cui supersedit Iesus, hoc est gentilium populum: uinea apostolorum qui ex Iudæis sunt, copulauerit, cui adhuc nunquam legis onus impositum est. Nam uinea domini, domus est Israel. Et ad uitem, o fili mi, asinam suam. Quod autem dicit, fili mi, apostropham ad ipsum Iudam facit, quod Christus hæc sit uniuersa facturus: nam ipse dixit, Ego sum uitis uera. Ad hæc ergo uitem alligauit asinam suam cui supersedit, id est ecclesiam ex gentibus congregatam. Hanc itaque ad uitem corporis sui alligauit in uinculo charitatis, & disciplinæ euangelicæ nexu, ut de imitatione illius uiuens efficiatur hæres dei, coheres autem Christi. Alij namque hanc asinam, synagogam interpretantur, tardigradam scilicet & graui pondere legis oppressam. Lauabit in uino stolam suam. Bona stola est caro Christi, quæ omnium peccata operuit, omnium delicta suscepit, omnium texit errores. Bona stola est, quæ uniuersos induit ueste iocunditatis. Hanc lauit in illo uino, quod pro multis effusum est in remissionem peccatorum. Et in sanguine uuae pallium suum, hoc est, in passione corporis sui diluit gentes sanguine suo. Pallium enim eius sunt gentes quas corpori suo cõtexit, sicut scriptum est, Viuo ego dicit dominus, nisi hos omnes induam sicut uestimentum. Non ergo sanguine suo propria peccata quæ non erant, sed nostra quæ fecimus delicta munda uit. Et bene uuam dixit, quia sicut uua pependit in ligno. Ipse est uitis, ipse est uua: uitis ligno adhærens: uua, quia lancea militis apertum latus habuit, & emisit aquam & sanguinem: aquam ad lauacrum, sanguinem ad precium. Aqua nos abluit, sanguis redemit. Pulchriores oculi eius uino. Oculi Christi, apostoli sunt & euangelistæ, qui scientiæ lumen uniuerso corpori ecclesiæ præstant. Ii pulchriores uino probantur, quia eorum doctrina austeritatem uini ueteris exuperat, id est priscae legis traditionem. Euangelica enim præcepta, longe clariora sunt quam ueteris testamenti mandata. Et dentes lacte candidiores. Dentes, prædicatores sunt sancti, qui præcidunt ab erroribus homines, & eos quasi cõminuendo, in Christi corpore transferunt. Nomine autem lactis, doctrina legis significatur, quæ carnalem populum tanquam paruulos loco lactis alebat, Cuius quidem candidiores effecti sunt doctores ecclesiæ, quia forte & solidum cibum uerbi mandunt atque distribuunt. De quibus apostolus dicit in epistola ad Hebræos, Perfectorum autem est solidus cibus. Et bene, candidiores lacte dentes dicit, Omnes enim qui perfecti sunt, & qui scripturarum cibos explanantes, subtilem & minutum intellectum qui spiritalis dicitur, corpori subministrant, candidi esse debent & puri, atque ab omni macula liberi. Sequitur, Zabulon in litore maris habitabit, & in statione nauium, pertingens usque ad Sidonem. Zabulon qui interpretatur, habitaculum pulchritudinis, ecclesiam significat, fortissimam ad omnem tolerantiam passionis. Hæc in litore maris inhabitat, ut uideat aliorum naufragia. Ipsa immunis periculi expectat alios, fluctuantes in freto istius mundi, qui circūferuntur omni ueto doctrinæ: ipsa fidei radice immobilis perseverat, expectans hæreticorum procellas & naufragia Iudæorum, quoniam gubernatorem quæ habuerunt, abnegauerunt. Circa fluctus igitur habitat, non fluctibus commo-

commouetur: magisq; ad subueniendū parata, q̃ periculo obnoxia, ut si qui tempestatib. acti grauib. confugere ad portū uelint, præsto sit ecclesia tanq; portus salutis, quæ expansis brachijs in gremiū tranquillitatis suæ uocet periclitantes, locū fidei stationis ostendens. Ecclesia igitur in hoc seculo tanq; portus maritimi per litora diffusi, occurrit laborantib. dicens esse credentibus refugium præparatum, quò uentis quassata nauigia possint subducere. In ijs ecclesijs sunt principes Zabulon & principes Neptalim, sicut docet Dauid in psalmo: quorū alij liberatores sunt, ac tempestate nocturna clamātes, abijciamus opera tenebrarū, & induamur arma lucis: alij sunt latitudines apostolicæ, qui possunt dicere, Os nostrum patet ad uos o Corinthij, cor nostrum dilatatum est. Isti sunt ipsi, qui quum essent in tenebris, lucem uiderunt magnā, sicut propheta testatur, dicens, Terra Zabulon & terra Neptalim uia maris trans Iordanem, populus qui sedebat in tenebris uidit lucem magnā, habitantibus in regione umbræ mortis lux orta est eis. Exploratores igitur secus ascensus nauium posuit dominus deus noster patriarchæ huius hæredes, cuius cura per uigil & spiritalis successio pertendit usq; ad Sidonem, hoc est, usq; ad gentes peruenit, ut domini misericordia peccata ablueret nationū. Sidon enim primitius est filius Cham, illius utiq; qui propter irreuerentiam paternæ pietatis maledictione damnatus est. Patris ergo liberatio nocturna, tanquam in excubijs posita propugnaculū spiritale, ne quis scopulos uitæ huius possit incidere, pertendit usq; ad grauissimorum criminum peccatores & Sidonios ipsos, qui ante superstitione uehemēti, uenatores scelerum nuncupabātur ut interpretatio docet: soluta hæreditate maledicti, donatam hæreditatē maledictioni absoluit, ut ubi maior reatus erat, ibi nunc uberior sit gratia. Isachar, asinus fortis, accubans inter terminos: uidit requiem quod esset bona, & terrā quod optima, & supposuit humerum ad portandū, factusq; est tributis seruiens.) Quia supra Zabulon dixerat, quia maris magni esset litora possessurus, Sidonem quoq; & reliquas Phœnicis urbes contingeret: nunc & ad mediterraneā prouinciam redit, & Isachar qui iuxta Neptalim pulcherrimā Galileæ regionem possessurus esset, benedictione sua habitorem facit. Asinum autē eum fortem uocat, & humerum ad portandū deditum: quia in labore terræ & uehendis ad mare omnibus quæ in suis finibus nascebātur, plurimū laborarat, regibus quoq; tributa comportans. Aiunt Hebræi, quod per metaphorā cuncta hæc significaret, qui scripturas sanctas die ac nocte meditans studium suum dederit ad laborandū, & idcirco ei omnes tribus seruiert, quasi magistro dona portantes. Inter terminos accubare, est præstolato mundi sine requiescere, nihilq; de his quæ nūc in medio uersantur quærere, sed ultima desiderare. Et fortis asinus requiem bonā & terram optimā uidet, quum simplex gentilitas idcirco se ad robur boni operis erigit, quia ad æternæ uitæ patriam tēdit. Qui & ad portandum humerum supponit, quia conspecta superna requie præceptis etiā grauib. in operatione se subiicit, & quicquid intolerabile pusillanimitas asserit, hoc ei leue ac facile spes remunerationis ostendit. Sequit̃, Dan iu-

dicabit populū suū, sicut & alia trib. in Israel. Fiat Dan coluber in uia, cerasa in semita. mordēs ungulas equi, ut cadat ascēsor eius retro. Salutare tuū expectabo dñe) Sāpſon iudex Israel, de tribu Dan fuit. Hoc ergo dicit nūc uidēs in spīritu nutritis comā Sāpſon Nazareū, tum cāsis hostib. triūphare, qui in similitudine colubri reguliꝑ obsidentis uias, nullū p terrā Israel trāsire pmittat: si q̄s temerarius uirtute sua, quasi equi uelocitate cōfusus, eā uoluerit prædonis more populare, effugere nō ualebit: totū tamē p metaphorā serpētis & equi loquit̃. Videns ergo tam fortē Nazareū, tū quod & ipse ppter meretricē mortuus est, & moriens nostros occidit inimicos, putauī ō deus ipsū esse Christū filiū tuum uerū: sed quia mortuus est, & nō resurrexit, & rurū captiuus ductus est Israel, alius mihi saluator mūdi & mei generis, præstolāndus est: ut ueniat cui repositū est, & ipse erit expectatio gētiū. Quid hoc loco, equi nomine: nisi præsens seculū designat̃? Quo in testimonio, qđ equus significet, cuius ungulas coluber mordet, melius ostēdemus, si & ea quæ circūstāt paulō subtilius exponamus. Nonnulli enim de tribu Dan uenire antichristū ferūt, p eo qđ hoc loco Dan & coluber asserit̃ & mordens. Vnde nō immerito dū Israeliticus populus terras in castrorū portione susciperet, prius Dan ad aquilonē castrametatus est, illū significās scilicet qui in corde suo dixerat, Sedebo in mōte testamēti in laterib. aquilonis, ascēdā sup altitudinē nubiū, similis ero altis. qui nō solū coluber, sed etiā cerasa uocat̃. cerata enim cornua dicūtur, serpensq; hic cornutus esse phibet̃, per quē digne antichristi aduētus significat̃, quia cōtra uitā fidelīū cū morſu pestiferæ prædicationis, armatus etiā uenit cū cornu potestatis. Quis aut̃ nesciat semitā angustiorē esse, q̄ uia. Fit ergo Dan coluber in uia, quia in præsentis uitæ latitudine eos ābulare puocat, quib. quasi parcēdo blāditur: sed in uia mordet, quia eos qb. libertatē tribuit, erroris sui ueneno cōsumit. Fit cerasa in semita, quia quos fideles repit, & sese ad præcepti cœlestis angusta itinera cōstringentes, nō solum nequitia callide perſuasionis impedit, sed etiā terrore potestatis premit, & in perſequentionis angore post beneficia fictæ dulcedinis exercet cornua potestatis. Quo in loco equus etiā hūc mūdū significat, qui p elationē suā in cursū labētīū tēporū spumat. Et q̄a antichristus extrema mūdi apprehēdere nitit̃, cerasa iste equi ungulā mordere phibet̃. Ungulā qppe equi mordere, est extrema seculi feriēdo cōtingere. Vt cad. asc. eius re. Ascēsor equi est, quisq; extollit̃ in dignitatib. mūdi. Qui retro cadere dicit̃, & nō in faciē: sicut Saulus cecidisse memorat̃. In faciē em̃ cadere, est in hac uita sua, unūquēq; culpas agnoscere, easq; pœnitēdo deflere. Retro uero cadere est ex hac uita quæ nō uidet̃, repēte decidere, & ad quæ supplicia ducat̃ ignorare. Et quia Iudæa erroris sui laqueis capta, p Christo antichristū expectat, bene Iacob eodē loco repēte in electorū uocē cōuersus est, dicēs, Salutare tuū exp. dñe: idest nō sicut infideles antichristū: sed eū q̄ ad redēptionē nostrā uēturus est, uerū credo fideliter Christū Sequit̃. Gad accinctus præliabit̃ ante eū, & ipse accinget̃ retrorsū.) Totū aut̃ illud est q̄, añ Rubē & dimidiā tribū Manasse, ad filios quos trans Iordanē in possēssiōe dimiserat post XIII ānos reuertēs, præliū aduersus eos gētiū uicina

rum grande repit, & uictis hostib. fortiter dimicauit. **Iste Gad** accinctus, psonā dñi exprimit, qui in prima aduētus sui humilitate añ aduētū antichristi praliā dus occurrit, accinctus gladio uerbi sui circa femur potētissime, quo inimicos di uisit, i. filiū à patre, filiā à matre, nurū à socru, iuxta qđ legiē in euāg. Nō ueni p. mit. sed gla. Qđ aut ait, Et ipse accing. retror. claritas dñi nostri in secūdo regno eius ostēdit, quia quū uenerit antichristus itē occurret retrorsū, i. post eius uesti gia, Christus celerī aduētū progrediēs ut interficiat eū gladio oris sui. Vnde & bene idē Gad latrūculus interpretat, eo qđ posterius, i. secus pedes quasi latrū culus rapido atq; improuiso aduētū exiliat, cōtra aptā antichristi oppugnatio nē. Christus uero añ & retro preliare cōtra antichristū scribit. Ante eū nāq; in occulto aduētū hūilitatis, post eū uero manifestus in gloria maiestatis. **Aser,** pinguis panis eius, & præbebit delicias regib.) **Aser** cuius nomē significat deli cias siue diuitias, idē Christus est, cuius est altitudo diuitiarū sapiētiē & sciētiē, qui ppter nos paup factus est, quū esset diues; cuius panis, pinguis factus est, caro scilicet eius quæ est esca sãcta sanctorū, quā quisq; māducat, uiuet in æter nū. Iste etiā præb. delicias sapiētiē reg. i. qui sensus proprios bene regūt, qui do minant uitorū suorū, qui castigāt corpora sua, & animæ suæ in seruitute subij ciūt. Sequit, **Neptalim,** ceruus emissus, & dās eloquiā pulchritudinis) Signifi cat q; aquæ calidæ in ipsa nascant tribu, siue q; sup lacū Genesareth & fluenta Iordanis irrigua sit. **Hebræi** aut uolūt ppter Tyberiadē, quæ legis uideē habe re notitiā, agrū irriguū & eloquiā pulchritudinis pphetari: quod potest ceruus emissus trāsferri ppter tēporaneas fruges uelocitatē terræ uberioris ostēdens, sed melius si ad doctrinā saluatoris referamus, **Neptalim,** qui interpretat lati tudo, apostolos & prædicatores significat, quorū doctrina in latitudine totius mūdi diffusa est. Ex hac enim tribu fuerūt apostoli qui sunt principes & duces ecclesiarū, & principes **Zabulō** & **Neptalim,** qui sine dubio ad psonā referunt apostolorū, ipsi sunt filij excussorū, i. pphetarū, qui in manu potētis dei positi sūt, & tāq; sagittę excussæ puenerūt usq; ad fines terræ. Vñ & bene hic **Nepta lim** ceruus emissus scribit, qā nimirū apostoli siue prædicatores euāgelij ueloci saltu exiliētes, more ceruorū trāscēdūt implicamēta seculi huius, sicq; excelsa & sublimia meditātes dāt eloq; pulchritudinis, i. prædicāt cūctis gētib. doctrinā dñi saluatoris. Sequit, **Filius** accrescēs **Ioseph,** filius accrescēs & decorus aspe ctu, filiæ discurrerūt sup murū, sed exasperauerūt eū & iurgati sūt, inuiderūtq; illi habētes iacula. Sedit in forti arcus eius, & dissoluta sunt uincula brachiorū eius, & manuū illius p manu potētis dei **Iacob,** inde pastor egressus est lapis **Is rael**) Iuxta literā aut iste est sēsus capituli huius. O **Ioseph** q ideo sic uocaris, qā adduxit te mihi dñs, siue qā iter fratres tuos maior futurus es. Fortissima siq; dē trib. fuit **Effraim,** ut in **Regū** & **Paral.** libris legimus. O iquā fili mi **Ioseph** q tā pulcher es, ut te tota de muris & turrib. ac fenestris puellarū **Ægypti** turba p spe ctet, inuiderūt tibi, & ad iracūdiā puocauerūt fratres tui, habēres liuoris sagit tas, & zeli iaculis uulnerati, uerū tu arcū tuū & arma pugnādi posuisti in deo, q fortis est ppugnator: & uincula tua qb. te fratres ligauerūt, ab ipso soluta sūt &

dirupta, ut ex tuo semine tribus nascat Effraim, fortis & stabilis & instar lapidis durioris inuicta, imperans quoq; x tribubus Israel. Hęc in prophetia post passionē domini paternæ uocis imagine prætulit: quo redeunte in cœlū post uictoriā Christum adloquitur, dicens, Filius accrescens Ioseph, filius accrescēs utiq; in gentib. quia ob incredulitatē synagogæ populum reliquisset, innumera sibi plebē ecclesiæ ex omnibus gentib. ampliavit. Quod & Dauid cecinit dicens, Reminiscetur & c. ad d. u. f. terræ. Filius accrescens & decorus aspectu. Omnes enim superat illius pulchritudo, iuxta quod & psalmista de illo testatur, dicens, Speciosus f. præ f. h. Filia discurrerunt super murū: id est gentes, uel ecclesiæ quę crediderūt in Christo. Hæ super soliditatē fidei, quasi super murū amore pulchritudinis Christi accensæ discurrunt, ut uirū sponsumq; per contemplationē aspiciant, & osculo charitatis illi copulentur atq; adhereant. Sed obiurgati sunt eum, subauditur Christum, quando falsis eum testimonijs calumniantes sanctum domini opprimere synagogæ populi tentauere. Inuide runtq; illi habentes iacula. Neq; enim quisq; in Ioseph coniecit sagittā, uel ali quod uulneris telum: sed hoc specialiter euenit in Christo. Sedit in forti arcus eius. Christus enim arcū suum & arma pugnādi posuit in deum, qui fortis est propugnator: cuius uirtute euertitur omnis nequitia perfidorum. Et dissoluta sunt uincula brachiorū eius, quibus fratres, hoc est Iudæi, eum uinctū Pontio Pilato tradiderūt, uel quibus eū suspensum ligno crucifixerūt. Recisa enim sunt per manus omnipotentis Iacob, hoc est per manus omnipotentis dei Iacob, ex cuius ore ipse Christus bonus pastor, egressus est lapis & firmitas credētium in Israel. Deus patris tui erit adiutor tuus. Quis audiuit filium, nisi solus pater qui dixit, Iacob puer meus suscipiet eū anima mea: Et omnipotens benedicit tibi benedictionib. cœli de super, benedictionib. abyssi iacentis deorsum. Vni uersa enim subiecit ei, cœlestia per benedictionem cœli, & terrena per benedictionē abyssi iacentis deorsum, ut omnib. angelis & hominib. dominet: benedictionib. uberū, id est duorum testamentorū, quorū altero nuntiatus est altero demonstratus: siue benedictionib. Mariæ uberum quę uere benedicta est, quia eadē sancta uirgo domino potū lactis immulsi. Vnde & illa mulier in euāgelio ait, Beatus u. q. te p. & u. q. f. Benedictionibus uberū & uulua. Etiam hic benedicitur uulua eiusdē matris, illa utiq; uirginalis quæ nobis Christum dominū edidit, de qua patet per Hieremiā, qui eiusdem personā gestauit, sub ipsius figura ad se dictum audiuit, Priusq; te for. in u. noui te, & anteq; exires de u. f. te. Benedictiones patris tui cōfortatæ sunt benedictionib. patrū tuorū. Benedictiones, inquit, patris tui cœlestis, quæ datæ sunt tibi à summo cœli & abyssi, confortatæ sunt, id est præualuere benedictionibus patrū tuorū. Ultra enim omne sanctorū meritum prophetarū, siue patriarcharū conualuit benedictio omnipotentis patris in filium, ita ut ei nullus sanctorū æquaretur. Donec ueniat desiderium collum æternorum. Colles isti, sancti sunt, qui Christi aduentum prophetantes, magno cum desiderio incarnationē eius expectauerunt, de quibus dominus dicit, Quia multi iusti & prophetae cupierunt uide,

re quæ

re quæ uidetis. Hi ergo sancti dicti sunt colles propter excellentiâ sanctitatis. Qui etiam æterni uocantur, quia uitam consequuntur æternam, nec intereunt cum mûdo, sed esse creduntur æterni. Fiant in capite Ioseph: omnes scilicet istæ benedictiones super caput Christi ponuntur, quas incarnatus accepit. & super uerticem Nazaræi, de quo scriptum est, Quoniam Nazareus uocabitur, hoc est sanctus dei. Inter fratres suos, quia ipse est caput omnium eminens uniuersorum sanctorum, quos & fratres uocat in Psalmis. Sequitur, Beniamin, lupus rapax, Mane comedet prædam, & uespere diuidet spolia. Hoc capitulum ita Hebræi edisserunt, ut altare quo immolabantur hostiæ & uictimarum sanguis ad basim illius fundebatur, in parte tribus Benjamin fuerit. Hoc, inquiunt, significat, quod sacerdotes mane immolarent hostias, & ad uesperam diuiderent ea quæ sibi à populo ex lege collata erant, Lupum sanguinariū uel rapacem super altaris interpretatione ponentes, & spoliolum interpretationem super sacerdotibus, qui seruientes altari uiuebant de altari. Beniamin, lupus rapax, mane comedet prædam, & uespere diuidet spolia. Quibus dictis Paulus apostolus designatur, de Benjamin stirpe progenitus. Qui mane rapuit prædam: id est, in primordiis fideles quos potuit, deuastauit. Vespere autem spolia diuisit, quia fidelis postmodum factus, sacra eloquia audientibus, discretionem mirificam dispensauit. Legimus quendam ex doctoribus, ad urbem Hierusalē ea quæ de Benjamin scripta sunt referentem, Beniamin, inquit, filius doloris interpretatur. Hic sorte hæreditatis eum locum accepit, in quo terrena est Hierusalē, quæ nunc propter incredulitatem abiecta est atque repulsa. Hæc enim in filiis suis sub persona Benjamin designatur. Nam sicut Benjamin ultimam consequutus est benedictionem, ita & idem populus ultimus est saluandus, postea quam plenitudo gentium introierit. Dicit enim Benjamin lupus rapax: lupus scilicet, quia ipse populus effudit sanguinem prophetarum: rapax autem propter auaritatem dicitur. Ex multa enim fame uerbi dei & inedia, ueniet rapax, quia & ipse uolenter diripiet regnum dei. Hic autem mane comedet prædam. Mane, illud tempus creditur significari quo legem accepit: tunc enim primo quædam illuminatio scientiæ data est. Comedet autem mane, quia legem quam mane accepit, edit adhuc meditatur & legit, sequens legis iustitiam, in legem fidei non peruenit. Ad uesperam autem diuidet spolia: Vespere erit illud tempus nouissimum quo conuertetur. Tunc diuidet spolia, id est tunc intelliget diuidendam esse literam à spiritu: & tunc cognoscet, quia litera occidit, spiritus autem uiuificat. Quia ergo iam per gratiam domini illuminatus, incipit legis spiritalia à corporalibus diuidere & separare: ideo dicitur, ad uesperam diuidet spolia, siue escam, eo quod tota die in lege meditans ante non fecit. Queritur autem de Iacob, quare omnes quos de liberis & de ancillis genuit, æquali honore filios & hæredes constituerit, nisi ut ostenderet quod Christus dominus omnibus gentibus quæ per fidem corpori eius conciliantur, cunctos pari honore & gloria habens, cœlestia præmia largiatur: nec est distinctio, Iudæus an Græcus, Barbarus & Scythæ, seruus an liber sit: quia per omnia & in omnibus Christus est. Propterea enim figuram

De morte
Iacob
XXXIX

figuram serui saluator noster & dominus induit, & pro libero & pro seruo seruauit, ut omnibus credentibus in se, æquale donum bonorum cœlestiū largiatur: nec præfertur apud illum, quis secundū carnem nobilior sit. Quicūq; enim fidē domini promerent, nullis maculis carnis natiuitatis obfuscantur. Nam & hoc ita futurum etiā per prophetam promittitur, dicente domino. Erit in nouissimis diebus effundam de spiritu meo super omnem carnem. Sequitur, Finitisq; mandatis, quibus filios instruebat, collegit pedes suos super lectulum, & obiit, appositusq; est ad populum suum. Quod cernēs Ioseph, ruit super faciem patris, flens & deosculans eum.) Videndum quomodo dicant scripturæ, quod assidue dicūt de mortuis. Et appositus est ad patres suos: uel, Appositus est ad populū suum: sicut de Iacob dicitur, iam quidē mortuo, sed nondum sepulto. Sed ad quem populum apponatur, non in promptu est uidere. Ex illo enim populus prior natus est, qui dictus est populus Israel. Qui uero eum præcessere tam pauci iusti nominantur, ut eos populū appellare cunctemur. Nam si dictum esset, Appositus est ad patres suos: nulla quæstio fieret. An fortē populus est, non solum hominum sanctorum, uerum etiam angelorum, populus ciuitatis illius unde dicitur ad Hebræos, Accessistis ad montem Sion, & ciuitatem Hierusalem, & milia angelorum exultantium. Huic populo apponuntur, qui hanc uitam placentes deo finiunt. Tunc enim dicuntur apponi, quando nulla iam remanet sollicitudo tentationum & periculum peccatorum. Sequitur, Præcepitq; seruis suis medicis, ut aromatibus condirent patrem. Quibus iussa expleant, transierunt quadraginta dies. Iste quippe mos erat cadauerum conditorum. Fleuitq; eum Ægyptus septuaginta dies.) Quadraginta dies sepulturæ, quos commemorat scriptura, fortē significāt aliquid poenitentiæ, qua peccata sepeliuntur. Non enim frustra etiā XL dies ieiuniorum sunt cōstituti, quib. Moyses & Helias & ipse dominus ieiunauit, & ecclesia præcipuam obseruationē ieiuniorū, quadragesimā uocat: & Ionas propheta Niniuitis prædicauit, Adhuc XL dies, & Niniue subuertetur, ut per tot dies accōmodatos, humiliatio poenitentiu, & accepta remissio peccatorū intelligat. Seq̃t, CAP. L. EXPLETO planctus tempore, loquutus est Ioseph ad familiā Pharaonis. Si inueni gratiam in cōspectu uestro loquimini in auribus Pharaonis, eo quod pater meus adiurauit me, dicēs, En morior: in sepulchro meo, quod fodi mihi in terra Chanaan sepelies me. Ascendam igitur & sepeliā patrē meum, ac reuertar. Dixitq; ei Pharao, Ascende, & sepeli patrem tuum. Quo ascendente, ierunt cum eo omnes senes.) Quod ait Ioseph ad potentes Ægypti, ut dicerent Pharaoni ex nomine eius, Pater meus adiurauit me, dicēs, In monumento meo quod ego fodi mihi in terra Chanaan, ibi me sepelies: quæri potest quomodo sit uerum, quum hæc uerba patris eius, quādo de sua sepultura mandauit, non legātur. Sed ad sententiā uerba referre debemus, sicut in alijs supra similiter iteratis uerbis uel narrationib. admonuimus. Fodisse autē sibi Iacob sepulchrū, nusq; superius in hac scriptura legit: sed nisi fieret quū in eis-

dem


dem terris esset, modo nō diceretur. Sequitur, Veneruntq; ad aream Achat, quæ sita est trans Iordanem. Quid sibi uult, quod quum pergerent ad sepeliendum Iacob, scriptura dicit, Et uenerunt ad aream, quæ est trans Iordanem. Prætergressi sunt enim locū, in quo erat mortuus sepeliendus, milia sicut perhibent qui nouere plus quā quingenta: tātum quippe spatij est plus minus ab eo loco ubi sepulti sunt patriarchæ, usq; ad hunc locum, quō eos aduenisse narratur. Nam post factum ibi luctum & planctum magnum, redierunt ad locum quem præterierant, rursus Iordane transiecto. Nisi fortē quis dicat aliorum hostium uitandorū causa per eremum eos uenisse cum corpore, quæ etiam uia populus Israel ductus est, per Moysen ab Ægypto liberatus. Illo quippe itinere, & plurimū circuitur, & per Iordanem uenitur ad Abramium, ubi sunt corpora patriarcharum, id est, ad terram Chanaā. Sed quomodo factum sit, ut trans illa loca uersus ad orientem tantum iretur, & inde ad ea per Iordanem ueniretur, significationis causa factum esse credendū est, quod per Iordanem uēturus erat ad eas terras postea Israel in filijs suis. Sequitur, Vbi celebrantes exequias planctu magno atq; uehementi, impleuerunt VII dies. Quod quū uidissent habitatores terræ illius (id est, Chanaan) dixerunt, Planctus magnus est iste Ægyptijs. Et idcirco appellauerūt nomē loci illius, Planctus Ægypti. Fecerunt ergo filij Iacob, sicut præceperat eis: & portantes eum in terram Chanaan, sepelierunt in spelunca duplici.) Nescio utrum inueniatur alicui sanctorū in scripturis celebratum luctum esse per nouem dies, quod apud Latīnos nouemdium appellatur. Vnde euidenter apparet ab hac consuetudine prohibitos Christianos istum in mortuis numerū seruare, qui magis est in gentiliū consuetudine. Septimus uero dies autoritatē in scripturis habet. Vnde alio in loco scriptū est, Luctus mortui, septem dies: fatui autem, omnes dies uitæ eius. Septenarius autem numerus propter sabbati sacramentum, præcipue quietis indicium est. Vnde merito mortuis, tantq; requiescentibus exhibetur. Quem tamen numerum in luctu Iacob decuplauerunt Ægyptij, qui eum LXX diebus luxerunt. Sequitur, Vixitq; Ioseph centum & decem annos, & uidit Effraim filios usq; ad tertiā generationē. Filij quoq; Manasser, filij Manasse, nati sūt in genibus Ioseph. Mortuusq; est expletis centum & decem uitæ suæ annis, & conditus aromatibus, sepultusq; est in Ægypto.) Quum hos filios filiorum uel nepotes filiorū dicat scriptura Ioseph uiuendo uidisse, quomodo eos iūgit illis LXX hominibus, cū quibus Iacob Ægyptum dicitur intrasse, quādoquidē Ioseph senescēdo peruenit, ut eos natos uideret? Iacob autē quando ingressus est Ægyptum, iuuenis erat Ioseph: & eum pater moriens L & VI ferē ætatis annum agentem reliquit. Vnde constat certi mysterij causa illum numerum, id est septuagenariū, scripturam commēdare uoluisse. Si autem quisquam exigit, quomodo etiam secundū historicam fidem uerum sit, Iacob cum LXX animabus in Ægyptum intrasse: non illo uno die quo uenit, eius ingressum oportet intelligi. Sed quia in filijs suis plerumque

appel-

appellatur Iacob, hoc est in posteris suis, & per Ioseph eum constat in Ægyptum intrasse, introitus eius accipiendus est, quamdiu uixit Ioseph, per quem factum est ut intraret. Toto quippe illo tempore nasci & uiuere potuerunt, omnes qui commemorantur, ut septuaginta, uel iuxta Septuaginta interpretes, septuagintaquinque animæ compleatur, usque ad nepotes Benjamin. Sicut enim dicit, Hi filij Liæ, quos peperit Iacob in Mesopotamia Syriæ, loquens etiam de his qui nondum erant nati: quia illic parentes eorum de quibus nati sunt, pepererant, ibi eos perhibet natos, quoniam causa qua nascerentur ibi nata est, id est parentes eorum quos ibi Lia peperit: ita quoniam causam intrandi in Ægyptum Iacob in Ioseph habuit, totum tempus quo in Ægypto uixit Ioseph, ingressio erat Iacob in Ægyptum per suam progeniē, quæ illo uiuo propagabatur, per quem factum est ut ingrederetur.

DIVI EVCHERII LVGDVNENSIS EPISCOPI
COMMENTARIORVM IN GENESIM
FINIS









FRO


BEN.

D. EVCHERII LVG-


DVNENSIS EPISCOPI COMMENTARIORVM IN
libros Regum ad Veranium & Salonium
fratres episcopos Libri
quatuor.



W. E. CHURCH, JR.



(11)



VERE NOBILI AC

ERVDITO VIRO D. IANO À SVOLLA EQVI

ti ac iureconsulto suo Dño & amico præcipuo

Ioannes Alexander Brassicanus

iureconsultus S D P.



ARCHIMEDES ille Syracusanus, quem uete-
res arbitrati sunt plus ualuisse in imitandis sphe-
ræ conuersionibus, quàm naturam in efficiendis:
si quando difficilis alicuius rei feliciorẽ explica-
tionẽ inuenisset, solebat & gaudio exilire, & idẽ
tandem exclamare, *εὕρηκα εὕρηκα*, hoc est reperi-
tandem reperi: & Pythagoras, quum inuenisset
τὸν τετράγωνον ὀρθογωνιὸν, Musis à quibus admo-
nitum esse se significabat hecatōben sacrificauit,

Archimedes
Syracusanus

Pythagoræ
hecatombe

Id quod uetus & elegantissimum hoc Epigramma comprobat,

*ἡνίκα πυνθαγόρας ἔπαυσε κλέειν ἑβραῖον γράμμα
κλεινὸς ἐφ' ᾧ λαμπρὸν ἦγαγε βιβλίον*

Citat Plutar-
chus aduersus
Epicurum.

Aegyptiorũ
Osyris

Gratitudo
erga deum

Deus Opt.
Max.

Veterum au-
torũ scripta
à deo confer-
uata

Obsidio Vien-
næ per imma-
nissimos Tur-
cas

Cœnobium S.
Crucis in Au-
stria

Sed & Ægyptij inuento illo tam diu quæsito Osyri, nusquam non exclama-
bant, Inuenimus, lætamur. Ego uero si quando in ueterem aliquem & maio-
rum gentium autorem, necdum in lucem prolatum incido, longe uerius omni-
um istorum uoces usurpauero, ac rectius etiam dñs immortalibus eiusmodi
thesaurorum adseruatoribus, gratissimæ mētis sacrificiũ obtulero: neq; enim
alia ratione pro beneficijs istis inæstimandis nos gratos exhibere possumus,
quàm si & seruatos & inuentos à nobis meliores illos libros uni ac unico deo
acceptos feramus, Qui ut maximus, ita etiam uere optimus est, Quoniã non
tantum abunde potest, uerum etiam perpetuo & ubiq; prodesse uult: & mea
quidem sententia, nũquam ille uniuerso mortalium generi, uel præsentius ad-
est, uel felicius consulit, uel amicitius etiam prospicit, quàm quum uetèrum au-
torum scripta (præsertim ea quæ quum sacra enarrent, merito etiam sacra exi-
stimari debeant) non patitur interire, sed quasi postliminio ad nos arcana sui
consilij maiestate reuocat. Id quod in Eucherio Episcopo Lugdunensi factum
esse nemo inficiabitur, qui saltẽ rem ipsam diligentius animaduernerit. Nam
anno superiore quum immanissimi Turcæ Viennam inaudita obsidione pre-
merent, & omnia circumiecta, nimirum urbes, arces, cœnobia, uillas, pagos,
agros, uineas, ferro ac igne uastarent, exusserunt etiam regiũ hoc, instituti
Diui Bernardi Cœnobium, quod ad S. Crucem Diuo Leopoldo Archiduci
Austriæ, appellare placuit: & quum hoc ita miseris modis accepissent, ut iam
Cœnobium quereretur in cœnobio, libros tamen omnes & ueteres, & adhuc
minime uulgatos, incorruptos, & ex nulla parte deminutos reliquerunt, Ita
ut ignis

EPISTOLA NVNCVPATORIA

*Aeneae peper-
cit ignis*

ut ignis ijs non aliter pepercisse uideatur, quàm Aeneae Anchisem patrem hu-
meris efferenti, nec flammarū uis, nec hostium infelix occurfus obesse potuit,
aut Aethnae incendium, pios illos adulescentes, parentum suorum latera clau-
dentes, saluos ac incolumes abire permisit. Pepercit igitur incendiū hoc atro-
cissimum Eucherio, & ab eo libris isthic omnibus omne ius belli Turcae absti-

*Germanorum
militū atrox
facinus*

nuerunt. Cum interea nostri milites, intra mœnia, libros omnes discerperent,
omnia uolumina corrumperent, Ita ut uix à publicis etiam bibliothecis diri-
piendis aut ui prohibiti, aut autoritate submoti fuerint. Vides optime uir, quod
unico nomine tantum non etiam moribus à Turcis hæ belluæ differunt. Cer-

*T. Liuij excla-
matio*

dem perniciosissimo hoste. Vnde recte Liuius exclamat, Id quidem cauē-
dum semper Rhoanis ducibus erit, exempla quæ hæc uere pro documentis
habenda, ne ita externis credant auxilijs, ut non plus sui roboris, suarūque pro-
prie uirium habeant, Sed hæc alterius instituti sunt. Nunc tibi muneri mitto
Diuī Eucherij in Reges commentariorum libros quatuor, partim quidem ut
tuæ prorsus in me incredibili benignitati, liberalitati, ac amor, uel aliqua ex
parte respondeam, nam satisfaciendi ullo unquam tempore mihi spem om-
nem præcidisti: partim autem, ut iudicium hoc tuum singulare comprobare
uidear, quo rectissime existimas uix unum aut alterum esse, qui tam exactam
in interpretandis sacris literis rationem obseruarit, atque Diuus Eucherius an-
canis quibusdam & reconditis notis iam inde ex Dionysij Arcopagitæ disci-
plina repetitis, usus sit. Illum igitur quem tātopere deprædicasti, quæ tam ple-
nis uelis extulisti simul, & exornasti, tuū tibi habeto. In eoque rursum ac prori-
sum euoluendo, animum tuum eiusmodi epularum amātissimum quàm lau-
tissime pascito. Scimus enim te sacris literis ita deditum esse, Ita bonas horas
omnes in ijs consumere, ut Zoroastris aliquo illicio adductus & incitatus esse
uidearis. is enim antiquissimis ijs uersiculis sacrarum rerum studiosos com-
monefacere solitus est:

*D. Iani à Suol-
la iudicium*

*Zoroastris
uersiculi*

μήλωρ δισεβείς ἰδὼν πῶς δίδου ἀνόγειν
ἐν ἁρετῇ, σοφίᾳ τε καὶ δυνάμει συναχόντα.

Vale bene, uir & uera nobilitate ac eruditione præstantissime, & me cum stu-
dijs meis tibi bene cognitis, commēdatum habere perge. Ego certe quod ad
me pertinet, eiusmodi ueterum monumentis ornare te nunquam desinam.
Quanquā ut uerum fatear longe plus splendoris à te nostra accipiunt, quàm
uicissim possint reponere. Pro tua tamen incomparabili modestia, scio, quàm
sis & hoc æqui bonique facturus: quādo nostrum animum ita perspectum ha-
beas, ut ab eo planè nihil ad te proficisci scias, nisi quod ingenue
candidum atque syncerū fuerit. Id quod in posterum ap-
probare tibi rebus ipsis, quàm uerbosioribus
promissis malo. Vienna,

Ex collegio Regio, Anno à nato Iesu M D XXX. mense Decembri.

INDEX CAPITVM

LIBRI PRIMI



DE HELCHANA, & duabus uxoribus eius, & natiuitate Samuelis	I
De cantico Annæ	II
De propheta ad Heli destinato, & malo filiorum eius, atq; morte ipsorum	III
De sacerdote fidele quem spondet deus, qui iuxta cor suum & animam suam faciebat	IIII
De caligine oculorum Heli, & augmēto Samuelis, & uerbis domini quæ non ceciderunt in terram	V
De arcæ captiuitate & idolo Dagon, necnon & morte Heli, & nuru sua	VI
De reuersione arcæ domini ad terram Israelitarum	VII
De percussione Bethsamitarum	VIII
De eo quod scriptum est, Ex qua die mansit arca domini in Cariathiarim, multiplicati sunt dies	IX
De eo quod scriptum, Congregato omni populo Israel orauit Samuel dominum pro Israel, & exaudiuit eum	X
De filijs Samuel qui declinauerunt post auaritiam & acceperunt munera	XI
De unctione Saul regis & aduentu Samuelis in Galgalis	XII
De ieiunio indicto à Saule	XIII
De prælio Saul contra Amalech & Agag rege, & de eo quod scriptum est, Pœnitere deum quod constituerit Saul regem	XIIII
De obiurgatione Samuelis in Saul, quæ non audisset uocem domini & scissione pallij Samuelis, necnon & morte Agag regis	XV
De spiritu maligno qui irruerat in Saul	XVI
De Dauid & unctione eius	XVII
De certamine Dauid & Goliæ	XVIII
De eo quod Saul pro centum præputijs Philistinorum, Dauid filiam suam promittit dare uxorem	XIX
De fuga Dauid, & salute eius, & simulachro quod in lecto eius inuentum est	XX
De aduentu Dauid ad Samuelem & nuntijs Saul, qui missi sunt ut apprehenderent Dauid, qui accepto spiritu domini prophetauerunt	XXI
De coniuratione Dauid & Jonathan	XXII
Vbi Dauid ad Abimelech sacerdotem uenit, & gladium Goliæ sustulit, seu panes propositionis accepit	XXIII
Vbi Dauid ad regem Achis fugit, & mutauit os suum	XXIIII
Vbi in spelunca Dauid Saulis chlamydem abscidit	XXV
De descensione Dauid in solitudinem Ahon, ubi habitabat Nabal	XXVI

CAPITA LIBRI I

Vbi Dauid dormiente Saul & exercitu eius hastam scyphumq; eius abstulit

XXVII

De prælio Dauid in Amalech

XXVIII

De pythonissa quam consuluit Saul & suscitatione Samuelis

XXIX

De prælio Philistinorum, & plaga in Israel, morteq; Saul & Ionathæ filij eius

XXX

De luctu Dauid pro morte Saul & Ionathæ ex interemptione in Israel

XXXI

FINIS

D. EVCHERII LVGDV⁷

NENSIS EPISCOPI COMMENTARIORVM IN LIBROS
Regum ad Veraniū & Saloniū fratres episcopos Liber primus.



REGVM tēpora post iudices quādo Dauid Saule reprobato cœpit regnare, incipiunt. Vnde & liber ubi res gestæ continētur, quem nunc aggredimur, Malachim, idest Regum uocitatur, quod tertio & quarto uolumine continet. Meliusq̃ est multo malachim, idest regum, q̃ malachot, idest regnorū dicere. Non enim multarū gentium regna describit, sed unius Israelitici populi, qui tribubus XII continetur. Plus tamē in terrena Hierusalē, tribus Iuda,

unus ex XII, diuturna successione regnauit. In qua ciuitate reprobato Saule, prior Dauid regnauit. In quibus temporib. multa uaria sacramēta Christi & ecclesiæ figurātur. Nam in ipso exordio regum, commutatū sacerdotiū in Samuele reprobato Heli, & commutatū regnū in Dauid reprobato Saule, excludit prænūtiari nouū sacerdotiū nouumq̃ regnū, reprobato uetere, quod umbra erat futuri in dño Iesu Christo uenturi. Nonne ipse Dauid quum panes propositionis māducauit, quos non licebat manducare nisi solis sacerdotib. in una eademq̃ persona utrūq̃ futurū, idest in uno Iesu Christo regnū & sacerdotium figurauit? Et aspice regū tempora, quia primo iudiciū, postea regum. Sic erit iudiciū, postea regnū. Huius aut libri tale principiū est: Fuit uir unus de Ramatha Sophim, de monte Effraim, & nomē eius Helchana, filius Hieroboam, filij Helij, filij Tau, filij Suph Effrateus. Helchana non de Amrā ortus, sed de Isaar, qui & ipse filius fuit Caath, & Caath filius Leui. Hic Isaar pater fuit Chore, quo pereūte filij eius remāserunt. De cuius stirpe fuit Samuel, quorū posteritas postea temporib. Dauid & Salomon, cantatores & prophetæ in populo & templo dei fuerunt. Huius Caath familię acceperunt urbes & suburbana ad inhabitandū, ut liber Iesu Naue testatur, in monte Effraim, ubi fuerunt ciuitates Sichē & Gazer & Cethfain & Berthoron. Fuit enim Helchana filius Hieroboā, filij Helij, filij Tau, filij Suph, filij Helcana, filij Iohel, filij Azariæ, filij Sophoniæ, filij Thaat, filij Aſir, filij Abisaph, filij Chore, filij Isaar, filij Caath, filij Leui, filij Israel, ut uerba dierū narrāt. Et habuit duas uxores, nomē uni Anna, & nomen secundæ Phenenna. Fueruntq̃ Phenennæ filij, Annæ aut nō erant liberi: &c.) Iste ergo laudabilis uir habuit duas uxores, nomen uni Anna, & nomē secundæ Phenēna. Habebat aut filios de secundā Phenenna, sterilis uero erat prior illa quæ & nobilior erat. Similia inuenies etiā in Genesi, cognata quippe sibi est scriptura diuina. Inuenies ibi primā uxore Abraham Sarā nobiliore: secundā uero Ægyptiā Agar, ignobilē fuisse: & ante patrē effectū Abraham de ignobili q̃ de nobili. Fuit tamen postmodū etiā de nobili

De Helchana

coniuge pater. Ita ergo etiam nūc Helchana hic qui est possessio dei, prius de secūda uxore efficitur pater: quoniā quidem concluderat deus uulua Annæ, sicut & prius concluderat uulua Saræ. Post plurimos uero partus Phenennæ, etiam Annæ uulua orationibus & precibus aperitur, & efficitur etiā ipsa mater filij eius, quem obtulit deo. Quid ergo hæc in se sacramenti contineant, uideamus. Phenenna interpretatur cōuersio, Anna autem interpretatur gratia. Vnusquisq; ergo nostrum, qui uult effici possessio dei, istas sibi duas iungat uxores, & cum ipsis sibi nuptias celebret. Primam sibi iūgat, quæ nobilior est & generosior, gratiam: hæc enim nobis per fidem prima coniungitur, sicut & Apostolus dicit, Gratia salui facti estis per fidem. Secundæ uero coniūgimur Phenennæ, id est cōuersioni, quia post gratiā credulitatis, emēdatio fit morū, & uitæ conuersio. Sed quum istæ sit ordo nuptiarū, alius ordo procreationis efficitur. Prima nobis filios parit Phenenna, quia primos fructus de conuersione proferimus, & prima iustitiæ germina de actibus & operib; procreamus. Primum nāq; iustitiæ opus est, conuerti à peccatis: quia nisi ante conuertamur & declinemus à malo, nō poterimus de Anna effici patres, nec de gratia liberos generare. Videamus ergo nunc uniuscuiusq; differētiās. Phenēna filios habet sed qui nō assistunt deo, neq; enim tales filij possunt esse cōuersionis, ut assistant & adhæreant deo. Nec tamen inanes & penitus alieni sunt à rebus dei. Accipiunt nāq; partes de sacrificijs diuinis, & edūt de hostijs dei. Vnusquisq; ergo nostrū primò cōuertit à peccato, & ex cōuersione generat opera iustitiæ: postea uero excitata in nobis Anna, per zelum & æmulationē boni precē fundat ad deum, ut & ipsa filios generet. Quales ergo Anna, quæ est gratia, filios generat, qui assideant deo: Gratia enim & ueritas per Iesū Christū facta est. Hic ergo filius gratiæ, qui uerbo dei & deo uacat. Post hæc orauit Anna, & ait, Confirmatū est cor meum in domino, & exaltatū est cornu meū in deo salutari meo. Dilatatū est os meum super inimicos meos, lætata sum in salutari tuo: &c.) Ita ne uero uerba hæc unius putabuntur esse mulierculæ, de nato sibi filio gratulantis: Tantū mens hominū à luce ueritatis auersa est, ut nō sentiat suppgredi modū fœminæ huius dicta quæ fudit: Porro qui reb; ipsis quæ iam cœperant etiā in hac terrena peregrinatione cōpleri cōuenienter mouet, nonne intendit & aspicit & cognoscit per hanc mulierem, cuius etiam nomē, id est Anna, gratia eius interpretat: ipsam religionē Christianā, ipsam ciuitatē dei, cuius rex est & cōditor Christus, ipsam postremo dei gratiā prophetico spīritu sic loquutā: à qua superbi alienātur ut cadant, qua humiles implētur ut surgant, quod maxime hymnus iste personuit: nisi fortē quisq; dicturus est, nihil istam prophetasse mulierē, sed deum tantūmodo propter filium, quē precata impetrauit, exultātī laudatione laudasse: Quid ergo sibi uult quod ait, Arcus fortū superatus est, & infirmi accincti sunt uirtute, pleni panib; minorati sunt, & esurientes transierunt terrā, quia sterilis peperit septē, & multa in filijs infirmata est: Nunquid VII ipsa pepererat: Quāuis sterilis fuerit, unicū habebat quando

De cāntico
Anne II

quādo ista dicebat: sed nec postea VII peperit, siue sex, q̄b. septimus esset ipse Samuel, sed tres mares & duas fœminas. Deinde illo in populo quum adhuc nemo regnaret, quod in extremo posuit, Dat uirtutē regibus nostris, & exaltauit cornu Christi sui: unde dicebat, si non prophetabat? Dicat ergo ecclesia Christi, ciuitas regis magni, gratia plena, prole fœcūda dicat, quod tāto ante de se prophetatū per os huius piæ matris agnoscit. Confirmatū est cor meū in dño, & exaltatū est cornu meū in deo meo) Vere cōfirmatū est cor, & cornu exaltatū: quia nō in se, sed in dño deo suo. Dilatatū est super inimicos meos os meū) Quia & in angustijs pressurarū sermo dei non est alligatus, nec in preconib. alligatis. Lætata sum, inqt, in salutarī tuo) Christus est iste Iesus quē Si meon sicut in euāgelio legitur senex, amplectens paruulū, agnoscens magnū. Nunc dimittis, inqt, dñe ser. t. in pace, q. ui. o. m. f. t. Dicat itaq; ecclesia, Lætata sum in salu. t. Quoniā non est sanctus ut est dñs, & non est iustus sicut deus noster) Tanq̄ sanctus & sanctificās, iustus & iustificās. Non est sanctus præter te, quia nemo fit nisi abs te. Deniq; sequit̄. Nolite gloriari superbi, & nolite loqui excelsa) Neq; exeat magniloquiū de ore uestro, quoniā deus sciētiarum dñs. Ipse uos scit, & ubi nemo scit: quoniā qui putat se aliquid esse, quum nihil sit, seipsum seducit. Hæc dicuntur aduersarijs ciuitatis dei, ad Babyloniā pertinentib. de sua uirtute præsumētib. in se, non in dño gloriantib. ex quibus sunt etiā carnales Israelitę terrenæ Hierusalē ciues terrigenæ: qui ut dicit Apolus, Ignorātes dei iustitiā. i. quam dat deus homini, qui solus est iustus atq; iustificans: & suam uolentes cōstituere. i. uelut à se sibi paratā, non ab illo impartitam: iustitiæ dei non sunt subiecti: utiq; quia superbi, de suo putantes, nō de dei placere se deo: qui est deus scientiarū, atq; ideo & arbiter conscientiarum, ibi uidens cogitationes hominū, quoniā uanæ sunt, si hominū sunt, & ab illo non sunt. Et præparans, inqt, adinuētiones suas) Quas adinuentiones putamus, nisi ut superbi cadant, & humiles surgant? Hæc quippe adinuētiones exequit̄, dicens, Arcus potentiū infirmatus est, & infirmi præcincti sunt uirtute) Infirmatus est arcus. i. intentio eorū, qui tam potentes sibi uidētur, ut sine dei dono atq; adiutorio, humana sufficientia diuina possint implere mādāta. Et præcinguntur uirtute quorū in terra uox est, Miserere mei dñe, q. inf. f. Pleni panibus, inqt, minorati sunt, esurientes transierunt terrā.) Qui sunt intelligēdi pleni panib. nisi idem ipsi quasi potentes. i. Israelitę, quib. credita sunt eloquia dei? Sed in eo populo ancillæ filiū minorati sunt, quod uerbo minus, bene tamen expressum est, q̄ ex maiore, minores facti sunt, quia & in ipsis panibus. i. diuinis uerbis, quæ Israelitæ soli tunc ex omnib. gentib. acceperūt, terrena sapunt. Gentes aut̄ quib. lex illa nō erat data, postea q̄ per nouū testamentū ad illa eloquia uenerūt, multū esuriendo terrā transierūt, quia in eis non terrena, sed coelestia sapuerūt. Et hoc uelut quæreret̄ causa quur factum sit, Quia sterilis peperit VII, & multa in filijs infirmata est. Hic totū quod prophetabat̄ eluxit agnoscētib. numerū septenariū, quo est uniuersæ ecclesię significata perfectio.

ctio. Propter quod & Ioannes apostolus ad septem scribit ecclesias: eo modo se ostēdens ad unius plenitudinem scribere: & in Prouerbijis Salomonis hoc antea præfigurans, Sapientia ædificauit sibi domum, & suffulcit columnas septem. Sterilis enim erat in omnib. gentibus dei ciuitas, antequam iste foetus quem cernimus, oriretur. Cernimus etiam quæ multa in filijs erat, nunc infirmatam terrenam Hierusalem, quoniam quicūq; filij liberæ in ea erant, uirtus eius erat. Nunc uero quoniā ibi litera est, & spiritus non est, amissa uirtute infirmata est. Dominus mortificat & uiuificat, deducit ad inferos & reducit.) Mortificauit illam quæ multa erat in filijs, & uiuificauit hanc sterilem, quæ peperit septem: quamuis cōmodius possit intelligi eosdem uiuificare quos mortificauerit: id enim uelut repetiuit, addēdo, Deducit ad inferos, & reducit. Quibus enim dicit Apostolus, Si mortui estis cum Christo, quæ sursum sunt quærite, ubi Christus est in dextera dei sedens: salubriter utiq; mortificatur à domino. quibus adiungit, Quæ sursum sunt, sapite, non quæ super terram: ut ipsi sint illi, qui esurientes transierunt terram. Mortui enim estis, inquit. Ecce quomodo salubriter mortificat deus. Deinde sequitur, Et uita uestra abscondita est cum Christo in deo. Ecce quomodo eosdem ipsos uiuificat deus. Sed nunc quid eosdem deduxit ad inferos, & reduxit? Hoc utrumq; sine controuersia fidelium, in illo potius uidemus impletum capite scilicet nostro, cum quo uitam nostram Apostolus dixit absconditam in deo. Nam qui proprio filio non pepercit, sed pro nobis omnibus tradidit eum, isto modo utiq; mortificauit eum: & quia resuscitauit à mortuis, eundem rursus uiuificauit: & quia in prophetia uox eius agnoscitur, Non derelinques animam meam in inferno, eundem deduxit ad inferos, & reduxit. Hac eius paupertate ditati sumus. Dominus enim pauperes facit, & ditat.) Nā quid hoc sit ut sciamus, quod sequitur audiamus: Humiliat, & exaltat.) Vtiq; superbos humiliat, & humiles exaltat. Quod enim alibi legitur, Deus superbis resistit, humilibus autem dat gratiā: hoc totum habet sermo huius, cuius nomen interpretatur, gratia eius. Iam uero quod adiūgitur, Suscitāt à terra pauperem, de nullo melius quā de illo, intelligo, qui propter nos pauper factus est, quum diues esset: ut eius paupertate, sicut paulo ante dictum est, ditaremur. Ipsum enim de terra suscitauit, tam cito ut caro eius non uideret corruptionem. Nec illud ab illo alienabo quod additū est, Et de stercore erigit inopem. Inops quippe, idem qui pauper. stercus uero, unde erectus est: rectissime intelliguntur Iudæi persequutores. in quorū numero quum se dixisset Apostolus ecclesiā persequentum, Quæ mihi fuerunt, inquit, lucra, hæc propter Christum damna esse dixi: nec solum detrimenta, uerum etiam stercorea existimaui esse, ut Christum lucrifacerē. De terra ergo suscitatus est ille, supra omnes diuites pauper: & de illo stercore erectus supra omnes opulentos, ille inops. Et sedeat cum principibus populi.) Quibus ait, Sedebitis super duodecim sedes, sed sedē gloriæ dans eis hæreditatem. Dixerant potētes illi, Ecce nos dimisimus omnia, & se-

quanti sumus te. Hoc uotū potentissimi uouerunt. Sed unde hoc eis, nisi ab illo de quo cōtinuo dictum est, Dans uotum uouenti. Alioquin ex illis exi potētibz, quorum arcus infirmatus est. Dans, inquit, uotū uouenti.) Non enim quisq; domino quid rectū uoueret, nisi quia ab illo acciperet, quod uoueret. Sequit̃, Et benedixit dans annos iusti. Vt cum illo scilicet sine fine uiuat, cui dictum est, Et anni tui non deficient. Ibi enim stant anni, hic autem trāseunt, immo pereunt. Ante enim q̃ ueniant, nō sunt. Quū enim uenerint, nō erunt: quia cum suo fine ueniunt. Horum autem duorum, id est dans uotum uouenti, & benedixit annos iusti: unū est quod facimus, alterū quod sumimus. Sed hoc alterū deo largitore non sumitur, nisi cum ipso adiutore primum illud efficitur. Quia non in uirtute potens est uir. Dominus enim infirmum facit aduersarium suum, illum scilicet qui homini uouenti inuidet, & resistit, ne ualeat implere quod uouit. Potest ex ambiguo Græco intelligi, & aduersariū suum. Quū enim dominus possidere nos cōperit, profecto aduersarius qui noster fuerat, ipsius fit, & uincetur à nobis, sed non in uiribus nostris, quia non in uirtute sua potens est uir. Dominus ergo infirmū faciet aduersariū suū, dominus sanctus: ut uincatur à sanctis, quos dominus sanctus sanctorū efficit sanctos. Ac per hoc non gloriatur prudens in prudētia sua, & non gloriatur potens in potentia sua, & nō gloriatur diues in diuitijs suis, sed in hoc gloriatur qui gloriatur, intelligere & scire deum, & facere iudiciū & iustitiam in medio terræ. Non parua ex parte intelligit & scit dominū, qui intelligit & scit etiā hoc à domino sibi dari, ut intelligat & sciat dominū. Quid enim habes, ait Apostolus, quod non accepisti? Si autē accepisti, quid gloriaris, quasi non acceperis? id est quasi à teipso tibi sit unde gloriaris. Facit autē iudiciū & iustitiā, qui recte uiuit. Recte autē uiuit, qui obtēperat præcipiēti deo: & finis præcepti, id est ad quod refertur præceptū, charitas est de corde puro & cōscientia bona, & fide non ficta. Porro ista charitas sicut Ioānes apostolus testat̃, ex deo est. Facere igitur iudiciū & iustitiā ex deo est. Sed quid est in medio terræ? Neq; enim non debent facere iudiciū & iustitiā qui habitāt in extremis terræ. Quis hoc dixerit? Quir ergo additū est, In medio terræ? Quod si non adderet, & tātummodo diceretur, Facere iudiciū & iustitiā: magis hoc præceptū ad homines utrosq; pertineret & mediterraneos & maritimos. Sed ne quisq; putaret, post finē uitæ quæ in hoc agitur corpore superesse tēpus iudiciū iustitiāq; faciēdi, quam dum esset in carne nō fecit, & sic diuinū euadi posse iudiciū: in medio terræ mihi uidetur dictū, quum quisq; uiuit in corpore. In hac quippe uita, suā terram quisq; circūfert, quam moriente homine recipit terra, consurgenti utiq; reddita. Proinde in medio terræ, id est quum anima nostra isto terreno clauditur corpore, faciendum est iudiciū atq; iustitia, quod nobis profit in posterum quando recipit quisq; secūdum ea quæ per corpus gessit, siue bonum siue malum. Per corpus quippe ibi dixit Apostolus, per tempus quo uixit in corpore. Neq; enim si quis maligna mēte atq; impia cogitatione blasphemet, neq; id

ullis

ullis membris corporis operetur, ideo nō erit reus, quia id motu corporis nō gessit, quū hoc per illud tempus gesserit, quo gessit & corpus. Isto modo congruenter intelligi potest etiam illud quod in psalmo legitur, Deus autem rex noster ante secula operatus est salutem in medio terræ: ut dominus Iesus accipiatur deus noster, qui est ante secula, quia per ipsum facta sunt secula: operatus est salutem in medio terræ, quum uerbum caro factum est, & terreno habitauit in corpore. Deinde posteaquā prophetatū est in his uerbis Annæ, quomodo gloriari debeat, qui gloriatur, non in se utiq; sed in domino, propter retributionē, quæ in die iudicij futura est. Dominus ascendit, inquit, in cœlos, & intonuit: ipse iudicabit extrema terræ, quia iustus est.) Prorsus ordinem tenuit cōfessionis fidelium. Ascendit enim in cœlum dominus Christus, & inde uenturus est ad uiuos & mortuos iudicandos. Nam quis ascēdit, sicut dicit Apostolus, nisi qui descendit in inferiores partes terræ? Qui descendit, ipse est & qui ascendit super omnes cœlos, ut adimpleret omnia. Per nubes ergo suas tonuit, quia spiritu sancto quum ascendisset, impleuit. De quibus hoc illi Hierusalem, hoc est, ingratae uineæ comminatus est apud Esaiam prophetam, ne pluant super eam imbrem. Sic autem dictum est, Ipse iudicabit extrema terræ: ac si diceretur, etiā extrema hominis. Nō enim alias partes non iudicabit, qui omnes homines proculdubio iudicabit. Sed melius intelliguntur extrema terræ, extrema hominis: quoniam non iudicabuntur, quæ in melius uel in deterius, medio terræ commutantur, sed in quibus extremis inuentus fuerit qui iudicabitur. Propter quod dictū est, Qui perseverauerit usq; in finem, hic saluus erit. Qui ergo perseverāter facit iudiciū & iustitiam in medio terræ, non damnabitur, quum iudicabuntur extrema terræ. Et dat, inquit, uirtutem regibus nostris, ut non eos iudicando condemnet. Dat eis uirtutem qua carnem sicut reges regant, & in illo mūdum qui propter eos fudit sanguinem, uincāt. Et exaltauit cornu Christi sui. Quomodo Christus exaltauit cornu Christi sui? De quo enim supra dictum est, Dominus ascendit in cœlos, & intellectus est dominus Christus, ipse sicut hic dicitur, Exaltabit cornu Christi sui. Quis ergo est Christus Christi? An cornu exaltabit uniuscuiusq; fidelis sui, sicut ista ipsa in principio huius hymni, ait, Exaltatū est cornu meum in deo meo? Omnes quippe unctos eius chrismate, recte Christos possumus dicere. Quod tamen totū cum suo capite corpus, unus est Christus. Hæc Anna prophetauit, Samuelis mater, sancti uiri, multūq; laudati. In quo quidē tunc figurata est mutatio ueteris sacerdotij: & nunc impleta, quando infirmata est quæ multa erat in filijs, ut nouum haberet sacerdotiū in Christo, sterilis quippe peperit septem. Hoc canticum iuxta Septuaginta interpretum translationem inferere compulsi sumus, ut à beato Augustino positū est: pro eo quod in ipsa translatione ampliorem & ueriores continet historiam. Interea Samuel erat ministrās in templo dei, accinctus ephod. Porro filij Heli diuina sacrificia temerantes peccabant coram domino, & deridebant per eos multi sa-

crificia domini. Vnde Heli sacerdos pro eorum iniquitate dānatus est, quod eos peccantes minus seuera animaduersione plectebat. Equidē coercuit, equidem corripuit, sed lenitate & māsuitudine patris, non seueritate & autoritate pontificis. Qua sentētia discant sacerdotes quomodo filiorum etiam propter scelera puniantur quicq; & quamuis sancti sint, culpa tamen subditorum eisdem, si nō coerceant, imputatur. Post hāc euidentius ad ipsum Heli sacerdotem missus loquitur homo dei, cuius quidē nomen tacetur, sed intelligitur officio ministerioq; suo sine dubitatione esse propheta. Sic enim scriptum est,

De prophetia
ad Heli, & fili
lijs eius III

Venit autē uir dei ad Heli, & ait ad eum: Hāc dicit dominus, Nunquid non aperte reuelatus sum domui patris tui, cū esset in Aegypto in domo Pharaonis, & elegi eum ex omnib. filijs Israel mihi in sacerdotē, ut ascenderet ad altare meum & adoleret mihi incensum & portaret ephod coram me, & dedi domui patris tui omnia de sacrificijs filiorum Israel: Quare calce abiiecistis uictimam meā, & munera quæ præcepi ut offerrentur in templo. Et magis honorasti filios tuos, q̄ me, ut comederetis primitias omnis sacrificij Israel populi mei. Propterea ait dominus deus Israel, Loquēs locutus sum, ut domus tua & domus patris tui ministraret in conspectu meo usq; in sempiternū. Nunc autē dicit dominus, Absit hoc à me: sed quicūq; glorificauerit me, glorificabo eum: qui autem contēnunt me, erunt ignobiles. Ecce dies ueniunt & præcidam brachium tuum & brachium domus patris tui, ut non sit senex in domo tua, & uidebis Christum æmulū tuum in templo in uniuersis prosperis Israel, & non erit senex in domo tua omnibus diebus. Verūtamen non auferam penitus uirum ex te ab altari meo, sed ut deficiāt oculi tui & tabescat anima tua: & pars magna domus tuæ morietur, quum ad uirilem ætatem uenerit. Hoc autē erit tibi signum quod uēturum est duob. filijs tuis Ophni & Phinees. In die uno moriētur ambo, & suscitabo mihi sacerdotem fidelem, qui iuxta cor meum & animam meam faciat. Non est ut dicatur ista prophetia, ubi sacerdotij ueteris tanta manifestatione prænūtiata mutatio est, in Samuele fuisse completa. Quanquam enim esset de tali tribu Samuel quæ cōstituta fuerat à domino, ut seruiret altari, tamen non erat de filijs Aaron, cuius progenies fuerat deputata unde fierēt sacerdotes: ac per hoc in ea quoq; re gesta eadē mutatio quæ per Christum Iesum futura erat, adumbrata est, & ad uetus testamentū proprie pertinebat, figurate uero ad nouū, prophetia facti etiam ipsa non uerbi, id scilicet facto significans quod uerbo ad Heli sacerdotē dictum est per prophetam. Nam fuerunt postea sacerdotes regnante Dauid ex genere Aaron, sicut Sadoch & Abiathar, & alij deinceps anteq̄ tēpus ueniret, quo ista quæ de sacerdotio mutando tanto ante prædicta sunt, effici per Christum oportebat. Quis autē nunc fideli oculo hāc intuens non uideat esse completa, quandoquidem nullum tabernaculū, nullum templū, nullum altare, nullum sacrificium, & ideo nec ullus sacerdos remansit Iudæis, quibus ut de semine Aaron ordinaretur, in dei fuerat lege mandatum: quod & hic commemoratū est, illo

dicente propheta, Hæc dicit dominus deus Israel, Loquēs locutū sum, ut domus tua & domus patris tui ministret in cōspectu meo usq; in æternū. Nunc autem dicit dominus, Absit hoc a me: sed quicumq; glorificauerit me, glorificabo eum: qui autem contemnunt me, erunt ignobiles. Quod enim nominat domum patris eius, non eum de proximo patre dicere, sed de illo Aaron, qui primus sacerdos est institutus, de cuius progenie cæteri sequerētur, superiora demonstrant, ubi ait, Reuelatus sum domui patris tui, cum esset in Ægypto in domo Pharaonis, & elegi eum ex omnibus tribubus Israel mihi in sacerdotem. Quis patrum fuit huius in illa Ægyptia seruitute? Vnde cum liberati essent, quis electus est ad sacerdotium, nisi Aaron? De huius ergo stirpe isto loco dixit futurū fuisse, ut non essent ulterius sacerdotes, quod iam uidemus impletum. Vigilet fides, præsto sunt res, cernuntur, tenentur, & uidere nolētium oculis ingeruntur. Ecce, inquit, dies ueniunt, & præcidam brachiū tuum & brachium domus tuæ, ut non sit senex in domo tua, & uidebis Christum æmulum tuum in templo, in uniuersis prosperis Israel. Ecce dies, qui prænuntiati sunt, iam uenerunt: nullus sacerdos secundum ordinem Aaron: & quicumq; ex eius genere est homo, cum uidet sacrificium Christianorum toto orbe polle, re, sibi autem honorem illum magnum esse subtractum, deficiūt oculi eius, & defluit anima eius tabe mœroris. Proprie autem ad huius domum Heli, cui hæc dicebantur, quod sequitur pertinet: & pars magna domus tuæ morietur, cum ad uirilem ætatem uenerit. Hoc autem erit tibi signum, quod uenturum est duobus filiis tuis, Ophni, & Phinees, in die una morientur ambo. Hoc ergo signum factū est mutandi sacerdotij domui huius, quo signo significatum est mutādum sacerdotium domus Aaron: mors quippe filiorum huius significauit mortem non hominum, sed ipsius sacerdotij de filiis Aaron. Quod autem sequitur, ad illum iam pertinet sacerdotē, cuius figuram gessit huic succedendo Samuel. Proinde quæ sequuntur, de Christo Iesu noui testamenti uero sacerdote dicuntur, Suscitabo mihi sacerdotē fidelem, qui iuxta cor meum & animā meam faciat.) Sub figura Samuelis, de domino saluatore, summo uidelicet ac uero pontifice debet intelligi, qui nimirū sicut Samuel defuncto Heli successit in sacerdotium, non de stirpe Aaron, sed de alia Leui familia electus. Fuit enim, ut iam supra meminimus, filius Helchana, filij Hieroboam, filij Thau, filij Suph, filij Helchana, filij Iohel, filij Azariæ, filij Sophonix, filij Thaat, filij Asir, filij Abiasaph, filij Chore, filij Isaac, filij Chaath, filij Leui, filij Israel, ut uerba dierum narrant. Ita mediator dei & hominum, ut esset nobis pontifex, non de Leui, sed de alia utiq; tribu, idest à Iuda carnis originem sumpsit: aliam q̄q; legalem hostiam, idest ipsam suam carnē obtulit patri pro nobis: alios quā de genere Aaron pontificatus sui reliquit hæredes, filios uidelicet gratiæ noui testamenti de uniuersa gentium natione collectos. Quod uero quasi humano more eloquens deus dicit, Qui iuxta cor meum & animā meam faciat: de Samuele quidem recte potest intelligi, quod in omnibus

De sacerdote
fidei III

bus eius uoluntati, sicut homo deo paruerit, De domino ac saluatore, quod si cut filius unigenitus paternorum sit in omnibus conscius arcanorum, iuxta quod de se ipse manifeste testatur, dicens, Et a me ipso facio nihil, sed sicut docuit me pater, hæc loquor, & qui misit me, mecum est, & non reliquit me solum, quia quæ placita sunt ei, facio semper. In hoc uero quod ait deus, qui omnia quæ in corde meo, & quæ in anima mea sunt, faciat, non arbitramur animam habere deum, cum sit conditor animæ: sed ita hoc de deo tropice, non proprie dicitur, sicut manus, pes, & alia corporis membra. Et ne secundum hoc credatur homo in carnis huius effigie factus ad imaginem dei, adduntur & alæ, quas utiq; non habet homo: & dicitur deo, Sub umbra alarum tuarum protege me, ut intelligant homines, de illa ineffabili natura non proprijs sed translatis rerum uocabulis ista dici. Et ædificabo ei domum fidelem, & ambulabit coram Christo meo cunctis diebus.) Ipsa est domus, quam ædificat pater de qua apostolus ait, Quæ domus sumus nos si fiduciā & gloriam spei usq; in finem firmam retineamus: & hæc domus ambulabit coram Christo eius, ipso uidelicet summo pontifice. Ambulabit dixit conuersabitur, sicut superius dixerat de domo Aaron. Loquens locutus sum, ut domus tua, & domus patris tui, ministraret in conspectu meo, usq; in sempiternum. Quod autem ait, Coram Christo meo ambulabit: de ipsa domo utiq; intelligendum est, nō de illo sacerdote qui est Christus ipse mediator atq; saluator. Domus ergo eius coram illo ambulabit. Potest, & ambulabit, intelligi de morte ad uitam, omnibus diebus quibus peragitur usq; in finem seculi huius ista mortalitas. Alioquin quomodo de Samuele potest accipi, quod ædificata sit ei domus fidelis, quæ coram Christo domini, idest ipso Samuele cunctis diebus incederet, cum legamus in sequentibus, quod filij illius auersi de uijs eius post auariciam declinauerint & peruerterint iudicium: nisi forte domum eius hoc loco plebem Israeliticam intelligamus, quæ cunctis diebus sacerdotij eius domino seruiert, de qua scriptum est, Et requieuit omnis domus Israel post domum: & paulopost, Abstulerūt filij Israel Baalim & Astaroth, & seruiert domino soli. Quod uero adiungitur, Futurum est autem, ut quicumq; remanserit in domo tua, ueniat, ut oretur pro eo: non proprie de domo dicitur huius Heli, sed illius Aaron, de quo usq; ad aduentum Iesu Christi homines remanserunt, de quo genere etiam nunc usq; nō desunt. Nam de illa domo huius Heli, iam supra dictum erat, Et omnis qui supererit domus tuæ, deciderit in gladio uirorum. Quomodo ergo hic uere dici potuit, & erit qui remanserit in domo tua, ueniat ut oretur pro eo: si illud est uerū, quod ultore gladio nemo inde supererit: nisi quia illos intelligi uoluit, qui pertinent ad stirpem, scilicet illius totius sacerdotij secundum ordinem Aaron. Ergo si de illis est prædestinatis reliquijs, de quibus alius propheta dixit, Reliquiæ saluæ fient: unde & Apostolus, Sic ergo, inquit, & in hoc tempore, reliquię per electionem gratiæ saluæ factæ sunt: quia de talibus reliquijs bene intelligit esse, de quo dictum

est, qui remanserint in domo tua: profecto credit in Christum, sicut temporibus apostolorum ex ipsa gente plurimi crediderunt, neque nunc desunt, qui licet rarissimi, tamen credant, & impletur in eo quod hic iste homo dei continuo secutus adiunxit. Et offerat nummum argenteum, & tortam panis, dicatque. Dimitte me obsecro ad unam partem sacerdotalem, ut comedam buccellam panis. Quid per nummum argenteum, nisi oris confessio designatur, quæ fit credentibus ad salutem? Argentum enim pro eloquio poni solet, psalmista testante ubi canitur, eloquia domini eloquia casta, argentum igne examinatum, probatum terræ purgatum. Sed quod dicit iste qui uenit, Dimitte me obsecro ad unam partem sacerdotalem, ut comedam buccellam panis: sacerdotalem partem corpus Christi, id est, ecclesiam dicit, cuius plebis ille sacerdos est mediator dei & hominum, homo Christus Iesus, cui plebi dicit apostolus Petrus, Plebs sancta, regale sacerdotium. In hanc partem sacerdotalem, postulat comedere buccellam panis. Quibus uerbis ipsum sacrificium Christianorum eleganter expressum est, de quo dicit sacerdos ipse: panis quem ego dabo, caro mea est pro mundi uita: ipsum quippe est sacrificium, non secundum ordinem Aaron, sed secundum ordinem Melchisedech. Factum est autem in die quodam Heli iacebat in loco suo, & oculi eius caligauerunt, nec poterat uidere lucernam dei antequam extingueretur. In tabernaculo scederis erat candelabrum, ubi à uespere usque mane summo pontifice lucernas uespere concinnante iugiter extra uelum præparatæ lucebant, ut dominus iusserat: isto pontifice intrante in tabernaculo iam grandæua senectute confecto oculi eius intantum caligauerant, ut nec incensam lucernam potuisset aspicere, quanto magis extinctam? Figuraliter uero lucerna dei Heli fuerat, quando dignitate sacerdotali pollens iustitia claritatis fulgebat, quam extinctam propheta asserit, dum ob scelera filiorum sacerdotum potestatem, meritorumque lumen amisit. Creuit autem Samuel & dominus erat cum eo, & non cecidit ex omnibus uerbis eius in terra. Significat, quia nihil ex istis, quæ loquutus est irritum fuit, sed omnia sunt rebus completa quæ dixit. Cadunt namque in terra uerba superuacua, quæ pro nihilo habenda, & uniuersorum sunt calcanda despectu, sicut & beatus Iob dixit, Et lux uultus mei non cadebat in terra: qui nimirum in tanta grauitate uultum tenere consueuerat, ut nunquam contemptibili lætitia resolueretur, sed quotienscunque hilariorem se præsentibus exhiberet, certa semper hoc causa utilitatis eorum faceret. Igitur postea quàm hæc in figura mutationis ueteris testamenti à propheta illo prænuntiata sunt ad Heli, offendente dominum Israel, instruxerunt aciem Philistei contra eos: tollunt autem Israelitæ arcam ad stationem suam, capta est ab hostibus arca, ipsique non solum uicti sunt, & in fugam uersi, immo etiā magna strages facta est occisorum. Nonnulla tamē futurorum, significat res gesta hæc. In prophetia enim arca illa ab alienigenis capta, indicabat testamentum dei transiurum ad gentes. Quando enim nuntiātū est Heli sacerdoti captā fuisse arcam domini, cecidit de sella,

& mor

De caligine
oculorum Heli
V

De captiuitate
arce VI

& mortuus est.) Transeunte arca domini ad gentes, perijt atq; interiijt sacerdotium Iudæorum. Duo quoq; filij Heli corruerunt, unius uxor uiduata, & mox in partu mortua est, propter eandem perturbationē.) Quod evidenti signo præfiguratum est, post extinctum sacerdotium Iudæorum, carnalem interiijſſe ſynagogam, illi carnaliter adhærentem: proſtratoq; Heli de ſella, pontifices Iudæorum ſedem habuere uacuam, & gloriā ſacerdotij, regniq; extinctam. Sed quid eſt, quod dum poſuiſſent Philiſtīm arcam domini in templo Dagonis dei ſui, intrauerūt templum, & inuenerunt deum ſuum proſtratum atq; conſractum, caput eius duæq; manus abſciſſæ. Statim enim ut teſtamentum domini peruenit in gentibus, conſeſtim idola quæ deceptū poſſidebant orbem deſtructa ſunt, omnisq; error ſimulachrorum corruit, præſentiam dei ferre non ſuſtinens. Nam in manibus præciſis Dagon, poteſt idololatriæ ſinis agnoſci: limen enim ſinem itineris ſignificat. etiam & illud ad magnam pertinet ſignificationē in ipſa ruina Dagon dei ſui atq; fractura, quod dorſum illius ſolum inuenerūt, fractis omnibus eius membris. Dorſum quippe fugam ſignificat. Quicunq; enim fugiunt, perſequentibus dorſum dant. Vnde ſcriptum eſt de hoſtibus, Quoniam pones eos dorſum. Vbi enim idola perierunt, & ſi aliqua remanentia ab aliquibus abſconduntur, fugerunt. Quod autem percuſſi ſunt in poſteriora, ij qui arcam dei captiuauerunt, hac poena ſignificatum uidetur: quia ſi qui ſuſceperint teſtamentum dei, & poſteriora uitæ dilexerint, ex ipſis iuſtiſſime cruciabuntur, quæ ſicut Apoſtolus, exiſtimare debent ſicut ſtercora. Qui enim ſic aſſumunt teſtamentum diuinum, ut in poſteriora reſpicientes ueteri ſe uanitate non exuant, ſimiles ſunt hoſtibus illis, qui arcam teſtamenti captiuam, iuxta idola ſua poſuerunt. & illa quidem ueraciter etiam nolentibus cadunt, quia omnis caro ſœnum, & claritas omnis, ut flos ſœni: aruit ſœnum, & flos decidit: arca autem domini manet in æternum: ſecretum ſcilicet teſtamentum regni cœlorum, ubi manet dei uerbum. Cum uero de terra Philiſtīm arca domini ad terram Iſraelitarum rediret, pluſtro ſuperpoſita eſt, & uaccæ pluſtro ſubiunctæ ſunt, quæ ſcætæ fuiſſe memorantur, quarum filios clauſerant domi, ut ſcriptum eſt, Ibant autem in directum uaccæ per uiam quæ ducit Bethſamis, uno itinere gradiebantur pergentes, & mugientes, & non declinabant neq; ad dexteram neq; ad ſiniſtram.) Quid igitur uaccæ, niſi fideles quosq; in eccleſia ſignant, qui dum ſaceri eloqui præcepta conſiderant, quaſi ſuperimpoſitam domini arcam portant. De quibus hoc eſt etiam notādum, quod fuiſſe ſcætæ memorantur, quia ſunt pleriq; qui in uia dei intrinſecus poſiti, foris carnalibus affectibus ligantur: ſed non declinat à recto itinere, qui arcam dei portat in mente. Ecce enim uaccæ, Bethſamis pergunt. Bethſamis quippe dicitur domus ſolis: & propheta ait, Vobis autem qui timetis dominū orietur ſol iuſtitia. Si igitur ad æterni ſolis habitationem tēdimus, dignum proſecto eſt, ut de dei itinere pro carnalibus

De reuerſione
ne arcæ VII

nalibus affectibus non declinemus. Tota enim uirtute pensandum est, quod uaccae dei plaustro suppositae pergunt & gemunt. Dant ab intimis mugitus, & tamen de itinere non detorquent gressus. Amorem quidem per compassionem sentiunt, sed colla posterius non deflectunt. Sic nimirum praedicatores, sic fideles quiq; intra sanctam ecclesiam debent, ut & compatiantur proximis per charitatem, & tamen de uia dei non exorbitent per compassionem. Arca quippe superposita Bethsamis est pergere, cum superna scientia ad internae lucis habitaculum appropinquare. Sed tunc uere Bethsamis tendimus, cum uiam rectitudinis gradientes, ad uicina erroris latera ne pro affectu pignorum declinamus. Sic namq; sic necesse est ut incedere debeant, qui sacrilegijs suppositi, iam per internam scientiam domini arcam portant, quatenus per hoc quod propinquorum necessitatibus condolent, accepto rectitudinis itinere non declinent. Quorum nimirum gratia mentem nostram tenere debet, ne haec eadem mens aut si affectu non tangitur dura sit: aut plus tacta, si inflectitur, remissa.

De percussio-
ne Bethsami-
tarum VIII

Percussit autem de uiris Bethsamitis, eo quod uidissent arcam domini, percussit de populo septuaginta uiros, & quinquaginta milia plebis.) Populus & plebs pro una eademq; re indifferenter accipit. Nam & ex uno Graeco quod est laos, solet utrumque transferri. Sed in hoc uidetur esse distantia, quod in priore commate uersiculi additum est uiros. Viros enim maiores natu significat, ut sit sensus: Quia de optimatibus populi septuaginta sunt percussi: de ipsa autem turba uulgari hominum quinquaginta milia. Quod ne pareretur in Exodo populus a longe stabat & orabat, solusq; Moyses ascendit ad dominum. Isti ob hoc a deo percussi sunt, quia non solum appropinquauerunt, sed etiam, ut alia translatio habet, despexerunt, quod rationi plus congruum est. Nam in Exodo, uiderunt, & audierunt, perspicua diuinæ potestatis inspexerunt, nec perierunt: & ideo isti, non de uisione, sed de despectione & temeritate mulctati sunt. Et factum est, ex qua die mansit arca domini in Cariathiarim, multiplicati sunt dies. Erat quippe iam annus uicesimus, & requieuit omnis domus Israel post dominum.) Non ita intelligendum est, quasi uiginti anni, quibus arca maneret in Cariathiarim, ad octauum usq; annum regni Dauid, quo eam congregata frequentia populi in Hierusalem adduxit, sint computandi. Inuenitur namq; in sequentibus, quod temporibus Saulis fuerit elata de hac ciuitate, & allata in castra, pugnante eo aduersus Philisteos. Sic etenim scriptum est, Et ait Saul ad Ahaim, Applica arcam dei. Erat enim arca dei in die illa cum filijs Israel. Et quia constat quod Dauid eam in Hierusalem adduxerit de domo Aminadab, in quam nunc illata esse perhibetur, restat intelligi quod in diebus Saulis relata de castris, & in praefatam sit illata ciuitatem, unde denuo regnante Dauid affertur in Hierusalem. Est ergo sensus temeratae sententiae, quia ex quo mansit arca in Cariathiarim, erat annus uicesimus, cum eam inde transferri temporibus Saul causa belli contingeret:

De eo qd scri-
ptum est, Ex
qua die, &c.
IX

uel

uel certe uicesimus annus, cum adhuc omnis domus Israel post dominum re-
 quieuit, abiectis uidelicet idolis illi soli seruiēs: quod eam fecisse toto tempore
 præsulatus Samuelis, qui Iosepho teste duodecim annis completus est, & pri-
 mo tempore regni Saul, quod eodē historico affirmāte uiginti annis tenuit,
 nullus sanctæ historiæ curiosus ignorat. Namq; postmodum cum recessisset
 à Saule spiritus domini, & agigaret eum spiritus nequam, maxime ad perse-
 quendum Dauid innoxium & iustum, necesse erat partem militiæ uel plebis
 eius nonnullam, malitiæ illius extitisse complicem. Cariathiarim ipsa est quæ
 alio nomine Cariath Baal uocatur, ciuitas saltuum, una de urbibus Gabaoni-
 tarum, pertinens ad tribum Iuda euntibus ab Hierusalem Diospolim milia-
 rio nono. De hac fuit Vrias propheta, quē interfecit Ioachim in Hierusalem,
 sicut scribitur. Samuel autem post mortem Heli regebat Israel. Cōgregato
 autem omni populo exclamauit ad dominū pro Israel, & exaudiuit eum. Et
 cum offerret holocaustum accedentibus alienigenis ad pugnam cōtra popu-
 lum dei, in tonuit dominus super eos & confusi sunt, & offenderunt coram Is-
 rael, atq; superati sunt. Tunc assumpsit Samuel lapidem unum & posuit eum
 inter Masphat & Sicelech: & ut interpretes Septuaginta transtulerunt, inter
 Masphat nouam & ueterem uocauit nomen eius, lapis adiutoriū, & dixit, *U-*
q; adhuc auxiliatus est nobis deus.) Masphat interpretatur Intentio. Lapis
 ille adiutoriū, medietas est saluatoris, per quem transeundum est à Masphat
 uetere ad nouam: idest ab intentione quæ expectabatur in carnale regnum,
 quod erat beatitudo falsa: ad intentionem quæ per nouum testamentum ex-
 pectaretur in regnum cœlorū, ubi est beatitudo uerissima spiritalis: qua quo-
 niam nihil est melius, huc usq; auxiliatur deus. Iste Samuel inuocato nomine
 domini exaudiuit eum deus, & in tempore messis pluuiam impetrauit. Plu-
 uia enim in sanctis scripturis, uerba sunt euangelij siue legis, sicut & Moyses
 dicit, Expectetur sicut pluuia eloquium meum, & descendant sicut ros uerba
 mea. Hanc igitur pluuiam dedit mundo Christus in tempore messis, idest
 quando gentes colligi oportebat, ut sicut frumentum in horreis, sic intra ec-
 clesiæ sinum congregentur. Iudicauit autem Samuel Israel omnibus die-
 bus uitæ suæ, fueruntq; usq; ad eum iudices & principes super Israel. Porro
 filij Samuel declinauerunt post auariciam & accipiebant munera, & tam ini-
 qui iudices extiterunt, ut populus nequaquam ferens, regem sibi in similitu-
 dinem gentium cæterarum postulare: quibus dedit dominus Saul regem,
 cum quæreretur asinas patris sui, & ueniret ad Samuelem in Ramatha: inter
 cætera quæ loquuti sunt simul prædicens ei signa Samuel, quæ uentura erant
 ei eo die, cum recederet ab eo. Cumq; ab eo recessisset, uenit ad collem do-
 mini, ubi erat statio Philistinorum, iam primum peractum sicut loquutus
 fuerat homo dei. Et ecce cuneus prophetarum obuius ei, & insiluit super
 eum spiritus dei, & prophetauit in medio eorum. Videntes autem omnes

De precib. Sa-
 muelis pro po-
 pulo X

De filijs Sa-
 muelis XI

qui nouerant eum heri & nudius tertius, quod esset cum prophetis, dixerunt ad inuicem, Quæ nam res accidit filio Cis? Num & Saul inter prophetas? Hoc quidem non puto habere aliquid quæstionis, spiritus enim ubi uult spirat, & spiritum prophetiæ nullarum animarum potest maculare contactus, attingit enim ubiq; propter suam mundiciã: afficit enim omnes non eodem modo, sed alios per informationem spiritus eorundem hominum, ubi rerum demonstrantur imagines, alios per fructum mentis ad intelligentiam, alios utraq; inspiratione: alios etiam nesciẽtes per informationem spiritus duobus modis: aut per somnia, sicut non solum pleriq; sancti, sed & Pharao & Nabuchodonosor rex uidit, quod nemo eorum intelligere ualebat, sed tamen uideri uterq; poterant: aut demonstratione in ecstasi, quod Latini nonnulli pauperem interpretantur, mirum si proprie, sed uicine: & tamen cum sit mentis alienatio à sensibus corporis, ut spiritus hominis diuino spiritu absumptus capiendis atq; intuendis imaginibus uacet, sicut Danieli demonstratum est, quod non intelligebat: & Petro illud uas submissũ est de cœlo quatuor lineis. Nam & ipse quid illa demonstratio figuraret, postea cognouit. Per fructum autem mentis ad intelligentiã, uno modo cum hæc ipsa quæ demonstrantur in imaginibus, quid significant, & quò pertineant, reuelantur, quæ certior prophetia est. Nam magis ipsam uocat Apostolus prophetiam, sicut Ioseph meruit intelligere, quod Pharao non nisi uidere: & Daniel exponit regi, quod ille cernit, & nescit. Cum uero mens ita afficitur, ut non rerum imagines coniecturali examinatione intelligat, sed res ipsas intueatur, sicut intelligitur sapientia & iustitia, omnisq; incommutabilis & diuina species, ad prophetiam non pertinet, de qua nunc agimus. Vtroq; autem munere prophetiæ donantur, qui & rerum imagines in spiritu uident, & quid ualeant, simul intelligunt: aut certe manifestis locutionibus in ipsa demonstratione informantur, sicut in Apocalypsi quædam exponuntur. Nescientes autem afficit prophetiæ spiritus, sicut Caiphas cum esset pontifex prophetauit de domino, quod expediret unum mori pro tota gente, cum aliud in uerbis quæ dicebat, attenderet, quæ non à seipso dicere nesciebat. Abundant in sanctis libris exempla. Hoc autem uerbo quod positum est, Insiluit in eum spiritus, tanquam ex abdito diuinitatis secreto, repentinus significatur afflatus. Horum igitur modorum quonam potius affectum esse intelligamus Saul, satis apparet ex eo quod ibi scriptũ est, Conuertit deus in Saul cor aliud. Sic enim aliam cordis affectionem significat, quam conuertendo fecit deus, ut imaginum significantium & præfigurantium capax fieret ad propheticam diuinationem. Tantum autem distat inter prophetiam prophetarum, sicut Esaias, sicut Hieremias, & cæteri huiusmodi fuerunt, atq; istam transitoriam quæ in Saul apparuit: quantum distat inter loquelam humanam, cum loquuntur homines, & cum eadem loquela propter necessarium prodigiũ asina loquuta est, in qua sedebat Balaam propheta

pheta. Accepit enim hoc ad tempus illud iumentum, ut deus quod statuerat demonstraret, non ut habitu perpetuo bestia loqueretur. Aut si hoc exēplum maiore differentia remotum est, multo minus mirandum est homini reprobo datam fuisse ad momentum temporis affectu transitorio prophetiam, quando ille dederat, qui & asinam cum uoluit loqui fecit. Magis enim distat pecus ab homine, quam homo reprobus ab electis etiam hominibus. Non enim si quisquam dixerit aliquid, quod ad sapientiam pertinet, continuo sapiens existimandus est: sic nec quisquam, si aliquando prophetauit, iam inter prophetas numerabitur, cum & dominus in euangelio dicat, quosdam cum gaudio uerbum excipere, & radicis altitudinem non habere, sed esse temporales. Ideoq; sicut consequens indicat lectio, factum est in parabola, Et Saul inter prophetas. Hoc igitur mirari desinamus, cum in hominibus apparet diuinitus aliquid, quorum uel meritum uel habitum excedit, cum forte uult deus cuiusdam significationis gratia, tale aliquid demonstrari. Si autem hoc mouet, quod postea Saul malo spiritu inuadente præfocabatur, qui prophetiæ prius spiritum acceperat: neq; hoc mirandū est. Illud enim factum est ex dispensatione aliquid significandi, hoc ex merito uindicandi. Nec mouere nos debent hæc alternantia in animo humano, hoc est in creatura mutabili: præsertim eodem tempore quo caro corruptibilis mortalisq; portatur. Aut non uidemus in ipso Petro quantum indicat euangelium extitisse tantam confessionem, ut audire meruerit, Beatus es Simon Bariona, quia non tibi reuelauit caro & sanguis, sed pater meus qui in cœlis est: & paulopost tam carnaliter eum de domini passione sensisse, ut statim audiret, Vade post me Satanas; scandalum mihi es. Non enim sapias quæ dei sunt, sed quæ hominum. Et fortasse aliquanto interius intelligentibus tantum ualet ad illa uisa mentis hæc differentia, qua Petrus intellexit, deo patre reuelante, quod filius dei esset Christus; & postea ne moreretur extimuit: quantum ualet ad distinguenda uisa, quæ in spiritu hominis alienata mente imaginarie fiunt, reuelatio prophetiæ, qua primo afflatus est Saul, & commixtio spiritus mali, quo postea premebatur. Vngitur post hæc iubente domino, rex prior à propheta in regnum. Qui & ipse quidem, in id quod unctus est, imaginem Christi portauit. Vnde & beatus Dauid, & ipse Christus nuncupatus, ait ad eum qui se finxerat Saulum occidisse, Quomodo non timuisti iniicere manum tuam in Christum domini? Hinc est quod ab humero sursum Saul supereminebat omnibus: quia caput nostrum sursum est supra nos quod est Christus. In id autem quod reprobatus postea & reiectus est succedente in regnum Dauid, populi, ut prædictum est, Israel personam gestauit: qui populus regnum adeptum fuerat amissurus, Christo domino nostro per nouum testamentum, nō carnaliter, sed spiritualiter regnatura. Filius unius anni erat Saul cum regnare cœpisset, duobus autem annis regnauit super Israel.) Vno anno postquam

De unctione
Saul XII

quàm rex electus est à Samuele, in domestica domo sedēs dissimulauit se esse regem, reliquis duobus annis publice iudicauit omnem Israel, tenens obedientiam cum humilitate: & hoc fuit illud tempus antequàm mandatum domini transgrediretur in Amalech: reliquo uero tempore quo uixit & imperauit, transgressor mandati domini extitit. Post hæc expectans Saul Samuel in Galgalis, uidens quod tardaret, obtulit holocaustum. Veniensq; Samuel, inter cætera ait ad Saul, Stulte egisti, nec custodisti mandatum domini quod præcepit tibi. Quod si non fecisses, iam nunc parasset dominus regnum tuum super Israel in sempiternum. Sed nequaquam regnum tuum ultra consurget. Quæsiuit sibi dominus uirū iuxta cor suum, & præcepit ei, ut esset dux super populum suum, eo quod non seruaueris quæ præceperit dominus.) Non sic accipiendum est, ac si ipsum Saulem in æternum deus præparauerit regnaturum, & hoc postea noluerit seruare peccanti, neq; enim eum nesciebat, sed præparauerit regnum eius, in quo figura esset regni æterni. Ideo addidit, Et nunc regnum tuum non stabit tibi.) Stetit ergo, & stabit quod in illo significatum est, sed non huic: quia non in æternum ipse fuerat regnaturus, nec progenies eius, ut saltem per posteros alter alteri succedentes, uideretur impleri quod dictum est, In æternum. Et quæret, inquit, dominus, sibi hominem.) Siue Dauid, siue ipsum mediatorem significans noui testamenti, qui præfigurabatur in chrismate, etiam quo unctus est ipse Dauid & progenies eius. Non autem quasi nesciat ista, sibi hominem deus quærit, sed hominibus more hominum loquitur, quia sic loquendo nos quærit. Non solum enim deo patri, uerum ipsi quoque unigenito eius, qui uenit quærere quod perierat, usq; adeo iam eramus noti, ut in ipso essemus electi ante constitutionem mundi. Quæret sibi, ergo dixit, suum habebit. Vnde in Latina lingua hoc uerbum accipit præpositionem, & Acquirit dicitur, quod satis apertum est, quid significet: quanquam & sine additamento præpositionis, quærere intelligatur acquirere: ex quo lucra uocantur & quæstus. Porro faber ferrarius non inueniebatur in omni Israel. Cauent enim Philistini, ne forte facerent Hebræi gladium aut lanceam.) Sicut enim tunc Philistini cauerant ne forte facerent Hebræi gladium aut lanceam, & ne haberent fabros ferrarios, qui arma ad repugnandum facerent: ita Chaldæi destructa Hierusalem, & uastata omni terra repromissionis, satagebant ut nullus in ea remaneret artifex, nullus clusor, qui uel fœdata urbis mœnia componere, uel posset refarcire dirupta: quin potius quicquid apud gentem exterminatam artis inuenerant, totum in Babyloniam transferunt, ut uel ad nihilum ultra ualeat, uel illius ciuitatis utilitatibus proficiat. Arma quibus contra diabolum repugnantes, libertatem à domino nobis donatam defendamus, quid sunt alia, nisi eloquia scripturarum, in quibus & ipsius domini, & sanctorum eius exemplis, quo ordine bella uitiorum superari debeant, luce clarius discimus: Sed Philistæi filios Israel fabris armorum priuant, cum maligni spiritus

Spiritus animos fidelium à meditatione sacrae lectionis, secularia illis negotia inferendo retardant: ne uel ipsi per huius exercitium resistendi fiduciam sumant: uel alios fortè qui legere nesciunt, ad resistendum uitij exhortando aut corripiendo accendant. Tollunt fabros armorum, cum eos qui sacra eloquia norunt, in tantis scelerib. obruunt, ut dicere bona quæ didicerant, prorsus erubescant. Saul autem post hæc dum pergeret dimicaturus aduersus Philistim, indixit cuncto exercitui ieiunium, quousq; reuenterentur à prælio: sed Ionathan filius eius uidens supra faciem agri mel, extendit summitatem uirgæ, & intinxit in fauum mellis, & gustauit, & illuminati sunt oculi eius.) Non utiq; ad uidendum illuminati, quia antea uidebat: sed ad discernendum, quia uerita tetigerat. Tunc enim casus ille, sicut & Adam, fecit illum attentum, reddiditq; confusum: quo facto admoneremur omnes illecebras uoluptatum in seculo debere continere, qui deo nitimur militare. Non enim potest contra Allophylos spiritales, idest aduersus principes tenebrarum uiribus animi concurrere, qui adhuc huius mundi negligit dulcedinem declinare. Mel enim distillant labia meretricis, quod est delectatio uoluptatis carnalis. De quo putatur iuxta mysticos intellectus hunc gustasse Ionatham, & fortè deprehensum uix precibus populi liberatum. Inijt iterum Saul prælium aduersus Amalech, interfectis cunctis hostibus ab Euila usq; Sur.) Est una Euilath regio, quam circuit fluius Phison, exiens de paradiso, quæ hodie India uocatur: dicta autem Euilath à quodam nepote Noe. Est & alia Euilath, solitudo contra faciem Ægypti. Hæc enim Euila, illa Euilath debet nuncupari. Sur quoq; est solitudo inter Cades & Barath, extendens desertum usq; ad mare rubrum, & Ægypti confinia. Percussus hunc terminum pepercit Agag regi, nec uoluit perdere omnia iuxta præceptum domini, irasciturq; ei dominus. Factum est autem uerbum domini ad Samuel, dicens, Pœnitet me quod constituerim Saul regem, quia dereliquit me, & uerba mea opere non impleuit.) Neq; enim sicut hominem, ita deum, cuiusq; facti sui pœnitet, cuius est de omnibus omnino rebus tam fixa sententia, quam certa præscientia. Nos uero cum de deo hoc in diuinis scripturis audimus, indignum arbitramur hoc de illo sentire: sed necesse est, ut aliquid dicatur, per quod hoc aliquo modo demonstretur. Cum uerba omnia quibus humana colloquia conferuntur, illius sempiterna uirtus & diuinitas mirabiliter atq; incunctanter excedat, quicquid de illo humaniter dicitur, quod etiã hominibus aspernabile uideatur, ipsa humana admonetur infirmitas, etiam illa quæ congruenter in scripturis sanctis de deo dicta existimat, humanæ capacitati aptiora esse, q̃ diuinæ sublimitati: ac per hoc etiam ipsa esse transcendenda, est sanior intellectus, sicut ista qualicūq; modo transensa sunt. Quis est enim hominum, cui non occurrat in deo cuncta præscientia, & pœnitentiam esse non posse: & certe tamē hæc duo uerba sunt, pœnitentia, & præscientia, quorum quia unum congruere credimus deo, idest præscientiā, negamus in eo esse pœnitentiā. Cū uero alius liquidiore consideratione ista pertra-

De ieiunio in/
dicto à Saul
XIII

De prælio Sa/
ul contra Ama/
lech XIII

ctans

ctans quæsierit quemadmodū uel ipsa præscientia deo congruat, & inuenierit huius etiam uerbi notionem illius ineffabili diuinitate longe altēq̃ superari, non miratur utrūq̃ de illo propter homines dici potuisse, de quo utrūq̃ propter ipsum incongrue diceretur. Quid est enim præsciētia, nisi scientia futurorum? Quid est autem futurū deo, qui omnia tempora supergreditur? Si enim scientia dei res ipsas habet, & nō sunt ei futuræ, sed præsentēs, ac per hoc non iam præscientia, sed scientia dici potest: si autem sicut in ordine temporalium creaturarum, ita & apud eum nondum sunt quæ futura sunt, sed ea præuenit sciendo: bis ergo ea sentit, uno quidem modo secundū futurorū præscientiam, altero uero secundum præsentīū scientiam. Aliquid ergo temporaliter accidit scientiæ dei, quod absurdissimū atq̃ falsissimū est. Nec enim potest quæ uentura prænoscat nosse, nisi cum uenerint, nisi bis innotescant, & prænoscendo anteq̃ sint, & cognoscēdo cum iam sunt: ita fit ut quod longe à ueritate seculum est, temporaliter aliquid accadat scientiæ dei, cum temporalia quæ præsciuntur, etiam præsentia sentiuntur quæ non sentiebātur. Si uero etiam cum uenerint quæ præsciebantur esse uentura nihil noui accidet scientiæ dei, sed manebit illa præscientia sicut erat, etiā priusq̃ uenirent quæ præsciebantur, quomodo iam præscientia diceretur quādo non est rerum futurarum? Iam enim præsentia sunt quæ futura cernebat, & paulopost erunt præterita. Præteritarum autem rerum sicut præsentium, nullomodo potest dici præscientia. Redi- tur ergo ad id ut fiat rebus iam præsentibus sciētia, quæ eisdem rebus futuris erat præscientia. & cum ea quæ præsciētia erat prius, postea sciētia fiat in deo, admittit mutabilitatē, & temporalis est, cum sit deus, qui uere summeq̃ est, nec ulla ex parte mutabilis, nec ullo motu nouitio temporalis. Placet igitur ut non dicamus præsciētiam, sed tantūmodo scientiam. Quæramus & hoc quo- modo. Non enim scientiā solemus dicere in nobis, nisi cum sensa & intellecta memoria retinemus, cum meminimus aliquid sensisse nos uel intellexisse, ut id quod uolumus, recolamus. Quod si ita in deo est, ut possit proprie dici in- telligit & intellexit, sentit & sensit, admittit tēpus, & subrepat nihilominus illa mutabilitas quæ longe à dei substantia remouenda est, & tamen & scit deus & præscit deus ineffabili modo, sic eū & poenitet ineffabili modo. Cum enim scientia dei longe distet ab humana scientia, ita ut irridenda sit comparatio, utraq̃ tamē scientia uocatur: & hæc quidem humana talis est, ut de illa dicat Apostolus, etiam scientia destruetur: quod nullo modo de scientia dei recte dici potest. sic & ira hominis turbida est, & non sine cruciatu animi: ira uero dei, de qua dicitur in euangelio, Sed ira dei manet super eum: & Apostolus, Reuelatur enim dei ira de cœlo super omnem impietatem: illo in tranquillita- te iugiter manente, in creatura subdita exercet admirabili æquitate uindictā. Misericordiā quoq̃ hominis nonnulla cordis sequitur miseria. Vnde etiā in La- tina lingua nomē accepit. Nam inde est etiam, q̃ non solū gaudere cum gau- dentib, sed etiam flere cum flentib, hortatur Apostolus. Quis aut̃ sano capite dixerit

dixerit ulla miseria tangi deum: quem tamē ubiq; scriptura misericordē esse testatur. Ita zelum humanum non sine peste liuoris intelligimus, zelum uero deum non ita, sed eodem uerbo, non eodem modo. Longum est percurrere cætera, & sunt innumerabilia quibus ostenduntur, multa diuina eisdem nominibus appellari quibus humana, cum incomparabili diuersitate seiuncta sint. Nec tamen frustra eadem sunt rebus utrisq; indita uocabula, nisi quia hæc cognita quæ in cottidiana consuetudine uersantur, & experimentis usitatoribus innotescunt, nonnulla ad intelligenda illa sublimia præbent uiam. cum enim dempsero de humana sciētia mutabilitatē, qua transitus quosdam à cogitatione in cogitationem recolimus, ut cernamus animo quod in contuitu eius paulo ante non erat, atq; ita de parte in partem crebris recordationibus transilimus, unde etiam ex parte dicit esse Apostolus nostram scientiam: quum ergo hæc cuncta detraxero, & reliquero solam uiuacitatē certę atq; inconcussæ ueritatis, una atq; æterna contemplationē conlustrantis: imò non reliquero, non enim habet hoc humana scientia, si pro uiribus cogitauero: insinuatur mihi utcūq; scientia dei. quod tamen nomen ex eo quod sciendo aliquid nō latet hominē, potuit esse rei utriq; commune: quanquam & in ipsis hominibus solet discerni à sapientia scientia, ut etiam Apostolus dicit. Alij quidem datur per spiritū sermo sapientiæ, alijs sermo scientiæ secundum eundem spiritū. In deo autem non sunt hæc duo, sed unum. & in hominibus quidem ita discerni probabiliter solēt, ut sapientia pertineat ad intellectum æternorum, sciētia uero ad ea quæ sensibus corporis experimur. Sed licet alius aliam differentiam proferat, nisi tamen diuersa essent, non sic ab Apostolo distinguerētur. Quod sane si ita est, ut nomen scientiæ rebus quas per sensum corporis experimur deputandum sit, nulla est omnino sciētia dei. Non enim deus per se ipsum ex corpore & anima constat sicut homo: sed melius dicitur aliam esse scientiā dei, & nō eiusdem generis cuius ista est quæ hominum dicitur: sicut etiā id ipsum quod deus dicitur, longe aliud est quàm quemadmodum est dictum, quod stetit in synagoga deorum: tamē ad nō latere quoquo modo pertinet cōmunicatio ipsa uocabuli. sic etiam de ira hominis detraho turbulentum motum ut remaneat uindictæ uigor, atque ita utcunque surgo ad innotescentiā illius, quæ adpellatur ira dei. Item de misericordia si auferas cōpassionem de eo quod miseraris, participatus es miserię, ut remaneat tranquilla bonitas subueniendi, & à miseria liberandi, insinuatur misericordiæ diuinæ qualiscunq; cognitio. Zelum quoq; non repudiemus & aspernemur, quum scriptum inuenimus: sed auferamus de humano zelo pallidam tabem doloris, & morbidam perturbationē animi, remaneatq; illud solum iudicium, quo corruptio castitatis impunita esse nō sinit, & assurgimus ut incipiamus aliquo modo capere zelum dei. Qua propter quum legimus etiam deum dicentem, poenitet me: consideremus quod id esse soleat in hominibus opus poenitendi, cum

di, cum proculdubio reperit uoluntas mutandi, sed in homine cū dolore animi est. Reprehēdit enim in se quod temere fecerit. Auferamus ergo ista quæ de humana infirmitate atq; ignorātia ueniunt, & remaneat solū, uelle ut nō ita sit aliquid, quēadmodū erat. Sic potest aliquantū intimari menti nostræ, qua regula intelligat quod pœnitet deū. Quū enim pœnitere dicit, uult non esse aliquid sicut fecerat ut esset, sed tamen cum ita esset, ut ita esse debeat, & cum ita esse iam nō sinitur, iam nō esse debet, ita perpetuo quodam & tranquillo æquitatis iudicio, quo deus cuncta mutabilia incōmutabili uoluntate disponit. Sed quomodo præscientiā & scientiā cum laude solemus in hominibus appellare, iramq; ipsam solet humanū genus in magnis potestatibus tremere potius q̃ reprehēdere, congruenter putamus talia dici de deo. Qui autē zelat, & quē aliquid pœnitet, quoniam uel culpari solet, uel culpā in se corrigere, atq; ideo cū reprehensione ista de hominibus dici, propterea mouet cū legimus esse aliquid in deo eiusmodi. Sed illa scriptura omnibus consulens, propterea magis & ista ponit, ne illa quæ placēt sic intelligant in deo, quomodo consueuerūt in hominibus intelligi. Per hæc enim quæ displicēt, cum ea nō uideamus sic intelligere, ut inueniunt in homine, discimus etiā illa sic quærere, quæ apta esse atq; cōuenientia putabamus. Nam si p̃pterea nō est illud de deo dicendū, quia in homine displicet, nō dicamus incōmutabile deū, quia de hominibus cum reprehensione dictū est, nō enim est illis cōmutatio. Item sunt quædam quæ in homine laudabilia sunt, in deo autē esse nō possunt, sicut pudor quod ætatū uiridiorū magnū est ornamentū, sicut timor dei, nō tantū in ueteribus libris laudat, sed Apostolus etiā dicit, Perficientes sanctificationē in timore dei, qui utiq; nullus in deo est. Sicut ergo quædam laudabilia hominū recte intelligunt in deo, nō ita in hominibus, sed uocabulis tantūmodo cōmunibus, longe alia ratione & modo. Nam paulopost idē Samuel, cui dixerat dominus, pœnitet me quod constituerim regē Saul, ipsi Sauli ait de deo: quoniam nō est sicut homo, ut pœniteat eū. Vbi uidelicet satis ostendit etiā cum dicit deus, pœnitet me, nō humano more accipiendū esse, sicut iam quantū ualuimus disputauimus. Veniens autē Samuel ad Saul, ait ad Saul: Sine me, & indicabo tibi quæ locutus sit ad me dominus nocte. Dixitq; ei, Loquere. Et ait Samuel: Nonne cum paruulus esses in oculis tuis, caput in tribubus Israel factus es? Paruulus in oculis suis est, qui in eo quod semetipsum considerat, imparē se alienis meritis pensat. Nam quasi grandem se cōspicit, quisquis se super aliena merita elatione cogitationis extendit. Saul autē reprobis in bono quod cœperat nō permansit, quia fastu susceptæ potestatis intumuit. At contra Dauid semper de sese humilia sentiens, eiusdemq; Saul se cōparatione postponēs, postq; ferendi locum reperit & pepercit, eidem sæuienti aduersario humili se professione substrauit dicens, Quē persequeris rex Israel, quē persequeris? canem mortuū & pulicem unū. Et certe iam unctus in regē fuerat, iam exorante Samuele, & cornu super se

De obiurgati
one Samuelis
in Saul.

XV

per se oleo fundēte didicerat, q̄ eum diuina gratia Saul reprobato ad regni gubernacula possidenda seruabat: & tamē persequēti aduersario mente se humili substernebat, cui diuino iudicio praelatū esse se nouerat. Illi itaq; se postponebat humilē, cui per gratiā electionis incōparabiliter se nouerat esse meliorē. Increpans Samuel Saul, cur nō audisset uocē domini, sed uersus ad prādam, fecisset malū in oculis domini, parcendo & nō interficiēdo Amalech, ait Samuel, Nunquid uult dominus holocausta & uictimas, & nō potius obediat uoci domini? Melior est enim obedientia q̄ uictimā, & auscultare magis q̄ offerre adipem arietū. quoniā quasi peccatū ariolandi est repugnare, & quasi scelus idololatriæ nolle adquiescere. Pro eo ergo quod abiiecisti sermonē domini, abiicit te ne sis rex. Obedientia uictimis iure præponit, quia per uictimas aliena caro, per obedientiā uero uoluntas propria mactat. Tanto igitur quisq; deum citius placat, quanto ante eius oculos repressa arbitrii sui superbia, gladio præcepti se immolat. Quo cōtra ariolandi peccatū inobediētia dicit, ut quanta sit uirtus obedientiæ demonstretur. Ex aduerso ergo melius ostendit, quid de eius laude sentiat. Si enim quasi ariolandi peccatū est repugnare, & quasi scelus idololatriæ nolle adquiescere, sola est quæ fidei meritū possidet, sine qua quisq; infidelis cōuincit, etiāsi fidelis esse uideatur. Hinc per Salomonē in ostensione obedientiæ dicit: Vir obediēs loquitur uictorias. Vir obediēs uictorias loquit: quia dum alienæ uoci humiliter subdimur, nos metipsos in corde superamus. Hinc in Euangelio ueritas dicit. Eum qui uenit ad me non eiciam foras, quia de cœlo descendi, nō ut faciā uoluntatē meā, sed uoluntatē eius qui misit me. Quid enim si suā faceret, eos qui ad eum ueniūt repulisset? Quis autē nesciat quod uoluntas filiī à patris uoluntate non discrepet? Sed quoniā primus homo qui suā facere uoluntatem uoluit, à paradisi gaudio exiuit, secundus ad redemptionē hominū ueniens, dum uoluntatē se patris & non suam facere ostendit, permanere nos intus docuit: quum igitur non suā sed patris uoluntatē facit, eos qui ad se ueniunt, foras non eicit: quia dum exēplo suo nos obedientiæ subdit, uiam nobis egressionis claudit. Conuersus est autē Samuel ut abiret. Saul autē apprehendit summitatē pallij eius, quæ & scissa est. Et ait ad eum Samuel. Scidit dominus regnū Israel hodie à te, & tradidit illud proximo tuo meliori te. Compellimur iuxta LXX interpretū translationem hanc ponere sententiā, quia multo amplius habetur illic. Ita enim illic scriptū est. Non reuertar tecum, quia spreuisti uerbū domini, & spernet te dominus, ne sis rex super Israel. Et cōuertit Samuel faciē suā, ut abiret, & tenuit Saul pinnam diploidis eius, & dirupit eam. Et dixit ad eum Samuel. Dirumpet dominus regnū Israel de manu tua hodie, & dabit proximo tuo bono super te, & diuidetur Israel in duo, & non conuertetur, neque pœnitebit eum, quoniam non est sicut homo, ut pœniteat eum: ipse minatur & non permanet. Ille cui dicitur, spernet te dominus, ne sis rex super Israel, & dirumpet dominus regnū ab Israel de manu tua hodie, XL annos regnauit super Israel, tanto scilicet spacio temporis, quāto & ipse Dauid, & audiuit hoc primo tempore regni sui, ut intelligamus ideo dictum, quia nullus de stirpe

eius fuerat regnaturus, & respiciamus ad stirpē Dauid, unde exortus est secundum carnē, mediator dei & hominū, homo Christus Iesus. Non autē habet scriptura, quod in plerisq; latinis codicibus legitur, Disrumpet dominus regnū israel de manu tua, sicut à nobis positū est, & inuentū in Græcis. Disrumpet dominus regnū ab Israel de manu tua, ut hoc intelligatur de manu, quod est ab Israel. Populi ergo Israel personā figurate gerebat homo iste. Qui populus regnū fuerat amissurus, Christo Iesu domino nostro per nouū testamentum non carnaliter, sed spiritualiter regnāturo. De quo cum dicitur, & dabit illud proximo tuo, ad carnis cognationē refertur: ex Israel enim Christus secundū carnē, unde & Saul. Quod uero additum est, bono super te, potest quidem intelligi meliori te, ut quia ille bonus est, ideo sit super te, iuxta illud propheticum, Donec ponā inimicos tuos sub pedibus tuis, in quibus est Israel, cui suo persecutori regnū abstulit Christus, quāuis fuerit illic & Israel, in quo dolus non erat, quoddā quasi frumentū illarum palearum. Nam utiq; inde erant Apostoli, inde tot martyres, quorum prior Stephanus, inde tot ecclesiæ, quas Apostolus Paulus cōmemorat, in conuersione eius magnificātes deū. De qua re nō dubito intelligendū esse quod sequitur, & Israel diuidetur in duo, in Israel scilicet inimicum Christo, in Israel ad ancillā, & Israel ad liberā pertinentē. Nam ista duo genera primum simul erāt, uelut Abrahā adhuc adhæreret ancillæ, donec sterilis per Christi gratiā fœcundata clamaret, Eice ancillā & filiū eius. Propter peccatū Salomonis regnāte filio eius Roboam, scimus Israel in duo diuisum esse, atq; ita perseverasse, habentibus singulis partibus reges suos, donec illa gens tota à Chaldeis esset ingenti uastatiōe subuersa, atq; translata. Sed quid hoc ad Saulē? Si tale aliquid cōminandum esset, ipsi Dauid fuerat potius comminandum, cuius erat filius Salomon. Postremo nunc inter se gens hebræa diuisa nō est, sed indifferenter in eiusdē erroris societate dispersa per terras. Diuisio uero illa quā deus sub persona Saulis, illius populi & regni figurā gerentis, eidē regno & populo cōminatus est, æterna atq; immutabilis significata est, per hoc quod adiunctum est, & nō cōuertetur, neq; pœnitebit eum, quoniā nō est sicut homo, ut pœniteat eū: ipse minatur & nō permanet, id est, homo minatur & nō permanet. Non autē sic deus, quē nō pœnitet sicut hominē. Vbi enim legitur, quod pœniteat eum, mutatio rerū significatur, immutabiliter manēte præscientia diuina: ubi uero nō pœnitere dicitur, nō mutare intelligitur. Prorsus insolubilē uidemus per hæc uerba prolata diuinitus fuisse sententiam de ista diuisione populi Israel, & omnino perpetuā. Quicumq; enim ad Christū transierunt, uel transeunt, uel transibunt, inde nō erāt, nisi secundū dei præscientiā, nō secundū humani generis unā eandēq; naturā. Prorsus quicumq; ex Israelitis adhærentes Christo, perseverāt in illo, nuncq; erunt cum Israelitis, qui eius inimici usq; in finem uitæ huius esse persistunt, sed in diuisione quæ hic prænuntiata est, perpetuo permanebunt. Nihil enim prodest testamentū uetus de monte Sina in seruitutē generans, nisi quia testimonium perhibet testamento nouo. Alioquin quādiu legitur Moyse uelamen supra

corda eorum positum est, cum quisque transierit ad Christum, aufertur uelamen. Transeuntium quippe intentio ipsa mutatur de uetere ad nouum, ut non quisque intendat accipere carnalem, sed spiritualē felicitatem. Sumpsit ergo Samuel gladium, & in frustra concidit Agag. Quod faciendo Samuel usque adeo non peccauit, ut nō faciendo peccaret. Dominus enim iusserat interfici Amalechitas, qui utique nouit non solum secundum facta, uerum etiā secundum cor hominis, quid unusquisque uel per quē perpeti debeat. Dignus ergo erat Saul cui talia iniungerentur, atque Amalechitæ, ut talia paterentur, qui diuino nomini honorē non dederunt, sed populū dei qui sicco uestigio mare transferunt, interimere uoluerūt. Igitur recedēte à Saul domino propter inobedientiā, arreptus est maligno spiritu à domino, irruebatque spiritus domini in eo (malignus). Iam uero illud quod etiā malus appellatus est spūs domini, sic intelligitur, quomodo dictum est, domini est terra, tanquā creatura, & in eius posita potestate. Aut si propterea non congruit hoc locutionis exemplum, quia terra non est mala, omnis enim creatura dei bona est, illud congruat quod ipse Saul iam reprobus & sceleratus, atque iratus sancto Dauid, persecutor etiam eius, cum sēuissimæ inuidiæ facibus agigaretur, tamen adhuc christus domini dicebatur: sic eum appellauit ipse Dauid, cum uindicauit extinctum. Sed magis arbitror malignum spiritum, à quo uexabatur Saul, & ideo dictum domini, quod occulto iudicio domini Saulem uexabat. Utitur enim deus ministris, etiam spiritibus malis ad uindictam malorum, uel ad bonorum probationem, alio modo ad illam rem, alio ad istam. Quamuis enim inde quisque sit malignus spiritus, quia uoluntate nocere appetit, tamen nocendi potestatem non accipit, nisi ab illo sub quo sunt omnia, certis & iustis meritorum gradibus ordinata: quia sicut non est mala uoluntas à deo, sic non est potestas nisi à deo. Quamuis enim sit in cuiusque potestate quid uelit, non est tamen in cuiusque quid possit, uel facere cuiquam, uel à quoquam pati. Nam & ipse filius unicus dei passurus ad tempus, humiliter superbe loquenti homini & dicenti, quod potestatem haberet occidendi eum & dimittendi, non haberes, inquit, in me potestatem, nisi tibi data esset desuper. Diabolus etiam uolens nocere iusto uiro Iob, nocendi quidem uoluntate diabolus erat, sed tamen à domino deo potestatem petebat dicens, Mitte manum tuam & tange carnem eius, quamuis & ipse hoc si permetteretur, esset facturus. Ipsam enim permissionem petebat hoc modo, & manum domini appellabat permissam à domino manum suam, id est, ipsam potestatem, quam uolebat accipere. Cui congruit illud in Euangelio, quod dominus discipulis ait. Hac nocte postulauit sathanas uexare uos sicut triticum. Dictus est ergo spiritus dei malus, hoc est minister dei ad faciendū in Saul, quod eum iudex omnipotētissimus pati iudicabat, quoniā spiritus ille uoluntate qua malus erat, non erat dei, creatura uero qua conditus erat, dei erat, potestas autem quam non sua, sed domini omniū æquitate acceperat, dei erat. Verba etiā ipsa scripturarū ita se habēt. Et perrexit Samuel

De Demonio
Sauli. XVI

muel, & abiit in Ramatha, & spiritus domini recessit à Saul, & cōprehendit eum spiritus malignus à domino, & suffocabat eum. Et dixerunt pueri Saul ad eum. Ecce spiritus domini malus suffocat te. Hoc igitur à pueris eius quomodo sit dictū spūs domini malignus, superiora uerba indicant narrantis scripturæ & dicētis, spiritus malignus à domino. secundū hoc enim domini, quod à domino: quia per se ipsum necare uelle habebat, idest cōprehendere Saul: posse autē nō habebat, nisi summa iusticia sineretur. Si enim iuste uindicat deus, quēadmodū ipse dicit Apostolus, cum tradit homines ad concupiscentias cordis eorū, nō mirū si nihilominus iuste uindicans tradit eos etiā in cōcupiscentias aliorū nocere uolētium, sua semper incōmutabili æquitatē seruata. Animaduertendū sanē cū additamēto dici, spūs domini malus. Cū autē tantūmodo dicitur, spiritus domini, etiā si nō addatur bonus, ex hoc intelligit̃ bonus: unde apparet, bonū spūm secundum substantiā, malum autē secundum ministeriū dici spiritū dei: quanq̃ quāri adhuc possit, utrum cum spiritus dei dicitur, & ex ipso iā & si nihil addat̃, intelligit̃ bonus ille qui est in trinitate cōsubstantialis patri & filio, spiritus sanctus: de quo dicitur, ubi autē spiritus domini, ibi libertas: & iterum, nobis autē reuelauit deus per spiritum suū: & illud, sic & qui dei sunt, nemo scit nisi spiritus dei: & multis hoc modis dicitur spūs dei, & intelligit̃ spūs sanctus, etiā si nō addat̃, quoniā ea quæ circumstant satis indicāt de quo dicatur, ita ut aliquādo nec dei addat̃, & tamē intelligatur ille spiritus dei principaliter sanctus. Nam quem alium cōmemorat ubi dicit, ipse spiritus dat testimoniū spiritui nostro, quia sumus filij dei, & ipse spūs adiuuat infirmitatē nostrā, & omnia hæc operatur unus atq; idē spiritus, diuidēs singulis prout uult. Et diuisiones donationū idem autem spiritus. In his enim omnibus sententijs, nec dei nec sanctus est additum, & tamē ipse intelligit̃. Sed nescio utrū manifesto aliquo exemplo probari possit, alicubi dictū spiritū dei sine additamēto, ubi spiritus ille sanctus nō significet̃: sed aliquis quāuis bonus, creatus tamē & cōditus. Quæ enim proferuntur dubia, indigent clariore documēto, sicut illud quod scriptū est, Spiritus dei ferebatur super aquā. Nā & ibi spiritū sanctum accipere quid impediāt nō inuenio. Quum enim aquarū nomine illa materies insinuaret̃ informis, quæ de nihilo facta est, unde omnia fierēt, quid prohibet intelligere spiritū sanctū cōditoris, qui superferebatur huic materiei nō locorum gradibus interuallisq; spaciōrū, quod nequaquā de ulla re incorporea recte dicitur, sed excellentia & eminētia dominātis supra omnia uoluntatis, ut omnia cōderentur: præsertim cum ea locutio, sicut illarum scripturarū mos est, etiā propheticum quoddā sonet mysterium, quo futuri baptismatis ex aqua & spū sancto populi præfigurarētur. Non ergo cogit quod dictū est, & spiritus dei ferebatur super aquā, illum intelligere spiritū, sicut nōnulli intelligūt, quo mundi moles uniuersa ista corporea uelut animatur ad ministeriū quorūq; gignentīū, & in sua specie cōtineandarū corporaliū creaturarū. Creatura est enim quicquid est tale. Illud etiā qd' scriptū est, quoniā spūs dñi repleuit orbē terrarum

terrarum, non desunt qui eundē spiritum uelint accipere, inuisibilem scilicet creaturam, cuncta uisibilia uniuersali quadā aspiratione uegetantē atq; continentē. Sed neq; hic uideo quid impediat spiritū sanctum intelligere, cum ipse deus dicat apud prophetā, Caelū & terram ego impleo. Nō enim sine suo spiritu sancto implet deus cōlū & terrā. Quid ergo mirū si de spiritu sancto eius dictū est, repleuit orbē terrarū. Aliter etiā replet sanctificando, sicut de Stephano dicitur, repletus est spū sancto, & de cæteris talibus: aliter replet sanctificante gratia, sicut quosdā sanctos: aliter astante atq; ordināte præsencia, sicut omnia. Quā ob rem nescio utrū certo aliquo documēto scripturarū possit ostendi, cum sine ullo additamēto dicitur spiritus dei, uel spiritus domini, aliquid aliud significari q̄ spiritū sanctum. Sed & si est forte quod in præsentiariū nō occurrat, illud certe arbitror nō temere dici, quoties in sanctis eloquijs cōmemoratur spiritus dei, nec additur aliquid, siue ille patri & filio cōsubstantialis spiritus sanctus, siue aliqua creatura inuisibilis intelligatur, malum autē nō posse intelligi nisi addatur etiā malus. malo enim quia bene utitur deus ad ministerium iudiciū sui, appellatur etiā ipse spiritus dei ad uindictā malorū, & disciplinam uel probationē bonorum. Nec illud iam mouere nos debet, quod postea scriptū est eundē Saulem spiritu dei super se facto prophetasse, quomodo post bonū spiritū spiritus malus, & rursum post malū bonus. Hoc enim fit nō mutabilitate spiritus sancti, qui est incommutabilis cum patre & filio: sed mutabilitate animi humani, deo cuncta distribuyente, siue malis pro merito damnationis uel emendationis, siue bonis pro largitate gratiæ suæ: quanq̄ uideri possit etiā idem fuisse dei spiritus semper in Saul, malus autē illi quod eius substantiæ capax nō esset, sed nō recte hoc uidetur. Tutior est enim ille sensus & uerior, ut pro mutabilitate affectionis humanæ, spiritus dei bonus bene afficiat, uel ad prophetiam, uel ad opus quodlibet in munere diuino: afficiat autē malus qui propter mysteriū diuinæ æquitatis omnia distribuentis, & omnia recte utentis, dicitur & ipse spiritus dei: præsertim quia dictū est, recessit ab eo spiritus dei, & cōprehendit eum spiritus malignus à domino. Nullo pacto enim potest idem uideri recessisse & adprehendisse. Porro in nōnullis exemplaribus, & eis maxime quæ de lingua hebræa ad uerbū uidetur expressa, inuenitur spiritus dei sine additamēto positus, & intelligit̃ malus ex eo quod arripiebat Saul, & reficiebat eum Dauid tangendo citharā. Manifestū est tamē ideo nō additū malus, quia paulo superius iam dictū erat, & de uicinitate scripturæ subaudiri & intelligi poterat. Ita enim in eiusmodi exemplaribus legitur. Igitur quanq̄ spiritus dei arripiebat Saul, tollebat Dauid citharā, & percutiebat manu sua, & refocillabatur Saul, & leuius habebat. Recedebat enim ab eo spūs malus. Siue ergo quod dictū hic non est, spūs dei, sed tantūmodo spūs malus, quod ibi minus dictū erat, tanq̄ redditū apparet: siue quia superius ita positū erat, Et dixerūt serui Saul ad eū, Ecce spūs dei malus exagitat te, iubeat dominus noster, ut serui tui qui corā te sunt, quærant hominē scientē psallere &

De unctione
David. XVII

psallere cithara, ut quando te arripuerit spiritus dei malus, psallat manu sua, & leuius feras. Nō opus erat cū rursus diceret, quādocūq; spūs dei arripiebat Saul, addere malū, quia notū erat de quo tūc diceretur. Itaq; Saul propter inobediētiā reprobato, mittit dominus Samuel ad Isai, & sumpto cornu olei, unxit in regē David. Sed uideamus David quomodo Christum prophetice signauerit. David enim interpretatur manu fortis, siue desiderabilis. Et quid fortius leone illo de tribu Iuda, qui uicit mundū, & quid desiderabilius illo, de quo dicitur, Veniet desideratus cunctis gētibus. Vngitur iste David in regē futurū, denunciāns per unctionē illā Christū. Christus enim à chrismate appellat. David ab officio pastoralis ad hominū regimē trāsfertur, noster autem David ipse Iesus ab ouibus Iudaicæ plebis ablati, in regno gentium trāslatus est. A Iudea enim plebe modo Christus ablati, unde nūc gentiū greges pascit. Erat autē David in canticis musicus eruditus, Diuersorū enim sonorū rationalis moderatusq; cōcentus, cōcordi uarietate cōpactā ordinatæ ecclesiæ insinuat unitatē, quæ uarijs modis quotidie resonat, & suauitate mystica modulatur. Iste adhuc puer in cithara suauit imō fortiter canēs, malignū spiritū qui opabatur in Saule cōpescuit, nō quod citharæ illius tāta uirtus erat, sed figura crucis Christi, quæ de ligno & extēsiōne neruorū, mystice gerebat, ipsaq; passio cantabatur, in hoc tribuens moraliter exemplū, ut fastū diuitū sermone humili ad aliquod bonū, puocemus. Plerūq; enim supbus diues exhortationis blandimēto placādius est, quia & plerūq; dura uulnera per lenia fomenta mollescūt, & furor insanorū sæpe ad salutē medico blandiēte reducit. Cumq; eis in dulcedine cōdescendit, languor insanie mitigatur. Neq; enim negligēter intuendū est, quod cū Saulem spūs aduersus inuaderet, aprehensa David cithara eius uesaniā mitigabat. Quid enim per Saulē nisi elatio potentiū, & quid p David innuitur nisi humilis uita sanctorū. Cū ergo Saul ab immūdo spū arripit, David canente eius uesania tēperatur, quia cū sensus potentiū per elationē in furorem uertit, dignū est ut ad salutē mētis quasi dulcedine citharæ, locutiōis nostræ trāquillitate reuocet. Post hęc David in prēlio gigantē superauit, cū aduersus populū dei alienigenæ dimicarēt. Prouocauit diabolus Christū, accepit arma bellica sanctus David, ut aduersus Goliā pcederet. Hic arma per ætatē & paruā staturā corporis portare nō ualuit, abiecit onerātia, accepit quinque lapides de flumine, & posuit in uase pastoralis. His armatus pcessit & uicit. Hoc quidē ille David. Sed si mysteria pscrutemur, in David Christus intelligit, qui tēpore reuelationis noui testamēti, insinuādæ & cōmodandæ gratiæ prauidēs arma deposuit, quinque lapides tulit. Deposuit ergo corporalīa sacramēta legis, quæ nō sunt imposita gentibus. Deposuit quæ nō obseruamus, quia ueterē legē legimus, & nō obseruamus, sed tamē ad aliquā significationē pmissa & posita intelligimus. Deniq; hæc arma deposuit tanq; onera sacramentorū ueteris legis, & ipsam legē accepit. Quinque enim lapides, quinque libros Moyse significant. Tulit ergo illos quinque lapides de flumine, id est,

De certamine
David & Goliā.
XVIII

id est, de seculo. Labitur enim mortale seculū, & præterfluit quicquid uenit in mundū. Erant enim in flumine tanq̃ in populo illo primo lapides, erant illic inutiles & uacabāt. Nihil proderant, transiebant sicut fluuius. Sed quid fecit Dauid, ut lex ipsa utilis esset? Accepit gratiā. Lex enim sine gratia impleri non potest. Plenitudo enim legis charitas. Quia ergo gratia facit impleri legē, significatur gratia lacte. Hoc enim est in carne gratuitū, ubi mater nō querit accipere, sed satagit dare. Hoc mater gratis dat, & contristatur si desit qui accipiat. Quomodo ergo ostendit Dauid legē sine gratia operari nō posse, nisi cum illos lapides quinq̃, quibus significabatur lex in libris quinq̃, quos coniungere uoluit gratiæ, posuit in uase pastoralī, quo lac mulgere cōsueuerat? His armatus processit aduersus Goliā superbū, se iactantē, de se præsumentē, tulit unū lapidē, & deiecit Diabolū: in frontē percussit, & cecidit ex eo loco corporis, ubi signū Christi nō habuit. Hoc quoq̃ licet adtendas. Quinq̃ lapides deposuit, unū misit. Quinq̃ libri legis sunt, sed unitas uicit. Plenitudo enim legis charitas, ut ait Apostolus, Sufferentes inuicē in dilectione, studentes seruire unitatem spiritus in uinculo pacis. Deinde illo percusso atq̃ deiecto, gladiū eius abstulit, & deinde illi caput abscidit. Et hoc facit noster Dauid. Deiecit diabolū de suis, qui credunt magis ei, quos ille in manu habebat, & de quibus certas animas trucidabat. Cōuertunt linguas suas cōtra diabolū, & sic Goliæ de gladio suo caput inciditur. Cōuenit etiā & hoc illi uiro, qui recta fide plenus, quæ sanctis solet ad iusticiā deputari, cum ea ipsa scripturæ sacre quam hæreticus affert, testimonia colligit, & erroris eius pertinaciam inde cōuincit. Contra nos nanq̃ dum sacre legis testimonia apportant, secūm nobis afferunt unde uincantur. Vnde & Dauid typū domini, qui uidelicet manu fortis interpretatur, Goliæ uero hæreticorū superbiā signans, hoc rebus locuti sunt, quod nos uerbis aperimus. Goliæ quippe cum gladio, Dauid uero cū uirga pastoralī uenit ad præliū, sed eundē Goliā Dauid superans, suo occidit gladio. Quod nos quoque agimus, qui præmissi Dauid mēbra, ex eius fieri dignatiōe meruimus. Nā cum superbiētes hæreticos, & sacre scripturæ sentētiās deferentes, eisdem uerbis atq̃ sentētijs quas proferūt uincimus, quasi elatū Goliā suo gladio detruccamus. Interea uictoria Dauid animū Saul regis offendit, indignans quod Saul in mille, & Dauid in decē milibus, cōclamantiū publicæ gratulationis ora insonarēt. Hinc inuidia Saulis & semen odiorū aduersus Dauid, quē dissimulātor callidus, ut sine insidijs suis posset offerre discrimini, statuit eū Michol filiæ suæ nuptijs alligari, si centū sibi allophylorū præputia uictor offerret, pro quibus centum ducenta dedit. Et unde creditus est regio perire uoto, inde auctus est gloriosiori tropheo. Ita & Iudæi dum cōtra uoluntatē dei Christum occidere nituntur, per id salutem gentium egerunt, per quod crediderunt extinguere. Quod uero Dauid prius alienigenarum præputia attulit, & sic denuo filiæ Saul nuptus hæsit, significabat quod Christus nō prius synagogā cōtribio suo sponderet, nisi ante gloriosus in gentibus fieret. Prius enim in nationibus resecauit carnis pollutionē, & postea copulatus est synagoge. Postquam enim

De eo quod
Saul pro C.
præputijs Phil
listeorū Da
uid generum
asciscit. XIX

enim sicut scriptū est, introierit plenitudo gentiū, tunc omnis Israel saluus fiet. Dupla autē, id est, c c præputia attulit, siue p Iudæis & gētibz acquisitis, siue quia maior est numerus adquisitiōis populi gentiū, q̄p credentiū Iudæorū. Ausit deinde odiū Saul aduersus Dauid in tātū ut rex ad medelā sui spiritus Dauid de more psallentē, iaculo conaret cōfigere. Sed quid est qd̄ dum Saulē spiritus aduersus inuaderet, apprehensa Dauid cithara, eius uesaniā mitigabat? Per Saulē enim Iudæorū elatio, per Dauid autē humilitas Christi significatur. Quū ergo Saul ab immundo spiritu arripitur, Dauid canēte, eius uesania temperatur: quia quum sensus Iudæorū per blasphemiam in furorem uertitur, dignū est ut ad salutē mētes eorū quasi dulcedine citharæ locutionis euangelicæ tranquillitate reuocentur. Mittit Saul custodes ad domū Dauid, ut custodirēt eū, & interficeretur. Abcessit autē Dauid nocte & fugit, atq; saluatus est. Quūq; uenissent nunciū Saul, inuenerūt statuā in lecto Dauid positā, & pellē pilosam caprarū ad caput eius. Audiamus ergo quid hoc significet, quod miserit Saul ad custodiendā domū Dauid, ut eum interficeret. Hoc nō ad crucē domini, sed tamē ad passionē eius pertinet. Cruci fixus enim Christus & mortuus & sepultus est. Erat ergo illa sepultura tanq̄p domus, ad quā tanq̄p ad custodiendū misit regnū Iudæorū, quādo custodes adhibiti sunt sepulchro Christi. Quomodo ergo custodita est domus, si Dauid figurabat Christū, ut Christus interficeret, dum nō in sepultura Christus, sed in cruce sit interfectus? Refertur ergo ad corpus Christi, quia interficere Christū, erat tollere nomē Christi. Neq; enim crederetur in Christū, si mendaciū præualeret custodū, qui corrupti sunt ut dicerēt, quia dormiētibus nobis uenerūt discipuli eius, & abstulerūt eū. Hoc est itaq; uelle Christū interficere, nomē resurrectionis eius extinguere, ut mēdaciū euangelio pferret. Sed sicut illud nō ualuit Saul, ut interficeret Dauid, sic nec hoc potuit regnū Iudæorū efficere, ut memoriā Christi deleret. Isti autē qui de Saul uirtute, id est, de regno Iudæorū in Christū præsumere uoluerūt, offenderunt lapidē offensionis tanquā in statuam, & hedus uisus eis erat agnus, quia in quo peccatū nō inuenerūt, quasi peccatorem persecuti sunt.

De fuga Dauid. XX

De fuga Dauid ad Samuel. XXI

Igit̄ Dauid regiæ manus ictum euitās, eiusq; persecutionē declinans fugit, uenitq; ad Samuelē, & misit Saul nuntios qui adprehenderēt Dauid. Samuel autē erat inter prophetas, & cœtus prophetarū, qui illo tēpore pphetabāt. Nuntij autē qui missi sunt accepto eiusdē spū prophetauerunt, missisq; alijs hoc contigit, & tertijs nihilominus. Postea uero cum & ipse Saul uenisset, factus est super eum spiritus domini, & ambulabat ingrediēs & prophetabat. Nō enim potest hic nisi spūs bonus intelligi, per quē sancti prophætæ futurarum rerū imagines & uisa cernebāt, nō ex eo tantū quia dictū est, & prophetabat. Nam in exemplaribus quæ sunt ex Hebræo hoc quoq; inuenitur de spiritu malo dictum ita. Post diem autē alterū inuasit spiritus dei malus Saul, & pphetabat in medio domus suæ. Et in alijs scripturarum locis sepe inuenit̄, quod prophetia nō tantū bona, sed & mala dicit̄, & prophetæ dicti sunt Baalim, & exprobratum est quibusdā qui prophetabant in Baal. Nō ergo prop-
terea

terea necesse est intelligi bonus spiritus qui factus est postea super Saul, quia dictum est, & ambulabat ingrediens & prophetabat: sed quia sine additamento positum est, & factus est dei spiritus super eum. Non enim sicut in illo loco dictum erat supra dei spiritus malus, ut ex hoc posset & in consequentibus subaudiri, quinimo superiora magis magisque attestantur, illum spiritum dei bonum fuisse & uere propheticum. Dauid enim erat cum Samuele, & misit Saul nuntios qui apprehenderet Dauid. Quomodo autem Samuel erat inter prophetas & coetus prophetarum, qui illo tempore prophetabant, & nuntii qui missi sunt, accepto ab eodem spiritu prophetauerunt, missisque alijs hoc contigit, & tertijs nihilominus? Postea quum & ipse Saul uenisset, factus est & super eum spiritus dei, & ambulabat ingrediens & prophetabat. Quum enim dicitur, factus est & super ipsos spiritus domini, & prophetabant & ipsi, idem utique spiritus erat, qui erat in prophetis. Inter quos & Samuel inuentus est, & ex hoc utique necesse est intelligi illum spiritum bonum: atque ideo quaestio diligenter discutienda est, quomodo & illi cum missi essent ad tenendum hominem, & ad necem ducendum, tali spiritu affici meruerunt: & Saul ipse qui miserat ueniens & ipse, & sanguinem innocentem querens effundere, accipere meruit spiritum illum, & prophetare. Hic nimirum illud occurrit, quod apostolus Paulus exponit, supereminentem uiam demonstrans. Si linguis hominum inquit loquar & angelorum, charitatem autem non habeam, factus sum uelut amentum sonans, aut cymbalum tinniens. Et si habuero prophetiam, & sciero omnia sacramenta, & omnem scientiam, & si habuero omnem fidem, ita ut montes transferam, charitatem autem non habeam, nihil sum: & si distribuero omnem substantiam meam, & si tradidero corpus meum ut ardeam, charitatem autem non habeam, nihil mihi prodest. Quo in loco manifestum est, eum munera illa commemorasse, quae sancti spiritus diuisionibus dantur, sicut superius dicit. Vnicuique autem datur manifestatio spiritus, ad utilitatem. Alij autem datur per spiritum sermo scientiae, alij sermo sapientiae, secundum eundem spiritum, alteri autem fides in eodem spiritu, alij donatio curationum in uno spiritu, alij operatio uirtutum, alij prophetia, alij diiudicatio spirituum, alij genera linguarum. Omnia autem haec operatur unus atque idem spiritus, diuidens propria unicuique prout uult. Satis igitur apparet inter dona spiritus sancti esse prophetiam, quam tamen si quis habeat & charitatem non habeat nihil est. Ex quo intelligitur, fieri posse, ut quidam etiam indigni uita aeterna regnoque coelorum aspergantur quibusdam spiritus sancti muneribus, non habentes charitatem, sine qua illa munera nonnihil sunt, sed illis nihil prosunt. Prophetia quippe sine charitate, sicut iam demonstratum est, non perducit ad regnum dei. Caritas uero sine prophetia utique perducit. Quum enim loquens de membris Christi ait, Numquid omnes apostoli, numquid omnes prophetae, indubitater ostendit, etiam eum qui prophetiam non habet, posse in membris Christi numerari, ubi quae locum haberet sine charitate, sine qua homo nihil est, si non habet? Nullo modo autem ita diceret, quando de membris agebat, quibus corpus Christi impletur, numquid omnes habent charitatem

charitatē, quēadmodū dicit, nunquid omnes apostoli, nunquid omnes prophetae, nunquid omnes uirtutes, nūquid omnes dona habēt curationū. Et cetera huiusmodi. Sed dicit aliquis posse quidē fieri, ut prophetiā quisq; nō habeat. Nihil est homo habens prophetiā, sine charitate. Ita fortasse quem admodū possumus dicere, nihil esse hominē habentē animā sine mente: nō quia potest inueniri homo: qui mentē nō habeat, habens animā, sed quia nihil esset si inueniri posset: sic etiā dici potest corp⁹, si figurā habeat, colorē nō habeat, uideri nō potest, nō quia est corpus, cui desit color, sed quia si deesset, cerni nō posset. Ita fortasse dictū est, quod si quisq; habeat prophetiā, & charitatē nō habeat, nihil est: nō quia potest in quoquā esse prophetia sine caritate, sed quia si esset, prodesse non potest. Opus igitur est ad soluēdum istam quæstionem, ut ostendamus aliquem reprobū hoc donum habuisse prophetiæ. Quod si neminem inueniremus, hoc iste ipse Saul satis ostenderet. Sed tamen & ille Balaam reprobū apparet. Nō enim eum tacet scriptura diuino iudicio esse damnatum, & tamen prophetiam habebat, quia ei charitas deerat, inerat uoluntas maledicendi populo Israelitico, quam hostis precio comparauerat, qui eum ad maledicendum mercede conduxerat. Dono tamē ille prophetizandi, quo aspergebatur, benedicebat inuitus. nec illa uerba parum adtestantur huic sententiæ, quæ in Euangelio scripta sunt, multos dicturos in illa die, Domine domine, in nomine tuo mādūcauimus & bibimus: & in nomine tuo prophetauimus: in nomine tuo multas uirtutes fecimus. Quibus tamen dicturus est, Non noui uos, recedite à me operarii iniquitatis. Non enim eos mentientes putabimus ista dicturos in illo iudicio, ubi nullus erit fallēdi locus: aut ullam uocem talium legimus, dicens, dileximus te. Poterunt ergo dicere, in nomine tuo prophetauimus, cū sint improbi & reprobi, non autem poterunt dicere, dilectionem quā mandasti tenuimus. Nam si dicunt, tūc eis respondebitur, non noui uos. In hoc enim cognoscitur, inquit, quia discipuli mei estis, si uos inuicem diligatis. Exemplum itaq; huius Saul resistit superbis nōnullis hæreticis, qui uel aliquid boni de muneribus sancti spiritus negant posse dari eis, qui ad sortem sanctorum non pertinent, quum eis dicimus habere posse illos baptismi sacramentum, quod cum ad ecclesiam catholicam ueniunt, non est in eis ullo modo uiolandum, aut quasi non habeant tradendum. Sed tamen eos nō ideo saluti debere confidere, quia non improbamus quod illos accepisse concedimus, sed oportere cognoscere unitatis societate uinculo charitatis inēudam, sine qua omnino quicquid habere potuerunt, quamuis per se sanctum atq; uenerandū, ipsi tamen nihil sunt, tātō indigniores effecti premio uitæ æternæ, quanto illis donis non bene usi sunt, quæ in hac uita quæ transitura est acceperunt. Non autem bene utitur nisi charitas, & charitas omnia tolerat, atq; ideo non scindit unitatem, cuius ipsa est fortissimum uinculum. Nō enim & seruus ille non accepit talentum, aut aliquid aliud intelligit talentū, quā

quàm munus utiq; aliquod diuinum. Sed qui habet dabitur ei, qui autem non habet, & quod habet auferetur ab eo. Quod non habet auferri non potest, sed aliud non habet, ut merito auferatur quod habet. Non habet charitatem utendi, ut auferatur quicquid aliud habet, quod sine charitate non prodest. Non igitur mirum regem Saul & eo tempore quo primum unctus est, accepisse spiritum prophetandi, & postea quum esset propter inobedientiam reprobatus, recedente ab eo spiritu dei, arreptum esse maligno spiritu à domino; qui etiam ipse spiritus domini appellatus est propter ministeriū, quia omnibus, & spiritibus malis bene utitur dominus, uel ad damnationē quorundam, uel ad probationem: & quamuis non sit malignitas à deo, non est tamen potestas nisi à deo. Dictum est etiam sopor domini, qui occupauerat eiusdem Saul milites, cum Dauid hastam & cyphum abstulisset, à capite dormientis: non quia tunc sopor in domino erat, ut ipse dormiret, sed quia ille sopor qui tunc homines adprehenderat, nutu dei erat infusus, ne Dauid & serui eius in eo loco præsencia sentiretur. Neq; illud mirū est, rursum eundem Saul accepisse spiritum prophetiæ cum persequeretur iustum, & eum comprehensurus & necaturus uenisset in locum ubi erat congregatio prophetarum. Sic enim satis demonstratum est, neminem de tali munere securum esse debere, tanquam sit acceptissimus deo, si non habeat charitatem: quandoquidem illud donum, & Sauli dari potuit, propter archanū quidem alicuius sacramenti, sed tamen dari potuit reprobato & inuido & ingrato & reddenti mala pro bonis, & ne post ipsam quidem acceptionem spiritus correcto in melius & mutato. Iuit autem Ionathas ad Dauid, quem in persecutionibus patris sui non iustis dolebat fatigari. Si uixerō, facies mihi misericordiam domini: si autem mortuus fuero, non auferes misericordiā tuā à domo mea usq; in sempiternum, quando eradicauerit dominus inimicos Dauid unum quēq; de terra. Cum adiūgeret scriptura, pepigit ergo fœdus Ionathas cum domo Dauid, continuo subintulit dicens, Et requisit dominus de manu inimicorum Dauid. Per anticipationem utiq; fecit, prius historiæ interserendo, quod multo post tempore factum est, cum interfecto Saule, regnum ad domum Dauid translatum est, & qui innocentem eum iniuste persequēbātur, iuste sunt diuinitus ultione mulctati. Tunc enim requisit dominus de manu inimicorum Dauid, quare uirum sanctū affligerint: tunc cogebantur rationem reddere odiorum, quibus cōtra illum tanto tempore sauiuerant. Quod & de Absalon, & de Seba filio Bochri, & de cæteris hostibus Dauid æque potest intelligi. Aliter. Si scire uis quid de manu inimicorum Dauid requisierit Dominus, potes ni fallor à superiore sententia, qua dictum est, quod fœdus pepigerit Ionathas: requisit enim, quare non & ipsi fœdus cum eo pacis inire uoluerint, cum quo esse dominum uiderunt. Idcirco autem scriptura hic sententiam hanc præoccupando interponere uidetur, ut testimonium Ionathæ quo dixerat, quando eradicauerit do-

De fœdere
Dauid & Ionathæ. XXII

De aduentu
David ad Abi
melech.
XXIII

minus inimicos David unumquemque de terra: non ipso David se de aduersarijs ulciscente, sed iudicante domino pro illo. Bene autem subiungitur, Et addidit Ionathas iurare David, eo quod diligeret illum, Sicut animam enim suam ita diligebat eum: ut ille nimirum qui tam perfecto iuxta legem dei amore complectebatur David, à perditione inimicorum eius uideretur immunis, qui & si sit ita morte præreptus, ut regnum cum eo, ut sperabat, habere nequiuisset commune, absque ulla tamen contradictione regni celestis consortium cum eo, quem pro gloria uirtutum tantopere dilexit, cum esset & ipse uir uirtutum, accepit. Surrexit itaque David iterum, ut fugeret in die illa à facie

Saul, uenitque ad sacerdotem Abimelech, à quo & gladium Goliath sustulit, & panes propositionis accepit. Ex qua re & sacerdoti mortem intulit, & animaduersionem religiosæ ciuitatis. Hæc itaque gestorum fides est. Sed quantum ad sacramentum prophetiæ pertinet, in Christo domino nostro impletum est, qui positus in carne, dum insectationem declinaret Iudaicam ad Apostolos transit, cum quibus & desideratum sibi cibum sumpsit. Desiderio enim inquit desiderauimus hoc pascha manducare uobiscum, ex quibus Goliath, id est, diaboli arma sustulit, fortis enim spolia ipse diripuit. His ergo à quibus receptus est Christus, tribulationes induxit diabolus, & mortem. Omnes enim, ut ait Apostolus, qui in Christo pie uolunt uiuere, persecutiones patiuntur. Et dominus ait, Si me persequuti sunt, & uos persequentur. Quod uero dominus in euangelio Abiathar principem sacerdotum Abimelech appellat, nihil habet dissonantiæ. Ambo & enim fuerunt illuc, cum ueniens David panes petiit & accepit: Abimelech uidelicet princeps sacerdotum, & Abiathar filius eius. Occiso autem Abimelech à Saule cum uiris domus suæ generis sacerdotalis LXXXV fugit Abiathar ad David, & comes factus totius exilij eius, postea regnante eo summi sacerdotij gradum & ipse accepit, ac toto tempore regni illius in pontificatu perseuerans, multo maioris excellentiæ, quam pater suus effectus est, ideoque dignus fuit, cuius memoriâ dominus etiam uiuente patre, quasi summi sacerdotis faceret. In Doeche autem Idumeo qui sacerdotes domini prodidit, Iudæ proditoris persona signatur, per quem ista operatus est diabolus, ut eius prodicione facta in Christo persecutione postea ecclesia pateretur, & occiderentur multi discipuli Christi & sacerdotes, & pro nomine eius persecutionis exitia paterentur. Quidam dicunt Doeche antichristum significasse, cuius membrum Iudas extitit: quia sicut ille sacerdotes LXXX peremit, sic & iste martyres, qui fidem resurrectionis tenent, sit occisurus.

De fuga David
ad Achis.
XXIII

Interea David cum fugeret Saul, latere uoluit apud regem quendam Geth nomine Achis: sed cum gloria eius fuisset commemorata, ne per liuorem rex, ad quem fugerat, aliquid in eum machinaretur, finxit insaniam, & quasi furore correptus, mutauit os suum, defluebantque saluæ in barbam eius, conlabebaturque in manibus eorum, & procidebat ad ostia portæ. Et dixit Achis rex ad seruos suos, Quid huc mihi adduxistis istum?

Nunquid

Nunquid deerunt nobis furiosi? Et sic eum dimisit) Achis interpretatur quo modo est, per quod significatur ignorantia, & uerbum mirantis & nō agnoscentis: quod in gente Iudæorum impletum est, qui dum uiderunt Christū, non agnouerunt, coram quibus mutauit os suum, & abiit. Erant enim præcepta legis carnalia, erat sacrificium secundum ordinē Aaron, & postea ipse de corpore & sanguine suo instituit sacrificium secundum ordinem Melchisedech. Mutauit ergo os suum in sacerdotio, mutauit in præceptis, dans aliud testamentū euacuata carnali operatione: atq; inde collapsus est in manibus eorum, quando eum comprehendentes crucifixerūt: & procidebat ad ostia portæ, hoc est, humiliabat se, hoc est, procidere ad ostium fidei nostræ. Ostium enim portæ initium fidei, inde incipit ecclesia, & peruenit usq; ad speciem, ut cum credit ea quæ non uidet, mereatur perfrui eum ea uidere facie ad faciem cœperit. Quod uero in illo quasi furore saluæ decurrebāt super barbam eius, Apostolus hæc aperit dicens: Iudæi signa petunt, & Græci sapiētiam quærunt, nos autem prædicamus Christum crucifixum, Iudæis quidē scandalum, gentibus autē stulticiā, ipsis uero Iudæis uocatis & Græcis Christū dei uirtutem, & dei sapientiam, quia quod stultum est dei, sapientius est hominibus, & quod infirmū est dei, fortius est hominibus. Saluæ enim significant infirmitatem, sed quod infirmum est dei, fortius est hominibus: non tantum saluæ adtendantur, sed adtende quod super barbā decurrunt. Quo modo enim in saluiis infirmitas, sic in barba uirtus ostenditur. Texit ergo uirtutem suā corpore infirmitatis suæ, & quod forinsecus infirmabatur tantumquam in salua apparebat, intus autem diuina uirtus tantumquam barba tegebatur. De hinc in heremo Engaddi cum persequendum Dauid Saul appeteret, ingressus est Dauid in spelūcam, & ibi latebat. Sed & rex improuis exceptus insidijs, quod innocuo moliebatur inciderat. Scriptū est enim qui fodit foueam, incidet in eam. Dauid autem bona pro malis retribuens inimicum non occidit, sed pro testimonio oram clamidis regiæ abstulit, cum facilius esset exceptum insidijs aduersarium perdere magis quam fallere. Quid ergo est quod iste fugiens à facie Saul in spelunca latuit? Quare autē latuit? nisi ut occultaretur, & non inueniretur. Quid est contegi spelunca, nisi contegi terra? Qui enim fugit in spelunca, terra tegitur ne uideatur. Portabat autem terram Iesus, carnem quam acceperat de terra, & in ea se occultabat, ne à Iudæis inueniretur deus. Si enim cognouissent, nunquam dominum gloriæ crucifixissent. Quare ergo dominum gloriæ non inuenerunt? Quia in spelunca se texerat, id est, carnis infirmitatem solū obiciebat, & maiestatem diuinitatis corporis tegmine tantumquam speluncæ abdito contegebatur. Illi ergo non cognoscentes persecuti sunt hominem, nec mori potuit nisi in homine, nec crucifigi potuit nisi in homine, quia nec teneri potuit nisi in homine. Opposuit ergo male quærentibus terram, seruauit bene quærentibus uitam, fugit ergo secundum carnem in speluncam à facie Saul, quia pas-

*Quod in spelunca Dauid
Saulis clamidē
absceidit.*

XXV

sus est, usq; adeo, se occultans Iudæis, ut moreretur. Sed quare usq; ad mortem uoluit esse patiens, ut fugeret à facie Saul in speluncā. Etenim spelunca inferior pars terræ potest accipi, & certe quod manifestū est, & notum omnibus, corpus eius in monumēto positū est, quod erat excisum in petra. Hoc ergo monumentū spelunca erat, illuc fugit noster Dauid à facie Saul. Tam diu enim persecuti sunt illū Iudæi, quo ad usq; poneret in spelūca. Sed quid est quod Saul persecutor ad purgandū uentrē speluncā ingredit, nisi quod Iudæi in Christū conceptā mentis maliciā, quasi odorē foetidū emiserūt, & cogitata noxia factis deterioribus, dū Christū perimūt ostēderūt. sed tamē Dauid Saulē occidere noluit, & cū eū in abdito occultatus antro haberet in potestate, reseruare potius q̄ occidere maluit: ita & Christus dū esset in spelunca carnis, persecutorē populū in potestate habuit, & nō occidit. Scriptum enim erat de his p̄ prophetā, ne occideris eos. Tamē deniq; Dauid summitatē clamidis eius silēter abscidit, ut ostenderet p̄phetia Christū Iudæos nō occidisse, sed tamē eius regni gloriā abstulisse, sicq; eos persecutiōe sua uacuos sede, uel imperio reliquisse: clamidis enim abscissio, regni est amputatio. In eo aut quod tantū ueneratus est Saul ipse Dauid, ut p̄cusso corde poeniterit, quādo in tenebroso occultatus antro, quō etiā Saul urgēte intrauerat necessitate naturæ, exiguā particulā uestis eius retrorsum latēter abscidit, ut haberet unde mōstrāret quomodo ei pepercerit, cū posset occidere, atq; ita suspicionē de animo eius, qua sanctū Dauid putās inimicū suū uehementer persequabatur, auferret: futuri regni erat umbra in eternitate māsuri. Oleū quippe illud quo unctus est pro chrismate, ab eo Christus est dictus. Ne itaq; reus esset tanti sacramenti in Saule uiolati, quia uel indumentū eius sic attrectauit, extimuit. Ita enim scriptū est. Et p̄cussit cor Dauid super eū, quia abstulit pinnā clamidis eius. Viri aut qui cū illo erāt, ut Saulē in manus suas traditū interimeret, suadebāt. Non mihi, inquit, cōtingat à domino, ut faciā uerbū hoc dño meo Christo domini, inferre manū meā super eū, q̄a Christus domini hic est. Huic ergo umbræ futuri nō propter ipsam, sed propter illud qd̄ præsfigurabat, tāta ueneratio exhibebat. Moraliter uero quid per Saul nisi mali rectores, quid p̄ Dauid nisi boni subditi designant? Saul igit uentrem purgare, est prauos prap̄positos conceptā in corde maliciā usq; ad opera miseri odoris extendere, & cogitata apud se noxia factis deterioribus exsequendo mōstrare. Quē tamē Dauid ferire metuit, quia subditorū mentes ab omni se peste obtreccionis abstinētes, prap̄positorū uitā nullo linguæ gladio percutiūt, etiā cū de imperfectione reprehendūt. Qui & si quādo propter infirmitatē sese uix abstinere possunt, ut extrema quādā atq; exteriora prap̄positorū mala, sed tamē humiliter loquātur, quasi orā clamidis silēter incidunt: quia uidelicet dū praelatē dignitati saltē innoxie & latenter derogāt, quasi regis superpositi uestē foedāt. Sed tamē ad semetipsos redeūt, seq; uehementissime uel de tenuissima uerbi laceratiōe reprehendūt. Vnde bene &

illie scriptū est. Post hæc Dauid percussit cor suū, eo q̄ abscidisset brā clamidis Saul: facta quippe præpositorum oris gladio ferienda non sunt, etiam cum reprehendenda recte iudicantur. Si quando uero contra eos uel in minimis lingua labitur, necesse est ut per afflictionem poenitentiae cor prematur, quatenus ad semetipsum redeat, & cum præpositæ potestati deliquerit, eius contra se iudicium à quo sibi prælatus est perhorrescat. Nam cum præpositis delinquimus, eius ordini qui nobis eos prætulit obuiamus. Vnde Moyses quoq̄ cum contra se & Aaron conqueri populū cognouisset, ait. Nos enim quid sumus? Nec contra nos est murmur uestrum, sed contra dominum.

De aduentu
David ad Na
bal. XXVI

Post hæc Dauid descendit in solitudinem Aon, ubi Nabal habitabat, nomenq̄ uxoris eius Abigail, Ad quem Dauid mittens pueros suos, ut quod cūq̄ inuenisset, manus eius misisset Dauid & pueris suis. Quos ille stulte repellens, nuntiauerunt Dauid. Tūc Dauid accinctus armis, uoluit eū deprædare. At Abigail abiit obuiam Dauid, interpellans pro se & pro domo sua, quem uir eius stulticia & ebrietate sopitus offenderat. Si enim surrexit homo aliquando persequens te, & quærens animam tuam, erit anima domini mei custodita, quasi in fasciculo uiuentium apud dominum deum tuū. Porro anima inimicorum tuorū rotabitur quasi in impetum, & circulo fundæ. Pulcherrima comparatione statum iustorum à reprobis sorte discernit. Horum quippe animas appellat uiuentes, ut illorum econtrario spirituali morte præoccupatas insinuet: iuxta illud prophetæ. Anima quæ peccauerit ipsa morietur. Hos fasciculo, illos lapidi fundæ assimilat. Fasciculus enim constringitur, ut integer maneat, & conseruetur: lapis in funda expeditus ponitur, ut abiiciatur. Sic etenim in hoc seculo electi pressuris tribulationum conangustantur, ut his admoniti artius se adinuicem manu sui redemptoris in perpetuum conseruent. At uero reprobi quanto latius in hac uita uoluptatibus proprijs uelut liberi dimittuntur, tanto longius in futuro à diuinæ uisionis gloria proijciuntur, ut de eis merito dicatur, Equidem ipsi de manu tua repulsi sunt. Mire autem omnipotentem prouidentiam describit superni protectoris cum dicit, animam uiri sancti quasi in fasciculo uiuentium, apud eum esse custoditam, Sicut enim facillimum est cuilibet fasciculum herbarum uel sceni sua manu retentum conseruare, ita uirtus domini & saluatoris nostri omnes per orbem electos ab initio usque in finem seculi, ne quis ex eis ulla ratione pereat, sine labore tuetur, iuxta quod ipse in Euangelio sub figura ouium de eis loquens, & sequuntur me, inquit, & ego uitam æternam do eis, & non peribunt in æternum, nec rapiet eas quisquam de manu mea. Sicut fasciculus unus, quibuslibet uinculis alligatur, ita omnes cœtus sanctorum una eademq̄ fide, spe & charitate adinuicem constringitur, uno diuinæ protectionis munimine circundatur. Patet sanè literæ sensus, quia anima Dauid persequentibus licet hostibus custodita semper fuit in sorte uiuentium. Porro inimici eius insistentibus sibi aduersitatibus sicut lapis funda circumactus, sic instabili motu perturbandi, & suis de finibus essent expellendi

pellendi, uel etiā ab humanis rebus auferendi. Et in hoc facto Abigail, quid
hobis per renuntiationē suā innuit, nisi quod iracundos melius corrigimus,
si in ipsa ira sua à cōmonitione declinamus. Perturbati quippe quid audiāt
ignorāt, sed ad se reducti, tanto libentius exhortationis uerba recipiūt, quan-
to se tranquillius toleratos erubescunt. Menti autē furore ebriæ, omne rectū
quod dicitur, peruersum uidetur. Vnde & recte Nabal ebrio culpā suā lau-
dabiliter tacuit, quam digesto uino laudabiliter dixit. Idcirco enim malum

Quod David
dormiēti Sau-
li hastam scy-
phūq; abstu-
lit. XXVII

quod fecerat cognoscere potuit, quia hoc ebrius non audiuit. Item David
fugiens à facie Saul, castra regis ingressus est, & cum dormientē inuenisset,
non percussit, non occidit, sed solam lanceam quæ erat ad caput eius fixa, &
cyphum aquæ, qui erat ad caput eius, sustulit. Dormientibus cunctis egres-
sus de castris, transiit in cacumine mōtis. Quid ergo est hoc? Persequebā-
tur namq; Christum Iudæi, sed persequendo dormiebant, quia non uigila-
bant corde. Duricia enim cordis obdormitio est: dormiunt in uitam uete-
rem, non euigilant in nouam. Venit Christus nō eos occidit, sed tulit ab eis
typhum aquæ, id est, gratiam legis: tulit & sceptrum regale, regni scilicet po-
testatem, quam pro magno habebant, & unde se protegebāt temporaliter,
& quam aduersus deum per incredulitatem gerebant. Deinde uictor nō-
ster David de castris eorū regressus, transcendit in altitudinem montis cœ-
lorum.

De prælio Da-
uid in Ama-
lech.

XXVIII

Interea fugiens David dum pergeret ad Achis regem philisti-
norum, in præliū aduersus Israel insurrexerūt Amalechitæ, & irruerūt in Si-
celech, succedētes eā, & captiuātes omnia quæ erāt David & puerorū eius.
Reuersus ergo David ad persequēdos Amalechitas, inuenit Aegyptiū pue-
rum lassescētē, quē Amalechitæ ægrotū in itinere reliquerāt. Hūc autē Da-
uid inuentū, cibo reficit, ducem sui itineris fecit: sicq; Amalechitas persequi-
tur, epulantesq; reperit, & funditus extinguit. Quid est quod Aegyptius
Amalechita puer in itinere lassatus resider, nisi quod amator præsentis se-
culi peccati sui nigredine opertus, sepe ab eodem seculo infirmus despectus,
que relinquitur, ut cum eo nequaquā currere ualeat, sed fractus aduersitate
torpescat. Hos ergo eligit deus, quos despicit mundus, quia plerunq; ipsa
despectio hominem reuocat ad semetipsum. Is enim qui patrem reliquit, &
partē substantiæ quā perceperat prodige expendit, postquā esurire cœpit,
in se reuersus dixit, Quām multi mercenarij patris mei abundant panibus.
Longe quippe à se recesserat, quando peccauit: & si non esurisset, in se mini-
me redisset. Qui postquam terrenis rebus indiguit, tūc cogitare cœpit, quid
de spiritualibus amisit. Infirmi quiq; atq; in hoc mundo despecti, plerunq;
tanto celerius uocē dei audiunt, quanto & in hoc mundo non habent ubi de-
lectentur. Quod bene iam dictus Amalechitarum puer ille designat, qui
Amalechitis prædantibus atq; currentibus æger remansit in uia, fame sitiq;
aruit, quem tamen David inuenit, ei cibum potumq; præbuit, qui ilico con-
ualescens dux David factus est, conuiuantes Amalechitas reperit, & eos qui
se debilem reliquerāt, cum magna fortitudine prostrauit. Amalechitæ quip-
pe po-

per populus lambens uocatur. Et quid per lambentem populum, nisi mentem secularem designatur. Quæ terrena cuncta ambiendo quasi lambit, dum solis temporalibus delectatur. Quasi enim populus lambens prædam facit, dum terrena diligentes lucra de alienis damnis congregant. Sed puer Aegyptius æger in uia relinquitur, quia peccator quisque dum infirmari ab huius mundi statu cœperit, mox secularibus mentibus in despectum uenit. Quem tamen Dauid inuenit, eicq; cibum & potum præbuit, quia manu fortis dominus abiecta mundi non despicit, & plerunque eos qui mundum se qui minime ualent, quasi in uia remanent, ad amoris sui gratiam conuertit, eisq; uerbi sui cibum porrigit, & quasi duces sibi in uia dirigit, dum suos etiam prædicatores facit. Dum enim Christum peccatorum cordibus inferunt, quasi Dauid super hostes ducit. Qui cõuiuentes Amalechitas uelut Dauid gladio feriunt, quia superbos quosque qui se in mundo despexerant, domini uirtute prosternunt. Puer ergo Aegyptius qui in uia remanserat, Amalechitas interfecit, quia plerunque ipsi mentes secularium prædicando superant, qui prius cum secularibus in hunc mundum currere non ualebant.

Post mortem autem Samuelis congregati sunt Philistini cõtra Israel, com- De Saul cõfur-
lente Pythonis-
sissam.
suluitq; Saul dominum, & non respondit ei. Quæsiuit autem Saul Pythonissam, quæ suscitaret illi Samuelem, statimq; suscitatus ait ad eum. Quare inquietasti me ut suscitarer? & cætera. Quæritur secundum historiam, utrum Pythonissa ipsum prophetam de inferno euocauerit, an aliquam imaginariam illusionem fallacia dæmonum fictam. De qua quæstione beata memoræ Augustinus Mediolanensi episcopo Simpliciano ita scripsit. Inquiris inquã, utrum spiritus immundus qui erat in Pythonissa, potuerit agere ut Samuel à Saule uideretur, & loqueretur cum eo: sed multo maioris miraculi est, quod ipse sathanas princeps immundorum spirituum potuit loqui cum deo, & petere tentandum Iob iustissimum uirum, qui etiam apostolos tentandos petijt. Aut si hoc ideo non habet difficilem quæstionem, quia per quam uoluerit creaturam, cui uoluerit creaturæ, ubiq; præsens ueritas loquitur, nec propterea magni meriti est, cui loquitur deus. Interest enim quid loquitur, quia & imperator cum multis innocentibus nō loquitur, quibus pro uidentissime consulit ad salutem: & cum multis nocentibus loquitur, quos iubet interfici. Si ergo propterea hinc nulla quæstio est, nulla sit quæstio, quomodo etiam immundus spiritus cum anima sancti uiri loqui potuerit: omnibus enim sanctis deus creator & sanctificator longe utique maior est. Quod si hoc mouet, quod licuerit maligno spūi excitare animā iusti, & tanquã de abditis mortuorum receptaculis reuocare, nōne magis mirādū, quod sathanas ipsum dominū assumpsit, & cōstituit super pinnam templi? Quolibet enim modo fecerit hoc ille, & modus quo Samueli factū est, ut excitaretur, similiter latet: nisi forte quis dixerit faciliore fuisse diabolo licentiã ad dominū uiuū, unde uoluit assumendum, & ubi uoluit constituendum, q̃ ad Samuelis defuncti spiritum à suis sedibus excitandū. Quod si illud in euang-

gelio nos ideo non perturbat, quia dominus uoluit atq; permisit, nulla diminutione suæ potestatis & diuinitatis id fieri, sicut ab ipsis Iudæis, quanquā perueris atq; immundis, & facta diaboli facientibus, & teneri se & uinci & illudi & crucifigi atq; interfici passus est: non est absurdū credere ex aliqua dispensatione diuinæ uoluntatis permissum fuisse, ut non inuitus nec dominante atq; subiugante magica potentia, sed uolens atq; obtemperās occultæ dispensationi dei, quæ pythonissam illam & Samuelem latebat, cōsenti-
ret spiritus prophetæ sancti se ostendi aspectibus regis, diuina eum sententia percussurus. Cur enim anima boni hominis à malis uiuis euocata, si uenerit amittere uideatur dignitatem suam, cum uiui plerūq; boni uocati ad malos ueniant, & agant cum eis quod officium postulat æquitatis, seruato atq; inconcusso decore uirtutis suæ, & illorum uicjs pro rerum præsentium uel usu uel necessitate tractatis, quanquam in hoc facto potest esse alius facilius exitus, & expeditior intellectus, ut non uere spiritum Samuelis excitatum à requie sua credamus, sed aliquod phantasma & imaginariā illusionē diaboli machinationibus factam: quam propterea scriptura nomine Samuelis appellat, quia solent imagines earum rerum nominibus appellari, quarum imagines sunt: sicut omnia quæ pinguntur atq; finguntur ex aliqua parte materiæ metalli aut ligni, uel cuiusq; rei aptæ ad opera huiusmodi, quæq; etiam uidentur & in somnis, & omnes ferè imagines earum rerū quarū imagines sunt, appellari nominibus solent. Quis enim est qui hominē pictum dubitet uocare hominem, quando quidē & singulorum quorumq; picturā cum aspiciamus proprie incunctanter quæq; nomina adhibemus: uelut cū intuentes tabulā aut parietē, dicimus ille Cicero est, ille Salustius, ille Achilles, ille Hector: hoc flumen Simois, illa Roma, cum aliud nihil sint, quā pictæ imagines. Vnde cherubin, cum sint cœlestes potestates, fictæ tamen ex metallo, quod imperauit deus super archā testamenti magnæ rei significandæ gratia, non aliud q̃ cherubin illæ quoq; effigies uocitantur. Itē quisquis uidet somnium, non dicit uidi imaginē Augustini, aut Simpliciani, sed uidi Augustinū, aut Simplicianū, cum eo tēpore quo tale aliquid uidit nos ignoraremus, usq; adeò manifestum est non ipsos homines, sed imagines uideri. Et Pharaon se spicas dixit uidisse in somnis, & boues, non spicarū aut bouū imagines. Si ergo liquido constat nominibus eorum quorū imagines sunt, easdem imagines appellari, non mirū est quod scriptura dicat Samuelē uisum, etiā si forte imago Samuelis apparuit, machinamēto eius qui trāsfiguratus se in angelū lucis, & ministros suos uelut ministros iusticiæ. Iam uero si illud mouet, quomodo à maligno spiritu Sauli uera prædicta sint, potest & illud mirū uideri, quomodo dæmones agnouerunt Christū, quē Iudæi non agnoscebāt. Cū enim uult deus etiā per infimos supremosq; spūs aliquē cognoscere temporalia duntaxat atq; ad istā mortalitatē pertinentia, facile est & nō incōgruū, ut omnipotēs & iustus ad eorū pœnā, quibus ista prædicuntur ut malū quod imminet eis anteq̃ ueniat prænoscendo patiatur, occulto ap-
paratu

paratū ministrorū suorū, etiā spiritibus talibus aliquid diuinatiōis impartī, at, ut quod audiūt ab angelis, denuntient hominibus. Tantū autē audiūt, quantū omniū dominus atq; moderator, uel iubet uel finit. Vnde etiā spūs pythonicus in actibus Apostolorū attestatus Paulo apostolo, euāgelizare est conatus. Miscēt tamē isti fallacias, & uerū quod nosse potuerūt, nō docendi magis q̄ decipiēdi fine prænuntiāt, & forte hoc est quod cum illa imago Samuelis Saulē prædicaret moriturū, dixit etiā secū futurū, quod utiq; falsum est. Magno quippe interuallo post mortem separari bonos à malis in euāgelio legimus, cum dominus inter superbū illū diuitē, cum iam apud inferos tormēta pateret, & illū qui ad eius ianuā ulcerosus iacebat, iā in requie cōstitutus, magnū chaos interiectum esse testatur. Aut si propterea Samuel Sauli dixit, mecū eris, ut nō ad æqualitatē felicitatis, sed ad parē cōditionem mortis referat, ut uterq; homo fuerit, & uterq; mori potuerit, iamq; mortuus, mortē uiuo prænuntiabat: perspicit quantū opinor prudentia tua, secundum utrunq; intellectū habere exitū iam lectionē, quæ nō sit cōtra fidē: nisi forte profundiore & perplexiore inquisitione, quæ uel uiriū mearū, uel tēporis excedit angustias, inueniat ad liquidū, uel posse uel nō posse animā humanā cū ex hac uita migrauerit, magicis carminibus euocatā, uiuorū apparere cōspectibus, etiā corporis liniamēta gestātē, ut nō solū uideri ualeat, sed & agnoscī: & si potest, utrū etiā iusti anima nō qdē cogat magicis, sed digne tur ostēdi, occultioribus imperiis summæ legis obtēperās: ut si fieri nō possē claruerit, nō uterq; sensus in huius scripturæ tractatiōe atq; expositiōe admittatur, sed illo excluso imaginario, simulatio Samuelis diabolico ritu facta intelligat. Sed quoniā siue illud fieri possit, siue nō possit, tamē fallacia sathanæ atq; imaginū simulandarū callida operatio decipiendis humanis sensibus multiformis inuigilat, pedetentim quidē ne inquisitionibus diligentioribus p̄scribamus, sed tamen potius existimemus tale aliquid factū maligno spū pythoniæ illius ministerio, q̄ diu nobis aliquid amplius excogitare, atque explicare nō datur. Igitur exorto prælio percusserunt Philistei Israel plagā magnā, mortuusq; est Saul & Ionathas fili⁹ eius, Euadēs autē quidā uenit ad Dauid in Sicelech, & nūtiāuit Dauid plagā magnā, quæ facta est in populo, in super etiā mētiēdo addidit, quod ille percussisset Saul. At Dauid christū dñi uindicans, iussit eū occidi. Et planxit Dauid planctū huiusmodi super Saul & super Jonathan filiū eius, & præcepit ut docerēt filios Iuda, sicut scriptū est in libro iustorū. Hoc ideo fecit ut quia Philisteos sagittarijs abundare iam nouerat, unde & Saul maxime horum ictibus perierat, eandem bellandī artē & sui milites ad reuincēdos eos discerent. Quod uero sequitur, sicut scriptū est in libro iustorum, ipsum librum hodie nusq; neq; apud ipsos Hebræos inueniri posse asseuerat, sicut nec librum bellorum domini, cuius in libro Numerorum mentio est, neq; carmina Salomonis, neq; disputationes eius sapientissimas de lignorū natura herbarumq; omnium, itemq;

De cæde Saul
li. XXX

De luctu Da/
uid pro clade
Israel.
XXXI.

itemq; iumentorum, uolucrum, reptilium & piscium: uel quod in libro dierum dicitur, reliqua uero operum Salomonis priorum & nouissimorum scripta sunt in uerbis Nathan prophetæ, & Abiæ Salonitis, in uisione quoque Addo uidentis cōtra Hieroboam filium Nabath: & multa huiusmodi uolumina, quæ scriptura quidem probat, sed hodie constat non esse. Vastata nanque a Chaldæis Iudæa, etiā bibliotheca antiquitus cōgregata inter alias prouinciæ opes hostili est igne consumpta, ex qua pauci qui nunc in sancta scriptura continentur libri, postmodum Esdræ pontificis & prophetæ sunt industria restaurati. Vnde scriptum est de eo. Ascendit Esdras de Babylone, & ipse scriba uelox in lege Moysi: uelox uidelicet quod promptiores literarum figuras quàm eatenus Hebræi habebant, reperit: & in epistola regis Persarū Artaxerxis, Esdræ sacerdoti Scribæ legis dei cœli doctissimo, salus. Montes Gelboe nec rores nec pluuia ueniāt super uos, neque sint agri primitiarum, quia ibi abiectus est clypeus fortiū, clypeus Saul, quasi non esset unctus oleo) Scire debes quia ueraciter Saul, qui post unctionem sancti chris̄matis, à quo & christus domini uocatus est, occidi meruit, mortem ueri Christi, quam sine culpa subire dignatus est insinuat. Montes quoq; Gelboe in quibus interiūt, superbos Iudaicæ plebis conatus, quibus contra autorem uitæ rebellabant, insinuant. Vnde bene Gelboe uolutatio siue decursus interpretatur. Volutabantur enim in sorde peccatorum, iuxta illud prouerbiū, & sus lota in uolutabro luti: atq; à rectitudine uiæ salutaris aberrantes, iam iamq; ad inferiora, hoc est, huius seculi desideria infima decurrebant, ob quorū desiderium regē cœli & terræ in mortem tradere nō dubitabant: propter quod eis merito optatur, ne rorē de cœlo pluuiam uē suscipiant: quod hodie rebus ipsis uidemus expletū, in eo quod illos gratia cœlestis deferens ad plebē gentiū translata est. Quod etiā Isaias sub figura uineæ futurū illis ex persona domini cōminatus est dicens, & nubibus mandabo, ne pluant super eam hymbrem. Quod est aperte dicere, Et Apostolis atq; apostolicis uiris omnibus mandabo, ne illis ultra uerbū uitæ prædicēt, sed irrigatione uerbi cœlestis, quod à se proterui repulerunt, indignos in sua sterilitate uacuos, ac perpetuo igni comburendos relinquant. De quibus & bene dicitur, ut agri primiciarum esse non possint. Superbæ quippe Hebræorum mentes primitiuos fructus non ferūt, quia in redemptoris aduentu ex parte maxima in perfidia remanentes, primordia fidei sequi noluerunt. Sancta namq; ecclesia in primitiis suis multitudine gentium fœcundata, uix in mundi fine Iudæos, quos inuenerit, suscipit: & extrema colligens, eos quasi reliquias frugum ponit. De quibus nimirum reliquijs Isaias dicit. Si fuerit numerus filiorū Israel quasi arena maris, reliquiæ saluæ fient. Possunt tamē idcirco Gelboe montes ore prophetæ maledici, ut dum fructus exarescens è terra non oritur, possessores terræ sterilitatis damno feriantur, quatinus ipsi maledictionis sententiam accipiant, qui apud se mortem regis suscipere iniqui

iniquitate sua exigente meruissent. Nec tibi absurdū uideri debet, ut mala reproborum acta boni aliquid significant, aut rursus bona iustorum opera in contraria significatione ponantur. Lege moralia sancti papæ Gregorij, ubi exposuit quomodo beatus Iob maledixit diei suo dicens, pereat dies in qua natus sum, & cætera, & uidebis quia usitatissimum est in scripturis, ut & bona in malorum significatione accipiantur, & econuerso. Deniq; Vriam fidelissimum David regis militem, ac pñssima atq; innocentissima eius opera uel dicta in mala significatione, & econtra ipsum David in maximo suo scelere in bono accipiendum interpretantur. Alioquin si non per bona malum, & bona per malum significari possent, nunquam liceret nigro atramento nomen dei, sed semper lucido auro deberet scribi, quia deus lux est, & tenebræ in eo non sunt ullæ: nec rursus in titulis psalmorum nomen Absalon & Doech hominū reproborum minio fulgēte, sed solo atramento deberet scribi. Sicut ergo in paginis librorum quouis colore, & mala possunt & bona absq; ulla reprehensione figurari: ita & in parte significationū per quælibet hominum gesta, & bona rectissime & mala possunt exprimi: quamuis & multo sæpius contingat, & multo dulcius audiatur, bona per bona, & mala figurari per mala. Sicut autem in pictura parietum neq; obscurum æthiopem candido, neq; candidi corporis siue capilli Saxonem

atramento decet depingi: ita in retributione meritorum

iuxta suū quisq; opus recipiet, & qualis erit actu,

talis etiam uultu apparebit in iudicio, neq;

omnino ad rem quid quisque figura-

rit, sed quid egerit pertinebit.

INDEX CAPITVM

LIBRI SECVNDI



RAEFATIO libri secundi

De eo quod scriptum est, Quod post mortem Saul uenerunt uiri Iuda, & unxerunt Dauid regem in Ebron, & de Abner filio Ner, qui constituit Isboseth filium Saul regem super Israel.	I
De filijs Remon Berothitæ, qui interfecerunt Isboseth	II
De laude Dauid qui cōgregauit x x x milia ex electis Israel, ut adduceret archam dei, atq; morte Oza	III
Admonitio Dauid, ubi instruitur à propheta, ne ipse ædificaret templum domino, sed filius eius, & actio gratiarum eius.	III
De nuntijs quos misit ad Anon regem Amanitarum.	V
De peccato Dauid in Bethsabeæ, & morte Uriæ.	VI
Vbi Nathan uenit ad Dauid, & proposuit ei similitudinem de diuite & paupere.	VII
De fuga Dauid pro Absalon, quando nudis pedibus incedens, reliquit ciuitatem Hierusalem.	VIII
De Psalmo xvii.	IX
De siti Dauid.	X
De peccato Dauid, quando peccauit populum numerando.	XI
	XII

FINIS

DIVI EVCHERII LVGDVNENSIS

EPISCOPI COMMENTARIORVN IN LIBROS REGVM, ad Veranium & Salonium fratres episcopos, Liber secundus.



ROMISSIONES dei quæ factæ sunt ad Abraham, cuius semini & gentem Israeliticam secundum carnem, & omnes gentes deberi secundum fidem, deo pollicente didicimus, quemadmodum compleantur per ordinem temporum procurrens dei ciuitas indicauit. Quoniam ergo superioris libri usque ad regnum Dauid factus est finis, nunc ab eodem regno quantum suscepto operi sufficere uideatur, cætera que sequuntur attingimus. Hoc itaque tempus, ex quo sanctus Samuel prophetare cepit, & deinceps donec populus Israel captiuus in Babyloniâ duceretur, atque inde secundum sancti Hieremiæ prophetiam, post LXX annos reuersis Israelitis domus dei instauraretur, totum tempus est prophetarum. Quauis enim & ipsum Noe patriarcham, in cuius diebus diluuium uniuersa terra deleta est, & alios supra & infra usque ad hoc tempus, quo reges in dei populo esse ceperunt, propter quædam per eos futura, siue quoquo modo significata siue prædicata, quæ pertineret ad ciuitatem dei regnumque celorum, non immerito possumus appellare prophetas, præsertim quia nonnullos eorum expressius legimus nuncupatos, sicut Abraham, sicut Moysen: tamen dies prophetarum præcipue maximeque hi dicti sunt, ex quo cepit prophetare Samuel, qui & Saul prius, & eo reprobato, ipsum Dauid deo præcipiente unxit in regem, de cuius stirpe ceteri procederent, quousque illos succedere sic oporteret. Quæ igitur à prophetis sint prædicta de Christo, cum moriendo decedentibus, & nascendo succedentibus suis membris ciuitas dei per ista curreret tempora, si omnia uelim commemorare in immensum pergatur: primum quia ipsa scriptura quæ per ordinem reges eorumque facta & euenta differens uidetur tanquam historica diligentia rebus gestis occupata esse narrandis, si adiuuante dei spiritu considerata tractetur, uel magis uel certe non minus prænuntiandis futuris quam præteritis enuntiandis inuenietur intenta: & hoc perscrutando indagare ac disseverando monstrare, quam sit operosum atque prolixum, & quam multis indigeat uoluminibus, quis ignorat, qui hæc uel mediocriter cogitat? Deinde quia ea ipsa quæ ad prophetiam non ambigitur pertinere, ita sunt multa de Christo regnoque celorum, quæ ciuitas dei est, ut ad hoc aperiendum maior sit disputatio necessaria, quam huius operis modus flagitat. Proinde ita si potuero stilum moderabo meum, ut huic operi in dei uoluntate peragendo, nec ea quæ supersunt dicam, nec ea quæ satis sunt prætermittam. Erat igitur iam in terra promissionis semen Abraham, id est, populus Israel secundum carnem, atque ibi non solum tenendo ac possidendo ciuitates aduersariorum uerum etiam

reges habendo regnare iam cœperat, impletis de ipso populo promissionibus dei magna iam ex parte, non solū quæ tribus illis patribus, Abraham, Isaac & Iacob, & quæcūq; aliæ temporibus eorū, uerū etiam quæ per ipsum Moysen, per quē populus idem de seruitute Aegyptia est liberatus, & per quē cuncta præterita reuelata sunt temporibus eius, cum populum per heremum duceret, factæ fuerant. Neq; autem per insignem ducem Iesum Naue per quem populus ille in promissionis inductus est terrā, expugnatisq; gentibus eam XII tribubus, quibus iusserat deus, diuisit, & mortuus est: neque post ullū tāto tempore iudicem impleta fuerat promissio dei de terra Chanaan, à quodā flumine Aegypti, usq; ad flumen magnū Eufraten: nec tamē adhuc prophetabatur futurū, sed expectabatur implendum. Impletum est autē per Dauid, & eius filium Salomonē, cuius regnū tanto quāto promissum fuerat spacio dilatātū est. Vniuersos quippe illos subdiderunt, tributari osq; fecerunt. Sic igitur in terra promissionis secundū carnē, hoc est, in terra Chanaan, sub regibus semen Abrahamæ fuerat constitutū, ut nihil inde super esset, quo terrena illa promissio dei nō cōpleretur: nisi ut in eadē terra quantum ad prosperitatē attinet tēporalē, posteritatis successionū incōcussio statū usq; ad mortalis huius seculi terminū gens permaneret Hebræa, si domini dei sui legibus obediret. Sed quoniā deus nouerat, hoc eam nō esse facturam, usus est eius etiā temporalibus pœnis ad exercendos in ea paucos fideles suos, & admonēdos qui postea futuri erāt in omnibus gētibus, quod eos admoneri oportebat, in quibus alterā promissionē reuelato nouo testamento per incarnationē Christi fuerat impleturus. Quo circa sicut oracula illa diuina ad Abrahamā, Isaac, & Iacob, & quæcūq; aliā signa uel dicta prophetica in sacris literis præcedētibus facta sunt: ita etiā cæteræ ab isto regū tempore prophetiæ partim pertinet ad gentē carnis Abrahamæ, partim uero ad semē illud eius, in quo benedicent omnes gētes coheredes Christi per testamentū nouū, ad possidendū uitā æternā regnumq; cœlorū. Partim ergo ad ancillā quæ in seruitute generat, id est, terrenā Hierusalē, quæ seruit cū filiis suis: partim uero ad liberā ciuitatē dei, id est, uerā Hierusalē æternā in cœlis, cuius filij omnes secundū deū uiuentes peregrinant in terris. Sed sunt in eis quædā quæ ad utranq; pertinere intelligant, ad ancillā proprie, ad liberā figurate. Tripartita itaq; reperiūtur pphetarū eloquia. Siquidē aliqua sunt ad terrenam Hierusalē spectātia, aliqua ad cœlestē, nōnulla ad utrāq;. Post mortem Saul, uenerūt uiri Iuda, & unxerūt Dauid in Hebron, ut regnaret super domū Iuda. Et nūtiatū est Dauid quod uiri Iabes Galaad sepelissent Saul. Misit ergo Dauid nuntios ad uiros Iabes galaad, dixitq; ad eos. Benedicti uos domino, quia fecistis misericordiā hāc cū domino uestro Saul, & sepelissetis eū. Et nūc retribuet quidē uobis dominus misericordiā & ueritatē. Cur ergo isti qui Saulē & eius filiū sepelierūt, misericordiā fecisse dicuntur, & ob hoc à rege pio benedicuntur: nisi quia bene afficiunt corda miserantiū, quando cōdolēt mortuorū corporib. alienis, quæ illo affectu, quo nemo carnem suam

De unctione
Dauid. II

suā unq̃ odio habuit, uolunt fieri post mortē suam corporibus suis: & quod sibi exhiberi uolūt, quādo sensuri nō sunt, alijs nō sentientibus curāt exhibere dum sentiunt. Dauid uncto super domū Iuda rege, Abner filius Ner, Hisboseth filiū Saul regē constituit super uniuersum Israel. Egressusq̃ est Abner filius Ner cū pueris Hisboseth, de castris Gabaon. Porro Ioab filius Saruīa cū pueris Dauid egressi de Hebron, cōcitauerūt bellū iuxta piscinā Gabaon, & persequabatur Asahel Abner. Locutus est Abner ad Asahel dicens. Recede noli me sequi, ne cōpellar confodere te in terra. Qui cōtempnit, & noluit declinare. Percussit ergo eū Abner auersa hasta in inguine, & transfodit eū, & mortuus est. Cuius Asahel typū tenuit, nisi eorū quos uehementer arripiens furor, in præceptis ducit: qui in eodem furoris impetu tanto cautius declinādi sunt, quāto & insanius rapiunt. Vnde & Abner qui sermone nostro patris lucerna dicitur, fugit: quia doctorū lingua quæ supernū dei lumen indicat, cum per abrupta furoris mentē cuiuspiam ferri cōspicit, cumq̃ cōtra irascentē dissimulat uerborū iacula reddere, quasi persequentē nō uult ferire. Sed cum iracundi nulla cōsideratione se mitigant, quasi Asahel persequi & insanire nō cessat, necesse est ut hī qui furētes reprimere conantur, nequaquā se in furore erigant, sed quicquid est tranquillitatis ostendāt: quædam uero subtiliter proferant, in quibus ex obliquo furentis animū pungāt. Vnde & Abner cū cōtra persequentē subsistit, nō eū recta, sed auersa hasta transforauit. Ex mucrone quippe percutere, est impetu aperte increpationis obuiare: auersa uero hasta persequentē ferire, est furentē tranquille ex quibusdā tāgere, & quasi parcēdo superare. Asahel aut̃ protinus occubuit, quia cōmotæ mētes dum parci sibi sentiunt, & tamē responsorū ratiōe in intimis sub tranquillitate tangunt, ab eo quod se erexerāt, statim cadūt. Qui ergo à feruoris sui impetu sub lenitatis percussioe resiliūt, quasi sine ferro moriunt.

Igitur ueniētes filij Remon Berothitæ, Rechab, & Bahana, ingressi sūt feruēte die, in domū Hisboseth, q̃ dormiebat supra stratū suū meridie. Ingressi sunt aut̃ domū, & hostiaria dom⁹ purgās triticū obdormiuit: assumētes spicas tritici latēter ingressi sunt, & percusserūt eū in inguine. Ostiaria triticū purgat, cum mentis custodia discernēdo uirtutes à uitijs separat. Quæ si obdormierit, in mortē proprii domini insidiatores admittit: quia cum discretiōis sollicitudo cessauerit, ad interficiendū animū malignis spiritibus iter pandit. Qui ingressi spicas tollūt, quia mox bonarū cogitationū germina auferunt: atq̃ in inguine feriunt, quia uirtutē cordis delectatione carnis occidūt. In inguine quippe ferire est, uitā mentis carnis delectatione perforare. Nequaquā uero Hisboseth iste morti succūberet, si nō ad ingressum domus mulierem, id est, ad mentis aditū mollē custodiā deputasset. Fortis nāq̃ uigilq̃ sensus præponi cordis foribus debet, quē nec negligentia somnus opprimat, nec error ignorantia fallat: unde & bene Hisboseth appellatus est, qui custode foemina hostium gladijs nudatur. Hisboseth quippe, uir cōfusionis dicitur.

De adducta
archa per Da
uid. III

uir autē confusionis est, qui forti mentis custodia munitus nō est: quia dum uirtutes se agere existimat, subintrantia uitia nescientem necant. Tota igitur uirtute muniendus est aditus mētis, ne quādo eam insidiantes hostes penetrent foramine neglectæ cogitationis. Congregauit autē Dauid omnes electos ex Israel xxx milia. Surrexit itaq; & abiit, & uniuersus populus qui erat cum eo de uiris Iuda, ut adduceret archā dei super qua inuocatum est nomē domini exercitū, sedente cherubin super eam) Congregauit Dauid omnes electos ex Israel xxx milia, quia dominus ecclesiā primitiuā ex Israel instituit, nō quidē omnē Israel, sed electos quosq; sibi cōsocians. Non enim omnes qui ex Israel, hī sunt Israelitæ, sed filij promissionis deputātur in semine. Qui xxx milia fuisse referuntur, id est, fidei, operis, & spei firmitate perfecti. Tria enim propter cōfessionē sanctæ trinitatis ad fidem pertinent, decē propter decalogū legis ad opera, mille propter sui perfectionem ad spem uitæ æternæ, qua superius aliquid nō est, sicut numero millenario maior nullus est. Si enim x milia, si xxx milia, si etiam mille milia dixeris, nō ipsum mille numerādo transcendēdo, sed per se, uel per minores numeros sapius ducendo multiplicas. Tria ergo per decē multiplica, ne fides sine operibus mortua sit. Item triginta per mille multiplica, ut fides quæ per dilectionē operatur, nō alibi q̃ in cœlis retributionē speret. Electi igitur ex Israel, populos recte credentes, operātes, sperantes insinuant. Viri autē Iuda qui erant cū Dauid, ipsos populos & doctores, qui lateri Christi quasi familiarius adhærebāt, indicant: quo utroq; stipatus exercitū, domini archā adducere, id est, ecclesiā dilatare, & in eorū qui nō crediderūt cordibus inferere gaudet. Imponit autē archa plaustro nouo, ut noui testamēti gratia renouatis in baptismo mētibus infundat, uinumq; nouū nouis utribus mandetur. Erat quidē prius archa in domo Amminadab, qui erat in Gabaa: quia eadem quæ nūc prædicatur ecclesiæ fides, & ante incarnationis dominicæ tempus florebat in his qui patriarcharū prophetarumq; sunt deuotionē secuti. Amminadab enim qui interpretat pater meus spontaneus, uel Abrahā patrem fidei, uel Moysem legislatorē significat, qui uterq; in Gabaa custodit archā, quia sublimi uirtutis exēplo credentiū pectora munit. Vnde & Gabaa collis interpretat, qui est locus in ciuitate Cariathiarim. Allata ergo foris archa, ludebat Dauid & omnis Israel corā domino diuersis musicorū generibus: quia mox inchoante nouæ gratiæ præconio, dominus ad exhibendas deo patri laudes humilitatis omnes inuitat dicēs, Qui mihi ministrat, me sequatur: alij dando per spūm sermonē sapiētiae, alij sermonē sciētiae, alij genera linguarū, alij gratiā curationū, & cetera. Sed his atq; huiusmodi charismatum generibus progrediēte archa, id est, crescēte ecclesia primitiua, uentū est ad areā Naor, id est, aream præparatā, gentiū uidelicet ecclesiā fidei ueritate cōsecrandā: de qua Ioānes ait, & permūdabit aream suā. Ibi sacerdos qui archā incautius quasi corrigēdo tetigit, mox à domino percussus, occubuit: quia

quia Iudæorū populus dū gētibz inuidet, salutis se munere priuat, dumq̃ legē uult euāgelio miscere, utriusq̃ sibi gratiā tollit. Et tenuit, inquit, eā quoniam calcitrabāt boues. Boues quippe calcitrare est, prædicatores euāgelij liberior circa fidē agere, neq̃ secundū cōsuetudinē legis ingredi, sed sabbata, neomenias, circumcisionē, uictimasq̃ spūaliter interpretari. Quos uelut errantes corrigere tentabant, qui descendētes de Iudæa docebāt fratres, quia nisi circūcidamini secundū morē Moyſi, nō potestis salui fieri: & de quibus Iacobus ad Paulū, Vides, inquit, frater, quot milia sunt in Iudæis, qui crediderunt, & omnes æmulatores sunt legis? Ob causam igitur sacerdotis occisi, noluit Dauid ad se diuertere archā domini in ciuitatē Dauid, sed diuertit eā in domo Obetedom Gethei, Quia respicientibus uerbū Iudæis, ne amplius audita & nō suscepta prædicatio noceret, Apostoli ab eis ablati, & ad gētes imbuēdas missi sunt. Vnde & locus areæ Naor, quę gentiū fidē domini gratiā præparatā demonstrat, percussio Oza nūcupat, uidelicet quia illorū delicto salus gētibz aduenit. Obetedom nāq̃ interpretat̃ seruiens homo, ille est utiq̃, de quo dominus ad patrē, Cōstitues, inquit, me in caput gentiū, populus quē nō cognoui seruiuit mihi. Vbi & Iudæorū abiectiōnē, quasi Oza mortē præmittens, ait: Eripies me de cōtradictionibus populi. Nomē quoq̃ urbis cōgruit, Hæc enim interpretat̃ torcular, significās crucē, in qua uitis uera calcari & exprimi dignata est, à qua cunctus gentiū populus merito Getheus appellari potest, cū dicitur: Mihi autē absit gloriari, nisi in cruce domini nostri Iesu Christi. Tres autē menses, quibus ibidē arca demoratur: fides, spes & charitas est. Sicut enim dieb. adimplet̃ mēsis, ita singulæ uirtutes suis quæq̃ passibus ad perfectionē ueniūt. Hī mēses quousq̃ plenitudo gentium intret, currere nō cessant. Tandē rediens Dauid, arcā in ciuitatē Dauid inducet, quia dominus Enoch & Helia prædicantibus, conuertet corda patrum in filios. Boues & arietes immolās, hoc est, eos qui aream domini triturant, & ouīū eius ducatū gerunt, martyriū sanguine coronās, & ipse quoq̃ sue incarnationis & passionis exemplū eatenus Iudæis nō creditū palām manifestans. Hoc enim significat, quod & ipse Dauid accinctus erat ephor lineo, quod de terra procreatū multiplici labore ad candorē uestis peruenit, ueritatem humanæ carnis inter flagella triūphantis ostēdit. Verū cūctis exultantibus, & ad arcæ coelestis introitum hymnos resonantibus: sola Michol filia Saul arcā ducentibus abest, quin etiā per speculū Dauid humiliatū despicit: quia credentibus in mūdi fine Iudæis, erunt nōnulli qui Christū professione, sed opere sequantur antichristū: quibus merito cōgruit, quod eadē Michol, quæ ob figurandā instabilitatē carnaliū, aqua omnis interpretatur, nō uxor Dauid, sed filia Saul appellatur: quia qui fide tenus Christo seruiūt, nō illius regno coronandi, sed persecutorū eius, quos imitati sunt, anathemate sunt damnādi. Verū si despiciant humilitatē ecclesiæ, cōdemnātur: nihilominus arca domini suū locū ingreditur, & ponit̃ in medio tabernaculi, quod

retenderat ei Dauid, id est, fides ecclesiæ prædicatur, proficit, inseritur cordibus omnium, quos dominus ad uitam præordinauerat æternam.

Offert Dauid holocausta & pacifica coram domino, fidem deuotionemque ecclesiæ commendat patri Christus qui est ad dexteram dei, qui etiam interpellat pro nobis, qui in exemplum Dauid fideles humilesque benedicens, salubris mysterij pascit alimentis, partitur singulis collyridam panis unam, illius utique qui de cælo descendit, & dat uitam mundo. Et assaturam bubulæ carnis unam, illius scilicet uituli saginati, qui pro reuertente ad patrem filio iuniore mactatus, & igne passionis assatus est dicens, Exaruit uelut testa uirtus mea. Et simillam frixam oleo, carnem uidelicet à peccati labe mundissimam, sed ob humanæ salutis uberrimam dilectionem, crucis sartagine tortam. Et merito una panis collyrida, & una carnis assatura datur, quia unus dominus, una fides, unum baptisma, unus deus & pater omnium. Aliter hæc munera fideles accipiunt, quando unus panis, & unum corpus multi sumus in Christo, & suæ carnis singuli lasciuia castigantes, ac seruituti subiicientes, spiritus sancti igne decoquunt, nec non & fructus operum bonorum oleo misericordiæ pinguiissimos compassionem proximi feruere faciunt. At contra filia Saul frustra cubiculum regis ingressa, nullus concepti seminis foetus datur, quia qui uerbum Dei auretenus percipiunt, absque boni operis prole diem perpetuæ mortis expectant. In hac historia beati regis & prophetæ Dauid, qua arcam dei adduxisse narratur: moraliter humilitas adprobata, superbia damnata, & temeritas uindicta monstratur: quia & ipse Dauid coram arca domini humiliter saltando non erubuit, mox promissionem filij dei ex sua stirpe nascituri suscipere promeruit: & coniunx quæ eandem illius humilitatem despexit, eius semine fecundari non merita, perpetuæ sterilitatis poenam luit. Intueri enim libet, quanta uirtutum munera Dauid perceperat, atque in his omnibus quàm forti se humilitate seruabat. Quem enim non extolleret ora leonum frangere, urforum brachia dissipare, despectis prioribus fratribus eligi, reprobato rege ad regni gubernacula ungi, timendum cunctis uno lapide Goliath exterminare, à rege proposita extinctis allophylis numerosa præputia reportare, promissum tandem regnum percipere, cunctumque Israeliticum populum sine ulla contradictione possidere? Et tamen cum arcam dei Hierusalem reuocat, quasi oblitus prælatum se hominibus, admixtus populis ante arcam saltat: & quia coram arca saltare, ut creditur, uulgi mos fuerat, rex se in diuino obsequio per saltatum rotat. Ecce quem dominus cunctis singulariter prætulit, sic se sub domino & exæquando minimis & abiecta exhibendo contemnit: non pretestas regni ad memoriam ducitur, non subiectorum oculis saltando uilescere metuit, non se honore prælatum cæteris ante eius arcam qui honorem dederat recognoscit: coram deo egit debilia uel extrema, ut illa ex humilitate

militate solidaret, quæ corâ hominibus gesserat fortia. Quid de eius factis
 ab alijs sentiatur ignoro, ego David plus saltantem stupeo quàm pugnan-
 tem. Pugnando quippe hostem subdidit, saltando autem coram domino
 semet ipsum uicit. Quem Michol Saul filia adhuc ex tumore regij generis
 insana, cum humiliatum despiceret dicens, quàm gloriosus fuit hodie rex Is-
 rael, discooperiens se ante ancillas seruorum suorum, & nudatus est, quasi
 nudetur unus de scurris: protinus audiuit: Ante dominum qui elegit me po-
 tius quàm patrem tuû: ac paulopost ait: & ludam & uilior fiam, plus quàm
 factus sum, eroq; humilis in oculis meis. Ac si aperte dicat. Vilescere coram
 hominibus appeto, quia me coram deo ingenuum per humilitatem quæro.
 Sunt uero nonnulli qui de semetipsis humilia sentiunt, quia in honoribus
 positi, nihil se esse nisi puluerem fauillamq; perpendunt: sed tamen coram
 hominibus uiles apparere refugiunt, & contra hoc quod de se interius cogi-
 tant, quasi rigida exterius uenustate palliantur. Et sunt nonnulli qui uiles
 uideri ab hominibus appetunt, atque omne quod sunt deiectos se exhiben-
 do contemnunt: sed tamen apud se introrsus quasi ex ipso merito ostensæ
 uilitatis intumescunt, & tanto magis in corde elati sunt, quanto amplius in
 specie elationem premunt: quæ utraque elationis bella, magna David
 circumspeditione deprehendit, mira uirtute superauit. Quia enim de semet-
 ipso intus humilia sentiens, honorem exterius non quærit, insinuat dicens,
 Ludam & uilior fiam. Et quia per hoc quod uilem se exterius præbuit, ne-
 quaquam interius intumescit, adiungit, Eroq; humilis in oculis meis. Ac si
 dicat, Qualem me exterius despiciens exhibeo, talem me interius adtendo.
 Quid ergo acturi sunt quos doctrina eleuat, si David ex carne sua uentu-
 rum redemptorem nouerat, eiusq; gaudia prophetando nuntiabat, & ta-
 men in semetipso ceruicem cordis ualida discretionis calce deprimebat di-
 cens: eroq; humilis in oculis meis? Sacerdos quoque qui arcam inconsi-
 derata temeritate tetigit, ausus sui reatum immatura morte purgauit, mi-
 nores deterioresq; demonstrat, qui intelligere non ualent, & despiciunt
 uel facta uel dicta meliorum: sed eo ab eis nō temere reprehendenda sunt,
 quo adprehendi nequaquam ueraciter possunt. Sæpe aliquid à maiori-
 bus dispensatorie agitur, quod à minoribus error putatur: sæpe multa à for-
 tibus dicuntur, quæ idcirco infirmi diiudicant, quia ignorant. Quod be-
 ne bubus calcitrantibus inclinata illa testamenti arca signauit, quam le-
 uites qui casuram credens erigere uoluit, mox sententiam mortis exce-
 pit. Quid est namque mens iusti, nisi arca testamenti? Quæ gestata bu-
 bus calcitrantibus inclinatur, quia nonnunquam etiam qui bene præest,
 dum subiectorum populorum confessione concutitur, ad dispensatio-
 nis condescensionem ex sola dilectione permouetur. Sed in hoc quod
 dispensatorie agitur, inclinatio ipsa fortitudinis, casus putatur imperi-
 tis. Vnde & nonnulli subditi contra hanc manum reprehensionis mittunt:

sed ad uicia ipsa sua temeritate deficiunt. Leuites ergo quasi manū adiuuās tetendit, sed delinquens uitam perdidit: quia dum infirmi quicq; fortitū facta corripunt, ipsi à uiuentium sorte reprobantur. Aliquando etiam sancti uiri quædā minimis condescendentes dicunt, quædā uero summa contemplan- tes proferunt, dumq; uim uel cōdescensionis uel altitudinis nesciunt, auda- cter hæc stulti reprehendūt. Et quid est iustū de sua cōdescensione uelle cor- rigere, nisi inclinatā archā superba reprehensionis manu releuare? Quid est iustum de incondita locutione reprehēdere, nisi motū eius fortitudinis lap- sum putare. Sed perdit uitā qui arcam dei tumide subleuat, quia nequaquā sanctorum recta corrigere præsumeret, nisi de se prius meliora sensisset. Vnde & leuites isdem recte Oza dicitur, quod uidelicet robustus domini inter- pretatur, quia præsumptores quicq; nisi audaci mente robustos se in domi- no crederent, nequaquam meliorum facta uel dicta uelut infirma iudicarēt.

Dauid à pro-
pheta ueta-
tur ædificare
templū. V

Post hæc cum regi Dauid multa prospera prouenissent, cogitauit facere deo domum, templum scilicet illud excellentissimum diffamatum, quod à re- ge Salomone filio eius postea fabricatum est. Hoc eo cogitante, factum est uerbum domini ad Nathan prophetam, quod perferret ad regē. Vbi cum dixisset dominus, quod non ab ipso Dauid sibi ædificaretur domus, neq; per tantum tempus se mandasse cuiquā in populo suo, ut sibi fieret domus cedrina, & nūc inquit hæc dices seruo meo Dauid. Hæc dicit dominus. Cum completi fuerint dies tui, & dormieris cum patribus tuis, suscitabo semen tu- um post te, quod egredietur de utero tuo, & firmabo regnum eius: ipse ædi- ficabit domum nomini meo, & stabiliam thronum regni eius usq; in sempi- ternum: ego ero illi in patrem, & ipse erit mihi in filium. Hanc tam grandem promissionem qui putat in Salomone completam, multum errat. Adtendit enim quod dictum est, hic ædificabit mihi domum, quoniā Salomon tem- plum illud nobile struxit: & non adtendit, fidelis erit domus eius, & regnū eius usq; in æternum coram me. Adtendat ergo & aspiciat Salomonis do- mum plenam mulieribus alienigenis, colentibus deos falsos, & ipsum ab eis regem aliquando sapientem in eandem idololatriam seductum atq; deie- ctum: & non audeat existimare deum, uel hoc promississe mendaciter, uel ta- lem Salomonem domumq; eius futuram non potuisse præscire. Non hinc autem deberemus ambigere, nec si non in Christo Iesu domino nostro, qui factus est ex semine Dauid secundum carnem, iam uideremus ista comple- ri, ne uane atq; inaniter hic alium aliquem requiramus, sicut carnales Iudæi. Nam & ipsi usq; adeo filium quem loco isto regi Dauid promissum legūt, dicunt non fuisse Salomonem, ut eo qui promissus est, tanta iam manifesta- tione declarato, adhuc mirabili cæcitate aliū se sperare dicant. Facta est qui- dem nonnulla imago rei futuræ etiam in Salomone, in eo quod templum ædificauit, & pacem habuit secundum nomen suum: Salomon quippe pa- rificus latine: & in exordio regni sui mirabiliter laudabilis fuit: sed eadem sua

sua persona per umbrā futuri prænūtiabat etiā ipsum Christū dominū, nō exhibebat. Vnde quædā de illo ita scripta sunt, quasi de ipso ista prædicta sint, dū scriptura sancta etiā rebus gestis prophetissa, quodāmodo in eo figurā deliniat futurorū. Nā præter libros diuinæ historiæ, ubi regnasse narratur, psalmus etiā LXXI titulo nominis eius inscriptus est: in quo tā multa dicuntur, quæ omnino ei cōuenire nō possunt, domino autē Christo aptissima perspicuitate cōueniūt, ut euidenter appareat, quod in illo figura qualiscūq; adumbrata sit, in isto ueritas præsentata. Notū est enim quibus terminis regnū cōclusum fuerat Salomonis, & tamē in eo psalmo legitur, ut alia taceā, dominabitur à mari usq; ad mare, & à flumine usq; ad terminos orbis terræ, quod in Christo uidemus impleri. A flumine quippe dominādī sumpsit exordiū, ubi baptizatus à Ioāne, eodē mōstrāte cœpit agnosci à discipulis, qui eū nō solū magistrū, uerū etiā dominū appellauerunt. Nec ob aliud uiuente adhuc patre suo Dauid, regnare Salomon cœpit, quod nulli regū illorū contigit, nisi ut hinc quoq; satis eluceat, nō esse ipsum quē prophetia præsignat, ista quæ ad patrē eius loquitur dicēs. Et erit cū cōpleti fuerint dies tui, & dormieris cū patribus tuis, suscitabo semē tuū post te, qui exiet de uentre tuo, & præparabo regnū illius. Quomodo ergo propter id quod sequitur, Hic ædificabit mihi domū, iste Salomō putabitur prophetatus: & nō potius propter id quod præcedit, cum cōpleti fuerint dies tui, & dormies cū patribus tuis, suscitabo semē tuū post te, alius pacificus intelligitur esse promissus, qui nō ante, sicut iste, sed post mortē Dauid prænuntiatus est suscitandus. Cū enim longo interposito tēpore Iesus Christus ueniret, proculdubio post mortē regis Dauid, cui sic est promissus, eū uenire oportebat, qui ædificaret domū deo, nō de lignis & lapidibus, sed de hominibus, qualē illū ædificare gaudemus. Huic enim domui dicit Apostolus, hoc est, fidelibus Christi: Templū enim dei sanctū est, quod estis uos. Propter quod in psalmo LXXXVIII, cuius titulus est, intellectus ipsi Ethan Israelitæ, cōmemorantur promissiones dei factę regi Dauid, sicut & in hoc regū libro positæ sunt, ita & ibi quædā similia dicuntur: sicut est illud, Iuravi Dauid seruo meo usq; in æternū, præparabo semen tuū, & cætera. Illud uero quod dicit, si quid inique aliquid gesserit, atque quam eum in uirga uirorum, & in plagis filiorum hominum, misericordiam autē meā non auferam ab eo, sicut abstuli à Saul, quē amoui à facie mea: nō dixit ab eis, sed dixit ab eo. Non enim Christi ipsius, qui est caput ecclesiæ, possunt inueniri ulla peccata, quæ opus esset humana correptiōe seruata misericordia diuinit⁹ coerceri, sed in eius corpore ac mēbris quod populus eius est. Illud uero quod locutus est deus p̄ Nathan ad Dauid, nullo modo præmittendū est ubi ait, Et ponā locū populo meo Israel, & plantabo illū, & inhabitabit seorsum, & nō sollicitus erit ultra, & nō apponet filius iniquitatis humiliare eū sicut ab initio, à dieb⁹ quib. cōstitui iudices super populum meū Israel. Hoc tam magnum bonum quisquis in hoc seculo & in hac terra sperat

sperat, insipienter facit. An quispiam putabit in pace regis Salomonis id esse completum. Pacem quippe illam, scriptura in umbra futuri excellenti prædicatione commendat. Sed huic suspicioni uigilanter occursum est, cum postea quod dictum est, & non apponet filius iniquitatis humiliare eum, continuo subiunctum est, sicut ab initio à diebus, quibus constitui iudices super populum meum Israel. Iudices namque priusquam reges ibi esse coepissent, super populum illum fuerat constituti, ex quo terram promissionis accepit: & utique humiliabat eum filius iniquitatis, id est, hostis alienigena per interualla temporum, quibus leguntur pacem alternasse cum bellis, & inueniuntur illic pacis tempora prolixiora, quam Salomon habuit, qui XL regnavit annos. Nam sub eo iudice, qui est appellatus Aoth, LXXX pacis anni fuerunt. Absit ergo ut Salomonis tempora in hac promissione prædicta esse credantur, multo minus cuiuslibet regis alterius. Non enim quisquam eorum in tanta, quanta ille pace regnavit, nec unquam omnino gens illa regnum tenuit, ut sollicita non fuerit, ne hostibus subderetur: quia in tanta mutabilitate rerum humanarum nulli aliquando populo concessa est tanta securitas, ut huius uitae hostiles non formidaret incursum. Locus ergo iste qui promittitur tam pacatae ac securae habitationis, æternus est, æternisque debet in illa Hierusalem libera, ubi erit ueraciter populus Israel. Hoc enim nomen interpretatur, uidens deum, cuius premij desiderio, pia per fidem uita in hac erummosa peregrinatione ducenda est. Nuntiante uerba hæc Nathan ad Dauid, ingressus est rex Dauid, & sedit coram domino. Quid in hac sessione intelligendum est, nisi quia sedit in conspectu domini, siue ubi erat archa testamenti per quam iam secretior & commendatior præsentia quædam domini accipi potest: siue quia oraturus sedit, quod non fit recte nisi in conspectu dei, hoc est, in intimis cordis. Potest enim sic accipi quod dictum est ante dominum, ubi nulus esset hominum, qui audiret orantem. Siue ergo propter archam testamenti, siue propter secretum remotis arbitris, siue propter intimum cordis, ubi erat orantis affectus, conuenienter dictum est, sedit ante dominum: nisi forte quod sedens orauit, hoc mouet, cum & sanctus Helias hoc fecerit, quando pluuiam orando impetrauit. Quibus ammonemur exemplis, non esse præscriptum, quomodo corpus constituatur ad orandum, dum animus deo præsens peragat intentionem suam. Nam & stantes oramus, sicut scriptum est, Publicanus autem de longe stabat. Et fixis genibus, sicut in actibus Apostolorum legimus. Et sedentes, ut ecce Dauid & Helias. Nisi autem etiam iacentes oramus, non scriptum esset in psalmis, Lauabo per singulas noctes lectum meum, lachrymis meis stratum meum rigabo. Cum enim quisque orationem quaerit, collocat membra, sicut ei occurrerit, pro tempore positi corporis ad mouendum animum: cum autem non quaerit, sed infertur appetitus orandi, & aliquid repente uenit in mentem, quo supplicandi moueatur affectus, gemitibus inenarrabilibus, quocumque modo inuenerit hominem, non est utique differenda oratio, ut quaeramus quò secedamus, aut ubi stemus, aut ubi prosternamur. Gignit enim

enim sibi mētis intentio solitudinē, & sēpe etiā obliuiscit se, uel quā cœli partem, uel in qua positione corporis mēbra illud tēpus inuenerit. Fecit quoque Dauid sibi nomē, cum reuerteretur capta Syria in ualle Salinarū cēsis **XII milibus**) Quid per percussam multitudinē à Dauid in Salinarū ualle signatur, nisi quia redemptor noster suo uidelicet discretionis examine, in his qui de illo praua sentiūt, stulticiā immoderati saporis extinguit. Factum est post hæc, ut moreret rex filiorū Ammon, & regnaret Annon filius eius pro eo. Dixitq; Dauid, Faciam misericordiā cū Annon filio Naas, sicut fecit pater eius mecū misericordiā. Misit ergo Dauid cōsolans eum per seruos suos super patris interitu. Cum autē uenissent serui Dauid in terrā filiorū Ammon, dixerunt principes filiorū Ammon ad Annon dominū suum. Putas quod propter honorē patris tui Dauid miserit ad te cōsolatores, & nō potius ut inuestigaret & exploraret ciuitatem, & euerteret eam, misit seruos suos Dauid ad te? Tulit itaq; Annon seruos Dauid, rasitq; dimidiam partē barbæ eorū, & præcidit uestes eorū medias usq; ad nates, & dimisit eos. Quod cū nuntiātū fuisset Dauid, misit in occursum eorū. Erāt enim uiri confusi turpiter ualde. Et mandauit eis Dauid. Manete in Iericho donec crescat barba uestra, & tunc reuertimini) Sicut enim Annon rex Ammon seruos Dauid ad se missos deturpauit, atq; ludibriter scædatis ad eundē Dauid remisit, ita & diabolus princeps huius mundi plerosq; religiosos per subripiētia uitia deturpare cōsueuit. Qui dū eorū latētia mala in aperta & flagitiosa perpetrataq; luxuria detegit, quasi eorū indumentis usq; ad nates abscisis, nudos à dignitate castitatis relinquit: & dum pristinā eorū fortitudinē eripit, uelut barbam radit: quos tamen uerus Dauid, dominus scilicet & saluator noster clementi respectu à pœnitentiæ indulgentia nō exclusit. Quos & in Iericho, hoc est, sub anathemate pœnitentiæ residere iubet, donec sacramēta spiritu alia, & fortitudinē mentis, quæ peccando perdiderūt, satisfaciendo recipiāt, & sic demū in conspectu eius stare ualeāt. Factum est autē, dum surgeret Dauid de stratu suo post meridiem, & deambulet in solario domus regiæ, uidit mulierē se lauante, mittensq; tulit eam, & dormiuit cum ea, & concepit. Cumq; cognouisset Dauid, misit ad Ioab dicēs. Mitte ad me Vriam Etheum. Veniens Vrias ad Dauid, misit epistolam Dauid per Vriam ad Ioab, ut poneret Vriam, ubi fortissimum prælium esset, fecitq; Ioab ita, & mortuus est Vrias Etheus) Plerunq; quædam res per historiam uirtus est, per significationem culpa: sicut aliquando res gesta in causa facta damnatio est, in scripto autem prophetia uirtutis. Quod utrunque citius ostendimus, cum huius sacræ scripturæ testimonium ad utraq; adprobanda ad medium deducimus. Quis namque audiens non solum fidelium, sed etiam infidelium non omnimodis detestetur: quod Dauid in solario deambulans, Bersabeæ Vriæ concupiuit uxorem. Quem tamen à prælio reuertentem ire ad domum admonet, pedes lauare: qui protinus respondit, dicens, arca domini sub pellibus est, & ego in domo mea requiescam. Quem

De iniuria
Ammonitarū
in legatos Dauid. VI

De adulterio
Dauid. VII

Dauid ad mensam propriā suscepit, eiꝫ epistolas per quas mori debeat, tradidit. Cuius Dauid in solario deambulans, typū tenuit, nisi eius de quo scriptum est, in sole posuit tabernaculū suum. Et quid est Bersabeꝫ ad se producere, nisi legē literæ carnali populo coniunctā, spirituali sibi intellectu sociare? Bersabeꝫ enim puteus septimus dicitur, quia nimirū per cognitionē legis infusione spiritualis gratiæ perfecta nobis sapiētia ministratur. Quē uero Vrias nisi Iudaicū populū signat, cuius nomē interpretatū dicit, lux mea dominus. Iudaicus autē populus, quia de accepta legis sciētia extollitur, quasi de dei luce gloriatur. Sed huic Dauid uxore abstulit, sibiꝫ cōiunxit, quia uidelicet manu fortis quod Dauid dicitur, in carne redemptor noster apparrens, dum spiritualiter loqui legē innotuit, per hoc quod iuxta literā tenebatur, hāc à Iudaico populo extraneā monstrauit, sibiꝫ cōiunxit, quia semper illā prædicando declarauit. Vriā tamē ad domū Dauid ire admonet, pedes lauare: quia incarnatus dominus ueniēs Iudaico populo præcipit ut ad conscientiā redeat, & sordes operū fletibus tergat, ut spiritualiter mandata legis intelligat, ut post tantā duritiā præceptorū fontē baptismatis inueniens, ad aquā post laborē decurrat. Sed Vrias qui archā dñi esse sub pellibus meminit, respōdit, quod domū suā intrare nō possit. Ac si Iudaicus populus dicat: Ego mādata dei in sacrificijs carnalibus uideo, & redire ad cōscientiā per spiritualement intelligentiā non requiro. Quasi enim archā sub pellibus dicit esse, quia præceptis dei nō nisi adhibendū ministeriū sacrificij carnalis intelligit. Hūc tamē etiā redire ad domū nolentē Dauid ad mensam uocat, quia quāuis Iudaicus populus ad cōscientiā reuerti cōtemnat, ei tamē redemptor ueniens, mādata spūalia prædicat, dicens, Si crederetis Moysi, crederetis forsitan & mihi, de me enim ille scripsit. Legē itaq; Iudaicus populus tenet, quæ eius diuinitatē loquitur, cui isdem populus credere dedignat. Vnde & Vrias ad Ioab cū epistolis, ex quibus occidi debeat, mittitur: quia idem ipse Iudaicus populus legē portat, qua cōuincēte moriatur. Dum enim mandata legis retinēs implere nititur, ipse nimirū defert iudiciū, unde damnet. Quid ergo perfecto isto Dauid scelestius, quid Vria mundius dici potest? Sed rursus per mysteriū quid Dauid sacratius, quid Vria infidelius inuenitur: quando & ille per uitæ culpā prophetiæ signat innocentiam, & iste per uitæ innocentiam, in prophetia exprimit culpā? Virtus nāq; sacri eloqui sic transacta narrat, ut uentura exprimat: sic in facta re adprobat, ut in mysterio contradicat, sic gesta dānat, ut hæc mystice gerenda persuadeat. Ad hoc enim in scriptura sacra uirorū taliū, id est Dauid & Petri, peccata sunt indita, ut cautela minorū sit ruina maiorū. Ad hoc uero utrorūq; illic etiā poenitētia insinuat, & uenia, ut spes pereuntū sit recuperatio perditorū. De statu ergo suo Dauid cadēte nemo superbiat, de lapsu etiā suo Dauid surgēte nemo desperet. Ecce tꝫ mirabiliter scriptura sacra eodē uerbo supbos premit, quo humiles leuat, unamquamq; rem gestam retulit, & diuerso modo superbos quidem ad humilitatis formidinem, humiles uero ad fiduciam reuocauit. Q inæstima

bile noui generis medicamētum, quod uno eodemq; ordine positum, & pre-
mendo tumentia exsiccat, & subleuando arentia infundit. De maiorum nos
lapsu terruit, sed de reparatione roborauit. Sic quippe semper sic nos diuinæ
dispensationis misericordia & superbientes reprimat, & ne ad desperationem
corruamus fulcit. Sed quia exigente causa Dauid ad medium deducto tanti
facinoris memoriam fecimus, lectoris fortasse animus mouetur, cur omnipo-
tens deus eos quos in perpetuum elegit, quos ad donorum quoq; spiritualium
culmen assumpsit, illæsos à corporalibus uitij non custodit. Vnde quia satis
fieri citius credimus, breuiter respōdemus. Nonnulli enim percepto dono uir-
tutum per impensam gratiam bonorum operum in superbix uitium cadunt,
sed tamen quomodo ceciderint nō agnoscunt. Proinde contra eos hostis an-
tiquus, qui iam interius dominatur, exterius etiam scuire permittitur, ut qui
in cogitatione elati sunt, per carnis luxuriam prosternantur. Scimus autem,
quia aliquando minus est in corporis corruptione cadere, quàm cogitatione
tacita ex deliberata elatione peccare. Sed cū minus turpis superbia creditur,
minus uitat: luxuriā uero eo magis erubescūt homines, quo simul omnes tur-
pem nouerunt. Vnde fit plerūq; ut nonnulli per superbiam in luxuriam cor-
ruentes, ex aperto casu malum culpæ latentis erubescant, & tunc etiam maio-
ra corrigunt, cum prostrati in minimis grauius confunduntur. Reos enim se
inter minora conspiciunt, qui se liberos inter grauiora crediderant. Pia enim
domini dispensatione laxatus nonnunquā malignus spiritus de culpa ad cul-
pam trahit: & dum plus percutit, inde eum quem ceperat amittit: atq; unde
uicisse cernitur, inde superatur. Cōsiderare libet, intra munitum gratiæ sinum
quanto deus misericordiæ fauore nos continet. Ecce qui de uirtute se extollit,
per uitium ad humilitatem redit: & qui de acceptis uirtutibus extollitur, non
gladio, sed (ut ita dixerim) medicamēto uulneratur. Quid est enim uirtus, nisi
medicamentum? & quid uitium, nisi uulnus? Quia ergo nos de medicamēto
uulnus facimus, facit ille de uulnere medicamētum, ut qui uirtute percutimur,
uitio curemur. Nos namq; uirtutum dona retorquemus in usum uitiorum, il-
le uitiorum illecebras assumit in arce uirtutū, & salutis statum percutit, ut ser-
uet: ut qui humilitatem curantis fugimus, saluti cādētis hæreamus. Sed inter
hæc sciendum quod pleriq; hominū, quo in multis corruunt, artius ligantur:
cumq; eos antiquus hostis ex uno uitio percutit, ut concidant, ex alio quoq; li-
gat, ne surgant. Consideret itaq; homo cum quo aduersario bellum gerat, &
si iam in se aliquid deliquisse perpendit, saltem per culpam pertrahi ad cul-
pam pertimescat, ut studiose uitentur uulnera, quibus frequenter interficitur:
quia ualde rarum est, quod hostis noster electorum salutem etiam uulneri-
bus seruet. Erudiendos enim, sicut diximus, electos suos dominus sæpe ten-
tatori subiicit, sicut post paradisi claustra, post tertia cœli secreta, ne reuelatio-
num magnitudine Paulus extolli potuisset, ei Satanæ angelus datus est: sed
ut præfati sumus, ipsa hac tentatione disponitur, ut qui elati perire poterant,
ff humi

Nathā ad Da-
uid missus
VIII

humiliati à perditione seruentur. Secreto ergo dispensationis ordine unde se
uire permittitur iniquitas diaboli, inde pie perficitur benignitas dei: quia ad-
uersarius noster inde obtemperat nutibus supernæ gratiæ, unde exercet iram
nequissimæ uoluntatis suæ. His ita gestis, misit dominus Nathan ad Da-
uid. Et ueniens Nathan proposuit similitudinem de diuite & paupere: unus
habens oues & boues, alter tantūmodo ouem unam, hanc unam ouem pau-
peris tulit diues. Audito hoc Dauid, indignatus ait aduersus hominē illum,
Viuat dominus, quia filius mortis est, uir qui fecit hoc. Dixit autem Nathan
ad Dauid, Tu es ille uir. Et dixit Dauid ad Nathā, Peccaui domino. Dixitq;
Nathan ad Dauid, Dominus quoq; transtulit peccatum tuum, non morie-
ris. Si peccatum Dauid tam detestabile dominus transtulit, quid est quod
omnia quæ de eodem peccato per prophetā ei à domino dicta sunt postmo-
dum tolerauit? Sed proculdubio dominus delictum sine ultione non deserit:
aut enim ipse hoc homo in se poenitens punit, aut hoc deus cum homine uin-
dicans percutit. Nequaquam igitur peccato parcat, quod nullatenus sine uin-
dicta dimittit. Sic enim Dauid audire post confessionem meruit, Dominus
transtulit peccatum tuum: & tamen post cruciatibus afflictus ac fugiens, rea-
tum culpæ quam perpetrauerat exsoluit. Sic nos salutis unda à culpa primi
parentis absoluit, sed tamen reatum eiusdem culpæ diluentes, absoluti quoq;
adhuc carnaliter obimus: q̃a delicta nostra siue per nos, siue per semetipsum
resecat, etiam cum relaxat. Ab electis enim suis iniquitatum studet maculas
temporali afflictione tergere, quas in perpetuum non uult uindicare. Quod
uero dicit, Duo homines erant in ciuitate una, Vrias & Dauid intelligitur. Et
addisce personas. Pauperculi ouem meliorem dicit, hoc est uxorem eius quæ
adulterata est, quæ de mēsa eius uestebatur, & de calice eius potabat, & in gre-
mio eius cubabat. Considera pauperem incentiua pietatis habere fulmina,
in diuitib. autem multa superbia. Apud pauperes uxor & ancilla & ministra
est, & procreat filios, & ipsa mater & nutrix est: apud diuites autē non est ita,
sed cum generauerit filiū, statim eum tradit foris: & pietatis insignia, abscidit
superbia. Erubescit fieri nutrix, quæ facta est mater. Quis ergo in gremio eius
cubabat. Auxit parabolā, narratione pietatis. Venit ergo peregrinus homo
ad regem illum. Quis itaq; est peregrinus? Concupiscentia uidelicet. Vt ergo
illius ostenderet castitatem, peregrinam concupiscentiam nominauit. Nunq̃
enim alienas nuptias dissipauit, neq; iniquis conspexit oculis, sed percussus in
illa muliere perdidit castitatem, quia paululum se reddiderat remissiore, se-
curitate pacis. Venit peregrinus, iniqua & agrestis concupiscentia ad illum di-
uitem. Venit & ille, accepit non de gregibus suis uel armētis, ut peregrino pa-
raret epulas, sed misit & rapuit ouem pauperis quæ in sinu eius cubabat, & de
mensa edebat. Hæc igitur cum audisset Dauid, iratus est ualde aduersus ho-
minem illum, & dixit ad Nathan, Viuat dominus, quoniam filius mortis est,
uir qui fecit hoc, Quem reddet in quadruplum, & ipse gladio punietur. O iu-
dici

dicij supereffluentem iustitiam. Non enim erat illa amoris fibra, ut iuste non diceret. Iubet quidem in quadruplum secundum legem, lex enim præcepit furem quadrupli restitutione uinciri: iste autem & legem est prætergressus. Iubet quidem & ipsum interimi, & in quadruplū obnoxium detineri. Promisit itaq; sententiam, & iudicium elimatum. Cum hoc audisset propheta, iactat omnem umbram imaginis, & in medium profert gladium, & cum fiducia dicit, Tu es rex, qui hoc opus fecisti. O' sectura non gladio secans sensum doloris, sed compendio accusationis. Cum enim oportuit, occultauit narrationem: cum uero tempus inuenit, statim percussit & abscidit, sine grandi plagæ uulnere, hoc solummodo dicens, Tu es rex. At ille uelociter ad conscientiam rediens, tanquam fidelis & idoneus seruus, culpam simpliciter cōfiteatur, & dicit, Peccaui domino: & propheta respondit, Et dominus transtulit peccatum tuum. Velox cōfessio, uelocior medicina. Facto peccauit, uerbo poenituit. Annuuit deus, & correctio facta est: uulnus apparuit, & sanitas rediit. Sed nō fuit his propheta contentus. Nam post correctionem, post poenitentiam, post peccatorum absolutionem, psalmum ob causam scripsit: ita ut etiam postera generationi fiat illius passio medicina, & illius naufragium sit alijs portus, & quibus ille uulneratus est & emendauit, alijs in hīdem incidentibus ipsa possint uti medicina, & emēdatione sanari. Fugiens Dauid Absalon filium suum, nudisq; pedibus incedens transgressus est torrentem Cedron, & cunctus populus cum eo, & peruenerunt usq; Baurim. Et ecce egressus Semei filius Gera de cognatione domus Saul, mittens lapides maledicebat regem, dicens, Egredere, egredere uir sanguinum & uir Belial. Quisquis fidelium diuinæ gratiæ illustratione cōpungitur, & sancto desiderio de imis ad summa supernæ contemplationis penna festinat, hæc gesta beati Dauid, & aliorum sanctorum præcedentiū patrum, ubi aliquid iniuste perpeffi sunt, ante mentis oculos ponat: atq; in eis se imitatione exercendo proficiat, & quod in præsentī titillat exitio, uel præteritorum malorum memoria reprimat, uel donorum præcedentium consolatione restinguat, uel etiam imitatione, ut dictum est, patrū præcedentiū retundat. Quod necesse est, ut sicut proposuimus, exemplis euidentioribus approbemus. Vt enim unum de multis loquar, quatenus studiosus lector multa in uno intelligat, quisquis uerborū contumelijs pressus cum uirtute patiētiā seruare non sufficit, Dauid factum ad memoriā reducat. Qui cum Semei tot conuitijs urgeretur, & armati proceres ulcisci contēderent, ait, Quid mihi & uobis filij Saruiæ? Dimittite eū ut maledicat. Dominus enim præcepit ei, ut malediceret Dauid. Et quis est qui audeat dicere, quare sic fecit? Et paulopost, Dimittite eum, ut maledicat iuxta præceptū d' mini, si forte respiciat dominus afflictionem meam, & reddat mihi bonum pro maledictione hac hodierna. Quibus profecto uerbis indicat, quia pro perpetrato Bersabeæ scelere, exsurgentem contra se filium fugiens, reduxit ad animum malum quod perpetravit, & cōtumeliosa uerba non tam conuitia, quàm ad-

De Dauid fugato per filium
um IX

iutoria credidit, quibus se purgari sibiq; misereri posse iudicauit. Tunc enim illata conuitia bene toleramus, cum in secreto mentis ad male perpetrata recurrimus. Leue quippe uidebitur, quod iniuria percutimur, dū in actione concipimus, quia peius est quod meremur. Sicq; fit ut contumelijs gratia, q̄ ira debeatur, quarum interuentu deo iudice poena grauior declinari posse confiditur. Illud uero quid significet, quod parricida filius Absalon patrē insequēs, primo pater eius declinans fugit ante faciem eius, securus de uictoria: qui aspicebat impium perire, quem etiam fleuit magno luctu, & deplorauit exitum parricidæ. Scribitur enim fugisse Dauid à facie bellantis aduersum se filij: & quoniam scriptum est de populo Hierusalem, Filios enutriui & exaltaui, ipsi autem contemnentes spreuerunt me: filius ipsius significatur tropice, idest populus Iudaicus, qui eum tradidit. Absalon autem, sicut quidam interpretantur, intelligitur patris pax. Quod mirum uidetur in historia, quemadmodum patris pax possit intelligi, qui patrem bello persequutus est. Sed qui diligenter ad allegoriam intendunt, inspicunt Absalon esse Hierusalem: quia etiam & ipsa, pax interpretatur, à cuius facie Christus fugit, quando eam patiendo deferens in gentibus per fidem successit. Alij Absalon, Iudam traditorem accipiunt, quem tanta & tam miranda patientia Christus pertulit tanquam bonum, cum eius cogitationes non ignoraret, cum adhibuit conuiuio, in quo corporis & sanguinis sui figuram discipulis commendauit & tradidit. Quod deniq; & in ipsa traditione osculum accepit, bene intelligi Christū pacem exhibuisse traditori suo, quāuis ille tam sceleratæ cogitationis interno bello uastaretur. Et ideo Absalon patris pax dicitur, quia pater habuit pacem, quam ille non habuit. Sed fortasse quis dicat, si Dauid imaginem Christi gerebat, quomodo multas uxores habuisse & concubinas scribitur, cum has res Christus & horrescat & damnet? Hoc enim in prophetia fiebat. Multæ enim uxores Dauid, multarum gentium & nationum imaginem indicabant, quæ per fidem Christi consortio iungerentur: concubinæ uero eius significant hæreticorū ecclesias, quæ sub Christi nominis titulo se manere gloriantur. Sed quia propter carnalia lucra Christum sectantur, non coniuges, sed concubinæ uocantur. Deniq; nunc reges si plures habeant uxores uel cōcubinas crimen est, quia iam transierunt figuræ, pro quibus uxorū uel concubinarū uenia concedebatur. At nunc quia figuræ trāsierunt, uenia nulla datur. Percusso Absalon cum redisset Dauid in Hierusalem, dixit Amasæ, ut congregaret omnes uiros Iuda in diem tertium, & constitueret eum principem pro Ioab. Qui moratus extra placitum, præcepit Dauid Ioab & Abisai, ut irent & apprehenderent Siba filium Bochri. Cumq; uenisset Ioab in Gabaon, Ioab tenuit manu dextra mentū Amasæ, quasi osculans eum, percussit eum in latere, & mortuus est.) Quid est quod Ioab Amasæ mentum manu dextra tenuit, & sinistram ad gladium latenter mittens, eius uiscera effudit: nisi hoc quod patēter datur intelligi? Dexteram namq; manu tenere, est quasi ex benignitate blandire: sed

sinistram

sinistram ad gladium mittit, qui latenter ex malicia percutit. Sequitur psalmus xvii. Et merito quæritur, cur solus iste psalmus in libris Regum reperiatur conscriptus. Nec immerito psalmus iste in Regum libris solus inuenitur, quia regnum illud significat, ubi aduersarium non habebimus. Titulus enim eius est, In die qua eripuit eum dominus de manu inimicorum eius, & de manu Saul. Quis enim figuratur in David, nisi ille qui uenit secundum carnem ex semine David? Qui utique in corpore suo, quod est ecclesia, adhuc patitur inimicos, unde illi persecutori quem uoce prostrauit, & in suum corpus transiens quodammodo manducauit, insonuit de coelo, Saule, Saule, quid me persequeris? Quando autem meretur eripi hoc corpus de manu inimicorum eius, nisi cum illa nouissima inimica destruetur mors, ut perueniat ad regnum dei? Diligam te domine, uirtus mea) Diligam te domine, per quem fortis sum. Domine firmamentum meum, & refugium meum, & liberator meus) Domine qui me firmasti, quia refugi ad te: refugi ad te, quia liberaasti me. Deus meus adiutor meus, & sperabo in eum) Deus meus qui mihi adiutorium prius uocationis tue prestitisti, ut sperare in te possim. Protector meus, & cornu salutis meae, & liberator meus) Protector meus, quia non de me presumpsi, quasi erigens aduersum te cornu superbiae: sed te ipsum cornu, hoc est firmam celsitudinem salutis inueni, quod ut inuenirem redemisti me. Laudans inuocabo dominum, & ab iniuriis meis saluus ero) Non meam gloriam, sed domini, quærens inuocabo dominum: & non erit unde mihi noceant iniquitatis errores. Circūdederunt me dolores mortis) Hoc est dolores carnis. Et torrentes iniqui conturbauerunt me) Turbae iniquae ad tempus commotae uelut flumina pluuialia cito desitura, egerunt ut conturbarent me. Dolores inferni circūdederunt me) In his qui me circūdederunt ut perderent, erant dolores inuidiae, qui mortem operantur, perducuntque ad infernum peccati. Preueniunt me laquei mortis) Preueniunt me ut priores nocere uellent, quod eis postea redderetur. Tales autem homines capiunt in perditionem, quibus mala persuaserint iactatione iustitiae, cuius non re sed nomine aduersus gentes gloriantur. Et in pressura mea inuocaui deum, & ad deum meum clamavi. Et exaudiuit de templo sancto suo uocem meam. Et clamor meus in conspectu eius) Et clamor meus, quem non in auribus hominum, sed coram ipso intus habeo, introiuit in aures eius. Et commota est & contremuit terra) Ita clarificato filio, commoti sunt & contremuerunt peccatores. Et fundamenta montium conturbata sunt) Et spes superborum quae in hoc fuerunt seculo conturbata sunt. Et commota sunt, quoniam iratus est eis deus. Ut scilicet iam fundamentum non haberet in cordibus hominum, spes temporalium bonorum. Ascendit fumus in ira eius) Ascendit lachrymosa deprecatio poenitentium, cum cognouissent quid minetur deus impijs. Et ignis a facie eius exardescit) Et flagrantia charitatis post poenitentiam de notitia eius exardescet. Carbores succensae sunt ab eo) Quia iam mortui erant deserti ab igne boni desiderii ac luce iustitiae, & frigidi tenebrosique remanserant, rursus accensi & illuminati reuixerunt.

Et inclinauit cœlum, & descendit) Et humiliavit iustū ut descenderet ad hominum infirmitatem. Et caligo sub pe.e.) Caligo ei sub pedib. est, quia non ea claritate ab inferiorib. cernit, quæ in superiorib. dominatur. Impij enim qui terrena sapiunt, caligine maliciæ suæ non cognouerunt eū. Terra enim sub pedib. eius, tanq̃ scabellū pedum eius. Et ascendit super Cherubin & uolauit) Cherubin quippe plenitudo scientiæ dicitur. Proinde super plenitudinē scientiæ ascēdisse & uolasse perhibet, quia maiestatis eius celsitudinē scientia nullā cōprehendit. Volauit ergo qui longe in altum ab intellectu nostro se rapuit, ut nemo ad deū perueniret, nisi per charitatē. Plenitudo enim legis charitas. Et cito se incomprehensibilē monstrauit dilectorib. suis, ne illū corporeis imaginationib. cōprehendi arbitrentur. Super Cherubin dñs ascendit & uolauit, quia super plenitudinē scientiæ quæ esse in hominib. potuit, incarnationis suæ gloriā exaltare dignatus est: ut hoc eius uolare, sit potētiae suæ mysterium ab intellectu humano subducere. Quantalibet enim plenitudine scientiæ uita spiritaliū fulgeat, apprehendere non ualet, quomodo factum sit, ut qui extitit conciperetur, & ante secula autor hominū, nasceretur homo in fine seculorum, deus caro, uerbū infans fieret. Vnde & recte illic additur, Volauit super penas uētorum) Quia uidelicet trāscendit omnes intellectus animarum. Vento quippe animā figurari pro uelocitate suæ cogitationis, non inconueniēter accipimus. Illa aut celeritas qua se incomprehensibilē esse monstrauit super uirtutes animarum est, quib. se uelut pennis, æternis timorib. in auras libertatis extollunt. Et posuit teneb. latibulū suum) Et posuit obscuritatē sacramētorum & occultam spem in corde credentium, ubi lateret ipse non eos deferens: quia dum caligine nostræ infirmitatis obscuramur, per ignorātiā nostram nobis abscondit, ne à nobis modo in eterna & firma claritate uideatur. In his etiam tenebris ubi per fidē adhuc ambulamus non per speciem, q̃diu quod non uidemus speramus, per patientiā expectamus. Quia uero autor noster nobis in hoc exilio deiectis, lucem suæ uisionis abstulit, sese nostris oculis quasi in tenebrarum latibula abscondit, quas nimirum cæcitatē nostræ tenebras cum studiose conspiciamus, mentem ad lamenta reuocamus. Flet enim cæcitatē quam foris patitur, si humiliter meminit quo de interiori lumine priuat. Cumq̃ tenebras quib. circūdatur respicit, per splendoris intima ardenti se desiderio affligit, omniq̃ intentionis nisu semetipsam concutit, & supernam lucem quam condita deseruit, repulsa quærit. Vnde fit plerūq̃ ut in ipsis pijs fletib. illa interni gaudiū claritas erumpat, & mens quæ in corpore prius cæca iacuerat, ad inspectionē fulgoris intimi superius uegetata conualescat. In circuitu eius tabernac. eius) Conuersi tamē ad ipsum ambiunt, qui credunt ei, quia in medio ipsorum est cum omnib. equaliter fauet, in quib. tanq̃ in tabernaculo habitat in hoc tēpore. Tenebrosa aqua in nu. aeris) Nec propterea quisq̃ in illa luce quæ futura est, cum ex fide ad speciē uenerimus, iam se esse arbitret, si scripturas recte intelligit. In pphetis enim atq̃ in omnib. diuini uerbi prædicatorib.

doctrina

doctrina obscura est, quia ante aduentum dñi dum occultis sacramētis grauidi in ministerijs mensam gestarent, intuentium oculi eorum intelligentia caligabant. Præ fulgore in consp. eius) In cōparatione fulgoris, qui est in cōspectu manifestationis eius. Nubes ipsius trāsierunt) Prædicatores uerbi eius non iam in Iudææ finib. continentur, sed transferunt ad gentes, & uniuerſa mundi spacia miraculorū claritate percurrunt. Grando & carb. ignis) Obiurgationes figuratas, quib. uelut grandine corda dura tundunt, si terra dura & mitis, id est pius animus exceperit, duricia grandinis in aquam, id est terror fulguratæ & quasi cōgelatæ obiurgationis, in doctrinā satiantem resoluitur, igne aut charitatis accēsa corda reuiuiscunt. Hæc omnia in nubib. ipsius ad gentes trāsierunt, quia uidelicet sancti uiri corda audientium & terrentes feriunt, & blandientes infundunt. Nam quēadmodum feriant, propheta testat, dicens, Virtutem terribilium tuorum dicent, & mag. tuam n. Et quēadmodum blandientes rigent, secutus adiunxit, Memoriam abundantiæ suauitatis tuæ eructabunt, & iustitia tua exultabunt. Et into. de cœlo dñs) Et euangelica tuba de corde iusti sonuit. Et altiss. dedit uocem suam) Ut haberemus eam, & in pfundo rerum humanarū audiremus cœlestia. Et emisit sagittas, & dissipauit eos) Et emisit euangelistas pennis uirtutū recta itinera transuolantes, non suis, sed eius à quo missi sunt, ut alijs essent odor uitæ in uitā, alijs odor mortis in mortem. Et coruscationes multiplicauit, & cōturbauit eos, & apparuerunt fontes aquarum) Et apparuerunt qui facti erant in prædicantib. fontes aquarum, salientium in uitā æternam. Et reuelata sunt fundamenta orbis terrarum) Reuelati sunt prophetae qui non intelligebant super quos ædificaretur orbis terrarum credens domino. Ab increpatione tua dñe) Clamatis, appropinquet super uos regnum dei. Ab inspiratione spiritus iræ t.) Dicentis, Nisi poenitentia egeritis, omnes similiter moriemini. Misit de summo, & accepit me) Vocando ex gentib. in hæreditatem gloriosam ecclesiam, non habentem maculam aut rugam. Assumpsit me de multitudine aquarū) Assumpsit me de multitudine populorum. Erui me de inimicis meis fortissimis) Erui me de inimicis meis, qui præualuerunt ad affligēdam & ad peruertendā istam temporālē uitam meam. Et ab his qui oderunt me, quoniā confortati sunt super me) Ab his qui oderunt me, quoniam conf. sunt super me, quamdiu sub ipsis sum ignorans deum. Præuenerunt me in die afflictionis meæ) Priores mihi nocuerunt in tēpore, quo mortale & laboriosum corpus gero. Et factus est dominus firmam. meum) Et quoniā amaritudine miseriarum firmamentum terrenæ uoluptatis contribulatum atq; conuulsum est, factus est dominus firmamentum meum. Et eduxit me in latitudinem) Et quia carnales patiebar angustias, eduxit me in spiritalem fidei latitudinem. Erui me quoniā uoluit me) Quoniam uol. me, anteq̃ illum ego uellem. Erui me de inimicis me. potentis.) Qui mihi inuidēt iam uolenti eum. Et ab his qui oderunt me) Quia uolo eum. Et retribuet mihi dominus secūdum iustitiam bonæ uoluntatis)

Qui prior præbuit misericordiā, anteq̃ haberem bonam uolūtatem. Et secundum puritatem manuum mearum retribuet mihi) Et secundum puritatem factorum meorum retribuet mihi, qui tribuit mihi ut bene facerem, educēdo me in latitudinem fidei. Quia custodiui uias domini) Vt latitudinem bonorum operum quæ per fidem sunt, longanimitas perseverantiæ consequatur.

Nec impie gessi à deo m. quoniam omnia iu. eius in c. m. sunt semper) Quoniam omnia iudicia eius, id est præmia iustorum, & pœnas impiorum, & flagella corrigendorum, & tentationes probandorum, perseveranti contemplatione considero. Et iustitias eius non repuli à me) Quod faciunt deficientes sub sarcina earum, & reuertētes ad uomitum suum. Et ero immaculatus coram eo, & ob. me ab in. mea. Et retribuet mihi d. secundū iu. meam) Itaq̃ non solum propter latitudinem fidei, quæ per dilectionē operatur, sed etiam propter longitudinem perseverantiæ retribuet mihi dominus secundum iustitiam meam. Et secundum purit. ma. mearum retribuet mihi in consp. oculorū eius) Non quod homines uident, sed in conspectu oculorū eius, quoniam quæ uidentur tēporalia sunt, quæ autē non uidentē æterna sunt, quō pertinet altitudo spei.

Cum san. sanctus eris) Est etiā occulta p̃funditas qua intelligeris, cū sancto sanctus eris, quia tu sanctificas. Et cū uiro in. innocēs e.) Quia nulli nocēs, sed criniculis peccatorū suorū unusquisq̃ cōstringit. Et cum electo el. e.) Et ab eo quē eligis eligeris. Et cū peruer. subuerteris) Et cū peruerso uideris peruersus, ob quod eis non faues, peruersus esse uideris, quoniam dicunt, non est recta uia dñi, & ipsorum uia non est recta. Quoniam tu populū humilem sal. facies) Hoc autē peruersum uidetur peruersis, quod cōfidentes peccata sua saluos facis.

Et oculos superborū humil.) Ignorantes autem dei iustitiā, & suam uolētes constituere, humiliabis. Quoniam tu illuminas lucern. m. dñe) Quoniam non est nostrum lumen ex nobis, sed tu illuminabis lucernā m. dñe. Deus m. ill. ten. meas) Nos enim in peccatis nostris tenebræ sumus, sed deus meus illuminabit ten. meas. Quoniam à te eripiar à tentatione) Quoniam non à me, sed à te eruar à tent. Et in deo meo transgr. murum) Et non in me, sed in deo meo transgr. murū, quem inter homines & cœlestem Hierusalem peccata erexerūt.

Deus meus immacul. uia eius) Deus meus non uenit in homines, nisi mudauerint uia fidei, qua ueniat ad eos, quia immaculata uia eius. Eloquia dñi igne exami.) Eloquia dñi igne examinationis probantur. Protector est om. speran. in se) Et omnes qui nō in seipsis, sed in illo sperant, eadem tribulatione non consumūtur: spes enim sequitur fidem. Quoniam quis deus præter dñm cui seruiamus? Et quis deus præter d. nostrū? Et quis deus præter dñm, quem post bonam seruitutem tanq̃ hæreditatē sperātes filij possidebimus? Deus qui præcinxit me uirt.) Deus q̃ præcingit ut fortis sim, ne defluētes sinus cupiditatis impediāt opera & gressus meos. Et posuit imma. uia m.) Et posuit imma. uia charitatis qua ad illū ueniā, sicut est immaculata uia fidei qua uenit ad me. Qui perfecit pedes m. tanq̃ cerui) Qui perfecit amorē meū ad transcenda

denda spinosa & umbrosa implicamenta huius seculi. Ceruos, spirituales uiros
 appellat, propter alacritatem uelocis cursus. Robustorum enim mētes in deo
 immobiliter fixæ tanto aduersa quæq; despiciunt, quanto cernunt quod con-
 tra præcepta cōditoris excrescunt. Aeternitatis quoq; præmia præstolātes, ui-
 res ex aduersitatibus sumunt; quia crescente pugna, gloriosorem sibi non am-
 bigunt manere uictoriam. Sic itaq; electorum desideria dum premuntur ad-
 uersitate proficiūt, sicut ignis flatu premitur ut crescat, & unde quasi extingui
 cernitur, inde roboratur. In eo namq; ostendimus, quanta ad deum cupidita-
 te flagramus, si non solum ad eum per tranquilla & mollia, sed etiā per aspe-
 ra & dura transimus. Bene ergo per Psalmistam dicitur, Qui perfecit pedes
 meos tanquam cerui. Ceruus enim cum montium iuga conscendit, quæq; as-
 pera, quæq; se obijciunt sentibus illigata, dato saltu transgreditur, etiam abs-
 q; ullo cursus sui obstaculo in superioribus eleuatur. Ita etiam electorū men-
 tes quæq; sibi in hoc mundo obistere atq; obuiare conspiciunt, contempla-
 tionis saltu transcendunt, & more ceruorum despectis terrenarum rerum sen-
 tibus in superna se euehunt. Et super excelsa statuit me.) Et super cœlestem
 habitationem figet intentionē meam, ut impleatur in omnem plenitudinem
 dei. Qui docet manus meas ad prælium.) Qui docet me operari ad super-
 randos inimicos, qui nobis intercludere regna cœlestia conantur. Et posuit
 ut arcum æreum brachia mea.) Et posuisti infatigabilem intentionem bono-
 rum operum. Et dedisti mihi protectionē salutis t. & dextera t. suscepit me.)
 Id est fauor gratiæ tuæ suscepit me. Et disciplina tua direxit me in finem) Et
 correctio tua me deuiare non sinens direxit, ut quicquid ago, in eum finem re-
 feram qui cohæret mihi. Et disciplina tua ipsa me d.) Et eadē correctio tua
 ipsa me docebit peruenire, quod direxi. Dilatasti gressus meos subtus me.)
 Nec impediunt carnales angustia, quoniā latam fecisti charitatē meam ope-
 rantem hilariter, etiam de ipsis quæ subter me sunt, mortalib. rebus & mem-
 bris. Et non sunt infir. uestigia mea) Et non sunt infirmata siue itinera mea,
 siue signa, quæ impressi ad imitandum sequentibus. Persequar inimi. meos
 & compr. illos) Persequar affectus carnales meos, ne ab eis comprehendar: sed
 apprehendam illos ut absumentur. Et non conuertar donec defi.) Et ab ista
 intentione non conuertar ad quietē, donec deficient qui obstrepūt mihi. Et
 confrin. illos, nec poterunt st.) Confringam illos, nec durabunt aduersum me.
 Cadent sub pedes m.) Dilectos illis præponam amores, quibus ambulo in
 æternum. Et præcinxī me uirtute ad bel.) Et constrinxisti fluentia desideria
 carnis meæ uirtute, ne in tali pugna præpedirer. Supplantaisti insurg. in me
 subter me) Decipi fecisti eos qui me insequēbātur, ut subter me fierent, qui su-
 per me esse cupiebant. Et ini. m. ded. mihi dorsum) Et inimicos meos conuer-
 tisti, & dorsum mihi eos fecisti esse, id est ut sequerentur me. Et odio ha. me
 disper.) Alios aut eorum qui in odio perdurarunt, disperdidisti. Clama. nec
 erat qui sal. fa.) Quis enim saluos faceret, quos tu non faceres? Ad dñm nec
 exau/

exaudiuit eos.) Nec ad quemlibet, sed ad dominum clamauerunt, nec exauditione dignos iudicauit, non recedentes à malitia sua. Et comminuam illos ut puluerem iuxta faciem uenti.) Et comminuam illos, aridi enim sunt non recipientes imbrem misericordiae dei: ut elati & inflati superbia, ab spe firma & inconcussa, tanquam terrae soliditate & stabilitate rapiantur. Ut lutum platearum delebo eos.) Per latas quam multi ambulant uias perditionis, luxuriantes, & lubricos delebo eos. Erues me de contradictionibus populi.) Erues me de contradictionibus eorum qui dixerunt, Si dimiserimus eum uiuum, seculum post illum abit. Constitues me in caput gentium. Populus quem non cognoui, seruiet mihi.) Populus gentium quem corporali praesentia non uisitaui, seruiuit mihi, neque oculis me uidit: sed recipiens praedicatorum meos, in obauditu auris obaudiuit mihi. Filij alieni mentiti sunt mihi.) Filij non mei dicendi, sed potius alieni, quibus recte dicebatur, Vos à patre diabolo estis, mentiti sunt mihi.

Filij alieni inu. sunt, & clau. à sem. suis.) Et tanquam uno pede debiles, quia uetus tenentes, nouum respuerunt. Filij alieni quibus ut renouaretur nouum testamentum attuli, in ueteri homine remanserunt. Claudii effecti sunt etiam in ipsa ueteri lege, potius suas traditiones sequentes quam dei. Calumniabantur enim de manibus non lotis, quibus tales erant semitae quas ipsi fecerant, & consuetudinem tribuerant, errando ab itinere praceptorum dei. Viuit dominus & benedictus d. m.) Secundum carnem autem sapere, mors est, uiuit dominus & bene. d. m. Et exaltetur deus salu. meæ.) Et non terrena consuetudine de deo salutis meae sentiam, sed aeternam ipsam salutem, in excelsis de illo sperem. Deus qui das uindictas mihi.) Deus qui uindicas me, subdendo sub me populos. Liberatore meus de inimi. m. iracundis.) Clamantibus, Crucifige, crucifige. Ab insurgentibus in me exal. me.) Ab insurgentibus in me Iudaeis exaltabis me, resurgentem à morte. A uiro iniquo erip. me.) A regno eorum iniquo erues. Propterea confitebor tibi, in g. domine.) Propterea per me tibi confitebuntur gentes domine. Et nomini tuo psallam.) Et latius innotescas bonis operibus meis. Magnificans salutes regis ipsius.) Deus qui magnificat, ut amabiles faciat salutes, quas eius filius dat credentibus. Et faciens misericordiam Christo suo.) Deus qui facit misericordiam Christo suo. Dauid, & semini eius usque in seculum.) Ipsi liberatori manu potenti, qui uicit hunc mundum, & eos quos credentes in euangelio genuit in aeternum. Quaecumque in hoc psalmo dicta sunt, quae ipsi domino non proprie, id est capiti ecclesiae congruere non possunt, ad ecclesiam referenda sunt. Totus enim Christus hic loquitur, in quo sunt omnia membra eius. Haec autem sunt uerba nouissima, quae dixit Dauid filius Isai.) Verba nouissima Dauid non finienda dicit, sed perficienda: non consumenda, sed quae cunctis fidelibus perfectionis plenitudinem conferant. Spiritus domini locutus est super me, & sermo eius per linguam meam.) Spiritum domini, spiritum sanctum dicit: sermo dei, Christus filius dei accipitur, ipse est enim Christus dei Iacob. Prauaricatores autem quasi spinæ

spinæ euellentur uniuersi. Præuaticatores Iudæi atq; hæretici, uelut spinæ de ecclesia quæ est terra uiuētium euulsi atq; incendio æterno cōbusti peribunt. Hæc nomina fortium Dauid: sedens in cathedra sapientissimus, princeps inter tres. Ipse est quasi tenerrimus ligni uermiculus, qui octingentos interfecit impetu uno. Non Iesbaa, ut quidam putant, sed ipse Dauid est dictus quasi tenerrimus ligni uermiculus, per quod uirtus simul bellica, & modesta uiri designatur ciuilitas: quia uidelicet sicut ligni uermiculus, tener quidem & fragilis toto suo corpore, necnon & permodicus apparet, nihilominus tamen fortissimum robur exedens consumit & corrosus reddit, unde & à terendo ligna terdonis nomen habet: sic ille affabilis omnibus domi & quietus atq; humilis uidebatur, & in certamine publico robustum se ac intolerabilem hostibus exhibebat. Absurdum non est, ut ij tres fortissimi Dauid & Eleazar & Sama, intelligantur trinitas, deus pater, & filius, & spiritus sanctus, ad quorum æqualitatem cæteri fortissimi non peruenerunt. Item ipse Dauid in prælio Philistinorum cum sitiens uersaretur in bello, & aquā quæreretur, Quis mihi potum dabit, ait, de lacu qui est in Bethlehem: & ad portas erat iter cisternæ, & Dauid interfusus hostibus, & media hostiliū cinxerat septa castrorum: præciderunt tres uiri multitudinem aduersariorum, & hauserunt aquam de lacu qui erat in Bethlehem, & obtulerunt regi bibēdam, sed rex noluit bibere, sed profudit illam domino, dixitq; Non contingat mihi hoc facere, ut sanguinem uirorum qui abierunt, exanimis bibam. Vicit ergo naturam, ut sitiens nō biberet, & exemplum de se præbuit, quo omnis exercitus tolerare sitim disceret. Quod si altius uelis spectare & introspicere mysterium, sitiebat Dauid, non aquam, quæ est in Bethlehem, sed oriundum in eadem Bethlehem ex uirgine Christum in spiritu præuidebat. Ergo uolebat bibere, non aquam fluminis, sed lauacrum ex latere Christi fluens: hoc est, non aquarum sitiebat elementum, sed sanguinem Christi. Vnde etiam non bibit oblatam aquam, sed domino fudit, significans se sitire sacrificiū, non naturæ fluentum, sed illud sacrificium in quo esset remissio peccatorū: illum sitire fontem æternum, nō qui periculis quæreretur alienis, sed pericula aliena deleret. In hoc facto cogitandum summopere est, quantum ad mores hominum pertinet, ut qui se illicita meminit commisisse, à quibusdam etiam licitis studeat abstinere, quatenus per hoc conditori suo satisfaciat: ut qui commisit prohibita, à semetipso abscidere debeat etiam cōcessa, & se reprehendat in minimis, qui se meminit in maximis deliquisse. Lex certe ueteris testamenti alienam uxorem concupisci prohibet, regi uero fortia iubere militibus uel aquam desiderare non poenali ter uetat. Et cuncti nouimus quod Dauid concupiscentiæ mucrone transfixus, alienam uxorem & concupiuit & abstulit, cuius culpam digna uerbera sunt sequuta, & malum quod perpetravit, per poenitentiae lamenta correxit. Qui quum longe post contra hostium cuneos se daret, aquam bibere ex cisterna ex desiderio uoluit, cuius electi milites inter cateruas aduersantium medias

De siti Dauid
XI

medias erumpentes, aquam quam desiderauerat illæsi detulerunt. Sed uir domini flagellis eruditus, semetipsum protinus cum periculo militum aquam se desiderasse reprehēdit, eamq̃ domino fundens libauit, sicut hic scriptum est. Libauit eam domino. In sacrificio quippe domini aqua effusa conuersa est, quia culpam concupiscentiæ mactauit per poenitentiam reprehensionis suæ. Qui ergo quondam concupiscere alienam coniugem nequaquā timuit, postea etiam quia aquam concupisset, expauit. Qui enim se illicita perpetrasse meminerat, contra semetipsum iam rigidus etiam à licitis abstinebat. Ad hanc aquam hauriendam irruerunt tres fortes, Abisai frater Ioab, & Banaías filius Ioiaðæ. Iste Banaías percussit duos leones Moab, & ipse descendit & percussit leonem in media cisterna diebus niuis. Quomodo sit factum, Iosephus narrat apertius: quia uidelicet cisterna fuerit nimium profunda, quæ tempore hyemis cum essent omnia niuib. plena, ipsa quoq̃ nimio niuiū aggestu fuerit coæquata: quā cum leo superueniens periculi nescius incidisset, ibidemq̃ conclusus grandi rugitu clamaret, accurrebāt homines uidere quid esset: & dum cum alijs ad tale spectaculū adueniret Banaías, desiliuit statim in cisternam, & aggressum medijs in niuib. percussit & interfecit leonem. Dehinc texitur catalogus uirorum fortium in figura sanctorum, qui fortitudine uirtutum boni operis & scientia diuinæ trinitatis fulti, non tantummodo seipsos ab hostibus malignis defendunt, uerum infirmos quoslibet protegent. Peccat post hæc Dauid populum numerando.) Præcepit enim Dauid Ioab, ut perambulare totum Israel, & afferret populi numerū. Et hoc ideo scriptura dicit, Quia furor domini cœpit irasci contra Israel. Quid in hoc facto aliud demonstratur, nisi quia sic pro qualitatibus subditorum disponuntur acta regentium, ut sæpe pro malo gregis etiam uiri boni delinquant in uita pastoris? Iste enim deo attestante laudatus, iste supernorum mysteriorum conscius Dauid propheta, tumore repentinæ elationis inflatus populum numerando peccauit, & tamen uindictam populus Dauid peccante suscepit. Cur hoc? Quia uidelicet secundum meritū plebis, disponuntur corda rectorum. Iustus uero iudex peccantis uitium ex ipsorum animaduersione corripuit, ex quorum causa peccauit. Sed quia ipse sua scilicet uoluntate superbiens, à culpa alienus nō fuit: uindictam culpæ etiam ipse suscepit. Nam ira sæuiēs quæ corporaliter populum perculit, rectorem quoq̃ populi intimo cordis dolore prostrauit: certum uero est, quod ita sibi inuicem & rectorum merita cōnectantur & plebeium, ut sæpe ex culpa pastorum, deterior fiat uita plebeium: & sæpe ex merito plebeium, mutetur uita pastorum. Sed quia rectores habent iudicem suum, magna cautela subditorum est, non temere uitam iudicare regentium. Neq̃ enim frustra per semetipsum dominus æs nummulariorum effudit, & cathedras uendendum columbas euertit: nimirum significans, quia per magistros quidem uita iudicatur plebeium, sed per semetipsum facta examinat magistrorum: quamuis etiam subditorum uitia, quæ à magistris modo uel dissimulantur, uel iudicari

De peccato
Dauid in po-
pulo numerā-
do XII

eari nequeunt, eius proculdubio iudicio referuantur. Igitur dum salua fide res
 agitur, uirtutis est meritum, si quicquid prioris est toleratur: debet tamen hu/
 militer suggeri, si fortasse ualeat quod displicet emendari: sed curandum sum/
 mopere est, ne in superbiâ transeat iustitiæ inordinata defensio: & dum recti/
 tudo incaute diligitur, ipsa magistra rectitudinis humilitas amittat: nec eum
 sibi præesse quisq; despiciat, quem fortasse contingit ut in aliqua actione re/
 prehendam. contra hunc tumore superbiæ, subditorum mens ad custodiam hu/
 militatis edomatur, si infirmitas propria incessanter atteditur. Nam uires no/
 stras ueraciter examinare negligimus, & quia de nobis fortia credimus, idcir/
 co eos qui nobis prælati sunt, districte iudicamus. Quo enim nosmetipsos mi/
 nus agnoscimus, eo illos quos reprehendere nitimur, plus uidemus. Singula
 hæc mala sunt, quæ sæpe à subditis in prælatos, sæpe à prælatis in subditos
 committuntur: quia & subditos omnes ij qui præsunt, minus quam ipsi sunt
 sapientes arbitrantur: & rursus qui subiecti sunt, rectorum suorum actiones
 iudicant: & si ipsos regimen tenere contingeret, se potuisse agere melius pu/
 tant. Vnde plerumq; fit ut & rectores minus prudenter ea quæ agenda sunt
 uideant, quia eorum oculos ipsa nebula elationis obscurat: & nonnunquam
 is qui subiectus est, hoc cum prælatus fuerit faciat, quod dudum fieri subiectus
 arguebat: & pro eo quod illa quæ iudicauerat perpetrat, saltem quia iudicauit
 erubescat. Igitur sicut prælatis curandum est, ne eorum corda æstimationis sin/
 gularis sapientiæ locus superior extollat: ita subiectis prouidendum est, ne sibi
 rectorum facta displiceant. Si autem magistrorum uita iure reprehenditur,
 oportet ut eos subditi etiam cum disciplina uenerentur. Sed hoc est solerter
 intuendum, ne aut quem uenerari necesse est, imitari appetas: aut quem imi/
 tari despicias, uenerari contemnas. Subtilis etenim uia tenenda est,

uia rectitudinis & humilitatis, ut sic reprehensibilia ma/
 gistrorum facta displiceant, quatenus subdi/
 torum mens à seruanda magiste/
 rij reuerentia non re/
 cedat.

INDEX CAPITVM

LIBRI TERTII



DE SENECTUTE Dauid, & successione Salomonis atq;	I
nomine eius	
De uisione quam uidit in Gabaon, & sapientia ei collata, &	II
iudicio duarum mulierum	
De eo quod scriptum est, quod Salomon tria milia parabol-	III
arum ædedit, & fuerint carmina eius quinque milia, disputaueritq; à cedro	
usq; ad hyssopum	III
Quomodo Iram rex Salomonem in opere templi iuuerit	III
Quot operarios Salomon in opere templi habuerit	V
De quali lapide templum sit factum	VI
Quando uel ubi templum sit factum	VII
Cuius mensuræ sit factum	VIII
De fenestris & tabulis eius per girum	IX
De ascensu & factura mediæ ac tertij tabernaculi	X
De laquearibus cedrinis	XI
De distincta mensura templi ipsius & oraculi	XII
Quod omnis domus sit cedro uestita & auro	XIII
Quod altare cedro & auro	XIII
De factura Cherubin	XV
Quod parietes sculpti & pauimentum sit auro uestitum	XVI
De ingressu oraculi siue templi	XVII
De atrijs domus domini	XVIII
Quot annis sit templum ædificatum	XIX
De columnis æreis	XX
De mari æreo	XXI
De basibus decem & luteribus	XXII
Quod in regione Iordanis facta sunt uasa domus domini	XXIII
De altari utroq;	XXIII
De mensis decem aureis domus domini	XXV
De decem candelabris	XXVI
De cardinibus ostiorum & perfectione domus domini	XXVII
Vbi uenerunt cuncti senes domus Israel ad regem Salomonem in Hierusa-	
lem, & tulerunt arcā de Sion, & tulerunt sacerdotes arcam fœderis domi-	
ni in oraculo tēpli: & post hæc dicit, quod eminerent uectes, apparerentq;	
summitates eorum foris sanctuarij ante oraculum	XXVIII
Dicit etiam, quod non esset aliud in arca testamenti, nisi duæ tabulæ lapideæ	
quas posuerat in ea Moyfes in Ore	XXIX
De nebula quæ apparuit in domo domini	XXX

De classe

De classe Salomonis atq; Hiram quæ ibant annis singulis in Ophir deferre aurum, simias, & pauos, & ligna thyina

XXXI

De regina Saba

XXXII

De throno Salomonis, & abundantia argenti & auri in Hierusalem.

XXXIII

De casu Salomonis & fine malo eius

F I N I S

DIVI EVCHERII LVGDVNENSIS

EPISCOPI COMMENTARIORVM IN LIBROS

Regum, ad Veranium & Salonium fratres

episcopos, Liber Tertius.



EN VIT Daud, ungiturq; Salomon in regem super Israhel in Gion, ut impleretur in illo illa promissio quæ facta est ad Daud, Non tu ædificabis mihi domum, sed filius tuus qui egredietur de utero tuo. In quo quidẽ futuræ rei imago facta est, in eo quod templũ ædificauit, & pacem habuit secundũ nomen suum. Salomon quippe interpretatur pacificus, ac per hoc illud uocabulũ illi uerissime congruit, per quem mediator ex inimicis, accepta remissione peccatorum, reconciliamur deo. Etenim cum inimici essemus, reconciliati sumus deo per mortem filij eius. Idem ipse est pacificus, ille qui fecit utraq; unum, & medium parietẽ soluens inimicitias in carne sua, legemq; mādatorum decretis euacuans, ut duos conderet in se unum nouũ hominẽ, faciens pacem his qui longe, & pacem his qui prope. Ipse in euangelio dicit, Pacem meam do uobis, pacem relinquo uobis. His & alijs multis testimonijs, dominus Christus pacificus esse mōstratur. Nam id quod ædificauit templum excellentissimum domino, & ibi Christum significat, qui ædificauit domum deo in cœlestibus, nō de lignis & lapidibus, sed de omnibus sanctis, hoc est fidelibus, quibus dicit Apostolus, Templum dei sanctum est, quod estis uos. Tribus nominibus uocatum fuisse Salomonem scripturæ manifestissime docent: pacificum, id est Salomonẽ; & Ididam, id est dilectum domini; & Coëleth, id est Ecclesiasten. Ecclesiastes autẽ Græco sermone appellatur, quĩ cœtum, id est ecclesiã congregat, quem nos nuncupare possumus Concionatorem, qui loquitur ad populum, & sermo eius non specialiter ad unũ, sed ad uniuersos generaliter dirigitur. Porro pacificus & dilectus domini, ab eo quod in regno eius pax fuerit, & eũ dominus dilexerit, appellatus est. Nam & psalmus XLIII, & LXXI, dilecti & pacifici titulo prænotatur, qui tametsi ad prophetiam Christi & ecclesiæ pertinentes, felicitatem & uires Salomonis excedant, tamen secundũ historiam, super Salomonem conscripti sunt. Abijt itaq; Salomon in Gabaon, & immolauit ibi holocaustũ domino, ubi apparuit ei dominus per noctem, & exaudiuit deprecationẽ quam postulauit,

De successio
ne Salomonis

I

De sapientiã
collata Salo
moni & iudi
cio eius II

gg 2

stulauit,

stulauit, deditq; ei sapientiam & scientiam, in tantum ut nullus ante similis illi
 fuerit, nec post illum surrecturus sit.) Post acceptam autem diuinitus sapien-
 tiam, mox turpium mulierum de causa iudicio tentatur. Vbi notandum quod
 postq; dominus erroris nostri tenebras, lucis suæ cognitiōe illustrat, mox ten-
 tationis aculeo uisitando probat: quia & accedendo corda nostra ad uirtutes
 prouehit, & recedendo concuti tentatione permittit. Si enim post uirtutū mu-
 nera nulla tentatione cōcuteretur, hoc iam se habere animus ex seipso gloria-
 retur. Vt ergo ea infirmitatis dona habeat, & infirmitatē suā humiliter agno-
 scat, per accessum gratiæ ad alta sustollitur, & per recessum quid ex seipso sit
 probatur. Quod bene nobis ex historia sacrae huius lectionis innuit, quia Sa-
 lomon & diuinitus accepisse sapientiam, & tamen post acceptam eandem sa-
 pientiam, meretricum statim pulsatus quæstione memoratur. Mox enim ut
 gratiam tantæ reuelationis accepit, certamē turpium mulierum pertulit: quia
 nimirum cum sæpe mentem nostram concessis uirtutib. respectus intimæ cla-
 ritatis illuminat, hanc protinus lubricæ cogitationes turbant: ut quæ suble-
 uata immenso munere exultat, etiam tentatione pulsata quid sit inueniat. Sic
 Helias & uisitatus desuper sermone cœlos aperuit, & tamen probatus subito
 infirmus per deserta fugiens nimium mulierē expauit: sic Paulus ad tertium
 cœlum ducitur, paradisi penetrans secreta considerat: & tamē ad semetipsum
 rediens contra carnis bellū laborat, legem aliam in membris sustinet, cuius rei
 bello fatigari spiritus lege dolet. Et post dationem ergo muneris idcirco deus
 hominē probat, quia & collato munere subleuat, & abstracto paululū, ipsum
 sibi hominem monstrat. Quod eousq; proculdubio patimur, donec de terra
 funditus & labe peccati ad promissæ incorruptionis substātiā reformemur.
 In isto iudicio Salomonis, ubi primū habuisse iudiciū inter duas mulieres de-
 scribitur de pietate certantes, quarum in una dilectio ardebat, in altera simula-
 tio subripiebat, Christi figura fuit: ubi improba plebs, scilicet synagogæ, uel
 hæreticorum, ueræ matris, hoc est ecclesiæ filium appetebat; quem nō ut refer-
 uaret, sed reuera ut interimeret, cupiebat. Sed sicut gladio Salomonis dirimē-
 te, ppriæ matris gemitu iste uerus repertus est partus: ita & spiritu Iesu Chri-
 sti docente, plerūq; hi qui à matre seducti & capti sunt errore hæreticorū, non
 nunq; merentur pro semetipsis gementem recognoscere ecclesiā matrem. Vnde
 satis conuenienter apparet, hanc mulierem hæreticorū uel synagogæ figura-
 rasse impietatē: qui & suos nequiter nutriendo interimunt, & alienos quousq;
 perdant illiciendo persuadent. Moraliter uero in hac sententia quid aliud per
 matres lactentium, nisi doctorū ordo? quid uero per earum filios, nisi discipu-
 lorum persona signatur? Nam magistri nimirum uigilantes quidem scientiā,
 sed uita dormientes, auditores suos quos per uigilias prædicationis nutriunt;
 dum quod dicunt facere negligunt, per somnū torporis occidunt: & negligē-
 do opprimunt, quos alere uerborum lacte uidebātur. Vnde plerūq; dum ipsi
 reprehensibiliter uiuunt, & habere discipulos uitę laudabilis nequeunt, alienos
 sibi

sibi attrahere conantur: quatinus dum bonos se habere sequaces ostendunt, apud iudicia hominum excusent mala quæ agunt, & quasi subditorum uitam mortifera negligētia tegant. Vnde & illic mulier quæ filiū extinxit proprium, quæsiuit alienum: sed tamen ueram matrem Salomon inuenit, quia uidelicet cuius fructus uiuat, uel cuius intereat, in extremo examine ira districti iudicis demonstrat. Vbi & illud solerter est intuendū, quod uiuens filius prius diuidi præcipitur, ut soli postmodū matri reddatur: quia in hac uita quasi partiri conceditur uita discipuli, dum ex illa nonnunquā alter apud deum meritum, alter apud homines laudē habere permittitur. Sed falsa mater eum quem non genuit, occidi non metuit: quia arrogātes magistri & charitatis ignari, si plenissimum nomen laudis ex alienis discipulis consequi nequeunt, eorum uitam crudeliter insequuntur. Inuidiæ enim face succēsi, nolunt alijs uiuere, quos se conspiciunt non posse possidere. Vnde & illic peruersa mulier clamat, Nec meus sit, nec istius. Vt enim diximus, quos sibi obsequi non uident, ad gloriam temporalem, eos alijs inuidēt uiuere per ueritatem. Vera autem mater satagit, ut eius filius saltem apud extraneā sit & uiuat, quia concedunt ueraces magistri discipulos, ut ex eorum discipulis alijs quidem magisterij laudē habeant, si tamen integritatē uitæ iisdem discipuli non amittant. per quæ pietatis uiscera uera mater agnoscitur: quia omne magisterium in examine charitatis approbatur, & sola totum recipere meruit, quæ quasi totum concessit: quia fideles præpositi pro eo quod ex bonis discipulis suis, non solum alijs laudem non inuident, sed utilitatem eis etiam prouectius exorant, ipsi & integros & uiuentes filios recipiunt, quando in superno examine ex eorū uita perfectæ retributionis gaudia consequuntur. Loquutusque est Salomon tria milia parabolas, & fuerunt carmina eius quinq; milia. Quid enim per tria milia parabolas, nisi plenitudo fidei in lege & euangelijs à Christo tradita designatur? Quæ dum tota multipliciter per allegoriæ sensum sub mysterio trinitatis differitur, quasi tria milia parabolarum nuncupantur. Carmina eius quinq; milia, pro quinq; sensibus corporis intelliguntur, quos qui in diuersis uirtutibus bene egerit beatus est, & per eos quasi quinq; milia carmina domino canit. Disputauit autem Salomō à cedro usque ad hyssopum. Cedri nomine, celsitudo gratiæ in electis accipitur, sicut & propheta testatur, dicens, Iustus ut palma florebit, & sicut c. quæ est in l.m. Hyssopus autem herba est humilis saxo hærens, qua signatur humilitas Christi. Redemptor quippe noster à cedro usque ad hyssopum disputauit, quia ab alta excellentia gloriæ cœli usque ad carnis humilitatē descendendo peruenit. Siquidē & cedri nomine prauorū superba elatio designatur, sicut per Dauid dicitur, Vox domini confringentis cedros. A cedro itaque Christus usque ad hyssopum disputat, quia ipse prauorum corda & humilium iudicat. Super ligna autem disputauit, dum in cruce pepēdit. Tunc enim in cedro seculi arrogātiā inclinauit, quam etiam ad hyssopi humilitatem, id est usque ad crucis stultitiā ac contemptibilem fidem deduxit. Sequitur dehinc historia

De parabolis,
carminibus,
& disputatio
nibus Salomo
nis III

Quomodo Hi
ram Salomo-
nem in opere
templi iuuit.

III

quādo Salomon aedificaturus domum dño quāsierit auxilium ab Hiram rege Tyri, qui erat amicus David omni tēpore, & cum ipso Salomone, postq̃ regno potitus est, pacē habere iam cōeperat, promptumq̃ mox ad adiuuandum se omnibus eius inuenerit animum, ita ut artifices illi & ligna & aurum, prout opus habebat, dederit, cuius beneficij gratia Salomon ei per annos singulos plurimos tritici & hordei choros, in cibum domui eius dabat. Nulli autem dubium quod Salomon qui interpretatur pacificus, & ipso nomine & serenissimo regni sui statu, illum significet de quo Esaias dixit, Multiplicabitur eius imperiū, & pacis non erit finis. Hiram uero qui Latine dicitur uiuens excelsē, credentes ex gentibus & uita simul cum fide gloriosos figuraliter exprimit. Neq̃ aliquid prohibet, quin Hiram, quia rex erat regaliquē potētia Salomonem in aedificio domus domini iuuabat, conuersos ad fidem ipsos rerum dominos typice denuntiet, quorum ope constat ecclesiam sapius adiutam ac nobiliter augmentatā, & eius hæreticos, schismaticos & paganos, principalib. erectos esse decretis. Petit ergo Salomon in opere templi auxiliū ab Hiram, quia cum ueniens in carne dominus dilectam sibi domum uidelicet ecclesiam aedificare disponderet, non de Iudeis tantūmodo, uerum etiam de gentib. adiutores operis elegit. Nā de utroq̃ populo ministros sermonis assumpsit. Misit Hiram Salomoni præcisa de Libano ligna cedrina & abiegna, quæ in domum dñi ponerentur: quia conuersa gentilitas misit ad dñm uiros quondam ad seculum claros, sed securi dominicæ increpationis de monte suæ superbiæ iam deiectos & humiliatos, qui ad normā euāgelicę ueritatis instituti, in aedificio ecclesiæ pro suo quicq̃ merito & tēpore collocarent. Misit etiā artifices, quia cōuersos ad uerā sapiētiā philosophos, qui gratia eruditionis populis quoq̃ regendis iure præponerētur, dño gentilitas obtulit: qualis ipsis apostolorum temporib. Dionysius Ariopagita, qualis deinceps doctor suauissimus & fortissimus martyr Cyprianus, aliq̃ plurimi. Misit & aurū quod in eadē significatione accipitur, quia nimirū uiros sapientia & ingenio præclaros ostendit: pro quib. oblationib. cunctis gentilitas à dño dona expectat gratiæ coelestis, triticū uidelicet uerbi dei, & oleum charitatis & unctionis atq̃ illuminationis spiritus sancti. Conuenit apte reb. ecclesiæ, quod auxilium operis sancti flagitans, ait ad Hiram Salomon, Præcipe igitur ut præcidāt mihi cedros de Libano, & serui mei sint cum seruis tuis. Serui quippe Hiram qui præcidebāt cedros Salomoni de Libano, doctores sunt electi de gentib. quorum officij est, eos qui in hoc mundo rebus & gloria lætabātur, à superbiæ fastu corrigendo sternere, atq̃ ad hoc secundū sui redemptoris eorū uota transferre, cum quib. uidelicet seruis erant & serui Salomonis, ac pariter memorato instabāt operi: quia primi doctores ex gentib. necesse habebāt ipsorū apostolorū, qui à dño didicerunt, eruditione in uerbo fidei institui, ne si absq̃ magistris docere inciperent, magistri existerent erroris. Idcirco etenim Salomon seruos Hirā cedere sibi uoluit ligna de Libano, quia doctiores erāt seruis suis ad cædendū: sed

idcirco

idcirco etiā seruos suos simul adesse uoluit, ut ostēderent cædentib, cuius mensuræ ligna fieri deberēt. Cuius rei figura in promptu est, quia nimirū apostoli certius uerbū euāgelij qui à dño audire nouerūt, sed gētiles ab errore cōuersi atq; ad ueritatē euāgelij transformati, melius ipsos gentiū errores nouerāt: & quo certius nouerūt, eo artificiosius hos expugnare atq; euacuare didicerunt. Paulus qdē sacramētū euāgelij quod per reuelationē didicerat melius nouit, sed Dionysius melius reuincere poterat falsa ethnicorū dogmata, quorū cum errorib, syllogismos à puero & argumēta cuncta nouerat. Cui sensui cōuenit apte quod sequit̃. Scis enim q non est in populo meo uir, qui nouerit ligna cædere, sicut Sidonij.) Nō enim erat in populo Iudæorū ubi dñs corporaliter præsens docebat, ullus uiroꝝ qui tam docte nosset refellere errores gētilium, q̃ ipsi ad fidem conuersi gentiles, & ex gentib, facti Christiani. Sidonij nāq; & Tyrj, quia gentiliū fuerunt populi, merito in figura gentiū accipiunt̃. Quod autem seruos suos Salomon noster in hoc opus miserit, in sequentib, mystico sermone designat̃, cum dicitur, Elegitq; Salomon operarios de omni Israël, & erat indictio xxx milia uiroꝝ, mittebatq; eos in Libanū x milia per menses singulos uicissim, ita ut duob, mensib, essent in domib, suis) Vbi primo notandum q non frustra Salomon operarios de omni Israël elegit, neq; erat ulla portio populi, de qua nō digni tanto opere uiri assumerētur: quia nimirū non nunc de una stirpe Aaron sacerdotes eligendi, sed de omni sunt ecclesia quærendi, qui ædificare domum dñi uel exemplo suo uel dicto sufficiant, & ubi cunq; inuenti fuerint mox in officium doctorum absq; ulla personarum acceptione promouendi: taleq; cum ad erudiendos infideles atq; in collegium ecclesiæ uocandos ordinantur, quasi ad cædendas in Libano materias tēpli uiri strennui atq; electi mittuntur. Equidem numerus xxx milia, quo n̄dem ligni cæsores censebantur, potest ad eorum figuram apte referri, qui in fide sanctæ trinitatis sunt perfecti, quod doctorib, maxime congruit. Verū quia xxx ita erant ordinata, ut dena milia per menses singulos operi suo instarent, magis denarij numeri sacramentum perpendere debemus. Dena namq; milia uiroꝝ de Israël ad cædenda ligna in opus domus domini mittuntur: quia qui cunq; doctores atq; insipientium eruditores sunt ordinandi, decem præcepta legis, & ipsi per omnia obseruare, & auditoribus suis debent obseruanda monstrare, sed & præmia in cœlis futura quæ denario solent figurari, & ipsi sperare, & auditorib, suis speranda semper intimare. Terni autem menses, quorum distantia singulis erat lignorum cæsoꝝ imposita, perfectionē trium uirtutum euangelicarū typice denūtiānt, eleemosynæ uidelicet, orationis, & ieiunij. Cum enim dixisset dominus in euāgelio, Attendite ne iustitiā uestram faciatis coram hominib, ut uideamini ab eis: in prosecutione eiusdē sententiæ non aliud q̃ eleemosynæ, orationis, & ieiunij, fecit mentionem, quæ non ad hominum ostētationem, sed ad solam interni inspectoris essent gloriā faciendā, alioquin à fructu æternitatis uacua manerent. Quib, uerbis aperte docuit, om

nes uirtutū fructus his tribus quasi ramis de una charitatis radice prodeuntib. insinuari. Per eleemosynā namq; comprehenduntur omnia quæ ad dilectionem proximi explemus beniuole in fratres operantes, per orationem omnia quib. per internā compunctionē nostro conditori coniungimur, per ieiunium omnia quib. nos à contagione uitiorū & illecebris seculi obseruamus, ut libera mente & corpore casto dilectioni ualeamus inhærere, & nostri conditoris & proximi. Et isti sunt tres menses operariorū templi. Nam quia mensis plenitudine dierū lunaris circuli perficitur, per illū plenitudo uirtutis cuiusq; spiritalis ostenditur, in qua mens fidelium à domino quotidiana illustratione quasi luna à sole respicitur. Vnus uero mensis quo ligna ad opus templi cædebātur, eleemosyna est, id est opera misericordiæ, quæ erga salutē proximi & in unitatem sanctæ ecclesiæ bene proficiēdo proueniant, docendo, castigādo, tēporalia bona impendēdo, uitæ exempla monstrando. Duo tamen reliqui menses quib. in domib. suis manere, ac suis sunt necessitatib. uacare permitti, oratio est & ieiunium, quib. præter ea quæ erga necessitatē fratrum foris operamur, nostræ salutis propriæ curam intus cōuersa ad dominū mente gerimus, & quoniam illi solum perfecte uel suæ uel fraternæ salutis curā gerunt, qui se in tuitione diuinæ gratiæ humiliter subdūt, recte sequit̃. Et Adonirā erat super huiusmodi indictione) Adoniram, qui Latine dicitur dñs meus excelsus, quem melius q̃ ipsum nomine insinuat dominū saluatorē. Et tunc Adonirā operarijs templi præponit̃, ut sua puisione rite ordinēt, quib. mensib. singuli ad operandū exeant, quib. denuo ad curandā domum suam redeāt, cum dominus & saluator noster mentes sanctorū prædicatorū sua familiariter illustratione informat ad discernendū, quando oporteat ædificādi ecclesiā opus inire prædicādo, uel alia pietatis officia præstando, & quando rursum cōueniat ad suā ipsorū conscientiam examinandā, quasi ad inspiciendā domū suam reuerti, & hāc orationib. ac ieiunijs superno inspectore ac uisitatore dignā reddere. Fuerunt itaq; Salomoni LXX milia eorum qui onera portabāt, & LXXX milia latomorum in monte, absq; præpositis qui præerant singulis operib. numero triū milium CCC præcipientium populo, & his qui faciebāt opus) Latomos dicit lapidū cæsores, Idem aut̃ lapidum cæsores, quod & lignorum figurate designant, hoc est sanctos prædicatores, qui mentes insipientium de labore uerbi dei exercent, & eas ab ea qua inquinati sunt turpitudine ac deformitate trāsmutare cōtendunt, ac regulariter institutos unitati fidelium, ædificio uidelicet domus dei aptos reddere curant. Quod autem & ligna & lapides in monte cādunt, & cæsa ac præparata utraq; materia ad montē domus dñi transfert̃, patet sensus q̃ omnes homines in monte superbiæ nati sumus, quia de præuaricatione primi hominis quam superbia fecit, originē carnis traximus. Quicunq; autē gratia dei præordinati ad uitā excidimur, catechisando & sacramēta fidei percipiēdo, de mōte superbiæ ad montē domus dñi transferimur, qui eruti de potestate tenebrarū ad arcem uirtutū, quæ est in unitate sanctæ ecclesiæ peruenimus. Notandum

De numero
operariorum
templi V

autem

autem quod iidem operarij ita erāt distributi, ut pars in monte lapides caderet, pars item onera portaret. Diuersa namq; sunt dona spiritus, & quidā maiorem dicendi ac proteruos arguendi constantiam habent, quidam mitiores ad consolandos pusillanimes & infirmos subleuandos existunt, quidam utriusq; uirtutis munere præditi ad opus domus domini conueniunt, quales fieri uoluit eos quibus loquitur Apostolus, dicens, Corripite inquietos, consolamini pusillanimes, suscipite infirmos, patientes estote ad omnes. Præpositi autem qui præerant singulis operibus, ipsi sunt conditores sacre scripturæ, quorum magisterio in omnibus erudimur, quomodo inscios docere & contemptores corripere, quomodo nos inuicem onera nostra portare, ut impleamus legem Christi, conueniat. Quanto autem quisq; plus in sustentandis proximorum necessitatibus, siue in castigandis eorum erratibus laborat: tanto certiora in futuro præmia, uel quietis animarum post mortem, uel beatæ corporum immortalitatis expectat. Vnde recte præfati operarij LXX milia & LXXX milia esse perhibentur: LXX uidelicet propter sabbatum animarum, septimus enim dies in sabbatum, id est requiem consecratus est: LXXX, propter spem resurrectionis quæ octaua die, id est post sabbatum in domino præcessit, & in nobis quoq; octaua die simul & ætate octaua, futura speratur. Præpositi autem erant tria milia trecenti, propter fidem nimirū sanctæ trinitatis, quam sancta nobis eloquia prædicant. Quod uero pro tribus milib. trecentis præpositis, in libro Paralipomenon tria milia sexcenti sunt scripti, ad eandem prorsus sublimiū uiro- rum perfectionem respicit. Nam quia in senario numero dominus mundi or- natum compleuit, recte in eo perfecta bonorum opera solent figurari. Et quia sancta scriptura cum fide ueritatis & iustitiæ opera docet habēda, recte præpositi operum templi tria milia & sexcenti fuisse perhibentur. Nec prætereun- dum quod hæc LXX & LXXX milia portantium onera & latomorum cum præpositis suis nō fuerunt de Israel, sed de profelytis, id est aduenis, qui moraban- tur inter eos. Scriptum namq; est in libro Paralipomenon: Numerauit igitur Salomon omnes uiros profelytos qui erant in terra Israel, post dinumeratio- nem quam dinumerauit Dauid pater eius, & inuenti sunt CL milia, & tria mi- lia sexcenti, fecitq; eos LXX milia qui onera portarent: & cætera. Profelyti aut uocabantur Græce, qui ex alijs nationibus progeniti, in fidem & consortium populi dei, accepta circūcisione transierunt. Fuerunt itaq; operarij domus do- mini de filijs Israel, fuerūt de profelytis, fuerūt de gentibus. De filijs uidelicet Israel xxx milia, qui ad præcidendas de Libano cedros missi sunt: de profe- lytis, isti de quibus loquuti sumus, lapidum cæsores: de gentibus, ipse Hiram & serui eius, qui cum seruis Salomonis ligna cædebāt de Libano. Omne igitur hominum genus per quos ædificanda erat ecclesia, in ædificatione templi præcessit. Iudæi nāq; profelyti & gentiles cōuersi ad ueritatē euangelij, unam eandemq; Christi ecclesiā, siue recte uiuendo, siue etiam docēdo construunt. Præcepitq; rex, ut tollerent lapides grandes preciosos in fundamentū tem- pli, &

De lapideus
templi VI

pli, & quadrarent eos.) Fundamentum templi nullum est aliud intelligendum mystice, quod illud quod ostendit Paulus, dicens, Fundamentum enim aliud nemo potest ponere, preter id quod positum est, Christus Iesus. Qui propterea recte fundamentum domus domini potest uocari, quia sicut ait Petrus, Non est aliud sub cœlo datum hominibus nomen, in quo oporteat nos saluos fieri. In quod fundamentum lapides grandes & preciosi ponuntur, cum præcipui factis ac sanctitate uiri familiari mentis sanctitate suo adhærent conditori, ut quo firmitus in illo spem suam ponunt, eo fortius aliorum uitam dirigere, quod est altitudinem portare sufficiant. Lapidem ergo qui in fundamentum templi ad portandum ædificium omne ponebatur, propriæ sunt prophetæ & apostoli, qui uerbum & sacramenta ueritatis siue uisibiliter siue inuisibiliter ab ipsa dei sapientia perceperunt. Vnde & nobis qui eorum uitam siue doctrinam studemus pro nostro modulo imitari, fundatos dicit Apostolus super fundamentum apostolorum & prophetarum. Sed & generaliter perfecti quicquid qui fideliter ipsi domino adhærere, & impositas sibi fratrum necessitates fortiter ferre didicerunt, hi possunt lapidibus gradibus ac preciosis indicari. Qui bene lapides primo quadrari, ac sic in fundamento poni iubentur. Quadratum namque omne quocumque uertitur, fixum stare consuevit. Cui nimirum figuræ corda assimilantur doctorum, quæ ita in fidei firmitate consistere didicerunt, ut nulla occurrentium rerum aduersitate, nec ipsa etiam sua morte à sui status rectitudine possint inclinari, quales uidelicet doctores ecclesia non solum de Iudæa, uerum etiam de gentibus per plures suscepit. Vnde bene de lapidibus huiusmodi grandibus preciosis & quadratis subditur, Quos dolauerunt cæmentarii Salomonis & cæmentarii Hiram) Dolantur namque lapides preciosi, cum electi quicquid præcedentium sanctorum instructione & instantia, quicquid in se habent noxium & inane relinquunt, atque ante conspectum sui conditoris, solam insitæ iustitiæ regulam, quasi stabilem quadraturæ formam ostendunt. Dolauerunt autem lapides non solum cæmentarii Salomonis, sed etiam cæmentarii Hiram: quia ex utroque populo fuerunt doctores sanctæ ecclesiæ, immo tam sublimes ex utroque dei populo fuerunt nonnulli, qui ipsorum quoque doctorum sublimium iure doctores existerent, & quasi quadrantes eos ad subleuandum domus domini ædificium pararent. Neque enim soli Hieremias & Esaias, & cæteri ex circūcisione prophetæ, uerum etiam beatus Iob cum filiis suis, qui erant ex gentibus, maximam uitæ suæ patientiæ formam, maxima doctrinæ salutaris præconia sequentis æui doctoribus ministrarunt, quo abiectis uerbis, actibus, cogitationibus, superuacuis, ad portandum onus sanctæ ecclesiæ digni & apti inuenti sunt. Porro Bybli præparauerunt ligna & lapides ad ædificandum domum domino. Byblus est ciuitas in Syria Phœnicis, à qua Bybli sunt uocati, cuius meminit Ezechiel, dicens, Sapientes tui Tyri facti sunt: gubernatores tui, senes Bybli & prudentes eius. Pro quo in Hebræo continetur Gobel, siue Gebal, qui interpretatur definiens siue determinans. Quod uocabulum conuenit eis, qui corda hominum ad ædificium spiritale, quod ex uirtutibus

tutibus animæ construitur, parant. Sic enim solū suos auditores fidem & opera iustitiæ docere sufficiunt, dū ipsi prius sacris paginis edocti, diligenter quæ sit fides tenenda, quo uirtutum calle incedendū, certa diffinitione ueritatis didicerunt. Nam frustra sibi officium doctoris usurpat, qui dissertationē fidei catholicæ ignorat. Neq; sanctuariū domino, sed ruinam sibi ædificant, qui docere alios regulam quam ipsi non didicerunt conantur. In ædificanda domo domini, primo sunt ligna & lapides de monte cædendi: quia eos quos in fide ueritatis instruere quærimus, primo necesse est ut renūtiare diabolo, ac de sorte primæ præuicationis in qua nati sunt, doceamus renascēdo etui. Deinde quærendi sunt lapides preciosi & grandes, atq; in fundamentum templi ponendi, ut meminerimus abdicata conuersatione priori, eorum uitam in omnibus moresq; inspicere, eosq; nostris auditoribus imitandos proponere, quos per uirtutē humilitatis spiritaliter domino adhærere nouerimus: quos inuincibili mentis stabilitate, quasi quadratos quodammodo atq; ad omnes tentationū incursum immobiles perdurare conspiciamus, quos preciosos & grandes merito hac fama comperimus. Post fundamentum uero talibus ac tantis lapidibus compositum ædificanda est domus, præparatis diligēter lignis ac lapidibus, ac decetī ordine collocatis, quæ olim de prisco suo statu uel radice fuerant abstracta: quia post prima fidei rudimēta collocata in nobis iuxta exemplum sublimium uirorum humilitate, addēdus est in altum paries bonorum quasi superimpositis sibi inuicem ordinibus lapidum, ambulando ac proficundo de uirtute in uirtutem. Vel certe lapides fundamenti grandes, preciosi, quadrati, primi sunt (ut supra diximus) ecclesiarum magistri, qui ab ipso domino uerbum audierunt salutis. Superpositi autem ordines lapidū uel lignorum, sequētes suo quosq; tempore designant sacerdotes ac doctores, quorum uel prædicatione ac ministerio fabrica crescit ecclesiæ, uel ordinatur uirtutibus. Quales autem colore fuerint lapides, quib. factum est templū, in libro Paralipomenon aperte declaratū est, dicente Dauid ad Salomonem cum ei impenfas templi quas præparauerat ostenderet: Omnem preciosum lapidē & marmor Parium abundantissime præparauī. Marmor autē Parium, marmor candidum dicitur, quale eadem insula gignere consueuit. Vnde poeta de illa, Olearon, niueamq; Paron, sparsasq; per æquor Cycladas, & crebris legimus freta concita uentis. Niuea ergo Paros dicitur, eo quod candidissimi generis marmor mittat. Est autem una de Cycladibus insula, quo uidelicet lapide templū fuisse factum, Iosephus insinuat, dicēs, Eleuauit itaq; templum usq; ad cameram, ex lapide constructum albo. Altitudo fuit uiginti cubitorū, & cētum. Nec mysterij sensus in abdito est. Cuius enim patet, quia marmor candidū ex quo domus domini constructa est mundam electorum actionem, simul & conscientiam ab omni næuo corruptionis castigatam designat, quales uoluit esse sapiens ille architectus, eos quos super fundamentum Christi locabat lapides preciosos, auro argentoq; redimitos.

*Quando uel
ubi templum
sit factū VII*

Charissimi, inquit, mundemus nos ab omni inquinamento carnis & spiritus, perficientes sanctificationem in timore dei. Factum est igitur quadringentesimo & octogesimo anno egressionis filiorum Israel de terra Aegypti, in anno quarto, mense Zio, ipse est mensis secundus, regis Salomonis super Israel, & ædificare coepit domum domino.) Domus domini quam ædificauit rex Salomon in Hierusalem, in figura facta est sanctæ uniuersalis ecclesiæ, quæ à primo electo usq; ad ultimum, qui in fine mundi nasciturus est, quotidie per gratiam regis pacifici sui, uidelicet redemptoris ædificatur: quæ partim adhuc peregrinatur ab illo in terris, partim euasis peregrinandi erūnis, cum illo iam regnat in coelis, ubi peracto ultimo iudicio tota est regnatura cum illo. Ad hanc domum pertinent electi angeli, quorum nobis similitudo in futura uita promittitur, dicente domino, Illi autem qui digni habentur seculo illo & resurrectione ex mortuis, neq; nubunt, neq; ducunt uxores. Neq; enim ultra mori poterunt, æquales enim angelis sunt, & filij sunt dei, & filij resurrectionis. Ad hanc pertinet ipse mediator dei & hominum, homo Christus Iesus, ipso attestante cum ait, Soluite templū hoc, & in tribus diebus excitabo illud. Quod exponens euangelista subiunxit, Hoc autem dicebat de templo corporis sui. Dicit autem Apostolus de nobis, Nescitis quia templum dei estis, & spiritus dei habitat in uobis: Si ergo ille templum dei per assumptam humanitatem factus est, & nos templum eius per inhabitatē eius spiritum efficimur: constat utiq; quia figuram omnium nostrum, & ipsius domini uidelicet, & membrorum eius, quæ nos sumus, templum illud materiale tenuit: sed ipsius tanquam lapidis angularis singulariter electi & preciosi in fundamento fundati: nostri autem tanquā lapidum uiuorum superædificatorum super fundamentum apostolorum & prophetarū, hoc est super ipsum dominum. Quod melius cōsiderata ex ordine ipsius templi ædificatione patebit, ut in quibusdam uidelicet figura ad ipsum dominum, in quibusdā uero ad omnes electos pertineat: in quibusdam intemeratam in coelis angelorum felicitatem, in quibusdam inuictam in terris hominum patientiam describat: in quibusdam collata hominibus angelorum auxilia, in quibusdam remunerata cum angelis hominum certamina demonstret. Designat eādem domum domini spiritalem, etiam tabernaculum quondam factum in eremo per Moysen. Verum quia illa domus in itinere quo ad terrā repromissionis ueniebatur, hæc autem ædificabatur in ipsa terra repromissionis, & in ciuitate Hierusalem: illud ut de loco ad locum crebro Leuitarum ministerio portatum, tandem in terram repromissæ hæreditatis induceretur, hæc ut mox in patria ipsa & in ciuitate regia constructa, inuiolabili semper fundamento consisteret, donec inditum sibi figurarum cœlestium munus impleret: potest in illa præsentis ecclesiæ labor & exilium, in hac futura quies & beatitudo figurari. Vel certe quia illa à solis filiis Israel, hæc autē à profelytis etiam & gentibus facta est, possunt in illa principaliter patres ueteris testamenti, & antiquus ille dei populus: in hac autē congregata

gregata de gentibus ecclesia figuraliter exprimi: quamuis ædificium utriusque domus enucleatius spiritali sensu discursum, & labores præsentis ecclesiæ quotidianos, & præmia in futuro perennia, gaudiaque regni cœlestis, & electionem primæ de Israel ecclesiæ, & salutem omnium gentium in Christo, multis modis ostendatur insinuare in figuris. Quod autem dicit in anno quarto, mense Zio, ipse est mensis secundus regis Salomonis super Israel, ordo sensus est: In anno quarto regis Salomonis, mense Zio, ipse est mensis secundus: mensē autem secundum maium dicit. Nam Aprilis quo pascha celebratur principium, apud Hebræos primus erat in mensibus anni. Ex quo manifeste claret, quia mox peracto pascha, cœpit ædificare domum domino, & consecratus mystica solennitate populus, manus ad mysticū opus misit. Fit autem commemoratio egressionis de Aegypto, quando tabernaculū ædificari cœptum est, ut admoneatur lector, quot annorum tempus inter ædificationem utriusque domus transierit, & huius quoque summæ temporis sacramentum spirituale cognoscat. Quater namque centeni & uiceni quadringentos & octoginta faciunt: quatuor autem euangelicæ perfectioni apte conueniunt propter ipsum Euangelistarum numerū: CXX, doctrinæ legali propter annos totidem legislatoris: in quo etiam numero uirorum gratiam spiritus sancti primæque suscepit ecclesia, patenter ostendens, quia qui lege legitime utuntur, id est, qui Christi in ea gratiam cognoscentes amplectuntur, iure spiritus eius gratia replentur, quia in charitate eius amplius ignescunt. Diximus autem per tabernaculum quod fecit Moyses & filij Israel in deserto synagogam, per templum uero quod Salomon & filij Israel cum proselytorum & gentilium auxilio construxit, ecclesiam gentium posse designari.

Permanit autē cultus & religio tabernaculi, annos CCCC & LXXX, ac sic templum ædificari incipit: quia scriptura ueteris testamenti tanta perfectione redundat, ut si quis eam bene intellexerit, cuncta in se noui testamenti mysteria contineat: patres quoque ueteris testamenti tanta perfectione arcem perfectionis tenuerūt, ut in nullo apostolis uirisque apostolicis putandi sint esse minores. Permanebat tabernaculum usque ad constructionem templi in populo dei per annos CCCC, & LXXX, id est CXX per quatuor multiplicatos: quia ex tempore datæ legis usque ad incarnationem dominicam, & tempus reuelatæ gratiæ, non defuerunt uiri qui in lege constituti euangelicam per omnia perfectionem mente & opere seruarent: non defuit scriptura quæ gratiam noui testamenti, in ueteri prophetis intimaret eloquijs. Quod autem quarto anno regis Salomonis ædificari cœpta est domus domini, potest eò referri mystice, quod post expletam dispensationem dominicæ incarnationis, quæ in quatuor euangelij libris scripta est, misso de cœlis spiritu sancto ecclesiæ structura cœperit: & quod mense secundo cœpta est, potest ad electionem gentium referri, quæ secundo loco post Israel ædificationem in se suscepit creatoris. Vnde & secundus mens in lege con-

cessus est ad faciendum pascha, his qui immundi super anima uel in uia procul positi, ad faciendū in primo mense pascha occurrere nequirent. Vbi nos apertissime designati sumus, qui immūdi super morte animæ nostræ, & procul adhuc positi à populo dei, nō potuimus primum pascha facere, quod in carne agni & sanguine fiebat. Celebramus autē hoc pascha secundū, quod in corpore & sanguine redemptoris nostri, à quo quæsitī sumus & mundati, actum est. In quo autem loco templum sit ædificatum manifestius in libro Paralipomenon ostenditur, ubi scriptum est, Et coepit Salomon ædificare domum domini in Hierusalem in monte Moria, qui demonstratus fuerat Dauid patri eius, in loco quē parauerat Dauid in area Ornā Iebusei. Aedificatur ergo domus domini in uisione pacis, quia dilatata per orbem ecclesia in una eademq; fide & ueritatis catholicæ societate consistit. Nam in scissura mentiū deus non est, sed factus est in pace locus eius, & habitatio eius in Sion. Aedificatur in monte, uidelicet in ipso domino saluatore, de quo Isaias ait. Et erit in nouissimis diebus præparatus mons domus domini in uertice montium. Et ipse de se in euangelio. Non potest, inquit, ciuitas abscondi super montem posita. Ipse enim est mons montiū, qui de terra quidem per originem carnis assumptæ ortus est, sed omnium terrigenarum potentiæ ac sanctitatē singularis culmine dignitatis transcendit. In quo nimirum monte ciuitas siue domus domini constructa est, quia si non in illo radicem figat, spes & fides nostra, nulla est. Qui recte mons Moria uocatur, id est, uisionis, quia electos suos quos ad æternam suæ claritatis uisionem cōseruat, in hac interim uita laborantes uidere & adiuuare dignatur. Ipse est enim locus, in quo obtulit Abraham Isaac filium suum domino, ac deuotione obedientiæ uideri ab illo meruit. Vnde & nomen accepit, de quo dominus ait. Tolle filium tuum unigenitum, quem diligis Isaac, & uade in terram uisionis, atq; offer eum in holocaustum. Pro terra uisionis, in Hebræo terrā Moria habet. Et quia immolatio Isaac typus dominicæ passionis extitit, recte in loco eiusdem immolationis templum ædificatur, quia per fidem & mysterium dominicæ passionis ecclesia dedicata, crescit in templum sanctū in domino. De quo monte bene subditur, Qui demonstratus fuerat Dauid patri eius. Ostensus namq; fuerat Dauid, sicut & cæteris prophetis uenturus in carne dominus, qui uocatam de gentibus ecclesiam, per sacramenta eiusdem suæ incarnationis ablueret à peccatis, atq; in domum sibi fidelem dilectamq; consecraret. Bene autem additur, in loco quem parauerat Dauid. Parauerat namq; Dauid psallendo, parauerunt alij prophetae uaticinando locum domino, uero utiq; Salomoni, in quo domum ædificaret, quia corda auditorum suorum fide ueritatis instituerunt, sedulo admonentes, ut uenientem in carne dei filium fideli ac deuota mente susciperēt. Hinc & enim dominus de paratis ad credendum sibi populis, ait discipulis, Leuate oculos uestros, & uidete regiones, quia albæ sunt iam ad messem; & qui metit mercedem

cedem accipit, & congregat fructum in uitam æternā, ut qui seminat simul gaudeat, & qui meret. Quasi alijs uerbis de ædificatione templi diceret. Leuate oculos uestros, & uidete locum, quia paratus est iam ad ædificandum domum domini, & qui ædificat, docendo mercedem accipit, & congregat lapides preciosos in uitam æternam: ut & qui parat locum ædificio simul gaudeat, & qui ædificat, id est, propheta prædicens uenturum, & Apostolus uenientem prædicans dominum, una simul in illo mercede potiantur. Bene autem idem locus in area erat Ornan Iebusei, quia ecclesia uocabulo areæ solet designari, dicente Ioanne de domino, cuius uentilabrum in manu sua, & per mundabit aream suam. Ornan qui interpretatur illuminatus, & erat natione Iebuseus, natione quidem gentiles significat, nomine autem eosdem illustrandos à domino atq; in filios ecclesiæ cōmutandos ostendit, quibus merito dicat Apostolus. Fuiſtis aliquando tenebræ: nunc autem lux in domino. Iebus eadem est ciuitas, quæ & Hierusalem. Et Iebus quidē dicitur conculcata. Hierusalem autem uisio pacis. In qua quamdiu Ornan gentilis regnabat, Iebus dicta est: cum uero in ea Dauid locum holocausti emeret, & cum Salomon in ea templum domino ædificaret, non iam Iebus, sed Hierusalem uocata est: quia nimirum gentilitas quamdiu diuini cultus nescia perdurabat, conculcabatur, & illudebatur ab immundis spiritibus, simulachrum prout ducebatur sequens: cum uero illam gratia sui conditoris respexit, continuo pacis in se & locum inuenit & nomen, dicente de ipsa domino: Beati pacifici, quoniam filij dei uocabuntur. Cum ergo Ornan in hac cinitate regnum adhuc haberet, Iebus uocabatur: at cum locum areæ suæ cum bubus ac tribulis uenderet Dauid regi, nomen Hierusalem accepit: quia persistens in sua adhuc obstinatione gentilitas, conculcabatur quasi uilis & abiecta à malignis spiritibus. Porro cum omnia sua uendere, ac uero regi offerre dicit, non ultra conculcari à dæmonibus ac uitijis potuit, sed internæ pacis quam cum suo conditore haberet, magis composita effecta est. Domus autem quam ædificabat Salomon domino, habebat L x cubitos in longitudine, & x x cubitos in latitudine, & x x x cubitos in altitudine. Quod in constructione templi dicitur in libro regum, quia habebat x x x cubitos in altitudine, cum in libro Paralipomenon scriptū sit, porro altitudo C x x cubitorum erat, nequaquam discrepare, sed utrumq; uerum esse noscendū est. Nam ut Iosephi refert historia, x x x erant cubiti à pauimento usq; ad medium coenaculum, x x x rursus à medio usq; ad tertium, quo usq; porticorum quæ templo ab australi & occidentali & septentrionali latere cohærebant, altitudo pertingebat, id est simul L x: deinde alij L x usq; ad supremū domus tectum. Ita q; tota eius altitudo, C x x cubitis implebatur. Longitudo autem domus, longanimitatem designat sanctæ ecclesiæ, quæ in exilio peregrinationis huius patienter aduersa quæq; tolerat, donec ad patriam, quam expectat perueniat. Latitudo insinuat charitatem, quæ dilatato sinu

*De mensura
templi. viii*

mentis non solum amicos in deo, sed & inimicos gaudet diligere propter deum, donec ueniat tempus, quando siue ad pacem suam conuersis siue funditus extinctis, cum solis gaudeat amicis in deo. Altitudo spem denuntiat futuræ retributionis, cuius intuitu libenter infima quæq; siue quæ demulcent, seu quæ aduersantur contemnit, usq; dum utrisq; transcens, sola mereatur uidere bona domini in terra uiuentium. Vnde apte longitudo domus, sexagenario cubitorum numero comprehenditur: senarius namq; numerus, in quo mundus factus est, perfectionem solet designare bonorum operum. Et necesse est nos ita per longanimitatem molestias ferre nostræ peregrinationis, ut merito bonæ operationis, promissam patriam cum apparuerit ualeamus intrare. Latitudo uicenario numero determinatur, propter geminam eiusdem charitatis, qua deum & proximum amamus, distantiam. Altitudo tricenarij propter fidem sanctæ trinitatis, quæ unus est deus, in cuius uisione cuncta spei nostræ desideria suspenduntur. Sex ergo ad operis perfectionem, duo ad dilectionem dei & proximi, tria pertinent ad spem diuinæ uisionis. Singuli autem numeri recte per x multiplicantur, quia non nisi per fidem & custodiam decalogi legis uel patientia nostra salubriter exercetur, uel charitas utiliter accrescit, uel spes sublimiter ad æterna desideria raptatur. Et porticus erat ante templum xx cubitorum longitudinis iuxta mensuram latitudinis templi, & habebat x cubitos latitudinis ante faciem templi. De hac porticu in libro Paralipomenon ita scriptum est. Porticus uero ante frontem quæ tendebatur in longum iuxta mensuram latitudinis domus, cubitorum xx. Patet ergo quia porticus hæc ad orientalem templi partem facta est. Templum namq; conuersum erat ad orientem sicut & tabernaculū, habebatq; ostium porticus ante ostium templi, iuxta quod historicus Iudæorum Iosephus apertissime docet, ita ut sol æquinoctialis oriens directis radiorum suorum lineis per ostia tria, portici uidelicet & templi & oraculi arcam testamenti perfundere posset. Quia uero templum sanctam ecclesiam designat, porticus quæ erat ante templum & prior lumen solis accipere solebat, quid aptius quam illam eius partem, quæ dominicæ incarnationis tempora præcessit, typice denūtiat: in qua sunt patriarchæ & prophetæ, qui orientem huic mundo solem iusticiæ susceperunt primi, & nascenti domino in carne testimonium siue uiuendo, siue prædicando, siue nascendo, seu etiam moriendo præbuerunt. Ostium ergo templi dominus est, quia nemo uenit ad patrem, nisi per ipsum, & qui alibi dicit, Ego sum ostium, per me si quis introierit, saluabitur. Ostium porticus sermo propheticus est, qui quasi recto calle ingredientibus ad ostium templi perducebat, & gratiā domini saluatoris, qua mundum erat redempturus prædicabat. Factura ergo porticus tota, fideles illius temporis signat. Ostium uero in porticu, doctores qui cæteris lucem uitæ ianuamq; intrandi ad dominum pandebant exprimit. Et bene unū ostium, propter consonam in omnibus sanctis fidem ac dilectionem ueritatis.

Quæ

Quæ uidelicet porticus iuxta latitudinem templi xx cubitis longa erat, quia nimirum antiqui iusti multa diu patientia & longanimitate expectabant, quando apparens in carne dominus, nouam euangelij gratiam mundo afferret, non acceptis ipsi promissionibus, sed à longe eas aspicientes & saluantes. Aequabant ergo longitudine sua latitudinem templi, quia per longanimitatem mentis deuotæ desiderabant uidere dilatationem ecclesiæ in charitate dei, quæ est in Christo Iesu domino nostro. Qui quamuis tempore adhuc fuerint à sacramentis dominicæ incarnationis separati, fide tamen ac prædicatione fuerunt proximi. In huius sacratissimæ porticus prima fronte fuerunt beatus protomartyr Abel, & Seth & Enos, cæteriç iusti mundi originalis. In intimo autem penitrali & quasi prope murum templi mysticum, obtinuerunt locum parentes beati præcursoris domini, Simeon & Anna, cæteriç qui & si natiuitatem eius uidere meruerunt, ad auditionem tamen doctrinæ eius, & ad perceptionem sacramentorum eius peruenire nequie-runt. Quæ bene porticus decem cubitis erat lata, quia tales & si nec dum uerba siue mysteria euangelij, quæ erant per dominum tradenda receperunt, præcepta tamen decalogi quæ perceperunt perfecta dilectione dilatati in domino seruabant. Fecitç in templo fenestras obliquas. Fenestræ templi doctores sunt docti, & spirituales quicq; in ecclesia, quibus mente excedenti-bus deo, arcana secretorum cœlestium specialius cæteris uidere conceditur, qui dum ea quæ in occulto uident, publice fidelibus pandunt, quasi suscep-to lumine solis fenestræ cuncta templi penetralia replēt. Vnde bene eadem fenestræ obliquæ, id est, intus latiores & foris angustiores fuisse perhibētur, quia nimirum necesse est ut quisquis iubar supernæ contemplationis uel ad momentum percepit, mox sinum cordis amplius castigando dilatet, atq; ad maiora capeffenda solerti exercitatione præparet. Et ædificauit super parietem templi tabulata per gyrum, & in parietibus domus per circuitum templi & oraculi, & fecit latera in circuitu. Tabulatum quod super erat v cubitos habebat latitudinis, & medium tabulatum vi cubitorum latitudinis, & tertium tabulatum vii habens cubitos latitudinis. Hæc tabulata in euangelio, ubi dominus tentatur à diabolo, pinnacula templi uocantur. Sed & Iacobum fratrem domini apostolum in pinnacula templi, unde ad populum concionaretur, leuatum esse audiuius. Vtrum autem moris fuerit doctoribus, ut in his sedentes tabulatis ad circumstantem inferius turbam fecerint sermonem, nusq; in scripturis inuenimus. Patet ergo ratio sacramenti, quia tabulata hæc tria, totidem fidelium gradus, coniugatorū uidelicet, continentium, & uirginum designant: distinctos quidem altitudine professionis, sed societate fidei & ueritatis omnes ad domum domini pertinētes, eiç fixa mente inhæretes: ubi pulchre dicitur, quia tabulatum quod super erat v cubitos habebat latitudinis, medium vi, tertium vii. Supremum ergo tabulatum erat cæteris angustius, quia nimirum altior professio uirtutis, al-

De fenestris
& tabulatis
templi. IX

tiorem debet uiam tenere uiuendi. Nam quicumq; abrenuntiato uinculo coniugali, uirginitatem suam domino consecrauerunt, mores simul oportet uirginitati condignos ostendant, abstineant ab ociosis eloquijs, ira, rixa, de tractatione, habitu impudico, comestationibus, potationibus, contentione & æmulatione: & e contrario uigilijs sanctis, orationibus, lectionibus diuinis, & psalmis, doctrinæ & eleemosynis, cæterisq; sanctis fructibus operam impendant: ut qui futuræ statum uitæ in professione tenent, in qua non nubent, nec nubentur, sed sunt sicut angeli in cælo: huius quoq; statû quantum mortalibus possibile est, in præsentî contendant imitari. At uero infimum tabulatum amplioris erat latitudinis, quia non deus coniugatis, Vade uende quæ habes, & da pauperibus: Sed si uis, inquit, ad uitam ingredi, serua mandata, non homicidium facies, non adulterabis, non facies furtû, non falsum testimonium dices, & cætera. Medium inter hos locum tenent continentes: qui quantum uirginibus inferiores tantû eminentiores coniugatis: quorum postea gloriosissimam primitiuam in Hierosolymis edificabat ecclesiâ, scribente beato Luca, quia multitudinis credentium erat cor unum, & anima una, & cætera: quorum maximam partem eos reliquisse cõplexus, testatur historia sancti Stephani, ubi foeminas eadem religione pollentes non coniuges, sed uiduas appellat eorum. Singula autem tabulata in circuitu habebant latera, id est, luriculas, ne quis in eisdem tabulatis cõsistens, siue residens posset ad inferiora decidere, quod Oziæ regi contigisse legimus in Samaria. Quæ nimirum latera, non incongrue quotidiana diuinæ protectionis erga nos munimina designant. De quibus psalmista, Immittit, inquit, angelus domini in circuitu timentium eum, & eripiet eos. Ascendit quidem in coenaculum Oziæ rex Samariæ, qui se à domo Dauid separauerat, sed per cancellos decidit: quia & si hæretici siue schismatici aliquam bonæ actionis arcem conscendere uidentur, tamen compagem unitatis ecclesiæ non habent, quasi patentibus & non solidis laterum præsidijs, semper ad uiciorum infima relabuntur, dum diuino destituti auxilio suæ pertinaciæ fastu intereunt. Quæ autem arte præfata tabulata parietibus templi sint affixa, declaratur cum subditur. Trabes autem posuit in domo per circuitû forinsecus, ut non hærent muris templi) Trabes ergo quæ intrinsecus domum muniabant & ornabant, tantæ erant longitudinis, ut capita earum forinsecus prominere, in infimo quidem ordine cubitorum VII, in medio VI, in supremo V: atq; in eisdem capitibus earum tabulata componerentur, nequaquam muris templi infixæ, sed iuxta muros trabibus quæ de muris exierant superpositæ. Quid itaque per trabes domus quæ tabulata portabant, nisi prædicatores sunt typice designati: Qui dum ipsi sublimem atq; honorabilem in ecclesia dei locum tenent, infirmiores quosque ac fragiles suis prædicationibus ab infimorum appetitu sustollunt, atque ad cœlestia desideranda ac speranda suspendunt, suis etiam intercessionibus, ut in cœptis persistant adiuuant. Legimus

gimus autem in libro Paralipomenon, quod trabes templi, sicut & cætera eius interiora fuerint auro uestitæ. Quod ita factum esse non dubium est, ut illæ trabium partes, quæ intus in templo, auteis essent laminis uestitæ: quæ uero foris parebant, hæ minime deauratæ ipsam cedri speciem formamque cunctis ostenderet. In qua tamē imposita sibi met tabulata gestabāt. Quod ergo extrinsecus eminebat trabium, uitam sanctorū, quæ nobis in terris innotescere potuit designat: quod intus in templo deauratum fulgebat, claritatem illam qua in cœlesti patria in aspectu sui creatoris iusti gaudent, figurate denuntiat. Quæ nimirū claritas trabiū aurearum illis solūmodo qui templum intrabant, patebat: quia quæ sit magna multitudo dulcedinis dei quæ abscondit timentibus se, & perfecit sperantibus in se, soli norūt illi qui regnū cœleste meruerunt intrare. Et tamen cum nos uitā, passiones, doctrinas sanctorum cernentes, siue in scripturis legentes, ad benefaciendum exemplo eorum excitamur, quasi in capitibus trabium foris apparentium à terra subleuamur: quia quamuis internam sanctorum gloriam perspicere necdum ualeamus, ex eo tamen quod exterius uidere ualuimus, sublimibus ecclesiæ membris fideliter adhæremus. Possumus hæc etiā de sanctis in hac uita ad huc positis intelligere, quorum puritatē dilectionis, qua in secreto cordis coram domino refulgent, inspicere nequimus. Attamen ex eis quæ loquendo uel agendo uel patiando foris ostendunt, auxiliū nostræ salutis inuenimus.

Domum autem cum ædificaretur de lapidibus dolatis atque perfectis ædificata est, & malleus & securis, & omne ferramentum non sunt audita in domo cum ædificaretur. Hæc ad illā ecclesiæ partem, quæ post huius seculi labores & certamina ad æterna præmia meruit introduci, proprie pertinent. Ibi etenim nemo aliquid coinquinatum faciet, uel abominationem & mendacium: sicut in Apocalypsi scripsit Ioannes. Malleus & securis & omne ferramentum nō auditur, quia hic tundimur aduersitatibus, & disciplina ueritatis exercemur, ut illic locis iuxta meritū congruis disponamur, & castigatione cessante solo amoris glutino, quo adinuicem copulemur, uno impleti spiritu perfundamur. Hic enim foris tundimur, ut illic sine reprehensione inueniamur. Hic malleus, hic securis, hic omnia tusionum resonant ferramenta: in domo autem dei nulli ictus audiuntur, quia in æterna patria omnes iam percussionum strepitus conticescunt. Nequaquā ibi malleus percutit, quia nulla animaduersio affligit: nequaquā securis incidit, quia receptos interiorius nulla foris sententia seueritatis proicit. Nequaquā ibi ferramenta perstrepunt, quia nec quælibet minima ultra iam flagella sentiunt. Lapidēs ergo extransi sunt, ut in constructione templi domini absque mallei sonitu ponerent: quia uidelicet nunc foris per flagella tundimur, ut intus in templū dei postmodum sine disciplinæ percussione disponamur: quatinus quicquid in nobis est superfluum modo percussio refecet, & tunc sola nos in ædificatione cōcordia charitatis liget: ut hic diuersis aduersitatibus extra contusus atque

De cochlea
templi. X

expiatus homo erroribus meritorum, ita iam ibi purus purū uideat deum, quo ornamentis ipsius ciuitatis mereatur affigi, post transitū habens locum sibi solūmodo à domino præparatū. Ostium lateris mediꝝ in parte erat domus dextrę, & per cochleā ascendebat in mediū cœnaculū, & à medio in tertiū. Quidā hunc locū male intelligētes, putāt ostiū templi à meridie fuisse, nō adtēdētes quod si hoc significare uoluisset scriptura, nō ita diceret, ostium lateris mediꝝ in parte erat domus dextrę, sed ita potius simpliciter, Et habebat domus ostiū ad meridiē. Nūc autē longe aliud significat. Partē nāq; domus dextrę latus templi meridianū dicit, in cuius parte oriētali ostiū erat in ipso angulo factū, iuxta terrā, in quod introeuntes statim ad altiora gradatim ascendebāt, habentes uia ascensum, per ipsa parietis interiora. Vnde cōsequēter adiūgitur, & per cochleā ascendebāt in mediū cœnaculū, & à medio in tertiū. Nec dubitandū quālibet scriptura nō dicat, quia sic ascendētes creberrimas habebāt à meridie fenestras, quarū luce certū per omnia, & sine offensione iter agerēt. Ostiū uero quo ad quotidiana tēpli ministeria ingrediebāt, erat ad orientē, sicut iam meminimus, ut Iosephus refert: & porticus ante faciē illius, & ipsa patēs ad orientē: ita ut exoriēs sol æquinoctialis sine ullo obstaculo radios suos per ostia tēpli & oraculi in ipsam arcā quæ erat in sanctis sanctorū mitteret. Porro ascēsus qui in domū superiōrē, & à superiōre ducebat in tertiū, australi erat tēpli latere: cuius dispositio ascensus, mystrium nobis multū memorabile cōmendat. Claret namq; quia templū hoc quod Salomō fecit, corpus pacifici regis Christi nō solū illud quod est ecclesia eius tota, uerūetiā ipsum quod sacrosanctū de uirgine, ut esset caput ecclesiæ, suscepit: figurate insinuat. Erat autē ostiū lateris mediꝝ, in pariete domus dextrę. De quo occulte ab inferiorib; in mediū cœnaculū, & à medio ascenderetur in tertium, quia passo in cruce domino unus militū lancea latus eius aperuit. Et bene in parte domus dextrę: quia dextrum ei latus à milite apertum sancta credit ecclesia. Vbi & apto uerbo usus euāgelista est, ut nō diceret, percussit latus eius aut uulnerauit, sed aperuit, uidelicet quasi ostiū lateris mediꝝ, per quod nobis iter ad cœlestia pāderet. Deniq; ita subiunxit, Et continuo exiuit sanguis & aqua, aqua scilicet qua abluimur in baptismo, & sanguis quo cōsecramur in calice sancto. Per hoc nāq; ostiū nobis est ascensus in mediū cœnaculū, & à medio inde in tertiū: quia per fidē & mysteria nostri redēptoris, de præsentī ecclesiæ cōuersatiōe ad requiē animarū post mortē ascendimus, rursūmq; de requie animarū adueniēte die iudiciꝝ, ad immortalitatē q̄q; corporū quasi in tertiū cœnaculū sublimiōre p̄fectu penetrabimus, ex quo & magna amborū corporis uidelicet & animæ beatitudine perpetuo uiuamus. Quod quidē iter inuisibiliter agebat, ita ut soli hoc qui intra uerūt nossent, q̄uis ipsum ostiū etiā foris positi uiderēt: quia nimirū actus fidei in hoc seculo, & celebratiōes sacramētorū etiam reprobi possunt intueri: uerum arcana fidei & intimæ gratiam dilectionis nullus, nisi qui per hæc domino

domino duce ad celestia ducitur, agnoscit. Qui enim se dicit nosse deum, & mandata eius non custodit, mendax est. Notandum sanè quod xxx cubiti altitudinis, de quibus supra legitur, usq; ad medium cœnaculum pertingebant: deinde alij xxx cubiti usq; ad tertium cœnaculum addebantur, quo usq; porticus quæ erant circa templum ab austro & aquilone & occasu ad tetum perueniebant, ut Iosepho narrante didicimus. Deinde usq; ad supremum tēpli tectū alij lxx cubiti numerabātur, & sic tota altitudo domus iuxta librum Paralipomenon in cxxx cubitos consummata est. Porticus quoq; quæ erat ante frontem templi ad orientem iuxta fidem præfati uoluminis, eandem cubitorum summā in altitudine habebat, qui uidelicet illas, de quibus supra diximus porticus circa templum cellaria uocat, & cubicula. Dedit inquit, Dauid Salomoni filio suo descriptionem porticus & templi & cellariorum & cœnaculi & cubiculorum in abditis, & domus propitiationis. Vbi etiam exteriorum domorum, quæ erant extra atrium sacerdotum in circuitu templi, fecit mentionem, cum protinus adiunxit, Nec non & omniū quæ cogitauerat, atriorum, exhedrarum per circuitū in thesauris domus domini, & in thesauris sanctorum. Quod autē omnis altitudo templi cxxx cubitorū, ad idem sacramentū respicit, quo & primitiua in Hierosolymis ecclesia post passionem & resurrectionem & ascensionem domini in cœlos, in hoc numero uirorum gratiam spiritus sancti accepit: xv, namq; quæ ex vii & octo constant, solent nonnunquam ad significationem referri uitæ quæ nunc in sabbatismo geritur animarum fidelium, perficietur autē in fine seculi resurrectione corporum immortalium. Ipsa autem xv in trigonum ducta, id est cum omnibus suis partibus annumerata, cxxx efficiunt. Quapropter apte numero centenario & uicenario, magna electorum beatitudo in futura uita designatur. Apte in hoc tertium domus domini cœnaculum consummatur, quia per præsentis fidelium labores, post acceptam in futuro requiem animarum, plena totius ecclesiæ felicitas in resurrectionis gloria complebitur. Ad quod mysterium æque pertinet, ut diximus, quod resurgens à mortuis dominus, atq; ad cœlos ascendens, huic numero uirorū spiritū sanctū in linguis igneis misit, qui eos diuersitate linguarū adinuicē cognitione loquelarū cōmunē in laude fecit habere sermonē. Nam & ecclesia suo tēpore resurgēs à morte, atq; ad cœlos in carne incorruptibili ascendēs, plene ac perfecte dono spiritus sancti illustratur, quādo iuxta promissum Apostoli erit deus omnia in omnibus. Tunc plena erit adunatio linguarū in omnibus, ad prædicanda magnalia dei, quia cōsona mente ac uoce omnes gloriā diuinæ maiestatis, quia præsentē uident, collaudāt. Et ædificauit domū & cōsummauit eam, textitq; domū laquearibus cedrinis) Laquearia sunt tabulata, quæ magno decore composita & ornata, ab inferiori parte trabibus affiguntur clauis. Et quia ter geminæ altitudinis domus dñi facta erat, terna nimirū habebat laquearia: prima uidelicet post xxx cubitos à pauimento, secunda post cubitos

cubitos LX contra summitatem porticorū, tertia post cubitos CXX in summitate totius domus. Quid autem aptius per laquearia, quā sublimiores quosq; in sancta ecclesia iustos significari credamus, quorum opus & doctrina cunctis in exemplo proposita quasi longius in alto preminet, quicq; suis intercessionibus & exhortationibus animos infirmorum, ne in tentationibus deficiant, protegunt. Quæ nimirū laquearia, recte cedrina esse describuntur. Cedrus namq; arbor est, imputribilis omnino nature, odoris iocundi, aspectus nitidi, serpentes accensa nidore fugans ac perimens: quæ perfectis quibusq; conueniunt, quorum insuperabilis est patientia, fama uirtutum eximia, præ cunctis gratissima bonis, autoritas ad reuincendos confutandosq; eos qui ueritati resistunt, constantissima, qui & in hac uita, & in futura singulari præ cæteris sanctis eminentia fulgent. Et ædificauit tabulatum super omnem domum, v cubitorum altitudinis. Hoc est enim quod in Deuteronomio præcepit Moyses, fieri in omni domo, quam quisq; ædificaret: cum ædificaueris, inquit, domum nouam, facies murum tecti per circuitum, ne effundatur sanguis in domo tua, & sis reus labente alio, & in præceps ruente. Hoc enim tabulatum in supremo domus tecto per circuitum, in extremo murorum uice cancellorum erat erectum, ne quis ad superiora cōscendens, dum ad terminum tecti perueniret, incaute progrediendo dilaberetur ad ima. Quod esse passus rex Ozias in sequentibus inuenitur, qui per cancellos coenaculi decidens, letiferum incidit in languorem. Quibus tabulatis seu muris uel cancellis, cum ad tutelam uiæ ponuntur, uulgi luricularum nomen indidit. Hæc autem tabulata siue luriculæ, supra sunt latera uocata. Vbi cum dictum est, & ædificauit super parietē templi tabulata per gyrum in parietibus domus per circuitum templi & oraculi: cōtinuo subiunctum est, & fecit latera in circuitu. In quibus nimirū lateribus intelleximus diuina esse præsidia designata, quæ nos in hoc adhuc seculo laborantes, ac pro capto nostro ad superiora nitentes, quotidie ne deficiamus adiuuāt: ad cuius formam sensus etiam hunc locum intelligere debemus, sed ea distinctione, quod in hac uita inter crebra uel hostis impacata tentamenta, uel nostræ fragilitatis obstacula, crebro imò continuo supernæ pietatis munere, ne corruamus defendimur. In illa uero uita quam supremum templi tectum, ut supra docuimus, insinuat, tanta dei præsentis gratia munimur, ut nec uelimus ultra peccare, nec possimus, neq; ullo mortis siue doloris, siue tentantis aduersarij metu afficiamur. De præsentibus domini auxilijs quasi de lateribus tabulatorum, dicit ipse dominus loquēs de populo suo: Inuocabit me & ego exaudiam eum, cum ipso sum in tribulatione, eripiam eum & glorificabo eum. De futura autem eius gratia, qua superna illa ciuitas illustratur, dicit eidem ciuitati propheta, Lauda Hierusalem dominum, lauda deū tuum Sion: quoniam confortauit seras portarum tuarum, benedixit filiis tuis in te: qui posuit fines tuos pacem. Bene autem hoc tabulatum in tecto do-

mus domini v cubitis altum esse memoratur, quia nimirū ita nos in illa pa-
 tria diuinæ præsentia claritatis adimplet, ut nihil aliud uisus noster, nihil
 auditus, nihil olfactus, nihil gustus, nihil tactus dulce habeat, nisi diliger-
 re dominum deum nequam ex toto corde, tota anima, tota uirtute, & proxi-
 mum tanquam nos ipsos. Et operuit domum lignis cedrinis) Supremum
 enim totius structuræ domus tegumentum designat, hoc est tabulatū quod
 illis trabibus desuper appositum erat, quibus suprema quæ prædiximus la-
 quearia subter erant affixa. Non autem habebat templum culmen in supe-
 rioribus, sicut nec tabernaculum, sed erat æquale quomodo omnibus in Pa-
 lestina & Aegypto domus ædificantibus facere moris est, quia ad sedendū
 uidelicet uel deambulandum apta construuntur. Vnde dicit in euāgelio do-
 minus. Et quod in aure audistis, prædicabitur in tectis. Talis namque locus
 aptissimus erat, de quo uerbum prædicator uel assistentibus sibi, uel infe-
 rius positis auditoribus proferat. De quo & in prouerbij Salomon. Melius
 est, inquit, habitare in angulo domatis, quàm cū muliere litigiosa in domo
 communi. Quod enim latine tectum, græce dicitur doma. Sed & porticus
 ipsæ circa templū trina habebant laquearia, prima post cubitos à terra x x,
 secunda post x l, tertia post l x, plana enim & ipsorum facta erant tecta.
 Erant autem porticus x x x inferius, x x x in medio, x x x desuper, non
 muris ab inuicem, sed tabulatis discrete, ita ut singulæ eorum quæ erant nu-
 mero x c, quinos cubitos in latitudine & longitudine, uicenos autem in al-
 titudine haberent. De quibus uidelicet porticibus frequens in libro dierum
 mentio fit, sed quo sint ordine dispositæ plenius explicat Iosephus. Id ipsum
 autem hoc tabulatum quo operata est domus, quod & laquearia, designat
 eximios quosq; in resurrectionis gloria uiros, & singulari sanctitate ad ipsum
 uirtutis apicem peruenientes. De quorum uno dicitur, Inter natos mulierū
 non surrexit maior Ioanne baptista. Cuius si comparem magnitudinis sci-
 re uis, audi quid patri ipsius angelus ait, & ipse præcedit ante eum in spiri-
 tu & uirtute Helix. Et ædificauit parietes domus intrinsecus tabulatis ce-
 drinis à pauiamento domus usq; ad summitatē parietum, & usq; ad laquearia
 operuit lignis intrinsecus. Quid est quod domus cedro erat uestita? Nā fo-
 rinsecus tāto nitore lapis ipse de q̄ facta erat fulgebat, ac si calculo esset can-
 dido tecta. Iuxta sensus uero mysticos: parietes sunt tēpli, populi fideles, ex
 quibus sancta uniuersalis ecclesia cōsistit, quorū dilatationē per orbē latitu-
 do designat parietū, spem uero & intentionē omnē ad cœlestia erectā, altitu-
 do. Vel certe altitudo parietis quæ ex ordinibus lapidū super inuicē positis
 constat, præsentis statū signat ecclesiæ, ubi electi super fundamentū Christi
 omnes ædificati, sibi inuicē in ordine per temporū curricula succedūt, seseq;
 inuicem portantes, legem Christi quæ est charitas adimplent. Dum enim
 hī qui nunc præcedentibus erudiuntur magistris, rursum ipsi alios erudiūt,
 quasi super se inuicem positis ordinibus quinq; lapidum uiuorum in domo
 dei sic

dei, sic ab alijs fixa constantia portantur, ut ad portandos alios & ipsi sufficiant, usque ad ultimos qui in fine mundi nascituri sunt iustos, qui quasi in summo dei domus cacumine locati docentur, & portantur ab alijs, sed quos doceant, quorumue fragilitatem tolerant ipsi non habent, Qui uidelicet parietes intrinsecus tabulatis cedrinis operiuntur, cum corda fidelium amore uirtutum redundant. Sicut enim cedri natura perfectos homines, ut supra docuimus, typice denuntiat: ita etiam locis opportunis cellitudinem uirtutum quibus ad eandem perfectionem uenitur, non immerito designat. Teguntur autem omnia lignis à pauimento domus usque ad summitatem parietum, & usque ad laquearia, cum electi à primis fidei rudimentis usque ad perfectionem bonæ actionis, & usque ad ingressum patriæ cœlestis bonis insudare non desistunt operibus, cum à primis iustis usque ad ultimos in consummatione seculi omnes uirtutibus student, quorum merito iure ualeant protestari, quia Christi bonus odor sumus deo in omni loco. Et texit pauimentum tabulatis abiegnis) Hoc quomodo factum sit, plenius in libro Paralipomenon explicat, ubi scriptum est: strauit quoque pauimentum templi preciosissimo marmore stratū decore multo. Vnde patet quod tabulas abiegnas quibus pauimentum tegeret nequaquam in terra posuit, sed primo illud marmore protexuit, ac deinde tabulas superposuit, ac tertium his duobus auro uestitum superaddidit, ut in sequentibus legitur. Sicut autem altitudo parietis in altum exurgens, atque usque ad laquearia perueniens, profectus uirtutum, quibus electi ad regnum cœleste perueniunt, uel certe ipsos electos choros sibi met per tempora uariantia succedentes significant: ita æqualitas pauimenti concordem eorundem humilitatem, qua in temporali adhuc uita positi socialiter inuicem charitate dictante conuersantur, non immerito demonstrat. Quod uidelicet pauimentum preciosissimo erat marmore stratū decore multo, idemque marmor mox tabulis tectum abiegnis: quia nimirum uita iustorum primo fidei firmitate præmunienda in corde, ac deinde uirtutū spiritaliū latitudine est adornanda in opere: alioquin quid utilitatis habet decor marmoris preciosissimi lignorum tabulis obrectus, si non mysticum aliquid tacite signabat, ac bonorum amplitudinem operum fortitudine fidei intemperate suffulciendā esse docebat? Abies uero propter altitudinē sui & robur durabile mentē electorū infima quęque desideria spernentē, & cœlesti semper contemplationi intentam, uirtute quoque patiētiæ singulariter excellentem, non incongrue demonstrat. Auri autem laminę quę marmori ac tabulis sunt abiegnis superpositæ, ipsa est latitudo charitatis de corde puro & conscientia bona, & fide non ficta, quę sicut aurum alijs preciosius est metallis, ita cæteris eximior uirtutibus in templo dei singulari luce refulget. Vnde bene Apostolus cum plurima uirtutū bona, quę humilibus essent corde seruanda, quasi pauimenti ornatus enumeraret, dicēs, Induite uos sicut electi dei sancti & dilecti uiscera misericordiæ, benignitatem, humilitatem, patientiam

tiam, modestiā, sufferētes inuicem, & donantes uobismetipsis, si quis aduer-
sus aliquem habet querelā: sicut Christus donauit uobis, ita & uos facite: re-
pente uelut desuper addendo aureo uelamine adiunxit, super omnia autem
charitatem habentes, quod est uinculum perfectionis. *Ædificauit quoq; ui-
ginti cubitos ad posteriorem partem templi, tabulata cedrina à pauimēto usq;
ad posteriora, & fecit interiorem domum oraculi in sanctum sanctorum.*) Po-
steriorem templi partem occidentalem dicit, ab ortu enim solis ingressum ha-
bebat templum, & ab occasu domum interiorem, hoc est sancta sanctorum.
Quod autem tabulata quæ interiorem domum ab exteriori separabāt, à pa-
uimento usq; ad superiora esse dicuntur ædificata, non usq; ad laquearia, quæ
xxx cubitos erant in sublime à pauimēto suspensa, ut supra iam dictum est:
sed usq; ad cubitos xx altitudinis, ut in sequentibus aperte legitur: reliquum
uero erat supra hæc tabulata apertum & inane usq; ad laquearia cubitis de-
cem altitudinis, & cubitorum xx longitudine iuxta latitudinem domus. In
qua distinctione domus domini, patet figura mysterij, & Apostolo exponen-
te luce clarior est. Quæ prior domus in quam semper introibāt sacerdotes sa-
crificiorum officia consummantes præsens est ecclesia, ubi quotidie insistentēs
pijs operib. domino sacrificia laudis offerimus. Interior uero domus quæ ad
posteriorem templi partem erat facta, ipsa est promissa nobis uita in coelis.
Interior quidem à conuersatione nostri exiliij remota, estq; in præsentia re-
gis summi perpes ubi beatorum & angelorum & hominum solēnitas agitur.
Vnde de ea bene merito seruo dicitur, *Intra in gaudium domini tui.* Sed po-
sterior, tempus quo post huius seculi labores ad illius ingressum perducimur.
Tabulata autem quæ utramq; domū ab inuicem diuidunt, ipsa sunt claustra
coeli quorum nobis apertionem quotidie suspiramus, & quantū dominus do-
nauerit, pia semper instantia donec aperiātur ut intrare liceat pulsamus. Vbi
& si necdum ante solutionem corporū intrare permittimur, apertā tamen ha-
bemus ianuam diuinæ pietatis, qua orationum nostrarum, eleemosynarū, ie-
iuniorum, cæterorumq; bonorū operū thymiamata præmittamus. Bene au-
tem interior domus xx cubitos longa facta est, propter mysterium geminæ
dilectionis, de quo supra diximus, quæ in hac interim uita ex parte maxima
electorum illustrat mentes, sed in illa patria cessantibus aliarum uirtutū ope-
ribus sola perpetuo regnat. Porro xl cubitis erat ipsum templum pro fori-
bus oraculi.) Diximus ipsum templum pro foribus oraculi, præsentis ecclesiæ
typum gessisse. Vnde recte fuit xl cubitorum, qui numerus sæpe in signifi-
catione ponitur præsentis fidelium laboris, quomodo quinquagenarius in si-
gnificatione futuræ quietis & pacis. Denario namq; numero cōtinentur præ-
cepta, quorum obseruatione ad uitam uenitur: denario æque significatur ipsa
quam desideramus & pro qua laboramus uita perennis. Quadratus uero est
mundus, in quo pro acquirēda eadem uita certamus. Vnde & psalmista con-
gregandam de gentibus ecclesiam præuidens, aiebat, *De regionibus congre-*

gavit eos, à solis ortu & oc. ab aquil. & mari. Decem autem quater ducta, XL faciunt. Vnde populus ab Ægypto liberatus in figura præsentis ecclesiæ, XL annis in eremo multis laboribus exercebatur, simul & pane cœlesti reficiebatur: ac sic tandem ad promissam olim patriam peruenit. Exercetur enim tentationibus XL annis, ut labores ecclesiæ, quibus totum per orbem in obseruanda dei lege defudat, insinuentur. Pascitur manna de cœlo per eosdem XL annos, ut ostendantur ipsæ quas ecclesia tolerat passionēs, spe denarij cœlestis, hoc est æternæ beatitudinis esse leuigandæ. Vbi hī qui nunc esuriunt & sitiunt iustitiam saturabuntur: & sicut eadem ecclesia suo canit redemptori, Ego autē cum iustitia apparebo conspectui tuo, faciabor dum manifestabitur gloria tua. Pariter ergo populus dei & afficitur aduersis & reficitur manna, ut sit illud Apostoli, Spe gaudentes, in tribulatione patientes. In qua figura & dominus noster XL diebus ante mortem carnis suæ ieiunauit, XL etiam epulabatur cū discipulis, post resurrectionē carnis suæ, apparens eis in multis argumentis, & loquens de regno dei, & conuescens: ieiunando etenim ostendebat nostrum in se laborem: manducando autem cum discipulis, ostendebat in nobis suam consolationem. ieiunans uelut clamabat, Attendite ne grauētur corda uestra in crapula & ebrietate, & curis huius uitæ. Manducans autem & bibens, uelut clamabat, Ecce ego uobiscū sum omnibus diebus, usq; ad consumptionem seculi. Et, Iterum autem uidebo uos, & gaud. c. u. & gaudium u. n. tol. à u. Simul enim cum uiam domini carpinus, & à uanitate præsentis seculi ieiunamus, & futura promissione reficimur, hic non apponentes, quia illic pascentes sursum est cor. Et cedro omnis domus intrinsecus uestiebat, habens tornaturas suas & coniuncturas fabrefactas, & cælaturas eminētes) Diximus de cedro quod insuperabilem uirtutum uenustatem signaret, quo nimirum ligno omnis domus domini intrinsecus uestitur, cum corda iustorum solo bonorum operum amore nitescent: habetq; domus in tabulis cedrinis tornaturas suas, & coniuncturas fabrefactas, cum iidem electi se adinuicem pulcherri-
ma charitatis copula cōnectunt, ita ut cum innumera sit multitudo fidelium, unum tamen cor unam habere animam pro communis fidei ac dilectionis societate merito dicantur. Namq; tornaturæ quæ iuncturis tabularum apponebantur, ut unum ex omnibus fieret tabulatum, ipsa sunt officia charitatis, quibus adinuicē fraternitas sancta copulatur, atq; in unam Christi domum toto terrarum orbe componitur. Quæ etiam domus habet cælaturas eminentes, cum opera uirtutum sancti nequaquam occulte tegunt, sed manifesta expressione omnibus foris quales sint ipsi, quid agant in exemplum uiuēdi proferunt: quomodo fecit apostolus Paulus, qui non solum prædicando gentibus Christum, & patiēdo ipse pro Christo quantum emineret ostendebat, uerumetiam in epistolis ad ecclesias destinatis quot pericula pro Christo tolleraret, quantis reuelationibus à Christo sit sublimatus, felici glorificatione declarabat. Qui cum suis dicere auditoribus non dubitaret, imitatores mei estote

estote sicut & ego Christi: quid in domo domini, nisi celaturas eminentes ostendit, qui singulari culmine uirtutis cunctis sese imitabile præbuit? Omnia cedrinis tabulis uestiebantur, nec omnino lapis apparere poterat in pariete.) Et lapis parietis siue pauimenti & tabulæ & aurum, sanctorum in ecclesia uitam omnia designant: sed ea distinctione cum pariter ponuntur, ut lapides uiui sint sancti, fortitudine fidei in unam eandemque regulam sibimet adglutinati: tabulæ cedrinæ siue abiegnæ sint sancti, latitudine uariarum uirtutum, secundum donationes sancti spiritus, in una eademque fide sibimet alterutrum connexi: auri laminæ sint sancti supereminentem scientiæ charitatem habentes: hi sunt qui fulgore gratissimo adinuicem congaudent. Quæ tria beatus Apostolus una sententia complexus est dicens. Nam in Christo Iesu neque circumcisio aliquid ualet, neque præputium, sed fides, quæ per dilectionem operatur. Fidei namque inuictæ lapis figuram tenuit, cedrus sanctionis odoriferæ, aurum transcendentis omnia dilectionis: uestiturque lapideus paries tabulis cedrinis, cum professio fidei bonis ornatur operibus, ne sine operibus otiosa iudicetur aut mortua. Verum quia lex in lapide scripta, doctrina uero euangelij per lignum est dominicæ passionis confirmata, unde & populus lapide circumcisus in præputio, nos signo crucis consecramur in fronte: possunt non incongrue parietes templi lapidei, siue pauimentum preciosissimo marmore stratum, eorum qui in lege fideliter ac perfecte uixerunt, typum gerere: tabulæ uero cedrinæ siue abiegnæ noui testamenti iustos indicare, qui uolentes post dominum uenire abnegant semetipsos, & sumpta cruce sua quotidie secuntur illum. Et quoniam utriusque temporis iustos communis manet supernæ gloria retributionis, lapidibus ac lignis preciosis tertia est species aurearum laminarum. Econtrario debet uideri quæ supra diximus. Porticus quæ erat ante templum, antiquorum fidelium debet figuram gestare: ipsum uero templum, eorum qui post incarnationis dominicæ tempus, in mundum uenerunt. Porro domus interior, regni cœlestis gaudia, quæ utrisque iustis dantur figurabat. Nunc autem dicamus parietes lapideos antiquum dei populum, tabulas cedrinas nouum, aureas laminas utriusque in cœlis præmia designare, cum iisdem parietes templi, & in porticu, & in ipso templo, & in sanctis sanctorum pari fuerint modo de lapidibus & lignis & auro compacti. Multiplex namque est in diuersis rebus earundem repetitio figurarum. Sed hoc dicendum, quod fuerunt in lege & ante scriptam legem plurimi, qui legaliter domino deseruirent, non occidentes, non fornicantes, non furtum facientes, non falsum testimonium loquentes, honorantes patrem & matrem, & diligentes proximos sicut seipsos. Hi ad parietes porticus lapideos pertinebant. Fuerunt alij, qui maiori perfectione relictis mundi negotijs, & assumpta cruce sua sequebantur dominum, qui, ut Apostolus scribit, ludibria & uerbera experti, in super & uincula & carceres, lapidati sunt, secti sunt, tentati sunt, in occisione

Quod domus
sit cedro uesti
ta & auro
XIII

gladij mortui sunt. Circuierunt in melotis, in pellibus caprinis, egentes, angustiiati, afflicti, quibus dignus non erat mundus. Hi qui ante manifestata tempora euangelij uitam duxere euangelicam, quid nisi ante ingressum tabulata cedrina in porticu fulgebant? Quos utrosq; quia idem regnum cœleste communiter in mansionibus discretis recepit, quasi porticus templi post lapidem & cedrum intrinsecus est auro cooperta. Sunt hoc tempore per plures, qui leu galibus contenti præceptis, quæ supra commemorauimus, sufficere sibi credunt tantum, si ad uitam uenire mereantur. Sunt alij ad perfectionem nitentes, uenditis quæ habent omnibus, memores promissi illius, quo talibus in resurrectione non solum uitam sed & specialem prædixit honorem esse tribuendum, Amen dico uobis, quod uos qui sequuti estis me, in regeneratione cum sederit filius hominis in sede maiestatis suæ, sedebitis & uos super sedes duodecim, iudicantes duodecim tribus Israel. Hi ad parietes templi albo de lapide factos, illi figuraliter ad cedrinas pertinent tabulas. Et quia utriq; præmia à domino perpetuæ lucis, quasi auri laminas quibus decorentur, expectant, sunt in abditiis tēpli lapides preciosi, sunt tabulæ ligni aromatici, utraq; auro cooperta: quia & illi, qui in lege domini immaculati ambulauerunt, & qui gratiam euangelij perfecte susceperant, pariter æterna uita perfruuntur.

Oraculum autem in medio domus in interiori parte fecerat, ut poneret ibi arcam fœderis domini.) Hoc superius præoccupando expositum est, quia uidelicet interior domus secreta patriæ cœlestis, arca fœderis dominum saluatorem, in quo solo fœdus pacis apud patrem habemus, designaret: qui post resurrectionem suam ascendens in cœlum, carnem quam assumpsit ex uirgine in patris dextram locauit. Porro oraculū habebat uiginti cubitos in longitudine, & uiginti cubitos in latitudine, & uiginti cubitos in altitudine.) Quod dicitur uiginti cubitos in altitudine, parietem significat cedrinum, qui oraculum, id est sancta sanctorum, ab æde exteriori segregaret, sicut & supra diximus. Oraculum ergo ubi erat arca, habebat uicenos cubitos in longitudine, & latitudine, & altitudine, id est per quadrum: quia in superna illa patria, ubi regem Christum in decore suo uident oculi sanctorum, sola charitatis diuinæ ac fraternæ gratia, per omnia fulget. Quod sequentibus quoq; uerbis astruitur, cum dicitur, Et operuit illud atq; uestiuit auro purissimo.) Quod est a-

Quod altare
cedro & auro
uestitum.

XIII

parte dicere: quia mœnia supernæ ciuitatis, gratia charitatis impleuit. Sed & uestiuit altare cedro.) Altare dicit thymiamatis, quod erat infra oraculum. De quo paulopost subinfertur, Et totum altare oraculi textit auro.) Vnde intelligi datur, quia idem altare de lapide quidem fuerit factum, & cedro uel stitum, ac deinde auro coopertum. Significat autem typice, perfectorum uitam iustorum, qui quasi in oraculo sunt positi, quia desertis infimis delectationibus, de solo regni cœlestis ingressu curam omnem impendunt. Vnde bene in hoc altari, non carnes uictimarum, sed sola incendebantur thymiamata: quia

mata: quia tales non adhuc peccata carnis & illecebras cogitationum in se
 mactare opus habent: sed tantum orationum spiritualium & coelestium de-
 sideriorum odora menta, per ignem æterni amoris in conspectu sui condito-
 ris offerunt. Quid autem in huiusmodi altari lapis cedrus & aurum figura-
 rent, ex his quæ superius dicta sunt facile potest intelligi. Domum quoque
 ante oraculū operuit auro purissimo, & fixit laminas clavis aureis. Domum
 ante oraculum præsentis ecclesiæ typum tenere diximus, ubi ita redemptoris
 nostri amore flagramus, ut necdum ipsum uidere facie ad faciem ualeamus.
 Vnde apte domus hæc auro quidē purissimo cooperta, sed interpositus erat
 medius paries ob oraculi secreta. Oraculum namque uocatur, cum diuina ho-
 minibus uel angelica adloquutio, uel secretorum quorumque reuelatio conce-
 ditur. Vnde bene oraculum in abditis, hoc est in interiori domo factum est,
 quia in superna patria & angelorum nobis uisio atque adloquutio, & ipsa dei
 præsentia reuelabitur, iuxta hæc quæ ueritas ipsa diligentibus se pollicetur, di-
 cens, Qui autem diligit me diligetur à patre meo, & ego diligam eum, & ma-
 nifestabo ei meipsum. Et iterum, Venit hora cum iam non in prouerbij lo-
 quar uobis, sed palam de patre meo annuntiabo uobis. Domus ergo ante o-
 raculum auro tecta est, quia perfecti quique iusti in hac uita, ubi necdum de pa-
 tre palam audire, id est necdum palam uidere queunt, fidem & opus iustitiæ
 diuino ornant amore, per quem & plenam dei cognitionem mereantur. La-
 minæ aureæ, quibus operta est domus, operationes sunt multifariæ pietatis,
 quas in obsequium sui creatoris, uel fraternæ necessitatis, amor castus exhi-
 bet. Clauis aurei quibus erant affixæ laminæ aureæ, sunt præcepta charitatis,
 siue promissa æternæ claritatis, per quæ in exercitio studioque uirtutum ne de-
 ficiamus donante Christi gratia continemur. Vnde bene de eisdem clavis in
 libro Paralipomenon scriptum est, Sed & clauos fecit aureos, ita ut singuli
 clauis siclos quinquagenos appenderent. Quinquagenario namque numero so-
 let in scripturis remissio peccatorum & gratia spiritus sancti & uita æterna fi-
 gurari, quoniam quinquagesimus psalmus est pœnitentiæ & remissionis: quin-
 quagesimus annus iubilæus: quinquagesima die post pascha spiritus sanctus
 adueniens primitiuam ecclesiam consecrauit: & quinquagenorum erant siclo-
 rum clauis singuli, quibus laminæ aureæ affigebantur parietibus domus do-
 mini, quia nimirum uerba coelestia, quibus in amore bonorum operum profi-
 cimus, & conseruamur, ueniam nobis promittunt peccatorum gratia sancti
 spiritus, & sabbatismum in futuro pollicentur æternum. Et hi quidem sunt
 clauis dilectionis. Sunt uero alij clauis timoris, quibus incipientes quique nec-
 dum ad perfectionem uenientes, illecebras uitiorum carnalium & uolupta-
 tem mortificant, illo uidelicet sermone ueritatis, cuius institutione carnem no-
 stram crucifigere cum uitij & concupiscentij edocemur. Quos habere desi-
 derabat propheta, cum ait, Confige clavis timoris tui carnes meas, à iudicijs
 enim

enim tuis timui. Qui rursus ad perfectiora perueniens, dicit de clauis dilectionis, Mihi autem adhærere deo bonum est. Nihilq; erat in templo, quod non auro tegeretur, sed & totum altare oraculi textit auro.) Supra de altari dictum est. Plenius uero in libro Paralipomenon hæc explicantur, ubi porticus quoq; erat ante frontem templi deaurata intrinsecus, coenacula quoque auro tecta esse perhibentur. Vbi figura mysterij in promptu est, quia tota ecclesia & in hoc seculo & in futuro, præ cæteris uirtutibus deo placitis dono charitatis abundat: & sola hæc quasi singulariter eminens, cæteras cælare uidetur. Deaurata est quippe porticus ante templum, quia patres ueteris testamenti deo per charitatem placuerunt. Deauratum est templum, quia eadem ipsa charitas diffusa est in cordibus nostris per spiritum sanctum, qui datus est nobis. Deaurata est domus interior, quia in superna patria sola charitas regnat. Sed ibi eo uerius & securius, quo præsens ipse deus, qui est charitas uidetur: ibi eo certius, quo ipse mediator dei & hominum, qui solus patrum est conscius secretorum, uelut arca testamenti semper aspicitur. Quod autem coenacula quæq; tecta sunt auro, ad eundem sensum respicit. Sicut enim interior domus sancti sanctorum, ubi erat arca, æternam sanctorum uitam in conspectu sui conditoris & redemptoris significat, iuxta illud Psalmistæ, Abscondes eos in abscondito uultus tui, à conturbatione hominum: ita coenacula in alto, eandem uitam in cœlis esse, & non in hoc mundo, dicente Apostolo, Quæ sursum sunt, quærite, ubi Christus est in dextera dei sedens: quæ sursum sunt sapite, non quæ sunt terræ. Et fecit in oraculo duo Cherubin de lignis oliuarum, decem cubitos altitudinis.) Cherubin, sicut propheta Ezechiel aperte declarat, angelicæ dignitatis uocabulum est: numeroq; singulari Cherub dicitur, plurali Cherubin. Vnde apte in figuris Cherubin, quæ erant in oraculo facta, angelica ministeria quæ conditori suo in cœlis semper assistunt, possunt intelligi. Quæ recte de lignis oliuarum facta esse perhibentur, quia nimirum uirtutes angelicæ gratia spiritus sancti, ne unquam ab amore dei arescant, unctæ sunt. Ipsæ etenim unâ nobiscum sunt participes illius, de quibus ait in laude Christi propheta, Vixit te deus tuus oleo lætitiæ, præ participibus tuis. Recte de lignis oliuarum figuraliter sunt facti, quos luce sapientiæ cœlestis, mox ipse qui creauit, impleuit. Vnde Cherub appellare uoluit, quod Latine multiplicata sciëntia, siue scientiæ multitudo interpretatur. Decem autem sunt cubitorum altitudinis, quia denario uitæ æternæ fruuntur, habentes inuiolatam in se sui conditoris imaginem, seruata in perpetuum sanctitate & iustitia & ueritate, quæ prima conditione perceperunt. Denarius quippe obolis constat, & continere in se nomen regis & imaginem consuevit. Quapropter & figuræ regni cœlestis aptissime congruit, ubi & angeli sancti in imagine sui conditoris, ad quam facti sunt, semper manent: & electi homines, imaginem eius, quam peccando amiserant, recipiunt. Scimus enim, inquit, quia cum apparuerit, similes ei erimus, quoniam

uidebimus

De factura
Cherubin.
XV

uidebimus eum sicuti est. Quinq; cubitorum ala Cherub una, & quinq; cubitorum ala Cherub altera.) Id est, decem cubitos habentes à summitate alæ usq; ad alæ alterius summitatem. Alæ cum in sanctorum hominum figura ponuntur, uirtutes significant eorum, quibus ad cœlestia uolare semper, atq; in his conuersationem delectantur habere. Cum uero in significatione angelorum ponuntur alæ, quid apertius quàm gratiam demonstrant perpetuæ & indefectiuæ felicitatis eorum, qui semper in cœlestibus in ministerio sui persistunt autoris? Vel certe quia leuitate spiritalis naturæ sunt præditi, ita ut ubi cunq; uoluerint, statim quasi uolando perueniant: & hic cum alis figurati, & prophetis cum alis sunt ostensi. Bene autem dicitur, quia quinq; cubitorum fuerit ala Cherub una, & quinq; cubitorum ala Cherub altera: quia uirtutes angelicæ, legem dei quæ in quinq; libris descripta est, indefessa deuotione custodiunt: diligendo uidelicet deum & dominum suum ex omnibus uiribus suis, diligendo & proximos tanquam seipsos: plenitudo enim legis est charitas. Proximi autem eorum, & ipsi adinuicem sunt angelici spiritus, & homines electi, eorum æque conciuēs. Vnde utraq; ala eiusdem esse mensuræ perhibetur: quia uidelicet eadem ipsa deuotione, qua se alterutrū in deo diligunt, nostram quoq; ad se ascendentium societatem desiderant: sicq; simul alæ decem cubitos complent, cum in gemina charitatis exhibitione, angeli de conditoris præsentia lætantur. Decem quoq; cubitorū erat Cherub unum, mensura parietis, & opus unum erat in duobus Cherubin.) Duo erant facti Cherubin propter consortiū eiusdem de qua loquimur charitatis significandum, quia minus quàm inter duos charitas stare non potest. Vnde & saluator binos ad prædicandum discipulos mittere curauit, ut tacite doceret eos qui uerbum fidei prædicarent, uirtutem dilectionis ante omnia opera esse tenendam. Vniusq; mensuræ & operis duo Cherubin, quia disparilitas uolūtatum, siue cogitationum, in superna patria nulla est, ubi una omnes eademq; præsentis uisionis & gloria illustrantur. Posuitq; Cherubin in medio templi interioris, extendebant autem alas suas Cherubin, & tangebant ala una parietem, & ala Cherub secundi tangebant parietem alterum. Alæ autem alteræ, in medio pariete templi se inuicem contingebant.) Manifestū est ex his quæ prædicta sunt, quare Cherubin in medio templi interioris sint positi, quorū habitatio est in cœlis. Extendebant autem alas Cherubin, quasi ad uolandū, quia spiritus angelici semper habent animū ad obsequium diuinæ uoluntatis præparatum. Quod uero ala una tangebant parietē, ad illā charitatis administrationē pertinet, quam nobis exhibent angeli. Quod alæ alteræ in medio tēpli se inuicem cōtingebant, eam dilectionis gratiā qua se alterutrū cōplectuntur, exprimit. Bene autē sequitur, Texit quoq; Cherubin auro: quia & naturā corū conditor immortalī claritate sublimauit, & mentē uerā dilectionis atq; humilitatis luce repleuit. Notandū sane quia Moyses dum tabernaculū faceret, fecit & duos Cherubin aureos, quos posuit in propitiatorio, quod erat super arcā. Salo

mon autem addidit alios duos multo maiores, quos in templo poneret, sub quorum alis, arcam in medio poneret, cum propitiatorio & Cherubin prioribus: sicq; factū est, ut in tabernaculo quidem essent Cherubin duo, in templo autem quatuor. Ad unam uero eandemq; significationē utriq; pertinent, sed repetitum est opus augustius factū per Salomonem, ut typice doceretur, multiplicata post incarnationem domini sancta ecclesia, latius esse gentibus sublimitatem ciuium cœli pandendā, qui sic conditorē de collato sibi munere beatitudinis collaudant, ut de nostra quoq; ereptione atq; ad eandem beatitudinem introductione cōgaudeant. Extendunt enim alas adinuicē super arcam, cum ad laudem domini saluatoris referunt bonū omne quod acceperunt: extendūt alas alteras ad parietes oraculi, cum sanctos etiam homines secum uiderē lātantur, eosq; uelut alarum suarum summitatibus t̄gunt, quos confortes atq; imitatores fuisse in hac uita suę puritatis exultant. Duos autem æque parietes alis suis t̄gunt: quia fideles utriusq; populi, Iudæi scilicet & gentilis, secum possessores habent aulæ cœlestis. Namq; in illa patria distinctio fit localis inter utrumq; populum. Sed quia maior sit festiuitas internæ beatitudinis de consortio adunatæ fraternitatis, extendunt Cherubin ad utrumq; parietem oraculi alas suas, quia lātantes in cœlesti patria iustos utriusq; plebis, uisione quoq; suæ gloriæ ad laudem creatoris excitant: nec solum de illorum quos secum intus habent hominum iustorum felicitate, lātantur agmina cœlestia: uerum etiam nostri, qui foris adhuc positi de profundis ad dominum clamamus, curam gerunt sedulam. Vnde bene de eisdem Cherubin in libro Paralipomenon scriptum est, Ipsi autem stabant erectis pedibus, & facies eorum uersæ erant ad exteriorem domum. Stabant etenim erectis pedibus Cherubin, quia à uia ueritatis in qua mox conditi positi sunt, nunquam aberrauerunt angeli. Habent facies ad exteriorem domum, quia nos ab huius erumna peregrinationis ereptos, ad suum desiderant peruenire consortium. Sic ergo pedibus stant rectis, sic alas suas auro tectas ad oraculi parietes extendunt, ut facies habeant ad domum uersas exteriorem, quia angeli sic suam perpetuo innocentiam conseruant, sic de animarum sanctarum in cœlis beatitudine congaudent, ut eis quoq; quos in terris adhuc peregrinari conspiciunt, electis opem ferre non desinant, donec & illos ad cœlestem patriam introducant. Omnes enim sunt administratorij spiritus in ministerium missi, propter eos qui hæreditatem capiunt salutis. Possunt etiam per duo Cherubin duo testamenta figurari, qui nimirum Cherubin in oraculo sunt facti, quia in consilio diuinæ promissionis nobis utiq; inaccessibili atq; incomprehensibili ante secula dispositum est, quando, & qualiter, quibus ue autoribus sacra scriptura conderetur. De lignis oliuarum sunt facti, quia per uiros misericordiæ quorum pietati non defuerunt uires, unctiōe sancti spiritus illustratos, diuini sunt libri conscripti. De lignis oliuarum sunt facti, quia lucem nobis scientiæ

bis scientiæ tribuunt, iuuant flamina charitatis dei, quæ per spiritum sanctum diffunditur in cordibus nostris. Decem cubitis sunt alti, quia per obseruantiam decalogi legis, deo seruendum prædicant, & deo fideliter seruientes denario remunerandos esse regni perpetui ostendunt. Geminas habent alas, quia testamenta per aspera æque & prospera, indefesso proposito semper ad cœlestia tendisse ac peruenisse declarant: & hoc idem suis auditoribus faciendum esse demonstrant. Quinque cubitorum erat ala Cherub una, & quinque cubitorum ala Cherub altera: quia in omni labentium rerum uarietate, sancti uniuersos corporis sui sensus, in obsequium sui conditoris extendunt: oculos habentes semper ad dominum, audire desiderantes uocem laudis eius, & narrare uniuersa mirabilia eius, dulcia faucibus suis habentes eloquia illius, super mel & fauam ori suo, currentes in odore unguentorum eius: & donec superest halitus in eis, & spiritus dei in naribus eorum, non loquentes labijs iniquitatem, nec in lingua sua stultitiam personantes: sicque per arma iustitiæ à dextris & à sinistris incedentes, ad perceptionem cœlestis denarii, quem summus paterfamilias cultoribus suæ uinæ repromisit, perueniunt. Et opus unum erat in duobus Cherubin, quia utriusque testamenti scriptores, una eademque castitate operis & charitatis deuotione deo seruierunt, una & consona uoce ac fide deum prædicant: quia quæ nouum testamentum de dominicâ incarnatione, passione, resurrectione, ascensione, gētium uocatione, Iudæorum expulsionem, multimoda ecclesiæ tribulatione facta narrat: hæc eadem uetus testamentum, si recte intelligitur, ueraciter fienda prædicabat. Aduentum uero antichristi, finem seculi, extremi discrimen iudicii, & æternam bonorum gloriam, pœnamque reprobatorum, concordî utrumque testamentum ueritate probat. Alæ ergo Cherubin interiores super arcam se inuicem contingebant: quia utraq; testamenta pari de domino attestatiōe consentiunt. Item alis exterioribus, iste unum parietem, ille alterum contingebat: quia uetus testamentum propriè antiquo dei populo scriptum est: nouum uero nobis, qui post incarnationem dominicam ad fidem uenimus. Et secundo parietem, hoc est septentrionali, recte comparatur: quibus post frigus ac tenebras idololatriæ, lucem ueritatis cognoscere datum est. Nam & si primitiua ecclesia maxime de Iudæis effloruit, & omnis Israel circa finem seculi saluandus esse creditur: plurimi fidelium huius corporis congregantur ad euangelij suscipiendi sacramenta, quibus etiam hoc diuinitus donatum est, ut reuelatis oculis cordis sui, manifeste cognoscant literam ueteris testamenti, euangelicæ gratiæ plenam esse mysterijs. Versas habent facies Cherubin ad exteriorem domum: quia nobis qui adhuc foris stamus, nec re, sed spe, salui facti sumus, diuini sunt libri conditi: quia scriptores eorum iam regnantes cum domino, illumque collaudantes in cœlis, curam nostræ gerunt salutis, qui pro nostris erratibus, apud eius pietatem interpellant. Circundati sunt auro Cherubin,

ro Cherubin, quia præclaris scriptorum suorum operibus confirmatur auctoritas testamentorum, manifestata iam per orbem cognitione diuinarum scripturarum, siue interna gloria cœlestium agminum: utrumque enim Cherub, ut diximus, & angelos uidelicet & testamēta designant, cum plures ad fidem conuerſi, & bonis abundare cœperint operibus. Vnde & apte subditur, Et omnes parietes templi per circuitum sculpsit uarijs cœlaturis & torno.) Omnes parietes templi per circuitum, omnes sanctæ ecclesiæ populi sunt, quibus super fundamētum Christi locatis, totius ambitum orbis repleuit, cœptumque fidei ædificium quotidie noua membrorum suorum progenie, quasi lapidum preciosorum appositione superaugmentare non desistit. Qui nimirum parietes uarijs cœlaturis sculpuntur: cum alij datur per spiritum sermo sapientiæ, alij sermo scientiæ secundum eundem spiritum, alteri fides in eodem spiritu, alij gratia sanctorum in uno spiritu, alij operatio uirtutum, alij prophetia, alij discretio spirituum, alij genera linguarum, alij interpretatio sermonum. Et ut ad illas ueniamus, quas omnes habere ualemus uirtutes, charitas, gaudium, pax, longanimitas, patientia, benignitas, bonitas, modestia, continentia, & ceteri fructus spiritus, quid nisi cœlaturæ parietum templi quæ ornatus sunt mentium populi dei? Sculpuntur & iidem parietes torno, cum prompto pollent animo fideles, ad faciendum cuncta quæ dominus præcepit, ad patiendum cuncta quæ permittit, dicentes ex animo per singula quæ occurrunt, Benedicam dominum in omni tempore. Et, Paratum cor meum deus, paratum cor meum, cantabo & psalmum dicam domino. Sculpuntur torno, cum intantum uirtutibus operam impendunt, ut ab harum tramite nullis circumstantium rerum contrarietatibus, nullis possint blandimentis auerti. Quia enim tornatura cæteris artibus uelocitate præcellit, & ipsa sibi regulam qua sine errore opus perficiat, seruat, apte per hanc pia sanctorum uita signatur: quia & parata est semper ad obsequium diuinæ uoluntatis, & hoc absque diuerticulo errandi complere longo uirtutum usu exercitata didicit. Vnde & sancta ecclesia in Canticis canticorum, sponsi ac redemptoris sui uirtutes admirata, dicebat, Manus eius tornatiles, aureæ plenæ hyacinthis, Tornatiles quippe sunt manus eius, quia apparens in carne sanitates & miracula quæcunque uoluit, absque omni morarum tarditate, absque ullis errorum ambagibus, dei uirtus & sapientia perfecit. Aureæ sunt, quia ea quæ foris uerbo iussit, intus diuina plenitudo potentia dedit. Plenæ sunt hyacinthis, quia ad gloriam patris uniuersa quæ fecit, retulit: & per opera quæ fecit, nostros ad quærenda cœlestia sensus erigit. Omnes ergo parietes templi, per girum uarijs cœlaturis & tornis sculpuntur, cum tota per mundum ecclesia, uirtutum spiritualium exequutioni, absque ullo prorsus errore prompta deuotione insistit. Vbi bene subditur, Et fecit in eis Cherubin & palmas, & picturas uarias, quasi promittentes de pariete, & egredientes.) Cherubin namque in parietibus templi facit

pli facit Salomon, cum electos suos dominus ad regulam scripturarum sanctarum, in quibus est multitudo scientiæ, uitam suam dirigere donat. Cherubin facit, cum eos in hoc mundo castitatem angelicæ conuersationis pro modulo suo docet imitari, quæ maxime uigilijs, ac laudibus diuinis, dilectione sincera conditoris & proximi geritur. Palmas facit cum memoriam æternæ retributionis eorum mentibus infigit, ut eo minus ab arce iustitiæ labi queant, quo mercedem iustitiæ semper ante cordis oculos habent. Facit picturas uarias prominentes de pariete, & egredientes, cum multifarias uirtutum operationes fidelibus tribuit: uerbi gratia, uiscera misericordiæ, benignitatem, humilitatem, patientiam, modestiam, sufferre inuicem, & donare sibi metipsis, super omnia autem hæc charitatem habere, quod est uinculum perfectionis. Quæ uidelicet uirtutes cum in tantam electis consuetudinem uenerint, ut uelut naturaliter eis uideantur insitæ, quid aliud quàm picturæ domus domini prominentes, quasi de pariete exeunt: quia uerba & opera ueritatis non adhuc ab alijs extrinsecus discunt, sed ut sibi met infixa radicitus, parata semper ab intimis cordis quæ sunt agēda siue docenda proferunt. Sed & pauimentum domus, textit auro intrinsecus & extrinsecus, in oraculo & in ipso templo. Significare autem diximus supra, quod pauimenti æqualitas humilem concordiam designaret sanctæ fraternitatis, ubi cum sint Iudæi & gentes, Barbari & Scythæ, liberi & serui, nobiles & ignobiles, cuncti se in Christo fratres esse, uniuersi eundem se habere patrem in cœlis gloriantur. Neq; enim de concordissima humilitate supernorum ciuium dubitare cuiquam fas est. Textit ergo Salomon pauimentum domus auro intrinsecus & extrinsecus, quia rex noster pacificus, & angelos atq; animas iustorum in cœlis perfecte ac plenarie dono dilectionis impleuit, & peregrinos in hoc seculo ciues eiusdem patriæ cœlestis, signaculo dilectionis cæterorum mortalium uilitate segregauit: in hoc cognoscent, inquiens, omnes quia discipuli mei estis, si dilectionem habueritis ad inuicem. Et in ingressu oraculi fecit ostiola de lignis oliuarum, postesq; angulorum quinque, & duo ostia de lignis oliuarum. Quod primo dixerat, Fecit ostiola de lignis oliuarum: hoc ipsum uidetur apertius explicare uoluisse, cum adiūxit, Et duo ostia de lignis oliuarum. Vnus quippe erat ingressus oraculi, sed idem ingressus duobus ostijs claudebatur, rursumq; reueratis eisdem aperiebatur, sicut templum, & sicut porticus ante templum, unum non amplius habebant introitum, certi utiq; causa mysterij: quia unus dominus, una fides, unum baptisma, unus deus, unus in ecclesiam præsentem per baptismum, unus in regnum cœleste per opera fidei est sperandus introitus. Nam quod unus esset introitus oraculi, testatur hoc quod inferius de arca scriptum est. Cumq; eminerent uetætes, & apparerent summitates eorū foris sanctuariū ante oraculum, non apparebant ultra extrinsecus. Vbi patet ostendit, ni fallor, quod unus erat ingressus oraculi, & hic è regiōe factus arcæ quæ in medio eiusdē oraculi fuit. Cuius ingressus & ostiola per significationē multiz

De ingressu
oraculi
XVII

multifarie possunt accipi: nam & angelicos spiritus, quorū ministerio in habitationem cœlestis patriæ introducimur, aptissime designant, & apostolorum atq; uirorum apostolicorū figuram tenent, quibus clauēs regni cœlorum sunt datæ, qui accepta à domino potestate ligandi atq; soluēdi, & dignos intra regni ianuam admittunt: & contumaces, impuros ac superbos, excommunicando uel anathematizando, ab ingressu uitæ perennis eliminant. Sed & opera iustitiæ quorum merito ad regnum cœleste peruenit, recte per ostia per quæ in sancta sanctorum ingrediebatur possunt typice designari, iuxta quod in libro Sapientiæ scriptum est, Custoditio autem legum consummatio incorruptionis est, incorruptio autem facit proximum deo. Concupiscentia itaq; sapientiæ, deducit ad regnum perpetuum. Quibus omnibus apte cōgruit, quia ipsa eadem ostiola de lignis sunt oliuarum, quia nimirum & angeli & homines perfecti, fructu misericordiæ & operibus lucis sese in domo dei gloriosos exhibent, immo omnes electi per arma lucis & pietatis aditum sibi patriæ cœlestis aperiunt. Duo sunt autem ostiola: siue quia dominum & proximos diligunt angeli & homines sancti, neq; ianuam uitæ, nisi per geminam hanc dilectionem poterit quis intrare: seu quia utriusq; populi fidelibus, & Iudæi uidelicet & gentilis, eadem uitæ ianua referatur. Postes sunt angulorum quinque, quia non solum animas electorum aula cœli recipit, sed & corporib; immortali gloria præditis, in iudicio suas fores aperit. Quinque enim sunt sensus corporis nostri, ut supra meminimus, uisus, auditus, gustus, olfactus, tactus. Certe uel postis uterq; oraculi uel factus est cubitorum, quia solis illis supernæ patriæ aditus panditur, qui omnibus sui corporis & cordis sensibus domino se uire studuerunt: corporis uidelicet, cum per eosdem sensus aliquid pro illo agunt: cordis uero cum sobrie & iuste & pie cogitant de eis quæ per ipsos corporis sensus agere decernunt. Sculpsitq; in eis picturam Cherub & palmarum species, & anaglypha ualde prominentia, & textit ea auro, operuitq; tam Cherubin quàm palmas & cætera auro) Anaglypha Græce, dicuntur Latine cælaturæ. Cælata sunt autem uasa aurea uel argentea, signis eminentioribus extra intusq; expressa. Hæc & alio nomine sculpta uocantur, anaglypha uasa dicta, quod superius sunt sculpta: Græci enim Ana, sursum, Glyphen, sculpturam dicunt: id est, sursum sculpta. Cuncta autem hæc supra eadem Cherubin in ornatu parietum templi posita, pro captu nostro exposita sunt, nec laborandum in astruendo: quin uirtutum operibus quæ per totum orbem ecclesia in suis sanctis ac perfectis exercet, illi præcipue quibus fidelium cura commissæ, & clauēs regni cœlorū sunt datæ, omni debeant solertia insistere, ut quantum gradu præminent cæteris, tantū & merito præcellant bonæ actionis. Habent namq; in se picturam Cherubin insculptam, cum angelicam in terris uitam, quantum mortalibus possibile est, & mente imitantur & opere. Habent palmarum species, cum dona supernæ retributionis fixa semper intentione meditantur. Palma namq; manus uictoris ornatus est. Habent anaglypha ualde promi-

prominentia, cum certissima bonorum operum documēta, & quæ nemo in sinistram partem interpretari ualeat, cunctis se intuentibus ostendunt. Et hæc omnia opera sunt aureis laminis cooperta, cum sicut sæpe dictum est, & semper dicendum est, cæteris uirtutum floribus specialius in magnis ecclesiæ membris fulgor supereminet amoris. His ostiolis etiam uelum fuisse additum, uerba dierum narrât. Fecit quoq; uelum, inquit, ex hyacintho, purpura coccino & bysso, & intexuit ei cherubin: quod decoris quidem gratia factum est, ut inter parietes deauratos & holoseriçū fulgeret, sed in eiusdem mysterij significatione, cuius & ostiola, ante arcā atq; ingressum oraculi adpensum, ut sicut ostiola congruis horis aperiebant, sic & uelum reuelaretur, quoties adueniret qui in sancta sanctorum esset ingressurus. Huius ergo ueli sedula reuelatio, sedulam apertionem regni cœlestis significat, quæ nobis per incarnationem domini & saluatoris nostri, donata est: unde & baptizato eo, cœli aperti sunt, ut ostenderet, quia p baptismā quod nobis ipse consecrauit, ianuam patriæ cœlestis deberemus ingredi: & moriente illo in cruce, idem uelum scissum est medium à summo usq; deorsum, ut aperte doceret, quia figuræ legales iam tunc ad finem uenissent, ac ueritas euangelij arcanāq; cœlestia, & ipse cœli ingressus, non adhuc prophetandus, ac figuraliter significandus, sed iam iamq; esset proxime omnibus aperiendus, qui ab initio mundi usq; ad id temporis in fide ueritatis de mundo transierunt. Nam die post resurrectionem domini quadragesimo uniuersi cum eo cœlum pertrierunt, remotoq; omni uelamine multipharas in domo domini mansiones pro suis quicq; meritis acceperunt, sed & nobis qui adhuc futuri eramus, eadem hora referatus est supernæ illius ciuitatis ac domus patris ingressus. In quam profecto ciuitatem non nisi per interna æternorum bonorum desideria, per fidem & sacramenta dominicæ passionis, per uerba sinceræ dilectionis, per mortificationem concupiscentiæ carnalis, & per quotidiana angelorum auxilia cōscenditur. Vnde bene idem uelum sub quo in oraculum intrabatur ex hyacintho, purpura, coccino & bysso factū est, eiçq; cherubin intexti esse memorâtur. Hyacinthus quippe qui cœli colorem imitatur, purpura quæ sanguine conchiliorum conficitur, & sanguineam ipsam profert speciem, non immerito sacramentum signat dominicæ passionis, quod nos imitari crucem nostram portādo debemus. Coccino qui rubeo colore flammescit, congrue uirtus exprimitur amoris, de qua mirantes dixerūt, qui cum domino ambulauerunt discipuli. Nōne cor nostrum ardens erat in nobis, dum loqueretur in uia, & aperiret nobis scripturas? Bysus quæ de terra uiuenti germine nascitur, & longo artificum exercitio natiuum exuit uirorem, atq; ad albam deducitur speciem, congrue castitatem nostræ carnis insinuat, cuius quasi humorem ingentū exicari iubet Apostolus dicens. Mortificate membra uestra quæ sunt super terram, fornicationem, immundiciā, libidinem, concupiscentiam malam, & auaritiam, quæ est simulachrorū seru-

uitus. Ad quantam uero candoris gloriam hanc uelit perducere, ostendit alias dicens: Obsecro uos fratres per misericordiam dei, ut exhibeatis corpora uestra hostiam uiuentem, sanctam, deo placentem, rationabile obsequium uestrum. Intexuit uelo cherubin, eademque quatuor coloribus eximijs conficiuntur, cum in uniuersis quae pie agimus, a uenenatis daemonum telis per angelica praesidia domino donante protegimur. Item, texuit uelo cherubin, cum in bonis quae agimus, multitudine scientiae indefinenter utimur, respicientes semper ad eloquia diuina, & ne forte a uirtutum calle aberremus, horum introitu continue uestigia nostra regamus. Fecitque in introitu templi postes quadrangulatos, & duo ostia de lignis abiegnis intrinsecus, & utrumque ostium duplex erat, & se inuicem tenens aperiebatur. Sicut ingressus oraculi, quo ad arcam domini cherubinque perueniebatur, introitus regni coelestis significat, quo ad conditoris uisionem nostri superiorumque ciuium nos introduci speramus, ac desideramus: ita introitus in templum primordia nostrae conuersionis ad deum, quando in praesentem ecclesiam ingredimur, typice demonstrat. Iste ingressum nostrum ad fidem, ille designat ad speciem: unde apte postes huius introitus quadrangulati sunt facti, propter quatuor sancti euangelii libros, quorum doctrina in fide ueritatis erudimur: seu propter totidem quatuor uirtutes principales, prudentiam, fortitudinem, temperantiam, iusticiam, quarum ueluti fundamini quodam firmissimo omnis bonorum actuum structura innititur. Prudentia namque est, qua discimus quid nos agere, qualiter uiuere deceat. Fortitudo, per quam ea quae didicimus agenda implemus. Quas uno uersiculo uirtutes propheta breuiter complectitur dicens: Dominus illuminatio mea & salus mea. Illuminatio uidelicet ut quae agere debeamus edoceat: salus uero ut nos ad agenda confirmet. Temperantia, qua discernimus ne plus aut minus iusto prudentiae siue fortitudini, operam dare inueniamur. Et quisquis prudentia, fortitudine, temperantia utitur, absque ulla contradictione iustus esse probabitur. Virtus quarta post prudentiam, fortitudinem, temperantiam, iusticia sequitur. Duo ostia quae in hunc ingressum facta sunt, dilectio est dei & proximi. Quae bene altrinsecus facta esse dicuntur, quia ad inuicem respiciunt, adeo ut una sine altera nequaquam possit haberi. Omnis enim qui credit, quoniam Iesus est Christus, ex deo natus est: & omnis qui diligit eum, qui genuit, diligit eum qui natus est ex eo. Et sicut iterum dicitur: qui non diligit fratrem suum quem uidet, deum quem non uidet, quomodo potest diligere? Vnde recte ostium exterius dilectio fraterna, interius est dilectio intelligenda diuina: quia illa prior tempore, haec dignitate sublimior: & per illam ad hanc intratur, quia in amore proximi discitur, qualiter amari conditor debeat. Vtrumque autem ostium duplex erat, & se inuicem tenens aperiebatur: quia in utraque dilectione duo sunt quae principaliter obseruare debemus. In dilectione etenim dei fidem ueritatis, & puritatem necesse est ut habeamus bonae operationis: sine fide enim impossibile est

bile est placere deo: & fides sine operibus mortua est. In amore enim fraternitatis patientia est, & benignitas seruanda, dicente Apostolo, Charitas patiens est, benigna est: patiens uidelicet ad tolerandas molestias iniuriasque proximorum: benigna, ad dimittendum ex corde, & benefaciendum eis, quorum iniurias sustinet: qualem nos charitatem habere dominus uoluit, cum ait, Dimittite & dimittetur uobis. Dimittite iniurias laedentibus uos, date subsidia eis pietatis, quibus laxatis iniurias: qualem nobis impendere dilectionem desiderat, ipse qui nos in oratione dicere praecepit, Panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris. Vtrumque ergo ostium duplex erat, quia dilectio utraque gemino ordine perficitur: utrumque se inuicem tenens aperiebatur, quia iunctae sunt uirtutes, neque ab inuicem possunt diuidi. Nam neque fides sine operibus, neque sine fide deo possunt opera bona placere: neque item iniurias ferre sufficit, qui ei quae tolerat, etiam ea quae necesse habet cum possit ministrare contemnit: neque ei qui substantiam mundi habuerit, satis est de hac egenti proximo dare, si non etiam eas quas sibi forte irrogauerat iniurias, sincero ex corde dimittit. Quod enim de utroque illo ostio dicitur, quia se inuicem tenens aperiebatur, non haec apertio separationem ab inuicem spiritualium designat uirtutum, sed hoc potius indicat, quod post harum coniunctionem, ingressus nobis sanctae ecclesiae magis magisque pateat: ut quo his amplius abundemus, eo uerius sanctorum coetibus associemur: sicut etiam diuisio rubri maris, per quam populus dei Aegyptum persequentem euasit, non diuisionem unici baptismatis, sed apertionem potius signauit, qua extinctis peccatis omnibus, ad littus ac solitudinem transeamus uirtutum. Vel certe ostium quod inuicem se tenet, aperitur, cum post ministerium praedicatoris discernitur, quid proprie ad cognitionem fidei, quid ad uiuendi castitatem pertineat. Quae tamen utraque a sua nequeunt conjunctione separari, quia non distat inter proximorum mala tolerare, & eis bona commodare, cum haec certissime soleant in uno eodemque corde perfectorum indissolubilia permanere. Notandum sane quod in ingressu oraculi duo quidem ostia dicuntur, sed haec duplicia fuisse non dicuntur: in templi uero id est domus prioris introitu ita erant duo ostia, ut duplex esset utrumque: quia nimirum in praesenti ecclesia talem nos ingredi ac ducere uitam necesse est, in qua dilectione dei & proximi per fidem & operationem, per patientiam & benignitatem seruemus. In futura autem uita ubi dominum & proximos in luce internae beatitudinis uidebimus, eadem utique gemina dilectione absque ullo prorsus labore, imò in magna multitudine diuinæ dulcedinis perfruemur. Vnde apte introitus interioris domus duo quidem ostia, sed haec simplicia habebat. Non enim fides ibi necessaria est, ubi ea quae nunc credimus ac speramus, omnia manifesta luce uidebimus. Non est labor operum necessarius, ubi mercede perpetua eorum, quae hic laboramus, donabimur. Non ne-

cessaria patientia, ubi nemo aduersi aliquid irrogat. Non munificentia benignitatis, ubi nemo indiget quod opus est. Hæc de ostiorū figura pro modo nostro sequentes patrum uestigia, differuimus. Verum iuxta formam operis, decoris gratia prouisum est, ut in uno eodemq; templi ingressu, duo essent ostia. Necesse etenim erat parietes domus, qui CXX cubitos habebant, nonnullas etiam crassitudines habere: in cuius nimirum crassitudinis extrema parte ostia erant affixa, ita ut æquali pariete esset ostium utrumq;, & siue intus siue foris templum quisq; positus ostium inspiceret, unus ei per omnia paries esse uideretur. similiter & cedrinus paries cum uicenorum, in longitudine & altitudine esset cubitorum, non paruam & ipse debuit habere crassitudinem. Qua propter & in huius ingressu duo facta sunt ostia, ut uidelicet ab utroq; latere, hoc est, intus & foris æquali pariete ostiū pateret. Et quoniā easdem picturas æquas ostium & paries habebat, ut ueraciter unus per omnia continuatim extentus paries uideretur, unum decoris gratia prætendens, aliud mysterij dispensatione præfigurans. Quod uero descriptis templi ostijs sequitur: & sculpsit cherubin & palmas & cælaturas ualde eminentes, operuitq; omnia aureis laminis opere quadro ad regulam: iam supra expositum est: quia in parietibus domus & in ostijs interioribus eadem picturæ siue cælaturæ sunt factæ: patetq; ratio figuræ, quare easdem ipsas picturas & cælaturas, eosdemq; cherubin prima templi ianua quos & interior recipiat: quia nimirum eadem arcana fidei, spei & charitatis, quæ sublimes quisq; ac perfecti sublimiter capiunt, quæq; omnes electi in cœlis plene in diuina uisione percipiunt, etiam catechizandis rudibus quibusque discenda & confitenda traduntur, quatinus sacris initiati mysterijs, quandoque etiam ad capienda ea quæ pie crediderunt perueniant. Quod autem nostra translatio habet, operuitq; omnia laminis aureis opere quadro ad regulam: in LXX habet, Expandit per eas bracteas, & deaurauit eas auro inducto per sculpturam. Aedificauit atrium interius tribus ordinibus lapidum politorum, & uno ordine lignorum cedri) De interiori atrio breuiter loquitur, de exteriori prorsus tacere uidetur. Verum in uerbis dierum utriusq; fit mentio, ubi ita scriptum est: Fecit etiam atrium sacerdotum, & basilicam grandem, & ostia in basilica, quæ textit ære. Atrium ergo interius quod uocatur sacerdotum, eo quod sacerdotes & leuitæ in eo ministrarent, ex omni parte erat templo circumdatum ab oriēte: unde templi ingressus multo longius à templo, quàm à ceteris tribus plagis positus erat: quia nimirum in ea, id est, in facie templi fiebant ministeria sanctorum: ibi altare æneum ad hostias domino offerendas, ibi decem luteræ ad lauandas easdem hostias, ibi mare æneum erat positum ad lauandas manus pedesq; sacerdotum, cum ad ministrandū intrarēt. Habebat autē hoc atriū tres cubitos altitudinē, ut Iosephus narrat, quatinus ab ingressu templi cæteros prohiberet, & solum sacerdotibus hoc licere significaret: eratq; ianua ad orientalem plagam, ad quam

De atrijs domus domini.
XVIII

quam usq; populus hostias suas & sacrificia inferebat, inde suscipienda à sacerdotibus, atque ad altare perferenda. De exteriori uero atrio, quod uerba dierum basilicam grandem uocant, ita scripsit Iosephus. Extrinsecus autem huius templi aliam ædificauit aulam quadrangulo schemate factam, erigēs maximas porticus, atq; latas portas & excelsas & amplas, per quatuor mundi partes, in ea constituens: quarum singulæ ad unumquemq; uentum, quatuor angulis attendebant, ubi æreas ianuas collocauit. Et paulo post: Hoc sacrarium omnes populi, quibus purgatio & obseruatio legitimorum inerant, introibant. Has uero porticus Cassiodorus senator in pictura templi quam in pariete posuit, ut ipse in psalmorum expositione commemorat, triplici ordine distinxit: primum uidelicet ordinem ponens extra atrium sacerdotum ex omni parte quadrum, secundum eodem modo extra intimas porticus, undiq; uero in gyrum extremum, similiter ex omni latere priorum porticum in circuitu: sicq; templum triformi ædificiorum præsidio ab omni erat parte munitum, facto pauimento sub dio inter ædificia singula de marmore: & parietibus domorum interioribus, hoc est eis qui ad templum respiciebant, factis in columnis: exterioribus uero solidis: sicq; fiebat, ut omnis structura templi per gradū esset uarietate rationabiliter distincta. Namq; in sancta, sanctorum ingrediebatur pontifex, in ipsum templum sacerdotes purificati, in atrium sacerdotum sacerdotes purificati & non purificati, una cum leuitis & cantoribus: in intimū atrium basilicæ maioris uiri Iudæi stantes purificati & orantes subdiuo si serenum esset, si tempestas in porticus proximas sese recipientes, in exterius autem mulieres Iudææ purificatæ, in extremum atrium gentiles & Iudæi, qui nuper uenerant ex gentibus usq; ad sextum purificationis diem. Hæc in pictura Cassiodori distincta reperientes, breuiter adnotare curauimus, ratū eum ab antiquis Iudæis hæc didicisse, neq; uirum eruditum uoluisse in exemplum legendi proponere, quæ non ipse prius ueraciter cognouisset. Hæc sunt loca quorum meminit supremus graduū psalmus, qui ita incipit: Ecce nunc benedicite dominū, omnes serui domini, Qui statis in domo domini, in atrijs domini dei nostri. In his porticibus Hieremias & propheta alij, in his dominus & apostoli uerbum populo prædica- bant: in harum aliqua dominus sedebat docens, quando à tentantibus phariseis mulier illi adultera iudicanda oblata est. In his inuenit uendentes & ementes oues & boues & columbas, hosq; cum suis mercimonijs elimina- uit e templo: in his Petrus & Ioannes claudum inuenientes sanauerunt, ac secum ingredientes interius ad orandum duxerūt: in his orabat omnis multitudinem populi, quando incensum ponenti Zachariæ angelus ad altare thymiamatis apparuit, eumq; de præcursoris domini natiuitate perdocuit. Nā hæc atria cum porticibus suis aspectum templi de longe aspectantibus abscondere potuerunt, quia locus in quo templum erat situm, multo sublimior erat quàm ubi fundatæ porticus fuerunt. Nam sicut Iosephus scribit, extre-

ma atriorū fabricæ, cum in C C C C cubitis essent erectæ, tantū usq; ad uerticem mōtis, in quo templū ædificatū est, peruenerūt. Hæc quidē de structura templi studioso lectori credidimus intimāda. Verū in cis quæcūq; scriptura referre sacra cōmodū duxit, figuras mysteriorū quæramus, cæteris pro historię cognitione simpliciter utamur. Aedificiū ergo tēpli intra atriū sacerdotū, perfectorū in sancta ecclesia & sublimiū uitā exprimit uirorū, eorū uidelicet qui & excellentia uirtutū domino appropinquare, & alijs uerbo atq; opere ducatū solēt impendere salutis. Sacerdos nāq; ab eo latine nomē accipit, q̃ sacrū præbere ducatū minoribus debeat. Quo nomine in scripturis mystice nō soli altaris ministri, episcopi uidelicet & presbyteri, sed omnes utiq; censentur, qui altitudine rectę cōuersationis ac doctrinæ salutaris eminet, nec si bimet ipsis tātūmodo, sed pluribus profunt, dū corpora sua hostiā uiuentē, sanctā, deo placentē exhibēt. Neq; enim episcopis solis & presbyteris, uerū omni ecclesiæ dei loquebat apostolus Petrus, cū ait, Vos autē genus electū, regale sacerdotiū, gens sancta, populus adquisitiōis. Cuius honore dignitatis etiā antiquus dei populus erat insignitus, dicēte ipso ad Moysen. Hæc dicet domui Iacob, & annūtiabis filijs Israel. Et paulo post, Et uos eritis mihi regnū sacerdotale, & gens sancta. Basilica uero grandis, quæ erat extra atriū sacerdotū, in qua omnis populi multitudo adorare siue ad uerbū audiendū cōfluere solebat, carnaliū in sancta ecclesia uitā moresq; figuraliter insinuat, quibus dicit Apostolus: & ego fratres nō potui uobis loqui quasi spūalibus, sed quasi carnalibus: tanq̃ paruulis in Christo, lac uobis potū dedi, nō escā. Qui bene per basilicā grandē designāt, quia absq; ulla dubietate multo maior est in sancta ecclesia taliū, q̃ perfectorū numerus: sed quātū numero prestat, tantū succūbūt merito. Vnde apte basilica hæc grādis, & si plurimos capit, nō eos tamē in interiora tēpli deauratī, nō ad altaris officiū, nō ad ipsum saltē atriū sacerdotū intromittit: quia carnales quicq; atq; infirmi in ecclesia, & si ob meritū castæ fidei ac pietatis deo deuoti ad electorū sortē pertinet, lōge tamē abest ut illis æquētur, qui cū fiducia dicere possunt, Nō enim audeo aliquid loqui eorū quę per me nō effecit Christus in obedientiā gentiū, uerbo et factis. Et iterū. Bonū certamē certaui, cursū cōsummaui, fidē seruaui de cætero reposita est mihi corona. Accedebat quidē uulgus usq; ad atrium sacerdotū, hostias suas usq; ad huius ianuā deferēbat, susceptas à sacerdote, atq; in altari oblatas oculis prosequēbat, in ipsum etiā templū cū aperiebāt, intuitū suū à longe dirigēbat, nec tamē atriū sacerdotū intrandi facultatē habebat, uerū de inferioribus clamabat ad dominū: quia nec carnaliū in ecclesia simplicitas à domino despiciē, quādo fideliter ea quæ ualēt, uota pietatis offerūt. Dirigūt enim uisum à longe in templū dei, cū uitā sublimiū discere, & admirari sedulo gaudēt, & quos uirtutū imitatione sequi nequeūt, piæ uenerationis amplectūtur affectu. Vident hostias sacerdotū in altari, igne sacrosancto consumi, quia magna magnatorum opera cognoscunt à domino per spiri-

per spiritum sanctum dignanter accipi. Afferunt & suas hostias ad atrium sacerdotum offerendas domino per illos, dum bona quæ prævalent operantes, maiorum & doctiorum firmanur exhortatione & intercessione commendantur. Offerunt etiam tunc hostias suas sacerdotibus per eos domino commendandas, cum sanctis quibusque egentibus necessaria mundi huius, quibus ipsi abundant, summæ mercedis intuitu tribuunt, domino admonente ac dicente: Facite uobis amicos de mammona iniquitatis, ut cum defeceritis, recipiant uos in æterna tabernacula: & quicumque, inquit, potum dederit uni ex minimis istis calicem aquæ frigidæ in nomine discipuli, amen dico uobis non perdet mercedem suam. Ac sic utrorumque hostias unus idemque in altare dei assumit, cum dominus eleemosynas diuitum, quibus ministrauerunt sanctis, una cum magnis eorundem sanctorum uirtutibus, suo intuitu ac retributione dignas iudicat. Multitudo ergo credentium quæ relictis possessionibus uno corde & anima domino seruebat, ipsa est templum dei, & locus intra atrium sacerdotum specialiter illi consecratus. Porro basilica grandis, & orantes in ea circa atrium sacerdotum in gyro, figuram gestant eorum, qui idem templum ingrediebantur ex gentibus in Syria & Antiochia, ceterisque prouincijs & ciuitatibus: quibus Apostoli & seniores, qui erant in Hierosolymis nihil amplius imponebant oneris, quàm ut abstinerent se ab idolis immolato & suffocato, sanguine & fornicatione. Quorum tamen oblationibus uolebant pauperes sanctorum, qui erant in Hierosolymis sustentari: quatinus eis carnalia sua ministrantes, spiritualium eorum possent fieri participes. Barnabas uero & Paulus cum socijs suis, qui oblationes horum accipientes Hierosolymam deferebant, ipsi sunt sacerdotes, qui hostiam suscipientes ad altare domini consecrantes perducebant: quæ dona deuotionis eorum sanctis qui pro illis orare deberent, attulerunt. Atrium ergo quod positum inter locum uulgi & sacerdotum medium erat, diuisionem significat illam quæ carnales in sancta ecclesia, nuperque incipientes uiam iusticiæ, ab arce perfectorum, non quidem sorte electionis, sed meritorum quantitate secernit. Namque carnales sufficere sibi credunt, si fidem, spem & charitatem, operum quoque mundiciam habeant. Perfecti autem & hæc habent, & insuper uerbo prædicando laborant, pauperibus omnia sua tribuunt, uigilijs, ieiunijs, hymnis & canticis spiritualibus, sacris quoque lectionibus operam dant, persecutiones, pericula propter iusticiam tolerant: & cætera quæ fecisse cum socijs Paulus gloriatur, prompta deuotione mentis exequuntur. Vnde bene atrium sacerdotum, tribus ordinibus lapidum politorum, & uno ordine lignorum cedri, ædificatum esse memoratur. Tres quippe ordines sunt lapidum politorum, fides, spes & charitas. Et recte politorum, quia certe necesse est discendi solertia, ut quisque quomodo credere, quid sperare, quid diligere debeat dinoscat. Vnus autem ordo lignorum cedri, ipsa est bona operatio sine corruptione simulationis exhibitæ, sine cuius supradiectione, fides, spes & charitas uera esse non ualet. Dictum

Quarto anno
templū ædifi-
catum. XIX

namq; est sapius, quia ligna cedri propter odoris gratiā & impūtribilē suā naturæ potentiā, perseverantiā, famamq; piæ designant actionis. Ad hoc usq; atriū uniuersī cōscendunt electi, qui fide, spe, dilectione, opere deo place re appetunt: hoc alta meritorū gratia transcendūt perfecti, cum in tanto uir- tutum culmine proficiunt, ut dicere suis auditoribus possint, imitatores no- stri estote, sicut & nos Christi: gloriāturq; & dicūt: Nescitis quoniā angelos iudicabimus, quāto magis secularia? Anno quarto fundata est domus do- mini in mense Zio, & in anno XI, mense Bul, ipse est mensis octauus, perfe- cta est domus domini in omni opere suo, & in uniuersis utensilibus: ædifica- uit autē eam annis VII. Patet allegoriæ sensus, quare VII annis ædificata sit domus domini: quia nimirū sancta ecclesia toto hoc seculo quod VII die- rum circuitu peragitur, ex electis cōstruitur animabus, & in fine seculi suum quoq; incrementū ad finem ipsum perducit. Vel certe VII annis ædificat, ob significationē gratiæ spūalis, quā ecclesia sola, ut sit ecclesia, percipit. Septē quippe dona sancti spiritus enumerat Esaias, sine quibus nemo fidelis, uel fidem seruare, uel merito fidei ad coronā potest uenire iusticiæ. Quod autē in VII anno, & in VIII eius mense perfecta est domus in omni opere suo, & in uniuersis utēlibus, ad futurū seculū diēq; iudicij p̄tinet, quādo ad tan- tam iam perfectionē sancta ecclesia pueniet, ut quid ei amplius addi possit, inueniri nō possit. Habebit enim tūc qd pius ille desiderator supplex a do- mino quærebat dicēs. Domine ostende nobis patrē, & sufficit nobis. Cōstat enim quia dies iudicij saepe in scripturis octonario numero typice exprimit, eo quod hoc seculū, qd VII diebus currit, sequatur: unde & ppheta psalmi ti- tulū pro octaua imposuit, quē ob meritū eiusdē districti iudicij cantauit, ita incipiens: Domine ne in furore tuo arguas me, neq; in ira tua corripas me. Sed non cōtemnenda nascit quæstio, quomodo dicatur, domus domini in mense octauo perfecta in omni opere suo, & in uniuersis utēlibus, cū in se- quentibus legatur, mense VII dedicationē eius esse cōpletā. Neq; autē credi- bile est, quia VII quidem annis templū ædificans Salomon octauo mense anni octauī fecerit dedicationē, sed usq; ad VII mensem anni octauī distu- lerit: unde potius mihi simile uidet domū VII annis ac VII mēlibus ædifi- catā, ita ut eodē mēse VII dedicationis sit celebrata solēnitas, ac die XXXIII ipsius mēsis, ut uerba dierū narrāt, populū Salomō ad tabernacula sua dimi- serit: sicq; post unā septimanā, adueniēte mēse VIII pfecta inuēta sit domus domini, in operibus uidelicet eius uniuersis, & ipsa eius dedicatiōe prius cō- pleta. Nisi forte putādū est post dedicationē aliquid adhuc utēiliū in mini- steriū eius additū fuisse usq; ad ingressum VIII mēsis: accelerāte rege ut om- nino mēse VII, qui erat totus solēnis, tēplū dedicaret: atq; ita uerū reperiāt utrūq; & tēplū uidelicet mense VIII in omni opere suo atq; utēilibus perfe- ctum, & ipsum VII mense dedicatum fuisse. Misit quoq; rex Salomon, & tulit Hiram de Tyro, filium mulieris uiduæ, de tribu Neptalim, patre Tyrio.

Tyrio, artificem ætarium, & plenum sapientia & intelligētia & doctrina, ad faciendum omne opus ex ære. Qui cum uenisset ad regem Salomonē, fecit omne opus eius) Et hoc mysterij gratia factum est. Artifex quippe Tyrius, quem adiutorem Salomon sui assumpsit operis, electos de gentibus uerbi ministros significat. Qui uidelicet artifex pulchre dicitur, quia filius erat mulieris uiduæ de Israel, in qua persona solet nonnunquam præsentis temporis ecclesia figurari, pro qua uir suus uidelicet Christus gustata morte resurrexit, atq; in cœlos ascendens, eam interim à se prægnantem reliquit in terris. Non autem laborandum in explanando, quomodo huius uiduæ filij sancti sunt prædicatores, cum omnes electi uiri se filios esse fateantur ecclesiæ, cum etiam de eisdem prædicatoribus noui testamēti specialiter promittatur, dicente propheta. Pro patribus tuis nati sunt tibi filij &c. Fecit autem Hiram omne opus Salomonis, quia nimirum doctores sancti, dum fideliter ministerio uerbi insistant, opus utiq; dei operantur, quo illis loquendo foris uiam ueritatis aperiunt, quos intus illustrando ipse ad uitam præordinauit æternam. Ego, inquit, plantaui, Apollo rigauit, deus autem incrementum dat. Fecit autem opus ex ære, quia illis committere uerbum quærit doctor strenuus, qui aut pie suscipere, aut perseueranter custodire desiderant, quiq; etiam alijs prædicando latius diffamare quæq; ipsi didicerint, recte satagunt. Aes namque ualde esse durabile constat, atque omnimodo sonorum. Et finxit duas columnas æreas, XVIII cubitorū altitudinis columnam utramq;. Hæc sunt columnæ de quibus Paulus ait. Iacobus & Ioannes & Cephas, qui uidebantur columnæ esse, dextras dederunt mihi & Barnabæ societatis, ut nos in gentibus, illi autem in circumcisionem. Quibus uerbis quasi exponere uidetur mysterium columnarum materialium, & quid uidelicet figurauerint, & quare duæ sint factæ. Apostolos namque & doctores cunctos spirituales significant, fortes nimirum fide & opere & contemplatione ad superna erectos. Duæ sunt autem, ut & gentes & circumcisionem prædicando in ecclesiam introducant. Stabant in porticu ante fores templi, & ingressum illius suo decore ac pulchritudine ex utraque parte mirabiliter ornabant. Ostium autem templi dominus est, quia nemo uenit ad patrem nisi per ipsum: & sicut alibi dicit, Ego sum ostium, per me si quis introierit, saluabitur. Quod uidelicet ostium, columnæ ab utroque latere coram positæ circumstant, cum minister sermonis utrique populo introitum regni cœlestis ostendit, ut si à luce scientiæ legalis quisq; seu ex rigore gentilitatis ad fidem euangelij uenerit, habeat paratos eos qui sibi iter salutis & uerbo demonstrant & exemplo. Vel certe quia de eis columnis in libro Paralipomenon ita scriptum est: Ipsasq; columnas posuit in uestibulo templi, unam à dextris & alteram à sinistris. Ideo factæ sunt duæ columnæ, atque ita dispositæ, ut nobis & in prosperis & in aduersis ingressum patriæ cœlestis ante oculos mentis habendū esse doceant. Hinc etenim Paulus
columna

columna utiq; domus domini excellentissima, per arma iusticiæ nos à dextris & à sinistris communiendos esse suis suorumq; sedulis hortatur exemplis: ut nec prosperis delectati, nec fracti aduersis, à regia uitæ uia, qua ad promissam nobis hæreditatem patriæ cœlestis gradiendum est, ulla in parte declinemus. Notandū sanè in hac sentētia Paralipomenon quam posui, quod eadem porticus templi etiam uestibulum templi uocabatur: & quod in prophetis legimus, inter uestibulum & altare orabant sacerdotes, inter porticum & altare holocaustorum debemus intelligere. Bene autem utraque columna XVIII cubitorū altitudinē habere memorat: ter etenim seni XVII faciunt, tria uero ad fidem pertinere propter sanctam trinitatem, VI ad operationem, quod in eo dierum numero mundus sit factus, luce clarius est. Et tria per VI multiplicantur, cum iustus ex fide uiuit, & cognitionē piæ credulitatis executione bonæ actionis accumulatur. Columna nāq; ante fores templi XVIII cubitorum alta est, cum prædicator quisq; egregius, palam cunctis insinuat, non nisi per fidem & opera iusticiæ nos ad supernæ gaudia uitæ posse peruenire: quamuis possit & his altius intelligi, quod nomen Iesu apud Græcos ab hoc numero incipiat. Prima litera nominis Iesus apud eosdem X, secūda VIIII significat. Et apte XVI cubitorum altæ sunt columnæ domus dei, quia doctores sancti, imò omnes electi ad eum finem bene uiuendo intendunt, ut conditorem suum facie ad faciem uidere mereantur. Neq; enim ultra quid quærant habebunt, cum ad eum qui est super omnia perueniunt. Et linea cubitorum XII, ambiebat columnā utramque. Linea XII cubitorum norma est apostolicæ institutionis, quæ nimirum linea ambit columnam utramq; cum doctor siue Iudæis seu gētibus prædicare missus, ea tantum facere curat ac docere, quæ sancta per Apostolos accepit ac didicit ecclesia. Nam si quis aliter uiuere siue prædicare uoluerit, & uel apostolica decreta spernere, uel pro suo libitu noua quælibet statuere maluerit, nō est talis columna templo dei apta, quæ dum apostolica statuta sequi contemnit, quasi uel exilitate inertię suæ, uel elationis tumidæ crassitudine, XII cubitorum lineæ non conuenit. Has nimirum lineas dominus columnis sui templi circumdedit, cum missis ad docendas baptisandasq; omnes gentes discipulis ait, Docentes eos seruare omnia quæcūq; mandauit uobis. Quisquis ergo seruat ac docet omnia quæcūq; mandauit apostolis dominus, nec alia superadiiciens, neq; horum quippiam præteries, ipse profecto columna in domo dei, quæ est ecclesia, & firmamētum est ueritatis, qualem fore Timotheum monuit apostolus Paulus. Verum quia absq; scientia scripturarum non potest esse firma uel uita uel loquela doctorū, apte subditur: Duo quoq; capitella fecit, quæ ponerentur super capita columnarum fusilia ex ere, V cubitorum altitudinis capitellum unum, & V cubitorum altitudinis capitellum alterū. Capita etenim columnarū, hoc est suprema pars earum, corda sunt fidelium doctorum: quorum deo deuota cogitatione, sicut capit

te mem

te membra, ita ipsorum omnia & opera diriguntur & uerba. Duo autem capitella, quæ his capitibus erant superposita, duo sunt testamenta, quorum meditationi atq; obseruantia doctores toto animo subduntur & corpore. Vnde bene utrumq; capitellum v cubitos habebat altitudinis, quia nimirum v libris scriptura Mosaica legis comprehensa est, v etiam seculi ætates tota ueteris instrumenti series complexa est. Nouum uero testamentum nõ alia nobis aliqua prædicat, quàm quæ Moyses prædicanda esse prædixerat, & propheta. Vnde dominus Iudæis ueteris testamēti literæ frustra adhærentibus, & gratiam noui spernentibus ait: Si crederetis Moyse, crederetis forsitan & mihi, de me enim ille scripsit. Scripsit enim de domino Moyses, & multa figuraliter, & illud apertissime, cum promissum narrat Abraham per dominum, quia in semine tuo benedicetur omnes familiae terræ: & cum per se ipse dicit filijs Israel, quia prophetam uobis suscitabit dominus deus uester de fratribus uestris, tanq; me ipsum audietis, iuxta omnia quæcūq; locutus fuerit uobis. Cuius præfagij discipulos uox patris de cœlo monuit, cum apparente illis domino in gloria, intet ipsum Moysen & Eliā in mōte sancto, ita in tonuit dicens: Hic est filius meus dilectus, in quo mihi bene complacui, ipsum audite. Cum admirabili diuinæ operationis concordia, primo noui gratia testamenti in uelamine erat ueteris abscondita, & nūc sacramenta ueteris testamenti sunt per lucem noui reuelata, quasi capitellum utriusq; columnæ v est cubitis altum: quia uidelicet manifestum est, quod in testamento ueteri eius sacramenta, uel in v libris legis præsignata, uel in v ætatibus sunt omnia plenius comprehensa, euangelicæ quoq; perfectionis est insita gratia: sicq; fit ut prædicator quisq; egregius siue ad Iudæos, seu mittendus ad gentes, consono diuinorum eloquiorum testimonio confirmatis, certam fidei & operis rectitudinem absque errore conseruet, noueritq; docens proferre de thesauro suo noua & uetera. Non solum autem testamenta sibi inuicem diuinorum sacramentorum relatione consentiunt, sed & omnes qui in eorundem testamentorum libris scripti continentur electi, una fide præditi, eademq; sunt adinuicem charitate connexi. Vnde apte de ipsorum capitellorum factura subinfertur: Et quasi in modum retis & catenarum sibi inuicem miro opere cōtextarum, utrumq; capitellum columnarū fusile erat. Quod in libro Paralipomenon ita scriptum est: Nec non & quasi catenulas in oraculo, & superposuit eas capitibus columnarū. Species namq; uirtutum & similitudo in capitellis, uarietas est uirtutum spiritualiū in sanctis: de qua domino canitur in psalmo, Astitit regina à dextris tuis in uestitu deaurato, usq; uarietate: hoc est, in uestitu fulgidæ dilectionis, circumamicta uarietate diuersorum charismatum, uel certe multiplex contextio catenarum & retis expansio, multipharas electorum personas insinuat: quæ cum uerbis sanctorum prædicatorum fideliter auscultando atque obediendo adhærent, quasi columnarum capitibus superpositæ retis & catenulæ, miraculum suæ connexionis

connexionis cunctis aspectantibus præbent. Hæ etenim catenæ miro sibi inuicem sunt opere contextæ, quia mirabili prorsus gratia sancti spiritus actum est, ut uita fidelium & locis & tempore & gradu & conditione & sexu & ætate multum secreta ab alterutrum, una eademq; fide ac dilectione sit coniuncta. Nam quia hæc coniunctio fraterna iustorum, & locis & temporibus disiunctorum adunatione fiat doni spiritualis, sequentibus quoq; uerbis ostenditur, cum de factura capitellorum adiungitur: Septena uersuum retiacula in capitello uno, & septena retiacula in capitello altero. Septenario namq; numero spiritus sancti gratia solet designari, Ioanne attestante in Apocalypsi: qui cum uidisse se diceret agnum habentem cornua septem, & oculos septem, mox exponendo subiunxit, qui sunt septem spiritus dei missi in uniuersam terram. Quod propheta Isaias apertius explicat, cum de nascituro in carne domino loquens, & requiescet, inquit, super eum spiritus domini, spiritus sapientiæ & intellectus, spiritus consilij & fortitudinis, spiritus scientiæ & pietatis, & replebit eum spiritus timoris domini. Septena ergo uersuum retiacula erant in capitello utroq; quia patres utriusq; testamenti per gratiam unius eiusdemq; spiritus septiformis, ut essent electi, acceperunt.

Et perfecit columnas, & duos ordines per circuitum retiaculorum singulorum, ut tegeret capitella. Duo quidē ordines erant retiaculorum in gyro capitelli, sed uterq; ordo septemplici uersuum numero currebat, donec circumacto capitello, rursus in se ipsum quasi circulo facto rediret. Hæc figura testamenti in abdito est, quare duo sint ordines retiaculorum, cum constet geminæ dilectionis esse uirtutem, quando uidelicet deum ex toto corde, & ex tota anima, tota uirtute, & proximum tanquam nos ipsos amare præcipimur. Sed uterq; ordo VII habet uersuum retiacula, quia nec deus absq; gratia spiritus sancti potest amari, nec proximus: manet namq; sententia ueridica, quia charitas dei diffusa est in cordibus nostris, non ex merito nostro, sed per spiritum sanctum, qui datus est nobis. Vbi autem charitas dei, ibi profecto & proximi diffunditur in cordibus fidelium, quia nimirum una sine altera nequaquam ualet haberi. Facta sunt autē retiacula hæc ut tegeret capitella, hoc est undiq; in gyro circumdarent: quia omnis scripturæ sanctæ pagina, cum recte intelligitur, gratiā per omnia charitatis sonat, ac pacis. Capitella etenim uolumina diuinorum eloquiorum, retiacula sunt uincula mutue dilectionis. Et retiaculis teguntur capitella, cum sacra eloquia, ut ita dixerim, dono charitatis undiq; probantur esse uestita. Nam & in eis quæ in scripturis non intelligimus, charitas late patet. Bene autem de eisdem retiaculis siue capitellis adiungitur. Quæ erant super summitatem malogranatorū. Malogranata namq; quorum natura est, uno foris cortice multa grana interius circū dare, apte in figura sanctæ ponuntur ecclesiæ, quæ catholico unius fidei munimine, innumera electorum agmina solet includere. Potest autem & uniuscuiusq; iusti uitæ moresq; designare, qui uelut plurima uno cortice grana

grana circumplectens, multa cogitationum uirtutumq; spiritualium insignia, ne forte diffuant firma fidei & humilitatis uallat custodia. Et apto prorsus mysterio, capita columnarum malogranatis erant in gyro circūdata: quia doctores sanctos necesse est uitam fidelium ad memoriam reuocare, eorumq; semper exemplis actus suos ac sermones omni ex parte communire: ne si aliter forte quàm illorum habet regula uixerint, aut docuerint, errent. Sicut ergo retiaculorum admirāda connexio, unitatem designat fidelium, quæ est in uinculo pacis: ita etiam malogranatum, eandem ipsam typice insinuat unitatem: quæ & innumeros per orbem populos, in una fidei catholicæ regula cohibet. Vel certe mirabilis retiaculorum concatenatio, manifestam omnium fidelium concordiam demonstrat. Malogranatorum uero positio, internas animi uirtutes, quæ ab alijs nequaquam uideri queunt, exprimit, patientiam uidelicet, humilitatem, benignitatem, modestiam, & cætera huiusmodi. Et quasi pulcherrima foris pomorum superficies apparet, sed inclusa intus granorum copia non apparet: cum pia sanctorum operatio palam cunctis ostenditur, sed ea quæ intus est, fidei, spei, ac dilectionis, cæterorumq; animi bonorum gratia non cernitur. Cum uero dictum sit de retiaculis, ut tegerent capitella, quæ erant super summitatem malogranatorum, uidetur, iuxta ordinem operis ipsius, quia malogranata fuerint facta in circuitu capitellorum à parte inferiori, atq; ex eisdem malogranatis orirentur retiacula, quibus capitella ex parte alia tegerentur. Patetq; figura mysterij, quare facta sint retiacula, quibus capitella fuerint malogranatorum annexa: quæ ad unam penè significationem, siue personarum, siue uirtutum pertinet spiritualium. Scimus enim uirtutes de uirtutibus nasci, & sanctos ambulare de uirtute in uirtutem, donec uideatur deus deorum in Sion, qua uirtute nulla potest maior largiri. Vnde & Apostolus, Sciens, inquit, quia tribulatio patientiam operatur, patientia uero probationem, probatio uero spem. Sed in ipso uniuersali electorum collegio, uarie sibimet inuicem succedunt personæ iustorum, minoresq; maiorum ac prædecessorum suorum gaudent fideliter adhærere uestigijs, eorumq; dictis siue scriptis, ne forte in errorem labi possint, inniti. Retiacula ergo super summitatem malogranatorum sunt posita, cum cōcordia charitatis perfectis fuerit superadiecta operibus: & cum utroq; uirtutis munere, & operatione uidelicet & charitate, sanctorum uita clarescit, quasi circulum malogranatorum in capitellis columnarum, concatenatio retiaculorum superaddita comitatur. Et quoniam omnia uirtutum dona præsentia ad æternæ gloriæ remunerationis, quæ per euangelium nobis est promissa ac ministrata, respiciunt, apte subiungitur, Capitella autem quæ erant super capita columnarum, quasi opera lilij fabricata erant, in porticu quatuor cubitorum. Quid per lilia, nisi supernæ claritatis pariteria, atq; immortalitatis floribus redolens, paradisi designatur amœnitas? Quid per quatuor cubitos, nisi euangelicus sermo, qui introitum nobis æternæ beatitudinis illius promittit, & iter quo ad hanc perueniat ostendit? Cum.

ergo sancti doctores promissa nobis limina regni cœlestis, in quatuor sancti euangelij libris ostendunt, quasi capita columnarū opus in se lili quatuor cubitos exhibent. Vbi notandum iuxta literam, quia cum opus lili in capitellis quatuor cubitorum esse memoratur, neq; additur latitudinis aut altitudinis, lectoris utiq; iudicio, utrum in altitudine, an in latitudine intelligi debeat, relatum est. Constat autem absq; ulla prorsus dubietate, quia colūna quam XII cubitorū restis ambiebat, quatuor cubitos habebat crassitudinis. Omnis enim circulus quantū habet spatij in diametro, tantum habet ter in gyro. Deniq; mare æneum, quod in diametro erat decem cubitorum, ut in sequētib; legitur, consequēter habebat XXX cubitos in gyro. Verum quia dicitur opus lili quatuor fuisse cubitorum, siue latitudinem, seu designet altitudinem, nihilominus ratio figuræ perspicua est: quia non nisi per euangelium exoptatissima illa uox mūdo insonuit, Pœnitentiā agite, appropinquabit enim regnum cœlorum. Quod uero sequitur, Et rursus alia capitella in summitate columnarum desuper, iuxta mensuram columnæ eius.) Retiaculum iuxta mēsuram columnæ dicitur, tantæ altitudinis, quantæ erat & columna: cuius tamē altitudo quanta fuerit, minime narratur. Hæc autem capitella qualiacunq; & quantacunq; fuerint, non enim mensuram eorum aperte scriptura designat, more liliorum uidentur apposita esse. De quorum factura si quid mysticum inquirere delectat, illam regni perennis sublimitatē potest non incongrue designare, quam nec oculus uidit: & cætera, usq; Diligētibus se. Post lilia etenim quatuor cubitorū, alia sunt apposita capitella, quorum altitudo quāta fuerit, non dicitur: quia multa quidem de cœlesti beatitudine in euāgelio legimus: quod uidelicet ibi mundicordes deum uidebunt: quod erunt æquales angelis deis: quod non nubent, neq; nubentur, quia nec mori ultra poterunt: quod ubicunq; est Christus, ibi & ministri eius erunt: quod manifestabit seipsū illis: quod palam de patre annūtiabit eis: quod gaudium uisionis eius nemo tollet a nobis: sed ipsæ species horum quæ diximus, ipse status & conuersatio illius patriæ cœlestis, quomodo sese habeat, solis eis qui hanc intrare meruerint, eius ciuib; pater. Vnde bene factura siue altitudo horum capitellorum supra liliū erant, ut incomprehensibilis esse terrestribus qualitas cœlestis habitatio nis insinuetur. De qua tamen hoc minime latet, quod omnes ibi communi felicitate diuinæ uisionis fruuntur, tanto quisq; sublimius, quāto mundiores ad uidendum eum oculos cordis habuerit. Qui enim dixit, Omnes timentes dominum, pusilli cum maioribus: ipse dixit, Quia tu reddes unicuiq; secundum opera eius. Communis ergo ibi benedictio omnium erit electorum, attamen pro distincta qualitate operum, multæ sunt mansiones beatorum in una eademq; domo patris æterna in cœlis. Quod in harum quoq; factura columnarum mystice reor esse designatū, cum dicitur, Et rursus alia capitella in summitate columnarū desuper. Iuxta mensuram quippe columnæ fiunt capitella desuper, cum sancti doctores, immo omnes electi eorūdem doctorū uestigia sequentes

sequentes, præmia supernæ retributionis, secundum merita piæ recipiunt operationis. Retiacula quoque fiunt secundum capitella, quia iuxta modum dilectionis qua sibi adinuicem in hac uita fraternitas sancta copulata est, supernorum quoque ciuium societati, in præsentia sui conditoris coniungitur in cœlis. Verum quod eadem supernorum societas ciuium, utriusque populi fidelibus tribuitur, recte subiungitur. Malogranatorum autem ducenti ordines erant, in circuitu capitelli secundi.) Diximus autem, malogranata totius sanctæ ecclesiæ typum tenere. Centenarius uero numerus qui ad dexteram manum primus peruenit, nonnunquam in æternæ beatitudinis figura poni consuevit. Duplicatur autem hic numerus malogranatorum in circuitu capitelli secundi, ut insinuetur mystice, quod utriusque testamenti populus adunandus in Christo, ad æternæ uitæ sit introducendus coronam. Cui figuræ conuenit hoc quod de apostolis post resurrectionem domini piscantibus scriptum est, cum ipsum in litore stantem uiderent. Non enim longe erant à terra, sed quasi cubitis ducētis, trahentes rete piscium. Per ducentos etenim cubitos, rete plenum magnis piscibus discipuli ad dominum trahunt, effectum suæ resurrectionis in litore iam monstrantem: cum sancti prædicatores & Iudæis & gentibus uerbum fidei committunt, atque utriusque populi electos à fluctibus seculi præsentis extractos, ad futuram gloriam pacis & immortalitatis perducunt. Circuitus ergo capitelli secundi, ducentos habet ordines malogranatorum, cum sublimitas regni cœlestis utriusque populi electos, in una beatitudinis arce colligit. Et statuit duas columnas in porticum templi. Cumque statuisset columnam dexteram, uocauit eam nomine Iachin, firmitas: similiter erexit columnam secundam, & uocauit nomen eius Booz, in robore.) Dextera columna, ut supra diximus, exprimit figuram doctorum, qui primitiuam in Hierosolymis instituerunt ecclesiam: secunda eorum qui ad prædicandum gentibus destinati sunt. Vel certe dextera columna eos significat, qui uenturum in carne dominum prophetando prædixerant, secunda illos qui hunc iam uenisse & mundum sanguine suo redemisse testantur. Et apte uocabulo simili ambæ censebatur columnæ, cum una firmitas, altera in robore dicta est: ut una fidei & operis fortitudo cunctis inesse doctoribus monstraretur, nostrisque temporibus inertia taciturnitatis notaretur. Vbi se nonnulli doctores, sacerdotes & columnas domus dei uideri atque appellari uolunt, cum nihil in se prorsus firmæ fidei ad continendas seculi pompas ac desideranda bona inuisibilia, nil habeant roboris ad corrigendum, nil industriæ saltem ad intelligendos eorum, quibus prælati sunt errores. Fecit quoque mare fusile decem cubitorum à labio usque ad labium, rotundum in circuitu.) Mare hoc fusile in figuram lauacri salutaris, quo in remissionem peccatorum emundamur, factum est. Namque sacerdotes in eo lauabatur, ut uerba dierum aperte testantur. Sacerdotes autem constat omnes electos typice in scripturis uocari, eo quod sint membra summi sacerdotis domini Iesu Christi. Et recte huic uasi scriptura maris nomen indidit, in memoriā uidelicet maris

De mari ergo
XXI

rubri, in quo prius per extinctionem Ægyptiorū, & populi dei liberationem, baptismi forma præcessit: exponente apostolo, ac dicente, Quoniā patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari. Sacramētum autem baptismi, & uitæ à nobis mundiciā quærit in hoc seculo, & uitæ nobis æternæ gloriam promittit in futuro. Quod utrumq; in mari hoc æneo una sentētia designatur, cum esse decem cubitorum à labio usq; ad labium perhibetur. Decem nāq; præceptis in lege, dominus omnia quæ facere debeamus expressit, denario æque mercedem benefactorū signauit, cum hunc in uinea laborātib; dandum esse prædixit. Erat ergo mare decem cubitorum à labio usq; ad labium: quia à primo baptizato usq; ad ultimū, qui in nomine Iesu Christi in fine seculi baptizandus est, & crediturus, omnis fidelium chorus unam eandemq; uiam ueritatis ingredi, & communem à domino debet coronam sperare iustitiæ. Rotūdum erat in circuitu, ut orbis uniuersus in gyro, lauacro uitæ à sorde peccatorū designaretur esse mundandus. De quo bene subditur, Quinq; cubitorum altitudo eius. Quia nimirum quicquid uisu, quicquid auditu, quicquid olfactu, quicquid gustu, quicquid tactu delinquimus, totum hoc nobis gratia dei per ablationem uiuifici fontis relaxat. Sed non sufficit præteritorum remissio peccatorum, si non quisq; bonis deinceps insistere studuerit operibus. Alioquin diabolus qui exierit ab homine, si hunc à bonis uacare actibus uiderit, multiplicius redit, facitq; nouissima hominis illius peiora priorib;. Vnde apte subditur, Et resticula triginta cubitorū, cingebat illud per circuitum. Per resticulam namq; disciplina præceptorum cœlestium, qua à nostris uoluptatibus religamur, potest apte signari, scriptura dicente, Quia funiculus triplex difficile rumpitur: quia nimirum obseruatio mandatorum dei, quæ in cordibus electorum, fide, spe, & dilectione supernæ retributionis firmata est, nullo temporalium rerum potest obstaculo dissolui. Et resticula mare ambit) cum sacramentum baptismi quod accipimus, pijs cōmunire operibus studemus, Quæ nimirum reticula apte triginta dicitur esse cubitorum, quinquies etenim sen triginta faciunt. Senario autem numero in quo dominus hominē & fecit, cum nō esset, & cum perisset refecit, recte bona operatio etiā nostra figurat. Et sex per quinq; multiplicantur, ut ad triginta peruenias, cum omnes nostri corporis sensus, diuinis humiliter subiugamus imperijs. Possumus autem & aliter hunc tricenarium mystice maris numerum, non inconuenienter accipere. Ter enim deni faciunt xxx, & genus humanū post diluuiū ex progenie trium filiorum Noe latitudinē totius orbis impleuit. Sem quippe profapia Asiam, Cham posterī Affricam, Iaphet soboles Europam & insulas maris obtinuit: quia & mysterium baptismi cum executione bonorū operū & spe cœlestium præmiorum cunctis erat nationibus ministrandum, apte resticula triginta cubitorum mare illud in quo baptismatis unda figurabatur, cingebat. Sed hoc dicendū, quod dominus xxx habebat annos ætatis, cum uenit ad Iordanem

bapti

baptizandus à Ioāne: qui quoniam suo baptismo quod tricenarius accepit, undam nobis lauacri salutaris consecrauit, recte mare quod nostrū baptisma figurabat, xxx cubitorum restis circuibat: ut significaretur dono illius qui baptisma sine peccato subiit, baptisma nobis omnibus in eum credentibus in remissionem peccatorum dedicari. Et sculptura subter labium circuibat illud decem cubitis ambiens mare, & duo ordines sculpturarum istriatarum erant fusiles.) Cum prædictum sit supra, quod resticula xxx cubitorū mare circuebat: & nunc addatur, quia sculptura hæc subter labium posita, x cubitis ambiens: patet ex utraq; relatione, quia uas erat in modum phialæ, repandū ac diffusum: quod à xxx cubitis circuitus, quos habebat in labio, usq; ad x est cubitos coaptatum. Sculptura autem istriata est, quæ historias rerum aliquas imitatur. Vnde & recte per sculpturas istriatas, quibus mare circundabatur, exempla sunt priorum temporum designata, quæ necesse est nos solerter inueniri: ut uideamus quibus operibus sancti deo placuerunt ab initio: qua obstinatione in sceleribus perdurarūt, quanta uel iniquitate ob scelera perierunt reprobis: quomodo in exordio nascentis seculi, Cain ob maliciā inuidiæ damnatus: Abel sit ob iustitiæ merita coronatus: Lamech ob adulterium & homicidium maledictus: Enoch ob gratiā pietatis ad paradysum deductus: quomodo post diluuium, Cham ob impietate à patre detestatus: Sem, & Iaphet ob obsequium reuerentiæ, perpetua sint benedictione donati: Abraham ob meritum fidei, hæres sit diuinæ promissionis effectus: & cætera gentium multitudine inaudita sit infidelitate relicta: qualiter adueniente in carne domino, Iudæa ob perfidiæ noxam repulsa, & gentilitas sit ob gratiam fidei ad salutem redacta: & cætera huiusmodi, quæ in utroq; testamento solerter ac pie cōsiderata, multum studiosis quibusq; prosunt. Et ideo forsitan duo sunt ordines sculpturarum istriatarum in mari æneo facti, ut hi qui in fonte baptismatis imbuti sunt, utriusq; testamēti diligenter auscultent historias. Ideo x cubitorū erant in gyro, ut quoscunq; in eisdem historiis deditos iussis cœlestibus, ac tota intentione ad superna præmia suspensos esse perspexerint, hos imitari contentant. Bene autem sequitur, Et stabat super xii boues, quorum tres respiciēbant ad aquilonem, & tres ad occidentē, & tres ad meridiem, & tres ad orientem.) Per boues quippe, apostolos & euangelistas, immo omnes uerbi ministros debere intelligi. Apostolo docente cognoscimus, qui exponens mandatum legis, quo dictū est, Non alligabis os boui trituranti: nunquid de bubus, inquit, cura est deos? an propter nos utiq; dicit? Nam ppter nos scripta sunt, qm̄ debet in spe qui arat arare, & qui triturat, spei suæ fructū percipere. Duo, decim ergo boues, xii sunt apostoli, & omnes qui uice eorum regendā ecclesiam in Christo susceperunt. Qui nimirū boues mare sibi superimpositū portant, cum apostoli apostolorumq; successores iniunctum sibi euangelizandi officium, prompta implere deuotione satagunt. Tresq; aquilonem, tresq; ad occidentem, tres ad meridiem, & tres ad orientem respiciunt, cum in uniuersi

quadrati orbis partibus, fidem prædicant sanctæ trinitatis. Nam & apostoli eo mysterio XII, hoc est quaterni sunt electi, ut fidem & confessionem sanctæ trinitatis per IIII mundi partes euangelizantes, baptizarent omnes gentes in nomine patris & filii & spiritus sancti: quorum apostolorum successorumque eorum uerba, actus, & passionibus per facile in presenti uidere uel legendo cognoscere possumus: quæ uero illos in futuro maneat gloria retributionis, necdum uidere ualeamus. Vnde apte subditur, Quorum posteriora uniuersa, intrinsecus latitabant. Intrinsecus namque latitant uniuersa bonorum posteriora, quia qua mercede sancti prædicatores in perpetuum donentur in interni arbitris examine iam dispositum est: sed nobis qui adhuc foris sumus, manet omni modo occultum, quod tunc esse occultum nullatenus potest. Sed omnis qui lauacrum baptismi accipit ad salutem & uitam, fidem, spem, & charitatem debet habere: nec sine his tribus uirtutibus, quisque aliquid boni iam operari uel intrare ad uitam ualet. Vnde recte subiungitur, Crassitudo autem luteris, trium unciarum erat. Crassitudo etenim luteris in mari, firmitas est uirtutis in baptismo. Et trium unciarum est hæc crassitudo, dum robore fidei, spei, & dilectionis perceptio baptismi communitur. Neque aliter proficuum esse accipientibus, ostenditur, nisi harum firma certitudo uirtutum, mentem accipientium simul & opera confirmet. Accipitur autem & celebratur baptismi lauacrum in exemplum dominicæ passionis & resurrectionis à mortuis, iuxta quod apostolus exponens ait, Quia quicumque baptizati sumus in Christo Iesu, in morte ipsius baptizati sumus, cõsepulti enim sumus cum illo per baptismum in mortem, ut quemadmodum surrexit Christus à mortuis per gloriam patris, ita & nos in nouitate uitæ ambulemus. Si enim cõplætati facti sumus similitudini mortis eius, simul & resurrectionis erimus. Quod in factura quoque maris ænei typice signatum est, cum sequenter adiungitur, Labiumque eius quasi labium calicis, & folium repandi lilij. Per labium namque calicis, gustus dominicæ passionis, per folium repandi lilij, patefacta claritas resurrectionis exprimitur. Nam quod in calice poculum passionis designatur, testatur ipse dominus, qui ueniens ad passionem orauit patrem, dicens, Pater si uis, transfer calicem istum à me. Lilium uero quod comitante odoris iocundissimi gratia, candidum foris calicem, intus aureolum ostendit, apte gloriam resurrectionis eius insinuat, qui & corporis immortalitatem foris ostendit discipulis, & animam diuinam luce coruscantem sibi simul inesse perdocuit. Potest etiam in lilio repando ipse mediator dei & hominum propter passionem mortis gloria & honore coronatus non inconvenerenter accipi: qui ante passionem quidem suam, quasi clausum adhuc lilium fuit, cum signis miraculorum quæ fecit clarus homo refulsit: post resurrectionem uero & ascensionem suam repandum se lilium supernæ patriæ ciuibus exhibuit, quod in assumpta humanitate potentiam diuinæ claritatis, quam habuit apud patrem priusquam mundus esset, ostendit. Vnde in amoris canticis, lilium se uocabulo designare uoluit, dicens, Ego flos campi, & lilium conuallium. Labium ergo maris in quo sacerdotes lauabantur, quasi

quasi labiū fuit calicis, & foliū repandi lilij: quia lauacrū salutare quo membra summi sacerdotis efficiuntur, in fide nos sacrosanctæ passionis eius à peccatorū omniū labe purificat, ac purificatos ad uisionē gloriæ ipsius perennis intromittit. In quo nimirū lauacro uterq; populus, & circūcisiōis uidelicet, & præputij, per fidem, spem, & dilectionē unum in domino efficitur, ipso attestatē, qui circūcisiōnē post prædicans ait inter alia, Et alias oues habeo quæ non sunt ex hoc cili, & illas oportet me adducere, & uocē meam audient, & fiet unū ouile & unus pastor, quod in hoc quoq; mari typice figurabat. Nam subdit: Duo milia batos capiebat) Millenarius nāq; numerus pro significatione perfectio nis solet poni in scripturis, quia nimirū denarij numerus quadratū solidum facit. Decem quippe decies ducta, C faciunt, quæ uidelicet figura iam quadrata, sed adhuc plana est. Verū ut in altitudine surgat, & solida efficiatur, multiplicata C per X, fiunt mille: quo pfecto numero stabilis & insuperabilis, & uelut non quadrata iustorū conscientia designat. Quocūq; enim uerteris quadratū, stabit: sic & animus electorū nullo tērationū occurſu nouit à statu suæ rectitudinis inclinari. Batus autē Hebræorū mensura est, quā ipsi bath nominant, habens modios III. Ipsa & ephi, quā & epha nūcupant. Sed ephi ad mensuram pertinet uariarū frugum, tritici, ordeī, leguminū: batus uero est speciebus liquidis, uino, oleo, aqua. Itaq; batus, qui certa norma mēsuræ, opera designat æquitatis & iustitiæ, quibus hi qui in remissionē peccatorū baptizantur, necesse habent institui. Batos mille illud capiebat mare, cum aqua baptismatis plebē Iudæorum abluens, ad regnū cœleste trāsmisit. Recipiebat & alios mille, cum etiam turbas nationū eodē fonte renatas & operibus iustitiæ cōfirmatas, eiusdē regni perennis fecit esse participes. Et fecit bases X areas, IIII cubitorū longitudinis bases singulas, & IIII cubitorū latitudinis, & III cub. altit.) Multifariā multisq; modis una eademq; nostræ salutis sacramēta præfiguratur. Nam iidem apostoli uiriq; apostolici, qui per boues mare portātes designati sūt, designantur etiam per bases, quæ portandis erant luteribus, præparatæ: quomodo ipsi luteri eiusdem lauacri spiritualis, cuius & mare, typum gerebant, siquidē ut uerba dierum narrant, omnia in eis quæ in holocaustū oblaturi erant, lauabant. Holocaustū autē domini generalitē omnis electorū multitudo potest intelligi, quæ iuxta uocē præcursoris, baptizata est ab ipso in spiritu sancto & igne. Sicut ergo sacerdotes qui in mari lauabātur, formā exprimunt eorum qui per baptismum efficiuntur summi cōsortes sacerdotij, quod est in dño Iesu Christo: ita etiā holocausta eorundē figurā aptissime prætendunt, cum per ablutionem baptismi gratia spiritus sancti implentur. Lauatur nāq; in lutere hostia, cum quis fidelij aqua baptismi perfundit: offertur uerò in holocaustū cum per impositionē manus episcopi donū spiritus sancti accipit. Philippus euāgelista cū prædicaret in Samaria, quid nisi in lutere tēpli hostias dñi lauabat? Sed quia necdū in quenq; eorū spiritus sanctus descēderat, sed baptizati tantū erant in nomine Iesu, uelut ablutæ hostiæ necdū ad sacrosancti altaris ignē peruenerāt.

De basibus de
cem. XXII

At cum missi illuc Petrus & Ioannes, imponebant baptizatis manus, & accipiebant spiritum sanctum, loquebaturque linguis, iam ad ignem altaris perueniant hostiæ, ut fierent holocaustum, quod Latine, totum incensum dicitur: quia uidelicet consuetudinem illorum gratia sancti spiritus adimplens, diuino fecit amore feruescere. Quod uero ad portandos luteri, x sunt bases factæ, poterat ita mystice interpretari: quia ministri lauacri uitalis, ad æternæ gaudia beatitudinis, quæ denario solet numero figurari, eos quos imbuunt uocent. Verum quia de eisdem luteris, distincte in sequentibus, scriptum est, quod uidelicet v ex his positi sunt ad dexteram partem templi, & v ad sinistram, magis in eis quinarum numeri intuenda sunt mysteria. In utraque etenim parte templi sunt bases positæ luterum, ut utrique dei populo sacri fontis gratia signaretur esse pascenda: & v sunt in utraque parte, ut sicut in expositione maris, quod v cubitis altum est, iam diximus, demonstraretur typice, uniuersa fidelibus, quæ per quinque sensus corporis deliquerant, per lauacrum baptismi esse remittenda. Sicut ergo in uno mari super xii boues posito, unitas exprimit baptismatis, quæ per apostolos toto erat orbi prædicanda: ita & per duos ordines luterum mystice ostenditur, quia gentilitas cum Iudæa in unum fidei consortium post baptismatis erat unum colligenda. Nam etsi in geminis luteris hostiæ lauabantur, quædam quidem à dextris atrii, quædam uero à sinistris, uno tamen igne consumebantur altaris ut holocaustum fieret: quia siue quis in parte circumcisionis, siue præputii lauacrum suscepit, uno omnes spiritu, ut filii dei fieri possint, sanctificantur. Hinc etenim Apostolus, Sed accepistis, inquit, spiritum adoptionis filiorum, in quo clamamus, Abba, pater. Vnum, inquit, spiritum accepistis, in quo omnes filii adoptionis efficiamini, in quo nimirum spiritu clamamus, Abba, pater. Abba uidelicet, qui ex Hebræis uenimus ad fidem: pater, qui ex gentibus, uariis quidem linguis pro diuersitate nationum, sed unum eundemque deum patrem, per unius donum spiritus inuocantes. Quod autem cubitorum iiii longitudo, & iiii latitudo, & iiii altitudo, bases singulæ fuere, intelligendum est: Longitudo etenim ad patientiam longanimitatis, latitudo ad dilationem dilectionis, altitudo pertinet ad spem supernæ retributionis. Quatuor autem sunt principales uirtutes, quibus, tota uirtutum structura imminet, prudentia scilicet, fortitudo, temperantia, iustitia: & ideo iiii cubitorum erat longitudo & latitudo basium: quia sancti prædicatores siue aduersa mundi, & longitudinem exilii, ac laborum præsentium mala tolerant: seu cor in dilectione sui conditoris, suorumque proximorum interna exultatione dilatent: sæpe operam dant uirtutibus, cura prudenti uidelicet inter bona & mala discernentes, fortiter aduersa sustinentes, cor ab appetitu uoluptatum temperantes, iustitiam in operatione tenentes. Trium uero cubitorum fit altitudo basium, cum per exercitium uirtutum, quas cum patientia malorum, & dilectione bonorum exercent, continua intentione ad uisionem sanctæ trinitatis peruenire satagunt. Et ipsum opus basium interrasse erat, & sculpturæ inter iuncturas. Iuncturas dicere uidetur eas, quibus ipsæ luteri tabulæ sibi inuicem cōnexæ sunt, ut scilicet

ut scilicet ex III siue quinque tabulis una fieret basis. Quales autem sculpturas inter has iuncturas, id est in ipsis suis lateribus ante & retro à dextra & sinistra, & supra quoque habuerunt, subdendo aperitur, cum dicitur, Inter coronas & plectas, leones & boues & cherubin, & in iuncturis similiter desuper) Non ergo plana erat ulla ex parte superficies basi, sed erat mysticis sculpta figuris, quæ sanctorum mentes, immo uniuersas eorum actiones uirtutum gratia in omnibus prætendunt, neque aliqua illas hora inanis & uacua præterit, in quæ prius uacare operibus uel sermonibus uel certe cogitationibus, desistant; coronulas quippe in se sculptas habent, cum ad ingressum uitæ perennis infatigabili desiderio anhelant. Plectas habent, cum inter desideria uitæ cœlestis, quæ summum est, nunquā fraternæ societatis quæ iuxta est uincula dissoluunt. Habent inter coronulas & plectas, leones: cum ita ad speranda cœlestia mentem erigunt, ita ad diligendos proximos dilatant, ut in peccantes quosque qui sibi commissi sunt, feruorem asperæ inuentionis exercere non tudent. Habent cum leonibus boues, quando ipsam inuentionem corripiendi cum spiritu māsuetudinis exhibent, quando in feruore arguendi nunquam fessam habere uigilantiam discretæ actionis ac loquelæ, nunquam uerba diuinæ lectionis uelut ruminando in ore uoluere cessant. Denique beatus Stephanus basis uidelicet templi dominum eximia, sæui leonis dentes atque ungues ostendere uidebatur, cum suis persecutoribus aiebat. Dura ceruice & incircuncisi corde & auribus, uos semper spiritui sancto resististis. Quem prophetarum patres uestri non sunt persecuti: & cætera. Verum hæc loquens quantum pietatis, ut ita dicam, bubulæ māsuetudinis intus in corde gestaret, ostendit, cum pro eisdem persecutoribus, usque ad necem suam sæuiantibus, genu flectens dicebat, Domine ne statuas illis hoc peccatum. Sed quia neque spem æternorum in cœlis, neque amorem proximorum in terris, neque feruorem zeli mordentis, neque lenitatem modestiæ cōpatientis, absque scientia sanctarum scripturarum habere possumus, apte post coronulas & plectas, post leones & boues, cherubin sculpti esse memorantur. Cherubin namque constat scripturæ sacræ typum tenere, siue quia duo cherubin in propitiatorio arce in figuram duorum testamentorum concorditer de Christo canentium fabricati sunt: seu quod nomen istud scientiæ multitudinem sonat. Quanto autem quisque studiosius legendis diuinorum eloquiorum paginis institerit, tanto necesse est in omnibus amplius, quæ agit, aut iudicat, interni testis aut iudicis examen pertimescat: ne aut plus iuste in peccantes uindicans, aut rursus absque moderamine iustæ discretionis ignoscens, iram iusti iudicis incurrat. Qui enim addit scientiā, addit & dolorem. Vnde hic quoque propter sculpturas cherubin conuenienter adiungit, Et super leones & boues quasi lora ex ære dependētia. Super leones quippe & boues lora depēdēt, quoniam sancti doctores & in seueritate distractionis qua peccantes iudicāt, & in māsuetudine lenitatis qua pœnitentibus remittūt, iudiciū sui timent autoris: ne forte iniuste ligādo, ipsi ab eo cuius iudiciū errare nequit, ligare mereant. Et quatuor rotæ per bases singulas, axesque

ærei per quatuor partes, quasi humeruli subter luterē fusiles cōtra se inuicem respectantes.) Quatuor rotæ, quatuor sunt euangeliorū libri, qui aptissime rotis comparantur: quia sicut uolubilitas rotæ citissimo cursu quocunq; ducitur currit, ita sermo euāgelicus, iuuante domino, per apostolos in breui uniuersas mundi plagas impleuit. Sicut rota superimpositum sibi currum à terra subleuat, & subleuatum quò auriga dirigit portat: ita euāgelica prædicatio mentes electorum à terrenis cupiditatibus in cœlestia desideria suspēdit, ac suspensas ad profectum bonæ operationis, siue ad ministerium prædicationis, quocūq; adiuuans gratia spiritus uoluerit, ducit. Nam in sequentibus dicit, quia tales erant rotæ, quales in curru fieri solent. Legimus autem de sanctis, Currus dei decem milibus mult. milia lætantium. Quid est ergo quod rotæ basium, rotis assimilantur curruum: nisi quia unus idemq; sermo euangelicus quosdam eorum quos instituit, currus dei, quosdam bases templi dei facit? Quicūq; enim ad euangelizandum uerbum doctores longe lateq; mittebantur in mundo, utiq; currus dei, & quidē uelocissimi fuerunt: quia per cūcta discurrētes, deum ad corda credentium inducebant. At uero illi qui uno in loco cōmorantes uerbum salutis proximis annūtiabant, eosq; ad lauacrū uitæ, quod uel in baptismo uel in compūctione lachrymarum celebratur, accendunt, quasi bases sunt templi, quæ portant luteris ad lauandas hostias: quia ita fidelib. quibus præ sunt, ministeriū salutis impendunt, ut longius excurrentes ad acquirendos novos populos labores non subeant. Rotæ ergo basiū rotis sunt curruū similes, quia iidem libri euangeliorum qui hos doctores ad prædicandam fidem ueritatis ignorantibus mittunt, illos ad confirmandā amplius fidem inter doctos iam ac sacramētis cœlestibus imbutos manere præcipiunt. Rotæ quatuor basium luteris sustentabant, cum euangelia Iacobum fratrem domini ad conseruandam in Hierosolymis ecclesiam residere iusserūt. Rotæ earum similes curruui dei suppositæ ad currendum parabant, cum eadem euangelia Paulum & Barnaban ad prædicandum gentibus per omnia discurrere uoluerunt. Rotæ basibus suppositæ ad portandum luterem templi à terra sustollebāt, cum nostris nuper temporib. beatus papa Gregorius euangelicis roboratus eloquijs Romanam rexit ecclesiam. Rotæ eadem curribus dei subnixæ longe portabant, cum reuerendissimi patres Augustinus, Paulinus, & cæteri socij eorum, eisdem euangelicis confirmati eloquijs, iubente illo uenere Britanniam, & uerbum dei incredulis dudū commiserere gentibus. Si ergo bases luterum, sancti doctores sunt, qui lauacrum nobis uitæ ministrant, & rotæ quaternæ basium quatuor sunt euangeliorū libri, qui axes rotarum, quæ bases gestant, nisi ipsa eorundē corda sunt doctorum? Quæ dum præceptis euāgelij sedulo intenta, eos ab infimorum appetitu sustollunt, uelut immixtis rotis axes altius basem à terra subleuāt. Porro humeruli qui rotis antepositi ne ab axibus dilabi possent, obsistebant, præconia sunt prophetarū, quibus euangelica & apostolica scriptura ne cui legentiū in dubiū ueniat, confirmatur: & apostolus Petrus de domino

domino loquens, ait, Et habemus firmiorem propheti-
cū sermonem, cui bene facitis attendentes. Sed & omnes euangelistæ atq; apostoli, in eis quæ scripse-
re, legis & prophetarum mentionem facere solebant. Deniq; Marcus ita in-
cipit, Initium euangelij Iesu Christi filij dei, sicut scriptum est in Esaia prophe-
ta. Et Matthæus, Hoc totum factum est, ut adimpleretur scriptura prophe-
tarum; & cætera huiusmodi. Bene autem dicitur, quod humeruli per quatuor
partes subter luterem erant positi, & contra se inuicem fuerunt respectantes,
quia nimirum omnis scriptura prophetica sibi met cōsentanea est, utpote uno
dei spiritu condita. Quatuor autem fuerunt per bases singulas humeruli, uide-
licet iuxta numerum rotarum: non quia quatuor tantum sunt libri propheti-
ci, sed quia in omnibus quæ loquuti sunt prophetæ & Moyses, dictis quatuor
euangelistarum testimonium præbuerunt: ut ex consensu utriusq; una fides &
dilectio Christi, nostra omnium corda confirmet. Os quoq; luteris intrinse-
cus erat in capitis summitate, & quod forinsecus apparebat, unius cubiti erat
totum rotundum, pariterq; habebat unum cubitum & dimidium. Os luteris
unius erat cubiti, propter unitatem confessionis & fidei: quia omnes in confes-
sione patris & filij & spiritus sancti baptizamur, dicente Apostolo, Vnus do-
minus, una fides, unū baptisma, unus deus & pater omnium. Et ipsum os in
capitis erat summitate, ut ad cœlestia nobis regna, per baptismā iter esse pate-
factum doceret: ipse uero luter in amplitudine cubitum habebat unum & di-
midium, propter operis nimirum perfectionem & initium contemplationis.
Integer etenim cubitus in lutere, perfectionem bonæ actionis designat, quam
absq; ulla dubietate habebat ille, de quo tentatori antiquo dominus aiebat,
Nunquid considerasti seruum meum Iob, quod non sit ei homo similis in ter-
ra, simplex, & rectus, ac timens deum, ac recedens à malo? Est uero alter cu-
bitus diuinæ uisionis, qui ex parte nonnulla etiam in hac adhuc uita retentis
fidelibus donari consuevit: ut idem Iob deuicto aduersario cum domino lo-
quens, ait, Auditū auris audiui te: ut Moysi dominus facie uisus est ad faciem:
ut Esaia sedens in solio regni, circumstantibus cum laude debita cœli ciuibus:
ut cæteris sæpe uisus est prophetis: ut beato Stephano in articulo passionis
apertis cœli ianuis gloria dei ostensa est: ut Paulo introitus paradisi, & tertij
cœli sunt patefacta mysteria. Sed uniuersa hæc ex parte sunt permodica, in
comparatione eius, quæ in futuro reuelanda est gloriæ. Ideo post cubitum bo-
næ operationis, quæ in hac uita perfici potest in sanctis, incipit cubitus super-
næ contemplationis, quæ in futuro in cunctis perficienda constat electis: quæ
uidelicet mensura unius & dimidij cubiti, non luteribus tantum, sed & rotis eo-
rum inerat ac basibus. Scriptum namq; est in sequentibus, Vna rota habebat
altitudinis cubitum & semis. Et paulopost, In summitate autē basis erat quæ-
dam rotunditas unius & dimidij cubiti, ita fabrefacta, ut luter desuper posset
imponi. Luterum quippe mensura, unius erat cubiti & dimidij: quia nimirum
ea fide in fonte uitæ lauamur, ut per opera iustitiæ ad uitā intrare mereamur
æternam;

æternam: quamuis sine peccato dum hic uiuimus, esse nequimus: ipsam uero
 uitæ cœlestis dulcedinem, gustare ex parte ac diligere in hac uita interim, per-
 fecte autem uidere nulla ratione ualemus. Rotæ quippe uno & dimidio cubi-
 to mensurantur, quia scriptura lectionis euangelicæ, qualiter hi qui perfecti
 esse uelint uiuere debeant, ostēdit: spemq; nobis æternæ retributionis in præ-
 senti demōstrat: ipsam uero retributionis illius qualitatem, in futuro nobis præ-
 dendam simul & donandam esse promittit. Bases etiam ipsæ unum habebant
 cubitum ac semissem amplitudinis, in summitate sui ubi luteri reciperent:
 quia ipsi doctores ac ministri summi lauacri salutaris, opere quidem perfecti in
 hac uita fulserunt, sed luce contemplationis ex parte frui. Vnde & aiunt, Ex
 parte enim cognoscimus, & ex parte prophetamus, cum autem uenerit quod
 perfectum est, euacuabitur quod ex parte est. In hunc modum fecit decem
 bases, figura una, & mensura sculpturaq; consimili. Fecit quoq; decem luteri
 areos.) Quare decem sunt bases factæ, totidemq; eis superpositi luteri, su-
 pra iam dictum est. Quod uero una erat figura, mensuraq; & sculptura con-
 similis omniū basium siue luterum: non in ea significatione factum est, quod
 æqualia possint esse omnia merita doctorum: sed in ea potius, quia una fides
 euangelij quo instituuntur, unum baptisma quo abluuntur, unus idemq; spi-
 ritus est quo omnes consecrantur electi: tamen donationes habent diuersas
 in ipso spiritu, qui diuidit singulis prout uult. Quadraginta batos, capiebat
 luter unus.) Quadragenarius numerus solet magnæ perfectionis typum
 tenere, quia nimirum quater deni faciunt quadraginta. Decem autem sunt
 præcepta, quibus omnium nostrum operatio in lege diuina præfixa est. Qua-
 tuor sunt autem euangeliorum libri, in quibus per dispensationem dominicæ
 incarnationis cœlestis patriæ nobis est patefactus introitus. Et quia omnes
 qui ad ministerium sacri baptismatis pertinent, cum fide & sacramentis euan-
 gelij fructum debent facere rectæ operationis: apte luteri singuli, in quibus
 holocausta lauabantur, XL batos capiebant. Quod uero sequitur, Eratq; qua-
 tuor cubitorum, siue in altitudine, siue in latitudine: significat intellectus my-
 sterij in promptu esse. Luter enim unus, quatuor erat cubitorum, uel propter
 quatuor sancti euangelij libros, in quibus forma nobis baptismi præfixa est:
 uel propter quatuor cardines, uirtutesq; quibus quisq; fidelis, si non frustra fi-
 delis est, debet institui: uel certe propter quatuor mundi plagas, quibus laua-
 crum salutis ministratur, dicente psalmographo, Quos redemit de manu ini-
 micorum, de regi. cong. eos. à solis ortu & occ. ab aquilone & merid. Quod ue-
 ro supra dixit, Pariterq; habebat unum cubitum & dimidium: & neq; ibi alti-
 tudinem uel amplitudinem significauit, uidetur fundum ipsius luteris huius
 esse amplitudinis: quod ex mensura (ni fallor) basis, in qua positus erat luter,
 quisq; facillime coniicit: quod ita describitur, In summitate autem basis erat
 quædam rotunditas unius & dimidij cubiti, ita fabricata, ut luter desuper pos-
 sit imponi. Latitudo ergo fundi in luteribus, unius erat cubiti ac dimidij: ipsa
 uero

uero capacitas luterum, quatuor habebat cubitos: sed utrum in altitudine, an in amplitudine, an in utroque dicat, quis nouerit? Et constituit decem bases, quinque ad dexteram partem templi, & quinque ad sinistram.) Dextram partem templi, & sinistram, non intus in ipso templo, sed ante templum dicit, ad orientalem plagam uidelicet, in atrio interiori, quod sacerdotum proprie uocabatur. Quinque autem posuit ad dextram partem templi, propter Iudaeos, qui solsticio propter doctrinam legis uti solebant antiquitus: & quinque ad sinistram, propter nos, qui caeco diutius corde seruituti adhaerebamus eius, qui ait, Ponam sedem meam ad aquilonem. Quod est aperte dicere: Illis in corde requiescere desidero, quos a luce ueritatis, & flamma diuinae charitatis, alios nos esse considero. Mare autem posuit ad dextram partem templi, contra orientem ad meridiem) Et hoc in eodem atrio positum est ad orientem. Quod autem ad dextram partem templi, hoc est quod repetit, dicens, Ad meridiem. Ingredientibus enim atrium ab oriente, primo diuertendum erat ad meridiem, ubi mare in ipso angulo stabat ad lauandum sacerdotibus paratum: deinde progredientibus intro occurrebant luteri ad lauandas hostias ab utraque parte positi. Intra hos, basis erat aenea quinque cubitorum longitudinis, & quinque cubitorum latitudinis, & trium cubitorum altitudinis, in qua stans Salomon dedicabat templum. Deinde ultra progredientibus occurrebat altare holocausti contra meridianum atrij: deinde porticus templi, siue uestibulum, in quo erant columnae aerae circa ostium templi. Quod ergo mare posuit ad dexteram partem templi, significat nos per lauacrum baptismi ad regnum caeleste, quod iure uocabulo dexterae figuratur, debere peruenire. Qui enim crediderit, & baptizatus fuerit, saluus erit. Namque ubi dextera simul & sinistra in bono accipiuntur: uel Iudaeam & gentilitatem, ut in expositione basium supra diximus: uel praesentem ecclesiae uitam, & futuram: uel gaudium seculi, & tristitiam: uel aliquid huiusmodi: ubi uero absolute dextera in bono ponitur, aeterna gaudia sapius demonstrat. Quod uero contra orientem posuit mare, ad eandem proprie significationem respicit, quod uidelicet per lauacrum sancti fontis, splendor nobis internae claritatis aperitur. Quod ad meridianum latus atrij, significat fideles perceptione sancti spiritus, ad flagrantiam solere uerae charitatis accendi: feruor etenim meridiani solis, consuevit in scripturis ardorem dilectionis, & illustrationem significare sancti spiritus, per quem eadem dilectio diffunditur in cordibus electorum. Omnia uasa quae fecit Hiram regi Salomoni in domo domini, de auricalco erant: in regione Iordanis fudit ea rex in argilosa terra.) Aptè in regione Iordanis fusa sunt uasa domus domini, in quo uidelicet flumine dominus noster baptizari dignatus est: eiusque tinctus undis, aquarum nobis elementum in ablutionem peccatorum conuertit: quia omne fidelium baptismum quo domino consecrantur, in exemplum celebratur baptismatis illius quo ipse aquas sanctificauit. Recte in Iordanis regione uasa sunt domus domini facta. Neque enim aliter uasa electionis & misericordiae

Quod in regione Iordanis facta sunt uasa templi.

XXIII

misericordiae fieri possumus: nisi ad baptismum illius, quod illo in flumine subiit,
 respicientes, & ipsi uitali flumine satagamus ablui. Notandum autem, quia
 non tantum in regione Iordanis, sed & in campestri regione illius facta dicitur
 eadem uasa, significans multiplicationem fidelium, qui non solum in Iudaea,
 sed in omnium nationum erant futuri latitudine, expleta prophetia quae di-
 cit, Gaudebunt campi, & omnia quae in eis sunt. Cui simile hoc quod idem
 psalmista de sacramentis dominicae incarnationis loquens, ex persona eorum,
 qui post completa eius incarnationis arcana ad fidem uenerunt, ait, Ecce au-
 diuimus ea in Efrata, inuenimus ea in campis syluae. Audiuius quippe in
 Efrata, id est in Bethlehem, sacramenta dominica: quia promissum legimus
 Dauid patriarchae, qui erat ex eadem ciuitate, de fructu uentris eius Christum
 in carne uenturum. Inuenimus ea in campis syluae, quia reuelata iam in latitu-
 dine gentium per orbem ipsi cognouimus, ipsi uidimus, ipsi participes facti
 sumus. Fudit ergo rex uasa domus domini in regione campestri Iordanis, quia
 dominus ut baptismo salutis uasa misericordiae faceret, totam mundi latitudi-
 nem impleuit. Argillosa autem terra, de qua factae sunt formae ad fundenda
 uasa domini, quid melius quam scriptura sacra, de qua regulam bene uiuen-
 di accipimus, ualet intelligi? Quasi enim argilla ignibus durata, formam uasis
 domini quanta & qualia fieri debeant, exhibet: cum nobis regulam iustitiae,
 quam sequamur, ostendit: sanctorumque nobis exempla, qui in igne tribulatio-
 num inuincibiles perdurarunt, in omnibus sequenda praemonstrant, si uasa in
 domo domini electa esse ac preciosa concupiscimus. Aescque igne liquefactum
 argillae formas ingreditur, quo uas possit aptum ministerijs celestibus effici:
 cum ipsi salubriter humiliati, & flamma siue diuinae charitatis, siue etiam hu-
 manae aduersitatis emolliti, uiam patrum bene operandi intramus, ut ad prae-
 mia patrum bene currendo perueniamus. Neque enim semper nos regulis ne-
 cesse est bonae operationis aptari, sed completa operatione bona, palma est
 beatae retributionis speranda: quia nec semper uasa in forma argillae teneban-
 tur inclusa: sed ubi ad perfectionem sui peruenerant, fractis formarum claustris
 perducebantur in lucem, & in templo domini pro suis quaque locis dispo-
 nuntur. Hoc autem dicimus, non quod opera sanctorum unquam sint interiu-
 tura: sed quia ubi coronam iustitiae, quam bene operando meruere acceperint,
 laboriosae operationis iam cuncta cessent officia. Quis enim in illa uita pro fi-
 de Christi martyrium patiat, ubi expulsis aduersariis omnes electi in prae-
 sentia Christi laetantur? Quis ibi mortuum sepeliat, ubi sola uiuentium terra
 est? Quis lugentem consoletur, ubi absterget deus omnem lachrymam ab oculis
 sanctorum? Quis ibi domum peregrino & hospiti paret, ubi omnes simul
 electi habitationem ex deo habent domum non manufactam, aeternam in coe-
 lis? Quis illic panem esurienti, potum uel afferat sitienti, ubi dominus pascit
 me, & nihil mihi deerit? Diruptis ergo formis uasorum quodam necessariis,
 uasa ipsa in domo domini splendida iam resurgunt: quia cessantibus in fine se-
 culti

ruli, non solum persecutionibus quas propter iustitiā patiuntur, uerum etiam laboriosis iustitiæ operibus, quibus sponte pro æterna beatitudine insudant electi, in sola uisione sui conditoris percepta immortalitatis claritate lætabuntur. Fecitq; Salomon omnia uasa in domo domini, & altare aureum. *De altari* Alta re aureum corda significat perfectorum iustorum internæ charitatis & casti- *XXIII* tatis luce corusca: quorum sublimitati significandæ etiam locus conuenit eiusdem altaris. Stabat enim ante ostium sancti sanctorum, ut in factura tabernaculi manifeste legimus: in quo uidelicet altari, non hostiarum sanguis neq; libamina, sed thymiamata tantum incēdebantur, quorum fumus ad superiora ascēdens operiebat arcam atq; oraculum, & odore suauitatis implebat. In quo figuram exprimebat sanctorum, qui dum neglectis temporaliū rerum cupiditatibus, tota intentione cœlestia quærunt, uelut intus in uicinia oraculi sunt positi: nec longe sunt remoti à uelo, quo templum & sancta sanctorū dirimuntur: quia corpore tantum terram incolunt, cæterum secūdam interiorem hominem, totam habent conuersationem in cœlis. Ascenditq; ab huiusmodi altari fumus incensorum in sancta sanctorum ubi arca est recondita, cum orationes sanctorum flamma charitatis excitatæ ad cœlum usq; perueniunt, ubi Christus est ad dexteram dei sedens. Non enim in hoc altari sanguis hostiarum, sed thymiamata tantum incendūtur: quia tales uiri non habent opera carnis & sanguinis, quæ in ara sui cordis immolantes, domino mactent: sed tantummodo lachrymarum & orationis uota, ei pro desiderio regni cœlestis offerunt. Verum quia nemo repente fit summus, sed per oblationē carnalium uoluptatum sollicitè ad desiderium cœleste ascenditur: nō prætermisit scriptura in mystica domus domini factura, & illorum ponere figuram, qui carnales ad huc in se concupiscentias, quæ militant aduersus animā, flamma superni timoris incēdere laborant: quatinus his de corde siue corpore extirpatis, cōsequenter ad maiora possint ascēdere, ac deo spiritalium thymiamata orationum & compunctionis offerre. Factū namq; est aliud altare ad offerendas uictimas multo quidem maius, sed quantum magnitudine præstans, tātum situ loci & specie metalli inferius. Nam & de ære factum & ante fores erat positum templi: in quo illi nimirum figuraliter sunt expressi, qui tali deuotione domino deuotiunt, ut caro adhuc eorum cōcupiscat aduersus spiritum, & spiritus aduersus carnem: soleantq; dicere, quia mente seruimus legi dei, carne autē legi peccati, qui cum incentiua carnis edomare, fluxa luxuriæ restringere, frequētib; ieiunijs & orationibus, uigilijs & eleemosynis, cæterisq; fructibus spiritus ad tranquillitatem castimonie deo digne ascendere contendunt: quid nisi uictimam illi sue deuotionis immolāt, implentes illud Apostoli, quo obsecrat nos per misericordiam dei, ut exhibeamus corpora nostra hostiam uiuētem, sanctam, deo placētem: qui quoniam seruire flagrant spiritalis amoris, sed nondum eminent triumpho uictæ concupiscētiæ carnalis: altare holocausti ignem quidem de cœlis sanctum habet, sed speciem æris & non auri præterdit. Ve-

rum quia plures sunt in sancta ecclesia carnales quàm spirituales, plures qui uiciorum illecebras refrenando cohibent, quàm qui superato ac sopito uiciorum certamine adepta uirtutum securitate lætatur, merito altare holocausti maius esse multo, quàm altare thymiamatis afferebatur. Scriptum namque est de eo in libro Paralipomenon. Fecit quoque altare æneum xx cubitorum longitudinis, & xx cubitorum latitudinis, & x cubitorum altitudinis. Equidem altare thymiamatis Moyses fecit in eremo, habens cubitum longitudinis & latitudinis, & duos cubitos in altitudine. Quanta autem magnitudinis hoc Salomon fecerit, non dicit scriptura, sed tantum quia altare aureum fecerit, dicit. Constat autem quia tantum facere non potuit, quantum fecit holocausti, quia si xx cubitorum in longitudine & latitudine factum esset, totam templi latitudinem impleret. Quantum igitur exterius erat positum altare holocausti quàm incensi, & quantum genere oblationis ac uilitate metalli ignobilius fuit, tantum quantitate mensuræ & hostiarum frequentia præstabat: quia nimirum plures sunt multo, quibus dicatur, si uis ad uitam ingredi, serua mandata: quàm quos audire delectat. Si uis perfectus esse, uade, uende quæ habes, & reliqua. Nec tamen huius mensura altaris, ratione mystica caret numeri. Habet enim xx cubitos longitudinis, & totidem cubitos latitudinis, & x cubitos altitudinis. De quo quidem numero supra in expositione templi & vestibuli eius diximus, sed & nunc dicendum breuiter, Quod si altare holocausti illorum in ecclesia typum tenet, qui suum corpus & animam deo consecrare per ignem amoris illius quærunt, perseverantia horum in bona operatione per longitudinem altaris, amplitudo in charitate dei & proximi, per latitudinem, spes in expectatione diuinæ uisionis per altitudinem figuratur. Quod autem longitudo & latitudo altaris uicenorum erat cubitorum, magnam utique perfectionem designat eiusdem indefessæ longanimitatis ac sinceræ dilectionis, quæ per utriusque testamenti nobis obseruantiam tribuit. Quater quini uicenarium numerum complent, v enim libri Mosæ legem, IIII euangelicæ libertatis: cum ad intelligentiam atque custodiam legis spiritualis illustratæ euangelij gratia peruenimus, uicenarium profecto numerum perficimus. Fitque idem numerus uicenarius in longitudine & latitudine altaris, cum corda electorum docente utroque testamento, & adiuuante ipso uno utriusque testamenti autore, & perseverantiam boni operis etiam in persecutionibus seruant, & hilaritatem dilectionis in eos qui persequuntur exhibent. Denario autem numero spes cœlestium præmiorum designari solet domino affirmante, cum eos qui in uinea magni patrisfamilias laborabāt, denario remunerandos esse testatur. Et merito per hunc numerum merces æterna figuratur, in qua nostra natura in æternum diuinæ uisioni cōiungitur, quia in ipso numero mystice diuina simul & humana natura designatur. Deus quippe trinitas est, homo autem numero septenario comprehenditur, quaterno uidelicet propter corpus, quod ex quatuor elementis constat, ternario uero propter

pter interioris hominis triplicem differentiam, quam scriptura nobis sancta ostendit, cum diligere nos iubet dominum ex toto corde, tota anima, tota uirtute. Vnde & in decalogo legis tria sunt mādāta quę nos ad cultū diuini amoris excitant, septem quę dilectionem commēdant proximi. Qui ergo decalogum legis in dei & proximi dilectione custodiunt, iure mercedē huius custodię in dei simul & proximi uisione percipiūt: quicq; in hac uita & proximum quem uident, & deum quem nō uident, diligunt, hi in futura uita & deum regem in decore suo, æque & proximum in deo glorificatum ac decoratū uidebunt. Et ideo altare quod in figura factum est electorum, ob significandā eorum perpetuā uitam, x erat cubitis altum. Cum uero dictum esset, quia fecit Salomon altare aureum, additum est continuo, Et mensam super quam ponerentur panes propositionis auream. Mensa autem, scriptura est sacra, spiritalis intelligētīę claritate fecunda, de qua psalmista domino, Parasti, inq̃t, in cōspectu meo mēsam, aduersus eos qui tribulāt me. Ne enim aduersarij tribulantes ad errorē inflectant, mensam nobis conditor noster scientię, per quā in fide ueritatis eū confitemur, parauit. Namq; panes propositionis, sancti sunt doctores, quorū uel opera nobis uel uerba salutaria ad exemplū uitę propositionis semper in diuinis paginis quisquis quærīt, inuenit. Vnde aptē iđem panes in Exodo, XII fieri pręcepti sunt: uidelicet propter apostolos XII, per quorum ministeriū noui scriptura testamēti condita est, & instrumenti ueteris donante domino reuelata mysteria. Quo nimirum non tātum iđem apostoli, sed & omnes sunt designati, qui prędicando uerbum pabulum uitę fidelibus ministrant, quia omnes utiq; ipsam doctrinę formam, quam apostoli à dño accipere sequuntur. Legimus autem de his panib. in Exodo, per singula sabbata eos mutari debere, & nouos pro ueterib. in mensa dñi proponi, unius quoq; mensurę farinę similę semper eos parari pręceptos. De quib. omnib. mysticus de interna refectione sensus luce clarior refulget: ablatis enim ueterib. noui restituantur panes, cum assumptis de hac uita aliquib. doctorum fidelium alios loco eorum sancta ordinat ecclesia, & hoc non nisi die sabbati, quia quisquis bonum certamen certauerit, cursum cōsummauerit, fidem seruauerit, tempore suę resolutionis, requiem beatę perēnitatis intrabit. Vnius mensurę & non dispares ex simila semper fiebant panes, quia nimirum una eademq; forma ueritatis & fidei, quam primo apostoli suis auditorib. ostendebant: ac deinde successores eorū, & omnes usq; ad finē seculi p̃j doctores ecclesię Christi per orbem prędicare non desistunt. Quod uero in uerbis dierū legimus, quia fecit Salomon mensas x, & posuit eas in templo, v à dextris & v à sinistris, sialas quoq; aureas c: has mēsas tam ad panes propositionis, quām ad uasa domini portanda, factas esse credibile est: sialas uidelicet quas pariter factas scriptura refert, thymiamataria, thuribula, mortariola, & cetera quę in sequentib. leguntur. Nam quod paulopost in eodem uerborū uolumine subinfertur, Fecitq; Salomon omnia uasa domus domini, & altare aureum, & men-

De mēsis decem. XXV

fas, & super eas panes propositionis: uel pluralem numerum pro singulari po-
 suit, more scripturæ usitatissimo, ut in Iesu Naue, Filij autem Israel præuarica-
 ti sunt mandata: de anathemate, cum Acham solus & non plures filij Israel
 hoc fecerint: Vel certe quia panes propositionis solebant ante sabbatū coqui,
 ut in sabbato mox poni potuissent in mēsam propositionis, potuit fieri ut pa-
 nes nouiter cocti, mox illis mensis imponerētur, ibidemq; nocte illa seruaren-
 tur operti, donec primo mane ablatis ueteribus super mensam propositionis
 ponerentur calidi. Non autē hæ mensæ decem, à figura huius mensæ proposi-
 tionis discrepant. Nam sicut una mensa XII panibus onusta, unitatem totius
 scripturæ, & cōcordiam autoritate apostolica unitam designat: ita non imme-
 rito X mensæ aureæ diuinæ legis & prophetarū eloquia figurate denuntiant,
 quæ uel refectionem nobis uerbi dei, quasi panes propositionis offerūt, uel in
 nobis exempla fidelium quasi positorum in se uasorū domini claritatē & mi-
 racula proponunt. Recte autem bis quinæ sunt mensæ, non solum quia legis-
 lator V uolumina scripsit: uerū etiam quia tota testamenti ueteris series, V æta-
 tes seculi cōplectitur. Geminatur uero numerus mensarū quinarijs, & V à dex-
 tris & V à sinistris ponuntur, cum post incarnationē dominicam eadem scri-
 ptura, siue utriq; dei populo, Iudæo scilicet & gentili committitur, siue euange-
 lica plena figuris ostēditur, quæ quondam dei populo antiquo iuxta literam
 solā intelligēda putabatur. Cum enim legentes in sancta scriptura, uerbi gra-
 tia, Abel coronatum martyrio, Enoch translatus de mundo, Noe p̄reunte
 mundo mirabiliter saluatum, hospitalitatem Loth exterminatis impijs subli-
 miter remuneratam, Abrahā merito obedientiæ patrem cūctarum gentium
 constitutum, Ioseph post uenditionē merito castitatis & innocentie exemplo
 sublimatū: hæc & huiusmodi innumera nobis exempla uirtutis assumimus,
 quid nisi mensæ quinq; aureæ, siue uasa domini, seu panes propositionis ad-
 huc in sinistris templi, diuinæ literæ iuxta historicum sensum, ianuam nobis
 & recte uiuendi æterna præmia à domino sperāda aperiunt: at cum eandem
 altius intelligentes uel dispensationem dominicæ incarnationis, uel alia quæli-
 bet sanctæ ecclesiæ sacramēta sonare uiderimus, quasi alias V mensas ad por-
 tanda uasa electionis & alimoniā uitæ spiritalis in dextris templi inuenimus:
 quia eadem ipsa uerba sacre historię nouū omnino fulgorē nobis sapientiæ
 celestis, nouos aperire sensus de ueterib. agnoscimus, in qua profecto figura
 & candelabra sunt quina facta in templo. Cum enim dixisset scriptura regem
 Salomonem fecisse mensam, in qua ponerētur panes propositionis, auream,
 adiunxit sequenter, & ait, Et candelabra aurea V ad dexteram, & V ad sini-
 stram cōtra oraculum ex auro purissimo, & quasi lilia flores, & lucernas desur-
 per aureas. Sicut enim mensæ in typo sanctæ scripturæ recte ponuntur, quia
 & iustitiam esurientib. panem uerbi ministrant, & uasa ferunt ministerij coele-
 stis, id est iustorum nobis actus in exemplū ponunt: ita & aptissime per can-
 delabra eadem diuina eloquia figurātur, uidelicet quia lucem sapientiæ erran-
 tibus

tibus proferunt. Hinc etenim psalmista, Lucerna, inquit, pedib. meis, &c. Hinc etiam Salomon ait, Quia mandatum lucerna est, & lex, & lux. Quare aut v a dextris, & v a sinistris, conueniēter addidit contra oraculū. Oraculum namq; ubi erat arca, ut saepe dictū est, aperte designat patriam cœlestē, ubi Christus est in dextera dei sedens, paternorū utiq; cōsciū arcanorū: & cādelabra tēpli aurea contra oraculū sunt posita, cum diuina eloquia ad habitationē supernæ ciuitatis aspectant, ut huius agnitionē ac desiderīū nostris cordib. infundant: & eos qui originē carnis a terra habent ad appetendā promerēdamq; in cœlis perpetuā mansionē accendant. Sunt autem qui hoc quod de cādelabris dicitur, v ad dexterā, & v ad sinistram, ita putant intelligendū, q; v fuerint a dextris illius candelabri quod fecit Moyses in deserto, & v a sinistris, utraq; tamen ad meridianā plagam, in qua candelabrū unum quod fecit Moyses stare præceptū est: quod eodē ordine etiam de mensis x intelligant, quia omnes quidem ad septentrionalē plagam fuerint positæ, sed v ad dexterā Mosaicæ illius mensæ, & v ad læuam. Verū si cōsideres uerba sacre scripturæ, quib. dicitur, Et candelabra aurea v ad dexterā, & v ad sinistrā contra oraculū: patet nī fallor, q; æque utraq; v. oraculū respiciebāt: utpote iuxta utrūq; latūs tēpli in longū posita. Nam si omnia cādelabra ad australe latūs tēpli in longū posita essent, non dicerētur cōtra oraculū posita, sed potius cōtra aquilonē, siue cōtra mensas, si etiā mensæ ibi stabant: quod dictū est in Exodo de illo uno cādelabro, quod absq; ulla dubietate ad meridiē stabat: Posuit & candelabrū in tabernaculū testimoniū ē regione mēsæ in parte australi. Itemq; in libro Numerorum, Cum posuerit vii lucernas cōtra eam partē quā candelabrū lucem dabit. Ex utraq; ergo parte tēpli cādelabra, ex utraq; erāt mensæ, quia scriptura diuina ad illustrationē ac refectionē utriq; dei populo condita est, quæ nos in prosperis & aduersis, in tristib. ac lætis euentib. reficere ne deficiamus, & ne cæci remaneamus illustrare cōsuevit. Vasa quoq; misericordiæ sunt superposita: hoc est scriptura in se iustorū opera utrisq; nobis, per quæ in actione iustitiæ & ipsi cōfortemur, pponit. Si aut quæris quid inter cādelabra & lucernas eorū typice distet, possumus recte intelligere, lucernas esse uiros sanctos, q; oleo sancti spūs infusi, & ipsi igne dilectionis ardēt in corde, & p̄ximis lucē sciētię proferūt lingua. Cādelabra aut quæ has lucernas in sublime tollūt, ut lōge lateq; uideri possint in ecclesia, scripturā esse sacrā, quę sanctorū nobis uirtutes & exēpla sua lectiōe demonstrāt. Cui uidelicet interpretatiōi añuit sermo dñi, quo dicit de Ioāne, Ille erat lucerna ardēs & lucēs. Possumus etiā ita aptissime dicere, quia lucernę diuina sunt eloquia, iuxta illud psalmistæ, qđ & supra posuimus, Lucerna ped. m. u. t. dñe. Cādelabra aut lucernarū harū, sancti sūt oēs, qui sua corda & corpora ferēdis dñi mādatis, humili semp intētione supponūt. Quisquis em̄ in nullo ppriā seq̄ curat uolūtātē, sed in omnib. quæ scriptura sancta dicat, attēdit, eiusq; sese subīcere mādatis satagit: quasi cādelabrū domus dei aureū, aureas eius gestat lucernas: q̄a casta corporis sui mēbra, castas mētis co-

gitationes, ad faciendā quæ deus iubet, supponere contendit: & hoc tam fixa intentione, quàm candelabrū necesse est firmiter ad superna erectum, impositas sibi lucernas non solum absq; ruina, sed etiā absq; ulla status sui mutatione seruare. Cum uero dixisset, Et candelabra aurea v ad dexterā, & v ad sinistram contra oraculum ex auro purissimo: addidit, Et quasi lilij flores & lucernas desuper aureas: uidetur iuxta literam, quia suprema pars candelabrorum in modum sit lilij repandi formata: quod in candelabro tabernaculi factū esse legimus, cuius & stipes medius, & calami ex ipso procedentes cum scyphis & sphaerulis, lilia scribuntur habuisse plurima. Flores autem lilij, ut sæpe dictum est, amicitiam semper uiuentis terræ uiuētium designant, de qua dicit beatus Petrus, Regeneratos nos à domino in spem uiuam, in hereditatem incorruptibilem & incontaminatam & immarcescibilem, conseruatam in cœlis. Et bene lilij flores aurei in candelabro sunt facti domus dei, quia scriptura diuina, spretis temporalib. gaudijs, ad appetenda nos bona patriæ cœlestis prouocare consuevit: & quomodo erectum in altitudine candelabrum, lilij flores & lucernas habet aureas in capite, ita electi omnes qui in eadē scriptura sacra continentur, erecto ad superna sensu, cœlestia bona à domino quæsisse & percipisse probantur. Fecitq; forcipes aureos, hydrias quoq; & fuscinulas, fialas, & mortariola & thuribula de auro purissimo) Varia uasa quæ ad offerēda libamina sunt facta, uariæ sunt distinctiones eloquij diuini pro dispari capacitate audientium. Non enim una eademq; omnib. potest conuenire doctrina, ac per hoc diuersa altaris uasa, uel diuersas fidelium personas, uel certe multifarias ipsorum actiones, siue cogitationes in famulatum sui conditoris dispositas accipere debemus. Forcipes namq; ad emendandum altaris ignem fieri debere credendum est. Vnde recte per eos sancti prædicatores designantur, qui ignem in nobis charitatis, quasi in altari dei accēdere suis exhortationib. solent. Namq; hi uelut gemino dente forcipis ad hunc ignem accendendum titiones in altare componunt, quando consonis utriusq; testamenti nos paginis instruunt, & eloquia ueritatis in nostro corde, quibus amplius ad æternorum desideria inflāmemur collocant. Fuscinulæ quæ Græce uocātur creagræ, ad hoc in ministerio altaris habebātur, ut carnes uictimæ per eas de caldarijs coctæ proferrentur, atq; ad esum eorū qui his erant reficiendi afferrētur: quarum usus æque sanctis prædicatorib. figurate congruit: quorum ministerij est animas fidelium uerbo fidei reficere, & iuxta regulam apostolicæ discretionis rudibus adhuc discipulis rationabile & sine dolo lac doctrinæ simplicis adhibere: perfectiorib. autem solidum cibū doctrinæ sublimioris ministrare. Quicunq; enim sacramēta Christi ad eius imitationem suscipere norunt, hi quasi carnibus hostiæ salutaris refectioni satiantur. Et quia doctorū est spiritaliū, quæ cuiq; personæ mysteria audienda cōmittant, solertissime discernere, recte fuscinulas intulit Salomon sacerdotib. in domo domini, quib. carnes hostiarum prout oportuerit componant: & alia quidem hominibus, sed mundis edenda offer,

da offerant: alia uero altaris ignibus consumenda relinquunt: quia sunt in uerbis dei nonnulla quæ nostræ humilitati reuelare, ac epulas nostræ refecti-
oni concedere dignatus est. Sunt item alia tantæ profunditatis quæ sancti spiritus solummodo scientiæ pateant, nostræ uero capacitatis per omnia men-
suram transcendant. Quid enim per fialas, nisi mensura prædicationis acci-
pitur, qua oportet ut exhortationis gratia singulis iuxta capacitatem ingenij
conferatur. Debet enim hic subtiliter qui docet perspicere, ne plus studeat
quàm ab audiente capitur prædicare, debet ad infirmitatem audientium se
metipsum contrahendo condescendere, ne dum paruis sublimia, & idcirco
nō profutura loquitur, se magis curet ostendere, quàm auditoribus prodes-
se. Diximus plenius de mensa & candelabro, & utroq; altari, ac uasis domus
domini, in libris quos de factura tabernaculi & habitu sacerdotali scripsi-
mus. Si quis ergo capacitatem nostri sensus ex patrum traditione progeni-
tam, de his scire desiderat, in opere illo requirat. Sequitur. Et cardines osti- De cardinib.
XXVII
orum domus interioris sanctisancorum, & ostiorum domus templi ex au-
ro erant. Si ostia domus interioris sanctisancorum, angelica sunt ministe-
ria, quæ nobis de corpore egressis introitum uitæ coelestis referant, & ostia
domus templi doctores sunt sancti, ac sacerdotes, qui instruendo, baptizan-
do, dominici corporis & sanguinis mysteria communicando, prima nobis
ecclesiæ præsentis limina pandunt: quid cardines utrorumq; ostiorum, nisi
sensus & corda sunt eorundem angelorum, siue sanctorum, quibus immobiliter
complexationi ac dilectioni sui conditoris adhærent: ut eo ministeriū diuini
tutis sibi delegatum recte cōpleant, quia uoluntati illius cum ministrant, nun-
quam oculos auertunt. aperiuntur enim & clauduntur ostia, tempore cōgruo,
sed nunq; cardinem templi deserunt: quia & angeli & homines sancti siue in
hanc uitā fidei, siue in illā speciei fideles atq; electos suscipiāt, semper animū
in radice dilectionis fixū tenet. Vnde bene idem cardines ex auro esse facti
perhibentur, propter uidelicet meritū propriæ claritatis, uel illius quā habent
in deum charitatis. Et perfecit omne opus quod faciebat Salomon in do-
mo domini. Cum rex pacificus noster in die nouissimo omnes electos re-
surrectionis immortalitate glorificat. Alioquin quamdiu status huius seculi
geritur, facit quidē opus domus domini Salomon, sed nondū perfecit: quia
corda electorum dominus ut bona operetur, inspirat & adiuvat, nullū tamen
in hac uita dūtaxat cōmorantē absq; peccato esse tribuit, nāq; hoc donū fu-
turæ uitæ beatitudini reseruat. Perficit uero omne opus templi sui, & hoc de-
dicationi aptū reddit, cū translatos de hac uita electos suos aternū perducit
ad regnū. Quod bene significat in eo quod templū VII annis ædificatū est,
VIII autē perfectū ac dedicatū est. Septē nāq; diebus omne hoc opus uoluit,
octaua est dies iudicij & resurrectionis futuræ, de q; psal. VI & XI attitupati
sunt. Cui uidelicet tēpori, cōuenit apte qd sequit. Et intulit q̄ sanctificauerat
David pater eius argētum & aurū, & uasa reposuit in thesauris domus
domini

domini.) Argentum namq; ad nitorem eloquentiæ, aurum ad splendorem sapientiæ, uasa generaliter ad rationabilem pertinent creaturam. Sanctificatq; Dauid pater Salomonis argentum, cum deus pater eloquentes quosq; gratia sancti spiritus ad loquendum uerbum euangelij confortat: sanctificat aurum, cum naturali ingenio præditos, suo replens spiritu ad consideranda in lege sua mirabilia, illuminat. Sanctificat & uasa, cum omnibus generaliter ecclesiæ filijs eiusdem spiritus gratiam largitur, & illos ad appetenda dona perpetuæ salutis inflammat. Hoc autem argentum, hoc aurum, hæc sanctificata uasa Salomon infert in templum, cum dominus noster peracto uniuersali iudicio, omnes electos, & doctorum uidelicet, & cæterorū fidelium cœtum, in gaudium regni cœlestis introducit. Reponitq; uasa diuersi generis argentea siue aurea in thesauris domus domini, quādo eos qui multitudine dulcedinis eius frui meruerint, abscondit in abdito uultus sui à conturbatione hominū. Apti multi sunt thesauri, in quibus uasa electionis recondantur: sed una domus domini, in qua iidem sunt facti thesauri: quia & una est ecclesia, in qua omnes continentur electi, quantislibet meritis distent: & una, ac non diuersa est patria illa cœlestis, quæ promittitur omnibus: quamuis sicut stella à stella differt in claritate, ita & resurrectio mortuorum: quod utrumq; iudex ipse, ac distributor præmiorum dominus, una sententia demonstrauit, cum ait, In domo patris mei multæ sunt mansiones. Vnam ergo domum domini fecit Salomon, sed multos in ea thesauros ad recipienda uasa diuersi generis, una tamen benedictione sanctificata parauit: quia nimirum una est domus patris, non manufacta, æterna in cœlis, sed multæ in ea mansiones, ad recipiendos omnes timentes se ac diligentes: dominus benedicet pusillos cum maioribus.

De arca in oraculum illata.
XXVIII

Veneruntq; cuncti senes ex Israel: ad regem Salomonem in Hierusalem, ut deferrent arcam fœderis domini de ciuitate Dauid, (id est, de Sion) & tulerunt sacerdotes arcam fœderis domini, intuleruntq; eam in locū suum in oraculum templi, in sanctum sanctorum, subter alas Cherubin: siquidē cherubin expandebant alas super locum arcæ, protegebantq; arcam & uestes eius de super. Cumq; eminerent uestes, apparerentq; summitates eorum foris sanctuarium ante oraculum, non apparebant ultra extrinsecus. Qui & fuerūt ibi usq; in præsentem diem.) Hoc manifestius in Paralipomenon uolumine scribitur. Vectium, inquit, quib. portabant arcam, quia paululū longiores erant, capita parebant ante oraculum: si uero quis paululum fuisset foris, eos uidere non poterat. Vbi notandum quia & si capita uectium antecedentibus potius ac diligentius intuentibus parebant ante oraculum, non tamē fieri poterat ut ipsa eorum capita ante oraculum eminerent: quia nimirū necesse erat, ut clauso oraculo & appēso ante ostia uelo, ipsi quoq; uestes toti cum arca & cherubin abderentur interius: quod fieri non poterat, si prominētes ulterius uestes, producēdis ad claudendū ostijs locum non darent: quorū positionē uectium scriptura nō sine causa, sed magni intuitu sacramēti tā diligēter expedire curauit.

uit. Constat enim quia domus templi exterior, peregrinantes in terris ecclesiam, sancta autem sanctorum internam supernae patriae felicitatem designant. Item illata in sancta sanctorum arca, assumptam Christi humanitatem, & intro uelum regiae coelestis inductam: uestes uero quibus eadem arca portabatur, predicatorum uerbi quos ipse mundo innotuit, typice denuntiant. Apperebant enim summitates uestium foris ante oraculum, non semper, sed cum ostia eiusdem oraculi aperiri contingeret: neque haec omnibus, sed eis solummodo qui propius accedentes, attentius ea quae intus erant satagebant intueri. Ipsa autem arca qualis & quomodo esset posita, solis eis qui oraculum intrassent, uideri licebat: quia nullus sanctorum in hac uita positus, tametsi multum se in altitudine mentis attollens, sed soli illius patriae ciues gloriam inibi sui redemptoris plane contuentur. Sunt & uestes cum arca in oraculo reconditi, quia absconditi sunt etiam nunc perfecti quique electi, qui nos praecesserunt de mundo, in abdito uultus dei a conturbatione hominum. Quorum tamen summitates uestium nonnunquam aperto oraculo his qui appropiant uisuntur, cum perfectioribus quibusque, atque oculum sui cordis tota intentione purificatibus, diuina gratia aliquid extremum de supernorum ciuium gaudio contemplandum donauerit: quae nimirum contemplatio his qui paulo longius recesserint minime conceditur: quia quanto exterius mente uaga remanent, tanto minus quae sint interna gaudia uident. Deinde sequitur. In arca autem non est aliud nisi duae tabulae lapideae, quas posuerat in ea Moyses in Oreb, quando pepigit foedus dominus cum filiis Israel, cum egrederentur de terra Aegypti. Quari potest quomodo dicat hic, quod in arca non esset aliud nisi duae tabulae testimonij, cum apostolus Paulus magister gentium in fide & ueritate, Hebraeis, idest filiis Israel scribat, dicens, Tabernaculum enim factum est primum, in quo erat urna aurea habens manna, & uirga Aaron quae fronduerat, & tabulae testamenti. Ecce teste apostolo didicimus, quod & ista ibidem fuerint. Non enim ausus est aliud eis scribere, nisi quod certum tenebant illi omnia haec in ipsa arca fuisse: sed non plenius apparet, quando intromissa ibidem sint, excepto quod in libro Numeri scriptum est, Protulit Moyses omnes uirgas de conspectu domini ad cunctos filios Israel, uideruntque & receperunt singuli uirgas suas. Dixitque dominus ad Moysen, Refer uirgam Aaron in tabernaculum testimonij, ut seruetur ibi in signum rebellium filiorum Israel, & quiescant querelae eorum a me, ne moriantur. Denique & de manna in Exodo ita scriptum est, Dixitque Moyses ad Aaron, Sume uas unum, & mitte ibi manna quantum potest capere gomor, & repone coram domino, ad seruandum in generationes uestras, sicut praecipit dominus Moysi. Posuitque illud Aaron in tabernaculo ad seruandum. Erat autem in arca urna aurea, habens manna: quia in homine Christo, habitat omnis plenitudo diuinitatis corporaliter. Erat uirga Aaron, quae excisa denuo floruerat: quia potestas omnis iudicandi penes eum est, cuius iudicium in humilitate passionis uidebatur esse sublatum.

De tabulis lapideis arca in clusis XXIX

De nebula in
tēplo. XXX

sublatum. Erant & tabulæ testamēti, quia in illo sunt omnes thesauri sapientia absconditi. Adhærebant ei uectes quibus portabatur, quia doctores qui quondam laborabāt in uerbo Christi, nunc præsentī uisione gaudent gloriæ Christi. Quod enim unus eorundē dixit, Cupio dissolui & esse cum Christo: de omnibus utiq; sui operis consortibus intelligēdum reliquit. Factum est autem cum existent sacerdotes de sanctuario, nebula impleuit domum domini, & non poterant sacerdotes stare propter nebulam. Impleuerat enim gloria domini, domū domini.) Gloria domini intelligitur Christus, cuius fide impletus est uniuersus mundus. De qua gloria cū pro adorato uitulo dominum precaretur Moyses, ut parceret populo peccatori, respondit dominus, Proptius ero illis, uerum tamen uiuō ego & uiuīt nomen meum, quia implebitur gloria mea omnis terra. Et septuagesimus primus psalmus canit, Implebitur gloria eius omnis terra. Vnde & angeli clamabant pastoribus, Gloria in excelsis deo, & in terra pax hominibus bonæ uolūtatis. Quod autem nebula impleuit domum dei, & non poterant sacerdotes ministrare propter nebulam: hæc sententia superbos Iudæorum pontifices ac doctores insinuat, qui dum natiuitatis Christi sacramenta inuestigare despiciunt, debitum fidei suæ ministerium per erroris nebulam perdiderunt. Ita enim eorum mentes infidelitatis caligo repleuit, ut exigētibus proprijs meritis, non agnoscant cultum credulitatis. Post perfectū omne opus domini, & longam orationem Salomonis, & diuina ad eum oracula facta, inter cætera refert scriptura, quod classē nauium fecerit rex Salomon in Asion Gaber.) Asion Gaber portus est maris rubri, & fuit tricesima prima mansio filiorum Israel, quando profecti sunt de Ægypto, ipso etiā post loco classis Iosaphat, ut scriptura testatur, ui tempestatis attrita est. Classes sunt nauigia maris, classis etiā dictā nauīū multitudo. Post hæc iterum refert scriptura, quod uenerint serui Hiram cum seruis Salomonis in eisdem nauibus in Ophir, sumptumq; inde aurū quadringentorum uiginti talentorum, detulerunt ad regem Salomonem in Hierusalem. Ophir unde sicut iam diximus, aurum efferebatur Salomoni, fuit unus de posteris Heber nomine Ophir: ex cuius stirpe uenientes à fluuio Cophene usq; ad regionem Indiæ, quæ uocatur Hieria, eos habitasse refert Iosephus, à quo & regio ipsa tale uocabulum est consequuta. Vnde & Septuaginta interpretes, deriuato uocabulo, non Ophir, sed Ophiram transtulerunt. Sed & regina Saba audita fama Salomonis, in nomine domini uenit tentare eum in ænigmatibus.) Sicut enim hæc regina uenit à finibus terræ, id est India, ut quidam dicunt, audire sapientiam Salomonis: ita uenit ecclesia post multa secula ad redemptorem & eruditore suum, ut post stultitiā erroris, doctrinam perciperet ueritatis. Hæc est illa regina de qua ad dominum dicitur, Astitit regina à dextris tuis in uestitu deaurato circumdata uarietate: id est, diuersarum circumdata precioso decore uirtutum. Hæc enim omnium credentium mater est, quæ natos ad mortem regenerat ad salutem, per quam Christus plus re-

De regina Sa
ba. XXXII

stituit

stituit in gratia, quàm perijt in natura, & de Adæ transgressoris genere prolem in adoptionem diuinæ paternitatis assumpsit, & de paradiso exhæredatos cœlo reddidit ciues. Hæc post synagogam quidem uocata, sed ante synagogam promissa, hæc enim iam in primo homine præfigurata est. Nam sicut ex Adæ latere fabricata est Eua, ita ex Christi corpore & uulnere redempta creuit ecclesia. Ingressa regina Saba Hierusalem, cum multo comitatu & diuitijs, cum camelis portantibus aromata, & aurum infinitum nimis, & gemmas preciosas, uenit ad Salomonē, & locuta est ei uniuersa quæ habebat in corde suo. Ergo in figura reginæ huius ecclesia uenit ex gentibus à finibus terræ, imponens finem cupiditatibus uitijscq; terrenis, audire sapientiam Salomonis, id est, uiri pacifici domini nostri Iesu Christi, qui fecit utraq; unum, soluens inimicitias inter deum & hominem in carne sua: uenit post ueteres & profanas superstitiones audire & discere de fidei illuminatione, & iudicio futuro, de animæ immortalitate, de spe resurrectionis & gloria. Venit ergo in Hierusalem cum multo comitatu, id est, nō iam cum una tantum gente Iudæorum, sicut prius synagoga solos habuit Hebræos, sed totius mundi gentibus diuersisq; nationibus. Venit ergo exhibens munera digna Christo, aurum & gemmas preciosas: & hoc camelis portatibus aromata, id est, ex gentili populo uenientibus, qui prius fuerant uiciorum sceditate distorti, & malorum onere curui, ac peccatorū prauitate deformes: cum his tanquam muneribus regina hæc ingreditur ad pacificum regem Christum, exhibet secum fidei aurū, puritatis in sensu, preciosas splendoris gemmas, morum uidelicet insignia ornamenta uirtutum. Et locuta est ei quæ habebat in corde suo, id est, aperuit ei cor suum, manifestauit ei occultam conscientiam in confessione & pœnitundine præcedentium delictorum. Videamus quid agat hæc regina. Videns autem regina Saba omnem sapientiam Salomonis, & domum quam ædificauit, & cibos mensæ eius, & holocausta quæ offerebat in domo domini, non habebat ultra spiritum. Quid erat rationis ut præpotēs regina, domum, expensas, & cibos regio tantopere miraretur. Ergo hoc loco aliqua maiora nos oportet inquirere. Vidit ergo ecclesia ex gentibus congregata sapientiam Christi, id est, post carnalia instituta gentilium, post humanam & animalem doctrinam philosophorum, accepit intellectum salutis & uitæ, inspexit spiritaliū mirabilia bonorum, agnouit uirum fabricatorem cœli & terræ, ac potentissimum humani generis conditorem. De cuius sapientia dicitur, Omnia in mensura & numero & pondere constituisti. Vidit & domum quam ædificauerat, id est, incarnationē hominis, in quo habitat omnis plenitudo diuinitatis corporaliter. Vidit & cibos Salomonis, uidelicet illos de quibus dicebat, meus cibus est, ut faciam uoluntatem patris mei. Cibus Christi est salus nostra, reficitur cœlestibus epulis, profectibus nostris. Cibus eius sumus, dum adquisiti ab ecclesia in membra eius corpusq; transimus: uel cibus eius altaris sacramēta cœlestia,

de quibus dicitur, Panem cœli dedit eis, panem angelorū manducabit homo. Vidit & holocausta eius, orationem sine dubio supplicationum mysteria, & obstupuit: ibi uidit inæstimabiles diuitias domini sui. Dixitq; ad regem. Verus est sermo quem audiui in terra mea super sermonibus tuis, & super sapientia tua, & non credebam narrantibus mihi, donec ipsa ueniens uidi oculis meis, & probaui quod media pars nuntiata mihi non fuisset. Maior est sapientia tua & opera, quàm rumor quem audiui. Cum ergo hæc siue ecclesia, siue quæq; anima sancta, cum peruenerit in æternam Hierusalem, id est, uisionem pacis, & ingressa fuerit beatam requiem & gloriam cœlestium promissorum, multo plura & magnificentiora perspiciet, quàm ei sunt in hac uita per sacra eloquia, per prophetas atq; apostolos nuntiata: Nunc enim tanquam in speculo & in ænigmate, tunc autem oculis uidebit, id est, facie ad faciem: Cum inquam una quæq; anima fidelis, & sancta in illo seculo plena bonorum operū fructibus, diuinis fuerit præsentata conspectibus, exhibens in se, imò se ipsam xenium deo suo proferens, digna cœlo & ualitura cœlum multiplicia munera, gemmas misericordiæ, iusticiæ margaritas, diuersorum ornāmēta meritorum, id est, aromata compunctionis, & sua uolentis balsama castitatis: præferens sicut dixi aurum infinitum nimis, id est integrum in se reassignans pio inæstimabile precium redemptori, spiritu alibus cordis & corporis oblationibus placitura, ut possit cœlestium mirabilibus inserta, uocem propheticæ exultationis assumere, Introibo in domum tuam cum holocaustis: tunc beata & illustris anima inter stupendas remunerationis sui constituta diuitias, ineffabilibus reginæ huius uerbis uti ad deum poterit, dicens: uerus est sermo quem audiui in terra mea super sermonibus tuis, maiora sunt opera tua quam rumor quem audiui. Hoc est dicere. O domine de tribulationibus meis magna quidē sperare præsumpsi, sed maiorem percepi ueniam manifestam quam cerno, dulcedinis magnitudine cogitationis meæ sensum exuperat remunerationis præmiū. Et reuera id quod parat deus diligentibus se, fide non comprehenditur, spe non attingitur, charitate non capitur, desideria & uota transgreditur, adquiri potest, æstimari non potest. Videbit homo merita sua insuspicabili retributionum largitate succrescere, habebit de perceptione fructū, non habebit de satietate fastidiū.

De throno Salomōis & aurī copia.

XXXIII

Fecit etiam rex Salomon thronum de ebore grandē, & uestiuit eum auro fuluo nimis, qui habebat VI gradus, & summitas throni rotunda erat in parte posteriori. Thronus eburneus æterni iudicij potestatem, auro diuinitatis fulgentem, quam dominicus homo à patre accepit, figurā gestasse nō dubium est. Sex gradus huius throni omnem creaturam uisibilem & inuisibilem quæ sex diebus facta est, & Christo domino à patre subiecta, typice demonstrabāt. Quod autem ipse thronus in posteriore sui parte rotundus esse describitur, hoc proculdubio datur intelligi, quia præsens mundus qui per metas temporum uoluitur, in sua extremitate à domino sit iudicandus.

At ue,

At uero XII leunculi per VI gradus bini stantes, sanctorum apostolorum li-
 niabant potestatem, quibus dictum est à domino: sedebitis super XII thro-
 nos iudicantes XI I tribus Israel. Post aliquāta iterū refert scriptura, quod
 fecit Salomon, quod tanta esset abundantia argenti in Hierusalem, quanta
 lapidum) Hæc locutio tropica non propria est. Tale est hoc quale in Genesi
 legimus, ubi dixit deus ad Abraham, Faciam semen tuum quasi puluerem
 terræ, quod ea locutione dictum est, quam Græci uocant hyperbolen, quæ
 utique tropica non propria est, quo tamen modo ut cæteris tropis uti so-
 lere scripturam, nullus qui eam didicit ambigit. Iste autem tropus, id est, mo-
 dus locutionis fit, quando id quod dicitur, lōge est minus quā quod eo di-
 cto significatur. Quis enim non uideat quā erat incomparabiliter ampli-
 or lapidum numerus quā argenti pondus in ciuitate Hierusalem. Rex *De casu Salo-*
 autem Salomon amauit mulieres alienigenas multas, filiam quoq; Pharao *monis.*
 nis, & Moabitidas & Amanitidas, Idumeas & Sidonias & Cetheas de gen- *XXXIII*
 tibus, super quibus dixit dominus filijs Israel, non ingrediamini ad eas, neq;
 de illis ingredientur ad uos. Certissime enim auerterent corda uestra, ut se-
 quamini deos earum. His itaq; copulatus est Salomon ardentissimo amo-
 re, fueruntq; ei uxores quasi reginæ septingentæ & cōcubinæ CCC, & auer-
 terunt mulieres cor eius) Admonendi sunt quibus hoc seculum prosperatur,
 qui nullis aduersitatibus huius mundi feriuntur, quod Salomon post acce-
 ptam sapiētiam usq; ad idololatriam cecidisse describitur, quia nihil in hoc
 mundo priusquam caderet aduersitatis habuisse memoratur: sed cōcessa sa-
 pientia eum funditus deseruit, eo quod eum nulla saltē minima tribulatio-
 nis disciplina custodiuit, nisi postquam deum deseruit, & se à deo desertum
 esse cognouit. Iam uero de cæteris operibus eius quæ dicit, eum uehementer
 arguit scriptura sancta atq; condemnat, & nihil de pœnitentia eius uel in e-
 um indulgentia dei omnino commemorat, nec prorsus occurrit quid poste-
 riora eius male gesta, quid saltē in allegoria boni aliquid significet hæc flen-
 da eius submersio, nisi forte quis dicat mulieres alienigenas, quarum amore
 deceptus est, significasse electas ecclesias de gentibus. Posset enim fortasse
 hoc non absurde intelligi, si illæ propter Salomonē defererent deos suos, &
 colerent deum eius: Cum uero ipse propter illas offendit deum suum, & co-
 luit deos earū, non est quid inde boni conijci possit, nec tamē nihil arbitran-
 dum est boni aliquid significare potuisse, sed malum. Apparet enim in per-
 sona huius Salomonis mira excellētia, & subuersio terribilis. Quod igitur in
 illo diuersis temporibus extitit prius bonum & posterius malum, hoc in ec-
 clesia in isto adhuc seculo simul & uno tempore ostenditur. Nam bono illi-
 us bonos ecclesiæ, malo autem illius malos ecclesiæ significatos puto, tanq;
 in unitate areæ, sic in illo uno homine, bonos in granis, malos in paleis: aut
 certe in unitate unius segetis, bonos in tritico, malos in zizania. Factum est
 n n 2 igitur

igitur in tempore illo, ut Ieroboam egrederetur Hierusalē, & inueniret eum Ahias Selonites propheta in uia, opertus pallio nouo. Erāt autem duo tantum in agro. Apprehendensq; Ahia pallium suum nouum, quo opertus erat, scidit in XII partes, & ait ad Ieroboam. Tolle tibi x scissuras. Hęc enim dicit dominus deus Israel. Ecce ego scindam regnum de manu Salomonis, & dabo tibi x tribus: porro una tribus remanebit ei propter seruum meum Dauid, & alia tribus propter Hierusalem quam elegi ex omnibus tribubus Israel. Illud uero quod post mortem Salomonis x tribus à templo separatę sunt, & duę relictę, satis indicat, quod de tota ipsa gente Apostolus ait. Reliquię per electionem saluę factę sunt. Quod uero unitas pallij prophetę in XII partes scissa est, ex quibus scissuris Ieroboam x accepit, hoc figurasse uidetur, quod concordia ecclesię ab hæreticis concissa, ipsi magistri erroris, à quibus unitas diuisa est, plebem deceptam quam suo errore à catholicis diuidunt, tyrannice sibi subditam detinent. Post multa alia refert scriptura & dicit. Reliqua autem uerborum Salomonis, & omnia quę fecit, & sapientia eius, ecce uniuerſa scripta sunt in libro uerborum Salomonis. In libro uero Paralipomenon, quem græco uocabulo taliter nuncupamus, quę nos latine præteritorum possumus dicere, ita de Salomone scriptum est: Reliqua uero operum Salomonis primorum & nouissimorum scripta sunt in uerbis Nathan prophetę, & in libris Ahiaę Selonitis, in uisione quoq; Addo uidentis contra Ieroboam. Hos libros hodie nusquam, neq; apud ipsos Hebręos inueniri posse asseuerant, sicut nec librum Bellorum domini, cuius in libro Numerorum mētio est, neq; librum Iustorum, neq; carmina Salomonis, neq; disputationes eius sapiētissimas, de lignorum natura herbarumq; omnium, itemq; iumentorum, uolucrum, reptilium & piscium: uel quod iam ex libro dierum protulimus, ubi dicit: Reliqua uero opera Salomonis priorum & nouissimorum scripta sunt in uerbis Nathan prophetę, & in libris Ahiaę Selonitis, in uisione quoq; Addo uidentis contra Ieroboam filiū Nabath: & multa huiusmodi uolumina, quę scriptura quidē probat, sed hodie constat non esse. Vastata namq; à Chaldæis Iudæa, etiā bibliotheca antiquitus cōgregata inter alias prouincię opes hostili igne cōsumpta est, ex qua pauci qui nunc in sancta scriptura continentur libri, postmodū Esdrę pontificis & prophetę sunt industria restaurati.

INDEX CAPITVM

LIBRI QVARTI



DE PROPHETA dei qui uenit ad Ieroboam in Bethleem & pseudopropheta qui eum decepit, propter quod & mortuus est	I
De Achab rege & Iezabel uxore eius	II
De Iericho ædificatione, quã fecit Achiel de Bethel	III
De Helia & uirtutibus eius	IIII
De morte filij mulieris uiduæ, quem suscitauit Helias	V
De manifestatione Helia ad Achab & sacerdotibus idolorũ, & altari quod extruxit Helias, & igne à deo misso, necnon & largitate pluuiæ	VI
De odio Iezabel aduersus Heliam, & fuga eius	VII
De aduentu eius ad montem dei Oreb	VIII
De regressione eius in Damascum, & unctione Asahel regis in Syriã, & Ie- hu filij Namsi regem super Israel, & Heliseum prophetam prophetam pro se in Israel	IX
De eo quod scriptum, hæc faciant mihi dñs, & hæc addât, si suffecerit puluis Samarie pugillis uniuerſi populi qui sequitur me	X
De uisione Micheæ prophetæ, ubi uidit dominum sedentem super solium excelsum, & mendacio falsorum prophetarum	XI
De morte Achab & successione filij eius	XII
De duobus quinquagenarijs cum militibus suis igne combustis	XIII
De confabulatione Helia cum Heliseo, & raptu eius ad cœlum	XIIII
De Heliseo ubi aquas Iericho steriles & malignas sanauit	XV
De paruulis ab eo maledictis, & ab ursis deuoratis	XVI
De muliere cuius duo filij à creditore rapiebantur, sed per Heliseum libera- ti sunt	XVII
De uiro & muliere qui transeunte Heliseo frequenter eum in domum suam receperunt	XVIII
De resurrectione pueri, ubi per seruum suum baculum misit, & mortuus nō reuixit	XIX
De emundatione Naaman Syri à lepra sua	XX
De ferro à ligno exilienti, & in profundum dimerſo, & consilio regis Syriæ, ut comprehenderet eum	XXI
De fame quæ facta est in Samaria obsidentibus Assyrijs, quando caput aſ- ni LXXX argenteis uenundatum est	XXII
De unctione regis Ioas filij Azariæ, quem Ioiadas pontifex cōstituit regem & opibus eius	XXIII

De Amasia rege Iuda qui percussit Edom in ualle Salinarum	XXIII
De Ieroboam rege Israel qui restituit terminos Israel	XXV
De his qui in Samaria à rege Assyriorum adducti sunt	XXVI
De Ezechia rege Iuda, & Sennacherib rege Assyriorum, & blasphemia Rafacis, atq; percussione exercitus Sennacherib	XXVII
De ægritudine regis Ezechia & xv annis additis	XVIII
De diuitijs eius, Chaldeis morbo iactantiæ ostensis.	XXIX
De Manasse & malicia eius	XXX
De Iosia rege & Olda prophetissa, & operibus eius	XXXI
De Nabuchodonosor & exercitu eius, & malo regum Iuda, propter quod tradita est Hierusalem in manu Chaldeorum ad uastandum	XXXII

FINIS

DIVI EVCHERII LVGDVNENSIS

EPISCOPI COMMENTARIORVM IN LIBROS

regum, ad Veranium & Salonium fratres
episcopos, Liber quartus.

ROBOAM post diuisionem regni Israel inter Roboam & Ieroboam, postquã recessit Israel à domo Dauid, sequitur scriptura & dicit. Factum est autem cum audisset omnis Israel, quod reuersus esset Ieroboam, miserunt & uocauerunt eum, congregatoq; cœtu constituerunt eum regem super Israel. Non est itaq; dubitandũ uoluntati dei qui in cœlo & in terra omnia quacunq; uoluit fecit, & qui etiam illa quæ futura sunt fecit, humanas uoluntates nō posse resistere, quo minus faciat ipse quod uult, quandoquidem etiam de ipsis hominum uoluntatibus, quod uult, & cum uult facit: nisi forte, ut ex multis ista de Ieroboam sufficiant, quãdo deus uoluit ei propter peccatum Salomonis regnum dare, sic erat in potestate Israelitarum subdere se memorato regi, siue non subdere, quod utiq; in eorum positum erat uoluntate, ut etiam deo ualerent resistere: qui tamen hoc nisi per ipsorum hominum uoluntates facere noluit, sine dubio habens humanorum quò placeret animorum inclinandorum potestatem. Sic ergo cum uoluerit reges in terra deus cōstituere, magis habet in potestate uoluntates hominum, q̃ ipsi suas uoluntates. Deinde refert scriptura, quod uenit propheta de Iuda in Bethel, ad Ieroboam regē sacrilegum, obiurgare eum propter sacrilegia idolorum, quæ fecerat, unde auertit filios Israel à domino deo patrum suorum: iussusq; est ibi non manducare neq; bibere: qui pro eo quod deceptus

De propheta
à pseudopro-
pheta deceptus

Deceptus est à pseudopropheta, & inobediens fuit uerbo domini, à leone in
 uia interemptus est. Equidem homo cuiuslibet sit meriti, si cōditoris sui pro
 tectione deferatur, quæ nimirum protectio minus necessaria creditur, si sem-
 per habeatur, sed utiliter plerunq; subtrahitur, ut sibi metipsi homo, quia si-
 ne illa nihil sit ostendatur. Manus ergo domini aliquādo nos nobis per ad-
 uersa insinuat, quæ etiā nesciētes nos in prosperis portat: qua destituti dum
 cadere incipimus, & tamen adiuti retinemur, & doctrina fit quod in lapsu
 trepidauimus, & custodia quod in statu permaneamus. Nemo ergo se ali-
 cuius uirtutis æstimet, etiā cum quid fortiter poterit, quia si diuina prote-
 ctio deferat, ibi repente eneruiter obruitur, ubi se ualenter stare gloriatur.
 Quid est enim quod uir dei contra altare Samariæ ad prophetandum dire-
 ctus, præsentē rege auctoritatem liberæ uocis exercuit, eiusdemq; regis exten-
 sum brachium in rigorem mirabiliter astrinxit, quod tamen mox misericor-
 diter saluti restituit, cuius in domum inuitatus comedere noluit, quia ne in
 uia comederet prohibitionis dominicæ præcepta seruauit, qui tamen in ea-
 dem uia & seductus comedit, & pastus interiit. Qua in re quid subtili con-
 sideratione colligimus, quid ut ita dixerim formidandum suspicamus, nisi
 quod forsitan apud semetipsum tacitus, & pro præceptis dominicis regem
 se contempsisse gloriatus, ab interna mox soliditate quassatus est, & inde ei
 in opere culpa subripuit, unde gloria in corde subrepsit: unde propheta fal-
 sis uerbis deceptus disceret, quia nequaquā propriæ fortitudinis fuerit, quod
 ad regis uerba restitisset. Bene autem ex eius ore mortis sententiam accepit,
 cuius seductioe uitæ præcepto deuiavit, ut inde pœnam ueraciter assumeret,
 unde culpam negligenter admisisset. Sequitur. Hæc dicit dominus. Quia
 inobediens fuisti ori domini, & non custodisti mandatum, quod præcepit
 tibi dominus deus tuus, & reuersus es, & comedisti panem & bibisti aquā
 in loco, in quo præcepi tibi ne comederes panem neq; biberes aquam, non
 inferetur cadauer tuum in sepulchro patrum tuorum, & reliqua. Quāti hæc
 pœna pendenda sit, si secundum euangelium cogitemus, ubi post corpus occi-
 sum, nihil metuendum esse didicimus, ne membra exanimata patiātur, nec
 pœna dicenda est. Si autem humanum erga suam carnem consideremus
 affectū, potuit inde terreri uel contristari uiuus, quod sensurus nō erat mor-
 tuus: & hæc erat pœna, quoniā dolebat animus id de suo corpore futurum,
 quamuis cum fieret non doleret. Hactenus enim uoluit dominus seruum su-
 um plectere, qui non sua contumacia spreuerat præceptum implere, sed alie-
 na decipiente fallacia obedire se credidit, quando non obediuit. Neq; enim
 putandum est, ita fuisse interemptum morsu bestię, ut ad supplicium tarta-
 reum eius deinde anima raperetur, quandoquidē ipsum eius corpus idem
 leo qui occiderat custodiuit, iumento etiā quo uehebatur illæso, & simul cum
 illa immani fera intrepida præsentia ad domini sui funus astante: quo mi-

rabili signo apparet hominē dei coercitū potius temporaliter usq; ad mortē,
 quā punitum esse post mortē. De qua re Apostolus cum propter quorundā
 offensas cōmemorasset infirmitates quoq; multorū: si enim inquit nos ipsos
 iudicaremus, à domino non iudicaremur, cum iudicamur autem à domino,
 corripimur, ne cum hoc mūdo damnemur. Eum sanē ipse qui deceperat, in
 monumento proprio satis honorifice sepeliuit, scq; sepeliendum iuxta eius
 ossa curauit: ita sperans parci posse ossibus suis cum ueniret tempus, quādo
 secundum illius hominis dei prophetiam, Iosias rex Iuda in illa terra multo
 rum eruit ossa mortuorum, eisdemq; ossibus tum sacrilega altaria, quæ scul
 ptilibus constituta fuerant, funestauit: pepercit quippe illi monumento, ubi
 iacebat propheta, qui ante annos amplius quā CCC ipsa prädixerat, &
 propter ipsum, nec illius qui eum seduxerat, sepultura uiolata est. Affectu
 namque illo quo nemo unquam carnem suam odio habet, prouiderat ca
 daueri suo qui occiderat mendacio animam suam, ex hoc igitur quod quisq;
 carnem suam naturaliter diligit, & illi pœna fuit addiscere, nō eum futu
 rum in sepulchro patrum suorum: & huic cura prospicere, ut parceretur ossi
 bus suis, si iuxta eum iaceret, cuius sepulchrum nemo uiolaret. Hunc affectū
 Christi martyres certantes pro ueritate uicere: nec mirum quod contempse
 runt quod non fuerant peracta morte sensuri, qui nō potuerunt eis quos ui
 uentes sentiebant cruciatibus uinci, poterat utique deus, qui leonem prophe
 tæ corpus, quod ipse occiderat, ulterius non permisit attingere, & fecit de per
 emptore custodem: poterat inquam à suorum interfectis corporibus canes
 quibus fuerant proiecta prohibere: poterat & ipsorum hominum innu
 merabilibus modis terrere sæuiciam, ne cadauera incendere, nec in aëra di
 spergere auderent: sed hoc quoque experimentum multiplici uarietati ten
 tationum deesse non debuit, ne fortitudo confessionis quæ immanitati per
 secutionis pro corporis salute non cederet, sepulchri honore trepidaret, po
 stremo ne fides resurrectionis consumptionem corporum formidaret. De
 buerunt ergo & ista permitti, ut etiam post hæc tātī horroris exempla mar
 tyres in Christi confessione feruentes, & huius quoque testes fierent uerita
 tis, in qua didicerant eos, à quibus sua corpora interficerentur, postea ni
 hil habere quod facerent, quā quicquid mortuis corporibus facerent: ut
 tique nihil facerent, quando in carne omni uita carente, nec aliquid senti
 re posset qui inde migravit, nec aliquid inde perdere qui creauit. Præter
 missa multa libri regum historia ad Achab sceleratissimi regis & sacrile
 gæ uxoris eius Iezabel tempora cursim temdimus, ut de uirtutibus san
 ctorum prophetarum Heliæ atque Helisei saltem tenuiter aliquid disse
 ramus. Interea refert scriptura quod Achab filius Zambri mortuo patre
 super Israel regnauerit in Samaria uiginti & duobus annis, feceritq; malū
 in conspectu domini super omnes qui fuerunt ante eum: nec satis fuit ei ut
 ambu

ambulare in peccatis Ieroboam filij Nabath, insuper duxit uxorem filiam Etabahel regis Sidoniorum, abijtq; & seruiuit Baal in templo quod ædificauerat in Samaria, & plātauit illic lucum, & addidit Achab in opere suo irritare dominum deum Israel super omnes reges Israel, qui fuerunt ante eum. Lucus locus est siluestris spissus, dictus ab eo quod parum luceat, multis uerstitus arboribus, locus amœnus, ubi multæ arbores sunt: dictus lucus per antiphrasin, quia caret luce præ nimia nemorum umbra, densis arboribus septus, solis lucem declinans. Potest & à conlucendo crebris luminibus dici, quæ ibi propter religionem gentiliū cultumq; fiebant, Solebant autem pagani in lucis dæmones consulere, & responsa ab illis non signis sed uocibus accipiebant, unde & à fando fana sunt appellati. Cum enim in diebus Helij scisso iam in duas partes populo Iudæorum, Achab per successionem regni Israelitarum apicem obtineret, Iezabel externæ scēminæ gentis & profanæ mentis duxit uxorem, cuius cura & instantia idolorum profecerat cultus, ut ad sacrilegū ritum rex pariter traduceretur & populus. Grassabatur in iniuriam dei diabolus antiquæ artifex tyrannidis, multimodam dei religionē destruere satagens: grassabatur in corde mulieris, cuius instinctu diuina lex & eius sacerdotium spernebatur, occidebantur prophetae, & altaria tollebantur: stupebant omnia, & tantum commissum facinus perhorrebant: mundum dico in omnibus tabescentem, quod membris speciebusq; suis nomen creatoris ascriberet error humanus. Sed quæris forte ut tibi probe, utrum peccantibus hominibus metuant elementa. Audi Hieremiam magnificum prophetarum, diuino ore clamantem. Expauit, inquit, cœlum in istum, & terra commota est, quia duo mala fecit populus meus: me dereliquerunt fontem aquæ uiuæ, & foderunt sibi lacus contritos, qui non possunt aquam continere. Turbata ergo erant elementa, turbata non officio sed affectu, quod unicum, ut dixi, nomen deitatis hominum eis error imponeret, famulatū, que debitum conditori cæca deuotione præberet. Erat hic Helias medius in tanto discrimine animarum, erat medius in ipso mundi naufragio: quod non aquarū inundatio, sed pœnalis & cæca diaboli æmulatio inuexerat orbem terrarum, solus enim hic, latentibus cæteris uelut lucerna ardens offerebat se his quos uidebat profunde noctis mersos caligine, nunc monendo, nunc arguendo, nunc curando, nunc etiam comminando: sed nec lumen cæro, nec surdo prodest inferri sermonem. Crescebat indies singulos error infastus, & omnem creaturam mortis umbra contexerat, ad omnem formā, omnemq; speciem inclinabatur miserum hominum genus: Quid enim de sole, luna ac stellis, de terra ac mari, principalibus dicam & clarissimis elementis? cunctis animantibus, uolatilibus, quadrupedibus, & reptilibus, muriscis quoq; & uermibus, æterni & singularis dei prosternebatur imago. Quæ admodū igit ferret illa mens tota pietatis & fidei, Heliae dico prophetae, &

tantā

tantam ruinam tantamq̃ perniciem animarum iacebat populi illius cor-
 pus regio morbo constrictum, & uelut exanime iam & sine sensu discerptis
 membris, & per rupes & scopulos, per nemora lucosq̃ iactatis, nullas in se
 diuinæ imaginis reliquias possidebat. Nullum huic poculum, nullum medi-
 camenti genus proderat, si daretur, quia membra si quid apponeret propel-
 lebant: ferro erat utendum, uulnus cruore sanandū, cauterio uiolento curan-
 dum: consequenter tamen ut creuerat, à capite, inquit Esaias, usque ad pe-
 des. In diebus autem regni Achab edificauit Achiel de Bethel Hiericho:
 in Abiram primogenito suo fundauit eam, & in Segub nouissimo suo posu-
 it portas eius) Pater sensus, quia cum præfatæ conditor urbis fundamenta
 illius ponere inciperet, primogenitus eius qui uocabatur Abiram mortuus
 est: & cum urbe ædificata, portas munire tentaret, nouissimum filiorum suo-
 rum cognomento Segub amisit. Quod ita futurum Iosue cum eam destru-
 ctam anathemati traderet, imprecando prædixit. Maledictus inquit uir
 coram domino, qui suscitauerit & edificauerit ciuitatem Iericho. In primoge-
 nito suo fundamenta illius iaciat, & in nouissimo liberorum ponat portas
 eius. Quia uero Achiel uiuens deo, Bethel interpretatur domus dei, Achiel
 de Bethel destructa à Iosue, atq̃ anathematizata Iericho mœnia restaurat,
 cum quis eorum qui in ecclesia habitum religionis assumpserāt, ad agenda
 scelera, quæ ei dominus Iesus in die baptismatis donauerat redit, quasq̃
 ipse anathematizauerat diaboli pompas, luxuriose uiuendo repetit, & erro-
 rum dogmata, uel gentilium fabulas ueritati ecclesiasticæ, qua imbutus est,
 anteposit, quasi de Bethel egrediens, ruinas Iericho resuscitat: meritoq̃ ta-
 lis coram domino maledictus, & primum filiorum in fundatione nefariæ
 ciuitatis, & nouissimum in portarum positione amittit: quia & fundamen-
 ta fidei, à quibus bona ædificia inchoare, & claustra bonæ actionis, quibus
 perfici debuerat, perdidit. Hæc & allegorico sensu exposui, ut reminiscaris
 quia uerus sit Apostoli sermo, qui dicit, quia omnia in figura contingebant
 illis, scripta sunt autem propter nos. Sequitur, Dixitq̃ Helias Trespites
 de habitatoribus Galaad ad Achab. Viuit dominus deus Israel, in cuius
 cōspectu sto) Sciēdū est quod duobus modis in cōspectu domini uenimus,
 uno quidē quo hic peccata nostra subtiliter perpendētes, in eius nos cōspe-
 ctu punimus, & flendo dījudicamus: alio uero modo in cōspectu domini ue-
 nimus, cū in extremo iudicio ante tribunal eius assistimus. Nā quoties cōdi-
 toris nostri potentiā ad sensum reducimus, toties in cōspectu illius stamus.
 Vnde recte nūc per uirū dei Heliam dicitur. Viuit dominus deus Israel, in
 cuius cōspectu sto. Qui iam nō ut solebat lenis ac mitis, sed immitis ac seue-
 rus accedit ad ipsum corporis caput, accedit ad regē Achab, & dicit ei. Vi-
 uit dominus deus uirtutum, deus Israel, in cuius cōspectu sto, si fuerit pluuia
 aut ros in his annis, nisi in oris mei sermōe) Magna uis ppheticę dignitatis,
 huma

humani sermo est, diuinus effectus. In terris homo loquitur, & imperio eius ecclesie obediunt potestates. Commouit omnem creaturam unus sermo propheta, & miro modo humi sonans aëra cœlumq; cōcussit, turbatus est humani ministerij ordo, & à seculis instituta elementorū harmonia contabuit, cum sicco humidum, calido frigidum negaretur: sed elementa pœnā suam læta suscipiunt, dum modo uel in salute hominum, uel in honore proficiat conditoris. Iubetur Helias secedere ac latere, ab auihus cœlitus ei cibus ministratur, siccatus deinde torrens, pocula deficiunt. Procedens enim uelut ignis sententia ipsa quodammodo terræ uitalia penetrauit, confestimq; omnia arefecit: nulla agrorum gratia, pratorum nulla uenustas, ripæ quoq; uirgultis quondam florentibus prætextę squalore turpissimo fatiscebant, cum fontes aquis, flumina cursibus priuarentur, migrat inde propheta, & ex dei præcepto transit ad præparata cellaria, totiusq; afflictionis oblitus de se cogitat solo: non commouetur humanitate, nec ulla flectitur pietate: non respicit ad ipsa iura naturæ, nō paruulum sub sicco ubere matris exhalantem: senum ac iuuenum profunda inedia nece defessa, non iam corpora sed cadauera, turbido præterit uultu: non exoranti colono, non supplicanti respondet agricolæ, sed crudelior, feris & beluis effectus immanior, omne humanū despicit genus. Et factum est uerbum domini ad Heliam dicens. Recede hinc & uade contra orientem, & abscondere in torrente Charith, quæ est contra Iordanem, & ibi de torrente bibes, coruisq; præcepi, ut pascant te ibi. Abijt ergo & fecit iuxta uerbum domini. Corui quoq; deferebant ei panes & carnes mane, similiter panes & carnes uespere, & bibit de torrente. Post dies autem siccatus est torrens, non enim pluerat super terram. Helias igitur recte dei filio assimilatus est, cui & autoritas & nomen ueridice cōgruit. Helias enim deus meus interpretatur, quod nomen substantialiter dei filio inest, autoritatē uidelicet sibi faciēdi quod uelit originaliter uendicans, quoniā omnia quæ sunt patris, sua quoq; testatus esse est. Trespites autē, captiuans siue conuertens interpretatur. De domino enim psalmista ait, Ascendens in altum, captiuam duxit captiuitatem. Et iterum, Conuerte domine captiuitatem nostram, sicut torrens in austro. Ac ne forsitan moueat quempiam, q̃ Heliam dei comparauerim filio, legat epistolam ad Hebræos, & id Apostolum protulisse reperiet, dicens quodammodo: hic Melchisedech assimilatus filio dei, permanet pontifex in æternum, sine patre, inquit, sine matre, sine genealogia, neque initium dierum habens, neque finem: quod utiq; nulli homini, nisi dei filio soli congruere poterit, qui ex quo uel unde originem trahat, scriptura nequaquam indicat. Idipsum etiam & de Helia scriptura testatur, cum subito nomē illius introducit, & ex qua tribu uel familia ortus sit minime profertur. Torrens Charith, qui interpretatur diuisio, siue concisio, Iudaico populo congruere certissimū est. Qui populus torrenti merito cōparatur, quia quod ad obseruandum per legē ei diuinitus fuerat traditū, oppor-

tuno tempore incarnationis dominicæ finiendū erat, quando umbræ & imagines legis expletæ noscuntur. Pascitur deinde Helias tempore famis à coruis, mane afferētibus panem, & ad uesperam carnes: & Manichei intelligūt in illis libris Christum, cui quodammodo salutem nostram esurienti confitentur peccatores, fidei primitias nunc habentes, in fine autem uelut ad uesperam seculi etiam carnis resurrectionem percipiētes. Potest & per panem & carnem, quæ mane & uespere coruos Helix attulisse scriptura pronūtiat, intelligi in panibus opera pietatis, quæ in peregrinis & indigentibus sibi testatus est dominus dari: in carnibus autem castigatio intelligenda est corporis siue cruciatus, quos pro diuino amore uel cultu omnes sancti sibi intulisse uel à persecutoribus pertulisse mane & uespere, id est, sub ueteri testamento & euangelica prædicatione leguntur. Postquam uero exsiccatus est torrens, dicitur Helix à domino. Surge & uade in Sareptam Sydoniorum, & manebis ibi. Præcepi enim ibi mulieri, ut pascat te. Surrexit & abiit in Sareptam. Cumq̃ uenisset ad portam ciuitatis, apparuit ei mulier uidua, colligens ligna, & uocauit eam, dixitq̃ ei. Da mihi pauxillum aquæ in uase, ut bibam. Cumq̃ illa pergeret ut afferret, clamauit post tergū eius dicens. Affer mihi & buccellam panis obsecro in manu tua. Quæ respondit. Viuit dominus & uiuit anima tua, quia non habeo panem, nisi quantum pugillus capere potest farinæ in hydria, & pauxillū olei in lecytho. En colligo duo ligna, ut ingrediar & faciam illud mihi & filio meo ut comedamus & moriamur. Ad quā Helias ait. Noli timere, sed uade & fac sicut dixisti. Veruntamē mihi primum fac de ipsa farinula subcinericiū panem paruulum, & affer ad me. Tibi autem & filio tuo, facies postea. Hæc autem dicit dominus deus Israel. Hydria farinæ nō deficiet, nec lecythus olei minuetur, usq̃ ad diem quā daturus est dominus pluuiam super faciē terræ. Quæ abiit & fecit iuxta uerbum Helix, & comedit ipse & illa & filius eius. Et ex illa die hydria farinæ non defecit, & lecythus olei nō est imminutus, iuxta uerbum domini quod locutus fuerat in manu Helix. Vt interim omittam quid intrinsecus lateat sacramenti, quod de terra Israel ad Sidoniam mittitur regionem, unde caput omniū & causa malorum Iezabel orta fuit: illud breuiter perstringatur, quod pergit ad uiduam penuriā laborantē, & in ipso uitæ mortisq̃ confinio destitutā, quæ exierat ut ligna colligeret, & tam sibi quā paruulis extremā uictus substantiam procuraret. At Helias uidet mulierem inedia squalore confectā, non mouetur, non cunctatur, non reuocat pedem, sed ingerit se & immergit, sitq̃ ei ipse grauior fame, & dicit ad eam. Da mihi parum aquæ ut bibam. O si tibi beate homo uidua respōdisset, & iuxta te uoce repellens diceret, quid petis à me, quod omnibus abstulisti, quid quæris à muliere quod mundo negasti: hæc omnium necessitas & penuria, oris tui autoritate prolata est: ego à te refici, ego à te debeo satiari, & tu uenis ad me. Sed nullo horum mulier, nec corde nec ore uia sermone est, mox deuota mens

mens & euangelicæ non indigna mercedis, frigidæ aquæ poculum prophetæ defert sitienti. Addit quoq; Helias & dicit, Affer mihi etiam buccellam panis in manu. At illa, Viuit dominus deus tuus si est mihi panis, nisi manus plena farinæ in hydria. En colligo duo ligna, ut ingrediar, & faciam illud mihi & filio meo, & manducabimus, & moriemur. Sed quid ad hæc Helias? Confide, inquit, & intra, & fac secundum uerbum tuum: sed prius fac mihi inde subcinericiū, tibi autē & filio tuo facies postea. O' magnificū mulieris animum, o' immutabile mentis propositum, o' uere uenerabile per secula factum: poculum petit, mox offert: & quod regibus iam forsitan deerat, quod diuites non habebant, hoc uidua ex abundantia erogabat. Pascit pane, quæ cum filio die postero erat moritura, nec habere se negat, sed fatetur simpliciter, nec metuit prodere ueritatē: & non tam postulātī, q̃ quodāmodo exigenti, omnem causam pandit in medium: quantitātē uictus, & numerū personarum, ut non tam hospitem uelit habere, q̃ iudicem. Non dixit, Non possum facere quod iubes: nec ait, considera uiduam, non tam de se, quàm de filio tabescentē: considera paruulorum chorum, nec me illis auferas, nec matrem patiaris tanta orbatam prole derelinqui. Non ait, Tu es utiq; qui orbem terræ famis sententia condemnasti, te omne hominum genus irascente deperiit: deinde transiisti patriam, terram penē omnem gentis tuæ & prouinciam peragrafti, nusq; tibi diues occurrit, nusquam locuples obuiauit, qui esurientem susciperet, & reficeret ieiunantem: ego tibi sola occurri, aut ego iam sola remansi, quæ præter penuriæ egestatem etiam mole opprimor filiorum: quæ tātam natorum plerem plaga ipsa patior grauiorem: exeo domum non ut spicas colligam, sed ligna: non ut alimoniam deferam, sed fomenta: & quos à fame liberare non possum, conor saltem à frigore defensare. Certe quia tam crudelis es, ut non consideres quid iniungas, illo sanè contentus esse debueras, ut nobiscum ederes pariter quod remansit: uel prius sineres paruulos satiari, tunc tibi quod remansit, offerri: sed singulariter tibi præcipis fieri cibos: & nō solum singulariter, sed te uis primitus satiari: nulla te miserorum cōuenit cura, nec te ipsa naturæ religio interpellat, paruulis & lactentibus extremum de ipsis dentibus auferre uis cibum. Sed illa horū nihil aut egit aut dixit, quinimmo intrepida currit, & imperata consummat. Erat in illo tempore spectaculum angelis hominibusq; gratissimum, quod inter gentes terra prophana, uidua mulier iam tunc esset filia Abraham, multo hospitalior ipso parente, multo humanior fidei genitore. Erat quidem Abraham hospitalis, & erga peregrinos magno detentus affectu: sed erat uere opulens, erat diues, aderat ei posse quod uellet: quia nec minor erat animus quàm facultas, nec census animum superabat. Hæc uero quæ non solum marito, sed & facultatibus uiduata, nō solum natalibus tenuis, sed & temporis malo constricta, ad tantam deuenerat paupertatem, ut in domo nihil, nisi quod augeret famem, possidere potuerit, scilicet paruulorū turbam, ipsa inedia grauiorē: sed in his omnibus malis, liberalis animus deuotus per-

stabat: pergit, & ut præceperat homo dei fideliter complet, suscipit prophetam & recipit. Quo ergo ore quibus uocibus hanc sceminam laudē nihil mihi dignum occurrit, quod tātæ uirtutis animum ualeat exæquare. Considero enim quemadmodum studio humanitatis omnem uim despexit naturalis affectus, non de se, non de paruulis: nihil eam à mentis proposito reuocauerit, nec proprii sexus infirmitas, nec materna erga paruulos uiscera pietatis: occidit in se naturæ officia hospitalitatis intuitu, & effectus est deuotus erga hospitem matris animus, filiorum crudele sepulchrum. Quantum enim spectat ad illam mortui sunt paruuli, & genitricis quodammodo manibus strangu-
lati atq; sepulti: quantum autem ad dei misericordiam, non mortui uere sunt, nec fame uel inedia consumpti, quia soli cæteris pereuntibus conualuerunt. Confestim siquidem & propheta fidem diuina mercede remunerans, ait, *Viuit dominus, quia hydria farinae tuæ non deficiet, & uas olei non imminuetur.* Facta est igitur manus uiduæ perenne torcular, & mola iugiter fundens. Et quid dico mulieris manū? In uerbo prophetæ, tota domus uiduæ piorum cellarium facta est, non ibi ros, non pluuia, non ueris aura, nō calidi soles, non nymbus necessarius, non aratrum, non agricola, non colonus, sed omnia & in omnibus sermo prophetæ affatim uiduæ ministrabat. Sciendū tamen quod in Septuaginta intepretib. hæc uidua non unum tantū filium, sed plures habuisse narratur. Mulier uero quæ fuisse scribitur in Sarepta, ecclesiæ typum gestabat, quæ à suo diutius conditore deserta populum rectæ fidei nesciuit: egena stipe nutriebat, id est uerbum fructus experte docebat, donec adueniret sermo propheticus, qui exsiccato uellere Israelis, utpote clausa ianua cœli fame periclitabatur in Iudæa: quæ ob hoc dicta est uidua, quia utpote gentilis necdum fuerat diuino cultui micipata, nec sacram legis habebat notitiam. Sarepta autem ciuitas, quæ interpretatur incendium siue tribulatio panis uel panis angustia, præsens accipiendus est mundus, in quo incendium pessimæ conflagrat cupiditatis, ubi rebus superuacuis acquirendis quasi aucupandi cura impendebatur, ubi dire satis incendium panisq; spiritalis antea fiebat angustia. Ergo ut de Helia scriptura pronuntiat, dominus noster ad nationum ecclesiam ueniens, & eam extra portam ciuitatis patrio uidelicet in errore reperiens, non eam signis & mirabilibus maximisq; portentis, ut Israeli fecerat, ad confessionem sui nominis prouocauit, sed uerbo eidem tantummodo imperauit, dicens, *Da mihi pauxillum aquæ in uase ut bibam, & buccellam panis in manu tua.* Aqua enim in uase fides accipienda est cordis, qua creditur ad iustitiam: buccella uero panis in manu, misericordiæ intelligendum est opus: fides quoq; & opera uinculo sibi quodam indissolubili connectuntur. Vbi enim una defuerit, altera penitus non stabit: quia ut Iacobus apostolus ait, *Fides sine operibus mortua est: & opera sine fide inania redduntur & friuola.* Ecclesia ergo in typo illius mulieris uiduæ, iuxta domini præceptum ad afferendū eidem aquam pergendo, quodammodo fidem sui cordis præparatam

paratam ostendit domino. Panem sibi confitetur necdum fuisse, condigna uidelicet opera diuinæ culturæ: sed modicum se testatur habere farinæ in hydria, & paululum olei in lecytho. Pugillum farinæ in hydria, naturalem indicat legem, quæ diuina largitione humanæ naturæ insita est, per quam discernitur bonum uel malum, & ut quod sibi quisquā fieri non uult, ipse non faciat. Paululum olei in lecytho, rationabilis accipiendus est intellectus, per quem creatura intelligit creatorem, & p̄ijs operibus eidem placere studet: quæ idcirco se dixit parum habere, quia necdum per baptismi sacramētum spiritualis gratiæ acceperat donū. Ibi tñ farina oleūq; ore p̄phetico benedicti, id est fructus & hilaritas charitatis, siue gratia corporis dominici, & chrismatis unctio, in defertiuo uerbi cœlestis munere fœcundatur: cuius hæctenus in uasis oleum gaudij spiritualis & benedictionis farina non deficit, cæteris quæ non credunt gentibus inopiæ panis diuini, miseriæ & uenatui deditis inutili. Quod autem ait, duo se ligna colligere, ex quibus modicum farinæ coqueret quod habebat, & cum filijs suis comedens, mortis iam exitium expectaret, ita accipiendum est. In duobus lignis, non solum ligni nomine, sed etiam numero lignorum crucis mysterium præsignabat, per quam sibi & filijs suis, id est populo, qui Christo fuerat crediturus, panem uitæ perpetuæ dari credebatur, præteritis peccatis per lauacrum baptismi mori, illo uidelicet genere quo dominus in euangelio prædicauit, Beati qui non uiderunt & crediderunt. Per panem uero subcinericiū, paruulum illud iam præfigurabat, quod in exordio fidei obseruare gentes per epistolam Apostoli decreuisse leguntur: ut ab idololatriæ se tantummodo cultu, & à fornicatione ac suffocatis abstinerent. Hæc enim quæ rudibus adhuc & feris hominibus, ab apostolis consilio sapienti indulta sunt, ad comparationem euāgelicæ prædicationis, ad quam postmodum introducti sunt, ualde exigua & parua fuisse noscuntur. Quod autem ait, mihi primitus facito, hoc uoluit ad omnes credentes ex gentibus, ut non suis meritis ascriberent, quod obdurato spretoq; Israele ipsi saluati sunt: sed sibi, qui ut crederent eisdem misericors extitit: quia, ut dictum est ad Cain, nō recte offert, qui non recte diuidit: hoc est, qui non deo, sed sibi omne bonum quod habet, ascribit. Siue aliter: Panis subcinericius, historia accipienda est legis, quæ spiritalem intelligentiam opertam continebat in litera. Per fermentatum uero panem, euangelij intelligenda est prædicatio: quia testamento ueteri, tanquam fermentum inserta sunt testimonia. Quod autem pascentem se pauit Helias, ita intelligendum est: uniuersi enim fideles licet sua fide & p̄ijs operibus deum pascant: tamen ut hoc habeant, ab illo eisdem condonatur: omne enim datum optimum, ut scriptum est, & omne donum perfectum, desursum est, à luminum patre descendens. Diuina enim, metuentibus deum, nequaquam penitus minuentur. Rursum aliter: per panem subcinericiū, quem sibi uerus Helias dominus noster, nationum ecclesiam præcipit exhibere: quid aliud accipiendum est, nisi poenitentium satisfactio, id ipsum psalmographo sub

De uita filio
uiduæ reddi-
ta V

persona pœnitentis canente cum dicit, quia cinerem sicut panem manduca-
bam, & potum meum cum fletu temperabam. His enim satisfactionibus do-
minus se pasci hortatur. Factum est autem post uerba hæc: ægrotauit filius
mulieris matris familiæ, & erat languor fortissimus, ita ut non remaneret in
eo halitus. Quæ dixit ad Heliam: Quid mihi & tibi uir dei? Ingressus es ad
me, ut rememorarentur iniquitates meæ, & interficeres filium meum. Cui ait
Helias: Da mihi filiū tuum. Quem tollens de sinu eius portauit in coenaculo
quo manebat, & posuit eum super lectum suum, expanditq; se & mensus est
super puerum tribus uicibus, & conuersa est anima pueri ad eum & reuixit,
depositumq; de coenaculo tradidit matri suæ & ait: Ecce filius tuus uiuit.
Quæ respondit: In isto cognoui quoniam uir dei es tu, & uerbum domini in
ore tuo uerum est.) Quod enim dicit filium mulieris nimio languore detenu-
tum & ad mortem usque fuisse perductum, hanc intelligentiam habere di-
gnoscitur. Post præceptum enim quis & diuinam cognitionem seu euange-
licam prædicationem percepto bonorum operum gustu, pro cōmissis facino-
ribus & præteritis erroribus, ut grauissima langueat afflictione necesse est:
quia ut scriptum est, qui addit scientiam, addit etiam pœnitentię salubrem do-
lorem, castigationeq; assidua uim facit perditioni suæ, ut euadere ualeat per-
petuam mortem, & uitam consequatur beatitudinis sempiternæ: hoc ipsum
Paulo apostolo confirmante cum dicit se non esse dignū uocari apostolum,
eo quod persecutus fuerit ecclesiam dei & expugnauerit illā. In descensu enim
fontis, originali peccato ac pristinis uicijs per baptismum qui Christo credi-
derit moritur. Vnde sublatus ad sacri altaris coenaculum per unctionē chris-
matis & inuocationem patris ac filij & spiritus sancti, cōmunionemq; corpo-
ris & sanguinis domini uiuificari manifestum est: & tunc ab omni ecclesia cui-
us mater pueri figuram gerebat, illa procedit confessio, quia dominus Iesus
uerus dei filius est, & in gremio patris uel dextera sit constitutus, rursumq; de-
positus de altari, cœtui fidelium tanquam matri redditur uiuus. Siue aliter.
Postquam enim fidelis quis pristinis uitijs per pœnitentię satisfactionē sua
mortificauerit membra, sublatus à terrenis cupiditatibus & carnalibus desi-
derijs per meditationem legis ac prophetarum, euangelicaq; prædicatione
uiuificari meruerit, templumq; fuerit diuinum effectus: illuc intentionem ani-
mi contendit dirigere ubi Christus est ad patris dexteram sedens, & in carne
adhuc habitans, conuersationem iam nititur habere in cœlis. Sed quantum
libet homo quis ad deum mentem contendat erigere, & per excessum quen-
dam theoriæ gaudeat in supernis Christo domino adhærere: corporis tamē
compellente natura cui anima iuncta, ut de supernis ad inferiora rursum re-
trahatur, necesse est. Quod autem dicit Heliam se super puerum expandisse,
tribusq; uicibus mensum fuisse, hoc ipsum explese dominum manifestum
est, cum per legem & prophetarum uaticinia, seu propria prædicatione salu-
tem protulit gentium populo. Superiora iam figuraliter exposita uerba He-
liæ de

lia de uidua, multo aliter apud antiquas translationes reperiuntur, in quibus Helias domino supplicat, dicens, O domine testis huius uiduæ, cum qua ego inhabito apud ipsam, tu male fecisti ut occideres filium eius. Nihil in hoc dicto moueret animum si uera pronuntiatio seruaretur: uox est enim non credentis, quod tam male faceret deus cum ea uidua, quæ tam pie prophetam susceperat, eo præsertim tempore quo ibi erat cui protulerat illa totum uictum suum tam exiguum in tam magna & summa inopia. Ita ergo dictum est, ac si diceret: O domine testis huius uiduæ cum qua ego inhabito apud ipsam, tu ne male fecisti ut occideres filium eius: ut sub intelligatur quod utique dominus testis cordis illius mulieris uidebat quanta esset pietas, unde etiam Heliam ipse ad eam miserit, nec malefaciendi causa mortificauerat filium eius, sed exhibendi miraculi ad gloriam nominis sui, qua tantum prophetam & tunc uiuentibus & posteris commendaret: sicut dicit dominus non ad mortem mortuum fuisse Lazarum, sed ut glorificetur deus in filio suo. & hoc consequentia probant: ex ipsa enim fiducia quam habuit, credidit Helias non ad hoc illud contigisse, ut acerbò luctu hospita eius affligeretur: sed potius ad hoc factum, ut deus magnificentius ostenderet uiduæ qualem dei famulum suscepisset. Sequitur scriptura & dicit, Et insufflauit puero ter, & inuocauit dominum & dixit, Domine deus meus reuertatur nunc anima pueri huius in eum. Et factum est sic.) Hæc ergo deprecatio qua petijt Helias tam breuiter & tam fideliter ut resurgat puer, satis indicat quo affectu dicta sint superiora: & ipsa mulier ostendit ad hoc mortificatum fuisse filium suum ad quod Helias factum fuisse præsumperat, cum illa uerba non confirmando sed renuendo renunciauerat. Cum enim uiuum recepisset filium suum, ait: Ecce cognoui quoniam homo dei es tu, & uerbum dei in ore tuo certissimum. Multa sunt autem in scripturis quæ nisi illo modo pronuntientur in contrariam sententiam recidunt, sicuti est: quis accusabit aduersus electos dei. Deus qui iustificat, si quasi confirmans respondeas, uides quanta peruersitas oriatur. Sic ergo pronuntiandum est ac si diceret: Deus ne qui iustificat: ut subaudiatur, non utique, ac per hoc apertam puto esse illam sententiam Helias, quam non seruata pronuntiatio faciebat obscuram. Factum est, inquit, uerbum domini ad Heliam: Vade & ostende te Achab, ut dem pluuiam super faciem terræ. Qui perrexit & occurrit ei in itinere Abdias dispensator regis Achab, & ait, Vade nuncia Achab, adest Helias. Qui abiit, & nunciauit ei. Venitque in occursum eius, & ait ad Heliam. Tu ne es qui conturbas Israel: ad quem Helias: Non turbaui, inquit, Israel, sed tu & domus patris tui qui dereliquisti mandatum domini & secuti estis Baalim. Veruntamen mitte nunc & congrega ad me uniuersum Israel in montem Carmeli, & prophetas Baal quadringentos quinquaginta, prophetasque lucorum qui comedunt de mensa Iezabel. Misit itaque Achab ad omnes filios Israel, & congregauit eos in montem Carmeli. Accedens autem Helias, ad omnem populum ait: Usque quo clau-

De igne à deo
misso VI

dicatis in duas partes. Si dominus est deus, sequimini eum: si autem Baal, sequimini illum. Et non respondit ei populus uerbum. Ad quos rursum ait Helias, Ego remansi propheta domini solus: prophetae autem Baalim quardringenti quinquaginta uiri sunt. Dentur ergo nobis duo boues, & illi eligant bouem unum, & in frustra cædentes ponant supra ligna, ignem quoque non supponant: ego quoque faciam bouem alterum & imponam supra ligna, ignemque non supponam, Inuocent illi nomina deorum suorum, & ego inuocabo nomen domini, & qui exaudierit per ignem ipse sit deus. Responditque omnis populus & ait, Optima propositio. Dixitque Helias prophetis Baal, Eligite bouem unum, & facite uos primum quia plures estis. Et fecerunt ita, inuocabantque Baal de mane usque ad meridiem, & non erat uox, nec qui responderit, incidebantque se ritu suo cultris & lanceolis donec perfunderentur sanguine. Cumque transisset meridies & tempus adesset iam quo sacrificium offerri deberet, dixit Helias ad populum: Accedite ad me. Et accedente ad se populo, curauit altare domini, quod destructum fuerat, & tulit duodecim lapides iuxta numerum tribuum filiorum Iacob, & ædificauit altare domino in nomine domini: fecitque aquæ ductum quasi per duas aratiunculas in circuitu altaris, & imposuit ligna, diuisitque bouem & posuit supra ligna & ait, Implete quatuor hydrias aquæ, & effundite supra holocaustum & ligna. Quod cum fecissent, idipsum etiam secundo & tertio fieri iussit, repletaque est fossa aquæductus aqua.) Vide quid etiam Helias hoc faciat, & diligenter aduerte. Habebat beatus Helias & pro gratia prophetice dignitatis & pro diuini cultus studio scientiam omnium quæ in templis dæmonum agebantur. Nouerat inter cætera inepta potius quam commenta callidam etiam huiusmodi compositam fraudem, qua facilius irretirentur animæ miserorum, ut aræ eorum non simpliciter ante delubri pedes statuuntur, sed pendens crepido supra qua structæ sunt, rogos subterranea fornice baiuletur: ad quas ex aduersa parte concaui parietis, occulto aditu descendatur, ac per patulas cauernas præparatos ignes doli minister sacrificij tempore clandestinis officijs subministret: quo attonitus miserorum animus, dum nullas desuper uidet adhibitas flammæ, hostiamque cernit ex improuiso comburi, per inuisibilem potestatem ignes cælo credat esse delatos. Ne ergo hoc incredulæ mentes, de diuinis suspicarentur altaribus, uallum quod fieri præceperat aqua iussit impleri: ut si qua esset sub altario prodere fovea, uel descendens deorsum aqua latentes utique ignes extingueret. Nec sufficit semel rigasse locum, tertio id agitur: sed nec hoc est contentus propheta: Ipsa altaris ligna præcepit inundari, ut omnis fraudis suspicione submota, diuinæ potestatis esse uirtutem, nec rex nec populi nec ipsi dubitarent sacerdotes. Cumque iam tempus esset, ut holocaustum offerretur, accessit Helias ad altare & exclamauit dicens: Domine deus exaudi me hodie in igne, sicut exaudisti me in aqua, ut cognoscat populus hic quoniam

tu es

tu es dominus deus Israel, & ego seruus tuus, & propter te feci opera hæc: Exaudi me domine exaudi in igne, ut cognoscat populus hic quia tu es domine deus, & conuertisti cor populi huius retrorsum. Ecce, inquit, clamante eo, cecidit ignis de cælo & deuorauit holocaustum ac ligna & lapides, puluerem quoque & aquam quæ erat in fossa aquæductus lambens. Quod cum uidisset omnis populus, cecidit in faciem suam & ait, Dominus, ipse est deus. Dixitque Helias ad eos: Apprehendite prophetas Baal, & ne unus quidem effugiat de illis. Quos apprehendentes, continuo duxit eos Helias ad torrentem Cyson, & ibi eos trucidari præcepit.) Clementissimus enim deus qui non obliuiscitur misereri, nec in ira continet miserationes suas, rursus ad Israelem filium suum dignatus est mittere, ut eisdem pluuiam euangelicæ prædicationis tribueret. Tres anni famis, scientiam sanctæ trinitatis populo Iudæorum uel in toto mundo defuisse præsignabant. Achab uero qui interpretatur frater patris, à quo etiam dei prophetas interfectos scriptura pronunciat, principum sacerdotum typum gerebat. Quod autem dicit Achab ad Heliam, Tu ne es ille qui conturbas Israel: hoc ipsum & de domino principes sacerdotum dixisse Pilato leguntur. Inuenimus hunc subuertentem siue conturbantem gentem nostram. Hii enim, ut dominus legitur eis exprobrasse, filii fuere patris sui diaboli, cuius opera facere studuerunt, ut uitæ suæ autorem crucifigendum impie proclamarent. Vos enim, ait dominus, de diabolo patre estis, & opera patris uestri facere uultis. Ille enim homicida est & ab initio mendax, & in ueritate nunquam stetit. Abdias autem cuius nomen interpretatur seruus domini, qui etiam eo tempore quo Achab prophetas domini præceperat trucidari, centum prophetas in speculicis celauerat, uictum eisdem cotidie administrans, illos quodammodo præsignabat qui ex principibus Iudæorum occulte discipuli domini erant, hoc est Nicodemus, & cæteri quos euangelista pronunciat. Prophetæ Baal & prophetæ lucorum, scribarum & phariseorum typum gerebant, qui sacræ legis negligentes præcepta, populum proprijs traditionibus peruerterant, quibus uerum futurum dominus legitur prædixisse. Carmelus uero mons, qui interpretatur scientia circumcisionis, Christi figurabat ecclesiam, in qua non præputij circumcisio, sed qualiter circumcisio accipienda sit, scire præcipimur. Per circumcisionem enim præputij carnis libidinem atque luxuriam sciendum est abscindendam: per cordis uero circumcisionem immundæ cogitationes intelligendæ sunt amputandæ. Bouem uero quem Helias mactauit in holocaustum atque in frustra concidit, uetus intelligendum est testamentum, ex quo ad cõfutandas Iudaicas superstitiones, ea quæ de illo scripta fuerunt in multis locis excussisse euangelica prædicatione manifestatur, cum dixisse scribitur: Non legistis quod dictum est, lapidem quæ reprobauerunt ædificantes, hic factus est in caput anguli. Et intellexerunt, inquit, scribæ & pharisæi quod de illis diceret, & cætera quæ in euangelio reperiuntur. Bouem uero alterum à falsis prophetis electum

tis electum, populum significat reprobum per phariseos atque scribas seu hæreticos non deo sed diabolo autori eorum ab ipsis oblatum, transacti meridiei tempus, uergentis mundi significabat cursum, in cuius uesperum dominus Iesus Christus in uerum sacrificium quod ipse est seipsum patri ad deponenda humani generis delicta obtulit. Altare quod ab Helia curatum est & ex duodecim lapidibus restauratum, sanctæ trinitatis accipienda est confessio, quæ in Iudæis olim uel in hereticis destructa fuerat, à domino per apostolos in ecclesia reformata est. Ligna uero quæ super altare composita fuerant, crucis patibulum præsignabant, in qua dominicum affixum est corpus, quod uerum & acceptabile deo patri fuit holocaustum. Quatuor hydriæ repletæ aqua, totidem numero signabant euangelia. In quibus baptismi sacramentum, quod in nomine sanctæ trinitatis datur, habetur præceptum. Ignis quoque qui lapides altaris & quæ super eum fuerat, nec non & aquam uorauit, sanctum spiritum præsignabat, qui non solum apostolos sed cunctos credentes per lauacrum regenerationis in dei sacrificium absumit & sanctificat. Falsi uero prophetae qui ab Helia interfecti leguntur, aduersariæ accipiendæ sunt potestates, de quibus dominum in cruce pronunciat apostolus triumphasse: siue illi accipiendi sunt, qui aduersus dominum impie proclamasse leguntur, Sanguis eius super nos & super filios nostros, quod utique temporibus Vespasiani & Titi expletum, qui legit Iosephum historiographum, non ambigit ambiguum. Deinde sequitur historia & dicit: Ascendit Helias in uertice Carmeli & pronus in terram posuit faciem suam inter genua, & exorabat dominum, dixitque ad puerum suum, Ascende & circumspice contra mare, septem uicibus. Quod quum fecisset septima uice, apparuit nubecula parua quasi hominis uestigium ascendens de mare, & subito contenebrati sunt coeli & facta est pluuia grandis.) Quod enim Helias exorat ut pluuia tribuatur à deo, hoc quoque dominum fecisse pro suis discipulis, & qui per uerbum illorum credituri erant, euangelista pronunciat. Ministrum Heliae cui iussu est contemplari contra mare, omnium prophetarum qui ante aduentum Saluatoris fuerunt typum gestasse non dubium est: quibus in gratia spiritus sancti per omne tempus quod ante aduentum Saluatoris præcessit, incarnationem illius præstolare datum est. Nubecula parua quæ uelut uestigium hominis ascendisse de mari describitur: dominus ac redemptor noster accipiendus est. Sicut enim uestigium extremum corporis membrum est, ita quoque dominus Iesus humilis & paruus ac puer in mundo existere uoluit, qui nos à peccato mundaret. Coeli contenebrati sunt, quia sancti prædicatores diuini uerbi, occultis sacramentis sunt repleti. Pluuia facta est magna, quia euangelicus hymnus per Apostolorum prædicationem totius mundi rigauit fines. Currus Achab quæ Helias accinctus lumbis præibat, diaboli accipienda potestas est, cui à domino dicitur, Vade retro satanas, non tentabis dominum deum. In tantum enim diaboli potestas in aduentu domini inanis existit & infirma,

ut nec

ut nec in porcos intrandi haberet licentiam, nisi ei fuisset permissum. Nun-
ciata sunt, inquit, Iezabel cuncta quæ gesserat Helias: & quemadmodum
prophetas occidisset Baal, quæ statim nunciū misit ad eum dicens: Hæc mihi
faciant dñi & hæc addant, nisi hac hora cras ponam animam tuam sicut ani-
mam unius ex illis. Quod audiens Helias timuit ualde, & abiit quocunque
eum ferebat uoluntas, uenitq; in Bersabeæ Iudæ, & illic reliquit puerū suum:
ipse autem perrexit in desertum uiam unius diei. Cumque uenisset illuc & se-
disset subter unam iuniperum ait, Sufficit mihi domine, tolle animā meam.)
Sancti uiri qui subleuante spiritu ad summa rapiuntur, quamdiu in hac uita
sunt, ne aliqua elatione superbiant quibusdam tentationibus reprimuntur,
ut nequaquam tantum proficere ualeant quantum uolunt, sed ne extollantur
superbia, sit in eis quædam mensura uirtutum. Hinc est quod Helias dum tot
uirtutibus in alta profecisset, quadā mensura suspensus est, dum Iezabel post-
modum quamuis reginā tamen mulierculam fugit. Perpendo quippe hunc
miræ uirtutis uirum ignem de cælo trahere, & duos quinquagenarios ui-
ros cum suis omnibus petitione subita concremare, uerbo cælos claudere, uer-
bo ad pluuias aperire, fuscitantem mortuos, uentura quæq; præuidentem, &
ecce rursus animo occurrit quo pauore ante unam mulierculam fugit. Consi-
dera uirum timore percussus de manu domini mortem petere nec accipere,
de manu mulieris mortem fugiendo uitare. Quærebat enim mortem dum fu-
geret dicens, sufficit mihi tolle animam meam, neq; enim melior sum quam
patres mei. Vnde ergo sic potens, ut tot illas uirtutes faciat: unde sic infirmus,
ut ita sceminam pertimescat: nisi quia dispensatoris superni nutu mensura oc-
culi libraminis appenduntur, ut ipsi sancti homines dei & multum ualeant
per potentiam dei: & rursus quadam mensura moderati sint per infirmita-
tem suam. In illis uirtutibus Helias quid de deo acceperat, in istis infirmitati-
bus quid de se esse poterat, agnoscebat. Illa potētia uirtus fuit, ista infirmitas
custos uirtutis. In illis uirtutibus ostendebat quid acceperat, infirmitatibus
hoc quod acceperat custodiebat. In miraculis monstrabatur Helias, in infir-
mitatibus seruabatur. Post hæc sequit̃. Proiecitq; se, & dormiuit in umbra
iuniperi. Et ecce angelus domini tetigit eum, dixitq; illi, Surge & comede. Re-
spexitq; & uidit ad caput suū subcinericiū panem, & uas aquæ. Comeditq;
& bibit & rursus obdormiuit, tetigitq; eum secundo angelus & dixit, Surge
& comede, grandis enim tibi restat uia. Consurgensq; comedit & bibit, & am-
bulauit in fortitudine cibi illius XL diebus & XL noctib. usq; ad montem dei
Oreb. Quid igitur Iezabel: Hæc faciant mihi dñi, & hæc addant, nisi posuero
animam tuam. Et audiuit Helias, & fugit uiam dierum XL. O' uiolētiā uer-
bi, o' formidinis eminētiā. Audito mulieris uerbo fugit Helias: & fugit non
una, non duabus, non tribus diebus: sed ingressus est in eo sermo mulieris,
& quid ageret nesciebat, tanti itineris spacio metu exagitante iactatus, uelut
cum secundo flatibus cursu impulsæ nauis arborem uiolentus ex aduer-
so turbo

so turbo corripuit impetumq; reflexit: ita prophetæ animum uirtutum uelis nauigantem mulieris perculit sermo, totamq; eius nauem per omnes formidinum fluctus turbato rectore iactauit. Quid ergo tu Helia? Tu enim es, qui uerbo clauferas cœlum & fraudaueras imbres, qui mandaueras aeri & diuinos ignes eduxeras, qui falsos salubriter interfici iusseras sacerdotes, qui constanter in faciem exprobraueras regi, quod ipse & domus sua populum euerteret Israel: qui dixeras, Viuit dominus, si erit pluuia aut ros, nisi in uerbo oris mei: qui domum uiduæ spicarum aream & torcular feceras olei: qui omnibus imperaueras elementis, sermonem nunc audiens meretricis expauisti, & una muliercula profugum fecit timorisq; captiuum. O stupendam rem, uide duos istos, Petrum & Heliam, magnificos uiros & cæteris clariores, uelut duas ciuitatum arces in sublime porrectas, à mulieribus fatigari: Petrus timet puellam, Iezabel deterret Heliam. Et quia eiusdem culpæ uitio uterq; subiucuit, amborum naturalis infirmitas unum sortita est proditorem. Fugit ergo Helias uiam quadraginta dierum. Vbi est zeli tui ardor incontinens, ubi constantiæ flamma, ubi autoritas libertatis cum dicebas, Viuit dominus si erit pluuia super terram: uel quum regem cominus arguebas, & quum uirtrices flammæ coelitus deponebas, talia tantaq; mirabilia faciens, unum adulteræ non tulisti sermonem? Sed considera quid in his ostendatur, quod scilicet homini quâdiu domini gratia cooperat omnia secunda sunt, omnia fidæ: elementa seruiunt, & principes prosternuntur, reges adorant, populi uenerantur: si uero se semel perfectionis uel correptionis causa, supernum ab homine suspendat auxilium, confestim fragilitas naturæ monstratur: mox insurgunt quæ uidebantur esse subiecta, quæ prius ut dominum metuebant incipiunt esse terrore. Iezabel quæ interpretatur fluxus uanus, synagogæ gestauit typum, quæ uanis superstitionibus seruiens, in euangelica prædicatione credere noluit, & autorem uitæ persequens, sicut & Iezabel Heliæ, extinguere magis quàm credere maluit. Puer Heliæ qui in Bethsabee, quæ interpretatur puteus iuramenti, dimissus est, sacerdotale accipiendum est ministerium, quod templo domini in Hierusalem cultui diuino exhibeatur. Desertum uero ad quod uia unius diei Helias legitur peruenisse, & sub arbore iuniperi quieuisse, uniuersus accipiendus est mundus, qui propter demonum culturam in maligno fuerat positus, ad quem dominus relictæ Iudæa per prædicatores suos transire dignatus est: & ibi quasi dormit, dum per fidem in corde fidelium requiescit. Arbor ueru iuniperi agrestis atq; incultâ ecclesiam præsignabat ex gentibus, quæ sacram scripturarum nequaquâ fuerat exculpta præceptis: ad quam Israeliticum regnum transiturū dñm prædixisse euāgelista pronūtiat: auferetur à uobis regnum, inquit Iudæis, & dabitur genti faciēti uoluntatē dei. Via uero unius diei, quâ Helias egisse legit, unitas intelligēda est trinitatis, q̃ euangelica prædicatione cūctis nationib. introduxit. Panis subcinericius & uas aquæ, qd aliud indicant, nisi gentiū pœnitentiā & lachrymarū effusionē, quib. dñs ualde reficit.

Post

Post hæc peruenit, inquit, Helias ad montem dei Oreb, & mansit in spelunca, & ecce sermo domini ad eum, dixitque illi. Quid hic agis Helias? At ille respondit, Zelo zelatus sum pro domino deo exercituum, quia dereliquerunt pactum domini filij Israel. Altaria tua destruxerunt, & prophetas tuos occiderunt gladio, & derelictus sum ego solus, & querunt animam meam, ut auferant eam. Fugiens ergo Helias uenit ad quendam locum & obdormiuit ibi, & uenit ad eum dominus, dominus scilicet ad seruum, & ait. Quid tu hic Helias? Velut notans eum timoris & fugæ. Quid tu, inquit, Helias? Putas ne fugisti, & furor te unius mulierculæ profugum fecit? Vbi est illa constantia ubi libertas? Disce de cætero non tibi ipsi confidere, nec propriæ cum res secundo cursu ferantur imputare uirtuti. Verum tamen Helias respondet & dicit, aliud quidem mente retinens, aliud ore depromens. Domine prophetas tuos occiderunt, altaria tua destruxerunt, & ego relictus sum solus, & querunt animam meam. Hoc est, hæc cogitatio quæ tantum prophetam de ipso deiecit fastigio meritorum, communem hominem demonstrauit. Denique mox eum corripit sermo diuinus. Non ita, inquit, est Helias, falleris, & humanæ cogitationis laqueis irretiris: non idcirco fugisti, nec te ideo quod solus esses regina perterruit. Nec enim tu es tantummodo qui non adoraueris Baal: sunt mihi fideles famuli, sunt multi amici, & septem milium uirorum electissima uirtus, quam nec error humanus inclinare, nec inanis gloriæ cogitatio potuit eleuare. Hi omnes non curauerunt genua ante Baal, sed instabili poplite ad instar cœlestis exercitus me semper adorant. Fugisti ergo non quod in te solo furor adulteræ defauiret, sed quod tibi hanc elationem genuerit magnitudo uirtutum, ut tam arrogantem ferres de genere humano sententiâ: erasque paulisper mea gratia deserendus: & nisi tibi tantæ elationis frena laxassem, lapsum incurreres grauiorem, & disceres bona facta non tuæ uirtuti ascribere, sed diuinæ. Non igitur alia ex causa fugisti, nisi quod secedere mea gratia mulier te minaci sermone deterruit. Consideremus ergo quanta uis fuerit in adulteræ sermone, gratia recedente, quanta formidinis magnitudo, quod quadraginta diebus oberrabat fugiens Helias per inuia & deserta, tantique ieiunii metu cōsternatus non sentit esuriē. Quid agis Helias? Vbi est, ut sæpe iam memini, illa omnibus stupenda fiducia, ubi os illud metuendum, ubi lingua terribilis alternis imperans elementis? Sed hoc tibi, ut dixi, constabat gratia ministrante. Vide ergo quemadmodum leuitate culpæ permittitur iacere tantus propheta, ut emendatus elationis uitio atque correptus, integro uestiatur moderationis & clementiæ indumento. Iam ergo eruditi sumus & docti in Petro, atque Helia, quemadmodum eos dominus nostri causa circumscribi delicto, quemadmodum illos fidei pietatisque signiferos, & generis humani columnas permiserit metu dominante quasiari: ut populorum esset exemplum, à deo sibi non peccandi gratiam minime condonatam, ne quum ipsi à culpis essent ac uitij alieni, peccatoribus diri existerent & crudeles: sed quum forte quis fuerit delicto præuentus, non

Statim

statim abiiciant, non condemnent iacentis affectum, sed impartiantur uiscera charitatis, porrigant manum, & erigant lapsum, spem ei diuinæ clementiæ promittentes, sicq; se exemplo illorum commendent magistrorum. Hæc autem idcirco diximus, non iustos culpando, sed peccatores ad spem erigendos protulimus: & primo quidē uirtutes eorum extulimus, nunc culpas intulimus, ut & iustis formam cautelæ, & peccatoribus salutis portum fidelissimū monstraremus. Merito quæritur quomodo licite sacrificauerit Helias extra tēplum dei, quando & ignem de cœlo impetrauit, & prophetas dæmoniorum conuicit. Quod mihi non uidetur alia ratione defendi, quàm illa qua defenditur & Abraham factum, quando filium deo iussus uoluit immolare. Cum enim iubet ille qui legem cōstituit aliquid fieri quod in lege prohibuit, iussio ipsa pro lege habetur, quoniam autor est legis. Nō enim deesse possent miracula alia, præter sacrificium, quibus superarentur & conuinceretur prophetae lucorum, sed spiritus dei qui fuerat in Helia, quicquid in hac re fecit, contra legem esse non potest, quia dator est legis. Alia adhuc insuper quæstio animum pulsatur, quare interpellauerit Helias deū, quod Israel derelicto deo prophetas occiderit, & eius destruxerit altaria, cum in lege olim iussum fuisset, nō eos posse amplius habere altare quàm unum, primum in tabernaculo, deinde in templo: nisi quod liquide datur intelligi, quod postquàm decem tribus à domo Dauid excisæ, & à templo & Hierusalem sunt separatae, illi qui in decē tribubus, quæ uocabatur Efraim, cultores diuini nominis erant: & ut putandum est, ad illa altaria recurrebant, quæ olim erexerant patriarchæ Abraham, Isaac, & Iacob, locis competentibus, ubi eis deus apparuerat: ad hæc altaria cultores diuini nominis, & si non ad sacrificandum, tamen ad adorandum deum patrum suorum recurrebant. Hæc uidentes Israelitæ sacrilegi, & idolorum cultores, destruebant, ut nec ibi locus esset, ubi ueri adoratores dominum precarentur: & hoc est, ut in superiori parte iam præmissum est, quod instaurauerit Helias altare domini, quod destructum fuerat. Dixitq; dominus ad Heliam, Egredere, & sta in monte coram domino. Et ecce dominus transijt, & spiritus grandis & fortis, subuertens montes, & conterens petras ante dominum.) Quod autem ait, ante dominum spiritum præcessisse grandem, & cetera: eius aduentum significat ad corda credentium, quibusdam occultis & ineffabilib. signis esse profuturum. Nam quod ait, Subuertens montes, & conterens petras ante dominum: hoc est quod Apostolus ait, Arma militiæ nostræ non carnalia, sed spiritualia, ad destructionem munitiōnū, & omnem altitudinem extolentem se aduersus scientiam dei. Non in spiritu dominus, & post spiritū commotio: non in commotione dominus, & post commotionē ignis: non in igne dominus, & post ignem sibilus auræ tenuis.) Spiritus ante dominum euertit montes, & conterit petras: quia pauor qui ex aduentu eius ingruit, & altitudinem cordis nostri deiicit, & duriciam liquefacit. Sed spiritui commotionis & ignis, deum non inesse dicit: in sibilo uero tenuis auræ non negat: quia nimirum

rum mens cū in contemplationis sublimitate suspenditur, quicquid perfecte
 perspicere ualet deus nō est. Cū uero subtiliter aliquid cōspicit, hoc quod de
 incōprehensibili substātia eternitatis audit, quasi sibilū auræ tenuis percipit:
 sed sibilū auræ tenuis percipimus, cū saporē incircūscriptæ ueritatis cōtempla-
 tione subita subtiliter degustamus. Tunc ergo uerū est quod deū cognosci-
 mus, cū plene nos aliqd de illo cognoscere nō posse sentimus. Vnde bene il-
 lic subditur. Quod cū audisset Helias, operuit uultū suū pallio, & egressus
 stetit in ostio speluncæ. Quid est quod propheta cum uocē domini loquen-
 tis secum audit, in speluncæ suæ ostio stat & faciem uelat: nisi quia dum con-
 templationis gratia uox supernæ intelligentiæ fit in mente, totus homo
 iam intra speluncam non est, quia animum carnis cura non possidet: sed
 stat in ostio, quia mortalitatis angustias exire meditatur. Sed iam quia in
 ostio speluncæ consistit, & uerba dei in aure cordis percipit, necesse est ut fa-
 ciem uelet: quia dum per supernam gratiā ad altiora intelligentiæ ducimur,
 quanto sublimius leuamur, tātō semper per humilitatem nosmetipsos intel-
 lectu nostro premere debemus, ne conemur plus sapere, sed sapere ad sobri-
 etatem: ne dum nimis inuisibilia discutimus, aberremus, ne in illa natura in-
 corporea corporei luminis aliquid quæramus. aurem enim intendere, & faci-
 em operire, est uocem interioris substantiæ audire per mentem, & tamen ab
 omni specie corporea oculos cordis auertere, ne quid sibi in illa corporale a-
 nimus fingat, quæ ubiq; tota, & ubiq; incircumscripta est. Et dominus dixit
 ad Heliam. Vade reuertere in uiam tuam per desertum in Damascum. De reditu He-
 Cumq; perueneris, Azahel regem super Syriam, & Iehu filium Namsi un-
 ges regem super Israel: & Heliseū filiū Saphat, qui est de Abelmaula, unges
 prophetam pro te. & erit quicumq; fugerit gladium Azahel, occidet eum
 Iehu: & qui fugerit gladiū Iehu, interficiet eum Heliseus. Abelmaula urbs
 est una de præcipuis urbibus Salomonis: est autem nunc uicus, ut in locorū
 libro legimus, in Aulone x ab Scythopoli miliari distans cōtra australem
 plagam, & nunc dicitur Bethulia. Damascus enim qui interpretatur sangui-
 nem bibens siue propinans, totius mundi typum gerebat, in quo habitato-
 res illius immolando dæmonibus filios suos, sanguinem bibere ac propina-
 re non est ambiguum: sanguis enim pro peccato ac morte ponitur in scriptu-
 ris, quam nō solum sibi infelices uidebantur inferre, sed & suis imitatoribus
 propinabant. Azahel uero qui interpretatur factura dei, uniuersarum genti-
 um continebat figuram, cui ualde congruit interpretatio, dei factura. Opus
 enim dei fuit, ut obdurato Israele, & signis atq; uirtutibus domini penitus
 nequaquam credente, nationum populi cum omni mentis alacritate crede-
 rent in crucifixum. Siue aliter factura dei, id est, imago dei per fidem Chri-
 sti gentibus restituta, nulli poterit esse dubium. Nam ut in Iacob & Esau fi-
 gura præcesserat, maioris quōdam filij primatus ac benedictio ad iuniorem
 fratrem translata: ita etiam in istis, Azahel uidelicet & Iehu, diuina dispen-
 satione

satione intelligimus geri, ut gentium populus qui fuerat iunior per Azahel
 lem præponatur in persona Iehu primogenito, ut scriptum est, Israeli: & iuxta
 scripturæ testimonium, populus qui erat in capite, propter præuaria-
 cationes assiduas, & piaculum quod intulit domino, factus in cauda est:
 translatoque ab eodem regno, ut dominus fuerat protestatus, datum est
 gentium populo dei uoluntatem uidelicet exequenti. Sed quia diuinæ
 pietatis est omnes homines saluos fieri, sicuti Esau, licet iuniori fratri subie-
 ctum nequaquam benedictione priuauit, ita quoque & hic Helix à deo præ-
 dicitur, relinquam mihi septem milia uirorum, quorum genua non sunt cur-
 uata ante Baal. Relinquam enim ad futurum tempus pertinere intelligi uo-
 luit, quod in domini aduentu constat fuisse expletum, de illis pro certo ex-
 itisse intelligendum, qui ex omni Israele per Apostolos Christi fidem sus-
 ceperunt, & septiformi gratia spiritus sancti uncti sunt. Iehu uero cuius uo-
 cabulum interpretatur ipse uel est, filius uidelicet Namsi, qui interpretatur
 attrectans uel palpans, Apostolorum spiritualiter præfigurabat personam.
 Illis quippe horum nominum ualde congruit interpretatio. Beati enim apo-
 stoli semper pro certo sunt, qui pro trinitatis confessione & ueridica præ-
 dicatione deo & uniuerso orbi perpetuo uiuunt. Ioannes quoque in epistola
 sua, cum de uerbo uitæ, hoc est dei filio, qui carnem assumpsit scriberet, ita
 effatus est, Quem nostris oculis uidimus, & auribus nostris audiuius, &
 manus nostræ tractauerunt. Quod autem dicitur Helix, Heliseu filium Sa-
 phat de Abelmaula unges prophetam pro te, ita intelligendum est, Heliseus
 enim interpretatur dei mei salus, Saphat autem iudicans, Abelmaula uero lu-
 ctus parturiens. Dei enim filius qui est uera fidelium salus, cui omne iudicium
 tradidit pater, in quo iudicio impijs & incredulis erit luctus parturiens, gehem-
 næ uidelicet cruciatus, quia in substantiæ suæ splendore atque uirtute non po-
 terat ab hominibus contemplari ex deitate, ut Apostolus ait, se exinaniens
 maiestate, in Helisei præfiguratione serui dignatus est suscipere formam, qui
 uerus homo ex uirginis utero procreatus, sanctoque spiritu est unctus. Quod
 autem ait historia, qui effugerit gladium Asahel, occidet eum Iehu, & qui
 effugerit gladium Iehu, interficiet eum Heliseus, hoc modo intelligi potest. Gla-
 dius enim Asahel Syri, illorum doctrina accipienda est, qui ex gentibus domi-
 nicæ incarnationis & passionis ac resurrectionis uates inspirati diuinitus ex-
 titerunt, ad confutandos uidelicet Iudæorum doctores, qui hoc mysterium popu-
 lis occultabant. Gladius uero Iehu qui super Israel unctus est, prædicatio in-
 telligenda est Ioannis domini præcursoris, qui saduceos & pharisæos ueni-
 entes ad baptismum suum increpans, dixisse scribitur: Genimina uiperarum,
 quis uobis ostendit fugere futuram iram? Gladius præterea Helisei, euāge-
 lica accipienda est prædicatio, de qua dixisse scribitur: Non ueni pacem mitte-
 re, sed gladium: quia fideles & iustos quodammodo diuidit & separat ab infide-
 libus & iniustis, & quia in cordibus credentium cupiditates interimat noxias, &

icia uniuersa atq; peccata. Interea ait dominus ad Heliā. Reliqui mihi septem milia uirorū, qui non curuauerūt genua ante Baal, & omne os quod nō adorauerit eum osculans manū: Certū est quod cordis sui oculum per elationis tenebras exstinguit, qui cū recte agit, considerare meliorū merita negligit. Ac contra magno humilitatis exemplo semetipsum illuminat, qui aliorum bona subtiliter pensat: quia dū ea quæ ipse fecerit, facta foris & ab alijs conspicit, eum qui de singularitate intus erumpere nititur, superbiæ tumore premit. Hinc est quod uoce domini ad Heliam solum se æstimantē dicitur. Reliqui mihi septem milia uirorum, qui non curuauerunt genua ante Baal: ut dum non solum se remansisse cognosceret, elationis gloria quæ ei de singularitate surgebat, inclinaret. Propheta namq; erat, & sæpe mysteria superna cognouerat. Quid ergo difficile fuit agnoscere, in hoc mūdo fideliter dei famulos, & alios remansisse? Sed hinc solerter intuendum est, oculum elatio quā nequiter claudat, quia qui humilis occulta dei nouerat, elatus & aperta nesciebat. Posthæc inquit reperit Helias Heliseum filiū Saphat arantē in XII iugis boum, & ipse in XII arantibus unus erat: Cumq; uenisset, misit pallium suum super eum, qui relictis statim bobus, cucurrit ad Heliam, & ait. Osculer oro te patrem meum & matrem meam, & sic sequar te: Cui dixit Helias: Reuertere, quod enim meum erat, feci tibi: Reuersus itaque Heliseus, tulit par boum & mactauit illos, & in aratro boum coxit carnes eorum, deditq; populo ad comedendum) XII iuga boum XXIII ueteris testamenti figuraliter accipiendi sunt libri: XII uero aratores, XII sunt intelligendi apostoli: sed in omnibus illis dominus existere dignatus est operator, qui dixit, sine me nihil potestis facere. Osculum patris, reconciliationis dinoscitur signum. In duobus enim bubus lex accipienda est & prophetia, quarum umbras & imagines dominus noster per incarnationis suæ ac passionis mysterium occidit in litera, & in crucis suæ coxit aratro, nec non ad comedendum fidelibus præbuit, ut iam non uiuant secundū literā, sed secundum spiritum.

Posthæc refert scriptura, quod Benadab rex Syriæ obsidens, & impugnatore incipiens Samariam, ait. Hæc faciant mihi dñi, & hæc addant, si suffecerit puluis Samariæ pugillis omnis populi qui sequitur me) Hūc habet sensum, Samaria iuxta morem ciuitatum, habebat terram interius prope muros penè ipsis muris equalem, ne uidelicet eos sine subsidijs terræ adiacētis erectos creber insistente manu hostili deiceret ictus arietis: extrinsecus autem murorum altitudo longe superficiem terræ transcenderat, maxime cum in montis uertice, ut scriptura refert, fuerit urbs eadē. Ait ergo rex supbus obsessam terrens ciuitatē, quod tantā haberet exercitus multitudinē, ut etiā si quisq; militum eius solummodo lapidem, uel cespitem, uel stipitem ad construendum contra urbem aggerem apportaret, tam sublimis ex eo posset agger exurgere, qui superfici ei ciuitatis ipsius quæ erat intra muros esse uideretur equalis, ita ut ex æquo pugnātes contra ciuitatem tela, uel faces mittere possent

De minis Benadab: X

sent. Cuius temeritatem arrogantia, modesto sermone compescens rex Israel ait. Dicit ei. Ne gloriatur accinctus, æque ut discinctus) Aliud est autē accinctus, aliud discinctus, aliud nō accinctus: Accinctus namq; est, qui cingulo circumdatus incedit: discinctus qui cingulum nuper deposuit, uerbi gratia, uel balneum intraturus, uel lectum ascensurus, uel alteram tunicam forte induiturus: non accinctus, qui nuper tunica indutus, necdum se addita zonæ circumpositione munivit: Sic ergo & in expeditione castrensi qui positus est, recte accinctus nominat, id est armis indutus, qui pugna cōfecta uictor domum rediit, iure discinctus uocatur, quia nimirū depositis armis optata pacis ocium gerit, qui uero necdum pugnare, neque se ad certamen parare iam cœperat, merito non accinctus esse dicitur. Ait ergo rex Israel regi Syriæ gloriāti, quasi iam cepisset Samariam, quam obsidere cœperat. Ne gloriatur accinctus eque ut discinctus: ac si aperte dicat, Noli gloriari quasi iam uictor bellici discriminis, qui adhuc in acie positus, quem uictoria sequatur ignoras. Et uerum profecto dicebat. Nam mox inito certamine Benadab non uictis aduersarijs triumphans, sed cæso suo exercitu fugiens, domum rediit. Benadab regem Syriæ typum habuisse diaboli, qui princeps est huius mundi, non dubium est, qui cum xxx & duobus regibus, hoc est, omnibus uitjs suis aduersus humanum genus pugnare non desistit. Achab uero qui interpretatur frater patris, hoc in loco personam gestauit Iudæorum, cum quibus diabolus prius conflictum habuit. Interea sequitur scriptura de uisione Micheæ propheta, ubi ait ad Achab. Vidi dominum sedentē super solum suum, & exercitum cœli à dextris & à sinistris eius, & dictum est: Quis decipiet Achab, & ascēdat & cadat in Ramoth Galaad. Et dixit unus uerba huiusmodi, & ali⁹ aliter, Et egressus unus dixit, Ego decipiā Achab. Et dictum est ei: In quo decipies? Qui respōdit dicens. Egrediar, & ero mendax spiritus in ore omnium prophetarum eius) Quid per solum domini nisi angelicas potestates accipimus, quarum alis præsidens inferius cuncta disponit: Et quid exercitus cœli, nisi ministrantium angelorum multitudo describitur? Quid est ergo quod exercitus cœli à dextris & à sinistris eius stare perhibetur? Deus enim qui ita est intra omnia, ut etiam sit extra omnia, & qui incircumscriptus est, ueritas illa, æterna beatitudo, quæ dextera eius dicitur, sinistram non habet, quia nihil est quod displiceat, quia simul omnia conuertitur, simul cuncta aspicit, ea autē in quibus & bonus spiritus uiuit & malus, exercitū cœli à dextris & à sinistris habere describitur: ut per dexteram intelligamus angelos electos, per sinistram uero spiritus reprobos. Non enim ministrant deo solummodo boni qui adiuuant, sed etiam mali qui probant: non solum qui à culpa redeunt subleuant, sed etiam qui redire nolentes grauant: Nec mouere debet quod exercitus cœli etiam repulsi angeli uocantur, quia & ipsi quamuis ab æthereo cœlo expulsi sint, adhuc tamen in aëreo cœlo demorantur, Aquas enim in aëre suspendi nouimus, aues cœli

nomina

De uisione Micheæ XI

nominamus. & de eisdem spiritualibus Paulus dicit, Contra spiritualia nequitiae in coelestibus. Quorum caput enuntians ait, Secundum principem potestatis aeris huius. Ad dexteram ergo & sinistram exercitus stat, quia uoluntas electorum spirituum diuinæ pietati concordat, & reproborum sensus suæ malitiæ seruiens, iudicio distractionis eius obtemperat. Vnde & mox spiritus in medio profiliisse describitur, per quem Achab rex exigentibus suis meritis deciperetur. Neque enim fas est credere bonum spiritum fallacia deseruire uoluisse, ut diceret, egrediar & ero mendax spiritus in ore omnium prophetarum eius: Sed quia Achab rex peccatis præcedentibus dignus erat, ut tali debuisset deceptione damnari, quatinus qui sæpe uolens ceciderat in culpa, quandoque nolens caperetur ad poenā: occulta iusticia, licentia malignis spiritibus datur, ut quos uolentes in peccati laqueo strangulāt, in peccati poenā etiam nolentes trahāt. Sed quomodo deus hæc agat ubique præsens, & ubique totus, ac semper præsens, & quomodo eius simplicem & incommutabilem æternamque ueritatem consulant sancti angeli, omnesque ab eodem creati sublimes & mundissimi spiritus, atque id quod in eo sempiternè iustum uident, pro congruentia rerum inferendarum temperaliter peragant: quomodo etiam lapsi spiritus qui in ueritate non steterunt, propter immundiciam & infirmitatem concupiscentiarum & poenarum suarum non ualentes præsentem intrinsecus contueri & consulere ueritatē, signa forinsecus per creaturam expectent, eisque moueantur, siue ad faciendum aliquid, siue ad non faciendum: quouero modo cogantur æterna lege qua uniuersitas regitur, uincti atque constricti, uel sinente deo operari, uel cedere iubenti: & completi arduum, & explicare longissimum est. Post mortem Achab regnare cepit Ochozias filius eius pro eo, de quo refert scriptura, quod cecidit per cancellos coenaculi sui, quod habebat in Samaria: & ægrotauit Ochozias rex Samariæ, qui se à domo Dauid separauit, & per cancellos decidit, hoc significare uidetur, quia hæretici siue schismatici, & si aliquam bonæ actionis arcem conscendere uidentur, quia tamen cōpagem ecclesiæ unitatis non habent, quasi patentibus & non solidis laterum præsidijs semper ad uiciorum infima relabuntur, dum diuino destituti auxilio suæ pertinaciæ fastu intereunt. Deinde refert eadē scriptura quod idem Ochozias miserit duos principes quinquagenarios ad Heliam, quem quia procaciter hominem dei uocauerunt, illo orante coelesti igne consumpti sunt: tertius autem missus saluatus est. Figuraliter autem quinquagenarius numerus confessio poenitentiae est, per quod declaratur remissio peccatorum. Iudæi enim nolentes Christum deum esse uerum, nec principem indulgentiæ largitorem, dicunt ei, Quinquaginta annos nōdum habes, & Abraham uidisti? Hī tales futuro diuini ignis incendio extinguuntur. Tertius autem quinquagenarius quia conuersus ad fidem trinitatis demonstrat poenitentiae sacramēta, idcirco ad indulgentiam meruit peruenire. Sciendū est quod scriptura sacra duobus modis maledictum

De morte Achab. XII

De militibus cōbustis. XIII

memorat, aliud uidelicet quod adprobat, aliud quod damnat. Aliter enim maledictum profertur iudicio iusticiæ, aliter liuore uindictæ. Maledictum quippe iudicio iusticiæ ipso primo homine peccante prolatum est, cum audiuit: Maledicta terra in opere tuo. Maledictum iusticiæ iudicio profertur, cum dicitur ad Abraham, Maledicam maledicetibus tibi. Rursum quia maledictum non iudicio iusticiæ, sed liuore uindictæ promittitur, uoce Pauli prædicantis admonemur, qui ait, Benedicite, & nolite maledicere, & rursum idem: neque maledici regnum dei possidebunt. Deus ergo maledicere dicitur, & tamen maledicere hominem prohibet, quia quod homo agit malicia uindictæ, deus non facit, nisi examine & uirtute iusticiæ. Nam & sancti uiri cum maledictionis sententiam proferunt, non ad hanc ex uoto ultionis, sed ex iustitiæ examine erumpunt. Intus enim subtile dei iudicium aspiciunt, & mala foris exurgentia, quia maledicto debeant ferire cognoscunt, & eo in maledicto non peccant, quod ab interno iudicio non discordant. Hinc est quod Petrus in offerentem sibi pecunias Simonem sententiam maledictionis intorsit, dicens: pecunia tua tecum sit in perditione. Qui enim non ait est, sed sit, non indicatio sed optatio modo se hæc dixisse signauit. Hinc Helias duobus quinquagenarijs ad se uenientibus dixit: Si homo dei sum, descendat ignis de cælo, & consumat uos. Quorum utique sententia quanta ueritatis ratione conualuit, terminus causæ monstrauit. Nam & Simon æterna perditione interijt, & duos quinquagenarios desuper flamma ueniens consumpsit. Virtus ergo subsequens testificatur, qua mente maledictionis sententia cum maledicentis innocentia permanet, cum eum qui maledicatur, usque ad interitum maledictio absorbet. Itaque ex utriusque sine partis colligitur, quia ab uno & intimo iudice in reo sententia sumpta iaculatur. Quod enim abstrahendus Helias atque eleuandus ad cælum, iusserit Heliseo ut resideret in Bethel, aut Iericho siue Iordane, & ille semper iurauerit per dominum, quod non relinqueret eum, hoc figurasse uidetur, quod apostolorum in se habuerit figuram, qui ab ipsa reuelatione fidei, hoc enim interpretatur galgala, Christo domino indiuidue adhærentes, usque in diem ascensionis eius in cælum, ab eius comitatu non recesserunt. Cumque transissent Iordanem, dixit Helias ad Heliseum. Postula quid uis ut faciam tibi, antequam tollar à te. Dixitque Heliseus. Obsecro ut fiat spiritus tuus duplex in me. Secundum historiam fidem duplex spiritus Heliae Heliseo collatus est, quia multo plures uirtutes Heliseus quam Helias operatus est: tropologice uero duplex spiritus Heliae Heliseo attributus est, quia post ascensionem domini per aduentum spiritus sancti duplex intelligentiæ donum, hoc est, noui ac ueteris testamenti apostolis est collatum. Cumque pergerent & incedentes sermocinarentur, ecce currus igneus & equi ignei diuiserunt utrumque, & ascendit Helias per turbinem in cælum. Heliseus autem uidebat & clamabat. Pater mi, pater mi, currus Israel & auriga eius. Et non uidit eum amplius. Currus Israel, hoc est mente

Deraptu He
lia. XIII

mente uidentium deum, non incongrue dominus Iesus Christus accipitur, qui electos suos patienter tolerando uelut in curru portat, atque per prædicationem & disciplinam suam sicut auriga agit. Moraliter autem quid est quod Helias currus & auriga dicitur, nisi quia auriga agit, & currus portat? Doctor ergo qui mores populi & per patientiam sustinet, & sacri eloquii uerbis docet, & auriga dicitur & currus: currus quia tolerando portat, auriga quia populos bonis admonitionibus exercet. Quid est autem quod Helias ad cælum raptus esse dicitur? Nunquid nam eum adhuc in hac carne corruptibili positum, ad illius summæ quietis requiem ante resurrectionem ascensionemque domini credimus esse perductum? Sed aliud est cælum æreum, & aliud æthereum. Cælum quippe æreum, terræ est proximum. Vnde & aues cæli dicimus, quia eas uolitare in ære uidemus. In cælum quippe æreum Helias subleuatus est, ut in secreta quadam terræ regione repente duceret, ubi in magna iam carnis ac spiritus quiete uiueret, quo usque ad finem mundi redeat & mortis debitum soluat. Subleuatus namque Helias, ascensionem domini designauit. Ille enim mortem distulit non euasit. Redemptor autem noster, quia non distulit superauit, eamque resurgendo consumpsit, & resurrectionis suæ gloriam ascendendo declarauit. Notandum quoque est quod Helias in curru legitur ascendisse, ut uidelicet aperte monstraretur, quia purus homo adiutorio egebat alieno. Per angelos namque illa facta & ostensa sunt adiumenta, quia nec ad cælum quidæ æreum per se ascendere poterat, quæ naturæ suæ infirmitas grauabat. Redemptor autem noster non curru, non angelis subleuatus legitur, quia is qui fecerat omnia, nimirum super omnia sua uirtute ferebatur. Illud etenim reuertebatur ubi erat, & inde redibat ubi remanebat, quia per humanitatem ascenderat in cælum, per diuinitatem suam & terram pariter continebat & cælum. Neque enim arbitrandum est Heliam uel sic esse sicut erunt sancti, quando peracto operis die, denarium pariter accepturi sunt: uel sic quemadmodum sunt homines qui ex ista uita nondum emigrauerunt, de qua ille tamē non morte, sed translatione migrauit. Iam itaque aliquid melius habet, quam in hac uita posset, quamuis nondum habeat quod ex hac uita recte gesta in fine habiturus est. Pro nobis enim meliora prouiderunt, ne sine nobis perfecti perficerentur. Aut si quisque putat hoc Heliam mereri non potuisse, si duxisset uxorem filiosque procreasset: creditur enim non habuisse, quia hoc scriptura non dixit, quis & de cœlibatu eius nihil dixerit: quid de Enoch respondēbit, qui filiis genitis deo placēs non mortuus, sed translatus est? Cur ergo & Adā & Eua si iuste uiuentes, caste filios procreassent, nonne eis posset translatione non morte succedentibus cedere? Nā si Enoch & Helias in Adam mortui, mortisque propaginem in carne gestantes, quod debitum ut soluant creduntur etiam redituri ad hanc uitam, & quod tam diu dilatum est morituri, nunc tamen in alia uita sunt, ubi ante resurrectionem carnis antequam animale corpus in spirituale mutetur, nec morbo nec

senectute deficiunt:quāto iustius ac probabilius primis hominibus illis prae-
staretur,sine ullo suo parentumue peccato uiuentibus,ut in meliorem aliquē
statum filijs genitis cederent,unde seculo finito cum omni prosperitate san-
ctorum in euangelicam formam,non per carnis mortem, sed per dei uirtu-
tem multo felicius mutarentur. Apprehenditq; uestimenta sua,& scidit il-
la in duas partes,& leuauit Heliseus pallium Heliae quod ceciderat ei) Hel-
seus enim domini ac redemptoris nostri figuram gestauit, uestimenta uero
illius ueteris testamenti accipiendae sunt scripturae, quae tunc scissae, hoc est, re-
uelatae hominibus sunt, quando per passionem & resurrectionem siue ascen-
sionem ipsius in caelo expletae sunt. Pallium uero Helie ab Heliseo collectū,
uirtus accipienda est uerbi, quam ad glorificandam carnem suam mundo re-
liquit. Habitante autem Heliseo in Iericho, uenerunt ad eum uiri ciuitatis,
& dixerunt ei: Ecce habitatio ciuitatis huius ualde optima est, ut ipse tu do-
mine perspicias, sed aquae pessimae sunt, & terra sterilis. At ille ait, Afferte mi-
hi uas nouum, & mittite in eo sal, Qui cum attulissent, egressus ad fontes
aquarum, misit in eum sal, & ait. Haec dicit dominus. Sanauit aquas has, &
non erit in eis ultra mors neq; sterilitas. Sanatae ergo sunt aquae usq; ad di-
em hanc, iuxta uerbum Helisei quod locutus est) Ciuitas Iericho mundi hu-
ius praesignabat figuram, cuius habitatio secundum conditoris creationem
non simpliciter tantum, sed ualde ab omnibus, ut cernitur, optima est. Aquae
uero illius pessimae, doctrina accipienda est philosophorum & poetarum,
uidelicet hominum mentes ad daemonum cultum & libidinem atq; luxuriā
prouocans. Terra uero sterilis, omne indicat hominum genus, qui relicto cre-
atore deo obscuratis sensibus deseruiebant omnibus creaturis. Quem enim
in hoc facto miraculo, nisi dominū Iesum Christū praefigurauit, qui postq;
uerbum caro factum est, atq; per ministrum in Iordane fluuio baptizari di-
gnatus est, aquas Iericho steriles, hoc est, huius mundi conuertit in lauacri
fecunditatem: ut quicquid ex eis regeneratum fuisset, uitalem acciperet spi-
ritum. In sale quippe sapiētia, in uase uero rudi, caro domini intelligit. As-
cendit, inquit, in Bethel. Cumq; ascenderet per uia, pueri parui egressi sunt
de ciuitate, illudebantq; ei dicētes. Ascende calue, ascende calue: Quibus ma-
ledicens in nomine domini, continuo egressi sunt duo ursi de saltu, & lacera-
uerunt ex eis XLII pueros, & abiit ex inde in montem Carmeli) Heliseus qui
interpretatur dei salus, personam saluatoris gestasse non dubium est: qui
saluator ascendens in Bethel, hoc est, ad domū dei coelestem, à Iudaeis quasi
à pueris insipientibus subsannatus est, clamantibus hisdem Iudaeis, ascen-
de calue, ascende calue, crucifige, crucifige in caluariae loco: ob cuius piaculi
facinus plebs Iudaeorum decursis XLII annis, post resurrectionem salua-
toris, & ascensionem in caelos, à principibus Romanorū Vespasiano uide-
licet & Tito quasi à duobus ursis cōsumpta est. Mons uero Carmelus eccle-
sia intelligenda est, ad quā spreto Israele suum dominus transtulit regnum.

Mulier

Ab Heliseo sa-
nata aquae.
XV

De pueris ab
eo maledictis
XVI

De filiis uidu-
æ à seruitute
uindicatis
XVII

Mulier quædam, inquit, de uxoribus prophetarum uenit ad Heliseū, & ait. Seruus tuus uir meus mortuus est, & tu nosti quia timens erat deum, & ecce nunc ueniens creditor, duos filios meos uult tollere in seruitutē sibi. Cui dixit Heliseus: Quid habes in domo tua? indica mihi: At illa, modicum, inquit olei quo ungar. Ad quam Heliseus, uade, ait, & pete tibi uasa nō pauca, & ingressa cubiculū, tolle de ipso oleo, & mitte in uasis, tu infunde & filij tui offerant uasa: Cumq; impleta fuerint, uende & redde creditori tuo, tu autē & filij tui uiuite de reliquo. Quæ abiit, & fecit sicut ei uir dei præceperat. Mulier hæc uidua antiquā sanctorū patrū qui sub lege fuerunt significauit ecclesiam, quæ in aduentu saluatoris à legali præcepto quasi à legitimo uiro destituta, cū duobus superstitis filiis, id est, gemino populo derelicta est. Creditor huius ecclesiæ diabolus intelligendus est, qui humanū genus ante aduentum saluatoris per originale delictum, & quotidiana peccata obnoxium tenebat. Quæ ecclesia parum olei in uasculo tenebat, quia gratiā euangelicæ prædicationis intra literam legis, & prophetiā ueteris testamenti non reuelatam apud se continebat. Postquam uero ad cognitionem ueri Helisei, hoc est, saluatoris nostri peruenire promeruit, eius cōsultu à uicinis suis plurima uasa uacua petijt: quia per apostolorum prædicationem multitudinem credentium, ex diuersis gentibus intra domū fidei ad se collegit. De oleo quoq; quod apud se habebat, in cætera uascula transfudit, quia gratiā spiritualem per ora prædicatorum in cunctis gentibus mutauit: de quo oleo, id est, diuina gratia filios suos redemit, quia per donum spiritus sancti atq; charitatis unctionem, à perpetua seruitute peccati semetipsam cum cunctis fidelibus liberauit. Factum est autē ut Heliseus transiret, & erat ibi mulier magna quæ tenuit eum, ut comederet panem. Cumq; frequenter inde transiret, diuertebat ad eam, ut comederet panem. Quæ dixit ad uirum suum, Animaduerto quod uir dei sanctus est iste, qui transit per nos frequenter. Faciamus ergo ei coenaculum paruum, & ponamus in eo lectum, & mensam, sellam & candelabrum, ut cum uenerit ad nos, maneat ibi, & cætera.) Mulier ista Sunamitis typum ecclesiæ retentabat, quæ priusquam uerum Heliseum, hoc est, saluatorem nostrum per fidem susciperet, sterilis fuit: postquam uero eundem dominum in hospitio cordis sui suscipere promeruit, populum fidelem quasi unicum filium genuit. In coenaculo altitudo fidei, in lectulo uero quies spiritualis atque contemplationis ocium præfiguratur. In mensa autem unitas fidei & concordia prædicationis innuitur: in sella uero docendi potestas: in candelabro illuminatio fidei, siue claritas uirtutum exprimitur. Posthæc refert scriptura de filio Sunamitis, quem puer Helisei missus cum baculo non resuscitat: per semetipsum uero ueniens, scq; super mortuum sternens, atque ad eius membra se colligens, huc illucq; deambulans, & in ore mortui septies aspirans hunc ad rediuiuam lucem protinus per mysterium compassionis animauit: quia uidelicet autor

De hospitibus
Helisei
XVIII

De puero rei
suscitato
XIX

humani

De Naaman
à lepra mun-
dato. XX

humani generis deus quasi mortuum puerum doluit, cum extinctos nos iniquitatis aculeo miseratus aspexit. Et quia per Moysen terrorem legis protulit, quasi per puerum uirgam misit: per legem quippe uirgam dominus tenuerat cum dicebat, Si quis hæc uel illa fecerit, morte moriatur. A peccati igitur morte timor nos suscitare non ualuit, sed ad statum uitæ aspirata mansuetudinis gratia erexit. Sed puer cum baculo mortuum suscitare non ualuit, quia Paulo attestante, nihil ad perfectum adduxit lex. Ipse autem per semetipsum ueniens, & super cadauer se humiliter sternens, ad adæquanda mortui membra se collegit: quia cum in forma dei esset, non rapinam arbitratus est esse se æqualem deo, sed semetipsum exinaniuit, formam serui excipiens, in similitudinem hominum factus, & habitu inuētus ut homo. Huc illucq; deambulabat, quia & Iudæam iuxta & longe positas gentes uocat. Super mortuū septies inspirat, quia per apertionem diuini numinis gratia septiformis spiritus in peccati morte iacentibus aspirat: moxq; uiuens agitur, quia is quem terroris uirga suscitare non potuit, per amoris spiritum puer ad uitam rediit. Iam nunc historia Naaman Syri prosequenda est: Superius ostendimus Heliseum typum habuisse domini saluatoris, Naaman uero princeps militiæ Syriæ, qui leprosus fuerat, & suggerente ancilla, ad beatum Heliseum sanandus aduenit, populum gentium figurauit. puella uero paruula quæ de terra Israel ab Assyrijs capta, & in Syriam ducta, uxori Naaman seruitium exhibebat, & dominæ suæ suggesserat, quod si ad beatum Heliseum suus dominus pergeret, sanitatē cōsequeretur, legis accipienda est fama: idcirco uidelicet paruula nuncupata, quia, ut Apostolus ait, nullum ad perfectum perducere ualuit: omnis enim perfectio in domino Iesu Christo est. fama quippe eorum, quæ in lege de castitate & sobrietate, patientia, iustitia, hospitalitate, pietate, cæterisq; uirtutibus habebantur, ad uniuersas peruenerat nationes: quia licet in tempore illo in sola Iudæa prophetia flourerit, fieri tamen non poterat, nisi ut etiam ad illas uicinas gētes beata eius noticia perueniret: & quanquam eandem custodire contenderent, tamen uelut captiua eisdem seruiebat, quia idololatriæ cultui deditæ erant. tamen audiuit Naaman puellam, & uenit ad Heliseum sanandus à lepra: & populus gentium audiuit famam legis & prophetiæ, & uenit ad Christum ab omnium peccatorum lepra sanandus. Quid tamē dixit beatus Heliseus per nuntium ad Naaman, uideamus: Ait enim ei. Vade, inquit, lauare septies in Iordane. Quod cū audisset Naamā, tantū ut lauaret septies in Iordane, indignatus est, & uolebat renuere: sed ab amicis suis cōsilio accepto, adquieuit ut lauaret, & purgatus est: Hoc significauit, quia populus gētiū anteq; Christus crucifigeret, ipso per se Christo loquēte nō crediderūt, sed postea docētibus apostolis ad sacramentū baptismi fideliter uenit. Heliseus nāq; in præfiguratione futurorum Naaman Syrum uidere noluit, & tamen minime desperxit: sic nimirum dominus Iesus Christus populū gētiū qui eū carnalibus oculis

oculis minime uidit, exterū à sua salute non fecit. Dixit ergo Heliseus ad Naaman, ut lauaretur septies in Iordane. Notandum quod Heliseus mittit Naaman ad Iordanem fluuium, ita Christus populum gentium missurus erat ad baptismum. Quod autem Heliseus non per se ipsum Naaman aut tetigit aut baptizauit, hoc significatum est, quod Christus non per se ipsum uenit ad populum gentium, sed per Apostolos suos, quia illis dixit: Ite & baptizate omnes gētes in nomine patris & filij & spiritus sancti. Et hoc adtendendum est, quia Naaman qui populum gentium figurabat, in illo fluuio sanitatem receperit, quem postea Christus suo baptismo consecrauit. Audiens uero Naaman, ut lauaretur septies in Iordane, indignatus est dicens, nunquid non meliora sunt flumina regionis meæ, flumina Damasci Abana & Farfar, ut in ipsis lauer & munder? Hæc illo dicente, consilium dederunt serui sui, ut adquiesceret prophetae consilio. Quid autem hoc significet, intuendum est. Sanctus Heliseus, sicut diximus, typum habebat domini saluatoris, & Naaman figurabat populum gentium. Quod uero de suis fluminibus sanitatem se recepturum esse credebat, hoc indicabat, quod genus humanum de libero arbitrio & de proprijs meritis præsumebat. Sed propria merita sine gratia Christi libertatē habere possunt, recipere sanitatē omnino non possunt. Vnde nisi ad exemplū Naaman, humanum genus consiliū Helisei audisset, id est, per Christi gratiā donum baptismatis humiliter accepisset, ab originali & actuali lepra liberari non posset. Siue aliter flumina Damasci, quarum aquas Naaman Syrus meliores aquis Iordanis esse opinabatur, huius mundi sapientiam significāt, quam populus gētium priusq̃ fidem Christi perciperet, pro magno habens, euangelica præcepta negligens contemnebat. Lauare septies, dixit, propter septiformem gratiam spiritus sancti, quæ in Christo domino requieuit. Deniq̃ quando in eo fluuio dominus baptizatus est, spiritus sanctus in columbæ specie super eum uenit. Cum ergo in figura baptismi Naaman in fluuiū descendisset, facta est, inquit scriptura, caro eius tanquam pueri paruuli: Hanc similitudinem in populo Christiano compleri uidemus, quia omnes qui baptizantur, siue senex sit siue iuuenis, omnes tamen infantes appellantur, quia per Adam & Euam ueteres nascuntur, per Christum & ecclesiam noui regenerantur. Prima generatio perducit ad mortē, secunda generatio perducit ad uitā. Prima generatio filios iræ, secunda generatio uasa misericordiæ, sicut Apostolus dicit: In Adam oēs moriunt̃, in Christo oēs uiuificabunt̃. Quomodo ergo Naamā senex septies lauādo factus est uelut puer, sic populus gentiū cū esset peccatis ueteribus senex, & multis iniquitatū maculis uelut lepra perfusus, per gratiā baptismi ita renouatur, ut in eo nec originalis nec actualis peccati lepra remaneat: & qui fuerat criminum ponderibus curuus, ad exemplum Naaman saluari lauacro renouatur, ut paruulus, & prima stola induitur, De qua Apostolus ait: Quicumq̃ in Christo baptizati estis, Christū induistis. In emunda

In emundatione Naaman Syri, decima uirtus ponitur Helisei. Denarius enim numerus consummationem siue perfectionem demonstrat: quia in fine mūdi dominus legit aduenisse, in quo uniuersis lepra infidelitatis aspersis cognoscitur salus attributa. Quod uero postea quā mūdatus est Naaman, munera obtulit beato Heliseo, & ille accipere noluit, Christi in hoc gratia figuratur, quā ideo gratia dicta est, quia gratis datur. Sic enim ipse dominus in euāgelio discipulis dixit: Infirmos curate, mortuos suscite, dæmones eijcite: gratis accepistis, gratis date. Dixit quē interea Naaman ad Heliseum: Obsecro concede mihi seruo tuo, ut tollam onus duorum burdonum de terra. Non enim faciet ultra seruus holocaustum aut uictimas dñs alienis, nisi domino soli. Onus terræ duorum burdonum, incarnationis Christi præten debat sacramentum, cuius mysterium uterque populus ex circumcisione uidelicet & præputio ob spem æternæ beatitudinis portare non reuuit. Posthæc refert eadem scriptura, quod interrogauerit Heliseus Iezi puerum suum.

Vnde uenis Iezi? Qui respondit, Non iuit seruus tuus quoquā. Et ille ait, Nonne cor meum in præsentī erat, quando reuersus est homo de curru suo in occursum tuum? Nunc igitur accepisti argentū & accepisti uestes, ut emas oliueta & uineta & oues & boues & seruos & ancillas. Sed & lepra Naamā adhærebit tibi & semini tuo, usque in sempiternum. Si enim propheta Heliseus puerum suum Iezi absens corpore uidit accipientem munera, quæ dedit illi Naaman Syrus, quē propheta memoratus à lepræ deformitate munda uerat, quod seruus nequam domino suo non uidente latenter se fecisse putauerat: quanto magis in illo corpore spiritali uidebunt sancti omnia, non solum si oculos claudant, uerum etiā unde sunt corpore absentes. Tunc enim erit perfectum illud, de quo loquēs Apostolus ait: Ex parte, inquit, sciimus, & ex parte prophetamus, cum autem uenerit quod perfectum est, euacuabitur quod ex parte est. Deinde ut quo modo posset aliqua similitudine ostendere, quantū ab illa quæ futura est distet hæc uita, nō qualiūcunque hominū, uerū etiā qui præcipua hic sanctitate sunt præditi: Cū essem, inquit, paruulus, quasi paruulus sapiebā, quasi paruulus loquebar, quasi paruulus cogitabā: cū autē factus sum uir, euacuaui quæ paruuli erāt: uidemus nunc per speculū in ænigmate, tunc autē facie ad faciē. Nūc scio ex parte, tūc autē cognosceā, sicut & cognitus sum. Si ergo in hac uita ubi hominū mirabiliū prophetia ita cōparanda est illi uitæ quasi paruuli ad iuuenē, uidit tamen Heliseus accipientē munera seruū suū ubi ipse nō erat. Itāne cū uenerit quod perfectū est, nec iam corpus corruptibile adgrauabit animā, sed incorruptibile nihil impediet, illis sancti ad ea quæ uidēda sunt oculis corporeis, quibus Heliseus absens ad seruū suū uidendū non indiguit, indigebunt. Nāque secundū interpretes LXX, ista sunt ad Iezi uerba prophetæ: Nonne cor meū erat tecum, quando conuersus est uir de curru in obuiam tibi, & accepisti pecuniā, & cætera. Sic autem ex Hebræo interpretatus est presbyter Hieronymus:

Nonne

Nōne cor meum, inquit, in præsenti erat, quando reuersus est homo de curru suo in occursum tui? Corde suo ergo dixit se hoc uidisse propheta, adiutus quidem mirabiliter nullo dubitante diuinitus: sed quanto amplius tunc omnes munere isto abundabunt, cum deus erit omnia in omnibus: habebunt tamen etiam illi oculi corporei officium suum, & in loco suo uterq; erit illis spiritus per spirituale corpus. Neq; enim ille propheta, quia eis non indiguit, ut uideret absentem, non eis usus est ad uidenda præsentia: quæ tamen uidere spiritu posset, etiã si illos clauderet, sicut uidit absentia ubi cū eis ipse non erat. Absit ergo ut dicamus illos sanctos in illa uita deum clausis oculis non uisuros, quem spiritu semper uidebunt: sed utrum uidebunt & per oculos corporis cum eos apertos habebunt, inde quæstio est. Si enim tantū poterunt in corpore spirituali eo modo utiq; etiam ipsi oculi spirituales, quantum possunt isti quales nunc habemus, proculdubio per eos deus uideri non poterit. Longe itaq; alterius erunt potentia, si per eos uidebitur incorporea illa natura, quæ non continetur loco, sed ubiq; tota est. Iezi minister Helisei, qui cupiditate argenti deceptus, pecuniam à Naaman Syro accepit, & post paululum lepræ contagione est percussus, Iudæ proditoris typum gessisse non dubium est. Sicut enim Iezi ideo seruebat beato Heliseo, ut pecuniam posset acquirere: ita & Iudas propterea adheferat domino saluatori, ut fraudem faceret, & terrenas diuitias congregaret. Deniq; sic de illo in euangelio scriptum est, quia fur erat, & loculos habebat, & ea quæ mittebantur exportabat. Nam Iezi qui gratiam magistri potuerat promereri, sicut dominus suus consecutus fuerat beati Helix, cupiditate uictus in æternum meruit crudeli lepra perfundi: Iudas uero per amorem pecuniæ, & apostolatus gratiam perdidit, & laqueo uitam finiuit. Ac sic intelligimus omnes malos sacerdotes intra ecclesiam intus in anima peccati lepra esse perfusos, qui contra dominica præcepta ministerium quod gratis acceperunt, gratis non administrant, & pro omni opere quod in ecclesia gerunt, non futuram mercedem, sed præsentem quærunt retributionem. Potest enim Iezi etiam Iudæorum populum figurare, qui eo tempore peccati lepra percutitur, quo ab ea populus gentium liberatur. Deniq; sic infideles Iudæi in passione clamauerunt: Sanguis eius super nos, & super filios nostros. Tunc enim peccati lepra perfundi meruerunt, quando super cœlestem medicum ore sacrilego clamauerunt: tolle tolle crucifige eum. Ergo eo tempore in illis remansit lepra, quo ad nos transijt gratia. Denique sic & Apostolus Paulus ad eos locutus est dicens. Vobis, inquit, oportuit primum loqui uerbum dei, sed quia uos indignos iudicastis æternæ uitæ, ecce conuertimur ad gentes. Quando doctrina Apostolorum ad gentes transijt, tunc in miseris Iudæis peccati lepra permansit.

Posthæc refert scriptura quod eunte beato Heliseo cum filiis propheta, De ferro nati
rum ad Iordanem fluuiū, dum sibi ligna cōciderēt, ceciderit securis in aqua, tante. XXI
& ille de cuius manu corruit, clamauerit ad beatū Heliseum, heu heu & hoc
qq ipsum

ipsum mutuo acceperat. Posthac in loco ubi securis illa ceciderat, beatus Heliseus misit lignum, & natauit ferrum. Dominus Iesus Christus cuius figuram Heliseus gestauit, cum per praesentiam corporis sui Iudaeorum impietatem tanquam infructuosam arborem succidere uellet, quia de illo Ioannes ait: ecce securis ad radicem arborum posita est: interueniente passione corpus ipsum uelut manubrium deseruit, & in inferni profunda descendit, quod in sepultura depositum, ad uitam tanquam ad manubrium suum spiritu redeunte surrexit. Siue aliter, Heliseum typum habuisse domini saluatoris frequenter iam supra diximus: sed & in puero illo filio prophetae, cui securis de manu lapsa est, non incongrue Christus intelligitur: securis illa quae cecidit, Adam siue totum genus humanum significasse uidetur. Tenebat ergo filius prophetae securim in manu sua, ac dominus ac saluator noster humanum genus quod creauerat in manu potentiae suae. Sed quomodo securis illa de manu prophetae in profundum corruit, ita & genus humanum de manu omnipotentis dei per superbiam se excussit, ceciditque in fluuium luxuriae, uel omnium peccatorum gurgite se submersit. Securis ergo illa in profundo iacebat, quia genus humanum in omnium criminum abyssu infelici ruina corruerat, sicut scriptum est, Infixus sum in limo profundum. Iterum: Deueni in altitudinem maris, & tempestas demersit me. Fluius enim ille ubi securis cecidit, significat praeterfluentem & fugitium & descendentem in uoluptatem uel luxuriam, seculi huius cursum. Fluius enim a fluendo nomen accepit, & quia omnes peccatores transitorijs uoluptatibus inhaerentes fluere dicuntur, ideo securis illa in fluminis limo iacebat oppressa. Veniens ergo Heliseus misit lignum, & natauit ferrum. Quid est lignum mittere & ferrum in lucem producere, nisi patibulum crucis ascendere, & de profundo inferni humanum genus eripere, & de omnium peccatorum limo per crucis mysterium liberare. Postquam uero natauit ferrum, misit manum propheta, & recepit illud, & reddidit ad utilem usum domini. Ita & de nobis factum est, qui de manu domini superbiendo cecideramus, per crucis lignum ad manum uel potestatem domini redimus. Item moraliter. Ferrum in manubrio, donum intelligitur in corde. Ligna uero per hoc cadere, est praeue agentes increpare, quod nonnunquam dum fluxe agitur, dum lapsus uanae gloriae in accepta eadem scientia non uitatur, ferrum in aqua perditur, quia ex dissoluto opere intelligentia fatuatur, quam profecto intelligentiam ad hoc nouimus dari, ut ante dantis oculos ex bona actione debeat restitui. Vnde & recte is qui ferrum amiserat, clamabat. Heu heu heu domine mi, & hoc ipsum mutuum acceperam. Habent enim hoc electi proprium, si quando in eis sua scientia furtiua uanae gloriae culpa subripitur, ad cor uelociter redeunt, & quicquid in se ante districti iudicis oculos damnable inueniunt, lachrymis insequuntur: qui flentes non solum caute inspiciunt, quae mala commiserunt, sed ex accepto munere quae reddere etiam bona debuerunt, quia nimirum tanto se

to se amplius peccatores sentiunt, quanto ex neglectis bonis quæ agere poterant, debitores tenentur. Recte enim qui ferrum perdidit clamabat, heu heu heu, & hoc ipsum mutuum acceperam. Ac si dicat. Illud per dissolutionem negligentia perdidit, quod ut per bona opera redderem, ex gratia creditoris acceperam. Et nunquam deus mentem deserit, quæ in peccatis se ueraciter agnoscit. Vnde & mox Heliseus ueniens, lignum deorsum mittit, & ferrum in superficiem attulit: quia uidelicet redemptor noster, pie nos respiciens cor peccatoris humiliat, & ei quam amiserat intelligentiã reformat, lignum mergit & ferrum leuat, quia cor affligit, & sciẽtiã reparat. Vnde bene in alia translatione dicitur, quod infregit lignum atq; iactauit, & sic ferrum sustulit, Lignum namq; confringere est cor ab elatione conterere: lignum ad ima iactare, eleuatum cor in cognitionem, ut diximus, propriæ infirmitatis humiliare: atq; ilico ferrum in superficiem redit, quia ad usum exercitationis pristinum intelligentiæ recurrit. Igitur quoniam donum intellectus quod accipitur, uix cum tot difficultatibus custoditur, curandum ualde est ne ocio torpeat, curandum ne incitationes operis uitio elationis euanescant. Sancti namq; uiri minime exultant, cum cognoscunt quæ faciunt, sed cum faciunt quæ cognouerunt: & si intelligendo largiores cõgaudent à munere largitoris, moerentes tamen considerant debitũ operis, ut uidelicet actione persoluant, quod eis prorogatum est in cogitatione. Stultus namq; est debitor, qui gaudens pecunias mutuas accepit, & tempus quo reddere debet, non attendit. Moderatur autem læticia accipiendi, quando solerti prouidentia etiam constitutum tempus reddendi cogitatur. Rex autem Syriæ pugnabat contra Israel, consiliũmcp inijt cum seruis suis dicens. In loco illo & illo ponamus insidias, & reliqua) Rex Syriæ Samariam obsidens, diaboli gestabat typum, qui ante aduentum saluatoris Iudæorum populum sua obsidione concluderat, cuius seũiciæ atq; occultæ insidiæ quas humano prætendebat generi, ueri Helisei, hoc est, domini saluatoris præscientia atq; uirtute frustratæ sunt. Exercitus regis Assyriorum, qui ad capiendum Heliseum ab ipso missus est, scribarum & pharisæorum habuerunt typum, qui in instinctu diaboli ad persequendum deum instigati sunt, & per uirtutem eiusdem domini & saluatoris nostri iusto iudicio obcecati sunt, & rursus per misericordiam illius pane uerbi dei sunt pasti, & aqua scientiæ refectioni. Merito mouet quomodo potuerunt Syri isti ire in Samariam, si talierant cæcitate percussi, ut omnino nihil uideret. Hac Aorasia etiam illi percussi sunt, qui quærebant ostium Loth. Hoc enim modo sua calamitate turbati, amentes facti sunt, usq; dum irent in Samariam, & ulterius prophetam tali modo comprehendere non quæsierunt. Factum est autem posthæc, congregauit Benadab rex Syriæ uniuersum exercitum suum, & ascendit & obsedit Samariam. Facta est autem fames magna in Samaria, & tamdiu obsessa est ciuitas donec uenundaretur caput asini LXXX argenteis, & quarta pars

*De obsidione
& fame Samarie xxxii*

canistri stercoreis columbarum quinque argenteis, & cætera) Fames Samariæ illata, inopiam significat uerbi dei, siue egestatem fidei, per quam diabolus ante aduentum saluatoris dei populum concluderat. Caput asini LXXX argenteis uenundatum, significat superbiam, quæ initium est omnis peccati. Per asinum enim quod immundum est animal, omnia uitia diaboli præfigurasse non dubium est, quorum, ut dictum est, caput est superbia. Hanc reprobis omnes neglecto decalogo legis atque octidada euangelij, in qua imago est dei, in cibum maluerunt sumere quàm panem uerbi dei. Quarta uero pars canistri stercoreis columbarum, quod quinque argenteis emptum, in cibum sumere dicitur: hoc figurasse uidetur, quod populus reprobis relicta cultura dei, atque u corporis sensibus subditus, per idolorum culturam & simulationem uelut quodam fœtore peccatorum pasti, diabolo satisfaciebant. Duæ mulieres quarum una famis inopia coacta, filium suum comedit, reprobam plebem ex Iudæis significasse non dubium est, quæ omne bonum quod in se originaliter habuit inopia fidei consulta consumpsit. Alia uero quæ in tale facinus consensum præbere renuit, electam plebem proculdubio figurauit. Quatuor ergo uiri erant leprosi iuxta introitum portæ, qui dixerunt ad inuicem. Quid hic esse uolumus donec moriamur, & reliqua) Quatuor leprosi qui extra ciuitatem positi futuram Israeli defensionem pronuntiant, illos indicasse uidentur, qui ex populo Iudæorum immundiciam peccatorum suorum prius cæteris confessi sunt, & ad tantam peruenire meruerunt gratiam, ut uictum atque fugatum diabolus per uictoriam crucis Christi cæteris annuntiarent. Quinque equi qui in Samaria præ inopia famis tantummodo remansisse dicuntur, carnalem Iudæorum populum sub quinque libris legis derelictum figurasse certum est. Dux ille qui futuram frumenti abundantiam per Heliseum uenturam audiens, credere noluit, scribarum atque pharisæorum gestauit figuram, qui fertilitatem in ecclesia diuinitus collatam uidit, & quia credere noluit, ab hac impietate sua mortuus, à fidelibus conculcatus est. Mulier Sunamitis quæ ob inopiam famis consultu Helisei de Iudæa ad terram Philistinum transiuit, primitiuam ecclesiam quæ per Apostolos ex circumcisione in Christo credidit, præsignauit. Quæ ecclesia ob infidelitatem Iudæorum atque inopiam uerbi dei quæ illos obtinuit, reuelante sibi diuino spiritu ad populum gentium transmigravit. Hæc enim in fine mundi, postquam plenitudo gentium introierit, ad priorem populum reuertens, prædicante Helia, electos ex eadem plebe quasi pristinam paternorum suorum possessionem in proprio iure recipiet, & tunc omnis Israel saluus fiet. Quod ait Ioiada pontifex sacerdotibus & leuitis in templo, proferens Ioas filium Azariæ, quem sex annis, quibus regnauit Athalia, clam nutriebat in templo: tertia pars uestrum introeat sabbato & obseruet excubitus domus regis, tertia autem pars sit ad portam Seyr, & tertia pars ad portam quæ est post habitaculum scutariorum, custodietis excubitus

bitum domus messa: duæ uero partes è uobis omnes egredientes sabbato, custodiant excubium domus domini circum regem, & uallabitis eum, habentes arma in manibus uestris: & cætera quæ ibidem dicta uel facta commemorantur, melius intelliguntur, si de locis templi in quibus actum est, latius aliqua replicentur. Templum quidem ipsum, exceptis porticibus, quibus omni ex parte sibi adhaerentibus circumdabatur, habebat intra parietes: hæc est enim mensura prima, quam uerba dierum nominant: L X cubitis longitudinis, X X autem latitudinis: cuius omnis ambitus, atrio tribus cubitis alto erat circumdatus, habente introitum à parte orientis, cuius in libro Regum ita meminit scriptura. Et ædificauit atrium interius tribus ordinibus lapidum politorum, & uno ordine lignorum cedri: interius uidelicet hoc appellans atrium, eo quod alia circa hoc exteriora sint facta, Porro in uerbis dierum ita: Fecit etiam atrium sacerdotum, & basilicam grandem, & ostia in basilica quæ texit ære: atrium uidelicet sacerdotum hoc nominans, quia nimirum ad hoc erat factum, ut ab ingressu templi cæteros arceret, solisq; hoc sacerdotibus licere designaret. Erat autem hoc idem atrium ab australi, ab occidentali, & septentrionali parte, uicinius muro templi. Porro ad portam solis, unde & introitum per gradus habebat, in magnam se prolixitatem à templo protendebat: utpote quod in illa sui parte altare holocausti, in illa luteris bis quinos, in quibus hostiæ lauarentur, in illa mare æneum, in quo intraturi ad ministerium sacerdotes lauarentur, in illa sacerdotum immolantium & psallentium habebat choros leuitarum. Circumdabatur hoc atrium undiq; uersum à longa æde permaxima in quadrum: cuius interior paries, id est, qui templum à quatuor mundi partibus respiciebat, inferius erat per totum in arcubus constructus, ulterior uero firma soliditate fundatus, & ianuas habens æreas, ut supra dictum memorauimus, & ostia in basilica quæ texit ære: quæ etiam porticibus communita, maximis & opportunis erat discreta coenaculis: & rursus extra hanc ædem in gyro altera simili schemate facta: sed & tertia nihilominus circa illam eodem ordine facta per gyrum, interiora omnia longe lateq; circuibat, in hoc tantum à prioribus distans ædibus, quod orientalis & septentrionalis eius paries ostia minime habebat, eo quod uterque eorum ad muros pertineret ciuitatis. Hæc autem sunt atria, de quibus canitur in Psalmis. Qui stas in domo domini, in atrijs domus dei nostri. Et quoniam ipsa domus domini mediocri loco constructa erat, fiebat ut atria quanto exteriora fuerint, tanto altiores haberent parietes, utpote inferius fundamenta habentes, adeo ut ultima CCCC in altitudine cubitos haberent, nec tamen æquandæ templi altitudini aliquantulum adpropinquarent, quorum omnium in libro Paralipomenon ita generalis fit mentio. Dedit autem Dauid Salomoni filio suo descriptionem porticus, & templi & cellariorum, & coenaculi & cubitorum in astis, & domus propitiationis, nec non & omnia quæ cogita-

qq 3 uerat

uerat atriorum & exedrarum per circuitum in thesauros domūs domini, & in thesauris sanctorum. Sed & Iosephi scriptura uel pictura ab antiquis formata, plenius quo sint hæc ordine facta distinguit. His uero ita compositis, in sancta sanctorum summi tantum sacerdotis erat semel in anno ingredi, cum sanguine hostiarum, in sanctuario ante oraculum sacerdotes tantum purificati introibant: in atrio interiori sacerdotes omnes & leuitæ. circa hoc atrium sub diuo, uel si tempestas arcebat in ædibus circumpositis uiri Israelitæ ad adorandū siue audiendum uerbum dei conueniebant. In tertio ordine atriorum stabant ad orandum mulieres Israeliticæ sub diuo, uel si tempestas non sinebat, proxima circumpositarum ædium tecta subibāt. Porro in ultimo ordine atriorum gentiles qui ad orandū forte cōuenerant, intrabant, ubi etiam post tempora dispersionis hī qui de gentibus nuper aduenerant Israelitæ, VII diebus purificati, sic tandē in interiora sanctorū petebāt. Quæ autem intra atria uel in atrijs erant pauimenta, lapide uario sunt omnia strata. Ita uero ostia in ædibus contra inuicem posita erant, ut hī etiā qui in ultimis consistebant, templum possent intueri. Erant autem sortes XXIII, & sacerdotum & leuitarum, & ianitorū, qui per totidem septimanas sibi ex ordine succederent, sabbato noua turma intrante ad officium, & post sabbatū ea quæ proxima septimana ministrauerat, domū redeunte. Sed hic pōtifex proponit necessitatem augendi circa nouum regem exercitus, & eos qui intrandi septimanam habebant suscepit in ordinem, & illos qui iam suam septimanam ministrando impleuerant, ne abirent retinuit, qui alios quosq; leuitas de cunctis urbibus Iuda simul & principes familiarum Israel, missis in hoc centurionibus Hierosolymam congregauerat, ut uerba dierum narrāt, quos educturus filium regis tali ratione distinxit, ut omnes qui impleuerūt sabbatū, & egressuri erant, in duas diuisi partes regem in interioribus atrij locis armati circumstarent: reliqua uero multitudo, id est, qui non erant de stirpe leui, exteriores atriorum ianuas contra furorem reginæ, si quid forte aduersi moliretur, custodirent. Porro hī qui nuper ad sabbatum uenerant sacerdotes & leuitæ & ianitores, in tres diuisi partes, domum regis, id est, palatium obseruarent: ne uel hoc regina collecto exercitu contra regem defenderet, seruarent & portam habitaculi scutariorum, per quam de templo ad palatium descendebatur, sicut infra dicitur. Duxeruntq; regem de domo domini, & uenerunt per uiam portæ scutariorū in palatium, & sedit super thronum regum, ubi etiam porta Syref, & domus Messa, quæ cum porta scutariorum nominantur, esse uidentur. Scutarios autem tutores regis appellat, testante libro Paralipomenon, qui cum Roboam scuta ærea pro aureis fecisse commemorasset adiecit, Et tradidit illa principibus scutariorum, qui custodiebant uestibulum palatij. In quo uidelicet libro, distinctius hæc cuncta replicantur. Tertia pars uestri qui ueniunt ad sabbatū sacerdotū & leuitarum & ianitorū, erit in portis: tertia uero pars ad domū regis, & tertia in porta

ta quæ

ta quæ appellatur fundamenti . omne uero reliquum uulgus sit in attriis domus domini, ne quisq; alius ingrediatur domum domini, nisi sacerdotes, & qui ministrant de leuitis ipsi tantummodo ingrediantur, quia sanctificati sunt, & omne reliquum uulgus obseruet custodias domini. Leuitæ autem circumdant regem, habentes singuli arma sua, & cætera) Quod sequitur de eodem, produxitq; filium regis, & posuit super eum diadema, & testimonium in diademate insigne capitis regiū : in testimonio designat decreta legis dei, quibus quid agere rex debeat, qualiter uiuere præcipitur. Deniq; in libro uerborum dierum apertius : Et imposuerunt, inquit, ei diadema, dederuntq; in manu eius tenendam legem, & magnæ utiq; erat salutarisq; prudentiæ, ut per tyrannicæ impiæq; reginæ necem succedente in regnum filio regis legitimi, cum ipso regni habitu simul disciplina legis dei seruanda comiteretur, & qui se prælatum regendo uideret, ipse se regendum diuinis legibus subdubere meminisset . Quod instaurante templum domini tempore præfati regis Ioas dicitur : & non fiebat ratio his hominibus, qui accipiebant pecuniā, ut distribuerēt eam artificibus, sed in fide tractabant eam, deuotionē ostenditeorum, de quibus sermo est, qui tantum studiū in religione habuerint, ut nullus dubitauerit, quin pecuniam domini sine alicuius fraudis suspitione tractarent, & hanc de ærario sublatam fideliter artificibus ad muniendam domum, prout singulis opus esset offerrent. Posthæc mortuus est, inquit, Heliseus, & sepelierunt eum. Latrunculi uero de Moab uenerunt in terram ipso uidelicet anno. Quidam autem sepelientes hominem, uiderunt latrunculos, & proiecerūt cadauer in sepulchro Helisei : quod ambulauit cum tetigit ossa Helisei, continuoq; reuixit homo, & stetit super pedes suos) Latrunculi enim Moab figuraliter dæmones intelligendi sunt, qui ad incestum & omne opus execrabile uiciorum stimulis perurgent infeliciū mentes. Qui uero mortuum sepeliebant, hī accipiendi sunt, qui ut Apostolus Iacobus ait, impios & peccatores ab errore uiæ suæ assidua exhortatione conuertunt ad tramitem pietatis & castitatis, animas eorum saluantes à perpetua morte, cooperiunt multitudinem peccatorum. Siue aliter. Sepelientes mortuum ac latrunculos fugientes illi merito appellandi sunt, qui pie uiuere uolentes in Christo, fugiunt ac declinant uicia uniuersa atque peccata, quia mortem uidelicet operantur : corporaq; in fontem proijciunt baptismi, in quo secundum Apostolum credentes sepeliuntur cum Christo, ut per communionem corporis & sanguinis eius deinceps possint uiuere cū Christo. Quod dicitur de Amasia rege Iuda, ipse percussit Edom in ualle Salinarū x milia, & apprehendit Petrā in prælio, uocauitq; nomen eius Iethel. Vallis Salinarū erat, ubi sales faciebāt : uel fœno uidelicet falsuginis, ut multis in locis deciso, exsiccato & incenso : uel aquis puteorū salis feruefactis, & usq; ad salis firmitatē coquēdo pductis, uel alio quolibet ordine, quo sal fieri consuevit, in quo etiā loco Ioab xii milia Idumeorū percussisse legitur.

De Amasia rege. XXIII

Nec prætereundum quod pro ualle Salinarum uetus æditio quasi nomen regionis Gemela posuit. Petra autem ciuitas est Arabiæ nobilis in eadem terra Edom, quæ in libro Numerorum Recem dicitur, & à Syris hodieq; sic appellatur. Iecethel uero quod Amasias uictor ei nomen imposuit, interpretatur cœtus dei, uel auxilium dei, agente eo fideliter, ut perenni inderetur memoriæ, quod hanc uel cœtus populi dei, uel deo auxiliante ceperit.

*De Ieroboam
rege. XXV*

Quod dicitur de Ieroboam rege Israel, ipse restituit terminos Israel, ab introitu Emath usque ad mare solitudinis, Emath quæ nunc Epiphania dicitur, septentrionalis erat terminus Israel. Mare autem solitudinis quod Hebraice dicitur Araba, mare mortuum designat, quod in longitudine per stadia DLXXX usque ad Zoaras Arabiæ, in latitudine per MCL usque ad uicinia Sodomorum pertenditur.

*De colonis in
Samariam ab
Assyrijs.
XXVI*

Quod dicitur de his quæ in Samariam à rege Assyriorum adductæ sunt nationibus, & unaquæq; gens fabricata est deum suum, posueruntq; eos in fanis excelsis, quæ fecerat Samaritana gens, & gens in urbibus suis, in quibus habitabant. Viri enim Babylonij fecerunt Sochot Benoth: uiri autem Chuteni fecerunt Nergel, & uiri de Emetha fecerunt Asima, porro Euei fecerunt Nebaaz & Thartha. In libro quidem locorum legitur, quod Benoth & Nergel fuerunt ciuitates quas construxerunt in regione Iudeæ Samaritani, qui de Babylonia transferant. Asima quoque oppidum, quod ædificauerunt qui ad eam uenerant de Emath. Nebaaz etiam & Thartha ciuitates quas Euei in eadem Iudeæ terra condiderunt. Videtur autem iuxta consequentiam sermonis, etiam idolorum, quibus hæ gentes prius in terra sua seruiuerunt, hic posse intelligi uocabula: quia cum dictum esset, & unaquæq; gens fabricata est deum suum, quasi ad expletionem sententiæ subiunctum est. Viri enim Babylonij fecerunt Sochot, id est tabernacula Benoth, & melius, ni fallor, faceret interpretes, si Sochot latine in tabernacula uerteret, & nomen idoli Benoth absolute poneret. & sicut in sequentibus manifeste dicitur: hij autem qui erant de Sepharuaim, comburebant filios suos igni Adremelech & Anamelech dñs Sepharuaim, ubi ostenditur Adremelech & Anamelech idola fuisse urbis Sepharuaim: ita uidetur consequens, ut etiam Nergel Chuthenorum, Asima Emethanorum, Nebaas & Thartha idola fuerint Eueorum.

*De Sennacherib.
XXVII*

Anno XIII regis Ezechias ascendit Sennacherib rex Assyriorum super omnes ciuitates Iudæ munitas, & cepit eas &c.) Historia manifesta est, & interpretatione non indiget. In uerbis autem Rapsacis arrogantia considerata est, quæ uelut contraria quædam fortitudo imitatur consuetudinem prophetarum: ut quod illi solent in prologis ponere, hæc dicit dominus, quo autoritatē & magnitudinem loquentis ostendant, iste nunc dixerit, hæc dicit rex magnus rex Assyriorum. Consideremus uerba Rapsacis, ac primū quod dicit: confidis super baculum arundineum contractum istum, super Aegyptum, falsum est. Nulla enim narrat historia, quod Ezechias ad Aegyptios miserit, & Pharaonis auxiliū postu-

postularit. Quodq; infert, si responderis mihi, in domino deo nostro confidimus, uerum est: sed rursus iungit mendacium ueritati, quod abstulerit Ezechias excelsa illius & altaria: hoc enim non contra dominum, sed pro domino fecerat, ut idololatria & ueteri errore destructo, iuberet dominum adorare in Hierusalem, ubi erat templum eius. Quodq; paucitatem obfessorum uolens ostendere, equos duo milia pollicetur, quorum Ezechias ascensores præbere non posset, non de imbecillitate uenit Iudæorum, qui equitandi carebant scientia: sed de obseruatione mandatorum dei, qui per Moysen super regem præceperat Israel, Non multiplicabit sibi equos, & uxores plurimas non habebit. Ad id autem quod dixerat, si responderis mihi in domino deo confidimus, callide prudenterq; respondit, se non sua uoluntate, sed domini uenisse præceptis. Et dixit Eliachim & cæteri ad Rapsacen. Loquere ad seruos tuos Syra lingua, si quid intelligimus & cætera. Accusatio Rapsacis Ezechiae testimonium est, quod captis cunctis urbibus Iudææ, in domino deo confisus sit, dixeritq; ad populū. Nolite timere, nec paueatis regem Assyriorum, & uniuersam multitudinem quæ est cum eo. Multo enim plures nobiscum sunt quàm cum illo. Cum illo est brachium carneum, nobiscum dominus deus noster, qui auxiliator est nostri, pugnatq; pro nobis. Et cōfortatus est, inquit, populus huiuscemodi uerbis Ezechiae. Vnde Rapsaces destrūere uult quod ille construxerat, & loquitur ad populum: Non seducat uos Ezechias, & non uobis tribuat fiduciam super domino deo. Rursusq; adiiciens comminationem & terrorem: ut comedant, inquit, stercore sua, & bibant urinam pedum suorum uobiscum: per quæ ostēdit fame eos & penuria sitiq; esse capiendos: simulq; illecebram iungit formidini, ut quos terrore non uicerat, repromissionibus & persuasione decipiat dicens. Facite mecum quod est utile. Ergo sensus est. Facite, inquit, quod uobis profuit, & in benedictionem uestram proficiat. Siue hoc dicit: Benedicite regi Assyriorum, & laudate eum ut dominum, confitemini, ut præmia consequamini. Et donec reuertar de Aegypto, siue capta Lomna redeam, habitate in urbe uestra, & rebus uestris fruimini, postea autem ueniam & transferam uos in terram quæ similis est terræ uestræ. Quidam putant terram eis Mediæ repromitti, quæ habebat terræ Iudææ similitudinem, tam in situ, quàm in frugibus. Quodque infert, ubi est deus Emath & Arfath & Sepharuaim, nunquid liberauerunt Samariam de manu mea, ostendit omnium ciuitatum siue gentium dijs seruisse Samaritas: & quia non erant dii, sed idola, merito cultores uanitatis, ut decebat esse submersos ostendit. Est autem urbs Cœlesyriæ, quæ nunc Epiphania dicitur, iuxta Emesam, ut supra monuimus. Arphat urbs Damasci, quam expugnatam à rege Assyriorum etiam Hieremias scribit. Sepharuaim quod numero plurali libros uel literas sonat, nomen est locorum, de quibus Assyrij transmigrantes habitauerunt in Samaria, ut in locorū libris inuenimus.

Verum

Verum in Esaia hoc quoque uocabulum esse ciuitatis apparet, ubi aperte dicitur, Vbi est deus urbis Sefarfaim. Tamen si pluraliter dictum, ut Thebarum, Athenarum. Pro Ana & Aua, uetus editio quasi unius urbis nomen Ana & Aua posuit, & quidem in Hebræo ita scriptum est. Verum quia syllaba u, quæ in medio nominis posita est, coniunctionem apud eos significat, potest etiam ita distingui ut dicatur Ante & Gaue, ut Aquila transtulit, siue Ana & Anua ut noster uertit interpretes. Tacuitque omnis populus, & non respondit ei quicquam. Siquidem præceptum regis acceperant, ut non responderent. Vere iustus Ezechias agebat cuncta fideliter, uniuersa cum consilio. Ideo enim iusserat blasphemanti Assyrio non respondere, ne eum ad maiores blasphemias prouocaret. Et ingressus est Eliachim & cæteri cum eo ad Ezechiam scissis uestibus. Perspicua relinquentes, ea tantum in quibus latens sensus est differamus. Scindit uestes, quia Rapsacen audierant blasphemantem. Scindit & ipse rex uestimenta sua, quia peccatorum suorum & populi esse credebat, quod Rapsaces usque ad portas Hierusalém uenerit, & contra dominum talia sit locutus. Pro regio ergo cultu obuolutus est sacco, & de palatio ad templum gradiens, Heliachim pontificem, & Sobnam scribam, & seniores de sacerdotibus, misit ad Esaiam filium Amos prophetam. In quo regis considerata est humilitas, atque prudentia. Ipse pergit ad templum, principes populi & senes sacerdotum non stolis sacerdotalibus, sed cilicijs coopertos, mittit ad Esaiam prophetam filium Amos. Dixerunt, inquit, ad eum. Hæc dicit Ezechias. Dies tribulationis & corruptionis, & blasphemiae, dies hæc tribulationis nostræ, corruptionis dei, blasphemiae hostium. Ponitque similitudinem parturientis mulieris & dolentis, quod uenerunt filii usque ad partum, & uires non habent parturientes. Hæc iuxta literam peccatis facientibus uidemus, quia cum hostes irruunt defensores nostri præparantur, sed nullatenus ad præparata coualescunt. Scriptum namque est, Requiescet super eum spiritus consilij & fortitudinis. Quæ utraque necessario sibi iuncta sunt, quia neque uirtus sine consilio esse utilis ualet, neque consilium sine uirtute. Quid igitur profunt qui per consiliū præparant, dum ad præliū per fortitudinem non procedunt? Afflictus igitur atque turbatus Ezechias rex loquitur dicens. Dies tribulationis & blasphemie dies iste, uenerunt filii usque ad partum, & uires non habet parturiens. Filii quippe usque ad partum ueniunt, quando apta consilia usque ad desiderium efficiendi operis procedunt: sed uirtutem non habet parturiens, dum inspiramus quisque consilia hæc ad utilitatem aliquam per partum operis non producit. Sequitur. Si forte audiat dominus deus tuus uniuersa uerba Rapsacis, quem misit rex Assyriorum dominus suus) Non enim audemus dominum omnium, nostrum dominum dicere, quo irascente tanta patimur: sed tuum dicimus dominum, & hanc habemus ultionis fiduciam, quoniam uiuens deus blasphematur à cultore idolorum mortuorum. Cumque uenissent serui regis Ezechiae ad Esaiam, præuenit eos Esaias, & iam absentem regem audierat, & dicit quid respondere deberent domino suo, humilitate mixta fiducia conscientia. Dicite, inquit, domino uestro, qui ue-

qui uellet est dominus, meus enim hæc dicit dominus. Noli timere uerba quibus non tu sed ego sum blasphematus. Ecce ego mittam ei spiritum, & audiet nuntium, & reuertetur in terram suam, & deiciam eum gladio in terra sua. Vt duo pariter Ezechias quæ optabat audiret, se de obsidione & periculo liberandum, & inimicum iratumque regem in sua terra esse moriturum. Reuersus autem Rapfases, inuenit regem Assyriorum expugnantem Lobnam, & cætera. Pugnassee autem Sennacherib regem Assyriorum contra Aegyptios, & obsedissee Pelusium, iamque extructis aggeribus urbe capienda, uenisse Thracam regem Aethiopum in auxilium, & una nocte iuxta Hierusalem CLXXXV milia exercitus Assyrii pestilentia corruisse narrat Herodotus, & plenissime Verosus Chaldaice scriptor historiae. Itaque cum accepisset Ezechias literas de manu nuntiorum, & legisset eas, ascendit in domum domini, & expandit eas coram domino, & cætera.) Contra Sennacherib regis blasphemias solita Ezechias arma arripuit, rursumque pergit ad templum, & epistolas expandit coram domino, audacter dominum deprecatus, & solum deum asserit esse uiuentem, per quem idola intelligimus imaginem mortuorum. Misit autem Esaias ad Ezechiam dicens. Hæc dicit dominus deus Israel. Quæ deprecatus es me super Sennacherib rege Assyriorum, audiui. Iste est sermo quem locutus est dominus de eo. Spreuit te & subsannauit uirgo filia Sion, post tergum tuum caput mouit filia Hierusalem.) Quia tam audacter Ezechias dominum deprecatus est, nec misit ad Esaiam, ut prius miserat, non ipse propheta pergit ad eum, sed mittit nuntios qui ei dicerent uerbum dei. Supra Sennacherib contra quem rogas, domini ista sententia est. Virgo filia Sion & filia Hierusalem, quæ ideo uirgo appellatur & filia, quia cunctis gentibus simulachra adorantibus, hæc sola conseruat castitatem religionis dei, & unius diuinitatis cultum. Subsannauit te atque despexit, & quæ ne ad maiores te blasphemias concitaret, præsentino respondebat, post te abeunte mouebit caput suum, certa de ultione, secunda de poena, & hæc locutus est. Non contra me, sed contra dominum superbisti, nec ipse per te, sed per seruos tuos, ut maior esset arrogantia blasphemantis. Dixisti enim quod in quadrigarum tuarum multitudine ascenderis altitudinem montium, & iuga Libani succideris, cedros atque abietes illius: quæ uel de cunctis gentibus metaphorice principibusque earum debemus accipere: uel Hierusalem quæ interpretatur Libanus, ut cedros eius atque abietes ad potentes quoque & optimates, altitudinem uero summitatis illius, saltumque Carmeli referamus ad templum. Quodque infert, ego fodi & bibi aquam, & exsiccaui uestigia pedis mei omnes riuos aggerum: hoc intelligi potest iuxta historiam, quod pro multitudine exercitus omnia fluenta siccauerit, ut puteos sibi fodere sit compulsus: iuxta translationem, quod omnes populos qui sub aquarum nomine interdum scribuntur, suo uastaret exercitu. Nunquid non audisti quæ olim fecerim ex diebus antiquis? Ego

plasmaui

plasmaui illud, & nunc adduxi. Eruntq; in columnam collum pugnantium ciuitates munitæ, & qui sedent in eis humiles manu contremuerunt, & confusi sunt. Facti sunt quasi scenum agri, & uirens herba tectorum: quæ arefacta est antequam ueniret ad maturitatem. Habitaculum & egressum tuum, & uiam tuam ego præsciui, & furorem tuum contra me, Insanisti in me, & superbia tua ascendit in aures meas. Hæc ex persona domini cōtra uerba Assyrj sentienda sunt, quod ad blasphemiam eius sic respōderit dominus. Num ignoras quod hæc quæ fecisti mea feceris uoluntate, & ego hæc futura prædixerim ac per te faciēda mandauerim. Itaque quod olim decreueram hoc expletum est tempore, ut colles, id est, principes qui inter se pugnabant, & ciuitates munitissimæ me contrahente manum meam, nec solitum præbente auxilium eradicarentur, & contremiscerent ac perirent, & cōpararentur non oliuæ & uineæ fructuosisq; arboribus, sed sceno & gramini herbisq; domatim quæ frugibus impedimenta sunt, & ante marcescunt quàm ad maturitatem perueniant. Itaq; sessionem & egressum & introitum tuū ante cognoui, & insaniam qua contra me debacchaturus eras, prophetis uaticinantibus sum locutus, per quos olim dicturum esse te noueram, in cœlum ascendam super sidera cœli ponam thronum meum, erōq; similis altissimo. Itaq; furor tuus & superbia tua peruenit in aures meas, & nequaquā te ultra portabo, ut intelligas quod potuisti, non tuis te potuisse uiribus, sed meo arbitrio. Merbantur enim impiæ gentes & infructuosæ arbores, ut per te quasi securim & ferram meam succiderentur & caderent. Ponam itaque circulum in naribus tuis, & chamum in labijs tuis, ut blasphemantium ora constringam, & nequaquā ultra talia loqui audeas, frenumq; inijciam labijs tuis, quod tuam ferocitatem domet, & te reducat in Assyrios. Tibi autem Ezechia hoc erit signum, Comede hoc anno quæ repperis, & in anno secundo quæ sponte nascuntur, porrò in anno tertio seminate & metite, plantate uineas, & comedite fructum earum. Omnia hæc propheta per nuntios ad Ezechiam loquitur, quid Sennacherib dixerit, quid ei dominus responderit: non ad ipsum sermonem facit, ne forsitan dubitet futura quæ dicta sunt, & idcirco uel maxime prophetæ apud populum sermonum suorum habebant fidē, quia nō solum de his quæ multa post secula futura erant, sed etiam quæ in continēti & post non grandis temporis spaciū essent implenda memorabāt, & quod intra biennium & rex Assyriorum interiret, & urbi Hierusalem securitas redderetur. Hoc erit signum eorum quæ futura pronuntio, quod hoc anno ea comedas quæ repperis, anno autem secundo quæ sponte nascūtur, in anno autē tertio fugato iam Assyrio & obsidione laxata, seminate & metite, plantate uineas & comedite fructus earum: siquidē urbis huius reliquæ quæ nūc hostili uallantur exercitu, & euasuras esse non credūt, tantā recipient rerum omnium abundantiam ac felicitatē, ut instar arboris alta radice fundatæ pomis densissimis impleantur. Et quodcunq; reliquum fuerit de domo Iuda,

mitteret

mittet radicem deorsum & faciet fructum sursum. Quid hoc loco radicem nomine nisi latentes cogitationes accipimus, quæ in occulto prodeunt, sed in ostentatione operis per apertum surgunt. Radicem ergo deorsum mittere, est cogitationē bonam in abditis multiplicare. Fructum uero sursum facere, est efficacia operis recta quæ cogitauit ostendere. Mittit ergo radicem deorsum ut faciat fructum sursum, ac si aperte diceretur: in imis cogitatio nascitur, ut in summis retributio reddatur. De Hierusalem etenim & de monte Sion egredientur reliquiæ, & implebunt terram Iudæam, non suo merito, sed dei misericordia, imò zelo quod aduersus impios zelatus est populum suū. Quod autem ad extremū infert, propter me & propter Dauid seruum meum, illud significat, quod non merito suo sed dei clementia conseruentur, imò patris eorū Dauid memoria, in quo admonentur & suæ negligentiae & illius fidei atque iustitiæ, quod in tantū iusticiam diligat deus, ut etiam posteros hominum sanctorum, non suo merito sed maiorum uirtute tueatur. Factum est igitur in nocte illa, uenit angelus domini & percussit castra Assyriorum. CLXXXV milia.) De hoc quoq; in Paralipomenon legitur, Et misit dominus angelum qui percussit omnem uirum robustum & bellatorem & principem exercitus regis Assyriorū, reuersusq; est cum ignominia in terrā suam. CLXXXV milia fortissimorum uirorum ab uno angelo una nocte ceduntur, & absque uulneribus occisorum mors sæua discurrit, excludens à corporibus animas domini uoluntate: & ipse rex Assyriorum idcirco seruatus est, ut sciret potentiam dei & blasphemantia ora comprimeret, fieretq; testis illius maiestatis quem paulo ante contempserat. De talibus autem rebus agit multa omnipotens deus per angelos, non ut ipse ab eis discat, sed ut ab illo ipsi per uerbum eius agant aut nuncient sine corporali sono etiam quod uoluerit, ab eo missi ad quos uoluerit, totum ab illo per uerbū illud eius audientes, id est, in eius ueritate inueniētes, quid sibi faciendū, quid quibus quādo nunciandū sit. Sed tamen non ex angelis homines, sed ex seipso sicut angelos ita homines beatificat: nec aliqua ex aliquo tēpore, aut ab angelis, aut ab hominibus cognouit ut nosset, sed futura omnia tēporalia, atq; in eis etiā quid & quando ab illo petitori fueramus, & quos & de quibus rebus uel exauditurus, uel nō exauditurus esset sine initio ante præsciuit. Vniuersas autē creaturas suas & spiritales & corporales nō quia sunt ideo nouit, sed ideo sunt quia nouit. Cumq; diluculo surrexisset, uidit omnia corpora mortuorū & frendens abiit, & reuersus est Sennacherib rex Assyriorum & mansit in Ninīue. Cumq; adoraret in templo Nefrach deum suum, Adramelech & Sarasar filij eius percusserūt eum gladio, fugieruntq; in terram Armeniorū, & regnauit pro eo Asorathan filius eius.) Cum enim rex iste reuersus esset Ninīuen urbē sedem regui sui, & adoraret in templo Nefrach deum suum, quasi uictoriam de hostibus reportaret, & delubrū idoli sui triumphator gratulabundus ingrederetur, con-
tempor ueri dei in fano falsi numinis trucidat, nec angeli perijt gladio quod

erat cōmūne cum pluribus, sed parricidio filiorū qui fugierūnt in terram Ararath, in qua scriptura Asorathan filium eius qui regnavit pro eo testatur misisse habitatores Samariæ ne terra remaneret inculta. Ararath autem regio Armeniorū campestris, per quā Araxis fluuius fluit, incredibilis est ubertatis, ad radices Tauri montis, quæ usque illuc extenditur. Ergo & arca in qua liberatus est Noe cum liberis suis, cessante diluuiō nō ad montes generaliter Armeniæ delata est, quæ appellat̃ Ararath, sed ad montes Tauri altissimos, qui Ararath imminent campis. In diebus illis ægrotauit Ezechias usq; ad mortem, & uenit ad eum Isaïas filius Amos propheta, dixitq; ei: Hæc dicit dominus, Dispone domui tuæ, morieris enim tu & non uiues.) Quem diligit dominus corripit, castigat omnem filium quem recipit. Ne eleuaretur cor Ezechia post incredibiles triumphos, & uictoriam de media captiuitate, infirmitate corporis uisitatur, & audit se esse moriturum, ut conuersus ad dominū flectat sententiam eius, sed nulla quæ in hoc mundo hominibus eueniunt, absq; omnipotentis dei occulto consilio fiunt: nam cuncta deus futura præsciens, ante secula decreuit qualiter per secula disponantur. Statutum quippe homini est uel quantum hunc mundi prosperitas sequatur, uel quantum unumquenq; aduersitas feriat, ne electos eius aut immoderata prosperitas eleuet, aut nimia aduersitas grauet. Statutū quoq; est in æterna ueritate quantum in ista uita mortali unusquisq; temporaliter uiuat, quia & si annos xv Ezechia regi ad uitam addidit, omnipotens tamen deus, cum eum mori permisit, tunc eum præsciuit esse moriturū. Qua in re quæstio oritur, quo modo ei per prophetam dicatur: Dispone domui tuæ quia morieris tu & non uiues, cui mortis sententia dicta est, sed protinus ad eius lachrymas est addita uita. Sed per prophetam dominus dixit quo tempore mori ipse debebat, per largitatem uero misericordiæ illo eum tempore à morte distulit, quo ante secula ipse præsciuit. Nec propheta igitur fallax, quia tempus mortis innotuit, quo uir ille mori merebatur: nec dominica instituta conuulsa sunt, quia ut largitate dei anni uitæ crescerent, hoc quoq; ante secula præfixum fuit, atque spacium uitæ quod inopinate foris est additum, sine augmento præscientiæ fuit intus statutum. Conuertitq; Ezechias faciem suam ad parietem.) Quia ad templum ire non poterat, ad parietem templi iuxta quod Salomon palatium extruxerat: uel absolute ad parietem ne lachrymas suas assidentibus sibi ostentare uideretur. Et ait, Obsecro domine memento quæso quomodo ambulauerim coram te in ueritate & in corde perfecto, & quod placitum est coram te fecerim.) Perfectionē cordis nunc in eo dicit quod idola destruxerit, templi ualuas aperuerit, serpentem æneum cōminuerit, & cætera fecerit, quæ scriptura libri Regum & Paralipomenon cōmemorat. Fleuitq; fletu magno.) Propter promissionem domini ad Dauid, quam uidebat in sua morte perituram. Eo enim tempore Ezechias filios non habebat, post tertium enim annum concessæ uitæ, Manassen genuit. Ergo iste omnis est fletus, quia desperauerat

De XV annis
ægroto Eze/
chia additis
xxviii

sperauerat Christum de suo semine nasciturum. Plerumque enim iusti aliqui-
 bus necessitatibus afflicti sua opera coguntur fateri, sed cum eorum dicta in-
 iusti audiūt hęc per elationem potius quàm per ueritatē existimant prolata:
 ex suis enim cordibus uerba iustorum pensant, & dici humiliter posse uera
 bona non existimant. Sicut enim grauis culpa est sibi hoc hominē arrogare
 quod non est, sic plerunq; culpa nulla est, si humiliter bonum dicat quod est.
 Vnde sæpe contingit ut iusti & iniusti habeant uerba similia, sed tamen cor
 semper longe dissimile: & ex quibus dictis dominus ab iniustis offenditur,
 in eisdem quoque à iustis placatur. Nam pharisæus ingressus templum dice-
 bat, Ieiuno bis in sabbato, decimas do omnium quæ possideo, sed iustificatus
 magis publicanus quàm ille exiit. Ezechias quoq; rex cum molestia corporis
 afflictus ad extremitatem uenisset, in oratione compunctus dixit: Obsecro
 domine memento quomodo ambulauerim coram te in ueritate, & corde per-
 fecto. Nec tamen dominus hanc confessionem perfectionis eius despexit,
 aut renuit, quem mox in suis precibus exaudiuit. Ecce pharisæus se iustifi-
 cavit in opere, Ezechias iustum se asseruit etiam in cogitatione, atq; unde ille
 offendit, inde iste domino placuit. Cur itaque hoc nisi quia omnipotens deus
 singulorū uerba ac cogitationes pensat, & in eius auribus superba non sunt,
 quæ humili corde proferuntur. Et factum est uerbū domini ad Esaïam di-
 cens: Reuertere & dic Ezechia duci populi mei. Audiui orationē tuam, uidi
 lachrymas tuas. Ecce ego sanaui te, die tertio ascendes templum domini.)
 Vocatur quoq; Ezechias dux populi & filius Dauid, cuius opera sectabatur.
 Fecerat enim rectum iuxta omnia quæ fecit Dauid pater eius, & auditur eius
 oratio: uidenturq; lachrymæ quomodo ambulauerat coram domino in ue-
 ritate & corde perfecto, & fleuerat fletu magno, & quod placitū est in oculis
 eius fecerat. Et addam diebus tuis xv annos, sed & de manu regis Assy-
 riorum liberabo te & ciuitatem hanc, protegā urbem istam propter me &
 propter Dauid seruum meum.) Secundum quasdam causas futurorū mori-
 turus erat Ezechias, cui deus addidit xv annos ad uitam, id utique faciens
 quod ante constitutionem mundi se facturum esse præsciebat, & in sua uo-
 luntate seruabat. Non ergo id fecit quod futurum non erat, hoc enim magis
 erat futurum quod se facturum esse præsciebat: tamen illi anni additi non
 recte dicerentur, nisi ad aliquid adderētur, quod se aliter in alijs causis habue-
 rat. Secundum aliquas igitur causas inferiores iam uitam finierat: secundum
 illas autem quæ sunt in uoluntate & præscientia dei, qui ex æternitate noue-
 rat quid illo tempore facturum erat, & hoc uere futurum erat, tunc erat finitu-
 rus uitam quando finiuit uitam: quia & si oranti concessum est, etiam sic eum
 oraturum ut tali orationi concedi oporteret ille utique præsciebat cuius præ-
 scientia falli non poterat, & ideo quod præsciebat, necessario futurum erat.
 xv anni Ezechia regi miserante deo protelati ad uitam sunt ei, mystice figu-
 rantes, quia quicunq; utriusq; testamenti plenitudinem custodiunt, æternæ

salutis præmium consequuntur, ac per legis consummationē & Euangelij plenitudinem ad uitæ æternæ transeunt beatitudinem. Dixitq; Esaias, Afferte mihi massam ficorum: Quam cum attulissent & posuissent super ulcus eius sanatum est.) Ac per hoc non spernendam esse medicinam quæ usu constet & experimento, quia & hanc fecerit deus. Post hæc ait Esaias: Hoc erit signum à domino, quod facturus sit dominus sermonem quem locutus est. Vis ut ascendat umbra decem lineis, an reuertatur totidem gradibus? Et ait Ezechias: Facile est umbram crescere decem lineis, nec hoc uolo ut fiat, sed ut reuertatur retrorsum decem gradibus. Inuocauit itaque Esaias propheta dominum, & reduxit umbram per lineam quibus iam descenderat in horologio Achaz decem gradibus.) Idem nomen graduum quod & linearum significat, id est, distinctionem horarum, quas duodecim per diem in horologio notare solemus. Ita erant extructi gradus arte mechanica, ut per singulos umbra descendens, horarum spacia terminaret. Erat autem hora diei decima, quando hæc regi loquebatur. Vis ergo, inquit, ut ascendat umbra decem lineis procedente sole super terram per Boreales plagas usque ad orientem, quod subtus terram cotidiana consuetudine cursus sui erat facturus: an ut reuertatur umbra totidem gradibus conuersa retrorsum, sole ipso quoque per Australem plagam ad orientem regresso. At rex facile est, inquit, umbram crescere decem lineis, nec hoc uolo ut fiat, sed ut reuertatur retrorsum decem gradibus. Vidit nanque quia maioris miraculi esse poterat, si sol contrarium suo mori cursum ageret, q̃ si consueto processu incedens, tametsi multo altius, id est, supra terras elatus ad orientem, quasi secundi diei mane nulla interueniente nocte facturus aduolaret. Nam & hoc qui in insula Thyle, quæ ultra Britanniam est, in ultimis Scytharū finibus degunt, omni æstate diebus aliquot fieri uident: quia sol cætero orbi in occasu & sub terra positus, nihilominus tota nocte supra terram appareat, & quomodo aperte occidens ad orientem humilis redeat manifeste uideatur, donec tempore opportuno denuo toto orbi cōmuni exortu reddatur: sicut & ueterum historiæ & nostri homines æui, qui illis de partibus adueniunt abundantissime produnt. Nunquam autem hī qui interiora Austri incolunt, uidere solem per meridianas plagas queunt ad orientem ab occasu redire. Vt manifestiorem enim sensum legentibus faceret, quod signum & præsentis temporis & futuri typus erat, ut quomodo sol reuertebatur ad exordium sui, ita & Ezechiae uita addita annos redderet, nobis quoque in hebdomade & ogdoade uiuentibus, per resurrectionem Christi uitæ spacia protelentur. Vel certe decem gradus in descensu solis, temporum ordines sunt per quos umbra figurarum Christi descenderat, & per quos iterum sol iustitiæ Christus per resurrectionem ascendit. Primus itaque gradus descensionis in angelis fuit in quo antiquis patribus apparere dignatus est, quia magni consilij nuncius erat. Deniq; & ad Iacob sic loquitur: Et dixit, inquit, angelis dei, Ego sum deus cui unxisti titulum & uouisti

uouisti uotum, ut & angelum & deum ostenderet. Secundus gradus descensionis in patriarchis fuit, quia in omnibus, ut apostolus ait, ipse est operatus. Tertius in legis datione, quia & in lege ipse locutus est. Quartus gradus in Iesu Naue, qui populum in terram repromissionis introduxit. Quintus in iudicibus, quia eundem populum per eos ipse regebat. Sextus in regibus Iudæorum, quia in eis ipse regnabat. Septimus in prophetis, quia per eos est nuntiatus. Octauus in pontificibus, quia ipse summus sacerdos est patris. Nonus in homine. Decimus in passione. Per hos enim gradus decem quos ipse per umbram legis Christus descendit, ac rursus post resurrectionem suam sol iustitiæ Christus per eosdem gradus ascendit in cœlum, & omnem illam umbram legis ueritatis radijs illustrauit, obscura reuelans, clausa reuelans, & omnia tecta denudans. In tempore illo misit Marodachaladan rex Babylonis literas & munera ad Ezechiam, audierat enim quod ægrotasset. In tempore illo, hoc est, in eodem anno quo hæc gesta sunt quæ superius narratur, misit Marodachaladan rex Babylonis libros & munera ad Ezechiam, quia apud eos astrorum obseruantia est stellarumque cursus longo usu & exercitatione cognitus, quod & in dei natiuitate monstratur. Intellexerunt solem reuersum, diei spacia duplicata, seruire ei quem solum deum putabant. Cumque causas huius miraculi rationemque perquireret, fama per omnes gentes uolitante, didicerunt propter ægrotationem regis Iudæ etiam cursum signi clarissimi commutatum. Quod etiam liber Paralipomenon plenissime testatur dicens. Ipse est Ezechias qui fecit in omnibus suis prospere quæ uoluit: attamen in legatione principum Babylonis qui missi fuerunt ad eum ut interrogarent de portento quod acciderat super terram, reliquit eum deus ut tentaretur, & nota fierent omnia quæ erant in corde eius. Idcirco autem tentationi relictus est, quia post tantam uictoriam & solis regressum & congratulationem regni potentissimi cor illius elatum est. Denique in eodem uolumine scribitur. Multi deferebant hostias & sacrificia domino in Hierusalem; & munera Ezechie regi Iudæ, & exaltatus est coram cunctis gentibus: In diebus illis ægrotauit usque ad mortem, & orauit dominum & exaudiuit eum; & dedit ei signum: sed non iuxta beneficia quæ acceperat retribuit quia exaltatum est cor eius, & facta est contra eum ira & contra Iudam & Hierusalem. Rursumque scriptura sancta elationem cordis eius dicit poenitentia mitigatam inferens: & humiliatus est postea eo quod exaltatum esset cor eius tam ipse quam habitatores Hierusalem: & idcirco non uenit super eos ira domini. In diebus illis Ezechias lætatus est in aduentu legatorum Marodachaladan, quem patrem fuisse Nabuchodonosor Hebræi autumant, & in oblatione munerum & congratulatione sanitatis suæ. Ostenditque eis domum aromatum suorum, & thesauros argenti & auri & odoramentorum & ungenti optimi, & omnes thesauros uasorum suorum: non fuit res quam non ostenderit eis in domo sua, & in omni potestate sua.) Vnde iram dei iustissime merebatur,

De Ezechie
diuitijs per
iactationem
ostentatis
XXIX

merebatur, quod non solum thesauros suos atq; palatij, sed & templi ostenderet: quod certe fuit potestas eius de cuius ualuis aureas laminas ante iam tulerat. Introiuit autem Esaias propheta ad regem Ezechiam.) Rursumq; post corporis sanitatem & signi magnitudinem offerri cernimus aliam occasionem superbiæ, quam ut prudens & dei cultor uitare debuerat, nec mōstrare alienigenis diuitias suas, quas deo tribuente possederat: ex quo iuxta legis tropologiam, discimus non mittendas margaritas ante porcos, nec dandum sanctum canibus. Qui enim fidelis est, spiritu abscondit negotia: & quicumque hoc non fecerit, omnis uirtus illius eneruatur, peritq; posteritas: & amisso uirili robore, in muliebrem redigitur mollitudinem. Ingreditur ergo Esaias ad regem, & quasi nescius sciscitatur, Quid dixerunt uiri isti? & unde uenerunt?) Duo interrogat: quid loquuti sunt, & unde uenerunt. Ille ad unum respondit, altero prætermisso. De terra longinqua uenerunt ad me, de Babylone.) Quod quanto terra longior sit unde uenerunt, tanto iste rex gloriosior propter quem uenerunt. Et uenerunt, inquit, ad me: quod debuerat dicere, Venerunt ad glorificandum deum, pro signi magnitudine de Babylone, quæ urbs in toto orbe potētissima est. Rursumq; Esaias, Quid, inquit, uiderunt in domo tua?) Et ille respondit ex parte uerum, quod omnia uiderint in domo illius: nec fuerit res quā non ostenderet eis in thesauris suis: sed alterū tacuit, de quo uerebatur offensam, quod ostenderit eis cuncta quæ haberet in potestate sua, haud dubium quin & templi supellectilem. Propter quæ Esaias dei sermone profert sententiā: Audi uerbū domini exercituum: Veniet tempus quando omnia hæc quæ in domo tua sunt, & non tuo, sed patrum tuorum labore quæsitæ, in Babylonem transferantur, & de semine tuo fiant eunuchi in aula regis.) Ex quo Hebræi uolunt Daniele, Ananiam, Misaelem, & Azariam, qui fuerunt de regio semine, factos esse eunuchos: quos in ministerio fuisse Nabuchodonosor non dubium est. Eunuchos enim, id est abscessos, non negamus aliquos fuisse de semine regio in palatio regis Babylonis, iuxta propheticum beati Esaiæ: Daniel & socios eius credendū nullo modo est: quod si essent, de pulchritudine corporis & aspectu illorum non timeret dux ille, qui eos adhuc pueros erudiebat: quia species faciei solet deperire in pueris abscessis. Fuit autem consuetudo & apud antiquos, eunuchos uocare cubicularios & custodes palatij, qui uxores habebant, & abscessi corpore non fuerunt. Dixitq; Ezechias, Bonum uerbū domini quod locutus est: fiat tantum pax in diebus meis.) In quo ab Hebræis reprehenditur, cur non sit imitatus bonitatē Moyfi, qui locutus est ad deum, Aut dimitte eis hanc noxam, aut si nō facis, dele me de libro quē scripsisti. Quid hoc loco prophetae sententia contra Ezechiam regem, nisi arrogātium hypocritarum cogitationes suas in exquirēda hominum admiratione significat? Per omne enim quod hypocritæ faciunt, occultis cogitationibus laudes hominum requirunt. Operaturi quippe

quippe laudes suas cogitant, laudati autem secum taciti in cogitationibus uersant, gaudent se precibus in humana ueste actione claruisse. Cumq; inflati fauoribus apud semetipsos intumescunt, sæpe mirantur taciti etiam ipsi quod sunt: uideri quotidie semetipsis altiores cupiunt, ac miris inuentionibus in opere excrescunt: quia sicut uirtutes omne uitium eneruant, sic arrogantia roborat. Cogit namq; mentem iuuenescere, & contra uires ualere: quia & quod negat uigor ualetudinis, imperat amor laudis. Vnde & factis suis, ut diximus, arbitros inquirunt: si uero operi testes deesse contingat, narrant ipsi quæ gesserint. Cumq; efferri fauoribus cœperint, sæpe eisdem operibus suis, quæ egisse se referunt, mentiendo aliquid adiungunt. Cum uero & uera dicunt, hæc dicendo aliena faciunt: quia quæsitis remunerati fauoribus, à uera & intima retributione uacant. In eo enim quod bona sua patefaciunt, ostendunt malignis spiritibus, quasi insidiantibus hostibus, unde prædentur. Horum ergo uitam, illa cunctis notissima Ezechiae culpa figurauit. Qui postquam una prece, & sub unius noctis spatio, centum octogintaquinque milia hostium, angelo feriente prostrauit, postquam occasui proximū ad altiora cœli spacia solem reduxit: postquam uitam propinquantem iam termino coarctatam in tempora longiora protelauit: susceptis Babylonici regis nuntijs, bona omnia quæ possidebat ostendit: sed prophetæ protinus uoce audiuit, Ecce dies ueniunt, & auferentur omnia quæ in domo tua sunt, in Babylonem, & nō relinquetur quicquam, dicit dominus. Sic nimirum hypocritæ, postquam magnis uirtutibus excrescunt, quia cauere malignorum spirituum insidias negligunt, & cæleri in eisdem uirtutibus nolunt, bona sua ostendendo hostium faciunt: & prodentes subito amittunt, quicquid diutius studentes operantur. Hinc per psalmistam dicitur, Tradidit in captiuitatem uirtutes eorum, & pulchritudines eorum in manus inimici. Virtus quippe & pulchritudo arrogantium, inimici manibus traditur: quia omne bonum quod per concupiscentiam laudum ostenditur, occulti aduersarij uiri mancipatur. Hostes namq; ad rapinam prouocant, quia suas eorum notitiæ diuitias denudant: quousq; enim ab æternæ patriæ securitate disingimur, in latronum insidiantium iter ambulamus. Qui ergo in itinere deprædari formidat, abscondat necesse est bona quæ porrat. O miseri, qui affectantes laudes hominum, in semetipsis dissipant fructus laborum. Cumq; se ostendere alienis oculis appetunt, damnant quod agunt. Quos nimirum maligni spiritus, cum ad iactantiam prouocant, eorum sicut diximus opera, captiuantes denudant. Hinc est enim quod per euangelium ueritas dicit, Nesciat sinistra tua quid faciat dextera tua, ut sit eleemosyna tua in abscondito, & pater tuus qui uidet in abscondito reddet tibi. Hinc est quod de electorum ecclesia per psalmistam dicitur, Omnis gloria eius filiæ regis ab intus. Hinc Paulus ait, Gloria nostra hæc est, testimonium conscientiæ nostræ. Filia quippe regū ecclesia, quæ in bono est opere spiritaliū principū præ-

dicatione generata, gloriam intus habet, quia hoc quod agit in ostentationis iactantia non habet. Gloriam suam Paulus testimonium conscientiae memorat, quia dum fauores oris alieni non appetit, uitae suae gaudia extra semetipsum ponere ignorat. Occultanda sunt ergo quae agimus, ne haec in huius uitae itinere incaute portantes latrocinantium spiritu in caritione perdamus.

De Manasse

rege XXX

Duodecim annorum erat Manasses cum regnare coepisset, & LV annis regnavit in Hierusalem, fecitque malum in conspectu domini iuxta idola Gentium, quas deleuit dominus a facie filiorum Israel: conuersusque est & aedificauit excelsa quae dissipauerat Ezechias pater eius: & erexit aras Baal & fecit lucos sicut fecerat Achab rex Israel, & adorauit omnem miliciam coeli & conluit eam, & extruxit aras in domo domini, de qua dixit dominus: In Hierusalem ponam nomen meum. & extruxit altaria uniuersae militiae coeli in duobus atrijs templi, & transduxit filium suum per ignem & ariolatus est, & obseruauit auguria: & fecit Pythones & aruspices, multiplicauit ut faceret malum coram domino & irritaret eum.) Haec ergo omnia, id est, siue auguratio, siue auspiciu, siue quaelibet immolatio, siue etiam sorticio, aut quicumque motus auium, uel pecudum, & inspectio quaecumque fibrarum, aut aliquid quod de futuris uideatur ostendere, in operatione daemonum fieri non dubito, diligentium uel auium uel pecudum, uel si fibrarum motus aut sortiu secundum ea signa quae docuerunt iidem daemones obseruari ab his quibus artis huius scientiam tradiderunt: a quibus omnibus is qui homo dei est & in portione dei numeratus penitus debet esse alienus: nec aliquid in his habere comune, quae occultis machinis daemones operantur, ne forte rursus per haec daemonibus societur, atque eorum spiritu & uirtute repleatur, & ad idolorum cultum denuo reparetur. Post aliquanta dicitur, quod miserit Iosias nuncios ad Obedam prophetissam uxorem Sellum quae habitabat in Hierusalem in secunda, propter librum legis diuinae qui inuentus fuerat.) Quid sit hoc quod dicitur, quod habitauerit in secunda, in superiori parte libri huius scribitur de rege Ezechia: Aedificauit quoque omnem murum qui fuerat dissipatus, & extruxit turres, & forinsecus alterum murum. Meminit huius loci & Sophonias dicens: Vox clamoris ad portam piscium & ululatus a secunda, pro qua uetus editio quasi proprium nomen loci transtulit in Masana. Masana quippe interpretatur secunda. Quod ergo dicit haec prophetissa habitasse in secunda, in secundi muri parte intelligere debemus. Regi autem Iuda qui misit uos, ut consuleretis dominum, sic dicetis: Haec dicit dominus deus Israel, Pro eo quod audisti uerba uoluminis huius, & perterritum est cor tuum & humiliatus es coram domino auditis sermonibus contra locum istum & habitatores eius, quod uide licet fierent in stuporem & maledictum, & scidisti uestimenta tua & fleuisti coram me, & ego audiui dicit dominus: idcirco colligam te ad patres tuos, & colligeris in sepulchrum tuum in pace, ut non uideant oculi tui omnia mala quae adducturus sum super locum istum.) Territus iste dei cominationibus fleuerat, & sua uestimenta

De Iosia rege
XXXI

uestimenta confiderat, & sit omnium malorum futurorum de preparata morte securus, quod ita requieturus esset in pace, ut illa omnia non uideret. Ibi ergo sunt spiritus defunctorum, ubi non uident quæcunque aguntur aut eueniunt in ista uita hominū: Quomodo ergo uident tumultos suos aut corpora sua, utrum abiecta iaceant an sepulta? Quomodo interfunt miseræ uiuorū, cum uel sua ipsi mala patiantur si talia merita contraxerunt: uel in pace requiescant, sicut huic Iosifæ promissum est, ubi mala ulla nec patiendi sustineant: liberati ab omnibus malis, quæ patiendi & compatiendi cum hic uiuerent sustinebant. Dixerit aliquis: Si nulla est mortuis cura de uiuis, quomodo ille diues qui apud inferos torquebatur rogabat Abraham patrem, ut mittat Lazarum ad quinque fratres suos nondum mortuos, & agat cum eis, ne ueniant & ipsi in eundem tormentorum locum. Sed nunquid quia hoc ille diues dixit, ideo quid fratres agerent uel quid paterentur illo tempore sciuit. Ita illi fuit cura de uiuis quamuis quid agerent omnino nesciret, quemadmodum est nobis cura de mortuis, quamuis quid agant utique nesciamus: Nam si nihil de mortuis curaremus, non utique pro illis deo supplicaremus. Denique Abraham nec Lazarum misit, & Moysen & prophetas, hic eos habere respondit quos audire deberent, ut ad illa supplicia non uenirent. Vbi rursus occurrit, quomodo quid ageretur Abraham pater ipse sciebat, ubi sciebat esse Moysen & prophetas, id est, libros eorum quibus homines obediendo tormenta infernalīa uitarent. Denique nouerat diuitem illum in delictis, pauperem uero Lazarum in laboribus uixisse. Nam & hoc illi ait: Memento fili quia recepisti bona in uita tua, Lazarus autem mala. Sciebat ergo hæc quæ utique apud uiuos non apud mortuos gesta fuerant: uerum non cum agerentur in uiuis, sed cum eis mortuis potuit Lazaro indicante cognoscere, ne falsum sit quod ait propheta, Abraham nesciuit nos. Proinde fatendum est nescire quidem mortuos quid hic agatur, sed dum hic agitur: postea uero audire ab eis qui hinc ad eos moriendo pergunt, non quidem omnia, sed quæ sinuntur indicare, & illa tantum meminisse, quæ illos quibus hæc indicant oportet audire. Possunt & ab angelis qui rebus quæ aguntur hic præsto sunt audire aliquid mortui, quod unumquemque illorum audire debere iudicat, cui cuncta subiecta sunt. Nisi enim essent angeli qui possent interesse & uiuorum & mortuorum locis: non dixisset dominus Iesus, contigit autem mori inopem illum & afferri ab angelis in sinum Abraham. Nunc ergo hic, nunc hic illi esse potuerunt, qui hinc illum quem deus uoluit abstulerunt. Possunt etiam spiritus mortuorum aliqua quæ hic agantur, quæ necessarium est eos nosse, non solum præsentia uel præterita, uerum etiam futura spiritu dei reuelante cognoscere: sicut non omnes homines sed prophetæ dum hic uiuerent cognoscebant, nec ipsi omnia, sed quæ illis esse reuelanda dei prouidentia iudicabat. Mitti quoque ad uiuos aliquos ex mortuis, sicut e contrario Paulus ex uiuis in paradysum raptus est, diuina scriptura testatur.

Nam

Nam Samuel propheta defunctus uiuo regi Sauli etiam futurum prædixit: quamuis nonnulli non ipsum fuisse qui potuisset magicis artibus euocari, sed aliquem spiritum tam malis operibus congruentem, illius existiment similitudinem figurasse. Hæc per excessum idcirco protulimus, ut nouerint homines æternā ueritatem quærere, qui uolunt saluari, à quo creati sumus, in quo uiuimus, per quem mouemur & sumus: animas autem sanctas, sanctas eas credamus esse, & non humanis miserijs interesse, sicut dicit Esaias ad deum qui erat filius Abraham, Tu domine pater noster es, Abraham nesciuit nos & Israel non cognouit nos. Post hæc sequitur historia de gestis Iosias, ita dicens: Contaminauit quoque Tophet quod est in conualle filij Ennon, ut nemo consecraret filium suum aut filiam per ignem Moloch.) Frequens est in scripturis horum mentio locorū, maxime in libro Regum & Hieremiæ prophætæ. Est autem uallis Ennon siue filij Ennon iuxta murum Hierusalem contra orientem, in qua nemus pulcherrimum Syloæ fontibus irrigatur. Tophet autem erat locus in eadem conualle iuxta piscinam fullonis, cuius meminit scriptura, & iuxta agrum Acheldemach qui usque hodie monstratur ad australem plagam montis Sion. Solebant autem in Tophet, quia locus erat amoenissimus, unde hodieque hortorum præbet delicias, ara posita sacrificare demonibus, nefandoque rogo suos consecrare liberos siue holocaustū offerre, sicut in libro uerborum dierum de Achaz rege scriptum est: Ipse est qui adoleuit incensum in ualle Benennon, & lustrauit filios suos in igne Benennon, siquidem filium Ennon significat. Vallis autem Ennon hebraice dicitur gehennon, cuius nomine in nouo testamento poena inferorum gehenna cognominatur: quia nimirum sicut in conualle Ennon qui idolis seruierunt, in ea prophetis adtestantibus perierunt, ita peccatores ex his quæ peccauerunt, æterna damnatione puniuntur. Denique Hieremias cum referret sibi præcepisse dominum, ac dixisse ad uallem filij Ennon quæ est iuxta introitum portæ fictilis, paulo post dicit, Et non uocabitur locus iste amplius Tophet & uallis filij Ennon, sed uallis occisionis: & dissipabo consilium Iudæ & Hierusalem in loco isto, & subuertam eos gladio. Esaias quoque manifestissime Tophet infernum appellat, qui cum perpetuum diaboli interitum sub nomine Assur describeret, dicens: A uoce enim domini pauebit Assur uirga percussus, & erit transitus uirgæ fundatus, quam requiescere faciet dominus super eum: statim quomodo & ubi esset periturus subdidit dicens: Præparata est enim abheri tophet à rege, præparata profunda & dilatata: Pulchre ait & dilatata, quia Tophet dicitur latitudo. Nutrimenta, inquit, eius ignis & ligna multa, flatus domini sicut torrens sulphuris succendens eam. Contaminauit autem Iosias Tophet, uel ossa mortuorum ibi, sicut in sequentibus de alijs idolorum locis fecisse legitur, uel alia quælibet immunda dispergens, quatinus abominationi potius quàm delectationi aptus omnibus qui aspicerent locus appareret. Quod sequitur de eodem rege Iosia: Abstulit quoque equos

equos quos dederat reges Iuda Soli in introitu templi domini, & paulopost: Currus autem Solis combussit igni, ostendit omnium gentium idolatrarum superstitioni Iudæos eo tempore fuisse mancipatos, ita ut in uenerationem Solis quem more Gentilium deum esse credebant, simulachro eius quod fecerant currus equosque subdiderint, & hoc in atrijs templi domini: sic enim solent Gentiles pingere uel facere simulachrum Solis, ut puerum imberbem in curru ponentes, equos eidem quasi curru cælum petentes subiungent. Cui propterea pueri aptant imaginem, quia sol uelut cotidie nouo ortu natus nullum per secula senium incidit. Vt autem eidem currus & equos tribuant de miraculo sumptum Heliae prophetae, quia curru igneo & equis igneis est raptus ad cælum, Ioannes Constantinopolitanus episcopus æstimat, quia enim græce helios dicitur sol, sicut etiam Sedulius cum de Heliae ascensu caneret ostendit dicens: Quam bene fulminei præluces semita cœli Conuenit Heliae, meritoque & nomine fulgens, Hac ope dignus erat: nam si sermonis huius una per accentum mutaretur litera, sol est: audiētes græci ab Israelitis, quos diuinas literas habere fama prodebat, prædicari, quod Helias curru igneo & equis sit igneis ad cœlestia translatus, uel certe hoc ipsum inter alia depictum in pariete uidentes, crediderunt uicinia decepti nominis, solis hic transitum per cœlos esse designatum: & miraculum diuinitus factum, commutarunt in argumentum erroris humana stultitia commendatum: quos imitati ipsi Iudæi sategerunt ne in aliquo gentilium stultissimis minus parerent stulti. Quod paulopost de eodem rege dicitur: excelsa quoque quæ erant in Hierusalem ad dexteram partem montis offensionis, quæ ædificauerat rex Salomon Astaroth idolorum Sidoniorum & Chamos offensionis Moab, & Melcho abominationi filiorum Ammon, polluit rex & contriuit statuas, & succidit lucos, repleuitque loca eorum ossibus mortuorum.) Luce est clarius quod excelsa nominare solet scriptura loca in collibus posita frondentibus, in quibus uel dæmonibus immolabant, uel etiam domino, locorum amœnitate allekti, contra interdictum relictæ altari quod erat in templo hostias offerebant. Vnde sæpius in hoc libro de regibus qui minus perfecte iusti fuere dicitur, Veruntamen excelsa non abstulit. Montem autem offensionis montem idoli dicit, quia nimirum consuetudinis est scripturarum offensionem idola nuncupare: quia uel in illis offenditur deus, uel offensionem & ruinam suis afferunt cultoribus: sicut in hac ipsa sententia subsequenter intimatur dum dicitur, quod ædificauerat Salomon rex Israel Astaroth idolo Sidoniorum, & Chamos offensionis Moab, & montem abominationi filiorum Ammon. Vbi quoque, ni fallor, palam ostenditur, quod utinam non ostenderetur, quia uidelicet Salomon de admissio idololatriæ scelere nunquam perfecte pœnituit. Nam si fructus pœnitentiæ dignos faceret, satageret ante omnia, ut idola quæ ædificauerat de ciuitate sancta tollerentur, & non in scandalum stultorum, quæ ipse cum fuisset sapientissimus erronee fecerat, quasi sapienter ac recte facta

reliqua

reliquisset. Meminit supra & huius loci scriptura dicēs, Tūc ædificauit Salomon fanū Chamos idolo Moab in monte qui est contra Hierusalem, & moloch idolo filiorū Ammon. Nec uideri debet contrarium quod ibi mons in quo facta sunt hæc idola contra Hierusalem: hic in Hierusalem esse positus asseritur, quia nimirum in tanta erat urbis uicinia positus, ut ad ipsam pertinere & ad ipsam quoq; sordibus quæ in eo congerebantur attingere uideret.

De Nabuchodonosor
XXXII

Quod referens de Nabuchodonosor, quia transtulerit omnē Hierusalem, & uniuersos principes, & omnes fortes exercitus decem milia in captiuitatem, addidit scriptura dicens, Et omnem artificem & clusorem: hoc est quod supra eidem populo Israel Philistiim regnantes fecisse narrantur cum dicitur: Porro faber ferrarius non inueniebatur in omni terra Israel. Caucrant enim Philistiim, ne forte facerent Hebræi gladium aut lanceam. Sicut enim tunc illi cauerunt ne haberēt fabros ferrarios Hebræi qui arma ad repugnandum facerent: ita nunc Chaldei destructa Hierusalem & uastata omni terra repositionis satagerūt, ut nullus in ea remaneret artifex, nullus clusor, qui uel fœdata urbis mœnia componere uel possit resarcire disructa: quin potius quicquid apud gentem exterminatā artis inuenerant totum Babyloniam transferunt, ut uel ad nihilum ualeat ultra, uel illius ciuitatis utilitatibus proficiat: cuius tam deflendæ historiæ, qua multum negligentia nostri temporis congruit, non opinor allegoriā esse reticendam. Constat namq; quia Hierusalem & terra Israel ciuitatem Christi, id est, ecclesiam sanctam: Babylon autem & Chaldæi siue Philistei ciuitatem diaboli, id est, omnem malignorū spirituum siue hominum siue angelorum multitudinem designant. Seruitq; Israel Philistæis siue Chaldæis, cum fideles quicq; nominetenus in ecclesia consistentes, ab immundis uel spiritibus uel hominibus decepti, aut auariciæ, aut luxuriæ, aut alteri cuiuslibet peccato mentis colla submitunt. Abducit autem Nabuchodonosor Hierusalem & uniuersos principes fortesq; exercitus decem milia in captiuitatem, cum eis & magistros populorū & eos qui inuicibili animo domino seruire, ac decalogum legis fideliter in dei ac proximi uidebātur amore conseruare, cum subito siue illecebris mundi seu aduersitatibus subacti, aut maioribus se polluant facinoribus, aut certe in hæresim declinando apertæ apostasiæ notam incidunt. Arma uero quibus contra diabolū repugnantes, libertatem à deo nobis donatam defendamus, quæ sunt alia nisi eloquia scripturarum, in quibus & ipsius domini & sanctorū eius exemplis quo ordine bella uiciorum superari debeant, luce clarius discimus. Sed Philistei filios Israel fabris armorū priuant, cum maligni spiritus animos fidelium à meditatione sacre lectionis secularia illis negocia inferendo retardant: ne uel ipsi per huius exercitium resistendi fiduciam sumant, uel aliquos forte qui legere nesciunt ad resistendum uicijs exhortando aut corripiendo accēdant. Tollunt fabros armorum, cum eos qui sacra eloquia norunt in tantum sceleribus obtrunt, ut dicere bona quæ didicerāt prorsus erubescant. Transferunt omnem artificem

artificem & clusorem in Babyloniam de Hierusalem, cum eos qui multipharia uirtutum operatione pluribus prodesse, & ciuitatem dei contra irruptiones tentationum munire solebant, à proposito deflectunt, atque ingenium quod tuitioni sanctæ ecclesiæ impendere debuerant, ad uoluntatem potius regis uitiorum dispensare compellunt. Quod si clusorem hoc loco non osti-
 orum siue murorum, sed auri potius gemmarumq; intelligere uouerimus, ad unum profecto eundemq; spiritualis expositio finem respicit. Dictum quippe est de sapientia, quia aurum est, & multitudo gemmarum, atq; ideo clusores horum non alios aptius quàm doctores intelligere ualemus, qui quamdiu recte uiuunt ac docent, in ornatum sanctæ ciuitatis industriâ suæ artis impendunt. At si forte errauerint, quid nisi à rege Chaldæorum capti-
 ui Babyloniam transferuntur? Artificem & clusorem ab Hierosolymis trans-
 migrare Babyloniam, est talentum uerbi cœlitus acceptum in terram deso-
 diri, id est, sapientiam spiritualement ad peccatorum opera conuerti. Post-
 hæc infert scriptura quod fugientem regem Sedechiam ab exercitu Chal-
 dæorum apprehensum, duxerunt ad regem Babylonis in Reblatha, qui lo-
 cutus est cum eo iudicium: filios autem Sedechiæ occidit coram eo, & ocu-
 los eius effodit, uinxitq; eum catenis, & abduxit in Babylonem. Dum sacra
 scriptura Sedechiæ captiuitatem narrat, ordinem captiuitatis internæ de-
 nuntiat. Rex quippe Babylonis est antiquus hostis, possessor intimæ confu-
 sionis, qui prius filios ante intuentis oculos trucidat, quia sæpe sic bona ope-
 ra interficit, ut hæc se amittere ipse, qui captus est dolens cernat. Nam gemit
 plerumq; animus, & tamen carnis suæ delectationibus uictus, bona quæ ge-
 nuit amans perdit, ea quæ patitur damna considerat, nec tamen uirtutis bra-
 chium contra regem Babylonis leuat. Sed dum uidens nequitia perpetrati-
 one percutitur, ad hoc quâdoq; peccato superducitur, ut ipso quoq; rationis
 lumine priuetur. Vnde Babylonis rex extinctis prius filiis, Sedechiæ oculos
 eruit, quia malignus spiritus subductis prius bonis operibus, postea intelli-
 gentiæ lumen tollit. Quod recte Sedechias in Reblatha patitur. Reblatha
 quippe, multa hæc interpretatur. Ei enim quandoq; & lumen rationis clau-
 detur, qui prauo usu ex iniquitatis suæ multitudine grauatur. Sicut enim quar-
 ta die cœlum in initio creaturarum luminaribus ornatum extitit, ita quarta
 ætate mûdi Israeliticus populus cœlesti fide inclitus, à prophetis quasi à stel-
 lis illuminatus, regno Dauid & Salomonis gloriosus, templi etiam altitudi-
 nē toto est nobilitatus in orbe. Sed accepit uesperam, quando crebrescenti-
 bus peccatis regnum illud à Chaldeis dissipatum, templum dirutum, & to-
 ta illa gens in Babyloniam est translata. Quæ quarta seculi ætas à Dauid
 usq; ad trāsmigrationem Babylonis, habet annos iuxta Hebraicam uerita-
 tem CCCCLXXIII, iuxta LXX interpretes aliquot amplius, generatio-
 nes iuxta utrorumq; codices XVII, quas tamen Euangelista Mathæus cer-
 ti mysterij gratia, XIII ponit, à qua uelut iuuenili ætate in populo dei re-

gum tempora cœperunt. Hæc namq; in hominibus ætas apta ad gubernandum solet existeret. Sedechias autem superscriptus filius Iosæ regnavit annis X I. Huius X I anno, regis autē Babylonis X V I I I, secundum dies lunares mense I I I I, V die mensis, iuxta solares uero dies, V I I I kalendas Iulij, luna V, quem illi quintum diem cōputant, feria V I I aperta est ciuitas, & ingressi sunt omnes principes regis Babylonis, possederūtq; ciuitatē, & transdixerunt populum captiuum in Babylonem: & inde postea Nabuzardan princeps militiæ exercitus Babylonis mense V, X die mensis lunaris, solaris uero V kalendas Augusti, luna X, quam Hebræi decimū diem quinti mensis uocant, destructi sunt muri ciuitatis, & templū pariter incensum atq; uastatum est, anno ex quo fundari cœpit, C C C C X X X. Si uero à me quærat per quid sciam hoc, aut quomodo potuit hoc fieri, ut talibus diebus uel comprehensa fuerit ciuitas, uel incensa, respondeo quia ipso anno X kalendis Aprilis extitit, secundum dies lunares anni principium, & primi mensis initium. Iam ipsa in Babyloniam transmigratio, quo etiā spiritus dei per Hieremiam prophetam iubet ut pergant, & orent pro eis ipsis, in quorū regno peregrinantur, quod in illorum pace etiam pax esset istorum, & ædificarent domos, & nouellarent uineas, & plantarent hortos: quis non agnoscat quid præfigurauerit, qui attenderit ueros Israelitas, in quibus dolus non est, per apostolicam dispensationem cum euangelico sacramento ad regnum gentium transmigrasse? Vnde nobis Apostolus tanquam Hieremias replicans ait. Volo ergo primum omnium fieri deprecationes, orationes, interpellationes, gratiarum actiones, pro omnibus hominibus, pro regibus, & his qui in sublimitate sunt, ut quietam & tranquillam uitam agamus in omni pietate & castitate. Hoc enim bonum & acceptum est coram saluatore nostro deo, qui omnes homines uult saluos fieri, & in agnitionem ueritatis uenire. Ex hoc quippe etiam illis credentibus domicilia sunt constructa pacis, basilicæ Christianarum congregationum, & nouellatæ uinæ populorum fidelium, & plātati horti, ubi etiam inter omnia holera granum illud sinapis regnat, sub cuius umbraculis longe lateq; potestis, etiam altipetax superbia gentium tanquam in cœli uolatilibus confugiendo requiescit. Nam quod etiam post L XX annos secundum eiusdem Hieremiæ prophetiam reditur ex captiuitate, & templum renouatur, quis fidelis Christi non intelligat, post euoluta tempora quæ septenarij dierum numeri repetitione transcurrunt, etiam nobis, id est, ecclesiæ dei ad illam cœlestem Hierusalem ex huius seculi peregrinatione redeundum? Per quem nisi per Iesum Christum uere sacerdotem magnum, cuius figurā gerebat ille Iesus sacerdos magnus illius temporis quo templum ædificatum est post captiuitatem, quem propheta Zacharias uidit in sordido habitu, deuictorq; diabolo, q ad eius accusationem stabat ablatam illi sordidam uestem & datum indumentum honoris & gloriæ: sicut corpus Iesu Christi, quod est ecclesia aduersario in fine temporum per iudiciū

per iudicium superato à luctu peregrinationis in gloriam sempiternæ salutis assumetur? Quod etiam in Psalmo dedicationis domus apertissime canitur. Conuertisti planctum meum in gaudium mihi & cætera. Quis potest ex occasione alterius operis omnia quæ in illis ueteribus legis & prophetarum libris Christum annuntiant, quantalibet breuitate perstringere, ne forte quis putet ingenio fieri, ut ea quæ rerum ordine sua tempora cucurrerunt, ad Christi significationes interpretando uertantur? Hoc forte Iudæi possunt dicere siue pagani, eis autem qui se Christianos putari uolunt, premit ceruicem Apostolica autoritas dicens, omnia hæc in figura contingebant illis, & hæc omnia figuræ nostræ fuerunt.

FINIS

ORNATISSIMO VIRO D. IANO A SVOLLA,
equiti ac iureconsulto suo. Ioannes Alexander
Brassicanus, S. D. P.



CVLATVS ipse mihi testis es amicis. mi Iane, quātum mihi laboris exhauriendum, imò ut uerius dicam, quātum tædij exsorbendū fuerit in restituendis ac repurgandis Eucherij spiritualibus illis formulis. Nam exemplū recens æditum non tantum mutilum, uerum etiā eximie mendosum fuit. Cuius rei culpam, tantum abest, ut illi imputem, qui primum nobis hoc dedit, ut etiam benignitatem hominis eruditi ac candorem laudibus uehementem existimem, qui studiosis exhibere maluit, id quod commodum acquiserat, quæ ut pateretur hoc intercidere. Nos autē exemplo & integro & egregie sincero usi, quod nobis cum plerisque alijs eque bonis autoribus, Reuerendus pater, Dominus Ioānes Hartmannus abbas sanctæ Crucis in Austria uir & studiorū & studiosorū unicus patronus, meū autē præcipuū decus & præsidium, libenter & ex animo cōmunicauit: primū id quod deerat adieci-
mus, & quæ deprauata fuerant, religiose castigauimus. quod ut studiosi plān-
ius cognoscant, subiiciam duo tantū exempla, ex quibus reliqua facile, tan-
quam leonem ex unguibus æstimare possint. Primum caput de diuinis no-
minibus, quod totū desiderabatur, iam ex ueteri, neq; minus sincero exem-
plo repositum est, iam enim consulta opera prætermitto, quanta facta sit in
omnibus capitibus accessio. in præfatione Eucherij sic legitur: atqui secundū
allegoriam Baptismus, secundum anagogen angeli: cum sit legendū, Aquæ
secūdum allegoriam baptismus, secundum anagogen angeli, unde est illud
Et aquæ quæ super cœlos sunt laudent nomen domini & cætera. Non equi-
dem

dem inuideo, si quis ueteres scriptores in lucem proferat, miror autem magis, si quis in ijs castigate depromendis, omnem operam suam collocet, sed hæc hæcenus. Cæterum quod apud Latinos fecit Eucherius, hoc apud Græcos exactissime præstitit Theodoretus ille Cyrensis Episcopus, ex cuius insigni opere quod apud nos est in antiquis membranis descriptū, libet hic aliquot egregie erudita loca adscribere, ex quibus uniuersi illius operis dignitas & utilitas elucescet, οἶνος ἐπὶ θεῷ ἡ τιμωρία, δαβὶδ, ὅτι ποτήριον ἐν χερσὶ κυρίου δὶνεν ἀκράτῳ πλῆρες κέρασματος, hoc est, uinum diuinam pœnam si

Psalmo 74
Numeri 8

gnificat. Sic David, quia poculum in manu domini uini meri, plenū mixto. Item αἱ τρίχες τῆς νεκρώσεως σύμβολον. νεκροὶ γὰρ αὐταί, καὶ ὁ δαίμων αἰσθάνεται ὅτι δεχόμεναι. τὴν ἀληθινὴν τοίνυν ζωὴν ἐχόντες κενεὴ τῶ θεῷ λήττες γίνονται, καὶ μηδὲν ἐχόντες νεκρόν, καὶ οὐ δύναται. τὰ τοῦ θεοῦ ἡμεῖς διδάσκοντες πάντες. χεῖρας φησὶν συνεισενεργεῖν. ἡ δὲ ἐκ τῆς ἐγῶ. ἡ δὲ ἐν ἐμοὶ χεῖρας. ταῖς θείαις φησὶν ἐνεργείαις ἐμὰν τὸν ἀφίερωσα, hoc est. Pili mortalitatis symbolū sunt: mortui enim cum sint, nullum doloris sensum admittunt. admonet igitur & imperat eos ueram agere uitam, qui dei ministerio sese addixerunt, nihilq; habere mortale & foetidum. quod etiam nos docet diuinus ille Paulus, cum Christo, inquit, crucifixus sum, uiuocq; nō amplius ipse, sed uiuit in me Christus: quasi diceret, quod se sacris officijs, diuinisq; actionibus addixisset, & cætera. Habent autē eiusmodi formulæ quidam commune cum Hebræorum Cabala, quam Græci quondam parum animaduertentes secretis sensibus eruendis esse ualde quàm appositam, καβαλα paucis literis immutatis, hoc est, imposturas appellabāt. Ita enim Scholiastes Gregorij Theologi scribit. & quoniam de ea re nostri etiā homines, nimirū Ioannes Picus Mirandulanus, Paulus Ritijs, & Ioannes Capnion uiri cum omni antiquitate certantes abunde scripserunt, nihil hic dicam prolixius, sed studium tantum meum & expromptam omnia recta studia promouendi uoluntatem, tibi commendo. Cæterum quotiescunq; te no-

mino, uolo semel ac unico uerbo omnes illos qui ingenio, uirtute, bonis moribus, ac absoluta eruditione præstant, significasse,

Vale bene uir nobiliss. ac mihi modis omnibus

amande. Viennæ Austriæ ex collegio

regio, Anno à nato Iesu,

M D XXX

menſe Decembri.

EVCHERII EPISCOPI

LVGDVNENSIS IN LIBRVM FORMVLARVM SPI-

ritalis intelligentiæ præfatio ad Veranium.



FORMULAS spiritualis intelligentiæ latinorum nomi-
num componendas, tibiq; mittendas pro studio pater-
næ erga te sollicitudinis existimaui, quibus perceptis, in
omnia scripta diuina facillime ac intellectum reliquorum
sensus intenderetur. Nam cum litera occidat, spiritus au-
tem uiuificet, necesse est ad illa spiritualium interiora ser-

*Scriptura al-
legorice intel-
ligenda.*

Psal. 77

Marci 4

monum spiritu uiuificante penetrari. Vniuersam porro scripturam tam ue-
teris instrumenti quàm noui, ad intellectum allegoricū esse sumendū, admo-
net nos uel illud, quod in ueteri testamento legimus. Aperiam in parabolis
os meum, loquar in ænigmate antiqua. Vel illud quod item in nouo testa-
mento scribitur. Hæc omniā locutus est Iesus in parabolis ad turbas, & sine
parabolis nō loquebatur eis. Nec mirandū, quod sermo diuinus, propheta-
rum, apostolorūq; ore prolatus, ab usitato illo hominibus scribendi modo
multū recesserit, facilia in promptu habēs, magna in interioribus suis conti-
nens: quia & reuera fuit congruum, ut sacra deo dicta à cæteris scripturis, si-
cut merito, ita & specie discernerentur, ne illa cœlestium arcanorum dignitas
passim atq; indiscrete cunctis patefceret, sanctumq; canibus, & margaritas
porcis exponeret: & cōsecrata uasa templi inuoluta promiscuus populus fer-
ret nec uideret, & ut uere ad illius columbæ deargentatæ modū, cuius poste-
riora in specie auri splendentis irradiant, scripturæ diuinæ prima quæq; ar-
gento fulgerent, & auro occultiora rutilarent. Recte itaque procuratum est,
ut eloquiorum illa castitas à promiscuis cunctorum oculis abdito suo quasi
quodam uelamine pudiciæ contegeretur: ac diuina optime dispensatione
prouisum est, ut scripta ipsa ita cōtegerentur, cœlestibus obumbrata myste-
rijs, sicut secreto ipsa suo diuinitas operiebatur. Igitur cū in libris sanctis ocu-
li domini, os domini, uterus domini, manus pedes domini, arma etiā domi-
ni scripta reperiantur, longeq; absit à catholica ecclesiarum fide deum corpo-
re determinari, qui sit inuisibilis, incomprehensibilis, incommutabilis & infi-
nitus, requirendum est qualiter ista per spiritum sanctum figurali expositio-
ne referantur. Hic enim inueniuntur illa dominici interiora templi, hic illa san-
cta sanctorum mysteria enigmatibus relectis. Corpus ergo scripturæ sacræ,
sicut traditur, in litera siue historia est: anima in morali sensu, qui tropicus di-
citur: spiritus in superiore intellectu, qui anagoge appellat. Quā triplicē scri-
pturarum regulam conuenienter obseruat confessio sanctæ trinitatis, sancti-
ficans nos per omnia, ut integer spiritus noster, & anima, & corpus sine que-

*Triplex scri-
pturæ sensus*

Historia
Tropologia
Anagoge
Allegoria

rela in aduentum domini nostri Iesu Christi, iudiciūmque seruetur. Sapiētia autem mundi huius philosophiā suā in tres partes diuisit, physicā, ethicā, logicā, id est, naturalem, moralem, rationalem. Sed naturalem illam pertinentem ad causas naturæ, quæ uniuersa continet: moralem, quæ respiciat ad mores: rationalem uero quæ de sublimioribus disputans, deū omnium patrem esse confirmet. Quam tripartitam doctrinæ disputationē nō adeo abhorret illa nostrorum in disputatione distinctio, qua docti quique hanc cœlestem scripturarum philosophiam secundum historiam, secundum tropologiam, secundum anagogen differendam putarunt. Qua propter historia ueritatem nobis factorum, ac fidem relationis inculcat. Tropologia ad uitæ emendationem mysticos intellectus refert. Anagoge ad sacratiora cœlestium figurarum secreta perducit. Sunt etiā qui Allegoriam in hoc scientiæ genere quarto in loco adijciendam putent, quam gestorum narrationem, futurorum umbram prætulisse confirmant. Hæc uero ipsa ut subiectis plenius manifestentur exemplis: Cœlum est secundum historiam hoc quod intuemur, secundum tropologiam uita cœlestis: aquæ secundum allegoriam baptismus, secundum anagogen angeli, unde est illud. Et aquæ quæ super cœlos sunt laudent nomen domini. Omnis autem disciplina nostræ religionis, ex illo duplicis scientiæ fonte manauit: cuius primam practicen, secundam theoricen uocauerunt, id est actualē, & contemplatiuam. Vnam, quæ actualē uitā morū emendatione cōsummet: aliā, quæ in contēplatione cœlestiū & diuinarū scripturarū disputatione uersetur. Ergo actualis sciētia in diuersa studia diffunditur, contēplatiua in duas deriuatur partes, id est in historica disputatione, & spiritalis intelligentiæ interpretatione cōsistit. Sed his nunc remotis, formulas intelligentiæ spiritalis quas spondimus proponamus, currētes per singulorū nominū figuras, quibus ista in illo diuinæ lectiōis inferta textu accipi solēt. Oremus itaque dominū, ut reuelet abscondita scripturarum suarum, & proferamus quomodo secretiora intellectu sentiendum sit.

- I De diuinis nominibus
- II De his quæ appellātur membra domini, uel quæ de eo significātur.
- III De supernis creaturis
- IIII De terrenis
- V De animantibus
- VI De uarijs nominum & rerum appellationibus
- VII De interiori homine
- VIII De his quæ in usu atque in medio habentur
- IX De uarijs uerborum uel nominum significationibus
- X De Hierusalem, uel aduersis eius
- XI De numeris, quorū significationes in allegoriam trahuntur.

Ergo ipsas iam nunc nominū atque uerborū significantias, secundum quas uel maxime in allegoriam trahuntur, prout donum Dei suggesserit, explicemus.

CAPVT PRIMVM DE DIVINIS

NOMINIBVS.



OMNIPOTENS deus pater & filius & spiritus sanctus vnus atq; trinus. Vnus uidelicet extat in natura, trinus in personis. Solus inuisibilis, immensus atq; incomprehensibilis. Solus incircumscriptus, immutabilis, incorporeus, & immortalis: ubiq; præsens & latens: ubiq; totus & immensus.

Inuulibilis est, quia in essentia sua omnino uideri nō potest. Apostolo testante, qui ait. Quem nullus hominū uidit, sed nec uideri potest. Et in euangelio. Deum nemo uidit unquam.

Incorporeus est, quia nullis membrorum liniamentis cōpositus siue compactus existit. Sic ueritas in euāgelio dicit: Spiritus est deus, & eos qui adorant eum in spiritu & ueritate oportet adorare.

Immensus est, quia quantitas eius uel qualitas à nullo ex creaturis metiri potest. Cui Salomon in suis oratiōibus supplicans ait. Si cœlum & cœli cœlorum non te capiunt, quanto magis domus ista, quam ædificaui.

Incircumscriptus est, quia circumscribi non potest.

Inlocalis est, quia de loco ad locum nequaquā transit, sed neque in loco quolibet retinetur, ipso de se per Esaiam testimonium perhibente ac dicente. Cœlum mihi sedes est, terra autem scabellum pedum meorū. Et per Hieremiam. Nōne cœlum & terram ego impleo? Cuius immensitatem propheta in Psalmo confitens ad ipsum dominū ait. Si ascendero in cœlum tu illic es, si descendero ad infernū ades. De eius immensitate in libro Iob scriptum est. Excelsior cœlo est & quid facies? profundior abyssō & unde cognoscis? longior est terra mensura eius, & latior mari. qui enim cœlum & terram implet, proculdubio nullus est locus ab eius essentia absens. Super omnia quippe est regendo atq; imperando: subtus omnia est sustinendo atq; portando, non pondere laboris, sed infatigabili uirtute: quoniam nulla creatura ab eo condita per se subsistere ualet, nisi ab eo sustentetur, qui eam creauit. Extra omnia, sed nō exclusus. Immutabilis est, quia ab eo quod est mutari omnino non potest, ipso dicente per Malachiam prophetam. Ego dominus & non mutor. Ideo deus immutabilis dicitur, quia animæ eius, ira, furor, poenitentia, obliuio, recordatio, & alia his similia nō accidunt. Simplex enim natura est, & immutabilis & imperturbata. Neque aliud est ipse & aliud quod habet, sed ipsum est, quod habet & quod est. Immortalis quia mori nullo modo potest, Apostolo testante ac dicente: Qui solus habet immortalitatē, lucē habitans inaccessibilem, quem nullus hominum uidit, nec uideri potest. Vbicunq; autē sacra scriptura sparsim per diuinos libros in deo motus animæ, seu humana membra describit, id est, caput, capillos, oculos, palpebras, aures, & cætera membra siue motus animæ, id est, iram, furorem

furorem, obliuionem, poenitentiam, recordationem, & alia his similia, non carnaliter iuxta historiam à recte intelligentibus scienda sunt, sicut à ludæis & plerisque hæreticis carnaliter sapientibus, qui deum corporeum atque localem opinantur, sed spiritualia omnia de eo intelligenda & confitenda sunt. Si quis deo humana membra seu motus animæ more humano inesse credit, proculdubio idola fabricat in corde suo.

9 *Caput* Igitur ut dictum est figuraliter in deo caput esse legimus, ipsam essentiam diuinitatis eius, quæ præcedit, & cui omnia sunt subiecta intelligere debemus.

10 *Capilli* Capillos uero capitis eius sanctos angelos, seu uirtuosos electos typice accipi oportet: de quo in sacramento libri Danielis scriptum est. Aspiciebam donec throni positi sunt, & antiquus dierum sedet. Vestimentum eius quasi nix candidum, & capilli capitis eius quasi lana munda. hoc enim significat per uestimenta candida dei, quod & per capillos capitis eius, sanctos uidelicet angelos, & multitudinē sanctorū dealbatorū. Vel certe ideo capilli lanæ mundæ comparantur, ut per hoc antiquus dierum credatur esse.

11 *Oculi* Oculos dicitur deus habere, pro eo quod omnia uidet, & nihil eum latet, in cuius conspectu, ut ait Apostolus, nulla creatura inuisibilis est: omnia enim nuda & aperta sunt oculis eius. Aliter uero respectus gratiæ eius intelliguntur: ut est illud in Psalmo. Oculi domini super iustos. Item aliter, Oculi domini præcepta eius, per quæ nobis lumen scientiæ subministratur, accipiuntur: ut est illud in Psalmo. Præceptū domini lucidū illuminans oculos.

12 *Palpebre* Palpebræ domini occulta & incomprehensibilia iudicia eius, siue spiritualis in diuinis libris eius locutio innuitur. De quibus occultis & incōprehensibilibus sacramentis atque iudicijs in Psalmo. Palpebræ eius interrogant filios hominum, id est, probant.

13 *Aures* Aures habere dicitur deus, propterea quod omnia audit, & nihil eum in silentio latet: de quo in libro Sapientiæ scriptum. Auris cœli audit omnia, & tumultus murmurationum non abscondetur.

14 *Nares* Nares dei est inspiratio eius in corda fidelium: ut illud in libro Regum. Ascendit fumus de naribus eius, id est, lachrymosa compunctio poenitentium inspiratio eius.

15 *Facies* Facies dei cognitio est diuinitatis eius ad omnes: de qua cognitiōe in Psalmis scriptum est. Ostende nobis faciem tuam, & salui erimus, hoc est, dona nobis cognitionem tuam, quam cognitionem per filium hominis hominibus innotuit: ipso dicente in Euangelio. Nemo nouit patrem nisi filius, & cui uoluerit filius reuelare. Aliter uero facies dei significat inuisibilem essentiam diuinitatis filij dei: de qua ipse dominus ad Moysen per angelum respondens ait. Posteriora mea uidebis, faciem autem meam uidere non poteris, ac si diceret, diuinitatem autem meam uidere non poteris.

16 *Os* Os dei filius patris, id est Christus dominus: pro quo Esaias propheta expressa persona

persona Iudæorum effatus est. Quia os eius ad iracundiam prouocauimus. Aliter uero os eius sermo eius siue iussio accipitur: de quo sermone domini prædictus propheta ait. Os domini locutum est hoc.

Verbum dei filius dei patris, per quem omnia facta sunt: de quo in Psalmo, Verbo domini cœli firmati sunt. Et alibi. Misit uerbum suum & sanauit eos. Et in euangelio secundum Ioannem, In principio erat uerbum, & uerbū erat apud deum, & deus erat uerbum. 17 Verbum

Lingua dei mystice significat spiritum sanctum, per quem deus pater secretum suum manifestauit hominibus: unde in Psalmo, Lingua mea calamus scribentis. 18 Lingua

Labia dei mystice utriusque testamenti consonantia intelliguntur: de quibus duobus testamentis in Prouerbijs scriptū est. In iudicio non errauit os eius. 19 Labia

Brachia dei patris filius eius & spiritus sanctus intelliguntur. Sicut est illud in Esaia. Et brachia mea populos iudicabunt. Brachium dei singulariter filius accipitur: de quo Hieremias ad ipsum ait. Et nunc dominus deus qui eduxisti populū tuū de terra Aegypti in manu forti, in brachio extento. Idcirco autē filius dei patris brachiū dicitur, quia creatura electa ab ipso continetur. 20 Brachia

Dextera dei patris unigenitus filius accipitur: de quo in Psalmo ex persona hominis assumpti. Dextera, inquit, domini fecit uirtutem. Aliter uero domini dextera gloriā signat patris & eternam beatitudinē: de quo in Psalmo ex persona patris ad filium. Sede à dextris meis. Dicitur autē & dextera dei omnis electa creatura in cœlo & in terra: sicut per sinistram eius intelligitur reproba creatura, id est, dæmones & impij omnes, qui ad læuam positi æterna supplicia sustinebunt. 21 Dextera

Manus dei patris filius eius accipit, pro eo quod per ipsum facta sunt omnia: sicut est illud in Esaia. Omnia hæc manus mea fecit, & facta sūt omnia. Aliter uero manus dei eius potestas intelligitur: de qua potestate in Hieremias libro prophetæ. Sicut lutū in manu figuli, sic uos in manu mea domus Israel. Item manus domini flagellum accipitur: de cuius percussione in Sophonia propheta scriptum est. Extendam manum meam super Iudam & super habitātes Israel, & disperdam de loco hoc reliquias Baal &c. pro qua domini percussione beatus Iob de semetipso ait. Manus domini tetigit me. 22 Manus

Digitus dei singulariter spiritus sanctus accipitur, à quo spiritu sancto lex duabus in tabulis lapideis in monte Sinai scripta narratur. Ipse scripsit qui scribenda dictauit, id est spūs sanctus. De quo dominus in euangelio. Si ego, inquit, in digito dei eicio dæmonia, Sicut enim digitus cum manu uel brachio, manus uero uel brachium cum corpore unum sunt in natura: ita pater & filius & spiritus sanctus tres quidem personæ sunt, una autem substantia diuinitatis. 23 Digitus

Digiti dei pluraliter sancti intelliguntur prophetæ, per quos spiritus sanctus libros legis ac prophetarū sua inspiratione describit: de quibus in Psalmo 24 Digiti

mo scriptum est. Videbo cœlos opera digitorum tuorum: per cœlos enim libros legis ac prophetarū, per digitos uero sanctos, ut dictū est, prophetas, mystice insinuari certum est.

25 Imago dei

Imago dei patris inuisibilis, unigenitus filius eius est: de quo Apostolus. Imago dei inuisibilis. Aliter namq; est imago dei patris in filio suo, quem non aliunde, sed ex semetipso, hoc est, ex substantia sua per omnia sibi similem genuit & æqualē. Aliter uero anima hominis, quam non ex se, id est, de sua substantia, sicut pleriq; hæretici opinati sunt, genuit, sed ex nihilo creauit. Sicut aliter imago est cuiuslibet regis in filio eius quem ex semetipso sibi similem genuit, id est, homo hominem. Aliter uero in anulo eius, sicut in cera imago eius impressa, quæ nō est quod & ipsa, sicut filius quod natura/ liter hoc est quod & pater.

26 Cor

Cor dei patris archanum sapientiæ eius mystice innuit, ex quo uerbum, id est, filium suum impassibiliter genuit sine initio. Ipso dicente per prophetā. Eructauit cor meum uerbum bonum.

27 Ala

Alas habere dicitur deus, pro eo quod more auis electos suos tanquam pullos sub se colligit & fouet, & ab insidijs diaboli & malorum hominum protegit. Vnde propheta ait, Sub umbra alarum protege me.

28 Scapula

Scapulas habere dicitur deus, quia infirma membra ecclesiæ, quasi in scapulis suis portat. De quo in Psalmo. Scapulis suis obumbrabit tibi.

29 Vterus

Venter secreta origo substantiæ eius accipitur. Vnde in Psalmo. Ex utero ante lucē genui te. Aliter. Vterus eius incōprehensibilia iudicia eius, quæ rimari nequeūt, mystice insinuatur: de quo occulto iudicio eius in libro beati Iob scriptum est. De cuius utero egressa est glacies, & gelu de cœlo quis genuit.

30 Posteriora

Posteriora filij dei incarnatio accipit: de qua posteriori parte filius in monte Sinai ad Moysen, per angelum loquens ait. Posteriora mea uidebis, faciem autem meam uidere non potes.

31 Pedes

Pedes dei stabilimentum uirtutis eius, eo quod ubiq; præsens, & uniuersa illi sunt subiecta: ipso dicente per Esaiam. Cœlum mihi sedes est, terra autem scabellum pedum meorum. Aliter pedes filij dei incarnatio intelligitur, quæ diuinitati subiecta est tanquam capiti pedes. Sicut per caput diuinitas ita per pedes humanitas eius exprimitur: de qua humanitate in Exodo scriptum est. Videre dominum Iesum, hic est Moyses & Aaron, Nadab & Abihu & LXX de senioribus sub pedibus quasi lapides saphiri, & quasi cœlū cum serenum est. Sicut autem per lapidem saphirum cœlestes creaturas, uel sanctos angelos: ita per cœlū serenū, sanctam ecclesiam electorum ex hominibus assumptam signaliter demonstrare uoluit, super quas duas creaturas homo assumptus filius dei in perpetuum regnat: de quo in Psalmo, omnia, inquit, subiecisti sub pedibus eorum. Aliter autem pedes domini, id est, Iesu Christi significant sanctos prædicatores: de quibus in Deuteronomio scriptum est. Qui appropinquant pedibus eius accipient de doctrina eius.

Vestimen

Vestimentum filij dei aliquando caro eius quæ à diuinitate assumpta est à diuinis libris figuraliter accipitur, de quo indumento carnis Esaias uaticinans ait. Quis est iste, qui uenit de Edom, tinctis uestibus de Bosra: Rursus uestimentum eiusdem domini sancta accipitur ecclesia, quæ per fidem & dilectionem ei coniuncta est: de quo in Psalmo scriptum est. Dominus regnauit, decorem induit. Et in alio Psalmo ad ipsum dominum. Confessionem & decorem induisti, a. l. f. u.

32
Vestimentum

Pallium Christi iam dicta ecclesia intelligitur: de quo in libro Genesi scriptum est. Lauit in uino stolam suam, hoc est, in sanguine passionis carnem suam, & in sanguine uux pallium suum, id est, ecclesiam suam.

33 Pallium

Calciamenta domini Iesu Christi mystice signant incarnationem eius, quam ex mortalitate humani generis assumere dignatus est. De qua incarnatione sua ipse per prophetam in Psalmo ait. In Idumeam extendam calcitum meum, id est, in plebem gentilium manifestabo incarnationem meam.

34
Calciamenta

Gressus aduentus filij dei in mundum, & regressio eius ad patrem: de quibus Psalmus ait. Visi sunt gressus tui deus, gressus dei mei regis mei, qui est in sancto. De coelo uenit in uterum uirginis, de utero uero nascendo positus in præsepio. Postquam omnia impleuit, pro quibus à patre missus uenerat, appensus est in ligno crucis: de cruce autem depositus, secundum corpus sepultus est, secundum uero animam ad inferna descendit: tertia autem die per potentiam suæ diuinitatis carnem suam de sepulchro suscitauit, & post diem resurrectionis suæ XL die uidentibus Apostolis ascendit in coelum, & sedet ad dexteram patris, id est, in gloria sua: hi sunt enim gressus filij dei, iste est descensus & ascensus eius, qui frequenter in scripturis sacris legitur.

35 Gressus
Regressus

Ascendere dicitur deus, cum filius carnem ex nobis assumptam in coelum, ueluti captiuam duxit captiuitatem, quia naturam humani generis, quæ diabolo in mundo captiuo retinebatur, assumens secum in coelum, ubi nunquam antea fuerat, tanquam captiuam deportauit.

36 Ascendere

Abscondere deus faciem legitur, cum quibusdam eorum exigentibus culpis, cognitionem suam abscondit, sicut in populo Iudæorum nunc impletum esse uidemus, quia negantes filium dei, scientiam ueri dei ita perdidierunt, ut similes forent gentibus, quæ dominum non nouerunt.

37 Abscondere

Ostendere dicitur deus faciem suam, cum respectu gratiæ suæ, quibus uult, scilicet electis suis se ipsum in corda eorum occulta inspiratione insinuat, & ad diligendum se amorem suum infundit.

38 Ostendere

Sedere dicitur non corporaliter humano more, sed potentialiter super omnem creaturam rationabiliter præsidere: ut est illud in Psalmo. Regnauit dominus super omnes gentes, deus sedet super f. f. f. Sedere etiam deus dicitur super cherubin, qui interpretatur multitudo seu plenitudo scientiæ, per quod significatur sancti angeli siue mentes spiritualium uirorum, in quibus deus inuisibiliter præsidet & regnat. In illis enim sedet qui scientia eius & dilectione

39 Sedere

lectione

lectione pleni sunt. In Prouerbijs quippe Salomonis scriptum est, Anima eius sedes sapientiæ: sapiëntia uero dei patris Christus est, qui in animis sanctorum dicitur sedere.

40
Descendere

Descendere deus in mundum dicitur, quando aliquid nouum quod antea non fuerat in creatura humana operatur, sicut filius dei descendisse narratur, quando ueram carnem ex Maria uirgine propter redemptionem nostram suscepit, & uerus homo fieri dignatus est, non amittendo quod erat, sed assumendo quod non erat. De cuius descensione, id est, incarnatione in Psalmo scriptum est. Et inclinauit cœlos & descendit, & caligo sub pedibus eius. Cœlos inclinauit, qui ante aduentum suum prænuntios angelos siue prophetas misit, quod eius aduentum hominibus annuntiarent. Caligo sub pedibus eius fuit, quia impij homines ob suam malitiam incarnationem eius agnoscere non potuerunt, sed neq; adhuc possunt.

41 Stare

Stare dicitur deus cum nos infirmos, id est, suam creaturam ad poenitentiam & conuersionem patienter sustinet, ut est illud in Abacuc propheta. Stetit & mensus est terram, & dissoluit: id est, stetit ad superueniendum, & dissoluit credentes in se à uinculis peccatorum.

42 Transire

Transire dicitur deus, cum de cordibus quorundam hominum, in quibus ante per fidem credebatur, postea subrepente perfidia, uel quolibet delicto ab eis recedit, & ad alios transit, quemadmodum de Iudæis ad gentes, de hæreticis ad catholicos, seu de quibuslibet irreligiosis ad religiosos.

43 Recedere

Recedere dicitur deus, & ad alios transire quod non localiter aut uisibiliter, sed inuisibiliter occultoq; iudicio ac iusto facere aliquid consueuit.

44
Ambulare

Ambulare dicitur deus, non de loco ad locum transeundo, quia impium est ita credere, sed ambulatio eius in cordibus sanctorum delectatio: sicut scriptum est. Et inhabitabo in eis, & ambulabo, & ero illorum deus. Vel certe ambulare dei est in sanctis prædicatoribus suis de loco ad locum transire.

45 Loqui

Loqui dei inuisibiliter sine sono uocis uel quolibet strepitu occulte mentibus sanctorum uoluntatem suam atq; rectum intellectum inspirare, seu futura, sicut in sanctis prophetis reuelare. Quæ locutio dei, ut quidam uolunt tribus modis accipitur. Primo namq; modo per subiectam creaturam, sicut ad Moysen in rubo apparuit. Vel sicut ad Abraham atq; Iacob, & cæteris sanctis, quibus in angelis apparere dignatus est. Secundo uero modo in somnis, sicut Iacob & Zachariæ propheta & Ioseph sponso Mariæ, & sanctis alijs, quibus secretum suum reuelare uoluit. Tertio autem modo neq; per creaturam uisibilem, neq; per hominem, sed occulta tantum inspiratione inuisibiliter corda suorum tangendo loquentes efficit, quemadmodum in libris prophetarum scriptum est, cum ipsi propheta subito afflati spiritu diuino exclamabāt, hæc dicit dominus.

46 Videre

Videre dei est acta bona approbare, sicut est illud in Genesi. Vidit deus cuncta quæ fecerat & erant ualde bona, id est, intelligentibus bona demonstrauit. Aliter, Videre dei est mala hominum sciendo reprobare, sicut est illud in Esaia.

in Esaia propheta, Et uidit deus, & malum apparuit in oculis eius. Item aliter uidere dei est, nos uidentes facere, ut est illud in psalmo, Proba me deus, & scito cor meum: & cetera: & uide si uia iniquitatis in me est. Modus iste loquutionis etiam in libro beati Iob similiter repperitur, ubi de sapientia dei patris perquam plurima insignia locutus est, de patre adiecit, Tunc uidit illam & enarrauit, & inuestigauit, & pręparauit: id est, uidentes fecit, & prędicantes, & inuestigantes, atq; alijs annuntiantes.

Cognoscere dei, est cognoscentes facere: sicut ait ad Abraham, Nunc cognoui quod timeas dominum. Neq; enim in tempore nouit, qui omnia scit, antequam fiant. Sed cognoscere dicitur, deus cognoscentes facere: ut quod prius de se quales essent, incogniti erant: per eius interrogationē probatione sibimetipsi manifesti fierent. Tale est illud in lege Moyfi de populo Israelitico, Vt tentem, inquit, eos, utrum custodiant mandata mea, an non.

Nescire dei, est quosdam reprobos reprobare: sicut est illud in euangelio, Nescio uos unde sitis, recedite à me qui operatis iniquitatem.

Zelare dicitur deus, cum creaturam suam quam non uult perire, saepe castigat, corripit, atq; flagellat, & flagellando ad se reducit. Vel zelare dicitur deus, cum nullum peccatum impunitum uult relinquere. Iustus est enim, & ideo omnis iniustitia execrabilis est illi: quam, ut dictum est, nullo modo impunitam patitur.

Iraisci dicitur deus, non animi motu, uel qualibet perturbatione, quę illi omnino accidere non potest: sed creaturę delinquenti, id est, hominibus impijs, & peccatoribus, iustam dicitur inferre ultionē, hoc est, reddere illis quod merentur: & hæc ultio diuina, furor eius dicitur.

Poenitere dicitur deus, non quod more hominum pro transactis operibus scilicet poeniteat: qui enim nouit antequam fiant, pro perpetratis actibus poenitere non potest: sed poenitentia dei, statuta mutare: & quod prius aliter fuerat, in aliud mutare: id est, aut de bonis exigētibus culpis in malum, sicut de Saul legitur poenituisse dominum, quod cōstituisset eum regem: uel sicut nunc uidemus in populo Iudæorū actum, qui cum esset populus dei, ob impietatem suam facti sunt synagoga Satanę. De malo uero in bonum, sicut accidit in populo gentium, qui ante non populus dei, nunc autem per Christi gratiam, populus dei factus est. Hoc quippe modo occulto dei iudicio, Iudas proditor de apostolatus gradu lapsus, inferni baratro demersus est. Latro uero prius crimen rapacitatis operans, de cruce ad paradysum translatus est. Hanc quoq; mutationem de bono ad melius, ut dictum est, siue de bono ad malum, seu de malo ad bonū, quę occulto dei iudicio, ac iusto, per seueritatem iustitię suę, siue per misericordiam eius fiat, poenitentiam dei dicimus: quod expressius in libro Hieremię scriptum est.

Non poenitere dei, statuta nullo modo mutare, ut est illud in psalmo, Iurauit deus, & non poenituit eum: id est, pater ad filiū; Tu es sacerdos in æter-

num, secundum ordinem Melchisedech. Sacerdos tamen patris dictus est filius dei, non secundum diuinitatem, sed secundum humanitatem, in qua se pro nobis per passionem & mortem suam, acceptabile sacrificium deo patri obtulit, ut ipse esset sacrificium, qui sacerdos.

53 Obluisci Obluisci deus dicitur, cum quibusdam impijs & peccatoribus non misereatur. Quod utiq; non facit per crudelitatem quæ in deo non est, sed per occultum iustumq; iudicium suum.

54 Indurare Indurare deus dicitur quorundam malorum corda, sicut de Pharaone rege Ægypti scriptum est: non quod omnipotens deus per potentiã suam eorum corda induret, quod impium est ita credere, sed exigentibus eorum culpis, cum duritiam cordis qua ipsi omnia mala perpetrando inuertunt, non auferit: quasi illos induret, quos iusto iudicio indurari sinit.

55 Dormire Dormire dei est, cum unigenitus filius patris in assumpta carne mori pro nobis dignatus est: cui mors recte dulcis prædictus est somnus, ipso dicente per Hieremiam prophetam, Ideo quasi de somno excitatus sum, & uidi, & somnus meus dulcis est mihi. Aliter dormire dicitur deus, cum fides eius inter prosperitates huius mundi & inter quorundam corda fidelium non uigilat, sed dormit. Hanc dormitionẽ ipse Iesus significauit, cum in mari inter fluctus maris dormiuit. Vel certe, dormire dei, est anxijis tardius subuenire: sicut est illud in Psalmo, Exurge, quare obdormis domine: & cætera.

56 Vigilare Vigilare dei, est in defensione electorũ suorũ se manifestũ demonstrare.

DE HIS QVÆ APPELLANTVR MEMBRA DOMINI, uel quæ de eo significantur. II.



CVLI domini, intelliguntur inspectio diuina. In Psal. Oculi domini super iustos. Palpebræ dei, sunt iudicia eius quæ probant filios hominum: qui neq; fatigantur rerum obscuritatibus, sed exercet: neq; inflantur cognitione, sed cõfirmantur. Aures domini, cum exaudire dignatur. In Psal. Et aures eius in preces eorum.

Os domini, sermo ad homines. In Propheta: Os domini loquutum est.

Verbum domini, filius. In Psalmo: Eructauit cor meum uerbum bonum.

Brachium domini, uel manus, filius, per quem omnia operatus est. In propheta: Et brachium domini cui reuelatũ est. Dextera domini, idem quod supra. In Psalmo: Dextera domini fecit uirtutem. Digitus dei, dicitur spiritus sanctus, propter partitionem bonorum quæ ab eo dantur unicuiq; propria, siue hominum, siue angelorum. In nullis enim membris nostris sic apparet partitio, quàm in digitis. Nec te scandalizet membrorum diuersitas, cum ædificet corporis unitas. Vterus domini, secretum, ex quo filium protulit. In Psal. Ex utero ante luciferũ genui te. Pedes domini, stabilitas æternitatis. In Psalmo: Et caligo sub pedibus eius. Vestigia domini, operum secretorum signa. In Psalmo: Et uestigia tua non cognoscuntur. Gressus domini, aduentus, uel uisitatio domini. In Psalmo: Visti sunt ingressus tui deus,

Arma

Arma domini, adiutorium eius in sanctos. In Psalmo: Apprehende arma & scutum. Scutum, protectio domini. In Psalmo: Domine ut scuto bonæ uoluntatis tuæ coronasti nos. Framea, ultio diuina in impios. In Psalmo: Effunde frameam, & conclude. Arcus, intentio comminationis diuinæ. In Psalmo: Arcum suum tetendit, & parauit illum. Sagittæ, præcepta diuina, apostoli, uel prophetæ. In Psalmo: Misit sagittas suas, & dissipauit eos. Item Sagittæ in manu potentis. Gladius, uindicta, uel sermo domini. In Apostolo: Viuus est enim sermo dei, & efficax, & penetrabilior omni gladio anticipiti. Rhomphea, idem quod supra. Tuba domini, uox manifesta domini. In Apostolo: In iussu, & in uoce archangeli, & tuba dei. Currus dei, sedes dei, uel quadriformitas euangeliorum. In Psalmo: Currus dei decem milibus multiplex. Virga domini, regni significatio, uel correptio disciplinæ. In Psalmo: Virga æquitatis, uirga regni tui. Manus domini, minæ, uel uindictæ eius. Baculus domini, sustentatio consolationis domini. In Psalmo: Virga tua, & baculus tuus, ipsa me cōsolata sunt. Aliàs, baculus domini, sanctam crucem, uel disciplinam sanctæ ecclesiæ designat. Item baculus, sustentaculum est quodlibet: ut in libro Thobiæ: Baculum senectutis nostræ.

DE SVPERNIS CREATVRIS

III



CARBONES, ignis charitatis, aut exemplorum, aut poenitentia. In Psalmo: Cum carbonibus desolatorijs. Fumus, initia compūctionis futuræ, uel ipsius comminationis dei. In Psalmo: Ascendit fumus in ira eius. Item in aliā partem, sicut fumus oculis noxijs, id est uanitas. Ignis, spiritus sanctus. In Actibus apostolorum: Et apparuerunt illis dispartitæ linguæ, tãquam ignis, seditq; supra singulos eorum, & repleti sunt omnes spiritu sancto. Cœlum, apostoli, siue sancti, ideo quod dominus inhabitet in eis. In Psalmo: Cœli enarrant gloriam dei. Cœli in sancta scriptura designant aliquādo superiora mundi corpora, ignota nobis quibus modis distincta sint, & de queis satis difficile est disputare, sed non impossibile, cui dat deus intelligere: ut dedit apostolo, rapto usq; ad tertium cœlum: exceptis illis materialibus cœlis. Dicuntur cœli, sancti apostoli prædicatores uerbi ueritatis: per quos cœlos tanquā pluuia irrigati sumus, ut per totum mundum seges ecclesiæ pullularet. Sunt etiam cœli, omnes animæ sanctæ & iustæ, in quibus deus habitat in templo fidei & operationis. Item cœlum, sancta scriptura: de qua nobis & sol sapientiæ, & luna scientiæ, & ex antiquis patribus stellæ exemplorum & uirtutum lucent: quod cœlum sicut pellis extenditur, quia per scriptores suos carnis lingua formatum ante oculos nostros per uerba doctorum exponendo disputatur. Nubes, prophetæ, siue sancti, qui pluant uerbum domini. In Esaia: Mandabo nubibus desuper ne pluant. Nubes etiam in malam partem, tempora iniquorum significat: ut, Velut nubes pertransiuit salus mea. Tonitrua, uoces euangelij: eo quod de cœlo ex dictis dei intonent. In Psalmo, Vox tonitruī tui in ro-

ra: hoc est, in toto. Coruscationes, splendores euangelij. In Psal. Illuxerunt coruscationes tuæ orbi terræ. Fulgura, uirtutes, uel uerba Iesu Christi. In Psal. Et fulgura multiplicauit, & conturbauit eos: id est, inimicos, uel Iudæos.

Angelorum nomine in sancta scriptura dominus designatur, ut Esaias testatur: Et uocabitur nomen eius magni consilij angelus. Aliquando ipse angelicus chorus: ut Petro Christus, An putas quia nō possum rogare patrem meum, & exhibebit mihi plusquā duodecim legiones angelorū. Aliquando ciues coelestis Hierusalem ex hominibus assumpti: ut dominus in euangelio, In resurrectione enim neq; nubent neq; nubentur, sed sunt sicut angeli dei in coelo. Aliquādo fidelium populus: ut est illud, Statuit terminos gentium, secundum numerum filiorum Israel, uel angelorum dei. Hoc nomine quilibet etiam iustus designatur: ut de Ioanne Baptista dominus, Ecce ego mitto angelum meum ante faciem tuam. Aliquando prædicatores, uel sacerdotes: ut scriptum est, Labia sacerdotis custodiunt scientiam, & legem requirunt ex ore eius, quia angelus domini exercituum est. Et Apostolus: Mulier debet uelare caput in ecclesia, propter angelos: id est episcopos, & unusquisque fidelis, quod bona annunciat, angeli nomen sibi uendicat, si bene uiuat. Ad ultimum, diabolus, & coapostata eius, angeli mali nūcupantur: quod licet angelicam dignitatem amiserint, subtilitatem tamē angelicæ naturæ non amiserunt: per quos angelos malos, immissiones aduersitatum uel ægritudinum, permissione dei fiunt, quando, & ubi uoluerit. Throni, angeli, uel sancti, uel ipsa regnandi potestas. In Psalmo, Thronus tuus deus in seculum seculi. Item in aliam partem de diabolo: Ponam thronum meum ad aquilonem. Sedes, idem quod supra, angeli uel sancti, eo quod in his dominus sedeat, & per eos sua iudicia decernat. In Psalmo, Deus sedet super sedem sanctam suam. Sol, dominus Iesus Christus, qui fulgeat terris. In Salomone, quod dicturi sunt reprobi in fine: Ergo sol iustitiæ nō luxit nobis. Aliās persequentio: ut illud, Orto sole aruerunt. Luna, ecclesia: eo quod in hac mundi nocte resplendeat. In Psalmo: Fecit lunā in tempore. Pro defectu etiam nostræ carnis ponitur, quia dum menstruis momentis decrescit, defectum nostræ mortalitatis designat. Stellæ, sancti, siue docti, uel qui ad iustitiā erudiunt. In Daniele: Docti tanquā stellæ fulgebunt. Nebulæ, uel amētum mysteriorum dei: interdum & angeli dei. In propheta: Et nebulæ puluis pedum eius. Aliās abolitio peccatorū: ut Esaias, Deleui ut nubem iniquitatem tuam, & quasi nebulam peccata tua. Caligo, diuinorum secretorum operimentum. In Psal. Et caligo sub pedibus eius. Abyssus, profunditas scripturarum. In Psal. Abyssus abyssum inuocat. Item abyssus nomine profunditas ueteris & noui testamēti intelligitur: unde, Abyssus abyssū inuocat: dum uetus testamentum, nouum annuntiat. Siue abyssus est mens humana, quæ semetipsam non potest comprehendere: unde prōpheta, Dedit abyssus uocem suam ab altitudine phantasie suæ: quia dum semetipsam mens humana non

na non penetrat, ex comparatione sui, diuinæ naturæ potentiam quam comprehendere nō sufficit, humiliter laudat. Vel certe, abyssus iudicia dei sunt: & Abyssus abyssum inuocat, quando occulto dei iudicio, de præsensibus malis transit peccator ad æterna mala, & de ardore cupiditatum in flamas gehennarum. Ros, uerbum domini: ideo quod madefaciat hominum corda: ut, Rorate cœli de super. Et in Psal. Sicut ros Hermon, qui descendit in montem Sion.

Pluuia, præcepta, uel mandata dñi: uel uerba sanctorum apostolorum: eo quod terram, i. homines irriget. In psal. Pluiam uoluntariam segregabit deus hereditati tuæ. Niuēs, pro candore iustitiæ, & pro baptismo. In Psal. Lauabis me, & super niuem dealbabor. Grando, cōnationes dñi, quib. contumaces euerberat. In Psal. Grando & carbones ignis. Item in alia partem: Et occidit in grandine uineas eorum. In frigore uero niuis, & in duritia grandinis uita accipitur prauorum, quæ & torpore frigescit, & per duritiæ malitiam perit. Pruina, abstinentia: eo quod per hanc frigescat calor corporis. In Psal. Factus sum sicut uter in pruina. Tempestas, persecutionum uel tribulationum impetus. In Psal. Qui saluum me fecit à pusillanimitate spiritus & tempestate. Glacies, duricies peccatorum. In Salomone: Sicut in sereno glacies, ita soluentur peccata tua. Venti, animæ sanctorum. In psal. Volauit super pinnas uentorum. Item in malā partē. In Matthæo: Flauerunt uenti. Aquilo, diabolus, uel homines infideles, aut mali, uel frigus peccatorum. In propheta: Ab aquilone exardescēt mala super terram. Et alibi: Ab aquilone pandetur malum. Et alibi: Surge aquilo: id est, recede. Dexter, idem quod supra. In Salomone: Aquilo durus uetus. Nomine autem dexter uocatur, eo quod diabolus nomen sibi dextri præsumat, tanquam boni: siue quod occidētem, id est peccatum, respicientibus dexter fiat. Auster, calor fidei. In Psal. Sicut torrens in austro. Est & spiritus sanctus: ut ibi, Surge aquilo, & ueni auster: id est, Recede diabole, & ueni spiritus alme. Aer, inanitatis enunciatio. In apostolo: Sic pugno, non quasi aerem uerberans: id est, nō inania cōsectans.

Tempora, opportuna distributio uolūtatis diuinæ. In Psal. Fecit lunam in tempora. Ver, uitæ renouatio, uel per baptismum, uel per resurrectionem. In psal. Æstatem & uer tu fecisti ea. Æstas, uenturæ iucunditatis præfiguratio. In Psal. ut supra. Hyems, præsens uita, persecutio, uel tribulatio. In euange. Vt non fiat uestra fuga hyeme, uel sabbato. Anni, aliquando pro æternitate accipiuntur: ut ibi, Et anni tui non deficient. Interdum & pro breuitate huius uitæ: ut hic, Anni nostri tanquā aranea meditabuntur. Mensium nomine qui diebus coadunantur, collectiones animarum designantur, uel perfectio sanctorum: ut ibi, Erit mensis ex mense: uidelicet eis in requie, quib. nunc perfectio fuerit in operatione. Dies & nox, iustitia & iniquitas, fides & infidelitas, prospera & aduersa. In psal. In die mādauit dominus misericordiam suam, & in nocte declarauit. Dierum nomine intelligitur etiam illuminatio diuinæ gratiæ per diuersa dona uirtutum. Item dies designat angelum apostatā: dum Iob ita loquit, Maledicant ei qui maledicunt diei. Noctis

aut nomine, error uel ignoratiæ cecitas, uel etiâ mortis acerbitas accipit. Lumen & tenebræ, ita maxime accipiunt ut dies & nox. In ep̃la Ioā. Qui diligit fratrem suū, in lumine manet: qui autem odit fratrem suū, in tenebris est. Per lumen etiâ intētio cordis declarat. Umbra, p̃tectio diuina, in psal. Sub umbra alarū tuarū p̃tege me. Aliàs obliuio, uel peccata: ut ibi, Sedētes in tenebris & in umbra mortis. Umbra est aliquñ delectatio peccatorū: ut in Iob, Sub umbra dormit in secreto. Rursus umbra obliuionē mētis, uel mortē carnis, uel imitationē diaboli significat. Lucis noiē, dñs, uel q̃libet iustus intelligit: ut in euā. Erat lux uera quæ illuminat omnē hominē ueniētē in hūc mūdū. & Apostolus, Fuiſtis aliquñ tenebræ, nūc autē lux in dño. Ponit etiâ pro illuminatione fidei, & pro uita. Hora, q̃ngēti (ut putāt qdā) anni: si qñ dies p̃ toto mūdī istius seculo accipit: in ep̃la Io. Filioli mei nouissima hora est. Oriēs, q̃a ab illa parte lux oriē, saluator: maxime in Luca, Visitauit nos oriēs ex alto. Et in Zacha. Ecce uir oriens nomē eius. Occidēs, uitæ melioris defectus. In p̃pheta, Occidet uobis sol in meridie. Aquilonaris pars semp̃ in aduerso ponit: ut proph. de diabolo, Ponā sedē meā ad aquilonē. & alibi, Ab aquilone p̃adeſ malū. Mane, lux actūū bonorū, uel baptismū, uel resurrectio dñica, in psal. Mane astabo tibi, & uidebo. & alibi, A custodia matutina usq; ad noctē speret Israel in dño. i. a resurrectione dñi spes nostra, usq; in finē seculi. i. diē iudicij. Per mane etiâ uel matutinū, præsentiſ uitæ p̃speritas significat: ut illud, Væ tibi terra, cuius rex iuuenis est, & cuius principes mane comedunt. mane autē comedūt, qui de huius mūdī p̃speritatib. extollūt, dū in extremo eius deberēt p̃estolari, frui æternis felicitatibus. Meridies, plana doctrinarū factorūq; claritas, in Salom. Vbi cubas in meridie. Et in malā partē, in psal. A dæmonio meridiano. i. manifesto. Vespe, finis uitę, uel seculi, uel pœna, in psal. Ad uesperū demorabit fletus, & ad matutinū lætitia. Aurorę noiē mens iustorū accipit, quæ peccati sui tenebras relinquēs, ad lucē erūpit, sole iustitiæ illuminata. Arcturi noiē, q̃ in cœli axe cōstitutus vii stellarū radijs fulget, ecclesia uniuersalis exprimit, quæ in apoca. Io. p̃ vii ecclesias, & vii cādelabra figurat. Oriones in pōdere hyemis oriētes, s̃ctos designāt martyres, q̃ pōdus p̃sequētū & hāc uitā amātū p̃tulerūt, & ad cœli faciē q̃si in hyeme uenerūt. Hyades, à gręca l̃ra u nūcupatę, à cui⁹ forma nō discrepāt uisiōe, & ortę pluuias afferūt: s̃ctos p̃dicatores, q̃ uerbis pluūt, & corda hoīm salubriter irrigāt, significāt. *velos nāq; gr̃ce, imber latine dicit.* DE TERRENIS IIII



TERRA, homo ipse, in euā. Aliud cecidit in terrā bonā, Itē, Terræ, & in terrā ibis. Itē in malā partē: de peccatore, Terrā edes omnib. dieb. uitę tuę. Aliter, terra intelligūt, qui terrenis actib. occupati, per eleemosynas & lachrymas ad uitā æternā pueniūt: unde psal. Aduocauit cœlū desurſū, & terrā discernere populū suū. Arida, infertiliſ homines. In Salo. Cooperire aridā malitia & doloſitate. Puluis, peccatores, uel carnis uanitas: in psal. Sicut puluis quē proſicit uētus. Lūtū, peccatorū glutinū: in psal. Eripe me de luto ut nō inſigar. Itē in aliā partē: In

Io. Lutū fecit, & liniuit oculos meos. Montes, dñs, ecclesia, apostoli, siue sancti, à celsitudine uirtutū: in psal. Qui descēdit sup mōtē Sion, itē ppheta, Erit mons domus dñi sup uerticē montiū. Itē in aliā partē: in pph. Nequādo offendāt pedes uestri ad mōtes caliginosos, i. hæreticos. Colles, sancti, sed minoris meriti: in psal. Mōtes & oēs colles. Itē in aliā partē: in euā. Omnis mōs & collis humiliabit. Valles, contritiones cordis humilis: in psal. Et cōualles abundabūt frumento. Itē in aliā partē: in pph. Vallē filiorū Ennon. Petra, Christus, à firmitate: in apostolo, Petra autē erat Christus. Lapidēs, interdū Christus, aut sancti: in psal. Lapis quē reprobauerūt edificātes. Itē, Abscissus est de mōte lapis sine manib. & impleuit uniuersā terrā. Itē, Et uos tāq; lapides uiui sup edificamini. Itē in aliā partē: de insipiētib. & duro corde, Potens est deus de lapidib. istis suscitare filios Abraham. Et alibi, Auferā cor lapideū de carne uestra. Ager, hic mūdus: in euā. Ager est hic mūdus. Aliās ager est disciplina celestis studiū, in quo thesaurus abscondit. i. celeste desiderii. Cāpi, sancti, siue scripturæ diuinæ: eo q; pastū animarū prebeāt: in psal. Et cāpi tui replebūt ubertate. Itē in malā partē. In cāpo Taneos. Itē cāpi ppter æqualitatē dicūt populi iusti. Pascua, refectio spiritalis: in psal. In loco pascuæ ibi me collocauit. Cultura, sancti q; excolunt à deo: in aplo. Dei cultura estis. Agricola, deus: in euā. Ego sum uitis uera, & pater meus agricola est. Sulci, corda sanctorū: in psal. Sulcos eius inebriās. Semē, diuina prædicatio: in euā. Exiit qui seminat seminare semē suū. Messis, ubertas, uel copia fidelium: in euā. Leuate oculos uestros, & uidete regiones, quia albæ sūt ad messē, & aliter, Messis cōsumatio seculi, sicut messores angeli. Manipuli, fructus iustitiæ: in psal. Portantes manipulos suos. Stipula, aridi ad fidē, uel inanes: in aplo. Ligna, fœnū, stipulā. & in pph. Heu mihi, quia factus sum, sicut qui colligit stipulā in messe: hoc est, nullos boni opis fructus inueni. Et alibi, Stipulā collecta synagoga peccatiū. Area, ecclesia: in euan. Et pmūdabit areā suā. Vētilabrū, examē iustitiæ dei: in euā. Cuius vētilabrū in manu sua. Triticū, dei uerbū, sancti, uel electi dei: in euā. Cōgregabit triticū suū in horreū. Hordeū, legis littera: in euan. Est puer unus hic, qui habet v panes hordeaceos, i. ad literā, v libros Moyſi. Palea, peccatores: in euā. Paleas aut cōburet igni inextinguibili. & Hiere. Quid paleas ad triticū, dicit dñs. Zizania, scādala, uel male uiuentes: in euā. Venit inimicus, & supseminauit zizania in medio tritici. Vineā, ecclesia, uel populus Israel: in psal. Vineā de Ægypto transtulisti. Itē in malā partē: Ex uinea em Sodomorū uitis eorū. Vitis, Christus: in euā. Ego sū uitis uera. Itē in aliā partē: in cātico Deutero. hoc qđ supra. Palmites, apłi, uel sancti: in euā. Ego sum uitis uera, uos palmites. Et in malā partē: ubi supra: Et palmes eorū ex Gomorra. Vuā, fructus iustitiæ: in Esa. Expectaui ut faceret uuam. Itē in malā partē: ubi supra: Vua eorū, uua fellis. Botrus, ecclesia, siue corpus dñi. In Num. Eo qđ botrū inde portassent filij Israel. Vindemia, cōsumatio seculi, uel uindicta in pplm: in psal. Vindemiāt eā oēs q; trāsgrediūt uia. & Iohel, Mittite falces, & uindemiate uinea terre, qā mature sūt uue eius.

Torcular, altare, ab eo quod ibi oblationes tanq̃ fructus conferantur: ut in Esaia, Et torcular fodi in ea. Et aliter, torcular, tribulationū pressura in ecclesia sancta, in qua fideles probantur. In titulo psalmi, In finem pro torcularibus.

Fœnum, populus, caro, uel uana gloria. In Esa. Omnis caro fœnū, & omnis gloria eius sicut flos fœni. Herba, iucunditas, uel quædam rudimēta proficientis animæ. In Gen. Producat terra herbam uirentem. Item in malā partem: Mane sicut herba transeat. Flores, Christus, uel specimen iustitiæ, aut inchoatio bene operātium: ut in Cantico cant. Sponsus, Fulcite me floribus.

Lilium, Christus, uel angeli candore iustitiæ. In Salom. Ego flos campi & lilium cōuallium. Rosæ, martyres, à rubore sanguinis. In Salom. Sicut rosa germinat super humida fluente. Violæ, confessores, ob similitudinē liuidorum corporum. In Cantico cant. Flores in terra uisi sunt. Syluæ, gentes. In Psal. Inuenimus eam in campis syluæ. De his syluis egressi sunt duo ursi, Vespasianus scilicet, & Titus, reges Romanorū, ad præceptum figurati Helisæi, & post XLII annos ascensionis eius ad cœlos Iudaicos pueros comederunt.

Condensa, opaca, uel contecta scripturæ diuinæ. In psal. Et reuelauit condensa. Ligna, peccatores igni deputādi. In Ecclesiaste: Qui scindit ligna, periclitabitur in eis. Item in bonam partem: Et erit tanq̃ lignum quod plantatum est. Aliàs ligni nomine sancta crux designatur: ut propheta, Mittamus lignum in pane eius: id est, in carne Christum cruce suspendamus. Item, En colligo duo ligna. Item lignū significat iustos ac peccatores: ut Salom. Si ceciderit lignum ad austrum aut ad aquilonem, ubicūq; cōciderit, ibi erit: quia in die mortis, iustus ad austrum cadit, peccator ad aquilonē. qui iustus per feruorem spiritus ad gaudium ducitur: peccator cum apostata angelo in frigidō corde reprobatur. Radix, origo. In apostolo: Quod si radix sancta & rami. Et in malam partem. In Psal. Euellet radicem tuam de terra uiuētium.

Arbor, homo, à fructu operum. In euang. Aut facite arborē bonam, & fructum eius bonum. Et in malam partem: Aut facite arborem malam, & fructum eius malum. Quidam in hoc testimonio, arborem hanc, uoluntatē hominis magis, q̃ ipsū hominem accipiendū putant. Arbor etiam fuit Christus cum resurrexit, qui cum moreretur granū fuit. Ramus, successio. In apostolo: Quod si radix sancta, & rami. Item in aliam partem. In Danie. Præcidite ramos eius. Item rami sunt sententiæ sanctorū patrum. In euan. Alij cædebant ramos de arborib. Folium, sermo doctrinæ. In psal. Et folium eius non defluet. Et aliter, foliū, uestitus & decor cum protectione diuinæ gratiæ. Et in malam partem: Non inuenit in ea fructū propter folia: id est, uerba sine fructu: unde monet Apostolus, ut diligamus non uerbo neq; lingua, sed opere & ueritate. Comparatur etiam homo folio, qui ab arbore cecidit in paradiso. Poma, sanctorum in uirtutibus fructus. In Cantico canti. Et manducet fructum pomorum suorum. Palma, perfectio uel uictoria. In Psal. Iustus ut palma florebit. Palma enim tarde proficit, sed diu in uiriditate persistit: ita sancta ecclesia cum multis difficultatibus ad fidei statum uenit, & pro

pro collectione plurimorum in eiusdem fidei gloria diutius stare cōcupiscit. Palma inferius corticum suarum inuolutionib. angustatur, sed superius amplitudine pulchræ uiriditatis expanditur: sic electorū uita inferius est despecta, sed superius pulchra. Habet quiddā & aliud palma, quo à cunctis arborum generibus differt: omnis enim arbor quæ in suo robore iuxta terram uaste subsistit, crescendo superius angustatur: & quantum paulisper sublimior, tantum in altum redditur subtilior: palma uero ab imis inchoat, & iuxta ramos ac fructus ampliori robore exurgit: & quæ tenuis ab imis proficit, uastior ad summam succrescit. Quibus itaq; alia arbusta, nisi terrenis mētibus inueniuntur esse similia, inferius uasta, superius angusta: quia nimirum omnes huius seculi dilectiones, in terrenis rebus sunt fortes, in cœlestib. debiles: pro temporali gloria usq; ad mortem desudare appetunt, & pro spe perpetua ne parum quidem in labore subsistunt: pro terrenis lucris quaslibet iniurias tolerant, & pro cœlesti mercede uel tenuissimas unius uerbi contumelias ferre recusant. Nam ut terreno iudici totos dies assistant, fortes sunt: in oratione uero coram domino, uel unius horæ momento lassantur. Sape nuditatem, uigilias, famē, pro acquirendis diuitijs & honoribus tolerant, & multa se abstinentia cruciant. At contra ex æqualitate palmarum designatur proficiens uita iustorum, qui nequaquā in terrenis studijs sunt fortes, & in cœlestibus debiles: sed longius atq; distantius studiosos se deo exhibent, quam seculo fuisse meminerūt. Scriptum est itaq; recte, ut admonui: Iustus ut palma florebit: & cætera. Cedri, excelsioris potentiae uiri. In Psal. Vt cedrus Libani multiplicabitur. Et in malam partem, superbi, elati: ut in Psal. Et confringet dominus cedros Libani. Olea, sanctus misericordiae abundans fructibus. In Psal. Ego autem sicut oliua fructifera in domo domini. Oleaster, homo sine fructu, uel gentilis. In Apostolo: Si aut tu ex naturali excisus es oleastro. Ficus, synagoga interdum. In Euāgelio: Et arefacta est continuo ficulnea. Et in Abacuc: Ficus non adferet fructum. Ficus, & in bono & in malo accipitur: ut Esaías, Et ostendit mihi ficus bonas ualde, & malas ualde. Et dominus Nathanaëli: Cum esses sub ficu (id est, sub peccato originali,) uidi te redempturus. Ficus etiā intelligitur humana natura, uel incredula synagoga: quæ bene condita propria sponte est lapsa, & fructum præcepti dei, uel bonæ operationis non protulit: unde in ea fructum dominus tribus annis, exquisiuit, nec inuenit: quia eam sub tribus temporibus, id est, ante legem, sub lege, sub gratia admonendo, uisitando requisit. ante legem parcendo sustinuit: sub gratia, quia incarnationis suæ præsentiam exhibēdo monstrauit: in lege, quia præcipiendo docuit: quibus tamē tribus temporibus infructuosa remansit, & à radicibus aruit. Sycomorus, ficus fatua dicitur: quam pusillus Zachæus subiit, & dominum uidit: quia qui mundi sapientiam humiliter eligunt, ipsi dei sapientiam subtiliter aspiciunt. Prudenter Sycomorum ascendimus, si prouide eam quæ diuinitus præcipitur, laudabilem & sapientem

pientem fatuitatem tenemus. Quid enim in hoc mundo insipientius, quàm
 amissa non quærere, possessa largiri, rapientibus relaxare, nullam pro acce-
 ptis iniurijs iniuriam reddere: sed iuxta preceptum dominicum, in omnibus
 patientiam præbere? Hyssopus, herba humilis, & lapidi in quo nascitur
 astricta, cuius radices saxum penetrare dicuntur: ipsa uero præcipue pulmo-
 nes curat. In pulmone notatur superbia: illic inflatio, illic anhelitus. In hyssop-
 o igitur designatur humilitas & patientia. Rhamnus, urticæ, cardui, sen-
 tes, paliuri, herbæ aculeis refertæ: significât immites, dolosos, superbos, & om-
 nes improbos, quos nullus bonorum uel mansuetorum potest contingere,
 uel castigare sine doloris compunctione. Item significant uitia, & tentatio-
 num afflictiones: ut in Genesi: Spinas & tribulos germinabit tibi. Mala-
 granata, ecclesia de multis gentibus, siue diuersas gratias habens. In Canti-
 cis canticorum: Emissiones tuæ paradisus malagranatorum cum fructu po-
 morum. Aliàs mala intelliguntur fructus bonæ operationis cum bono odo-
 re, id est, gratia bonæ famæ, & morum fructibus. Arundo, peccator, uel fra-
 gilis in fide, uel in aliqua tentatione. In Euange. Arundinem quassatam non
 confringet. Item arundo, infirmum auxilium. In Esaia: Quid confidis in ba-
 culo isto arundineo Ægyptio? cui si quis incubuerit, conquassabitur, & per-
 forabit manum eius. Rubus, ut quidam opinantur, Mariæ uirginis præfi-
 guratio: eo quod quasi de humani corporis rubo, saluatorem tanquã rosam
 emisit: aut quod uim diuini fulgoris, sine uiri adsumptione pertulerit. In
 Exodo: Apparuitq; ei dominus in flamma ignis de medio rubi, & uidebat
 quod rubus arderet, & non combureretur. Aliàs rubus ardens nec consum-
 ptus, Iudaicum populum signauit, quod & legis dei flammam præcepit, &
 tamen peccati pœnam nequaquam uitauit. Spinæ, interdum noxiæ diui-
 tiarum curæ, animum suffocantes, & huius mundi sollicitudines. In Euange.
 Aliud cecidit in spinas. Et iterum: Qui à sollicitudinib. & diuitijs & uolupta-
 tibus suffocantur. Tribuli, aculei uitiorum uel tentationum. In Genesi: Spi-
 nas & tribulos germinabit tibi. Fontes, baptismum. In Psalmo: Sicut cer-
 uus desiderat ad fontes aquarum. Fons etiam est Christus: ut Psalmo: Siti-
 uit anima mea ad deum fontem uiuum, Et Esaia: In die illa erit fons patens
 domus David: & cætera. Item in malam partem: ut Apostolus: Fontes sine
 aqua. Aquæ, tentationes. In Psalmo: Forsitan ut aqua absorbuisset nos.
 Item: Intrauerunt aquæ usq; ad animam meam. Item in bonam partem. In
 Hieremia: Me dereliquerūt fontem aquæ uiuæ. Et in Esaia: Qui sititis, ite ad
 aquam: id est, ad doctrinam. Aquæ nomine in scriptura sancta aliquando
 spiritus sanctus significatur. Sic enim spiritus sancti infusio designatur: ut in
 Euang. Qui credit in me, flumina de uentre eius fluent aquæ uiuæ. Item per
 aquã angelicus chorus exprimitur: ut in Psal. Et aquæ quæ super cœlos sunt
 laudent nomē domini. Itē scientia sacra: ut in libro Sapientiæ, Aqua sapien-
 tiæ potabit eos. Et iterū, aqua profunda uerba ex ore uiri. Præua quoq; scientia per

tia per aquam appellatur. Sicut per Salomonē, mulier quæ typum hæreseos tenet, callidis persuasionibus blanditur dicens, Aquæ furtivæ dulciores sunt. Aqua etiam, huius mundi prosperitatem significat: ut in Psalmo: Transivimus per ignem & aquam, & eduxisti nos in refrigerium. Ignis & aqua utrūque periculosum: ut in Evangelio: Frequenter eum & in ignem & in aquam misit, ut eum perderet. Quando res sunt angustæ, & aliquæ infelicitates sunt in hoc mundo, quasi ignis est. Quando res sunt prosperæ, & abundantia securi circumfluit, quasi iam aqua est. Per aquam etiam populi designantur, ut in Apocalypsi, Aquæ multæ, populi sunt multi. Per aquam quoque non solum cursus discurrentium populorum, sed etiam bonorum mentes, fidei prædicamenta sequentes ostenduntur: sicut apud Esaiam est: Beati qui seminatis super omnes aquas. Aqua etiam baptismum indicat: ut ait Ioannes evangelista: Tres sunt, qui testimonium dant in terra, spiritus, aqua, & sanguis. Spiritus enim, nos per adoptionem filios dei fecit. Sacri fontis unda nos abluit. Sanguis domini nos redemit. Torrens, persecutionis incursus, uel mortis dilapsus. In Psalmo: De torrente in uia bibit. Item: Torrentem pertransiuit anima mea. Et in bonam partem: Et torrente uoluntatis tuæ potabis eos. Torrentes etiam, sancti appellantur prædicatores, qui dum in præsentia uita diuinis nobis eloquijs influunt, aquarum multitudine, quasi in hyeme colliguntur: quia & æstiuo sole adueniente se subtrahunt, quia cum æternæ patriæ lux emicuerit, prædicare cessabunt. Flumina, infidelium populi. In Psalmo: Super flumina Babylonis. Item in bonam partem: Flumina de uentre eius fluent aquæ uiuæ: id est, diuersæ gratiæ spiritus. Sic in Psalmo: Fluminis impetus lætificat ciuitatem dei. Lacus, infernum. In Psalmo: Posuerunt me in lacu inferiore: id est, illo inferni loco, in quo peccatores soli pœnali custodia detinentur. Mare, seculum, siue populi. In Psalmo: Hoc mare magnum, & spaciosum. Per mare etiam intelliguntur sacræ scripturæ: ut in Ezechiele: Aspectus rotarum, & opus earum, quasi uisio maris. Recte itaque sacræ eloquia uisioni maris conferuntur, quia sententiæ loquutionis sacramento baptismatis confirmantur. Pisces, sancti. Interdum peccatores. In Evangelio: Et traxerunt plenum rete piscibus magnis. Item in malā partem: Malos autem foras miserunt. Rursus piscium nomine, fides non ficta exprimitur: quemadmodum enim piscis sub regumēto aquarum nascitur, uiuit, & alitur: sic & fides quæ in deum est, quæ alterius uitæ gaudia, per læmētā præsentia, fletusque irrequietos, in corde gignit: inuisibili gratia spiritus per aquā baptismatis consecratur: inuisibili auxilio diuinæ protectionis, ne deficiat nutrit: inuisibili præmiorū intuitu, quæcunque ualeat, bona operatur: memor illius apostolici. Quia quæ uidentur, temporalia sunt: quæ autem non uidentur, æterna. Piscis autē assus, passionē significat. Fluctus, tērationes. In Psal. Omnia excelsa tua, & fluctus tui super me transierunt. Significant etiam fluctus, timorem dei: ut in libro Iob: Sicut tumētes fluctus super me, sic semp̄ timui dñm.

Vndæ

Vndæ, idem quod supra in Cantico: Gelauerunt undæ in medio mari.
 Insulæ, animæ, uel ecclesiæ dei, quæ diuersis tentationum tunduntur fluxibus. In Psalmo: Lætentur insulæ multæ, Littus, finis seculi. In Euāgelio: Et secus littus sedentes elegerunt bonos in uasa. Arena maris, innumera gentium multitudines. In Genesi: Et multiplicabo semen tuum (id est, sanctos) sicut stellas cœli, & sicut arenam (peccatores) quæ est ad oram maris.

DE ANIMANTIBVS

V



VES, sancti, quod ad superiora corde euolent. In Euāgelio: Et fecit ramos magnos, ita ut possent sub umbra eius aues cœli habitare. Intelliguntur etiā per aues, superflua cogitationes, quod monstratur per Abraham, qui cum sacrificium deo offerret, insistentes aues perferebat, quas abigebat: quod enim in orationis sacrificio se importuna cogitationes ingerunt, & suborta, corda iustorum polluant: sed dum citius manu discretionis abiguntur, festiue agitur, ne cordis faciem caligo tentationis operiat, quæ ante iam ex illicita delectatione tangebatur. Volatus, sanctorum excessus in deum, uel in scripturis intellectus. In Psalmo: Et uolabo, & requiescam. Volucres, in bono accipiuntur, ut de auibus diximus. In malo autē, superba dæmonia designant, ut in Euangelio dominus: Aliud semen cecidit secus uiam, & uolucres cœli comederunt illud: quia maligni spiritus humanas mentes obsidentes, dum cogitationes noxias ingerunt, uerbum uitæ e memoria euellunt. Alæ, duo testamenta. In Ezechiele: Vnum quodq; duabus alis uelabat corpus suum. Sunt etiam alæ, uirtutes sanctorum, per quas ad contemplationem, uel ad cœlestia euolant: uel protectio diuina. Pennæ, scripturæ. In Psalmo: Pennæ colūbæ deargentatæ. Nidus, ecclesia, aut requies excelsa sanctis. In Psalmo: Et turtur nidum sibi, ubi reponat pullos suos. Et aliter, nidus, bona conscientia, in qua bonarum cogitationum fœtus fouentur, atq; in opere pariuntur, ut postea filij appellentur. In Psalmo: Filij tui, sicut nouellæ oliuarum in circuitu mensæ tuæ. Pulli, sancti. In Psalmo, ut supra. Sicut in libro Iob: Pulli eius lambent sanguinem: quod de filijs sanctæ ecclesiæ dicitur, qui sanguinem Christi bibunt. Et in malam partem. In Salomone: Et pulli aquilarum deuorent eum. Aquilæ, sancti. In Euangelio: Vbi fuerit corpus, illic congregabuntur aquilæ: quia egredientes sanctæ animæ de corpore ad Christum, qui pro illis moriendo cadauer factus est, aggregantur. Aquila, Christum etiam significat, ut Salomon: Via aquilæ in cœlo: id est, Christi ascensio. Et in malam partem: Pulli aquilarum deuorent eum. Vt in Hieremia, de malignis spiritibus: Velociiores fuerunt persecutores nostri aquilis. Per aquilam designatur etiam terrena tempestas. Struthio, quilibet hæreticus, uel philosophus, uel hypocrita, qui quasi cum pennis sapientiæ est, tamen non euolat. In Esaia: Erit cubile draconum, & pascua struthionum. Et struthio oua parit, sed pullos inde non nutrit: quia hypocrita quamuis recte prædicet, tamen per exemplum bonæ uitæ nullos filios

filios generat, ut in libro Iob. Struthio in terra relinquit oua sua, & obliuiscitur quod pes cōculcet ea. Pelicanus, dominus Christus in passione, aut uir sanctus solitudini deditus. In Psalmo: Similis factus sum pelicano solitudinis. Coruus, nigredo peccatorum, uel dæmones. In Salomone: Effodiant eum corui de torrente uel de rupibus. Item in bonam partem. In Canticis canticorum de sponso: Crines eius ut abietes, nigri sicut corui. Perdix, diabolus. In propheta: Clamauit perdix, congregauit quæ non peperit. Columba, spiritus sanctus. In Euangelio: Et uidit spiritum dei descendentem sicut columbam. Item in malam partem, ut in propheta: Et factus est Effraim quasi columba sine sensu, non habens cor. Turtur, spiritus sanctus, aut uir sanctus, aut intelligentia spiritalis. In Canticis canticorum: Vox turturis audita est in terra nostra. Sed tunc columba spiritus sanctus dicitur, quādo scripturæ sacræ manifesta dissertio est. Tunc uero turtur spiritus sanctus intelligitur, cum scripturæ altis atq; obscuris mysterijs eleuantur. Columba etiam simplicitatem, turtur indicat castitatem, quia amisso primo cōiuge, ultra socium nō requirit. Miluus significat, ut puto, rapacem, uel elatū. In Psalmo, secundum Hebræos: Milui abies domus est. Accipiter, interdum sanctus, ut puto, rapiens regnum dei: qui mutata ueteri penna renouatur, & proiciens inueterata studia dolosæ actionis, simplices actus assumit bene uiuēdi. In Iob: Nunquid in sapientia tua plumescit accipiter? Nycticorax Christus, uel uir sanctus infidelibus despiciabilis. In Psalmo: Factus sum sicut nycticorax in domicilio. Passer, nonnunquā dominus, aut uir sanctus. In Psalmo, Etenim passer inuenit sibi domū. Et alibi, quilibet Christianus, cui ab hæreticis dicitur, qui Christū, qui in scripturis mons nominatur, sese solummodo putant habere, Transmigra in montem sicut passer. Gallus, dominus, ut puto, aut sanctus. In Salomone: Et gallus ambulans inter gallinas latus. Et in Iob: Quis dedit gallo intelligentiam? Et in alteram partem: Et asportari te faciam sicut asportatur gallus gallinaceus. Galli nomine designantur prædicatores sancti, qui inter tenebras uitæ præsentis, student uenturam lucem prædicando quasi cantando nuntiare. dicunt enim: Nox præcessit, dies autem appropinquabit. Gallus etiam succinctis lumbis incedere scribitur, quia ipsi prædicatores sancti inter huius noctis tenebras uerū mane nuntiantes, in membris suis luxuriæ fluxa restringunt: quibus à domino dicitur, Sint lumbi uestri præcincti. Gallo etiam intelligentia desuper tribuitur, quia doctori ueritatis discretionis uirtus, ut nouerit, quibus, quid, quādo, uel quomodo inserat, diuinitus ministratur. Nō enim una eademq; cunctis exhortatio cōuenit, quia nec cunctos par morū qualitas constringit. Gallina, sapientia, siue ecclesia, siue anima. In Euangelio: Sicut gallina congregat pullos suos sub alis suis. Vespertilio, idolorum monstra tenebris dedita. In propheta: Ut adoretis talpas & uespertilioes. Sunt etiam cogitationes immundæ, quæ per dæmones intrant. Scarabæus, propheta: Et scarabæus

bæus de ligno clamabit, ut putant quidam, de domino. Locustæ, populi. In Euangelio: Esca autem eius erat locusta. Locustarum nomine aliquando Iudæorum populus, aliquando conuersa gentilitas, aliquando adulantium lingua, aliquando per comparisonem resurrectio dominica designatur, aliquando uita prædicatorum significatur. Apis, forma uirginitatis, siue sapientia. In Salomone: Vade ad apem & discite quàm operatrix sit. Et in malâ partem, in propheta: Et apis quæ est in Assur. Et circumdederunt me sicut apes, id est maliciosi & iracundi. Apes etiam quæ mel in ore habent, & in occulto caudæ uulnus, suo nomine significant omnes qui lingua blandiuntur, sed latenter ex malitia feriunt, quia loquendo dulcedinem mellis proponant, sed feriendo uulnus inferunt. Possunt etiam hoc nomine prudentum dicta signari, ut est illud: fauus mellis sermones boni. Musca, diabolus, uel minister eius, uel spurcicie idololatriæ. In Salomõe: Muscæ morituræ exterminant olei suauitatem. Bestiæ, diabolus, uel homines feri. In Psalmo: Ne tradas bestiis animas confitentes tibi. Leo, dominus, ut Apostolus: Vicit leo de tribu Iuda. Item in malam partem: Nequando rapiat ut leo animam meam. Item, aduersarius noster diabolus quasi leo circuit. Leana significat superbos uel præcipientes. Pardus, diabolus, uel peccator moribus uarijs, in propheta: Sicut Aethiops non mutabit pellem, & pardus uarietate. Elephas peccator immanis. In Regum: Et adducebant ad Salomonem simias & elephantos. Vrsus, diabolus, aut duces sæui, uel insidiatores. In Regnorum: Et egressi sunt duo ursi, & comederunt eos, quia Vespasianus & Titus Romani imperatores Iudæos deleuerunt. Ceruus, Christus, uel sancti. In Psalmo: Sicut ceruus desiderat ad fontes aquarum. Et rursus in Psalmo: Montes excelsi ceruis, petra refugium erinaceis: nam hic uitæ contemplatiuæ dediti significantur. Lupus, diabolus uel hæreticus. In Euangelio: Intrinsecus autem sunt lupi rapaces. Item in bonam partem: Benjamin lupus rapax, apostolum Paulum significans. Aper, diabolus. In Psalmo: Exterminabit eam aper de sylua. Tigris, sceminea interdum arrogantia. In libro Iob secundum Hebræum: Tigris perijt, eo quod non habuerit prædam. Monoceron, hoc est unicornis. In Psalmo: Et dilectus quemadmodum filius unicornium, id est, singularis potentia, uel sanctorum qui teneant unicum dei uerbum. Et in aliam partem: Et à cornibus unicornium humilitatem meam. In malam partem ponitur pro quolibet superbo, uiolento, uel unum testamentum tenente, ut Psalmista in persona passuri domini: Libera me domine à cornibus unicornium. Rhinoceron, fortis quique: uel in bonam uel in malam partem. In libro Iob, secundum Hebræum: Nunquid uolet rhinoceros seruire tibi? Onager, heremita, uel qui remoti à turbis popularibus uersantur. In Iob: Quis dimittet onagram liberum? Potest & populus ille Iudæorum onager dici: quia sequitur in eodem libro: Et uincula eius quis soluit? uincula utique præceptorum. Hinulus, Christus, aut sancti, pro gratiarum uarietate.

In Sa,

In Salomone: Similis es tu fratri mei damulæ, aut hinulo ceruorum. Dama, idem quod supra. Lepus, timens deum. In Psalmo: Petra refugium leporibus & erinacijs. Erinacius, idem quod supra: & erinacii gens inualida, qui fecerunt in petris domos sibi. Vulpes, hæreticus, uel diabolus, uel peccator callidus. In Euangelio: Ite dicite uulpi illi, Animal, homo carnalis. In Apostolo: Animalis autem homo non percipit ea quæ sunt spiritus dei. Iumentum, intellectu uel eloquio carens, interdum obediens. In Psalmo: Vt iumentum factus sum apud te, interdum luxuriosi, ut illud: Computruerunt iumenta in stercore suo. Equus, uir sanctus. In Abacuc: Qui ascendes super equos tuos. Et in malam partem: Fallax equus ad salutem, irrationalis quisque. In Psalmo: Nolite fieri sicut equus & mulus, quibus non est intellectus. Asinus, corpus humanum, uel populus gentilium. In Euangelio: Et adduxerunt ad Iesum asinam & pullum eius, & eum desuper sedere fecerunt. Asinorum nomine stultorum pigritia significatur, dum Moyses testatur: Non arabis in boue simul & asino, hoc est, in prædicatione non coniungas prudentem cum fatuo: simplicitas enim fidelium hoc nomine exprimitur, quam Christus regendo & præsidendo ad Hierusalem, id est, uisionem pacis deducit, unde dicitur: Agnouit & asinus præsepe domini sui. Rursus asino designatur immoderata petulantium luxuria, ut propheta: Quorum carnes sunt ut carnes asinorum. Asina, caro uel plebs carens dei notitia. In Euangelio, idem quod supra. Camelus, diuites rebus seculi onusti, uel moribus distorti. In Euangelio: Facilius est camelum per foramen acus transire, quam diuitem intrare in regna cælorum. Cameli nomine etiam ipse dominus significatur, ut: Liquantes culicem, camelum autem deglutientes, hoc in loco dominus aperte designatur, qui sponte humiliatus, infirmitatis nostræ onera sustulit, & acum punctiois, angustiasque foraminis in dolore suæ passionis. Culex susurrando uulnerat, camelus autem sponte se ad suscipienda onera inclinat: liquauerunt ergo Iudæi culicem, quia seditiosum latronem dimitti petierunt, camelum autem glutierunt, quia eum qui ad suscipienda nostræ mortalitatis onera sponte descenderat, extinguere clamando conati sunt. Tauri, principes populorum. In Psalmo: Tauri pingues obfederunt me. Boues, Apostoli, qui suscepto iugo Christi, euangelij uocem re mundum exarauerunt. In Psal. Offeram tibi boues cum hircis. Boues etiam stultorum uerborum significant, ut recte per Salomonem dicitur: statimque eam sequitur, quasi bos ductus ad uictimam: bouis nomine etiam uita uniuscuiusque operantis exprimitur, ut per Moysen. Non alligabis os boui trituranti, & dominus: Dignus est operarius cibo suo. Vacca, carnalibus uitijs pleni. In Psalmo: Inter uaccas populorum. Vacca etiam fideles omnes in ecclesia designant, qui dum sacri eloquii præcepta considerant quasi superimpositam sibi domini arcam portant: quorum plerique foris carnalibus affectibus ligantur, sed non declinant à recto itinere: quia arcam domini portant

in mente. Vitulus, Christus, siue sancti. In Psalmo: Tunc imponēt super altare tuum uitulos. Et in aliam partem: Circumdederunt me uituli multi, hoc est, lasciuientes. Sues, peccatores immundi. In epistola Petri: Et sus lota in uolutabro luti. Arietes, apostoli, uel ecclesiarū principes. In Psalmo: Adferre domino filios arietum. Oues, populi fideles: In Euang. Oues meę uocem meam audiunt. Pecora, simplices quicq; , minus præditi ratiocinandi subtilitate. In Salomone: Pasce animas pecorum tuorum. Hirci, peccatores, siue gentiles. In Daniele: Ecce autem hircus caprarum ueniebat ab occidente super faciem totius terræ. Item in bonam partē: Offeram tibi boues cum hircis. Capræ, iusti, interdum ex gentibus uenientes. In Salomone. Capillatura tua sicut grex caprarū, quæ reuelatæ sunt de Galaad. quem admodum autem capræ præcipue pastū in alto quærunt: sic & sancti mūdi baptismo & pœnitentia in supernis pastum desiderāt, unde Apostolus: Nostra conuersatio in cœlis est. Capræ sunt animæ efferatiorēs factæ per uanam doctrinam philosophorum, sed iam intra ecclesiam sanctam per sanctum Euangelium. Agni, Christus, uel apostoli, aut sancti. In Euangelio: Pasce agnos meos. Hædi, peccatores, uel motus carnis. In Euang. Hædos autem à sinistris. Talpæ, idola, uel hæretici, qui non uident ueritatem. In Esaia: Ut adoretis talpas & uespertiliōes. Canis, diabolus, uel Iudæus, uel gentilis. In Psal. Et de manu canis unicā meā. Et in aliā partē, in Ecclesiaste: Melior est canis uiuus leone mortuo. Hic leonē diabolū, canē uero gentilē, uel hominē peccatorē accipiendū putant: quod ille ad fidē uel pœnitentiā possit uenire, ille autē non ueniat: Canis item segnes prædicatores designat, ut ibi: Canes muti non ualentes latrare. Ranæ, dæmones. In Apoc. Et uidi de ore draconis spūs tres immūdos in modū ranarū. Sunt autē spūs dæmoniorum. Item ranæ, hæretici, qui in cœno uilissimorū sensuū cōmorantes, uana garrulitate oblatrare nō desinant. Formica, prouidus, uel operarius. In Salo. Vade ad formicā ó piger. Vermis, Christus p humilitate assumpti hominis. In Psal. Ego autē sum uermis & nō homo. Item in aliam partē. In Esaia: Vermis eorū nō morietur, id est, siue ipse uermis, siue peccati cōscientia, uel inquietudo prauę cogitationis. Aranea, humana fragilitas. In Psal. Et tabescere fecisti uelut araneā animā meam. Telæ araneorum, sunt opera temporalis concupiscentiæ, quæ nulla solidātur subtilitate, quæ uentus rapit mortalis. Serpens, diabolus, uel maligni homines. In Euangelio: Serpentes, genimina uiperarum. Item in aliam partem, in Euangelio: Sicut Moyses exaltauit serpentem in deserto: Serpens significat etiam prudentes, ut ibi: Estote prudentes sicut serpentes. Draco, diabolus, uel apertus persecutor. In Psalmo: Tu confregisti caput draconis, dedisti eum in escam populo Aethiopum. Scorpio, diabolus, uel ministri eius: In Euangelio: Dedi uobis potestatem calcandi super serpētes & scorpiones. Vipera, idem quod supra. In Euangelio: Genimina uiperarum.



HOMO, aut homo totus, aut mens. In genesi: Fecit deus hominem ad imaginem & similitudinem suā. Et in malam partem. In Psalmo, Exurge domine, non confortetur homo, hoc est caro, uel diabolus. Nomine hominis etiam reprehensio designatur, ut in hoc Apostoli, cum enim sint inter uos zelus & contentio, nōne carnales estis, nōne homines estis. & alibi: Inimicus homo hoc fecit, id est, diabolus. Item ab Apostolo dicitur homo peccati & filius perditionis, id est antichristus: sed & carnis nomine homines significantur, inde est: Et uidebit omnis caro salutem dei. Anima tam hominum quā iumentorum dicitur, ita in Iob: Anima omnis uiuens & spiritus uniuersae carnis in potestate est omnipotentis. animam rationalem hominum usq; ad spiritualem intellectū subleuat, animam autem irrationabilium usq; ad corporeos sensus uiuificat.

Vir, spiritus, id est mens. In Apostolo: Caput mulieris uir. Item uir in malam partem. In Genesi: Bona facie ualde uirgo, quam uir non cognouerat, id est diabolus, qui plerumq; mentem cogitatione corrumpit. Mulier, anima, siue caro humana. In Apostolo: Caput mulieris uir. Mulier pro sexu, ut: Misit deus filium suum natum ex muliere, factum sub lege: Pro infirmitate ut apud Sapientē: Melior est iniquitas uiri quā mulier benefaciens. Virgo, ecclesia, uel sanctae animae. In Apostolo: Despondi enim uos uni uiro uirginem castam exhibere Christo. Et in malam partem: Descēde sede in puluere uirgo filia Babylonis, id est anima bonitate sterilis, quae hypocrisis uel malitia sit confusionis filia. Rex, dominus. In Apostolo: Rex regum, & dominus dominantium. Et in malam partem, ut de diabolo: Ipse est rex super uniuersos filios superbiae. Regina, ecclesia. In Psalmo: Astitit regina à dextris tuis. Et item regina, anima imperans corpori. Pater, dominus. In propheta: Et ero uobis in patrē, & uos eritis mihi in filios & filias, dicit dñs omnipotens: Et in Euangelio: Unus est enim pater uester, qui in coelis est. Item de diabolo: Quia mendax est & pater eius, pater mendacij, & omnium qui in ueritate non permanserint. Mater, ecclesia, uel Hierusalem coelestis. In Apostolo: Illa autem quae sursum est Hierusalem, libera est, quae est mater nostra. Item qui bene loquendo fideles Christo generant & educāt, matres in utroq; sexu, ipso Christo teste, existūt. Frater, Christus uel proximus. In Psalmo: Narrabo nomen tuum fratribus meis. & ipse ait: Ite nuntiate fratribus meis. Soror, ecclesia, synagoga, uel Christi anima. In Canticis canticorum: Soror mea sponsa. Vir & uxor, Christus & ecclesia, intellectus spiritualis & historia scripturarum. In Apostolo, Viri diligite uxores uestras, sicut & Christus dilexit ecclesiam. Sponsus, Christus, ideo quod à patre

ab initio sit promissus. In Psalmo: Et ipse tanquam sponsus procedens de thalamo suo. & in Euangelio: Qui habet sponsam, spōsus est. Sponsa, ecclesia, quæ utiq; diuinis sponsonibus sit promissa. In Canticis canticorum: Veni à Libano sponsa, ueni à Libano. Filius, populus credentium. In Apostolo: Iam non est seruus, sed filius: quod si filius, & hæres per deum: filius, id est, dominus, ut ibi: quod si filius uos liberauerit. Filia, anima fidelis, siue ecclesia. In Psalmo. Audi filia & uide. & in malam partem: Super filiam uagā dispone custodiam, id est animæ leuitatem. Proximi, fide propinqui, & qui misericordiam impendunt inopī. In Salomone: Venite manducate, & bibite, & inebriamini proximi. Amici, concordēs in deum. In Euangelio: Vos amici mei estis. Senes, consummata iustitiæ. In Genesi: Et mortuus est Abraham senex & plenus dierum. In Salomone: Cani sunt hominis senes, & ætas senectutis uita immaculata. Et in sinistram partem, de Salomone: Cumq; iam senex esset deprauatum est cor eius. Iuuenes, alacres in deum. In epistola Ioannis: Scribo uobis iuuenes, quia fortes estis, & uerbū dei in uobis manet, & uicistis malignū. Et in malā partē, in Regnorum libro de Roboam: Derelicto cōsilio seniorum, locutus est secundū cōsiliū iuuenum. Item ibi: Vē tibi terra, cuius rex iuuenis est. Paruulus, mēte humilis & simplex. In Euangelio: Abscondisti hæc à sapientibus & prudentibus, & reuelasti ea paruulis. Et in Euangelio: Nisi efficiamini sicut paruuli, non intrabitis in regnum cœlorum. & Apostolus: Malitia paruuli estote, sensibus autem perfecti estote. Item in alteram partem, in Apostolo: Cum essem paruulus, loquebar ut paruulus. paruulus etiam Christus intelligitur, qui se humiliavit usq; ad mortē. Meretrix, anima peccatrix, quæ relicto cœlesti uiro suo, id est Christo, adulterinos de diabolo iniquitatis fructus concepit. In Hieremia: Facies mulieris meretricis facta est tibi. Operarij, Apostoli, uel prædicatores. In Euangelio: Messis quidem multa, operarij autem pauci. Pastor, dominus: Ego sum pastor bonus. Item pastor, Apostolus. In Euangelio: Pasce oues meas. & in malam partem: Et abiit ut pasceret porcos, id est qui sunt immundis cogitationibus. Mercenarij, seruiētes domino nō pro amore tantum diuino, sed pro temporali retributione. In Euangelio: Quanti mercenarij patris mei abundant panibus. Piscatores, Apostoli, uel doctores. In Euangelio: Et faciam uos fieri pisces hominum. Medicus, Christus, uel doctus. In Salomone: Mansuetus uir cordis est medicus. Item Non egent sani medico, sed male habentes. Diues, fidelis abundans spiritalibus bonis. In Apostolo: Quia diuites facti estis in illo in omni scientia & in omni uerbo. diues etiam Christus, ut illud: Diues in omnibus qui inuocant illum. Et in aliam partem. In Euangelio: Vā uobis diuitibus. Pauper, humilis. In Euangelio: Et erat quidam Lazarus pauper. Et iterum: Beati pauperes spiritu. Pauper etiam est Christus, ut Apostolus: Christus ex genus pro nobis factus est, cum esset diues. Et in malam partem. In Psalmo

mo: Quia pauperes facti sumus nimis. Vestitus, habens baptismi uel fidei integritatem, aut iustitiæ indumentum. In Euangelio: Et uidit ibi hominem non uestitum ueste nuptiali, & Apostolus. Omnes qui in Christo baptizati estis, Christum induistis. Nudus, carens baptismi sacramento, uel diuino adiutorio, uel bonis operibus. In Apoclypsi: Tu autem nudus & miser. Et in bonam partem. In Euangelio: Et reiecta, inquit, sindone nudus profugit ab eis, id est nudus terrena facultate. Viui, iusti. In Psalmo: Placebo domino in regione uiuorum. Et in alteram partem, in Salomone: Et laudauit magis mortuos quā uiuentes. Mortui, peccatores, uel infideles. In Euangelio: Sine mortuos sepelire suos mortuos. Et in bonam partem: Beati mortui qui in domino moriuntur. Item: Mortui estis, & uita uestra abscondita est cum Christo in deo. Cadauera, infidelium corpora. In propheta: Et impleam uallem Iosaphat cadaueribus mortuorum. Item in aliam partem: Posuerunt cadauera seruorum tuorum. Item, illud: Videbunt cadauera uiuorum, qui increduli fuerunt proiecta. Sepulchrum, corpus peccatoris, mortuam uitæ animam intrinsecus retinens. In Euangelio: Similes estis sepulchris dealbatis, quæ à foris parent hominibus speciosa, intus uero plena sunt ossibus mortuorum. ediuerso dicit propheta de sepulchro domini: Et erit sepulchrum eius gloriosum.

DE INTERIORI HOMINE VII



INTERIOR homo, anima rationalis. In Apostolo: In interiori homine habitare Christum per fidem in cordibus uestris. Caput eius, Christus. In Apostolo: Caput uiri Christus. Vertex, summitas iustitiæ. In Salomone: Coronā enim gratiarum accipiet tuus uertex. Item in aliam partem: Verticem capilli perambulantium in delictis suis, id est summa nequitia. Capilli, ornatus iustitiæ, uel sensus. In Euangelio: Vestri autem & capilli capitis omnes numerati sunt. Collum, sancta scriptura, ut in Canticis: Collum tuum sicut turris Libani, ex quo pendent mille clypei omnis armatura fortium, id est testimonia sanctarum scripturarum, alias superbia: Vt filiæ Sion ambulauerunt extento collo. Ceruix, superbia, ut: Dura ceruice. Oculi, intellectus fidelis & simplex. In Euangelio: Vestri autem beati oculi qui uident, & alibi, Oculi sapientis in capite eius, id est intellectus in corde prudentis. Et in malam partem. In Euangelio: Si oculus tuus nequam fuerit. Aures, obedientia fidelis. In Euang. Et aures uestre quæ audiunt. Nares, spiraculum fidei, bonarumque uirtutum. In Iob: Et spiritus diuinus in naribus meis. Item: Nasus tuus sicut turris quæ est in Libano. Et in malam partem: De naribus eius procedit fumus, id est diaboli. Fauces, iudicium intellectus. In libro Iob: Et fauces meæ nonne sapientiā meditantur? Et in malā partē: Rauce factæ sunt fauces meæ. Os, sermo ipse. In Psal. Os iusti meditabitur sapientiam.

Lingua, idem quod supra. In Psalmo, Et lingua eius loquatur iudicium: uel scriptura, ut: Lingua mea calamus scribe. Dentes, sancti prædicatores, qui recte præcipiunt, & quemadmodum præcipiunt, ita uiuunt, ut hoc sponsæ dictum: Dentes tui sicut greges tonsarum ouium, quæ ascenderunt de lauacro, quæ omnes pariunt geminos, & sterilis non est in eis. Item interiores sensus, ut per Hieremiam: Fregit ad numerum dentes meos: dentes enim singula quæ cogitant quasi manducant, & comminuunt, & ad uentrem memoriam transmittunt. Axillæ quæ sunt initia brachiorum, significant bonorum operum exordium, quas non mouisse pigro, sic imputat scriptura: Abscondit piger manum suam sub axilla. Humeri, fortitudo portantis, propheta de domino crucem portaturo: Potestas super humerum eius.

Manus, opus. In Psalmo: Et laui inter innocentes manus meas. & potestas ut: Manus tuæ fecerunt me. Dextera, opera bona. In Euangelio: Nesciat sinistra tua quid faciat dextera tua. Sinistra, opera non bona, ut supra. Dextera etiam uita æterna, sinistra autem præsens, ut illud: Laeva eius sub capite meo, & dextera illius amplexabitur me. Pectus, arcanum intelligentiæ. In Euangelio: Discumbebat autem super pectus domini discipulus, quem Iesus amabat plurimum. Venter, capacitas rationis. In Abacuc. Venter meus turbatus est in me. Venter etiam mens, ut Hieremias: Ventrem meum doleo, quod quia de spiritali & non corporeo uentre dixit, adiungit: Sensus cordis mei conturbati sunt. & dominus in Euangelio: Qui credit in me, flumina de uentre eius fluunt aquæ uiuæ. Renes, interiora sensus. In Psalmo: Insuper & usque ad noctem increpauerunt me renes mei. Nihil occultius in homine quam cor & renes, unde scriptura: Scrutans corda & renes deus.

Lumbi, fortitudo animi. In Apostolo: Accingite lumbos mentis uestræ. & luxuria, ut in Euangelio: Sint lumbi uestri præcincti, & in Iob: Accinge sicut uir lumbos tuos. Umbilicus, appetitus concupiscentiæ. In Iob: Et uirtus eius sub umbilico uentris: id est quod fœminæ genitalia per hoc significet, sicut in lumbis uirorum. Adeps, pinguedo gratiæ diuinæ, uel saturitas supernæ sapientiæ. In Psal. Sicut adipe & pinguedine repleatur anima. Item in malâ partē, Adeps, crassitudo malitiæ. In Psal. Adipem suum concluserunt.

Ossa, firmitas animi. In Psal. Omnia ossa mea dicent, domine quis similis tibi: Et in malâ partē, in Iob: Ossa eius uelut fistula æris. Item fraudulenta consilia ministrorum antichristi, ut in Psal. Deus dissipauit ossa illorum, qui hominibus placent. Medullæ infusio charitatis, & aliarum uirtutum, ut in Psal. Holocausta medullata offeram tibi. Viscera, affectus pietatis & misericordiæ. In Apostolo: Si qua uiscera miserationis. Et in alteram partem, in Actibus Apostolorum de Iuda: Et diffusa sunt omnia uiscera eius. Pellis, signum mortalitatis. In Genesi: Et fecit eis tunicas pellicias. Cutis, illi qui solis exterioribus intenti, interiorius marcescunt. Pili, uitæ ueteris cogitationes, qui sunt incidendi, unde per Moysen præcipitur: Leuitæ radant omnes pilos carnis suæ. Sanguis

Sanguis, operatio carnalis. In Psalmo: Libera me de sanguinibus deus deus salutis meae. Et item: Caro & sanguis regnum dei nō possidebūt. Et Esaias: Sanguis sanguinem tetigit. Item in bonam partem, ut Apostolus: Et sanguis Iesu Christi emundat nos ab omni peccato. Caro, homo exterior. In Apostolo: Caro enim concupiscit aduersus spiritum, spiritus autem aduersus carnem. Caro iuxta naturam, ut: hoc nunc os ex ossibus meis, & caro de carne mea. & ibi: Verbum caro factum est. unde Apostolus: Vos autem in carne non estis, sed in spiritu. Item caro iuxta culpam, ut: Non permanebit spiritus meus in hominibus istis, quia caro sunt. Genua, confessio humilitatis. In Cantico: Et nūc flecto genua cordis mei. & in Psalmo: Genua mea infirmata sunt à ieiunio. Aliquando uirtus fidei, in propheta: Reliqui mihi septem milia uirorum, qui non curuauerūt genua ante Baal. Pedes, cursus uitae, uel stabilitas mentis, uel fidei. In Psalmo. Stantes erant pedes nostri. Et in malam partem, in propheta: Cur claudicatis utroq; pede? Et, Veloces pedes eorum ad effundendum sanguinem. Calcaneū, supplantatio uitiorū. In Genesi: Ipse tuū obseruabit caput, & tu illius calcaneum. Item, terminus actionis, ut in Psalmo: Ipsi calcaneum meum obseruabūt. Gressus, profectus operum. In Psalmo. Perfice gressus meos in semitis tuis. Vestigia, signa uirtutum. In Psalmo: Vt non moueantur uestigia mea. Et in alteram partem, in Salomone: Et transiet uita (impiorum) tanquā uestigiū maris. Stola, indumentum baptismi uel fidei. In Euangelio: Cito proferte stolam primam. Cilicium, poenitentiae testimoniū. In Euange. Olim in cinere & cilicio poenitentia egissent. Cingulum, spiritualis operis accinctus. In Psalmo: Et praecinxisti me laticia. Zona, cordis munditia, Apostolus: Praecincti circa lumbos zonis aureis. Calciamenta, praeparatio pacis. In Apostolo: Calciati pedes in praeparationem Euangelij pacis. Arma interioris hominis, in Apostolo: Induti lorica iusticiae, & scutum fidei, & galeam salutis, & gladium spiritus, quod est uerbum dei.

DE HIS QVAE IN VSU ATQVE IN MEDIO
HABENTVR. VIII.



PANIS, Christus, uel sermo dei. In Euāgelio: Ego sum panis uerus. & alibi: Mittamus lignum in panem eius, id est crucem in corpus eius. & panis quemadmodum doctrinam, ita & malam significat, ut ibi, Panis absconditus suauior. Vinū idem quod supra. In Salo. Et bibite uinū quod miscui uobis. Vinū etiam securitatem reuerentiae significat, ut: Infundēs oleum & uinū: ut per uinū mordeātur uulnera, per oleū foueantur. Oleū, misericordia, uel spiritus sanctus. In Psal. In oleo sancto meo liniui eum. In aliam partē: Oleū autē peccatoris nō inpinguet caput meum, id est, adulatio. Porcina, peccata. In Psal. Saturatus sum porcina. Azymum, synceritas cordis, sine fermento malitiae. In Apostolo. In azyimis

In azymis synceritatis & ueritatis. Ouū, spes certa fidelium. Item in malam partē. Qui comederit de ouis eorum morietur, de improbis & male doctis.

Similago, puritas mentis, & fortitudo charitatis. In Leuitico: Si autem anima offert munus sacrificium deo, similago sit munus eius. Subcinericium, humilitatis oblatio. In Genesi: Festinanter consperge tres mensuras similaginis, & fac subcinericios. Et in malam partem: Factus est Effraim subcinericius. Lac, mentis synceritas. In epistola Petri. Rationabiles sine dolo lac concupiscite. Item in aliam partem, de rudibus in ecclesia: Lac uobis potum dedi, non escam, nondum enim poteratis. Hic lac exiguitas sensus. Lac coagulatum, uitius concretum, In Psalmo: Coagulatum est sicut lac cor eorum.

Sal, condimentum sapientiæ, In Euangelio: Vos estis sal terræ, & habete sal in uobis. Mel, dulcedo præceptorum dei. In Psalmo: Quam dulcia fauibus meis eloquia tua domine super mel & fauū ori meo. Item aliter, in Salomone: Inueniens mel, manduca quod satis est, ne forte satiatu euomas, id est altiora te ne quæsieris. Fel, amaritudo malitiæ. In Psalmo: Dederunt in escam meam mel. Acetum, asperitas corruptæ mentis. In Psalmo: Et in siti mea potauerunt me aceto. Item acetum, correptio doctorum, unde Salomon: Acetum in nitro, qui cātat carmina corde pessimo. Pix, inquinamentum & nigredo delictorum. In Salomone: Qui tangit picem, inquinabitur ab ea. Sicera, confectio quædam malitiæ & nequitia. In Euangelio: Vinum & siceram non bibet. Calix, domini passio. In Psalmo: Calicem salutaris accipiam, & ipse dominus: Pater transfer calicem hunc à me, Et in malam partem: Calix aureus Babylonis. Merum, synceritas iudicij aut ueritatis, uel calor fidei. In Psalmo: Vini meri plenus mixto. Fex ultimum iudicij. In Psalmo: Veruntamen fex eius non est exinanita. Item illi qui secure in peccatis quiescunt, unde propheta: Requieuit in fecibus suis. Cibus, sermo uel uoluntas domini. In Euangelio: Meus cibus est ut faciam uoluntatem eius qui me misit patris. Potus, idem quod supra. In Psalmo: Et torrente uoluntatis tuæ potabis eos, id est spiritu sancto. Et Psalmista: In compungendo potum meum cum fletu temperabam. Item in aliam partem: Non est regnum dei esca & potus. Promptuaria, cordis receptacula. In Cantico Deuteronomij: In promptuarijs eorum timor. Pera, uictus sollicitudo, & impedimenta seculi. In Euangelio: Non peram in uia. Sacculus, thesaurizatio in deo. In Euangelio: Facite uobis sacculos qui non ueterascant. Et in aliam partem: Sacculum communem possideamus, id est auaritiam. Pecunia, uerba diuina. In Euangelio: Oportuit ergo te mittere pecuniam meam numularijs. Et sapientia unde Salomon: Sapientia occulta & thesaurus inuisus, quæ utilitas in uirisque. Vellus, populus. In Psalmo: Et descendit tanquam pluuia in uellus. Linum, spiritalis fortitudo, uel candor, uel subtilitas scripturarum. In Exodo: Porrò filijs Aaron tunicas lineas parabis. Item in malam partem: Non

Non indues uestem ex lana linōq; contextam. Vtres, uasa humani corporis. In Euangelio: Vinum nouum in utres nouos mitti debet. Farina, opus bonum, uel scientia. In Euangelio, Abscondit mulier in farinæ fata tria. Item in malam partem: uanas cogitationes, ut propheta, Tolle molam & mole farinam. Mola, uitæ conuersatio. In Euangelio: Duæ molentes in mola. Possunt & duo testamenta lapides molæ significare, per quos labore discentium triticum ueteris instrumenti in farinam euangelij conuertatur.

Hæc igitur nomina cum in textu sacrae lectionis occurrunt, ita uel maxime ut exprimuntur apertioribus accipienda traduntur, licet in diuersas plerunque significationes pro persona uel tempore uel loco exeant, atq; in figuras locis congruas pro ratione allegoricæ interpretationis erumpant. Nam & abyssus intelligitur, sicut supra diximus, profunditas scripturarū, & item abyssus aquæ immensitas: Et rupti sunt fontes abyssi magnæ. Item abyssus, ineffabilia iudicia dei. In Psalmo: Iudicia tua abyssus multa. Item abyssus, infernus: Aut quis descendit in abyssum? id est Christum de mortuis reuocat. Item abyssus, corda hominum facioribus tenebrosa: Abyssus dixit, nō est mecum, id est, sapientia. Ignis, sicut superius memorauimus, accipitur spiritus sanctus, ut Paulus, deus noster ignis consumens est: & iterum, ignis charitas circumsepta eius, circumsepta ignis flammæ eius. Ignis, tribulatio. In Psalterio: Igne nos examinasti, sicut igne examinatur argentū. Item transuimus per ignem & aquam. Ignis, ira: Et consumam eos in igne iræ meæ, ait dominus. Ignis, uoluptas: Omnes adulterantur sicut clibanus corda eorum. Item ignis, mentis malitia, ut: Tunc ignis aduersarios cōsumit. Item uirtus charitatis, ut: Currus dei flamma ignis, rotæ eius ignis accensus. Umbra, ut indicauimus, significatur protectio diuina. Item umbra aliquādo peccata: Sedentes in tenebris, & in umbra mortis. Umbra aliquando pœna, in Iob: Umbra mortis, & nullus ordo. Et quia umbra non longe est ab ea re cuius est umbra, ira & mors non longe est à pœna quæ infert mortem. Umbra aliquando est delectatio peccatorum, in Iob de diabolo: Sub umbra dormit in secreto calami in locis humentibus. Et rursus species aliquæ specie una res multas significant. Duo testamenta, eo quod hic duo illi lapides molares possint significare, memorauimus. Et item duo testamēta duo Cherubin, in Exodo: duo animalia, in Abacuc: duæ petrae, in Exodo, & in Canticis canticorū, quatum uelamento sponsa & Moses proteguntur: duo montes enei, in Zacharia, de quorum frutetis myrtinis & obscura opacitate egrediuntur quadrigæ cum equis rufis, nigris, albis, & uarijs. Sed has tam multimodas significationes in singulis prosequi nominibus, non solum laboris immensi, uerum etiam impossibile arbitrati sumus. Nunc ergo ad eum interpretationis modum atque ordinem, quem paululum pro necessitate disputandi interrupimus, reuertamur.

Cophini, apostoli. In Euan. Et tulerūt reliquias duodecim cophinos fragmentorum

gmentorum plenos. Item in aliam partem. Manus eius in cophino seruierunt, id est, in seruitute, uel tribulatione, quam Aegyptij intulerunt. Cathedra, doctrina. In Psalmo. Et in cathedra seniorum laudent eum. Item in aliam partem: Et in cathedra pestilentiae non sedit, id est in doctrina haereticorum. Scabellum, humiliatorum subiectio. In Psalmo. Donec ponam inimicos tuos scabellum pedum tuorum: Item humanitas Christi, ut in Psalmo. Adorate scabellum pedum eius. Statera, aequitas, uel diuinæ gubernationis potentia. In Esaia: Et librauit in pondere montes, & colles in statera. Cinis, humanae fragilitatis inanitas. In Salomone: Quid superbis terra & cinis? Olla, profapia. In Psal. Moab olla spei meae, id est quod de Ruth Moabitide Christi secundum carnem profapia descenderit. Item in aliam partem, olla, tribulationis excoctio, in propheta: Et uidi ollam succensam a facie Aquilonis. Lampades, animae iusticia fulgentes. In Euangelio: Et praeauerunt lampades suas. Item claritas miraculorum, uel uerba praedicatorum, quae stulti contemnunt, ut Iob. Lampas contempta apud cogitationes stulti. Tenebrae delectationes uel doctrinae prauae, ut in Psalmo: In tenebris ambulat. Item occulta iudicia dei, ut in Psal. Posuit tenebras latibulum suum, Item castigatio uel aduersitas, ut Esaia: Ego dominus formans lucem & creans tenebras. Lucerna, ecclesia, uel anima. In Euangelio. Sint lumbi uestri accincti, & lucernae ardentes. Aliquoties lucernae, opera bona: Sic luceat lumen uestrum, ut uideant opera uestra bona. Modius, corpus humanum, uel legis litera, uel populus Iudaeorum. In Euangelio: Nemo accendit lucernam, & ponit eam sub modio. Item iustum iudicium uel mentis libratio in dei & proximi aequa libratione. Vnde Moyses: Iustus sit tibi modius. Candelabrum, ecclesia, uel corpus domini, aut sancta scriptura. In propheta: Et uidi a dextris altaris candelabra duo ardentia. Mensa, altare, uel refectio spiritalis. In Psalmo. Paraasti in conspectu meo mensam. Clauis, adaperitio scientiae spiritalis. In Luca: Vae uobis legisperitis, quia tollitis clauem scientiae: ipsi non introistis, & eos qui introibant, prohibuistis. Item clauis, iustitiae, misericordiae, pietatisque uirtutes. In Euangelio: Tibi dabo clauis regni caelorum. Clauis, timor dei, ut in Psalmo: Confige timore tuo carnes meas. Item clauis, scientiae fortis doctores, ut Salomon: Verba sapientum ut stimuli & clauis in altum defixi. Seras, repagula aduersus impios diuinorum praceptorum. In Psalmo. Quoniam confortauit seras portarum tuarum. Ascia uel dolabrū, prauorum persecutio. In Psalmo: In bipenne & ascia deiecerunt eam. Bipennis, geminata afflictio, in Psalmo: ut supra. Framea, anima iusti, ut, abundent ergo iusti & effundet framea. Item mors, ut in Psalmo: Erue a framea deus animam meam. Gladius, uerbum dei. Apostolus enim, gladius spiritus, quod est uerbum dei. Item Lingua falsi testis, ut in Psalmo: Dentes eorum arma & sagittae, & lingua eorum gladius acutus. Nauis, ecclesia. In Euangelio: Nauicula multis in medio mari iactabatur fluctibus. Soler & homo

homo nauicula dici, ut nautæ cogitationes hominū gubernantes aduertantur. Retia, prædicatio. In euange. Et mitte retia in capturam. Trabes, peccatum grauius. In euange. Eijce primum trabem de oculo tuo. Festuca, peccatum leuius. In euange. Et tunc uidebis eijcere festucam de oculo fratris tui. Laqueus, dolus. In psalmo: Laqueum parauerunt pedibus meis. Funes, fors, uel hæreditas. In psalmo: Funes ceciderunt mihi præclaris. Item funes, peccata: Væ qui trahitis peccata uelut funem longum. Et iterum: Funes peccatorum circūplexi sunt me. Rota, orbis, aut uita humana. In psalmo: Vox tonitruui tui in rota. Item: Deus meus pone illos ut rotam. id est, uolubiles, uel instabiles effice in malitia sua. Item utrumq; testamentum, ut est apud Ezechielem. Spongia, caua infidelitas Iudæorum. In euange. Illi autem spongiā plenā aceto, hyssopo circūponentes obtulerunt ori eius. Scala, sanctorum profectus. In Genesi: Viditq; in somnis scalam stantem super terram, & cacumen illius tangens cælos, angelos quoq; dei ascendentes & descendentes super eam. Scopæ, cura superstitionis per uanam gloriā. In euange. Et ueniens inuenit uacantem scopis mundatam & ornatam. Stuppæ, cœtus malignantium per uitia & peccata: ut propheta, Stuppæ collectæ synagoga peccantium. Margarita, doctrina euangelica, uel spes regni cœlorum. In euange. Inuenta autem una preciosa margarita, abiit, & uendidit omnia quæ habuit, & emit eam. Anulus, signaculum fidei. In euange. Et date anulum in manum eius. Item de hoc in psal. Signatum est super nos lumen uultus tui domine. Chlamys, laudis ornatus. In Salomone: Chlamydes fecit uiro suo. id est, uestimentum, quod de duobus coloribus, tanquam de duobus testamentis confectum sit. Aurum, interior scripturarum intellectus. In psalmo: Et posteriora dorsī eius in specie auri. Item Christi diuinitas: ut in Canticis sponso dicitur, Caput eius aurum optimum. Item splendor supernæ ciuitatis Hierusalem, quam Ioannes se uidisse testatur: Ipsa uero ciuitas, aurum mundum. Item sapientia: ut Salomon, Thesaurus desiderabilis requiescit in ore sapientis. Item splendor sanctitatis, quem subito commutatum Hieremias deplorat, Quomodo obscuratum est aurum, mutatus est color optimus. Argentum, eloquia diuina, siue intellectus literæ, uel historiæ. In psalmo: Eloquia domini, eloquia casta, argentum igne examinatum. Item in malam partem: Aurum & argentū eorum eruginauit. Scoria, spuma, uel rubigo, quam in fornace deponit argentū. tales erūt peccatores, cum eos gehennæ caminus acceperit. Lapides preciosi, apostoli, uel sancti, siue opera ipsa uirtutum. In apocalypsi: Fundamenta muri ciuitatis omnia lapide precioso ornata. Æs, uanitas, uel inanitas fidei. In apostolo: Factus sum uelut æs sonans. Item in aliam partem: Posuisti ut arcū æreum brachia mea. Hic æreum, sortem, uel firmum. Ferrum, tribulatio, uel homo ipse. In psalmo: Ferrum pertransiit animam eius. Plumbum, pondera peccatorum. In propheta: Et uidi iniquitatē super talentum plumbi. Fictile, fragilitas carnis.

nis. In apostolo: Habemus thesaurum hunc in uasis fictilibus.

DE VARIIS VERBORVM SIGNIFICATIONIBVS,
quæ per infinitiuum dicuntur.

IX



AEDIFICARE, bona opera facere, uel bene docere. In apostolo: Si quis autem ædificat supra fundamentum hoc, aurum, argentum, lapides preciosos, id est, opera diuersarum uirtutum. Destruere, mala opera exercere, uel male docere. In Salomone: Vnus ædificans, & unus destruens. Mundare, uitjs expurgare. In euangelio: Tetigit eum Iesus, dicens, Volo, mundare: & confestim mundata est lepra eius. Stare, fide consistere. In apostolo: State in fide. Ambulare, ad deum tendere. In psalmo: Et ambulabam in latitudine. Sedere, in deo humiliter quiescere. In euangelio: Vos autem sedete in ciuitate. Iacere, aut uitjs, aut temptationibus succumbere. In euange. Et inuenit eam iacentem in lecto. Currere, in operibus bonis properare. In apostolo: Sic currite ut comprehendatis. Vigilare, custodiam cordis adhibere, uel in deum resurgere. In psalmo: A uigilia matutina usq; ad noctem. Et apostolus, Euigilate iuste & nolite peccare. Item alibi: Vigilate, state in fide, uiriliter agite. Dormire, post trāsitum apud deum requiescere. In psalmo: Nunquid qui dormit, non adiiciet ut resurgat? Et aliter: dormire, peccatorum sopore torpescere. In apostolo: Surge qui dormis. Erubescere, in malo optimū, in bono pessimum: unde dicitur, Est confusio adducens peccatū, & est confusio adducens gloriā. Ascensus, profectus in deum. In psalmo: Ascensus in corde eius. Descensus, defectus à deo. In euang. Homo quidam descendebat ab Hierusalem in Hiericho. Via, Christus. In euange. Ego sum uia, ueritas, & uita. Et aliter: uia, uita hominis. In psalmo: Vias meas enunciaui, & exaudisti me. Et Salomon, Comedent fructum uiarum suarum. Spaciosa, uitiorum illecebris dilatata. In euangelio: Lata porta & spaciosa uia, quæ ducit ad perditionem. Arcta, districta, uel tribulationibus pressa, quæ ducit ad uitam. In euangelio, Quam angusta porta & arcta uia quæ ducit ad uitam. Directa, præceptis dei ordinata. In Esaia: Rectas facite semitas eius. Praua, à dei præceptis deuia. In Esaia: Et erunt praua in directa, & aspera in uias planas. Plana, obedientia præceptorum exæquata. In Esaia, ut supra. Aspera, inobedientiæ asperitate horrida: ut supra. A dextris, à parte iustitiæ. In euangelio, Statuet quidem oues à dextris, hædos autem à sinistris. A sinistris, à parte iniustitiæ. In Euangelio, ut supra. Fovea, dolus, uel lapsus in mortem. In Psalmo, Foderunt ante faciem meam foveam. Puteus, diabolus, uel infernum. In Psalmo, Neque urgeat super me puteus os suum. Et in bonam partem: in Genesi, Ad puteum iuramenti, id est, ad aquam fidei. Item, initium fidei: ut in Canticis, Fons hortorum, fons aquarum uiuentium. Fons, Christus: ut in Psalmo, Sitiuit anima mea ad dominum fontem uiuum. Item, dona dei: ut in Psalmo, Et apparuerunt fontes aquarum.

Item

Item in malam partem, peruersorum dogmatum doctores, & iniqua agentes: ut Petrus, Hi sunt fontes sine aqua. Torrens, tentationum uis mentem impellens: ut in psalmo, Torrentem pertransiuit anima nostra. Item frigus peccatorum, à quo Dauid liberari desiderans ait, Conuerte domine captiuitatem nostram, sicut torrens in austro. Sanitas, mentis integritas. In psal. Clamaui ad te, & sanasti me. Languor, uitiorum morbus. In psalmo, Qui sanat omnes languores tuos. Et in euang. Ipse languores nostros tulit. Lepra, peccatorum contaminatio. In euang. Et confestim mundata est lepra eius.

DE HIERUSALEM, VEL ADVERGIS EIVS. X

HIERUSALEM, ecclesia uel anima. In psalmo: Lauda Hierusalem. Et notandum, quod quaecumque in ecclesia generaliter conueniunt, hæc & ad animam referri possunt. Sion, idem quod supra. In psalmo: Lauda deum tuum Sion. Filij Sion, filij ecclesie. In psalmo: Et filij Sion exultauerunt super regem suum. Filie Hierusalem, idem ut supra: id est, anime celesti uitæ deditæ. Alias filie sunt infernæ anime: ut in libro Sapietie, Filie tibi sunt, serua corpus illarum. Tabernaculum, corpus domini, uel ecclesia. In psalmo: In sole posuit tabernaculum suum. Item celestis patria: ut in psalmo, Ingrediar in locum tabernaculi. Arca, caro dominica, uel corda sanctorum deo plena. In psalmo: Tu & arca sanctificationis tuæ. Item arca, ecclesia, intra quam saluanda clauduntur. In Genesi: Remansit autem solus Noe, & qui cum eo erant in arca. Tabule lapideæ duæ, ut puto, propter testamenta duo: uel propter duo præcepta dilectionis, dei, & proximi. In Exodo: Et dixit dominus ad Moysen, Excide tibi duas tabulas. Lex, præcepta diuina. In psalmo: Lex domini immaculata. Chirographum, conscriptio hominis peccatoris cum diabolo per manus iniquitatis. In Aposto. Chirographum peccati quod erat contrarium nobis. Pactum, confederatio gratiæ diuinæ cum homine. In Psalmo: Vidi non seruantes pactum. Testamentum, confirmatio uoluntatis diuinæ. In propheta: Et confirmabo testamentum meum super domum Iuda. Stylus ferreus, fortis sententia diuini uerbi. Præputium, uita gentilis. In Aposto. In præputio aliquis uocatus est, non circumdatur, id est, etiam qui ex gentibus ad fidem Christi ueniunt, corpore non circumcidantur. Circuncisio, expoliatio uitiorum. In Aposto. Circuncisi estis circuncisione non manu facta, in expoliatione corporis carnis. Cornu, fortitudo, uel regnum. In Regnorum: Et exaltauit cornu Christi sui. Purpura, martyrij species per cruorem. In Exodo: Omnis qui percipit corde, adferet initia domino, aurum, argentum, ærumentum, hyacinthum, purpuram, coccum netum, & byssum. Fimbrie, uerba fidei diligenter retinenda: ut in psalmo, Omnis gloria eius filie regis ab intus in fimbria. Coccus, idem quod supra: uel charitatis ardor, uel crucis mentio. In Exodo, sicut supra. Byssus, castitatis, uel continentie candor. In Exodo, ut supra. Hyacinthus, confessorum liuores. In Exodo, ut supra.

Superhumerales, operum ab humeris significatio. In Exodo: Et fecerunt superhumerales de auro & hyacintho, & purpura, & cocco neto, & bysso torta.

Rationale, doctrina, uel rationis à pectore declaratio. In Exodo: Et fecerunt rationale opere textili secundum opus superhumeralis. Poderis, doctrina secretior atq; perfectior. In Exodo: Et fecerunt uestimētum poderem sub umbone opus textile totum hyacinthinum. Lamina aurea in fronte, crucis præfiguratio. In Exodo: Et fecerunt laminam auream, & inscripserunt in ea literas deformatas signaculum sanctitatis domini: id est, nomen tetragrammaton domini. Templum, corpus domini, uel sancti. In apost. Vos enim estis templum dei uiui. Et ipse ait: Soluite templum hoc. Altare, fidei altitudo. In psalmo: Tunc imponent super altare tuū uitulos. Sacrificium, oblatio iustitiæ, In psalmo: Sacrificate sacrificium iustitiæ. Item laus dei: ut in psalmo, Sacrificium laudis honorificabit me. Holocaustum, totus fidei ac census. In Psal. Holocausta medullata offeram tibi. Hostia, Christus, uel anima dicata deo. In apost. Oblationem & hostiam deo. Myrrha, mortalitatis indicium. In Psalmo: Myrrha & gutta & casia à uestimentis tuis.

Thus, uirtus orationis: ut in psalmo, Dirigatur oratio mea sicut incensum in conspectu tuo. Vnguentum, diffusa nominis Christi gratia. In Salomone: Vnguentum diffusum nomen tuum. Sancta sanctorū, interiora quæq; mysteria domini, uel regna cœlorum. In epistola ad Hebræos: Non enim in manu factis sanctis Iesus introiuit exemplaria uerorum, sed in ipsum cœlum, ut appareat nunc uultui dei pro nobis. Sabbatum, requies spiritalis. In Genesi: Et requieuit dominus ab omnibus operibus suis. Item Esaïas: Si auerteris à sabbato pedem tuum. Item in malam partem: Viderunt eam hostes, & deriserunt sabbata eius: & cætera. Quadragesima, figura præsentis uitæ ac laboris. In euangelio: Et cum ieiunasset quadraginta diebus & quadraginta noctibus. Pascha, prænuntiatio dominici transitus. In Euange. Ante diem autem festum paschæ sciens Iesus quia uenit eius hora, ut transiret ex hoc mundo ad patrem. Quinquagesima, manifestatio futuræ beatitudinis, uel remissionis. In Leuiti. Numerabitis ergo septem hebdomadas plenas usq; ad alteram diem, & infra, id est, quinquaginta dies. Iubileus, uenturæ quietis significatio. In Leuiti. Annus remissionis signum sanctum erit uobis. Ciuitas dei, ecclesia, uel anima. In psalmo: In ciuitate dei nostri. Ciues, fideles. In apost. Sed estis ciues sanctorum & domestici dei. Muri, munimenta scripturæ diuinæ, uel prophetæ, aut sancti. In psalmo: Ædificentur muri Hierusalem. Item in aliam partem: In deo meo transgrediar murum. Turres, apostoli, uel perfecti quicq;. In psalmo: Et abundantia in turribus tuis. Portæ, scripturæ sanctæ, uel iustitiæ, uel apostoli, aut angeli. In psalmo: Et eleuamini portæ æternales. Item in aliam partem: Quia lata porta & spaciola uia quæ ducit ad mortem. Plateæ, latitudo dilatata sanctorum. In Apocalypsi: Et plateæ ciuitatis aurum mundum, tanquam uitrum perlucidum

perlucidum. Fundamentum, Christus, uel fides. In apostolo: Fundamentum aliud nemo potest ponere, quàm id quod positum est, Christus Iesus. Maceria, lex, uel angelorum custodia. In cantico Esaia: Et maceria circumdedit, & calamos affixi, & plantaui uineam. Domus, anima in qua Christus habitat, uel ecclesia. In psalmo: In domum domini ibimus. Coenaculum, altitudo meritorum, uel scientiæ. In euang. Et ipse uobis ostendet cenaculum magnum. Ostium, ad apertio fidei. In apostolo: Ostium enim mihi apertum est, magnum & euident. Ostiarius, Christus, qui dicit, Per me si quis introierit, saluabitur. Columna, firmitas, uel stabilitas spiritualis. In apost. Iacobus & Ioannes & Cephas, qui uidebantur columnæ esse. Paries, interdum structura bonorū operum. In Cantico can. Ecce hic retro post parietem nostrum prospiciens per fenestras. Fenestræ, uisus & auditus, uel cæteri sensus: ut supra, Prospiciens per fenestras. Item in malā partem: Mors introiuit per fenestras. Gradus, spiritualis ascensus. In Psalmorū titulo: Canticum graduū. Ibunt sancti de uirtute in uirtutem. Pauimentum, humilitas, uel afflictio animæ, siue in terrena declinatio. In psal. Adhæsit pauimēto anima mea. Psalteriū, opera bona. In psal. Psalterium iucundum cum cithara. Cithara, pectus deuotū, in quo tanq̃ nerui sunt uirtutes, hoc est, spiritualia bona. In Psal. Exurge psalteriū cum cithara. id est, opera cum fide: uel de ipso domino, resurrectio carnis cum diuina uirtute. Decachordum, præcepta decem, uel geminati quinque sensus hominis exterioris cum interiore. In Psalmo: In decachordo psalterio, cum cantico & cithara. Organum, homo, uel ille qui est assumptus à domino. In psalmo: Laudate eum in chordis & organo. Tympanum, attenuatum corpus ieiunio. In Psalmo: Laudate eum in tympano & choro. Chorus, concordia. In psalmo: ut supra. Tubæ, uocis exaltatio in prædicatione diuina. In propheta: Exalta ut tubam uocem tuam. Cymbala, labia dominum confitentia, uel dilectio dei & proximi. In Psal. Laudate eum in cymbalis bene sonantibus. Iubilatio, clamor spirituali feruore expressior. In Psal. Laudate eum in cymbalis iubilationis. Ægyptus, mundus hic, uel gentiliū populus. In psalmo: Venient legati ex Ægypto. Æthiopia, ecclesia ex gentibus. In psalmo: Æthiopia præueniet manus eius deo. Item in aliam partem: in Psalmo, Dedisti eum escam populo Æthiopum. Babylon, aut mundus, aut Roma. In Apocalypsi: Et Babylon magna uenit in memoriā ante deum dare ei calicem uini indignationis iræ eius. Inimici, diabolus, uel uitia. In psal. Non confundetur cum loquetur inimicis suis in porta. Fures, hæretici, & pseudoprophete. In euangelio: Omnes quotquot uenerunt ante me, fures fuerunt & latrones. Gentes, uitia. In pentateuchio: Cum introduxerit te dominus deus in terrā quam possessurus ingredieris, & deleuerit gentes multas corā te. Item in aliam partem: Omnes gentes plaudite manibus. Pugna, certamen aduersus nequitias spirituales, uel aduersus uitia cōflictus. In apostolo: Sic pugno non quasi

aerem uerberans. Pax, carnis in bonum & spiritus concordia. In psal. Rogate quæ pacis sunt Hierusalem. Item pax, Christus. In apostolo: Ipse enim est pax nostra. Victoria, de diabolo, uel de aduersis triumphus. In apost. Deo autem gratia, qui dedit nobis uictoriam per dominum nostrum Iesum Christum. Brauium, consummatorum præmium meritorum. In aposto. Ad destinatum persequor, ad brauium supernæ uocationis dei. Corona, æternæ gloriæ pro iustitia merces. In apostolo: De reliquo reposita est mihi corona iustitiæ. Quoniam spiritualium profectuum cōsummatio prouehit ad coronam, recte horum quoq; spiritalem nominum interpretationem corona consummat. Quæ tamen nomina uniuersa complecti arduum duximus, sicut etiam illud, ut depromerentur cuncta quæ se in utramq; partem gemina significatione diffundunt.

DE NUMERIS

XI



SANE tandem his nominibus absolutis, numeros quoq; breuiter digeramus, quos mystica exemplorum ratio inter sacros celebriores fecit. I. Hic numerus ad unitatem deitatis refertur: in pētateucho, Audi Israel, dominus deus tuus unus est. Et Apostolus, Vnus deus, una fides, unum baptisma. Et arca Noë, qua sancta ecclesia designatur, in uno cubito cōsummat: quia in unius dei contemplatione requies æterna perficitur. II. Ad duo testamenta diuinæ legis referuntur: in Regnorum, Et fecit in Dabir duo Cherubin decem cubitorum magnitudine. Duo præcepta charitatis, amoris uidelicet dei, & proximi. Duo in agro, duo in molendino, duo in lecto leguntur in sancto euangelio. III. Ad trinitatem: in Ioannis epistola, Tres sunt qui testimonium dant in cœlo, pater, uerbum, & spiritus sanctus: & tres sunt qui testimonium dant in terra, spiritus, aqua, & sanguis. Et in Gen. Tres propagines. IIII. Ad quatuor euangelia: in Ezechiele, Et ex medio eorum, similitudo quatuor animalium. Sicut & quatuor flumina paradisi. Nomen tetragrammaton quatuor literis Hebraicis scribitur. Quatuor cornibus sancta crux insignitur: ut Abacuc, Cornua in manibus eius. V. Ad quinque libros Moyſi, ad quinque porticus, ad quinque panes, ad quinque plagas in corpore dominico. Apostolus: In ecclesia uolo quinque uerba sensu meo loqui. VI. Ad diem sextum, quo dominus hominem cum uniuersis terræ animantibus, fecit. In Genesi: Faciamus hominem ad imaginem & similitudinem nostram. Item paulopost: Et factum est uespere, & factum est mane dies sextus. Senario numero perfectio comprehenditur: propterea deus sex diebus mundum perfecisse describitur, & ipsis quinque unus adiicitur, ut lex per euangelium impleatur. Sex sunt ætates seculi: quinque transierunt, sexta à Ioanne Baptista & inhumanato Christo decurrit ad finem seculi: unde & sexta die fecit deus hominem ad imaginem suam, quia sexta ista ætate manifestatur per euangelium reformatio mentis nostræ, secundum imaginem eius qui creauit nos. Sex has ætates, illæ sex hydræ significant

significant, quas dominus impleri iussit aqua: & in his aqua conuersa est in uinum, ut iam manifestatum Christum in lege & prophetis intelligamus. Illa ergo tempora sex, quasi per articulos distributa, atque distincta, quasi uasa essent inania, nisi à Christo implerentur. Tempora utique inaniter præterirent, nisi in eis dominus Iesus Christus prædicaretur. Impletæ sunt igitur hydræ, id est, adimpletæ sunt prophetiæ. VII. Ad diem septimum, in quo perfectis omnibus dominus requieuit. In Gen. Et requieuit deus die septimo ab omni opere quod patrarat. Numerus is humanæ rationis causa summam perfectionem significat: quia ex primo pari & ex primo impari constat: ex primo siquidem qui diuidi potest, & ex primo qui diuidi non potest. Hinc iubileus, qui perfectæ requies exprimitur, septem hebdomadis constat. Hinc septem spiritus, qui sunt ante thronum dei. Et septiformem gratiam spiritus sancti significauerunt septem panes, quibus Christus quatuor hominum milia satiauit. VIII. Ad diem dominicum resurrectionis, id est octauum. In titulo Psalmi, In finem pro octaua. IX. Ad sacramentum horæ nonæ, quæ dominus spiritum emisit. In Euangelio: Et circa horam nonam clamauit Iesus uoce magna. Sunt & nouem nomina preciosorum lapidum, & nouem sunt ordines angelorum. X. Ad decalogum, id est, decem uerba, quæ in tabulis duabus scripta sunt. In Psal. Decachordo psallam tibi. XI. Ad apostolos. In Euang. Undecim autem discipuli abierunt in Galilæam. Undenarius etiam numerus, quando denarium monade excedit, pro transgressione & reprehensione ponitur: unde & Petrus apostolus non passus est numerum apostolorum in undenario consistere, sed elegit Mathiam duodecimum in ordine. Hinc undecim saga cilicina in ueteri lege fieri præcipiuntur, quæ significant poenitentium actus pro commissis peccatis. Ad undecimam tadem horam, gentiles & ætas decrepita uocatur. XII. In Euangelio, Duodecim autem nomina sunt hæc. Hoc numero significatur uniuersa iudicantium multitudo, propter duas partes septenarii, quæ plerumque significatur uniuersitas: quæ duæ partes, id est, tria, & quatuor, altera per alteram partem multiplicata, duodecim faciunt. XIII. Ad sacramentum dominicæ generationis. In Euangelio. ab Abraham usque ad Dauid, generationes sunt quatuordecim. XV. Ad quindecim gradus templi, quos fecit Salomon: ad quorum numerum, quindecim Psalmi qui inscribuntur Canticum graduum, compositi sunt: id est, à Psalmo, Ad dominum cum tribularer: usque ad, Laudate nomen domini. XVI. Ad numerum prophetarum. XXII. Ad sacramentum diuinorum uoluminum, secundum literas Hebræorum. XXIII. Ad mysterium numeri seniorum. In Apocalypsi: Et super thronos uiginti & quatuor seniores. Et uigintiquatuor sortibus in ministerio templi distributi fuerunt sacerdotes à rege Dauid. XXX. Ad fructus fidelium coniugiorum. In Euangelio: Et dabunt fructum aliud centesimum, aliud sexagesimum, aliud tricesimum: quod ad coniuges, sexagesimum ad uiduas, ceterum ad uirgines pertinet.

XXXIII. Ad mysterium ætatis, qua dominus in carne uersatus est: in apostolo, sicut quibusdam ex hoc uidetur, Donec occurramus in unitate fidei, & agnitionis filij dei, in uirum perfectū, in mensuram ætatis plenitudinis Christi. XL. Ad quadragesimæ sacramentum: in euangelio, Et agebatur à spiritu in deserto diebus quadraginta. Et uirtus decalogi, per quatuor libros euangelij impletur, decalogi autem mandata perficimus, si quatuor sancti euangelij libros perfecte custodimus: sic per continentiam, uigilias, & orationes, & cætera quæ Apostolus commemorat, arma iustitiæ ad immortalis uitæ præmia peruenimus. XLII. Ad numerum in eremo mansionum, uel ad numerum generationum, quæ ab Abraham sunt usque ad dominum Iesum Christum. XLVI. Quadraginta & sex annis ædificatum est templum, à transmigratione redeuntib. Iudæis: secunda ædificatione post Salomonem. Hic annorum numerus perfectioni dominici corporis aptissime conuenit. L. Ad pentecosten: in Actibus apostolorum, Et cum complerentur dies pentecostes. LX. Ad fructum uiduis, siue continentibus debitum: in euangelio, Et dabunt fructum, aliud sexagesimum. LXXII. Ad numerum presbyterorum Moyse, uel discipulorum quos dominus elegit: in euangelio, Post hæc autē designauit dominus & alios septuagintaduos, & misit illos binos. C. Ad martyrum fructum, siue uirginum: in euangelio, Dabunt fructum, aliud centesimum. Numerus ille absolutam perfectionem significat: sicut de electis dicitur: Qui reliquerit domum, aut fratres, aut sorores: & cætera quæ sequuntur: centuplum accipiet, & uitam æternam possidebit. Centum etiam quantitatem temporis indicat: ut Esaias, Centum annorum puer morietur: & cætera. Est & in euangelio centesima ouis, quam Christus sacris suis humeris imponens ad coelestem patriam detulit. M. Millenarius numerus pro perfectione omnium numerorū ponitur, & pro perfecta bonorum omnium actione. Sic Petrus in epistola: Vnum uero hoc non lateat uos charissimi, quia unus dies apud deum, sicut mille anni. Nam in cognitione dei, præterita, præsentia, & futura, sunt æqualiter præsentia: & quæ longa, siue breuia nobis uidentur temporum curricula, æqualis spatij sunt apud deum.

Hos igitur certos sacratosq; numeros exempli tantum causa protulimus. Sunt uero præter eos plurimi, uel penè omnes sacra-
ti, qui quo modo fiant, ipse diuinæ le-
ctionis scrutator inuenies.

D. EVCHERII LVG-

DVNENSIS EPISCOPI IN PRIMVM

librum Instructionum Præfatio

ad Salonium.



SAEPE A ME REQVIRIS MVLTARUM rerum absolutionem, quæ in diuinis uoluminibus interpretem postulant: colligam, prout redierint in memoriam, quæ à te mi Salonii studio cognoscendi sedulo copioseque prolata sunt: atque eis non ex meo ingenio, sed ex illustrium doctorum iudicio, neque ex propria temeritate, sed ex aliorum autoritate respondeam, confectans, non tam eloquij exultantis ambitum, quam

necessariæ breuitatis modum. Sic enim & innumeris satisfieri inquisitionibus tuis poterit, & mihi insuper liberum erit aliqua extrinsecus quæ cognitioni tuæ utilia arbitrabor, inferere: ut est illud, Quid significet Alleluia, Diapsalma, Amen: quid sit Cidaris, Ephod, Siclus, & cætera: quæ uel in sacris libris frequentata, uel maxime in ecclesiæ usu posita, interpretationem requirunt. Hæc cum se legentibus per totum scripturarum corpus crebro offerant, non ab re existimaui ea tibi cum significationibus suis in opere hoc, quasi coaceruata ostendere. Dignum namque est quacunque cura mea ingenium tuum reparari, qui uixdum decem natus annos eremum ingressus, inter illas sanctorum manus non solum imbutus, uerumetiam enutritus sis ab Honorato patre, illo inquam primum insularum, postea etiam ecclesiarum magistro: cum te illic beatissimi Hilarij tunc insulani tyronis, sed iam nunc summi Pontificis doctrina formaret, per omnes spiritualium rerum disciplinas, ad hoc etiam te postea consummantibus sanctis uiris, Saluiano, atque Vincentio, eloquentia pariter sapientiaque præminentibus. His igitur

Hilarius

Saluianus
Vincentius

tot ac talibus usus magistris, ex me quoque minimo omnium audies, quæ sciscitatus es. In quibus

iam nunc & interrogantem te, &

me respondentem recognosce.

Vale in Christo.

DE QVAESTIONIBVS

DIFFICILIORIBVS VETERIS

& Noui Testamenti.

IN GENESI

INTERROGATIO



VIBVS scripturarum testimonijs trinitas approbatur? RESPONSIO, Multifariam, & multis id quidem significatiōibus per omnia ferè sacra uolumina declaratum manifestatumq; diffunditur: sed nos breuiter hoc in ipso statim diuinarum scripturarum demonstramus exordio. In principio, inquit, fecit deus cœlum & terram. Et infra: Et spiritus dei ferebatur super aquas.

In principio: hoc est, in filio: quia per filium fecit deus pater cœlum & terram. Cui & illud à patre dicitur, Faciamus hominem ad imaginem & similitudinem nostram. Omnia enim per filium operatus est: quia omnia per ipsum facta sunt, & sine ipso factum est nihil. Ferebatur autem super aquas spiritus dei: utiq; sanctus. Ecce habes & deum patrem, & filium, & spiritum sanctum. Item aliud: Verbo domini cœli firmati sunt, & spiritu oris eius omnis uirtus eorum. Ecce deum, & uerbū quod est filius, & spiritum eius sanctum. Item in euāgelio: Ite, baptizate omnes gentes in nomine patris, & filij, & spiritus sancti. Sed pater ingenitus, filius genitus, spiritus sanctus nec genitus nec ingenitus. Ne si ingenitum dixerimus, duos patres dicere uideamur: & si genitum, duos filios: sed potius qui ex patre & filio procedat, uelut quædam patris filijq; concordia. Neq; apud nos potest sine spiritu sancto iusta esse concordia. Idem spiritus & charitas & donum dei dicitur. Idem & diuisor est gratiarum. Ergo pater ex quo omnia, filius per quem omnia, spiritus sanctus in quo omnia: sicut & Apostolus dicit, Quoniam ex ipso & per ipsum & in ipso sunt omnia, ipsi gloria in secula seculorum. INTER. Spiritus dei quomodo ferebatur super aquas? RESP. Non peruagatione, sed potestate, dum creaturæ suæ supereminet regentis imperio. INT. Aquas ubi legimus à deo factas? R. Et si factas eas in exordio creaturarum non euidenter diuinæ lectionis textus expressit, à deo tamen factæ sunt. Nam & aliqua alia quæ non scribuntur, quomodo de cæteris intelligantur, ostenditur. Sicut & apostoli baptizati intelligendi sunt, cum baptizatos eos non penitus manifestet apertior scripturarum significantia. Licet quidam hoc intelligi illo uolunt testimonio quod saluator dicit, Qui lotus est, non indiget ut lauet. Et tamen de aquis à deo factis illud nos aliquatenus instruere testimonium potest quod dicitur, Separentur aquæ in congregationem unam, & appareat arida: quia scilicet non præciperet, ut aquæ à terra quam fecerat, secernerentur: nisi & aquas ipse fecisset. Nec enim consequenter in creaturarum ordine postea distingui iuberet, quod ipse antea nō creasset. Et hoc quidem ob id colligimus, quia creationis eius manifeste Genesis non intulit mentionem

nem. Manifestius autem creaturæ huius deum designat autorem Psalmus ille qui dicit: Quoniam ipsius est mare, & ipse fecit illud. **INT.** Quid est quod dicitur: Et uidit deus quia bona sunt ualde? **R.** Vidit, hoc est, approbavit, id est, non ignoratione, sed manifestatione. **INT.** Quæ consequentia nominis est ut scribatur: Hæc uocabitur mulier, quoniam ex uiro sumpta est? **R.** Etymologia quæ hic in Latino non sonat, in Hebræo sermone seruatur. Vir enim uocatur is, & mulier issa. Quod animaduertitur pulcherrime recens custodisse translatio diuina, dicens: Hæc uocabitur uirago, quia ex uiro sumpta est. **INT.** In quo dei similitudinem retinemus? **R.** In mente. **INT.** Paradisus ubi esse definitur? **R.** Diuersa super hac re sententia plurimorum est. Aliqui tamen hunc in terra esse definiunt, ut non potuerit nisi in terra habitare terrenus: quem tamen homini inaccessibilem effici diuina uirtute confirmant. **INT.** Eden in Genesi quid accipiemus? **R.** Sacratissimum ipsum ad orientem paradisi locum. **INT.** Quid intelligendum est de arbore illa scientiæ, boni, & mali? **R.** In primis ne, ut quidam hæretici interpretantur, malorum, ita ut bonorum putetur ex hoc conditor deus. In arbore quippe illa quæcunq; erat, præceptum dei intelligendum est: sed in custodia præcepti scientia erat boni, in transgressione præcepti scientia erat mali. Ergo degustata arbore, id est, præcepti lege uiolata, scientia erat mali: quia præcepti legisq; transgressum consequebatur & poena. **INT.** Si deus hominem immortalem fecerit, quemadmodum potuit mori? **R.** Non quod penitus immortalis homo factus à deo fuerit, sed aut seruando mandatum crescerent ad æternum, aut præuariçando caderent in infernum. Et ne propria lege uiuètes similes deo putarentur, aut nullis extantibus meritis sempiternum paradysum possiderent. Tandiu enim uel angelus, uel homo diuino fauore protegitur, donec iniunctum sibi officium impleuerit. **INT.** Quomodo accipiendum est illud, quod nobis scriptura deambulanti in paradiso deum retulit? **R.** Dei in eodem loco præsentia hac deambulandi appellatione manifestatur. Scripturæ enim mos est, quo *Scripturæ mos.* facilius hominibus ad intelligentiam clareat, per humanas significationes diuinos motus, affectusq; ostendere. Sicut cum dei brachium dicit, potentiam eius uirtutemq; significat: Cum aures, eo quod cuncta indubitanter audiat: Cum oculos, eo quod indiscrete uniuersa prospiciat: Cum animam, eo quod perpetuum semperq; uiuat, aut quod autore ipso omnia uiuificentur. **INT.** Cum omnia bona deus fecerit, nihilq; non ab illo factum sit, unde malum? **R.** De priuatione boni: dum id quod in bonum autor bonus protulit, in malum à male utentibus deprauatur. In ipsa autem creature substantia nihil est quod recte appellari malum possit. Porro ea quæ putantur mala id est serpentum & cætera bestiarum animantia, per incouenientem naturæ modum efficiuntur, ut noxia sint. Venenum quippe quod mortem infert homini, uita serpentis est. Si enim homo perpetuo immortalis mansisset, ueneni

perniciem incurrere non timeret. Hoc modo & alia in aquis uiuunt, quæ terræ exposita moriuntur. Atq; ecōtrario, uiuunt alia in terra, quæ aquis immerfa depereūt. INT. Quia totius substātia creaturæ à deo autore processit, requiro quid de tenebris sentiendum sit? R. Quidam ex hoc ita disputant: Silentium dicitur ubi sonus nullus est, cū tamen nullam silentij nouerimus esse substantiam. Sic & quia lucis præsentia nullæ sunt tenebræ, merito tenebræ deputantur lucis absentia. Cui opinioni parū congruere putant alij testimoniu illud quod scribitur: Tuus est dies, & tua est nox. INT. Cum nulla esse ignorantia apud deum possit, quomodo ipse in libro Geneseos in exordijs dicit dominus: Adam ubi es? R. Hoc est dicere: Adam, quò recidisti? Non ergo uox ista quasi pro ambigui sciscitatione quærentis est, sed cum increpatione interrogantis est. Et aliter: sermo hic, non deum ueri inscium, uel ubi esset Adam deum ostendit ignarum: sed illud potius ostendit, quod omnis ille qui peccat, uelut iam erroribus suis deuius, & per delictū recedens à conspectu dei, notitia eius efficiatur indignus. Et aliter: interrogat, ut suis quisq; responsionibus conuincatur: quia licet non ignoret quod sibi uult indicari, uult tamen delinquentem etiam responsionis testimonio reum statui. Dum enim interrogat, iudicat. INT. Quid est quod ait: Maledicta terra in operibus suis? R. Hic opera non tam excolendi, atq; exercendi agri, quàm peccata intelligenda esse, quidam arbitrantur. INT. Quomodo intelligendū est quod dicit: Et habitauit in terra Naïd: uel sicut in Hebræo habet, Nod? R. Naïd instabilis dicitur, ergo terræ nomen est: sed iuxta pœnam sententiæq; diuinæ, Cain fuisse uagū profugūq; declarat. INT. Cū superius uirū & mulierem nominibus suis utrumq; designasset, quid est quod in consequētibus adiecit, & dicit: Virum & mulierem fecit eos, & benedixit eis, & uocauit nomen eorum Adam? R. Adam interpretatur homo: hominis uero nomine manifestū est tam uirum appellari posse, quàm scēminam. INT. Quid est quod in annis Mathusalem quatuordecim anni per diligentem supputationem ultra diluuiū deprehenduntur, cum octo tantum animæ in arca fuisse referantur? R. Error in numero est: quippe cum in Hebræorum libris ita legatur, ut intra diluuii tempus hic quatuordecim annorū numerus expleatur. INT. Cum dominus dicat: Erunt dies eorum centum uiginti anni: quomodo postea Abraham, aliorumq; multorum uitæ tempora ultra hæc spatia tenduntur? R. Quia ibi hic annorum numerus agendæ potius pœnitentiæ, quàm uitæ fuerat attributus humanæ: intra quem præscriptum numerū confessioni uacarent, ut diluuiū non perirent. Aut si numerum illum ad humanam potius referri uitam placet: quia neq; nunc amplius quenquam, quàm centum uiginti annos uiuere liceat: illud quod dictum est: Erunt dies eorum centum uiginti anni: non in eos qui tunc contiguo tempore subsequuti sunt, sed in posteros promulgauit: quia nō dixit, Sunt: sed, Erunt. INT. Quid est quod ait: Dilatet deus Iapheth, & habitet in tabernaculis Sem? R. De Iapheth

pheth, qui in lingua nostra latitudinem sonat, gentium nascitur multitudo, de Sem Hebræi. Hoc ergo significatum est, dei scripturarumq; notitiam, eiecto Israële, à nostris uindicandam. Notandum uero est, tres Noe filios, tres post diluuium terræ partes occupasse. Sem namq; posteritas in Asiam uel orientem, Cham in Africam uel meridiem, Iapheth cum parte Asiæ in Europam se occidentemq; porrexerūt. **INT.** Quid est quod dicitur in Genesi: De terra exiit illa Assur, & ædificauit Niniuen & Rooboth ciuitatem? **R.** Non duas significat ciuitates. Rooboth namq; plateas dicit. Est ergo sensus hic: Aedificauit Niniuen, & plateas ciuitatis. **INT.** Quomodo occurrendum est argumentibus, quod Abraam fratris sui Saram filiam sibi in matrimonium sumpserit? **R.** Quod quæ à domino tunc non fuerant lege interdicta, adhuc non putabātur illicita. **INT.** Quid fuit ut Iudæis, quod neq; nos absq; uerecundia sciscitamus, signum in illa uerecundiore corporis parte poneretur? **R.** Poscebat quidem mi Saloni, tantarum profunditas quæstionum ordinata ac spaciola disputatione nos propositis satisfacere, & promeritis reddere singulis uelut quandam immorandi dignitatem: sed quid agimus? quibus festinato opus est, ad tam multa properantibus: exhibenda prolatis à te rebus est nuda & circumcisa responsio. Itaq; ad hoc quod nunc requiris agnosce, quod nihil turpe in ipsa creatione conditi hominis uideri potest: quippe cum omni compage membrorum, totumq; hominem deus finxerit. Deinde nec incongruum fuerit, ut generatio illa signum in parte membri genitalis acceperit, per quod generationis ipsius promebantur exordia. Ceterum secundum interiorē intelligentiæ sensum, per hanc circumcisionem secretioris partis corporis illud præfiguratū est, quod secretior circumcisio, id est cordis, oporteret adhiberi. **INT.** Scribitur in Genesi: Tentauit deus Abraam, quasi ignorabat dominus, an fidelis Abraam foret, nisi manifestandæ rei probatione tentasset. **R.** Non quia fidē eius Deus ignoraret, tentauit Abraam ueri exploratiōe, sed idcirco tentatus est, ut tentatus iustificaretur, & alijs imitandus proponeretur. **INT.** Quomodo Iacob dicit: Vidi dominū facie ad faciem, & salua facta est anima mea, cum in Euangelio legatur: Deum nemo uidit unquā? Aut quomodo Moyses cum deo facie ad faciem tanquam cum amico locutus scribitur, & rursus idem dicit ad dominum, Ostende mihi gloriam tuam? **R.** Quia Iacob, uel Moyses non in ipsa maiestatis suæ gloria deum uiderant, sed per subiectam diuinæ potestati speciem uisibilis creaturæ, quæ humanis poterat apparere cōspectibus. In ea autem substantia maiestatis in qua est, quomodo deus à mortali adhuc homine uideretur, cum ipse ad Moysen dicit: Non poteris uidere faciem meam: non enim uidebit me homo, & uiuet. Hac ergo ratione utrunq; testimonium uerum est. **INT.** Quid est quod ait: Ipse est Ana qui inuenit Iamin in deserto, cum pasceret asinos Sebeon patris sui? **R.** Iamin Latine maria interpretatur, id est aquarum congregatio: eo quod stagnum rem in

eremo haud dubie difficilē ipse repererit. Indicat Iamīn & asinos qui de onagris eius institutione nascantur. Sunt qui aestimant, quod permixtionem diuersorum inter se animalium ipse primus, ut muli, uel mulæ nascerentur, inuenerit. INT. Quæ sunt illa primogenita, quæ Esau uendidit Iacob fratri suo? R. Prior & maior pars primogenitis debebatur uel in honore, uel in hereditaria successione, uel in gratia paternæ benedictionis. Sicut ipse Iacob, Ruben, inquit, primogenitus meus, prior in donis, maior imperio. Et in libro Deuteronomij de primogenito scribitur: Dabitq̃ ei, id est pater, de his quæ habuerit cuncta duplicia. Iste est enim principium liberorum eius, & huic debentur primogenita. Vnde & Isaac benedictionem suam ad Esau putauerat primogeniti iure deferendam. INT. Quid his respondendū est qui ob uxores multas, incontinentiam patribus uel patriarchis nostris obijciendam putant? R. Primum, quod tunc nondum lege prohibitum, quia consuetudo erat, crimen esse nō poterat. Deinde, quod illa tunc uel pro loco, uel pro tempore non improbabilia apud deum fuerint. Pro loco, sicut & in una domo in altero angulo aliquid fieri à quolibet domino præcipitur, quod in alio nequaquam fieri permittitur. Pro tempore uero, quod rudi adhuc seculo præceptum fuerat: Crescite & multiplicamini. Nūc uero iubetur, ut qui habet uxores, tanq̃ nō habentes sint. Non quod iustitia uaria sit, sed tempora mutabilia, quæ pariter ire non possunt, & diuersis quibusq̃ temporibus uel diuersis locis diuersa cōgruant. Necesse est postremo, quod in his ex uoluntate domini sub specie gestorum præsentium fieret quædam prænuntiatio futurorum. INT. Quid est quod dicit: Et ecce uitis in conspectu meo, & ecce in uite tres fundi? R. Tria flagella uel tres propagines indicantur sub hac trīum enuntiatione fundorum.

IN EXODO

INT. Loquitur ad Abraam Deus, quod quarta progenie de terra Aegypti reuersuri essent filij Israel, & quomodo postea Moyse scribit: Quinta autem progenie ascenderūt filij Israel de terra Aegypti? R. Si genealogiam secundum Leui tribum requiras, quatuor progenies pro filiorum successionē numerabis: si tribus Iudæ ordo replicetur, quinq̃ generationum successionē inuenies: quanquam in Hebræo, ut indicat Aquilæ studiosissimi translatoris æditio, non habeat. Quinta generatione ascenderunt: sed, armati ascenderunt filij Israel de terra Aegypti. INT. In scripturis frequēter legimus, Et dixit dominus: istud dicere domini quomodo accipiēdum est? R. Dicere dominus uel loqui scribitur, si quando ad sanctorum aures expressum, qui sæpe ab alijs non auditur, facit sonum peruenire uerborū: Aut cum per adsumpti cuiuslibet corporis speciem deus loquitur: aut cum aliquis admonitione, siue reuelatione nocturnæ uisionis instruitur: uel certe cum ea quæ agi uult dominus, sanctorum cordibus ut agantur, inspirat, secundum illud: Audiā quid loquatur in me dñs deus. INT. Dicit dominus ad Moysen

Aquila trans-
lator studio-
sissimus.

Poste-

Posteriora mea uidebis: quid hic intelligendum est? R. Quod posteriora diuinorum operum in Christo postremis manifestanda temporibus, uel in spiritu uisurus esset, uel in posteris suis. INT. Quæ referēda sunt inquirentibus, quā ob causam deus uni tantū genti per Moysen legem dederit: atq; hanc ipsam multa iam seculi ætate transcurſa? R. Quod nō Iudæis tantū lex illa prolata sit, quæ omnibus gentibus cōstitutione naturalis legis innascentur, apostolo hoc etiā cōfirmante, atq; dicente: Cum enim gentes, quæ legem nō habēt, naturaliter quæ legis sunt faciūt, eiusmodi legē non habētes, sibi ipsi sunt lex, qui ostendūt opus legis scriptum in cordibus suis. Atq; idcirco non sero dominus legē innocentie in decem uerba collegit, cuius iam insitæ in pectoribus humanis origo præcesserat, Nec tarde eam saxeis tabulis rursus inscripsit, quā iam antea paginis cordis inculpserat. Etenim ante hanc Moysi legē habebat natura legē suam, per quā & deum mundi uitæq; autorem agnoscere, & per hoc diligere, in promptu erat, & iustitiā erga proximū dilectionemq; seruare. In quibus mādatis duobus omnis lex pendet & propheta. Igitur & illud ante iam nouerant: Omnia quæcunq; uultis ut faciant uobis homines, & uos facite eis: in quo est & lex & propheta. Et ut hoc etiā exemplis probemus: ante hanc legē literæ per illā naturę legem Abel iustus agnoscitur, Enoch rapitur, Noë eligitur, Abraam pater gentiū nuncupatur. Quā ob rem hanc Moysi legē non sero esse prolatam, præcedens effecit lex naturæ, per quam multi deo probabiles extiterunt. INT. Quis est ille digitus dei, quo duæ legis tabulæ leguntur scriptæ? R. Digitus dei hic accipiendus est spiritus sanctus.

IN LEUITICO

INT. Quam ob rem in sacrificijs mel prohibetur offerri? R. Quia secundum interiorem sensum resoluti blandimentis deliciarum, aut dulcedine uoluptatū, non possunt mysteriorū dei esse participes. Hinc est igitur, quod etiā Pascha domini comedi cum amaritudine iubetur: quia sit semper austera districtio ueritatis. Oportet ergo absq; ullo adulatiōis ac uoluptatis melle noxio salutare nos deo hostias semper offerre, & dicere: Ergo inimicus factus sum uerū dicens uobis? Econtrario admisceri in omnibus sacrificijs sal iubetur, scilicet ut omnia quæ ad Christi honorē cultumq; offerimus, salē rationis ac discretionis semper accipiāt. INT. Quid proprie ad usum pertinebat sacerdotū, quid uero ad leuitarū ex his quæ populus offerebat? R. Primitiæ frugum cæterarūq; rerū sacerdotibus, decimæ uero leuitis deputabantur. De quibus tamē decimis decima sacerdotibus debebatur. INT. Vniuersa quæ deus condidit, bona ualde sunt: & quomodo in lege quædam animalia uocātur immunda? R. Vt reliqua taceam, quæ ex hoc dici possunt, immunda appellata sunt esui, nō creationi. Horum enim in cibum usus pro quibusdā figuris diuina interdictus lege cognoscitur. INT. Cum munda & immūda animalia diuina per Moysen lege discreta sint, quomodo etiam

ante diluuium de his quæ in arcam recipienda erant, immunda appellatur animalia? R. Moyses inspirante sancto spiritu, Pentateuchi scriptor & conditor est: & quia in Leuitico de mundis immūdisq; animalibus erat proferenda discretio, etiā in Genesi, quia utriusq; libri idem autor est, eadē animalia appellauit immunda. INT. Quæ de ueteri testamento relinquere uel quæ obseruare debemus? R. Debemus obseruare mādata, quæ ad corrigendam uitā moresq; pertinent: relinquere autē ceremonias, ritusq; sacrificiorum, quæ figuras atq; umbrā futuris tunc rebus prætulerūt. INT. Quid respondebimus obijcientibus, quā ob causam deus sacrificijs ueteribus repudiatis, nouis delectatus sit? Nihil enim corrigi affirmant, nisi quod nō recte factū putet. R. Spaciosa quæstio, sed nos pro necessitate breuiter respondimus, quod nō ideo deus uideri possit mutabilis, quia hæc pro temporū opportunitate mutata sint. Nam & annus temporibus, & uitæ spaciū uariatur ætatibus. Nec idcirco quæ ista instituit, diuinæ prouidentiae ratio uariatur. Nec agricola si æstate aliud, hyeme aliud in exercēdo agro iusserit, agriculturæ ratio mutatur. Non quod is sui uideatur esse dissimilis qui facit, sed tempus quo facit. Præcipit ergo deus quæ apta sunt suis quibusq; temporibus. Sicut etiā hic de sacrificijs præcepit, nō causa suæ delectationis, sed humanæ, ut cætera, utilitatis. Et ideo uerus est dominus, quia bonorū nostrorū nō indiget. Sed hæc ipsa sacramentorū cōmutatio ne noua, & subito putetur assumpta, prædicta iam dudū prophetis atq; diuinis uocibus fuerat, quibus dicitur: Non accipia de domo tua uitulos, neq; de gregibus tuis hircos. Postremo, ut breuiter concludamus, cur diuersa sibi sacrificia deus uoluerit offerri, quia alijs sacramentis Christum prænuntiari oportuit cum uenturus esset, alijs adnuntiari oportuit, cum uenisset.

IN NUMERIS.

INT. Balaā ille gētilis quid est quod pphetasse secūdu fidē sacrae cōprobatur historic? R. Ut multis innotesceret modis ueritas, dū usq; quaq; prolata, etiā per infideles adnuntiatur. Et ut hoc ex gētibus prophetate signū esset gētibus credituris. Nam & Helii in Iob libro de futuris haud dubie multa prædixit. Et Caiphas de domino ac saluatore nostro in euāgelio pphetauit.

IN DEUTERONOMIO.

INT. Cum in Deuteronomio LXX tantū animæ cum Iacob Aegyptū scribatur ingressæ, quomodo postea in actibus Apostolorū introisse Aegyptum quinq; & septuaginta animas refertur? R. Cōstat quidē eo tempore quo Iacob ingressus est Aegyptū cum Ioseph filijsq; eius Effraim & Manasse LXX animas tantū fuisse. Ibi uero ubi LXXV animarū numerus refertur, quasi per anticipationē etiā filios nepotesq; Effraim & Manasse numerandos putauit, quos postea in Aegypto natos diuinæ relatio lectionis ostendit. INT. Quid respondendum est Iudæis obijcientibus testimonium illud: Maledictus omnis qui pender in ligno. RESP. Maledictum esse

esse hominem qui in ligno pendeat, sed noxium, non innocentē. Neq; enim innocentia potest esse maledictū poena peccati. Etenim si Mardocheus parato ligno appensus, sententiā regiæ crudelitatis explest, nunquid eum hi nunc dignū hac maledictione iudicarent? Aut Machabæi, atq; alij, quos scriptura morte simili indignissime testatur afflictos, nūquid apud eos pro maledictis habētur? Quapropter saluator noster à morte redempturus hominem, ita crucē non refugit, ut mortē. Igitur in minoribus non calumniatur, cum pro patientia domini nos etiam in maioribus gloriemur. Nec mirū si dicatur patibulū subiisse, quē nos etiā ad inferna descendisse fatemur: qui cum propriū ipse peccatū non habuerit, suscepit tamen mortē de peccati maledictione uenientē. Atq; idcirco pependit in ligno, ut nos à delicto quod in ligno fuerat pditionis admissum, in ligno appēsus absolueret. INT. Quomodo in Deutero, deus zelatus fuisse dicitur, cū in deū nulla perturbatio cadat? R. Deus perturbari, ut ipse ais, nō potest, sed trāquilla bonitate zelat: ne uni deo debēs anima castitatē, p multos falsos corrupta & pstituta turpetur.

IN IOB.

INT. In Iob qualiter accipiendū est, quod scriptura cōmemorat, Aurum Ophir. R. Regio est Ophir in Indiā tendens: itaq; aurū huius indicat regionis. Alij aurū Ophir ualde preciosum esse cōfirmāt, quod obryzon apud latinos appellatur. INT. Quid sibi uult, quod illic autorū seculariū cōsuetudine legimus Pleiadas, Oriona, uel Arcturū? R. Non quod his apud Hebræos nominibus censeantur, sed ut apud nos horū syderū significantia posset esse manifestior, ita hæc trāslator appellare uoluit, ut usus gentilitatis inuenerat. Illud quoq; generaliter obseruādū est, quod etiā apostoli uel apostolici uiri in epistolis suis scribētes ad populos, abutunt interdū his testimonijs quæ uidebantur diuulgata per populos. INT. In eodē libro quid est quod de dracone illo scribitur: Omnes naues si cōueniāt, nō sustinet corium caudæ eius? R. Naues ecclesias dicit, quæ temptationibus, tribulationibusq; uexatæ, uix antichristū in fine mundi tolerabūt. Recte autē draconis illius, id est diaboli caudā antichristum appellat, à quo persecutio ueniet extrema.

IN REGVM LIBRIS.

INT. Quid est quod Saulem dominus postea reprobat regē, quē prius in regnū eligendū putauit? R. Quia deus suū illud iustum incorruptumq; iudiciū ex æquitate depromit, nō ex præscientia eligit: quempiā cum meretur reprobat, cum electione indignus efficitur. Cæterū nequaq; cōuenire sacrosanctæ ueritati iustitiæq; eius uidebat, ut peccatū offensa præcederet, INT. Quomodo intelligendū est, quod in scripturis pœnitere dominus sæpe memoratur? Sicut etiam de Saule dicit: Pœnitet me quod constituerim Saul regem. R. Pœnitentia domini dicitur rerum ab eo constitutarum mutatio, quæ pro rerum uicissitudine, uel pro recti dispositiōe succedit. Necessē est enim, ut diuinæ dispositiones, quo manifestiores audientibus

yy : fiant,

fiant, per significationes humanæ mētis indicentur. INT. Legimus quod suffocabat Saül spūs malus domini, quomodo domini, si malus? R. Quia cuncta domino autore prolata diuinæ sunt subdita potestati. Ergo & ipse diabolus, licet non qualis nunc est, sed bonus à domino quondam creatus, & deo semper pro omnipotentis ditione subiectus, dñi erat. INT. Quid est quod cum aliquanta hic dominus uindictæ, nō uindictat omnia? R. Vindictat aliquanta, ut intelligatur humanarum rerum agere curam. Non uindictat omnia, ut agnoscatur terribile cunctis adhuc futurum esse iudiciū.

INT. Vmbram Samuelis pythouissa quemadmodum potuit euocare? R. Aut falsam tunc umbram uidentibus diabolus ostendit: aut si fuit uera, tantum ei licuisse credendum est, quantum à domino permittente concessum est. nec mirum pro quibusdam recōditis arcanisq; causis, uel pro manifestatione probationum diabolo ista permitti: cum & saluatorem constituerit in pinnam templi, & Iob petierit, acceperitq; tentandū. INT. Cum factum non sit, quomodo oranti Ezechia quindecim anni quasi ad præfinitum uitæ suæ tempus adduntur? R. Quia utiq; urgebatur Ezechias in extremis nō fati decreto, sed dei euocatione atq; iudicio. In tantū autē uitæ anni prius non fuerant constituti, ut per supplicationem intelligantur adiecti.

IN MICHAËA.

INT. Quomodo accipiendum est, quod Michæas propheta ait: Ecce dominus exit de loco sancto suo, & descendit & incedit super excelsa terræ?

R. Descendere dominus dicitur, quando habere curam fragilitatis humanæ euidenter indicijs dignantissimæ pietatis ostenditur. Sic & angeli per illam Iacob scalam ascendentes descendentesq; terrenorum uisitationē, non ruinā descendentium indicāt angelorū. Sic & excelsiores iustitia uiri descendere putātur, si quādo cōdescendūt inferioribus sanctæ charitatis instinctu.

IN ESAÏA.

INT. Quid intelligendum est in cantico Esaia propheta, cum dicit: Cantabo dilecto meo canticum patruelis mei uineæ suæ: Vineam factam dilecto meo in cornu filio olei? R. Alij hoc canticum à spiritu sancto cantari putant: alij à propheta, qui æque sancto spiritu uacuus nō erat. Cantat autem in planctum uineæ suæ, quæ est domus Israel. Dilectus autem Iesus Christus est. Ipsi enim dictū est: Tu es filius meus dilectus. Ipsum & patruelem appellat, quod ex eadem sit stirpe progenitus. Hæc ergo uinea ipsi plantata est in cornu, quod est in sublimitate atque uirtute: qui dilectus & filius olei, quia unctus sit, unde & Christus uocatur: uel quia omni mundo tanquam splendidum lumen illuxerit. In hoc cantico uiam iustitiæ appellat, & spinas iniquitatem. INT. In Esaia uisione cum uidit dominum sedentem super solium, quid intelligendum est quod ait: Seraphim stabant super illud, sex alæ uni, & sex alæ alteri. Duabus uelabant faciem eius, & duabus pedes eius, & duabus uolabant: & clamabant alter ad alterum, & dicebāt, sanctus, sanctus

sanctus, sanctus dominus exercituum. R. In hac uisione Ioannes euange-
 lista dominum Iesum Christum ab Esaia uisum esse testatur dicens: Hæc dixit
 Esaia, quando uidit gloriam eius, & locutus est de eo. Primum ergo hic quæri-
 tur, quomodo Seraphin circa domini thronum stantes pariter & uolare dicun-
 tur? Bene hoc sermone mystico propheta depromit: quia deo stare idem est Stare
 quod uolare, & in sublime exaltare: sedebit qui festinat obtutibus apparere Sedere
 diuinis. Quod uero Seraphin alis suis faciem operire indicantur, hoc idcirco,
 quia neque hominum quicquam, neque ulla creatura diuinæ maiestatis lumen con-
 templari, ut est, potest. Faciem ergo & pedes uelant, eo quod nobis & ante
 mundum præterita, & post mundum futura celentur. Alæ quoque Seraphin indi-
 cant diuini ministerij uelocitatem. Quæ ideo singulis senæ sunt, quia ea tantum in
 mundo quæ sex diebus sunt facta, cōspicimus. Quod uero alter ad alterum
 clamant, & dicunt, sanctus, sanctus, sanctus dominus exercituum, unam osten-
 dunt diuinitatem in mysterio trinitatis. INT. Quid respondendum est eis
 qui dicunt nobis: quid fecerunt Iudæi, si credere non potuerunt? quia necesse
 fuit ut sermo Esaie prophete impleretur dicentis: Excæcavit oculos eorum,
 & indurauit cor eorum, ut non uideant oculis, & intelligant corde, & cōuertantur,
 & sanem illos. R. Propheta hoc prædixit, quia deus hoc futurum esse præ-
 sciuit. Neque enim potest ad peccatum cōpellere deus, cui non potest placere
 peccatum. In his ergo non prædestinatio diuina intelligenda est, sed præsci-
 entia. De hoc in Euangelio scribitur: Propterea non poterant credere, quia ite-
 ram dicit Esaia: Excæcavit oculos eorum, & indurauit cor eorum, & reliqua.
 Non poterant credere, ita dicitur, sicut & nos sæpe aliqua dicimus non posse,
 quia nolumus. Et de Pharaone scribitur: In hoc ipsum excitauit te, ut osten-
 dam in te uirtutem meam. Neque enim dixit, in hoc te feci ut talis esses: sed in
 hoc te elegi & suscitauit, cum iam te talis ipse fecisses. Ergo & hic excæcati eo-
 rum oculi, & induratum esse cor dicitur, quia iam se ipsi hac cæcitate dignos
 effecerant. Excæcat autem & indurat dominus peccatorem deferendo & non
 adiuuando. Si cui autem sensus hic profundissimæ quæstionis minus fece-
 rit, contremiscat mecum, & dicat: Iudicia domini abyssus multa, quia iudicia
 dei semper iusta sunt, sed frequenter occulta. INT. Quid est illud quod scri-
 bitur: Sicut sponso imposuit mihi mitram, & sicut sponsam ornauit me orna-
 mento? Quomodo idem sponsus & sponsa? R. A capite ad corpus tran-
 situm fecit: caput enim Christus est, corpus ecclesia: sed tamen utrumque esse
 constat in Christo. Notanda uero & tenenda regula hæc, quæ in prophetis
 frequenter incurrit, generans ignorantibus obscuritatem, cum de capite ad cor-
 pus, aut de corpore ad caput se prophete ordo conuertit. INT. Cælum
 mihi thronus est, terra autem scabellum pedum meorum: quomodo hoc intelli-
 gi potest, cum utique deum incorporeum esse credamus? R. Secundum con-
 suetudinem elocutionis nostræ uidetur habitum designare regnantis, ut in-
 telligatur deus uel habitare cœlestia, uel subiecta habere terrena.

IN EZECHIELE

Tria genera
hominum sal-
uandorum

Cor lapideū
Carneum

INT. Qua causa scribitur: In die illa magna tribulationis nemo libera-
bitur, nisi Noe, Daniel & Iob: cum utiq; quando ista Ezechiel propheta di-
cebat, solus forsitan Daniel in corpore fuerit, duobus alijs iam tunc in pace
dormientibus, uel carnis nexibus absolutis? R. In his tribus sanctis tria
hominum genera significari uidentur, quæ liberanda in die illa magna tribu-
lationis à periculis promittunt. In Noe enim gubernatores ecclesiæ præfigu-
rantur, in Daniele sancti cōtinentiāq; sectātes, in Iob coniugati & iustitiā di-
ligentes. INT. Quid significat illud quod dicitur in propheta: Auferam cor
lapideū de carne uestra, & dabo uobis cor carneū? R. Durū cor & inobe-
diens lapidei testificatione demōstrat: carnei uero significatione cordis mo-
le ostendit, ac docile, & quod insinuatā possit recipere compunctionem.

IN PARALIPOMENON.

Hostia
Holocaustum

INT. Quid est quod scribitur in Paralipomenon: Quæ habitabat in Hie-
rusalem in secunda? R. In secunda scilicet parte. Ezechias enim secundum
Hierusalem murum fecit, filiusq; eius Manasses tertiu. Habitabat ergo hæc
de qua scribitur in secunda parte ciuitatis. INT. Arcam domini, in qua
erant duæ tabulæ testamenti, quod ablata esse credendū est? R. Legimus
in Paralipomenon Iosiam regē Iuda cum Hierusalē faceret Pascha domi-
no, ad leuitas ita locutū esse: Ponite arcam in sanctuario templi, quod ædifi-
cauit Salomon filius Dauid rex Israel. Nequaquā enim eam ultra portabū-
tis. Hoc loco ita intelligere quidā uolunt, quod Iosias præuidens captiuita-
tem, arcam domini in certū tamen locū curarit abscondi. INT. Quid in-
ter holocaustum & hostiam interest? R. Quod hostiæ partem sacerdotes
edebant: Holocaustum uero erat hostia integra atq; perfecta, quia tota in
oblatione sacrificij igni dabatur. Hostiæ quoque pacificæ appellabantur,
quibus uesti populus solebat.

IN PSALMORVM LIBRO.

Ira
Furor

INT. Cum primus Psalmus primis illis uersiculis impium peccatorem
hæreticumq; discreuerit, quid sibi uult illa sub ipso Psalmi fine conclusio, in
qua ait: Ideo non resurgunt impij in iudicio. R. Psalmi huius initiū de dis-
cretionē meriti, & finis de discretiōe iudicij. In quo ostēdit, quod homo absq;
dubio omnis resurgat, id est iustus ut iudicet, peccator ut iudicetur, impius
ut puniatur. Neq; enim tunc iudicabit iam iudicatus, secundū quod scriptū
est: Qui autē nō credit, iam iudicatus est. INT. Cum passio in deū nō ca-
dat, quid est quod sæpe in scripturis ira dei & furor dicitur? R. Scripturæ
consuetudo est, ut ira pro ultione ponatur. Est enim ira secundū hominem,
uindicta secundū deum: & furor secundū animū patientis, nō secundū iusti-
tiam iudicantis. Hinc & illud est quod ponitur in propheta: Dominus cre-
ans mala. Mala ergo sunt iuxta affectū eius qui sustinet, nō iuxta æquitatē
eius qui decernit. INT. Quid sibi uult illud quod frequēter in Psalmorū
titulis

titulis inscribitur. In finē Psalmus David? R. Quod Psalmi in fine mundi bonorū repromissionē respiciant: uel quod ea quæ Iudæi obtinere se posse in principio crediderunt, nos consequamur in Christo, quæ uenisse confirmemur in fine. INT. Quomodo intelligendum est quod scribitur: Eloquia domini eloquia casta, argentū igne examinatū, probatum terræ, purgatum septuplum? R. Casta dicuntur eloquia domini ideo, quod nullo sint adulterata mendacio, & ad uicem argenti quod examinatur igni septuplici, spiritus igni mudentur. INT. Non cōgregabo, inquit, cōuenticula eorum de sanguinibus: cum utiq; de sanguine magis latinū sonasset, quam ob causam sanguinibus cōtra regulā latinitatis scribitur? R. In Græco αἱμάτων legitur, plurali numero, sanguinē significans. Cuius proprietatis fidē etiam in latinum plurali numero translator expressit. INT. Cum in Psalmo scriptum sit: Non dabis semen tuū uidere corruptionē: quomodo iterum in alio Psalmo scribitur: Quæ utilitas in sanguine meo, dum descendo in corruptionem? R. Descendere se in corruptionē saluator propheta uoce pronūtiat, dum clauorū configentiū irrūptione penetratur. Rursus nō dedit dominus sanctū suum uidere corruptionē: quia corruptionē carnis Christus celeri resurrectione præuenit. INT. Quid est quod dicit propheta de inimicis suis: Adipem suum concluderunt? R. Adeps cōcluditur impiorū, cum impinguati sensu & incrassati iniquitate recedunt uel à iustitia, uel à præceptis dei, & ideo dicit alio loco: Egredietur ex adipe iniquitas eorū. Manna uero, id est cœlestis cibus tenuis est, & eorū aptus alimonix, qui subtilitate sensu uigent. INT. Quid sentiendum est de hoc quod scribitur: De absconditis tuis adimpletus est uenter eorū: saturati sunt porcina, & reliquerunt quæ superfuerunt paruulis suis. R. Supra petijt ut Iudæi à paucis diuideretur, id est à iustis: quia multi uocati, pauci autē electi. Nunc autē hos ipsos prius absconditis diuinę legis instructos, porcina sua, id est dogmatū postea immunditia saturatos dum negant Christū, eandē impietate dicit etiā ad suos postereros transmississe. INT. Qualiter intelligendū est: Dies diei eructat uerbum, & nox nocti indicat scientiam? R. Dies diei eructat uerbum, dum apostoli credentibus annuntiant saluatore. Nox nocti indicat scientiā, dum Iudas Iudæis doctrinā prauī sensus infundit. Aut certe dies diei eructat uerbum, & nox nocti indicat scientiā: dum omni utiq; die & nocte annuntiatio ne fidelium uerbum & scientia propagatur. INT. Virga tua & baculus ipsa me consolata sunt: quæ hic intelligenda discretio est? R. In uirga correctio declaratur, in baculo consolatio. INT. Cum animalia non absque sensu sint, quomodo in Psalmo dicitur: Nolite fieri sicut equus & mulus, in quibus non est intellectus? RE. Quia in animalibus sensus est, in hominibus intellectus. INT. Cum de iumentis sicut de bubus cura non est deo, quomodo Psalmus ait: Homines & iumenta saluabis domine? R. Homines appellat rationis capaces, iumēta rationis expertes. Saluandos uero

Porcina

Virga
Baculus

confirmat illos per præsentem cōuersionem, hos per futurā conuersionem.

INT. Qualiter accipiendum est quod scribitur: Remitte mihi ut refrigerer priusq̃ abeam, & amplius nō ero. R. Sensus hic de superioribus uersibus manifestatur. Supra enim dixerat: Quia aduena ego sum apud te, & peregrinus, sicut omnes patres mei: Remitte mihi ut refrigerer prius q̃ abeam, & amplius non ero, subauditur illud quod superius dixit, peregrinus. Ceterum manifestū est quod erit, qui se supra peregrinū appellando, patriam in qua futurus sit, habere declarat.

INT. Quid indicat illud quod legitur in Psalmo. In capite libri scriptū est de me? R. Ex persona hoc dicitur saluatoris, de quo scribitur: In principio creauit deus cælum & terram, id est, in filio. Aut certe illud: In principio erat uerbū, & uerbū erat apud deum, & deus erat uerbū.

Abyssus

INT. Abyssus abyssum inuocat, inquit, in uoce caractarum tuarū: quomodo istud intelligendū est? R. Non immerito abyssus appellatur diuinarum scripturarū profundū, & ideo in uoce cataractarū abyssus abyssum inuocat, cum uetus testamentū nouum annuntiat, uel nouum testamentum uetus in testimonium uocat in uocibus prophetarū.

INT. Quid intelligēdum est ex hoc quod scribitur: Pro patribus tuis nati sunt tibi filij?

R. Id est, quod temporum successione sint redditi pro patriarchis uel prophetis Apostoli siue euangelistæ.

INT. Frater non redimit, redimet homo: quid de hoc loco sentiendum est? R. Quod non redemerit Moyses, redimet Christus.

INT. Quomodo accipiēdum est illud quod Dauid clamat ad dominum dicens: Tibi soli peccaui? R. Soli peccatur deo, quia utiq̃ ipse solus sit absq̃ peccato, & ita iustificatus uincit etiā dum iudicatur, id est uel Christus in passione, uel secundum illud quod in propheta dicit: Et uenite iudicemur, dicit dominus.

INT. Viri, inquit, sanguinū & dolo si non dimidiabunt dies suos: quid hic sentiendum est? R. Non dimidiāt dies suos hi qui immatura morte rapiuntur. Hac ratione etiam illud intelligere possumus: Ne rapias me in medio dierum meorum. Et aliter: Non dimidiant dies suos qui ad dei satisfactionem non conferunt uel uitæ suæ partem.

INT. Quid interior sensus eloquitur de hoc quod scribitur: Priusq̃ producāt spinæ uestre rhamnum? R. Id est, priusquam se peccata uestra cōsumment.

INT. Iustus quomodo lauat manus suas in sanguine peccatorum? R. Cum tribuitur uindicta de impijs, non hoc procurantibus sanctis: & post delicta atq̃ exitum peccatorum, iustorum clarius uita atq̃ opera resplendent.

INT. Quomodo accipiendum est illud quod in Psalmo legitur: Non miserearis omnibus qui operantur iniquitatē? R. Non tam maledicentis animo istud dicitur, quā correctionem emendationemq̃ peccantium desiderantis: id est, ut in præsenti potius uita correpti, non abu-

semel tantur diuina patientia usq̃ ad futuram poenarum acerbitatē. INT. Semel locutus est deus, duo hæc audiui: quid hic intelligendū est? R. Semel hic non ad numerum referendum est, sed ad firmitatem. Quæ autem sunt illa duo

illa duo, quæ domino adiacent: & posse omnia, & uelle misereri. Et aliter: Semel locutus est deus, id est in lege. Nam in Euangelio nō alia præcepit: quia nō uenit legē soluere, sed adimplere. **INT.** Quid est quod scribitur: Transuimus per ignem & aquam, & induxisti nos in refrigerium? **R.** Ignem *Ignis* & aquam persecutionem indicat atq; martyrium. Aliqui hic aquam baptis- *Aqua* mum intelligendum putant, & ignem sanctum spiritum, qui infusus peccata tanquam ignis exurat: & hinc est quod scribitur: Dominus deus uester ignis urens est. **INT.** Quid dicit illud quod legitur: Iter facite ei qui ascendit super occasum, dominus nomen illi? **R.** Viam bonorum actuum præpara- te illi, qui supergressus est occasum morte deuicta. **INT.** Pluuiam, inquit, uoluntariam segregabis deus hæreditati tuæ, & infirmata est, tu uero perfecisti eam: animalia tua inhabitabūt in ea: quis huius loci sensus est? **R.** Plu- *Pluuia* uia hic secundum literam manna est: secundum anagogen mandata intelli- genda sunt: quæ mandata uel lex, licet infirmata uideatur transgressionibus Iudæorum, gratia tamen Euangelij ostenditur esse completa. In qua nunc animalia, id est gentes habitant atq; consistunt. **INT.** Quæ intelligentia est in hoc quod legimus: Si dormiatis inter medios cleros, pennæ columbæ de argentata, & posteriora dorsi eius in specie auri. **R.** In hoc loco de apo- stolis optat propheta, ut usq; ad transitum perseuerent credentes in testa- mentis duobus. In columba autē spiritus sanctus, in posterioribus occultior intellectus: in argēto splendens historia scripturarū, in auro interior, uel præ- ciosior sensus ostenditur. **INT.** Dixit dominus ex Basan: Conuertam, conuertam in profundum maris, ut intinguatur pes tuus in sanguine, lingua- canum tuorum ex inimicis ab ipso: quid hic sequemur? **R.** Basan in la- *Basan* trino confusio sonat. Ergo dominus nosmet de confusione conuertit, quæ est in cruce eius: in qua cruce sanguine pedem suum tinxit, clamantibus Iudæis ut crucifigeretur instinctu inimicorum, id est, dæmonum. Ab ipso autē salua- tore hoc totū uenit: quia omnia hæc pprta uolūtate sustinuit. **INT.** Quos illos accipiemus principes Zabulon, uel principes Neptalim? **R.** Petrum apostolum, uel Andream, qui ex iisdem tribubus sunt uocati, sicut & supra Beniamin nomine apostolum Paulum oportet intelligi. **INT.** Quid in- dicat quod legitur: Posuerunt signa sua signa, & non cognouerūt sicut in uia supra summum? **R.** Quod Babylonij uictoria insolentes effecti, ita expo- suerunt signa in dei templo sicut constitui in trophæo solent super fornices introitusq; portarum. **INT.** Quid est quod scribitur: Deus autem rex noster ante secula operatus est salutem in medio terræ? **R.** Iudæam dixit, in qua Christus liberauit per crucem mundum: quam aliqui umbilicum ter- ræ appellandum arbitrātur. Et aliter: Operatus est salutem in medio terræ, id est in utero uirginali. **INT.** Quid est hoc quod legimus: Quia calix in manu dñi uini meri plenus est mixto, & inclinauit ex hoc in hoc: ueruntamē fex eius non est exinanita? **R.** Calix domini mixtus, misericordia & iudi- cium

cium: inclinatur ex hoc in illud, cum de misericordia in iudicium diuina seueritate transitur. Fex autem eius non exinanitur, quia adhuc ultimum iudicii reseruatur. **INT.** Quæ significantia est quod scribitur: Et reliquæ cogitationum diem festum agent tibi? **R.** Pulchre hic ostenditur, quod deus puritate mentis uelut quadam festiuitate lætatur. **INT.** Vox, inquit, tonitruū tui in rota: quid hic sentiendum est? **R.** Rotam hic ipsum dixit orbem terræ, eo quod intra eiusdem orbis rotam circumferant tonitrua mugitum. **INT.** Quid intelligendum est de hoc quod scribitur: Et percussit inimicos suos in posteriora? **R.** Secundum literam ulcerum illorum fit cōmemoratio, quibus sunt Allophyli in posteriora percussi. Secundum interiorem uero sensum percutiuntur inimici dei in posteriora, cum in domini iudicio puniuntur extremo. **INT.** Quem significat dicens: Exterminauit eam aper de sylua, & singularis ferus depastus est eam? **R.** Aprum hic Vespasianum, ut quidam dicunt, uult intelligi, qui Iudæos bello uastauit. Singularem ferum, Titum Vespasiani filium, qui Hierusalem oppugnatione cōsumpsit. **INT.** Legimus in Psalmo: Israel si audias me, non erit in te deus recens: quomodo istud accipiemus? **R.** Idola uel antichristum refutandum esse pronuntiat. Christus autem deus recens non erat, licet mundo per carnem nostris temporibus illuxerit. Nam in principio erat apud deum deus uerbum, ipse creans hominem ad similitudinem dei, quiq; diuersis uicibus atq; temporibus Abraæ uel patribus nostris semper apparuit. **INT.** Qualiter accipiendum est quod Psalmus ait. Deus sterit in synagoga deorum? **RESPO.** Id est, in congregatione sanctorum. Dominus autem noster sanctos suos ut regni sui, ita etiam nominis sui participatione donauit. Vnde & ad Moysen dicit: Dedit Pharaoni in deum. Compellantur ergo nomine dei, quia appellantur & filij dei. Nec mirum pro illa ineffabili diuinæ benignitatis indulgentia, si uoluerit ut homo appellaretur deus, cum deus appellatus sit homo. **INT.** Quid hic sentiendum est. Iustitia & pax osculatae sunt se? **R.** Quod se lex & gratia coniunxerint per mediatorem dominū nostrum Iesum Christum, qui fecit utraq; unum. **INT.** Qualiter accipiendum est quod legimus: Diligit dominus portas Sion, super omnia tabernacula Iacob? **R.** Quod dominus umbraculis synagogæ ecclesiæ munimēta prætulit. **INT.** Mater Sion dicet homo, & homo factus est in ea, & ipse fundauit eā altissimus, quid hic sequemur? **R.** Mater Sion, ut quidam uolunt, Maria significatur, in qua natus est homo Christus, ipsius quoq; matris creator. Sciendum est tamē, melius & secundū Hebræū uerius dici: Nunquid Sion dicet homo, & homo natus est in ea, & ipse fundauit eam altissimus? Et est sensus hic: quis hoc hominum nuntiare possit? Sicut & illud: Aut brachium domini cui reuelatum est? Ergo hoc dicit, quod nullus hominū ei nuntiare possit, quia saluetur Sion in homine qui natus sit in ea. Ipse autē est homo altissimus qui fundauit eā. Et notandū quod etiā filius altissimus appellatur. **INT.** Quid hic in,

hic intelligendum est, ubi scribitur: Factus sum sicut homo sine adiutorio inter mortuos liber? R. Christus utiq; inter mortuos liber; quia absq; peccato inter peccatores apparuit. INT. Quæ est terra illa obliuionis, de qua dicitur: Nunquid cognoscetur in tenebris mirabilia tua, & iustitia tua in terra obliuionis? R. Rectissime appellatur obliuionis terra impiorum caro à domino derelicta. Et aliter: terra obliuionis etiã in illo accipi potest quod dicit: Quoniam non est in morte qui memor sit tui, in inferno autẽ quis confitebitur tibi? INT. Quomodo iuuentus aquilæ renouatur, secundũ illud quod legimus: Renouabitur sicut aquilæ iuuentus tua? R. Aquilæ dicuntur ui nimix senectæ implumes fieri, & nido relata uicissim pullis suis ministrantibus pasci, donec deterso senij ueterno recipiãt cum pennis usum uolandi. Secundum Anagogen autem iuuentus nostra uel baptismo, uel resurrectione renouatur: INT. Abyssus, inquit sicut palliũ amictus eius, quid hic sequemur? R. Non bene pleriq; arbitrantur abyssum hic amictũ dei appellari, cum potius amictum terre dici ipse superiorum uersuum ordo declarat, eo quod terra ipsa abyssu quasi quodam pallio circumfusa ueletur.

Abyssus

INT. Quomodo stant super montes aquæ? quia scriptũ est: Super montes stabunt aquæ. R. Vtiq; cum aut plenæ aquis nubes super montes dependunt: aut cum in mari undæ ad montiũ instar excitantur. INT. Quid sentiendum est in hoc quod legimus: Draco iste quem formasti ad illudendum ei? R. Draco iste diabolus est, sed ante formatus à domino, quã in nomen diaboli uoluntariæ nequitix transiret instinctu. Hũc propheta Esaias à paruulis describit illudĩ. INT. Qua ratione intelligendum est quod scribitur: Ferrum pertransiuit animam eius? R. Christus hic manifestissime designatur, eo quod resurgendo affigentium clauorum dõlorem cruciatumq; superauit. Potest hic ferrum & tribulatio duræ necessitatis intelligi, quia animam dixit: aliquando tamen anima in scripturis pro præsenti uita appellatur, ut in euãgelio: Nonne anima plus est quã esca? INT. Quid inter Psalmum & Canticum interest? R. Quod Psalmi ex Psalterio appellantur, at uero canticũ ex uoce profertur: & quod canticũ pro scientia, pro opere uero Psalmus accipitur. Psalmus ergo ad actualẽ, id est ad practicẽ canticũ uero ad theoriam, id est contemplatiuã refertur. INT. Iurauit dominus, nec pœnitebit eum: quomodo iurauit dominus? R. Iurare domini

Anima

Iurare domini

est immutabiliter promittere. Recte igitur istud cõmutatio sermonis usurpat, eo quod promissio eius sacramenti obtineat firmitatem. INT. Quid indicat illud quod scribitur: De torrente in uia bibit, propterea exaltauit caput? R. Ad personam Christi ista referenda sunt, quia de torrente, id est passione: in uia, id est in seculo bibit: propterea deus exaltans caput eius, donauit illi nomen quod est super omne nomen. INT. Quindecim illi Psalmi quam ob causam canticũ graduũ prænотantur? R. Quindecim quondam gradibus, sicut ostendit historia, ascendebatur in templũ: atq; ideo hi

Psalmi quīdecim cantici graduū inscriptione signātur, quod nos per quosdam profectus ad sublimia spiritaliū rerum prouectione perducant. INT. Sagittæ, inquit, potentis acutæ cum carbonibus desolatorijs, quæ huius uersus intelligentia est? R. Sagittæ potentis, uerba domini sunt, quæ charitate eius corda nostra cōfigunt. Carbones uero desolatorijs sunt, qui peccata dissolutorij soluunt, secundum illum carbonem Esaiaē prophetæ, qui ad labia eius deferretur, ut purget uitia, quæ contraxerat, uel loquendo uel ob timorem tacendo.

INT. Quid sibi uult quod scribitur: Ecce non dormitabit, neq; dormiet qui custodit Israel? R. Dormire interdum in scripturis dominus dicitur, cum in nobis potius fides dormit, & dormitantē infidelem relinquit. Nescit uero ille deesse quærentibus se, nō nouit dormire uigilantibus. INT. Le-

gimus in Psalmo de Hierusalē: Cuius participatio eius in idipsum, quid hic sequemur? R. Quod diuersæ partes unam constituent ciuitatē, uel diuersa membra unū domini corpus efficiant.

INT. Quid sentiendum est de eo quod scribitur: Forsitan pertransisset anima nostra aquam immensam? R. Forsitan, in Græco scriptū est *ἀλγᾶ*, quod latine manifestius interpretatur, putas, ut sit sensus iste: putas pertransisset anima nostra aquā immensam, nisi dominus fuisset in nobis? INT. Quid est quod scribitur: Conuerte domine captiuitatē nostrā, sicut torrens in Austro? R. Exultantis animæ uox est, & ex uitiorū uinculis in libertatē conuersionemq; redeuntis, qua postulat, ut ita diuinę miserationis aspiratione ex peccatorū captiuitate soluatur, sicut constricti glacie torrentes Austri tepore soluuntur.

INT. Qualiter intelligendū est illud: Ecce hæreditas domini filij merces fructus uentris: sicut sagittæ in manu potentis, ita filij excussorū. R. De futuris se ibi loqui propheta significat, qui post illam sessionē surgendi tempus declarat. Idem posteaquā dederit dilectis suis somnum, ostendit quæ futura sit resurrectio illa sanctorū, dum dicit: Ecce hæreditas domini filij merces fructus uentris. Ipsa itaq; domini est hæreditas in filijs, quā pro mercede fructus uētris indeptus est: quia saluator fructus est uentris, cuius utiq; merces est, ut ei gentes hæreditas sint, quas per fidē generat in filios. Sagittæ autē apostoli recte appellantur, qui orbem terræ quasi uolatu peragrantes, doctrina sua infidelium corda penetrarunt: quos filios excussorum, id est prophetarū, optime propheta designat. Nam utiq; cum in prophetia sua excutiuntur propheta, quid aliud in illis nisi inuenti apostoli manifestantur? Excussis itaq; prophetis, quia apostoli generati sunt, recte appellantur filij excussorum.

INT. Quid est quod legimus: Sicut ablactatū super matre sua, ita retribuīs in anima mea? R. Animæ nostræ ablactatio est, cum ab ignorātia infantia ad perfectū cibum uitæ consummatione sensus erigitur. Igitur supra dixerat: Si non humiliter sentiebam, id est humilia & terrena cogitabam: sed exaltaui animam meam, hoc est, sed ad cœlestia mente contendī: hæc mihi fiat retributio, ut animam meam intellectus consummatio consequatur.

INT. Beatus, inquit,

quit, qui restituet tibi quod tu restituisti nobis: quis hic intelligendus est. R. Psalmus hic & de captiuitate Iudæorum cum in Babylonem ducti sunt, & de peccatoribus qui expulsi ab ecclesia confusione traduntur, intelligi potest. Hic ergo secundum historiam, ut quidam opinantur, significatur Cyrus rex, qui hanc restitutionem subuersa Babylone restituit, & usque ad paruulos eius illic omni internitione desauit. Interiore uero sensu, Babyloni uicem ille restituit qui eam captiuam ducit, quæ se prius habuerat peccati lege captiuam, & exordia uitiorum ad petram, quæ est Christus, elidit. INT. Sæpe in scripturis dicitur: confitebor tibi domine: qualiter hoc intelligendum est? R. Non semper poenitentiam uidetur significare confessio. Nam confitebor interdum

Confiteri

ponitur pro laudabo, uel pro gratias agam, uel pro glorificabo dominum. INT. Imperfectum meum, inquit, uiderunt oculi tui: & in libro tuo omnes scribentur, quæ hic significantia est? R. Oculi domini imperfectum nostrum uident, quia deus hominem etiam priusquam formetur, agnoscit. Et aliter: Imperfectum nostrum uident oculi dei, quia cogitationes nostras etiam antequam perficiantur, introspectit. In libro autem eius scribentur omnes, quia omnes homines non absque eius uoluntate nascuntur, uel omnes uoluntates nostræ apud eum plenissime describuntur. Sequitur autem: Die replebuntur, & nemo in eis. Die, id est, Christo replebuntur, ac præter Christum nemo in eis erit, qui deo pleni ea quæ dei non sunt, recipere non possunt. INT. Qui sunt pulli coruorum de quibus scribitur: Et pullis coruorum inuocantibus eum? R. Fideles filios significat de infidelibus procreatos. INT. Quid indicatur in hoc quod legimus: Ante faciem frigoris eius quis subsistet? R. Tentationem per hoc frigus ostendit. INT. Qua ratione appellantur ancipites illi sanctorum gladij, de quibus scribitur: Et gladij ancipites in manibus eorum? R. Gladij ancipites dicuntur, quod in iudicio corpus atque animam punire simul possunt. Et aliter: quod puniatur & supplicio præsentis poenæ, & metu futuræ. Et hinc est illud quod in eodem Psalmo canitur: Cantate domino canticum nouum, quod qui mundi purgamenta creduntur, de nationibus ac regibus iudicabunt.

Gladij ancipites sanctorum

IN PROVERBIIS SALOMONIS.

INT. Ceruus amicitiae & pullus gratiarum fabulentur tecum: quid hic sequimur? R. Ceruum amicitiae accipiendum hic quidam putant Christum, totius dilectionis & charitatis magistrum. Pullum gratiarum spiritum sanctum, qui sit omnium gratiarum, id est charismatum distributor. Admonemur ergo ex hoc, ut semper Christi uel spiritus sancti solatia requiramus.

INT. Quid est quod scribitur: Septies cadet iustus, & resurget? R. In sermone utique aut in cogitatione, cum labitur: aut certe intra septiformis spiritus gratiam, cum delinquit. Quidam propter septem dies, per quos uitæ humanæ cursus reuoluitur, septies hic dictum esse confirmant: eo quod absque peccato uitæ istius cursus esse non possit.

IN ECCLESIASTE

INT. Quid est quod in Ecclesiaste legimus: Florebit amygdalum, & impinguabitur locusta, & dissipabitur capparitis: quoniam ibit homo in domum æternitatis suæ. R. Tradunt per hæc humanorum membrorum fieri significantiam. Nam in flore amygdali canos capillos, in impinguatione locustæ tumorē pedū, in dissipatione capparitis concupiscentiæ frigus ostendit. Quæ cum seni in postremæ uitæ tempore accesserint, tunc necesse est in terram, id est quasi in æternitatis suæ domum redeat. Bene tamen hæc æternitatis domus etiam illa futura terra accipitur, de qua scriptum est: Placebo domino in regione uiuorum.

IN CANTICIS CANTICORVM

INT. Quid est illud quod de Ecclesia scribitur: Fusca sum & speciosa filia Hierusalem? Si fusca, quomodo speciosa? R. Quia ante examinationem sui ecclesia pro diuersitate in se consistentiū bipartita est: in sanctis speciosa est, in peccatoribus fusca. Sicut & Hierusalem modo sanctā ciuitatē scripturæ cōmemorat, modo peccatricem. INT. Nomen fratruelem quid sibi uult in Canticis canticorum? R. Ecclesia, cuius nomine illic ad saluatorem ista dicuntur, fratruelem uocat Christum, qui sit filius synagogæ. Et quia ecclesiam synagogæ sororem in sanctis nostri interdum sentire uoluerunt, idcirco secundum quandam scripturæ elocutionem Christus ecclesiæ fratruelem appellatur & sponsus.

IN EVANGELIO MATTHÆI

INT.



QVAM ob causam in propheta euangelistæ quatuor diuersa animalium specie designantur? R. Matthæus hominis retinet formam, quia à natiuitate hominis orditur dicens: Liber generationis Iesu Christi filij Dauid, filij Abraam. Marcus leonis specie præfiguratur, eo quod ut leo ingenti intulit uoce: Vox clamantis in deserto: Parate uiam domino. Lucas annūtiatur in uitulo, quod à sacrificijs uel à sacerdotio sumat exordium, dicens: Fuit in diebus Herodis regis Iudææ sacerdos quidam nomine Zacharias. Ioannes aquila prænotatur: quia spiritu euolans ad superna tanquā de sublimi profert dicens: In principio erat uerbum, & uerbum erat apud deum, & deus erat uerbum. INT. Quomodo accipiendū est, quod dominus Iesus Christus Dauid filius dicitur, cū utiq; natus nō sit ex Ioseph, qui ex Dauid stirpe descendit? R. In coniugiū tunc Iudæi secundū legē de consanguinitate proximas assumebāt. Nec dubitandum est, quod hac ratione etiā Maria ex eadē tribu ueniens, sicut Ioseph ex Dauid stirpe descēderit, imò processerit. Ideo autē per generationē Ioseph origo Mariæ significatur: quia cōsuetudo scripturarū est, uirorū potius quā fœminarū seriem in generatione cōtexere. Cuius Mariæ quia cognata, sicut legitur, fuit Elizabet, quæ fuisse scribitur de filiabus Aaron, manifestissimum est, quod in Christo secundū carnē ex utroq; genere conuenerit, regū scilicet sacerdoti

sacerdotumq; successio. INT. Euangelista Matthæus Ioseph genitū ex Iacob dicit: & quomodo Lucas eum ex Heli fuisse cōmemorat? R. Ideo quod alter secundum naturam, alter ei secundum legem pater fuerit. Consuetudo namq; apud Iudæos ex lege erat, ut defuncti fratris uxorem ad suscitandum semen superstes frater acciperet. Iacob ergo atq; Heli uterini fratres fuerunt: quorum superiore defuncto, posterior usus est ex lege coniugio. In eorū commemoratione Matthæus Ioseph prosapiā per regiam originem texuit, Lucas generationem eius sacerdotali successione deduxit. Pater tamen Ioseph secundum naturam haud dubie Iacob fuit. INT. Quare in euangelio Maria Ioseph coniux dicitur? R. Consuetudo est scripturæ, ut etiam sponsas appelleret uxores. INT. Quid est quod legimus: Ipse uos baptizabit spiritu sancto, & igni? R. Quia per spiritum sanctum uel peccata exuruntur in nobis, uel sanctificatio tribuitur, uel charitatis in passionibus tolerandis feruor accenditur. Aut certe quia spiritu baptizati diuino iudicio examinabimur. Sunt qui dicant apostolos spiritu sancto baptizatos esse, cū super eos ignis apparuit. INT. Qualiter accipiendum est de columbæ illius corpore, in qua ad saluatorem spiritus sancti patuit manifesta descensio: utrum ante iam fuerit, an ad tempus factum subito apparuerit? R. Vtiq; ad tempus ostēsum. Nam ut signum uisibile spiritus sancti, qui erat inuisibilis, monstraretur, uerum quidem corpus columbæ illius per diuinam potentiam, sed in tempore factum, ad horam apparuisse, ac deinceps destitisse credendū est. Angeli uero cum se humanis offerunt oculis, creduntur, ut quorundā opinio est, ex isto crassiore aere, id est, uicino terris ad præsens corpus assumere. Porro autem uocem aliquam ita putantur exprimere, cum illis huic aeri ictus tanquam palato uerborum sonum reddit. INT. Iustis promittitur regnū cœlorum, & quomodo etiam hoc dicitur: Quoniam ipsi possidebūt terram? R. Quia nouum cœlum & noua terra in futuro repromittitur iustis, ut tunc cum deo sicut angeli utrunq; possideant. INT. Cum dicat saluator, Tyrum & Sidonem pœnitentiam agere potuisse, si in eis diuinarum apparuissent signa uirtutum: quapropter illic facta non sunt, quæ salutem fuissent credentibus allatura? R. Quia dominus ac saluator pro diuina dispensatione non uenerat, nisi ad oues quæ perierant domus Israel. Et quid est quod non uenerat nisi ad oues domus Israel? Quia inter reliquas usquequaq; nationes specialius unum Israel deum coluit: atq; ut ita dixerim, peculiaris dei quondam populus fuit, ob merita Abrahæ ac patriarcharum, uel David: quibus Christus proprie repromissus, atq; ex eorum stirpe descēdens, inde ipsam carnem, in qua terris apparuit, assumpsit. Sed tamē quia uirtutes postea & in gentibus factæ sunt, ita testimonium hoc intelligi potest, ut ubi dicit, nō ueni nisi, subaudiatur, prius: ut sic & testimoniū ueritas & misericordia dei in uniuersos prompta magis clareat. INT. In euāgelio dicit dominus & saluator noster, Iugum meum leue, & onus meum leue est. & quomodo legitur in Psalmo,

Propter uerba labiorū tuorum ego custodiui uias duras? R. Equidem manifestum est quod omnes qui uolunt in Christo pie uiuere, persecutionē patiuntur: sed tamen diligentibus deū quæ sunt dura in re præsentium, efficiuntur leuia in spe futurorum. INT. Quid intelligendū est loco illo, in quo scribitur: Orate ne fiat fuga uestra hyeme, uel sabbato? R. Secundū historiam ita intelligendum est, ne fiat fuga uestra hyeme, id est, ne in tribulatione fugæ temporis accumuletur iniuria. Ne fiat fuga uestra sabbato: ne eo utique die quo habere requiem uacationemq̃ consuectis. At uero secundum intellectum superiorem, ne fiat fuga uestra hyeme uel sabbato, ita accipi potest: ne uos fuga illa deprehendat, aut in peccatis algentes, aut bonis operibus oñtantes. INT. In eodem Matthæo scribitur: Dico autē uobis, Non bibam amodo de hoc genimine uitis, usq̃ in diem illum quo illud bibam uobiscum nouum in regno patris mei. quid hic sequemur? R. Regnū dei, ut docti interpretatur, ecclesia est: in qua quotidie bibit sanguinem suum Christus per sanctos suos, tanquam caput in membris suis. INT. Quid causæ est quod dicitur: Amodo uidebitis filium hominis sedentem ad dexteram uirtutis, & uenientem in nubibus cœli. Et alio loco dicitur non uisuros uenientem in nubibus cœli, nisi in nouissimo tantū die plangētes omnes tribus terræ, & tunc uidebunt filiū hominis in nubib. cœli? R. Quia in hoc primo corporis, id est ecclesiæ aduentu annunciat per manifestationē claritatemq̃ signorum: ille uero alius aduentus capitis est, id est ipsius Christi. In illo aduentu per membra sua Christus uenit, in hoc per seipsum.

Aduētus duo
Christi

IN MARCO

INT. Quid significat in euangelio quod dicit: Qui enim habet, dabitur illi: & qui non habet, etiam quod habet, auferetur ab illo? R. Verbi gratia, ut si fidem habens, charitatem non habeat, etiam ipsa fide careat, quam fortē habere uidebatur. Sicut Iudæi per scripturam diuinam non intelligentes Christum, etiam ipsam quam se putabant tenere, dei notitiam perdiderunt, & filium non recipientes, etiam patrem non habent. INT. Marcus euangelista tertia hora diei dominum significat esse crucifixum: & quomodo alius euangelista horam sextam qua crucifixus sit, fuisse commemorat? R. Quia hic illam penē horā in scriptis suis retulit, qua uere crucifixus est. At uero ille horæ anterioris tempus cōmemorandum putauit, quo de eo Iudæis adclamantibus iudicatum est, quasi per anticipationē relationis ea hora crucifixus sit, qua iussus est crucifigi. Sed tamen in ipsa hac passione eius sic tenere debemus, quod ita homo ille qui assumptus sit, pro eiusdem uolūtate pertulerit, ut uerbum illud quod in principio apud deum patrem erat, inuiolatum intemeratumq̃ permanserit: ergo illud iniuriæ obnoxium fuit, quod pro humana infirmitate susceperat: illud uero incorruptum mansit, quod diuina aternitas possidebat.

IN LUCA

INT. Quid est quod scribitur in Luca de Zacharia sacerdote, quod esset de uice

de uice Abia? R. Vigintiquatuor sortibus in ministerium templi distributi fuerāt sacerdotes, ut in ordine uicis suæ quisq; sacerdotali fungeretur officio: in hoc ergo ordine octauam sortem Abia habuit, de qua uice Zacharias sacerdos fuit. INT. Qui illi sunt qui in scripturis sacris nomina antequam nascerentur acceperunt? R. In nouo testamento, præter saluatorem, solum legimus baptistam Ioannem: in ueteri quatuor sunt, Isaac, Ismaël, Salomon, uel Iosias, qui ortu uideantur iuniores esse, quàm nomine. INT. Ad aduentum matris domini, quomodo Ioannes adhuc sensu carens in utero potuit exultare materno? R. Hoc matris magis sensu uel gaudio à quibusdam factum æstimatur, ut etiā interiorib. potuerit exultare uisceribus. Aut certe si hoc ad Ioannem potius referre placet, inter miracula diuina reputādum est, sicut & illud, cum uox asinæ in sonum sermonis erupit. INT. In eodem euangelio quid sibi uult illud quod legitur: Factum est autē in sabbato secundoprmo, cum transiret per sata, uellebant discipuli eius spicas, & manducabant confri cantes manibus? R. Quidam hoc loco diem dominicum ita appellatū existimant, eo quod uideatur secūdus ab illa legali obseruatione sabbati, & primus sit euangelicæ gratiæ celebritate. Si cui autem hoc minus satisfacere uidetur, quod diem ipsum magis sabbati fuisse contēdat, quia scriptū sit de eo: Quid facitis quod non licet in sabbatis? potest forsità & ipse nihilominus dies sabbati ita ex hoc intelligi, ut nunc obseruatione nostra secundus sit, qui primus quondam fuerit obseruatione Iudaica. Rectissime enim dies primus dies dominicus deputatur. INT. Quomodo uisionē illam in qua dominus assumptis tribus discipulis glorificatus est, Lucas post octo, alij uero euangelistæ post sex dies subsecutam esse commemorant? R. Lucas, qui habito domini apud discipulos sermone post octo dies scribit uisionē hanc discipulis ostensam, & eum diem quo dominus locutus est comprehendit, & eum quo Iesus glorificatus apparuit. Hi uero qui sex dies indicādos putauerunt, medijs tantum atq; integris dieb. adnumeratis, quasi semiplenum primum illum diem postremūq; tacuerunt. INT. Rursus in eodē dicit: Erūt enim ex hoc quinq; in domo una diuisi, tres in duo, & duo in tres diuidentur: pater in filium, & filius in patrem suum: mater in filiam, & filia in matrem: socrus in nurū suam, & nurus in focrū suam. Quid est quod cum superius quinq; uideatur posuisse personas, sex in subsequentib. cum personarum significatione subiecit? R. Mater & socrus eadem intelligi potest quæ per filiam & nurum duobus sit compellata nominibus: ac perinde & in subsequenti quinq; uideri potest numerus personarum. INT. In parabola Lazari & diuitis aliquantæ quæstiones incurrunt. Aut quomodo diues in tormentis sit ante iudicium: aut quomodo digitus Lazari dicatur, nunquid corpora apud inferos sint: aut ipse a quam desideret, nunquid sitim corporis sentiebat? R. Hæc omnia secūdum eos affectus loquitur, quos aliquando pro necessitate corporis gesserat. Cæterum ille ante iudicium tormentorum sensus quasi pro loco custodiæ, in

quo erat, accipiendus est: reis quippe ipsa custodia etiam ante iudicium non est absq; tormētis. In hoc quoq; quod apud infernum Abraham uidit hāc subesse, a quibusdam ratio putatur, quod etiam omnes sancti ante aduētum domini nostri Iesu Christi ad inferna, licet in refrigerij locum, descendisse dicuntur. Alij opinantur locum illum in quo Abraham erat, ab illis inferni locis in superioribus constitutum, propter quod dicat dominus de illo diuite: Eleuans oculos suos cum esset in tormentis, uidit Abrahā de longe: sinumq; ipsius Abrahæ designari illius regionis quietem. INT. Quomodo accipiendum est quod legimus: Regnum dei intra uos est? R. In unoquoq; pro bonorum malorumq; actuum discrepātia, aut deus regnat, aut diabolus: quia necesse est, ut cuius uoluntatē opere procurat, eius imperio uideatur esse subiectus. Itaq; si iusti sunt quidam, deus in his regnare dicendus est: diabolus, si iniusti. Potest & fides regnum dei dici, qua itur ad regnum: quia utiq; iustus ex fide uiuit: & per quam Christus habitat in cordibus sanctorum suorum. INT. Quomodo in Luca latroni saluator dicit: Hodie mecū eris in paradiso: cum utiq; die illo secundum hominem corpore in terra, anima apud inferos fuerit? R. Potest fortē hic pro paradiso accipi ille attributē quietis locus, ubi Abraham esse cum Lazaro, in euāgelio saluator ostendit. Aut certe ita intelligēdum est, quod hanc promissionem dominus secūdum effectum diuinæ potestatis impleuerit: quia ubiq; deum esse noscendum est.

IN IOANNE

INT. Quadraginta & sex anni adfirmantibus Iudæis, secundum euangelium Ioannis in ædificatione templi quomodo ostenduntur impleti? R. Salomonem quidem septem tantū annis domum domini ædificasse satis constat, scriptura ex hoc dicente: Ædificauitq; eam in annis septem. Quadraginta uero sex anni in templi restauratione ponuntur, quæ habita est in diebus Esdræ, post subuersionem Hierosolymæ, captiuitatemq; Iudæorum. Porro ipsa reparatio exædificandi templi diu tracta est, uicinis in circuitu nationibus opus assidua infestatione prohibentibus. INT. Quomodo saluator assumptum hominem duxit in cœlum? aut quomodo cœlum promittitur sanctis, cum dicat: Nemo ascendit in cœlum, nisi qui descendit de cœlo filius hominis qui est in cœlo? Aut quomodo in cœlo erat, cum adhuc esset in terra?

R. Secundum carnem in terra erat, secundum deitatem cœlo non deerat. Ideo & ipse ascendit qui descendit: quia licet assumpserit hominem, tamen homo & deus, hoc est Christus, una persona est: & utiq; cū ille sit caput, sancti autem membra sint, necesse est ut sequantur membra quod caput præcessit, ut sit in cœlo Christi corporis plenitudo. INT. Qualiter illud accipiendum est quod scribitur: Non enim ad mensuram dat deus spiritum? R. Hoc quidam de filio proprie intelligendum esse confirmant: quia homines dum alijs plus minusue capiant, utiq; ad mensuram spiritum accipere uidentur, iuxta illud Apostoli: Habentes autem donationes secundum gratiam

gratiam, quæ data est nobis, differentes, siue prophetiam secundum mensuram fidei, &c. Christo uero unigenito suo, qui etiam dat, non est spiritus ad mensuram datus, quia in eo est omnis plenitudo diuinitatis. **INT.** Saluator dicit: Vos ascendite ad diem hunc, ego non ascendam ad diem festum istum. & quomodo postea scribitur de eo: Vt autem ascenderunt fratres eius, tunc & ipse ascendit ad diem festum? **R.** Veritas mendacium loqui non potest. Atque idcirco non aliter à Iesu factum est, quam quod se pronuntiauerat esse facturum. Scenopegia solennitas Iudæorum non unum diem, sed plures dies solennitate complectitur, sicut & Paschæ festiuitas. Ergo quia dixerat, non ascendo ad diem festum hunc, utique ad diem festum ipsum, sicut prædixerat, non ascendit. Nam & sequitur in Euangelio: Hæc cum dixisset, ipse, hoc est saluator, mansit in Galilæa. Vt intelligamus in ea quidem solennitate, sed non eundem diem fuisse, de qua postea scribitur: Vt autem ascenderunt fratres eius, tunc & ipse ascendit ad diem festum. Potest & figurate intelligi hic dies festus, ad quem saluator se non ascensurum esse professus est, ut in se mutandam festiuitatem doceret. **INT.** Qualiter sentiendum est de loco illo, in quo de Iesu Christo saluatore nostro scribitur: Nemo misit in eum manus, quia nondum uenerat hora eius? **R. E.** Hora hæc non secundum mathematicos intelligenda est, sed potius hora illa qua ipse crucifigi, qua ipse pati uellet: & ideo nondum uenerat hora eius, quia nondum uersa perfecerat, quia nondum cuncta propositæ operationis impleuerat, propter quæ homines terramque uisitauebat. **INT.** Quomodo intelligendum est quod saluator dicit: Cum loquitur mendacium, ex proprijs loquitur, quia mendax est & pater eius? **R.** Supra dixerat dominus ad Iudæos: Si deus pater uester esset, diligeretis utique me. & postea: Vos ex diabolo patre estis, & desideria patris uestri uultis facere. Ille homicida erat ab initio, & in ueritate non stetit, quia non est ueritas in eo. Cum loquitur mendacium, hic subaudiendum est, unusquisque uestrum: ex proprijs loquitur, quia mendax est & pater eius, id est diabolus. Sunt qui ita disputant: Cum loquitur mendacium, id est diabolus: de proprijs loquitur, quia mendax est, & pater eius, hoc est mendacii ipsius pater est: quia ab ipso uideatur ortum esse mendacium: ut sicut deus filium ueritatem genuit, ita & diabolus filium genuerit falsitatem.

INT. Quomodo accipiendum est illud quo dicitur: Abraam pater uester exultauit ut uideret diem meum, & uidit, & gauisus est? **R.** Prophetæ uidentes appellabantur ideo, quod sancti spiritus munere ea quæ cæteris erant clausa, quasi conscijs futurorum uidebant: inter quos & Abraam Christum uidit in spiritu. **INT.** Dicitur in Euangelio: Scimus quia peccatores deus non exaudit. & quomodo saluator in alio loco dicit: Omnis qui petit, accipit. **R.** Sunt qui ex hoc loco ita sentiunt: Ille, inquit, qui dixit peccatores non exaudiri, cæcus fuerat, & plenam adhuc quasi infuso collyrio uidere non poterat ueritatem. Certum est autem diuinæ misericordiæ aurem patere pulsantibus. Potest

Potest & hac ratione intelligi, quomodo deus nō exaudiat peccatores, ut etiam si exaudiantur ad impetrandam propriam salutē, nō exaudiātur in signis. INT. Deus & saluator quid est quod in Euangelio Ioannis dicit: In iudicium ego in hunc mundū ueni, ut qui non uident, uideant, & qui uident, cæci fiant? R. Non minima quæstio, sed nos breuiter pro necessitate quid hic doctorū opinio habeat, proferemus. Vt qui non uident, uideant, & qui uident, cæci fiant: id est, ut hi qui se non uidere confitentur, & medicum quærunt, uideant: hi uero qui se putant uidere, & medicū non requirūt, in sua cæcitate permaneant. Itaq; in hoc iudicium uenisse se dixit, quo discerneret causam credentium & incredulorum. Ergo ut qui non uident, uideāt, potest intelligi de gentibus, qui uisuri erant per fidem: & qui uident, cæci fiant, accipi de Iudæis potest, qui cæcabantur per propriam infidelitatē. INT. Quomodo saluator loquitur: Pater maior me est. & alio loco dicit: Ego & pater unum sumus? R. Dominus Iesus ita uerus homo ut uerus deus, de patre deo deus, de matre homine homo, illud secundū hominem, hoc secundū deum locutus creditur. Iuxta quam rationē diuinitatis atq; humanitatis, etiam in reliquis quæ aut æqualitatē cum patre, aut humilitatē eius sonant, facile intellectus patebit. INT. Quid mysterij continet locus ille ubi dominus, pedes discipulorum lauit? R. In loco illo maledictū calcanei diluitur, quod diabolo incentore animæ nostræ gressus incurrebāt. Primo enim morsibus eius nostrū patebat calcaneū. Porro cū dictum est: Ecce dedi uobis potestatem calcandi super serpentes & scorpiones, maledictum illud abolitum est.

IN EPISTOLA AD ROMANOS
INTERROGATIO.



QVAE intelligentia est capituli illius quo Apostolus proponit dicens: Si autem iniquitas nostra iustitiam dei cōmendat, quid dicemus? Nunquid iniquus deus qui infert iram? secundum hominē dico. Absit. Alioquin quomodo iudicabit deus hūc mundum? Si enim ueritas dei in meo mendacio abundauit in gloriā ipsius, quid adhuc & ego tanquam peccator iudicor: & nō sicut blasphemamur, & sicut aiunt nos quidam dicere: Faciamus mala, ut eueniant bona: quorum damnatio iusta est. RESP. Obscurissimus atque perplexus in Apostolo locus, & multis ad discutiendum proferendūque sensum uerbis indigens: nobis tamen pro festinatione sermonis arctandus. Dixerat supra: Est autem deus uerax, omnis autem homo mendax, sicut scriptum est: Vt iustificeris in sermonibus tuis, & uincas cum iudicaris. Iam etiam adiicit: Si autem iniquitas nostra iustitiam dei commendat, quid dicemus? Hic de testimonijs quæ supra posuerat, nascentem euentilat quæstionem, & adiungit: Nunquid iniquus Deus qui fert iram, id est uindictam? Secundum hominem dico

dicō, hoc est secundum humanā elocutionē, quod quasi iniquum deū appellauerat. Vel quod iram eius dixerat, cuius passio in deū nō cadat. Absit: hoc est, absit ita credi, ut iniquū deū esse dicamus: qui, si hæc ita sunt, iram infert delinquenti. Alioquin quomodo iudicabit deus mundum, nisi summa æquitate atq; iustitia? Deinde sequit̃: Si enim ueritas dei in meo mendacio abundauit in gloriam ipsius. Et hoc ita proponit, ut refellentis sit, non adprobantis: quia si ueritas dei mendacio hominis indignit, nec peccator tanquā peccator iudicabitur, & quæ blasphemabant in apostolos, uera uidebuntur. Ergo quid est quod dicit̃: Et si ex comparatione iniustitiæ iustitia clarescat, nō ideo tamen homo iniustus esse debet, ut deus iustus appareat. Damnatio eorū iusta est, qui nos hæc adfirmant dicere. Quid dicere? faciamus mala, ut ueniant bona. Putabantur autē apostoli istud dicere apud eos, qui male interpretabātur dictū apostolicū, illud utiq;: Vbi abundauit peccatum, superabūdauit gratia. INT. Quid illud est quod legimus: Vt quid enim Christus, cum adhuc infirmi essemus, secundū tempus pro impijs mortuus est?

Vix enim pro iusto quis moritur. Nam pro bono forsitan quis audeat mori. R. Hoc est quod uult intelligi: Ille pro impijs mortuus est, cum uix quisquam reperiatur mori uelle pro iusto. Nam pro bono, id est Christo, forsitan aliquis mori audeat. Hic etiā de se uerecunde indicans quod pro Christo mori possit. Et aliter: Vix enim pro iusto quis moritur. In ueteri lege, in qua est pro mandatorum seueritate iustitia, uix pauci martyres sunt reperi: in nouo autem instrumento, in quo est pro pietate præceptorum bonitas, innumerabiles martyres extiterunt. INT. Apostolus dicit de deo patre: Sed pro omnibus nobis tradidit illum, id est, filium, quid in hoc significat?

R. Traditioni adqueuit. In sacris namq; libris facere interdū deus dicitur, in quibus faciēdis uidetur præstare patientiā. Alia quippe sunt quæ fieri deus uult, alia quæ fieri sinit. Vult ergo fieri quod facta appareāt esse meliora. At uero deteriora permittit, ut libertas humani constet arbitrii: in qua arbitrii libertate bonorū malorumue sectatoribus diuino iudicio exhibeatur retributio iusta meritorum. INT. In hac eadem epistola quid intelligendū est de hoc quod legimus: Quis accusabit electos dei? Deus qui iustificat.

Quis est qui condēnet? Christus Iesus qui mortuus est, imō qui resurrexit, qui est ad dexterā dei, qui etiam interpellat pro nobis. R. Hæc in quibus sibi ipse respondit, quasi *εἰς ὁμολογίαν* legenda. Et est sensus iste: Nisi forte electos suos aut deus qui iustificat, aut Christus qui pro his est mortuus, condemnabit. Minime utique, qui etiam interpellat pro nobis. Hoc est quod dicit: Nemo condemnabit electos. INT. Quid sentiendum est in hoc loco in quo Apostolus loquitur: Optabam enim ego ipse anathema esse à Christo pro fratribus meis, qui sunt cognati mei secundum carnem, & reliqua.

R. Anathema interdum, ut & hic, occisionem interfectionemq; significat. Ergo hic Apostolus perire optat in carne, ut alij saluentur in spiritu. Et aliter:

Liberum arbitrium

Anathema

Et aliter: Ita hic Apostolus uim nimiae charitatis expressit, exoptans si fieri possit, à Christo anathema esse pro fratribus, sicut & Moyses, qui cum populo suo deum peteret, ait: Et nunc domine siquidem dimittes illis peccata illorum, dimitte: sin autē, dele me de libro tuo quē scripsisti. INT. Idem loquitur de deo: Ergo cui uult miseretur, & quem uult indurat: quid hic sequi mur? R. Induratur cor à deo, dum criminū poena differtur. INT. Rursum ipse adfirmat dicens: Quod quærebat Israel non est consecutus: electio autem consecuta est, cæteri uero excæcati sunt: quis huius rei sensus est? R. Non quia deus ullum uolentem aspicere cæcitate percutiat: quia omnes, sicut scribitur, uult saluos fieri: sed illos qui seipsos excæcauerant, pro retributione malitiæ dicitur tradidisse, dum deserit. Tradere enim domini est relinquere. INT. Qualiter accipiendū est illud quod scribitur: Si esurierit inimicus tuus, ciba illum: si sitit, potum da illi: hoc enim faciens, carbones ignis congeris super caput eius. R. Hoc est, ignem cōpunctionis congeres, cum bona pro malis reddes. Et aliter: Non quod hoc animo inimicus pasci debeat, ut carbones ignis super caput eius dum pascitur congregentur: sed quod inimicus ille cum bona pro malis recipit, si nulla malitiæ suæ poenitētia commouetur, ipse sibi potius carbones ignis super caput suum congerat. INT. Cum potestas non sit nisi à deo, sicut Apostolus dicit, cur non omnes bene accipi eam administrantes reperiuntur? R. Quia & uitam hanc omnes æqualiter à deo capiunt, nec tamen omnes æqualiter uiuunt.

I. AD CORINTHIOS.

INT. Omne, inquit, peccatum quodcūq; fecerit homo, extra corpus est: qui autem fornicatur, in corpus suum peccat: quid hic sentiendum est? R. Quod cætera peccata per corpus extrinsecus admittantur, fornicatio sola in corporis passionibus administretur. INT. Qualiter locus ille accipitur in quo scribitur: Nunquid domos non habetis ad manducandū & bibendū? aut ecclesiā dei contemnitis, & confunditis eos qui non habent? R. Apud Corinthios quondam, sicut aliqui asserunt, praua inualuerat cōsuetudo, ecclesias passim dehonestare conuiuijs, in quibus uescebantur ante dominicā oblationem, quam post cœnam noctibus inferebant: cumq; diuites ebrī ad Eucharistiam uenirent, uexabantur inopes fame. Mos uero iste, ut refertur, de gentiū adhuc superstitione ueniebat. Vnde etiam quibusdam locis per Aegypti rura, uel Syriæ, die sabbati nocte post cœnam dicitur ad ecclesiam conuenire. INT. Cuiusmodi prophetia est de qua scribitur: Si autē omnes prophetent, intret autem quis infidelis, uel idiota, contineatur ab omnibus, dijudicatur ab omnibus, occulta enim cordis eius manifesta fiunt. R. Prophetiæ genus duplex est: doctrinæ unum, aliud diuinationis. Sed diuinationis præteritis temporibus magis uiguit, doctrina præsentibus. Occulta autem cordis eius manifesta fiunt, dum in ecclesia prophetante Doctore conscientia cōpungitur audientis. INT. Quid est quod scribitur: traditurus filius

filii regnum deo patri? R. Traditurus quidem, sed tamen non ita traditurus, ut careat. Traditio autē regni nostra prouectio est, tūc cum esse ex integro filij meruerimus in patris regno. INT. Quid sibi uult illud quod scribitur: Omnes quidē resurgemus, sed non omnes immutabimur? R. Id est, non omnes in gloriā immutabimur: quia resurrectio & incorruptio cōmunis est omnium, immutatio autem ad gloriā proprie iustorum.

II. AD CORINTHIOS

INT. Apostolus dicit: Obsecramus pro Christo, reconciliamini deo: eum qui non nouerat peccatum, pro nobis peccatum fecit, ut nos efficeremur iustitia dei in ipso. quid hic sequimur? R. Reconciliamini, inquit, deo, qui Christū fecit hostiam pro peccato. Peccatū uero appellari ipsam hostiā, si in ueteri testamento requiras, inuenies. Potest istud & ita intelligi, factum hostiam pro peccato Christū, quia filium suū misit in similitudine carnis peccati. INT. Datus est, inquit, mihi stimulus carnis meæ angelus satanæ, qui me colaphizet, quomodo istud accipiendū est? R. Dicunt quidā Apostolum sepe dolore capitis esse uexatum. Melius autē puto ita accipi, ut colaphizatus in illis passionibus intelligatur, quas enumerauit ipse, dicens: Ter uirgis cæsus sum, semel lapidatus sum, &c. Stimulū ergo carnis appellat tribulationem carnis: & angelū satanæ illū, quo quasi immissores tanta illa patere tur ostendit.

AD EPHESIOS.

INT. Quomodo intelligendum est hoc quod Apostolus scribit, quod proposuerit dominus in dispensationē plenitudinis temporum instaurare omnia in Christo, quæ in cœlis, & quæ in terra sunt in ipsum? R. Vere mirum est quid nunc reparetur in cœlo. Reparatur ergo secundū opinionem quorundā, illa quæ cum principe suo cecidit angelorum portio, per augmentum societatemq; sanctorū, de quibus scribitur: Sed sunt sicut angeli in cœlo. Reparantur quoq; omnia in terra, cum etiam in locum deficientiū Iudæorum admittuntur credentes ex gentibus. Et aliter: Instauratur quæ sunt in terra: dum nos per mediatoris nostri sanguinē cōciliationemq; reparamur. Reparantur cœlestia, cum de salute nostra gaudiū nascitur angelorū. INT. Quid est quod Apostolus loquitur de deo patre: Ex quo omnis paternitas in cœlis & in terra nominatur? R. Quia cum ille nobis pater primus & uerus sit, ab illius nomine deriuatur quando alij patres appellantur. INT. Quomodo Apostolus dicit: Honora patrē & matrē, quod est mandatū primum: cum in mandatis, ut quidā ordinant, quarto sit loco? R. Aliqui de hoc ita differūt dicentes: Tria illa mandata quæ superiora sunt, omnia ad deum pertinet, septē sequentia ad hominē: & tria illa ad deū pertinetia in una legis tabula tenebātur, in alia uero tabula præcepta illa erāt quæ ad hominē pertinebant. Hoc itaq; mandatū in septē mandatis quæ ad proximū pertinent, primū est. Alij uero qui hoc mandatū nō quarto, sed quinto loco, quod & nos probamus, esse cōfirmāt, ita de hoc disputāt: Decalogū ipsum totum,

AA quia

quia in illa prima lege conscriptū est, recte primū mandatū appellari, quod utiq; primū faciat ordo, postea aliorū in lege consequens praeceptorū. Item ex hoc aliter: Honora patrem & matrem, quod est mandatum primum, & subiungit, in promissioe. In qua promissione: Vt bene sit tibi, & sis longeuus super terrā. Igitur in mandatis hoc est primū mandatū, quod habeat, quam supra diximus, promissionē. INT. Quid sibi uult illud quod scribitur: Spiritum nolite extinguere? R. Extinguere, id est fugare per opera iniquitatis. David inquit: Spiritum sanctū tuū ne auferas à me. INT. Sequitur paulo post in eodem: Vt integer spiritus uester, & anima, & corpus sine querela in aduentū domini nostri Iesu Christi seruetur, quid hic intelligendū est? R. Spiritū hic dicit utiq; illum sanctū, de quo supra dixerat: Spiritū nolite extinguere. Qui quidē cum in substantia sua nō possit extingui, extinguitur in nobis, cum auferatur à nobis. Donā namq; eius uel gratia in hominibus sicut eorū uirtutibus accenditur, ita eorū uitij extinguitur. Alij asserūt spiritū hic accipiendū esse animā ipsius intellectū atq; sapientiā. De quo alio loco idē Apostolus dicit: Et ipse spūs testimoniū reddit spiritui nostro, quod sumus filij dei. Hoc est, quod ille spūs sanctus huic intellectuali spūi nostro testimonium reddat, quod sumus filij dei. Alio quoq; loco Apostolus loquitur. Psallam spiritu, psallam & mente, Hic spiritum pro uoce ponens, & uoce dicit pariter & mente psallendum.

Spiritus

AD COLOSSENSIS

INT. Quid intelligendū est in capitulo illo, in quo ad Colossenses scribitur: Si mortui estis cum Christo ab elementis mundi, quid adhuc tanq; uiuentes in mundo decernitis? Et reliqua. R. Perstringamus ut possumus, locum summis obscuritatibus inuolutum. Disputat contra eos, qui ex Iudæis Christiani, proprijs cōtendebant cerimonijs inhærere. Supra enim dixerat de improbabili eorū obseruantia in cibo & potu: & quod Neomeniæ eorū & sabbata umbrā futurorū prætulissent. Rursum in consequentibus dicit: Si mortui estis cum Christo ab elementis mundi, quid adhuc tanq; uiuentes in mundo decernitis? id est diiudicatis dicendo: Ne tetigeritis, neq; gustaueritis, neq; cōtrectaueritis, quæ sunt omnia in interitu ipso usu suo (id est, dum assumūtur intereunt) secundū praecepta & doctrinas hominū: quæ sunt rationē quidē habētia sapiētiae in superstitione & humilitate, & nō ad parcendum corpori. Doctrinas hominū dicit, quia praecepta ipsa carnaliter intelligāt, præcipiētes in lege phibita nō manducari: sed hoc, sicut ipse subiūgit, in superstitione & humilitate superuacua, & in corporis afflictioe, cui utiq; corpori nō parcatur, uel per eiusmodi abstinentiā uel per circūcisionē. Sequitur aut: nō in honore aliquo ad saturitatē carnis. ergo hoc est quod uult intelligi: Omnes illæ obseruationes, licet in obseruantia aliquā sapiētiae præferre uideant figurā, quia putent legē praeceptorū tenere, tamē in superstitione sunt non in aliquo honore dei, sed ad explendā uoluntatē obseruantiae carnalis.

I AD TIMOTHEVM

INT. Quæ singularum rerum est accipienda discretio in his quas Apostolus profert dicens: Obsecro igitur primo omnium fieri obsecrationes, orationes, postulationes, gratiarum actiones. R. Obsecrationes sunt pro peccatis præteritis & præsentibus: orationes pro adipiscendis quæ speramus: postulationes cum pro alijs interuenimus: gratiarum actiones cum ea quæ poscimus impetramus, uel certe cum pro immensis dei beneficijs gratias laudesq; referimus. INT. Locus ille quomodo accipiendus est, in quo scribitur: Quorundam hominum peccata manifesta sunt præcedentia ad iudiciũ, quosdam autem & subsequuntur? R. Supra dixerat, aduersus presbyterum accusationem non recipiendã, nisi sub duobus & tribus testibus. & paulo post addidit: Quorundam hominum peccata sunt præcedentia ad iudiciũ, utiq; dum omnibus nota sunt: quædam autem & subsequuntur, utiq; dum postea in iudicio comprobantur. Quod si istud aliqui in iudicio dei magis accipiendum putant, potest ita intelligi: Præcedere ad iudiciũ illa peccata, quæ ante hic unusquisq; cõmiserit: subsequi uero illa, quibus nos quidẽ causas dedimus, sed iam post transitum nostrum consummata intelliguntur: ergo subsequuntur nos ad iudiciũ huiusmodi peccata: si, uerbi gratia, cui inopiẽ nos causas attulimus, fame post obitũ nostrum atq; egestate cõsumptus sit.

Obsecrationes
Orationes
Postulationes
Gratiarum
actiones

II AD TIMOTHEVM

INT. Alexander ærarius multa, inquit, mala mihi ostendit: reddet ei dominus secundum opera eius. Et item: Percutiet te dominus paries dealbate. quomodo hæc intelligenda sunt? R. Percutiet te, inquit, non percutiat: & rursum reddet, non reddat. Vnde fit, ut non tam maledicentis animo dicta esse uideantur, quàm iudiciũ dei atq; uindictam denũtiantis. Item aliter: Et si per administrationem prophetiæ immoto animo maledicat propheta, ut illud: Obscurentur oculi eorum ne uideant: dicit quid eorum meritis debeatur. Quia omnis præuaticatio & inobedientia accipit iustam operis atque mercedis retributionem.

AD HEBRÆOS

INT. Quid in hoc sequimur quod Apostolus dicit: Fide Iacob moriens singulos filiorũ Ioseph benedixit, & adorauit fastigiũ uirgæ eius. R. Scep- *virga* tri significatio est accipienda pec uirgam, & per hoc regni potestatisq; fastigium: in quo Christus intelligitur adoratus, qui uidelicet futurus erat regni Hebræorum caput.

IN ACTIBVS APOSTOLORVM

INT. Quid indicat illud quod legimus: Sabbati habens iter, id est mille passus? R. Sabbato enim usq; ad montem oliueti ire Iudæis licitum erat: uel certe sicubi fuissent, tanto spacio deambulandi licentiam præsumebant.

INT. Spiritus sanctus quomodo ante ascensionem à saluatore secundũ euangelistã Ioannẽ apostolis insufflatur, cum secundũ Actus apostolorum

post decimum ascensionis diem in apostolos missus sit? R. Multæ sancti spiritus gratiarum donationes sunt, secundum illud quod Apostolus dicit: Alij quidē datur per spiritum sermo sapientiæ, alijs sermo scientiæ secundum eundem spiritum, alijs gratia sanitatum in uno spiritu, &c. Igitur ante ascensionem gratiam sancti spiritus acceperunt, qua possint peccata dimittere, & baptizare, & credentibus spiritum adoptionis infundere: secundū quod tūc cum eis à saluatore spiritus insufflaretur, dictum fuerat: Quorum remiseritis peccata, remittētur eis: & quorū retinueris, retenta erunt. At uero post ascensionem multo maiorem sancti spiritus gratiā perceperunt in operatione uirtutum, & gratia sanitatum, & diuersarum perceptione linguarū: iuxta illud quod eisdem eodem promissum fuerat die, ut baptizarentur spiritu sancto, & induerentur uirtute, qua Euangelium Christi uniuersis gentibus possint prædicare. In hac ergo perceptione sancti spiritus secundum dominicæ gratiæ distributionem, apostolorum demonstratur profectus, nō compugnantium diuersitas scripturarum. Et aliter, quāre bis datus sit spiritus sanctus, egregie quidam Doctor exposuit dicens de eo quem primum hic saluator per seipsum dedit, & de cœlis postea misit, ut significaretur dilectio proximi & dilectio dei, quæ in cordibus sanctorum per spiritū sanctum diffunditur, qui datus est ad euangelizandum dei uerbum. Per quod apostoli sese in orbis partes intulerunt, quantum narrat historia, Bartholomæus in Indos, Thomas tetendit in Parthos, Matthæus Aethiopes, Andreas Scythas prædicatione molliuit, Ioannes Asiam diuino sermone correxit, Petrus Cappadociam atque Galatiam, Bithyniam pariter & Pontum, prouinciāsque confines, dum Iudæis prædicat, circuit: postremo Romam illustraturus accessit. Paulus ab Hierusalem usque Illyricum cum Euangelio repleuisset, tam innumeras ac dispares nationes præceptis tanquam armis uictor edormuit. INTER. Cum in Actibus Apostolorū primum legatur: Viri autem qui comitabantur cum eo, hoc est cum apostolo, stabant stupentes, audientes quidem uocem, neminem autem uidentes, quomodo postea Apostolus dicit: Et qui mecum erant, lumen quidem uiderunt, uocem autem non audierunt eius qui loquebatur mecum? RE. Superius ubi audisse uocem referuntur à deo, non uocem, sed inconditum sonum uocis acceperunt, ut eos postea dicat uocem non audisse, id est expressam uerborum significantiam, qua possint intelligere quod sonabat. Ac perinde idcirco diuersa uice & audisse referuntur: quia quantum ad sonum pertinet, audierunt: quantum ad uerba, non audierunt. INT. Quare prius communis cibus uocabatur, qui putaretur immundus? R. Quod contra interdictū tunc dei in commune cæteris pateret hominibus, qui in ciborū discretionem legis obseruantiam non tenebant, per quam Iudæi partē dei se esse iactabant. Purificatus est autem etiam domino dicente ad Petrum: Quæ deus purificauit, ne tu commune dixeris. INT. Quid illud est quod in Actibus Apostolorum duodecim

Diuisio Apo-
stolorum

duodecim illi qui Ioannis baptismo baptizati fuerāt, baptizantur à Paulo?
 R. Hoc idcirco, quia nō in nomine trinitatis baptizati erant. Baptismum enim Ioannis licet in eum qui uenturus est, baptizaret, tamen proprie Ioannis baptismū dicebat. Vnde & ab hæreticis ueniētes nō rebaptizātur à nobis, si baptizatos cōstat in nomine trinitatis: nisi impositio tantū manus ad fidē rectam cōuersis adhibetur, ut per hāc sancti spiritus suscipiatur infusio.

Non rebaptizandum

IN EPISTOLA IACOBI.

INT. Quomodo dicitur: Deus intentator malorum est, & ipse neminem tentat: cū nihilominus scriptū sit: Tētat uos dominus deus uester? R. Tentatio domini probatio appellat. Nec enim ille quenq̃ tentat in passionibus, sed à concupiscentijs nostris illa tentatio est, cum humiliati deſcimus. A domino est tentatio, cum probat & glorificamur, & ideo dominus intentator malorum est.

Tentatio domini

IN EPISTOLA IOANNIS.

INT. Quomodo perfecta charitas foras mittit timorem, cum rursus scribatur: Timor domini castus permanet in seculum seculi? R. Quisquis deum diligit, utiq; absq; deo esse formidat. Hic est timor dei, qui permanet in seculum seculi. Igitur timor hic de perfecta domini charitate descēdit, At uero alius timor ille de temporarijs rebus nascitur: quarum saepe amissionem ueremur. Hunc timorē foras mittit diuinæ perfectio charitatis. INT. Item in epistola sua Ioannes ponit: Tria sunt quæ testimonium perhibent, aqua, sanguis, & spiritus: quid in hoc indicatur? R. Simile huic loco etiam illud mihi uidetur, quod ipse in Euangelio suo de passione Christi loquitur dicens: Vnus militū lancea latus eius aperuit, & continuo exiuit sanguis & aqua: & qui uidit, testimoniū perhibuit. In eodem ipse de Iesu supra dixerat: Inclinato capite tradidit spiritū. Quidā ergo ex hoc ita disputant: Aqua baptismum, sanguis uidetur indicare martyrium, Spiritus uero ipse est qui per martyriū transit ad dominū. Plures tamen hic ipsam interpretatione mystica intelligūt trinitatē, eo quod perfecta ipsa perhibeat testimoniū Christo: Aqua patrem indicans, quia ipse de se dicit: Me dereliquerunt fontem aquę uiuę. Sanguine Christū demonstrans, utiq; per passionis cruorem: Spiritu uero sanctum spiritū manifestans. Hæc autē tria de Christo testimoniū ita perhibent, ipso in Euangelio loquente: Ego sum qui testimonium perhibeo de me ipso: & testimoniū perhibet de me qui misit me pater. Et item: Cum autē uenerit paracletus, quē ego mittam uobis spiritum ueritatis, qui à patre procedit, ille testimoniū perhibebit de me. Perhibet ergo testimoniū pater, cum dicit: Hic est filius meus dilectus: Filius, cum dicit: Ego & pater unū sumus: Spiritus sanctus, cum de eo dicitur: Et uidit spiritū dei descendentē sicut columbā uenientem super se. INT. Quid est quod rursus in epistola sua profert esse pro quo non debeat orari peccatum usq; ad mortem? R. Vtiq; usq; ad mortē peccat ille peccator, qui in huius temporarię uitę cursu

Timor duplex

Peccatū ad mortem

AA 3 pœnitentia

pœnitentiam non agit. Hac ratione illud quoq; oportet intelligi: Qui autē blasphemauerit in sanctum spiritū, non remittetur ei, neq; hic, neq; in futurum. Blasphemat enim qui diuinis promissis, spirituiq; sancto minime credens, in quo est remissio peccatorū, reconciliari deo in hac uita per satisfactionis opera detrectat. INT. Quid significat quod in eodē legimus, mundum in malignum esse positū? R. Non quod à deo mundus in maligno sit positus, sed quod uitia hominū in mundo uiuentium sint maligna. Hoc modo etiam illud patebit quod scriptum est: Quia dies mali sunt.

IN APOCALYPSI.

Septem dona
spūs sancti

INT. Qui sunt illi septem spiritus dei, qui in Apocalypsi cōmemorantur? R. Hi sunt quos & propheta Esaias enumerat: Spiritus sapiētiae & intellectus, spiritus consilij & pietatis, spiritus scientiæ & ueritatis, spiritus timoris dei. In quibus tamen spiritalia opera significantur. Omnia autē illa operatur unus atq; idem spiritus.

Et quidem hæc de opinionibus doctissimorum uirorum exigenti tibi à me prolata sunt. Si quis tamen in prædictarum quæstionum disputationibus attulerit quæ magis probentur, reprehendens pertinaciam, quæ in plerisque esse solet, non abnuo me secuturum esse meliora.

QVAESTIONVM VETERIS ET NOVI
TESTAMENTI FINIS

CAPITA LIBRI SECVNDI.

- I Hebræorum nominum interpretatio
- II De uarijs uocabulis
- III De expositione diuersarum rerum
- IIII De gentibus
- V De locis
- VI De fluminibus
- VII De mensibus
- VIII De solennitatibus
- IX De idolis
- X De ueste sacerdotali
- XI De auibus uel uolatilibus
- XII De bestijs & serpentibus
- XIII De ponderibus
- XIIII De mensuris
- XV De Græcis nominibus

EVCHERII EPISCOPI LVGDVNENSIS IN LIBRVM
secundum Instructionum Præfatio ad Salonium.



QVONIAM fili charissime, superiore libro propositionibus tuis se retulit crebra responsio, & uereor, ne assiduæ interrogationes, ut sit plerunq, legenti generent ex satietate fastidium: meo nunc nomine ea quæ spoponderā opus uariaturus, adnectam: singula quæq, ut ordine ipso magis clareant, per species suas diuidens, ac titulis suis subdens. Et primo ueniam ad Hebræorum nominum interpretationem, e quibus certa quæq, & celebriora breuitatis causa ponam.

HEBRAEORVM NOMINVM

INTERPRETATIO.



ADONAI, in Latinum sonat dominus. Sabaoth, exercituum siue uirtutū: aut, ut aliqui uolunt, omnipotens. Iesus, saluator. Nazareus, sanctus, siue mundus. Messias, unctus, id est Christus. Michaël, qui sicut deus. Gabriel, fortitudo dei. Raphaël, medicina dei. Adam, homo, siue terrigena. Eua, uita, siue calamitas. Miror unde apud Hebræos interpretatio huius nominis tam diuersa sit nisi forte ideo, quod eadem & ædendo homini uitam attulerit, & transgrediendo calamitatem. Aut quod mulier alijs interdum uita, alijs est calamitas.

Abel, luctus, uel miserabilis. Cain, possessio, uel lamentatio. Enoch, dedicatio. Mathusalem, mortem suam misit. Noë, requies. Sem, nominatus. Cham, callidus. Iapheth, latitudo. Loth, declinans, siue unctus. Melchisedech, rex iustus. Abram, pater excelsus. Abraam, pater uidens populum, uel pater multarum, scilicet gentium. Sarai, princeps mea. Sara, princeps. Notandum quod utrisq, nominibus, scilicet Abræ & Saræ tantum a literam dominus addiderit, quæ tamen apud Hebræos per e legitur. Agar, aduena, uel conuersa. Ismaël, auditio dei. Isaac, risus: non tamen, ut quidam putant, ideo sic appellatus, quia Sara riserit, sed quod Abraam, qui tunc utiq, prior risisse indicatur. Rebecca, patientia, siue quæ multum acceperit. Iacob, supplantator. Israël, uir uidens deum, sed melius princeps cum deo. Lia, laboriosa. Rachel, ouis, uel uidens deum. Ruben, uidens filios, siue uidens in medio. Simeon, audiens tristitias. Leui, appositus, siue additus. Iuda, cōfitens, siue glorificans. Zabulon, habitaculum pulchritudinis. Isachar, est merces. Dan, iudiciū, aut iudicans. Gad tentatio. Aser, latitudo siue beatus. Neptalim, conuersantes. Benjamin, filius dexteræ. Ephraim, frugifer, siue ubertas, uel

auctus Latine. Manasse, oblitus. Esau, rubens, siue acerūus lapidum.
 Cedar, tenebrae, uel mœror. Iob, magus, uel dolens. Amalech, popu-
 lus lambens, siue restinguens. Moyses, adsumptio, uel liniens. Aaron,
 mons fortitudinis. Pharaon, denudans eum, siue dissipator eius. Sed Pha-
 rao nomen est nō hominis, sed dignitatis: sicut & apud nos Augusti appel-
 lantur reges, cum proprijs nominibus censeantur. Pharaon tamē ille submer-
 sus in mari rubro proprio uocabulo Centres uocitatus est. Iosue, saluator.
 Athoniel, tempus eius dei, uel responsio dei. Aod, gloriosus. Seme-
 gar, nomen adueniens, siue ibi colonus. Barach, fulgurās. Delbora, apīs
 uel loquax. Gedeon, tentatio iniquitatis eorum. Abimelech pater me-
 us rex. Thola, uermiculus ad tincturam, uel coccinum. Iair, illuminans.
 Iepte, aperiēs, uel apertus. Efebon, cogitatio, siue cingulū mœroris. Achī-
 lon, uiuens deo, uel uidens deū. Abdo, seruus eius. Sampson, sol eorum,
 uel solis fortitudo. Dalila, paupercula, uel situla. Eli, deus meus. Sa-
 muel, nomen eius deus. Saul, expeditus, siue petitio. Iassai, insulae holo-
 caustum, uel sacrificiū. Dauid, desiderabilis, siue fortis manu. Ionathan,
 columbae donum, uel domini donū. Abesalom, pater pacis. Salomon,
 pacificus. Idem Ecclesiastes, id est concionator, Idem & Idida, id est dilectus
 domini. Roboam, latitudo populi. Abia, pater dominus. Asa, tol-
 lens, siue sustollens. Iosaphat domini iudiciū. Ioram, qui est excelsus,
 sed melius sublimatus. Ochozias, apprehendens dominū. Athalia, tem-
 pus domini. Ioas, sperans, siue temporalis. Amasias, populum tollens.
 Azias, fortitudo domini. Azarias, auxilium domini. Iotham, perfe-
 ctus. Achas, apprehendens. Ezechias, fortitudo domini. Manasses,
 obliuiosus, uel quia oblitus est. Amon, fidelis, uel nutritius. Iosias, ubi
 est incensum, uel domini salus. Ioachaz, robustus. Ioachim, cuius est prę-
 paratio. Eliachim, dei resurrectio. Iechonias, pręparatio domini.
 Sedechias, iustus domini. Ieroboam, dijudicans populum, uel dijudi-
 cans supernos. Naue, latratus. Baasa, pinguedo. Helam, seculi, uel or-
 bis. Zambri, psalmus, uel canticum meū. Omri, crispans meus. Ach-
 ab, frater patris. Iezabel, fluens sanguine, uel sterquilinium. Iehu, ipse
 uel est. Ioatha, robustus. Zacharias, timor domini. Sella, umbra
 eius, uel petitio. Manaem, consolans. Facee, aperiens. Helias, deus do-
 minus. Helisæus, dei mei salus. Osee, saluator. Iohel, incipiente deo, si-
 ue est deus. Amos, potens, uel fortis, aut populum debellans. Abdias,
 seruus domini. Iona, columba, uel dolens. Micha, quis iste? Naum,
 germen, siue consolatio. Abacuc, amplexans. Sophonias, abscondens
 eam. Aggaus, festus, siue solennis. Malachias, angelus meus. Esai-
 as, salus domini. Hieremias, excelsus domini. Ezechiel, fortitudo domi-
 ni. Daniel, iudiciū domini. Iudith, laudans, uel Iudæa. Ioseph, auctus.
 Maria, illuminata siue stella maris: sed sermone Syro, domina. Simon,

pone

pone moerorem, uel obediens. Petrus, agnoscens. Bariona, filius columbæ. Syrum pariter & Hebræum. Cephas, Petrus, Syrum est. Paulus, mirabilis. Saulus, tentatio respicientis, uel tentationis securitas. Andreas, uirilis, Græcum est. Iacobus, supplantator. Ioannes, domini gratia.

Philippus, os lampadarum. Bartholomæus, filius suspendentis aquas.

Thomas, abyssus, uel geminus: unde & Didymus græce dicitur. Matthæus, donatio. Idem appellatus est Leui. Lebbeus, corculum, id est à corde, ipse est & Taddæus, ipse est Iudas Iacobi. Chananæus, possidens, siue possessio. Ita autem dictus Simon, à uico Chana, ipse est & Zelotes. Sca-rioth, memoriale domini, uel memoria mortis. Hoc uero nomine appellatus est Iudas à uico in quo natus est. Marcus, excelsus mandato. Lucas, ipse consurgens, siue ipse leuans. Stephanus, norma uestra: Græco autem sermone coronatus. Augusti, solenniter stantes. Cæsar, possessio principalis. Cirenei, hæredes. Bethsaida, domus frugū. Bethphage, Syru, domus uallis. Bethania, dom⁹ afflictiois. Genesar, ortus principis. Amaus, populus abiectus. Capharnaum, ager consolationis. Sarepta, incensa, siue angustia panis. Gethsemani, uallis pinguedinum. Golgatha, caluaria. Nazareth: flos mundiciæ, uel uirgultum. Niniuitæ, nati speciosi.

Sidon, uenatio. Zachæus, iustificatus. Idumæa, rosa. Lisama, natiuitas tentationis. Iordanis, descensus. Martha, prouocans deum. Magdalena, turris. Susanna, lilium. Saba, captiuitas. Caiphas, inuestigator, siue uomens ore. Pontius, declinans consilium. Pilatus, os malleatoris. Herodes, pellicius. Barrabas, filius patris, uel magistri eorū, absque dubio Iudæorum magistri, qui est diabolus. Eden in Genesi, deliciæ.

Iudæa, confessio. Hierosolyma, uisio pacis. Sion, specula, & recte: nam hæc ciuitas Dauid in monte constructa est. Babylon, confusio, siue translatio. Aethiopia, tenebræ. Aegyptus, tribulatio, siue tenebræ. Tyrus, angustia. Romani, sublimes, uel tonantes. Sinai, mensura, siue mandatum, siue tentatio, uel amphora mea. Gehenna, uallis gratuita. Quidam æstimant appellatam hanc à ualle Gehennon, quæ est iuxta murum Hierusalem. Hebræi, transitores. Sadducæi, iustificati. Pharisei, diuisi. Galilæi, uolubiles, Samaritæ, custodes, eo quod à Babylonijs illic ad custodiam collocati sint Iudæorum.

Cum in cæteris, tum & in hoc abundanter liquet, scriptura omnis sacra quàm uere diuina sit, ac plena mysterijs, quando ita congruant rebus nomina, affectibusq; respondeant. Sicut Dauid, qui exprimitur in Latinum fortis manu: utiq; fortissimus omnibus ferè bellis extitit. Salomon, pacificus: utiq; in pace regnum administrauit. Daniel, iudicium dei: utiq; in presbyterorum iudicio sententiam diuinæ disceptionis exhibuit. Vnde quid mirum si hi futura prædicauerint, quorū etiam nomina, sicut res edocent, prophetiam sonant. Sed iam de uarijs uocabulis interpretationem ponamus.

De uarijs



ALELVIA, in Latinum sonat laudate dominum. ia enim unum est de decem nominibus Dei, quæ apud Hebræos habentur. Amen, uere, siue fideliter. Diapsalma, semper: eo quod illa quibus hoc adnectitur, sempiterna esse confirmet à deo: non commutationem metri significat, ut quidam existimant, uel spiritus prophetici refectionem. Sunt etiam qui diapsalma ideo inscribi putent ut ex hoc sibi personarum, siue sensuum intelligatur esse conuersio. Osanna, saluifica, siue saluum me fac. Osi enim saluifica interpretatur, anna interiectio est deprecantis. Ergo integre dicitur, Osianna. Sed dum corripitur, aut corrumpitur, sonat osanna. Est autem sensus, Saluum fac, subaudia- tur, uel populum Israel, uel totum mundum. Rhama, excelsa. In Euangelio: Vox in rhama audita est, id est in excelsis. Est tamen & ciuitas, quæ Rhama appellatur. Racha, uanus, aut inanis. Rabbi, magister, Syrum est.

Man, quid. Manna, quid est hoc? Abba, pater: & hoc Syrum est.

Anathema, perditio. Maranatha, dominus noster uenit, Syrum est.

Anathema autem maranatha, sicut quidam dicunt, perditio in aduentu domini. Mammona, diuitiæ. Theraphim, figuræ, uel imagines, melius quàm incendia. Seraphim uel seraphin, ardentes, uel incipientes, iuxta illud: Qui facit angelos suos spiritus, & ministros suos ignem urentem. Ergo seraphin uirtutes in coelis esse confirmant, quæ deum laudent, & in ministeria diuersa mittantur. Cherubin, scientiæ multitudo. Cæterum Cherubin ipsum in Sancta sanctorum duo tantum significatur animalia. Alijs uero locis ubi hoc nomen legitur, aut picturam aliquam indicat, aut uarietatem.

DE EXPOSITIONE DIVERSA

RV M RERV M III



MANDRAGORA in Genesi, genus pomi simillimum paruo peponi specie uel odore. Mazaroth zodiacon, quæ duodecim signa mathematici adserunt. Fath, clima, id est plaga meridiana, uel occidentalis. Rhamnus, in Psalterio, non rubus est, sed spinarum genus sentibus permolestum. Rhomphea, gladium in Latinum sonat. Nam ubi in Genesi dicitur, gladius flammeus atque uersatilis, in Græco rhomphea ponitur. Frameæ, hastæ longissimæ. Sunt qui his etiam nunc armorum uice utentes hoc nomen tribuunt. Quidam etiam ita gladios significari putant. Capparitis, in Salomone fruteti genus in Oriente simile lentisco. Palathæ, in Regnorum, massæ quæ de recentibus ficis compingi solent. Palathæ Græcum est. Debelaïm, in Osea propheta, palathas dicunt. Dabir, in Regnorum, oraculum quod erat factum in media interiori parte templi, in quo & arca domini erat, hoc appellabatur Sancta sanctorum. Byssus, genus serici grossioris, pariter & fortioris. Sunt qui

dant

dam qui & genus lini esse byssum putent. Phœnicium, in Esaia, coccinum.

Luteres, in Regnorū, conchæ, uel canthari aquarij. Sed & cantharus Græcum nomen est. Latomi, in Regnorum, lapidū cæsores: & hoc Græcum est. Creagræ, in Paralipomenon, fuscina, ad carnes de caldarijs proferendas, græcum est. Sambuca, in musicis genus symphoniarum. Nablum quod græce appellatur Psalteriū, quodq; à psallendo dictum est. Ad similitudinem est citharæ barbaricæ in modū deltæ literæ Δ. Tympanū, quod extenta pelle uel corio efficitur. Cinari, ut quidā putāt, acetabula, quæ percussa in modulos cōcitantur. Thyina, ligna. De his Salomon gradus fecit in domo domini, incognita ligna etiam peritioribus Iudæorum. Sethim, spinarum in eremo genus est, è quibus lignū imputribile. Sabeth, uirgulti apud Hebræos nomen est, in Genesi: Ecce, inquit, aries post tergum eius tenebatur in uirgulto Sabeth. Lebetæ, ænei minores in usum coquendi parati. In Paralipomenon: Pacificas uero hostias coxerūt in lebetis, & cacabis, & ollis. Cophinus, corbis. Hydria, uas aquariū. Condi, in Genesi, poculum uel scyphus. Lecythus, in Regnorū, ampulla olearia. Lenticula, in libro Regnorū, uasculum ex ære, habens oleum quo ungebantur in regnū.

Paropsis, acetabulum maius. Aliqui & catinū ita appellari putant. Epistylia, in Regum, quæ super capitula columnarū ponuntur: græcū est. Mechonothe, in Regū, sultura, quas bases appellamus. Topazion, lapis preciosus, in quo, sicut aliqui affirmant, omnium lapidum colores refulgent. Corbana, gazophylacium. Corbona autem interpretatur oblatio. Chafma, in Luca, hiatus: græcum est. Erysibe, in propheta, erugo, id est rubigo messium: Græcum est. Zizania, lolium. Sicera, succus ex dactylis: & omnis præter uinum liquor, qui ad bibendum, aut è pomis, aut quolibet genere conficitur, sicera nuncupatur. Nardum pisticum, nardum fidele, id est sine impostura: Græcum est. Nardum spicatum, ab eo quod species ipsa nardi in modum spicæ sit, quæ infusa conficitur. Alabastrum genus maris preciosi, ex quo Euangelici illius unguenti uasculum erat. Stadium, in Euangelio spaciū certa dimensio. Octo stadia mille passus efficiunt.

Hæc nomina quæ subsequuntur, in Exodo, uel in Regum libris reperuntur locis, quæ arcæ uel tabernaculi, aut templi domini relationem continent. Quorum nominum uocabula, ad hæc quæ obscuriora sunt, in translatione ueteri habentur. Hæc uero quæ lucidiora apparēt, nouæ translationis textu cōtinentur. Vetus ergo translatio habet, Sperateres: noua, ferulas.

Calamiscos, calamos. Troiscos, uel cariscos, quasi in nucis modum deformatos. Anconiscos, incastraturas. Aspidifcas, uncinos. Fimbrias, catenas. Scitalas, uectes. Lapidibus acrotomis, dedolatis. Degrapidem, calaturam. Petalis, laminis. Perimetrū, lineam. Spiras, capitella columnarum, uel sicut puto, facturam earum. Elam, porticū: sed melius interpretatur ante fores, siue uestibulum. Ergo Elam Hebraicum est. Cætera quæ superius

superius sunt, Græca sunt maxime. Item in Ezechielis extrema parte inuisione ciuitatis, in ueteri trāslatione habet pastophoria, in noua gazophylacia, id est, cellulas paruas. Thee, thalamos. Aileu, frontem. Aelaucooth, uestibulum. Polyandron, multitudines. Spitamis, palmus. Gissus, definitio. Manaa, sacrificiū. In Regum, Cenotaphia, simulacra, quæ Græce μορφώματα. Sed hæc hæctenus. Nunc etiam illud accipe, ut quædam nomina prius scriptura appellauerit, & ut nunc uocentur.

DE GENTIBVS IIII



GOMOR, in Genesi Galatæ, id est Galli, qui à candore corporis primum Galatæ appellati sunt, è quibus populi quondam in orientis longinqua migrantes primum Gallogræci, nunc antiquo Gallorum nomine Galatæ uocantur. Magog, Scythæ. Quidam Gog & Magog, Gothos putant. Iubal, Iberi, qui & Hispani. Thiras, Thraces. Thogorma, Phryges. Madai, Medi. Iauan, Iones, qui & Græci. Vnde & mare Ionium. Cethei, Citi, idem Cipri, apud quos & urbs Cittium uocitatur. Donanim, Rhodij. Ex his Græcorum nationibus extitere, qui à Tauro monte usque ad occidentalem oceanum maritimam oram occupauerunt. Hæ omnes gentes de Iapheth stirpe descendunt. Chus, Aethiopia. Mesraim, Aegyptus. Casloim, qui postea Philistini, nunc Palestini. Iidem tamen & Allophyli. Iidem & alienigenæ appellati sunt. Horum ciuitas Ascalon. Saba, Arabia. Saba uocitatur & regio, in qua nunc Sabæi. Euila, Getuli. Labain, nunc Libyes, quondam Futhi appellabantur. Tharsis, siue Carchedon, Carthago est: quidam Tharsos Ciliciam arbitrantur: quia & ciuitas Tharsis illic sita est. Africa, appellata ab uno ex posteris Abraæ de Cethura, qui uocatus est Afer. Ismahe litæ, uocati ab Ismahele filio Abraæ. Iidē & Saraceni, à Sara. Iidem & Agareni, ab Agar. Nabatheï, à Nabeth filio Ismaelis appellati, qui ab Eufrate ad mare rubrū porriguntur. Chananei appellati de Chanaan filio Cham. Horū terrā Iudæi expulsis incolis possederunt. Hi omnes de origine Cham ueniunt. Assur, Assyrii, ab Assur filio Sem. Hi urbem Ninum ex nomine Nini regis condiderunt, quæ nunc Ninie uocatur. Syros appellatos quidam asserunt ab Asurim filio Abraæ ex Cethura. Vs, quæ & Auxitidis regio circa Coelensyriam, ita ab Vs Sem pronepote appellata. Elamitæ, Persæ, ab Elam filio Sem. Hebræi cognominati sunt ab Heber, qui pronepos fuit Sem. Casdei, nunc Chaldei uocantur, & Casdei à Cased filio Nachor fratris Abraæ. Hi omnes de Sem posteritate procedunt.

De locis

DE LOCIS

V

IEbus, ipsa est Hierusalē, ipsa est & Salem, in qua regnavit Melchisedech. Hæc nunc ab Helio Adriano uocatur Helia. Babel in Genesi, nunc Babylon uocatur. In hoc loco cum turrem quondam homines ædificare aduersus cœlum adgressi essent, dispersi sunt, immixta diuinitus confusione linguarum. Achar, nunc Nisibis uocatur. Reblatha, nunc Antiochia appellatur. Eadem est Epiphania. Sicem, hæc est & Sicema, nunc Neapolis ciuitas Samaritanorum. Olibama, in propheta, ciuitas in qua Edom principes habitauerunt. Ariel, in Esaia, hanc quidam esse putant Ariopolim, ab idolo Martis Ariel, quod illic situm est. Interpretatur autē Ariel leo dei, Hierusalem figuraliter significans. Ararath, Armenia, in cuius montibus post diluuium arca consedit, adeo ut illic aliqua indicia nunc usque permaneant.

Arbeæ, quæ Arbos in nostris codicibus corrupte legitur, in qua tres patriarchæ sepulti sunt, Abraham, Isaac, & Iacob, & præterea Adam ipse. Hæc est etiā Hebron, in qua Dauid regnavit. Lod, ipsa est Lydda, ipsa est Diospolis. Decapolis, in euangelio, regio est habens ciuitates decem. Accaron, urbs Palæstinæ. Antilibanus, loca appellantur quæ supra Libanum montem orientalem plagam respiciunt. Efrata, ciuitas Bethlehem. Eufrates uero fluuius de paradiso. Mesopotamia idcirco dicitur, quod Tigridis & Eufrate fluminibus ambiatur. Samaria, ipsa nunc Sebaste appellatur. Emaus, in euangelio, nomen quondam castelli, nunc ciuitas, quæ Nicopolis dicitur. Caluaria, locus ob hanc causam dictus, quod de consuetudine in eodem loco damnati capite truncarentur. Ariopagus, curiæ apud Athenienses nomen est, quæ à Marte nomen accepit.

DE FLUMINIBVS VEL AQVIS

VI

GEon, fluuius est Æthiopiæ, de paradiso emergēs, quem Nilum usitato nomine appellant. Phison, fluuius Indiæ, idem quoque à paradiso fluens: hunc alij Gangen uocant. Siloë, fons est in Hierusalem, de radice montis Sion bulliens, qui non semper, sed in certis horis diebusque emanat per antra saxaque decurrens. Iordanis, ideo dictus est, quod duo fontes in unum confluant, quorum alter dicitur Ior, alter Dan appellatur. Mare Galileæ, idem & mare Tiberiadis, idem & stagnum Genesareth. Mare Salinarum, hoc uocatur & mare mortuum, uel Asphalti, id est bituminis, ab Hiericho haud longe abest. Bethsaida, piscina in Hierusalē, in quam & ægri deferebantur: ideo & Probatice, id est pecualis appellatur, quod hostias in ea quondam sacerdotes lauabant.

DE MENSIBVS

VII

Nisan, in libro Esdræ, mensis quem dicunt Martium, qui in scripturis appellatur mensis primus. Elul, in Machabæorum libro, Augustus, qui apud nos mensis sextus uocatur. Casleu, in Zacharia propheta, Nouember, qui est nonus. Tebeth, in libro Hester, Decēber, qui est decimus.

BB Sabbath,

Sabath, in Zacharia proph. Ianuarius, qui apud nos undecimus. Adar, in libro Esdræ, Februarius, qui apud nos duodecimus. Quod si etiam reliqua Hebræa mensium uocabula, quæ in canone non reperi, scire uoles: Iar uocatur mensis secundus: Siuan tertius: Thamus quartus: Alo quintus: Tisri sextus: Mareson septimus.

DE SOLENNITATIBVS

VIII

Annus iubileus, annus quinquagesimus, qui erat annus remissionis, quo in Israel unusquisque rei suæ uenditor ad ius eius etiam absque precio reuertebatur. Pascha, transcensus, Hebræum est, non Græcum. Transcensus uero idcirco dictus est, quod Hebræi ab Ægypto in terram repromissionis transcederunt. Certe pascha nostrum est, quod saluator ab inferis resurgens coelorum regna transcenderit. Phase, itidem pascha est transcensus, uel transitus. Sunt qui magis transcensum, uel transitum ex hoc appellatum affirmant, quod eadem nocte dominus per Ægyptum transierit, cum Ægyptiorum primogenita cuncta percussit. Pentecoste, quinquagesima, Græcum est. Huius quinquagesimæ figuram annus iubileus gessit, quicquid nunc iterum futuræ repromissionis æternam requiem præfigurat. Scenopegia, cum tabernacula à Iudæis figuntur ob memoriam tabernaculorum. Σκηνή enim Græce tabernaculum dicitur. Hæc Iudæorum solennitas Septembri mense celebratur. Encæniam, nouæ ædificationis obseruatio uel dedicatio. Καὶνὸν namque in Græca lingua nouum significat. Ergo in hac solennitate, Iudæi Octobri mense dedicationis templi colebant diem. Epiphania, Græcum est, quod significat apparitio, uel ostensio: siue quod eadē die dominus & saluator noster in baptismo suo populis fuerit ostensus: siue quod stella Magis: siue quod primo signo domini aqua in uinum uersa tunc apparuerit. Neomenia, hoc est quod apud nos Calendæ. Sed quia apud Hebræos secundum lunæ cursus menses supputantur, & μὴν Græce luna appellatur, idcirco neomenia noua luna accipi potest. Parasceue, præparatio, Græcum est. Parasceue enim sexta sabbati appellatur. Hinc uero præparatio dicitur, quod à Iudæis eadem die quæ in sabbato sunt necessaria, præparentur. Sabbatum, requies, Hebræum est. Idcirco autē requies, quod in eadem die dominus ab opere, perfectis omnibus absolutisque, requieuerit.

DE IDOLIS

IX

Idola, simulacra, Græcum est. Beelphegor, quod interpretatur simulacrum ignominiae, idolum est Moab. Hunc Latini Priapum appellant. Beel, quod interpretatur uetustas, idolum est Babylonium. Fuit uero hic idem Belus pater Nini regis Assyriorum. Adramalech, idolum Assyriorum, quod etiam Samaritæ coluerunt. Astarten, quod in Latinum sonat factura superflua, idolum Sydoniorum dicunt. Beelzebub, interpretatur uir muscarum. Diabolus, deorsum fluens, Græce uero criminator dicitur. Satan, in Latinum sonat aduersarius, siue transgressor. Syrenæ, in Esaiâ, demones, aut

nes, aut dracones magni, cristati pariter ac uolâtes, ut à quibusdam pütatur.

Ululæ, in Esaia, ab omni translatione nomine ipso Hebræo lim appellantur. Septuaginta tantū interpretes pro his onocentauros in translatione posuerunt. Sunt qui ululas putent aues esse nocturnas, ab ululatu uocis quem efferunt, quas uulgo cauannos dicunt. Lamia, genus monstri, ut quidā adfirmant. Pilosi, in Esaia, genera dæmonum. Hos nonnulli etiā doctissimorum incubones, uel satyros, aut quosdam syluestres homines putauerunt.

DE VESTIBVS

EPhod, uestis sacerdotalis, quæ superindumētum uel superhumeralē appellatur. Est autem uelut in caracellæ modum, sed sine cucullo. Cuius uestimenti duo sunt genera, unum lineum & simplex, quod sacerdotes habebant: aliud diuersis colorib. de auro, purpura, & bysso, hyacintho, gemmisq; contextū, quo soli pontifices utebantur. Poderis, sacerdotalis linea corpori penitus adstricta: eademq; talaris, unde & poderis appellata: hæc & subucula dicitur. Logion, quod & rationale, pannus exiguus, ex gemmis, auro, coloribusq; varijs, qui superhumerali contra pectus pontificis adnectebatur.

Cidaris, pileus sacerdotalis ex bysso. Hunc Græci & nostri tiarā: quidam etiā mitram uocant. Petalum, aurea lamina in fronte pontificis, quæ dei nomē illud ineffabile tetragrammaton, quatuor literis Hebræis gerebat scriptum. Penula, in Apostolo, Latinum est. Est autem quasi lacernā descendentibus clauis. Baddim, in Daniele, uestes lineæ, quibus sceminalia, ut arbitror, significantur. Bad enim apud Hebræos linum dicitur: unde & in quibusdam locis legitur, Ephod bad: hoc est, ephod lineum; non autem Ephod barud, ut quidā corrupte legunt. Diplois, in Regum libris, sâgum, uel chlamys, ἀπὸ τοῦ διπλῶς, quod duplicetur: & omne indumentum quo dupliciter âmbimur, diplois appellari potest. Melotæ, in Regū libro, pellis simplex, qua monachi Aegyptij etiā nunc utuntur, ex uno latere dependens. Theristrum, in Genesi, apud Arabes, genus pallij muliebris. Periscelides, in Esaia, ut quidam dicunt, apud sceminās crurum ornamenta.

DE AVIBVS VEL VOLATILIBVS

XI

Pelicanus, auis parua, quæ solitudine delectatur. Est & aliud pelicanorum genus in Nilo, penè cygnis simile, nisi quod paulo maiores sunt. Quidam ita & onocrotalos uocant. Nycticorax, noctua: multi bubonem esse contendunt. Sunt etiam qui adserunt esse orientalem auem, quæ nocturnus coruus appelletur. Ibis, in Pentateucho, auis Aegyptia obscenitate oris immunda, quo aluum purgare consueuit. Herodius, in Psalmo, ardea à quibusdam putatur. Larus, in Pentateucho, gauiam significat.

Cœnomyia, non musca canina, ut quidam putant, in Psalmo, accipienda est, sed musca omnimoda: & ideo non per y Græcam literam, sed per diphthongon æ scribi debet. Ciniphes, culicum genus est aculeis permolestum.

DE BESTIIS VEL REPTILIBVS

XII

Rhinoceron, fera terribilis, gemina in naribus gestans cornua. Monoceron, in Psalmo, unicornis appellatur. Tragelaphus, in Deuterono, platoceros, id est cornibus latis. Erinacij, chirogrilli nūcupantur, propè magnitudine mediocrium cuniculorum, de cauernis petrarum procedentes gregatim: in eremo quæ est contra mare mortuum, depascuntur. Hericij, qui & echini dicuntur: ita spinoso defenduntur tegmine, ut nec contingi quidem possint. Bruchus, in Psalmo, locustæ, quæ nondum uolant, quam uulgo olbam uocant.

DE PONDERIBVS

XIII

Talentum, est pondo LXII, quod faciunt LXXX libræ Atticæ. Mina, est libra una, & semuncia. Talentum habet minas LX. Mina Græce, Latine mina dicitur. Dragma habet scrupula tria. Didragma, dragmæ duæ sunt. Vnde miror quomodo in libro Hebraicarum quæstionum semuncia scribatur. Stater, est nummus habens (ut quidam affirmant) unciam unam: id est, aureos sex: ut alij putant, tres. In euangelio enim pro duobus didragmis stater datur. Sicel, qui in Latina lingua corrupte siclus dicitur: in quæstionibus superscriptis indicatur: uncia pondus habet: ut alibi scriptum reperi, scrupula decem: quod & ipse arbitror. Nam siclus ipse, uel sicel, de propinquitate ponderis quasi sicilicus sonat. Obolus, est scrupulū dimidium, quod facit siliquas tres: in Ezechiele. Siclus autem xx obolos habet.

DE MENSVRIS

XIIII

Corus, est modij xxx. Batus, amphora una: id est, modij tres. Cadus, Græca amphora est, habet urnas tres. Ephî, siue opha, modij tres. Ephî idem mensuræ habet in aridis, quod in liquidis batus. Metreta una, ut quidam dicunt, habet sextarios centum. Mensura autem Græce μέτρον dicitur, unde metreta appellatur. Notandum uero, quod mensura Hebræum nomen est. Artabæ, in Esaia, Ægyptiorum mensuræ, quæ tres faciunt modios x. Sata, idē sunt quod ephî, id est modij tres. Gomor, mensura est Attica, habens (ut quidam opinantur) choenices tres, id est sextarios xii. Alij gomor dicunt paulo minus à sextarijs quinque: quod etiam ipse sequor, eo quod gomor sit decima pars ephî. Nebel, quidam putant modios tres. Sextarius, est dimidium cotylæ in liquidi specie. Cotyla, hemina est: in Ezechiele, Decem, inquit, cotylæ sunt gomor.

DE GRAECIS NOMINIBVS

XV

Accipe nunc cæterorum nominum significationes, quæ ecclesiæ ore celebrata in sermonem nostrum conuertuntur ex Græco. Theos, deus. Theos autem, ut quorundam opinio habet, ἀπὸ τοῦ θεαομαι: id est, à spectando, id est omnia prospiciendo. Homousion, unius substantiæ, Homœusion, similis substantiæ. Christus, unctus. Paracletus, consolator, siue aduocatus. Hagios, sanctus. Angelus, nuncius. Thronus, sedes uel sol

uel solium. Apostolus, missus: ideo quod à domino ad euangelizandum missi sunt. Propheta, prædictor. Martyres, testes. Episcopus, superinspector: & ideo propheta ait, Speculatorem te posui domus Israel. Presbyter, senior. Diaconus, minister. Clerus, fors. Ecclesia, uocatio uel collectio. Catholica, uniuersalis: ἀπὸ τοῦ ὁλοῦ, quod est secundum totum.

Synagoga, conuentus, uel congregatio. Ethnicus, gentilis. Hypocrita, simulator. Hæresis, secta. Monachus, solitarius. Eremita, desertum. Paroecia, adiacens domus scilicet dei. Diocesis, gubernatio: & hoc non secundum proprietatem & potestatem uerbi, sed secundum effectum. Laicus, popularis: ἀπὸ τοῦ λαοῦ, hoc est, à populo. Catechumenus, instructus, siue audiens. Neophytus, nouella plantatio. Baptisterium, tinctorium. Holocaustum, totum combustum: ideo quia integra hostia igni tradita consumebatur. Chrisma, unctio. Eucharistia, gratia. Symbolum, collatio, aut pactum, uel complacitum quod sit homini cum deo. Hymnus, carmen in laudem dei. Antiphona, uox reciproca. Pentateuchus, quinque uolumina: id est, Moyse libri quinque: de quibus dicit Apostolus, quinque uerbis uelle se in ecclesia loqui. Exodus, exitus, uel egressus: scilicet populi Israel. Deuteronomium, secunda lex: in quo est euangelicæ legis præfiguratio. Paralipomenon, prætermisorum, uel reliquorum: id est, quod historiæ inibi continentur, quæ in Regum libris prætermisæ sunt. Euangelium, bona annuntiatio, siue bonum nuncium. Apocalypsis, reuelatio. Gazophylacium, diuitiarum custodia, compositum de lingua Persica & Græca. Synodus, comitia, uel coetus. Canon, regula. Teuchos, uolumen. Apocrypha, recondita, uel occulta. Hexapla, sexcuplicia. Apologia, excusatio: unde apologeticus appellatur: uel sicut quibusdam uidetur, purgatio, seu defensio. Anagoge, superior sensus. Tropologia, moralis intelligentia. Parabola, similitudo. Anacephaleosis, recapitulatio.

Habes opusculum fili mi charissime, in omne fere scripturarum corpus quasi quoddam intelligentiæ seminarium, quo in duobus uoluminibus non parum, ut arbitror, instructionis ad edocendum te, ex rebus uarijs necessarijsq; congeffi.

SECUNDI LIBRI INSTRUCTIO
NVM EVCHERII
FINIS

BB 2

DES ERASMVVS ROTERODAMVS

ALVARDO AMSTELREDAMO DOCTISSIMO

liberalium artium professori, S. D.

LIBELLVS quem misisti, cum suis dotibus undiq; mirum in modum placuerit, tum hoc placuit impēsius, quod olim puero mihi & lectitatum esse, & placuisse memini. Si quid meo suffragio tribuis, nihil uideo profectum à nostræ religionis hominibus, qui eloquentiæ quoq; gloria floruerint, quod cum huius phrasi sit conferendum. Vt nusquam non præstat egregium artificem, siue spectes ordinem, siue transitus subinde nos, siue non uulgarē ingressum, ueluti limen argumentationis. Nullam suariorij generis partem non tractat. Nusquam desidet in locis cōmunibus. Magis urget & instat argumētis, mire pungit epiphonematis: delectat iuxta ac mouet sententijs. Quodq; magis etiam mirandum est, sic Isocratis schematibus modulata, structa, picturataq; est oratio, ut nusquā frigeat, aut ineptiat. Sic arguta, ut interim neruosa: sic elaborata, ut tamē dilucida: sic noua, sed ut tædio careat affectationis: sic festiua, ut nihilo secius grauis ac seria: sic rhetorica, ut *γυναικεία* tamen Christiana. Deniq; sic acris ac uehemens, ut sui tamen ubiq; similis, pari intentione ad extremum usq; calcem properans, sani uidelicet uegetiq; ingenij argumētum. Gennadius dum huic stylum tribuit scholasticum, ni fallor, plusculum in eo desiderauit arcanarum literarum. Cæterum libellū hunc à Rodolpho Agricola uersum non esse, uel stylus ipse satis arguit, præsertim cum quædam sint schemata, quæ ne possint quidem ad Græcam orationē respondere. Gennadius indicat esse Eucherij Lugdunensis ecclesiæ episcopi. Moxq; huius meminit epistolæ, quam scripserit ad Valerianum propinquū suum De contemptu mundi, deq; relinquendo studio prophanæ philosophiæ. Atq; utinā reliqua huius extarent, uel is liber, quo carptim obscura quæq; diuinorum uoluminū capitula explanauit: uel is, quo proluxa Cassiani opuscula contraxit in compēdium. Sed quid unius aut alterius iacturam libri deploramus? Vix à lachrymis tempero, quoties ueterum scriptorum catalogos legens, uideo quas opes amiserimus. Auget ægritudinem, quoties subit, pro qualibus amissis qualia nunc uulgo legamus. Proinde studium istud tuum Alarde charissime nō possum non exosculari, quod eruendis in lucem ueterum monimētis impendis, præsertim si qua sunt eiusmodi, ut cum uera pietate ueram eruditionem eloquentiamq; coniunxerint. Utinam rem pulcherrimā conantem, magnatum fauor adiutet. Tametsi audio uenerabilem uirum Menardum Mannium, cognatum tuum, abbatem Edmondanum ut in cæteris omnibus, ita hac quoq; in parte præscorum præsulū exempla referre. Iam hoc tibi peculiariter etiā debet Gallia, quod Hilario, Ausonio, Paulinoq; suis, hoc quoq; decus possit adiungere. Siquidē ipse autor satis testatur sibi cum Paulino patriam fuisse communem. Bene uale, ac tui similis esse perge. Louanij.

CLARI IVXTA AC DISERTI VIRI

EVCHERII LVGDVNENSIS EPISCOPI AD VALERIA

num cognatum suum Epistola Parænetica, ab amore mundi,

studioq; prophanæ philosophiæ, ad ueræ pietatis,

ueræq; sapientiæ studium prouocans.



BENE alligātūr uinculo sanguinis, qui uinculo con
sociantur amoris. Sic & nobis quoq; admodū glo
riari p hoc ipso dei munere licet, quos perinde cha
ritas, ut propinquitas nequit, coarctantq; in unum
affectum duæ necessitudines, quarū alteram à pa
rentibus carnis nostræ accepimus, alteram à nobis
sumpsimus. Geminum hoc uinculum, quo (confer
derantibus nos hinc genere, hinc dilectione) conne
ctimur, hæc me paulo latius ad te exarare compulit, ut cōmendarem animo
tuo causam animæ tuæ, ueramq; illam beatitudinem, & æternarū rerum ca
pacem, opus nostræ professionis assererem. Nam cū te æque ac me diligam,
necesse est ut summū bonum, assequi te tāquam me alterum cupiam. Et qui
dem à professione uitæ sanctæ pio etiā non abhorres ingenio, qui ea quæ sa
cræ institutiones docent, præuenisti in plurimis præcoqua morum felicitate,
ut mihi uidearis quædam religionis officia, quasi per prouidā occupasse na
turam, domini ac dei nostri iam in hoc erga te indulgentia: cuius gratia est,
quod diuina in te doctrina bona sua p parte inuenire potest, pro parte con
ferre. Quamuis autem in maximos seculi apices patre soceroq; elatus, illustri
bus ex utroq; titulis ambiaris, ego tamen longe superioris in te honoris fasti
gia concupisco: teq; non ad terrenarum, sed ad cœlestiū, nec ad seculi, sed ad
seculorū dignitatē uoco. Certa quippe & inobliterabilis hæc gloria est, æter
nitate gloriari. Loquar ergo apud te non sapientiam huius seculi, sed illam sa
pientiam arcanam, absconditā, quam prædestinavit deus ante secula in glo
riam nostram. Loquar tecum multo studio tui, mei admodum parum proui
dus, qui plus in te quid uelim, quā in me quid possim, considerauit.

Primū instituti atq; in lucē editi hominis officiū est, mi Valeriane charissi
me, propriū cognoscere autorē, cognitūq; suscipere: uitamq; id est diuinum
donum, in diuinū officiū cultumq; conferre: ut quod dei munere sumpsit, dei
deuotione cōsummetur: atq; id quod ab eodē indignus cepit, eidē subiectus
impendat. Sana qppe opinione agimur, ut eductos nos sicut ab ipso, ita ipsi
arbitremur. Vnde ille planeq; magnifice pspicit creatoris nostri in effingēdo
homine sententiā, quisquis ita intelligit, quod nos & ipse, & sibi fecit. Optimū
deinde est curam principalē animæ impēdere, ut quæ utilitate prior est, non
sit cōsideratione posterior. Primas apud nos curas, quæ prima habētur, obtri
neant, sūmasq; sibi sollicitudinis parteis salus, quæ sūma est, uēdicet. Hæc nos

Primum ho
minis nati of
ficium, creato
rem cognosce
re.

Secundū, ani
mæ curam ha
bere

occupet in præsidium ac tutelam sui, iam non planè prima, sed sola. Omnia uincat eo studio, quo præcedit omnia. Summam debemus obseruantiam deo, animæ deinde maximam: atq; ita tamen istud est, ut cum utrunq; præcipuum sit, obseruari alterum sine altero nequaquã posse uideatur. Ita quisquis deo satisfecerit, animæ necesse est iam consuluerit: & rursus, qui animæ consuluerit, necesse est deo iam satisfecerit. Sic de summo apud nos utroq; res transigitur utili coacta compendio, ut si quis unum sedulo impleuerit, utrunq; contulerit: quia ineffabili benignitate diuina, ipsa utilitas fit dei sacrificium. Multus corpori curationum usus impenditur: multum huic operæ in spem medelæ datur. Nunquid medicinam anima non meretur? Et si uaria corpori auxilia studio tuendæ sanitatis adhibentur, fas non est tamen, animam uelut exclusam iacere, & quasi neglectam morbis suis intabescere, atq; unam à proprijs remedijs exulare, imò uere plura animæ conferenda sunt, si corpori tanta præstantur. Nam si recte quidam carnem hanc famulam, animam uero dominam esse dixerunt, non oportet posteriore loco nos dominam ponere, ac famulam iniquo iure præferre. Merito poscit studia maiora pars melior: quia omni nobis cura illuc respiciendum est, ubi substantiæ nostræ abundantior dignitas constitit. Congruum non est in hoc honore nostræ sollicitudinis eam nos subijcere peiori. Caro siquidem procliuis in uitia, ad terram nos tanquam in originem suam reuocat: hæc uero ueniens à patre luminum, sicut ferri ignibus mos est, in superiora nititur. Hæc in nobis imago dei, hoc præciosum est diuini muneris pignus. Hanc omni ope, hanc summis uirib; tueamur: hanc si regimus & conseruamus, dei depositum tuemur. Quis extruendi, nisi cum fundamenta ieceris, locus est? Superædificare cæteras utilitates destinanti salus fundamentum est. Cæterum quomodo quispiam sequentia addat, si nec prima possederit? Vnde succedentium augebitur incrementis, si anteriorum deficiatur exordijs? Quomodo interesse putet beatitudini, cum desit etiam salutis? Indigens uitæ, unde abundare felici uita potest? Aut quid prodest, si adiiciat cibus, non habens unde consulendum est animæ? de qua & dominus noster IESVS CHRISTVS ait: Quid enim prodest homini, si mundum uniuersum lucretur, animæ uero suæ detrimentum patiatur? Proinde non potest ulla compendij causa consistere, si constet animæ interuenire dispendium. Vbi salutis damnum est, illic utiq; iam lucrum nullum est. Quò enim lucrum capiatur, nisi capiendi sedes inconcussa seruetur? Atq; idcirco ad illud lucrum uerum, ad illum sanctum expetendumq; commercium, dum tempus est, properemus. Parere possunt aternam uitam pauci dies, qui tamen dies etiam si illasam atq; incontaminatam uitam beatitudinem possiderent, tamē quia pauci essent, paruo æstimandi erant. Nihil enim est magnū re, quod parū tempore: nec longis dilatatur gaudijs quicquid arcto fine concluditur. Breuem utilitatē seculi istius breuia habet cōmoda. Recte ergo etiā bono breuis uitæ, perpetuæ uitæ cōmodum præponendū uideretur: quia illa esset

esset temporalis, hæc æterna felicitas: quia fragile esset breuib. bonis perfrui, tutum gaudere perpetuis. Nunc uero æterna uita beatissima est. Nam quid felicius æterna uita dici potest? Hæc uero breuis ita breuissima, ut ærumnossissima, quæ undiq; circumstantium dolorum urgetur incommodis, & deficientibus fatigatur malis, dum accidentium iactatur iniurijs. Quid enim tam infidum, tam uariū, tam calamitosum, q̃ uita istius cursus est: quæ plena laboris est, plena solitudinis, plena curarum, ipsorum quoq; plena discriminū, & per ancipites distracta casus, fit corporis uexationibus inquieta, animi angoribus anxia, periculorū turbinibus incerta. Quæ utiq; utilitas, quæ ratio, non expeti bona æterna, sequi temporaria, etiam mala? Nōne uides, ut etiam in hac uita quisq; prouidus, locum aut agrū in quo diutius se commoraturū putat, copiosis in usum sarciat impendijs: & ubi paruo quis erit tempore, parua prouidet: ubi maiore, maiora procurat. Nobis quoq;, quia in præsentiarum breuissimum angustijs coarctatibus tempus est, in futuro secula erunt, competētib; copijs uitam exaugeamus æternam, cōpetentibus instruamus exiguam, ne prouisione peruersa impendamus breui tempori curā maximam, & maximo tempori curam breuem. Atq; haud scio ad hanc beatissimam uitam quod cōpellere nos ocyus, aut efficacius debeat, an ipsa futuræ uitæ commoda, quæ promittuntur, an præsentis uitæ incōmoda, quæ uideantur. Inde nos illa blandissime prouocāt, hinc ista uehemēter exturbant. Proinde cum in meliorem partem etiam pessima suffragētur, si bonis non illicimur, malis extrudamur. Ad incitamentum meliorum optima deterioribus concinunt, & in eandem utilitatē diuersa concurrunt. Nam dum alia nos inuitant, alia fugant, in melius utraq; nos sollicitant. Nam si hominū quispiam clarus ac locuples in locum liberorū te adoptaturus acciret, ires per oppositas rerū difficultates, & per quamuis longi recessus iter uectatus accurreres. Deus uniuersitatis rerumq; dominus te in adoptionem uocat, illud (si uelis) tibi blandum filij nomen impartiens, quo deum nostrū, unicum suum nuncupat, & non accensus raperis: non properus urgeris, ne conditionem tantam celeri occursumors festina præripiat. Atq; ad hanc obtinendā tu non inuias terræ solitudines, nec lōginq; maris incerta penetrabis. Cum uolueris, hæc adoptio tui tecum est. Nunquid nam segnes ac desides nos res ista habebit, idcirco quia tam prompta quā maxima: quo durius cōditionem hanc dissimulatores experientur. Tanto enim nolentibus perniciosior, quanto est uolentib; promptior. Certe cupiditas uitæ est istud, quod nos delectatione rei præsentis innexuit. Ergo amantes uitam, hortamur ad uitam. Vera ratio est persuadendi, cum id poscitur, ut impetremus à uobis quod cōcupiscitis. Pro uita quam diligitis, legatione apud uos fungimur: & hanc quam omnes exiguam amat, insinuamus ut ametis æternam. Quam quo pacto amemus nescio, si non hanc quam amamus, esse quā speciosissimā cupimus. Itaq; istud quod & cum arctū sit placet, placeat magis si potest esse perpetuū: & quod apud nos

Vita ista nihil calamitosius

precium

precium habet cum finem habeat, sit nobis supra precium si potest esse sine fine. Rectum sit proinde minorem uitam prospexisse maiori, ut ad alteram nobis, sed per hanc transitus cōstruatur: quam utiq; non conuenit sociā com modis obliquis interuenire consilijs. Non se opponat ut oblit, ut noceat. Ab surdum quippe atq; contrarium est, ut uitæ detrimentū adferat amor uitæ. Igitur siue uitam hanc contemnendā putas, siue complectendā, in utroq; facilis negocij mea causa est. Nam si spernit, una est spernendi ratio, ut melior appetatur. Et si diligit, tanto magis est diligenda quæ maior est. Ego tamen desiderauerim, ut hanc pro experimentis sui habeas, ut molestissimā atq; incertis fatigationib; inquietā (sicuti est) iudices, eamq; cum occupationib; spernas ac respuas. Abrumpatur illa interminabilis seculariū negociorū catena, & ille de necessitatib; multis unus per totam uitam labor. Dirumpamus inanium curarum uincula, quorum succedentib; sibi nexibus implicatis, in quib; semper occupatio nostra quasi incipit. Remoueātur illæ tam uacuae, q̄p̄ coherentes sibi causæ, in quibus quoad uiuitur, studium mortaliū, dum subinde negocijs inchoatur, nunquam finitur. Quarum rerum insatigabilis intentio iam breuem & arctam per se uitam, hāc etiam arctissimā reddidit. Per quæ etiam nunc uana gaudia, nunc acerbi mœrores, nunc anxia uota, nunc suspecti metus ueniunt. Abijciantur postremo illa omnia, quæ præsentē hanc uitam faciunt breuem occupationi, longam dolori. Repudiemus mūdi parum fidi uitam utrobique suspectam, apud quam perinde alta atq; humiliā parum tuta sunt. Obterūtur humilitate depressa, nutant celsa fastigio. Pone quē uolueris statū, non apud infima istic, nō apud summa requiescitur: grauem turbinis sortem utraq; conditio non effugit. Subiacet contumeliæ minor, maior inuidiæ. Duæ res præcipue sunt, ut arbitror, quæ maxime homines in negocijs seculi uinctos tenēt, & eblanditis sensibus captos, illecebroso amore constringunt: opum uoluptas, & honorū dignitas: quarum prior non uoluptas, sed egestas: sequens, non dignitas, sed uānitas nuncupāda est. Hæc utraq; alternis nodis irretitis gressum impedit, fallax complexa collegiū: hæc pestiferæ pectoribus humanis blanda desiderijs uitia inspirant, defatigatasq; mentes mortalium facili iucunditate sollicitant. Nam quid istis opibus (ut de his primum dicam) perniciosius, quæ raro, nisi cum iniustitia congeruntur? Tali administratore res ista capitur, tali custode seruatur. Radix enim (inquit) omnium malorū cupiditas. Adeo quædā societas est penē etiam nominis, duabus his rebus, uitijs, & diuitijs. Nunquid nam non opes istæ quædā materia contumeliarū sunt? Vnde etiam quidam nostrorū ait: Quid enim aliud sunt diuitiæ, nisi pignora iniuriæ? Nunquid nō uelut exposita improbis præmia, factiosorū oculos animosq; prouocant, proscriptionesq; ipsas quodāmodo ostentant & inuitant? Sed fac ut ista non accidant, nunquid quō post nos errantes, fugientesq; cōmigreant, certi esse possumus? Thesaurizat, inqt, & ignorat cui cōgreget ea. Sed fac ut ueniat hæres ex uoto, nūquid nō saepe censum hæres

Duo maxime
homines hic
uinctos tenēt.

1. Timot. 6

Diuitiæ, pi-
gnora iniu-
riæ

Psal. 38

hæres intercipit, opesq; cōgestas aut filius male educatus, aut gener male electus absūmit. Quid diuitiæ istæ in se uoluptatis habent, quarū est & misera possessio, & incerta transmissio? Quò deuius ac præceptis hominū amor raperis? Scis ea quæ tibi obueniunt diligere, & ipsum te diligere nescis? Foris est quod amas, extra te est quod concupiscis. Reuertere potius in te, ut sis tibi tu charior, quàm tua. Certe si ad te quispiā rerum haud ignarus accedat, malis ipsum te amet, q̄ ista quæ tecū sunt: idēq; eliges, ut ille uitæ tuæ potius, quàm opibus tuis affectū suum conferat. Vis hunc homini fidem seruare, non reb. Quod tibi tribuere uelis aliū, ipse hoc tibi, qui es tibi fidissimus, tribue. Nos nos potius amemus q̄ nostra. Et hæc quidem aduersus facultates dicta sint. In honorib. uero huius mundi, ut cætera taceā, quæ æstimari dignitas potest rerum, cum ad hanc promiscue cum bonis mali ambitione cōscendant, & non unius meriti uiros unus honor ambiat, dignosq; & indignos non iam discernat dignitas, sed confundat? Ita quæ meliores deteriorib. præferre debebat, æquare coepit: nouoq; modo optimi ac pessimi uiri nusquā ferè minus discrimen est, quàm in honore. Nonne honor maior est, huiusmodi honore inhonorum esse malle, ac suis magis moribus, quàm promiscuis honoribus æstimari? Atq; hæc ipsa (utcunq; se habent) quàm transuolantia, quàm caduca sunt? Vidimus nuper uiros honore conspicuos, celsarum dignitatū insedissee fastigijs, & diffuso usquequaq; censu per orbem patrimonia tetēdissee. Cupiditates successibus uicerant, rebus uota transcēderant. Sed priuatas tantum felicitates reuoluo. Reges ipsi magno sublimes imperio, gemmisq; fulserunt horum tegmina, mirum dictu, textis irradiabāt metallis, diadema distinctis intermicabat arborib. splendebat instructa palatinis aula cultibus, auratisq; trabibus tecta rutilabant: eorum uolūtates iura hominū, eorum uerba leges appellabantur. Quis supra hominum uerticem potest temporaria felicitate confugere? Ecce eorum ille ambitus nusquam est, affluentissimæ quoq; opes abierunt, transierunt ipsi tantarum opum domini. Recentium inclytorumq; regnorū apud nos iam quædā fabula est. Omnia illa quæ hic erant magna, modò iam nulla sunt. Nihil, ut puto, imò, ut certò scio, ex illis opibus, honoribus, regnis secum abstulerunt, nisi (siqua in his fuit) fidei pietatisq; substantiam. Sola hæc illos, cæterarum rerum egenos, sola prosequitur: hæc abeūtes inseparabilis, & quasi fida comitatur. Illa nunc ope aluntur, in illis nunc diuitijs, in illis tantum honoribus acquiescunt. Hæc bona nunc in beneficijs habent. Quapropter si honoribus opibusq; capimur, ueris opibus, ueris honoribus excitemur. Optimus quisq; in cœlestes honores, in cœlestes opes, terre nos honores, terrenas opes transfert: illuc utiq; ubi bonorum ac malorū summa & inconfusa discretio est: ubi quod semel adipiscimur, semper tenemus: ubi si locus obtinēdi ullus fuerit, amittendi nullus erit. Sed quando de fragili temporalium bonorū possessione diximus, aliquid etiam nobis de ipsius breuissimæ uitæ conditione dicendum est. Quid istuc quæso, quid istuc est? Nihil ita quotidie

*Homo brevis-
sime uitæ*

quotidie homines ut mortem uident: nihil ita obliuiscuntur ut mortem. Agitur humanum genus rapida in occasum mortalitate, omnisq; posteritas succedentium seculorum lege decurrit. Patres nostri præterierunt, nos abibimus, posterī sequentur: uelut ex alto undarum iactus, alijs atq; alijs superuenientibus in littoris extrema franguntur, ita in terminū mortis succiduae alliduntur ætates. Hæc nos consideratio diebus ac noctibus, hæc nos cōditionis nostræ memoria circumstrepit. Debitum uitæ finem iam iamq; affuturum putamus, qui nobis tanto magis appropinquabit, quanto magis distulit. Vicinum speremus diem, longinquū esse nescimus. Præparemus, ut scriptum est, ad exitum uias nostras. Si cogitamus ista, si ista meditamur, nō timebimus mortem, timendo. Beati qui uos iam reconciliastis **CHRISTO**. Non magnus mortis istos timor infestat, qui iam dissolui optāt, & esse cum **CHRISTO**, qui summum uitæ istius diem iam parati, iam quieti in silentio expectant. Non enim multum refert quādo finiant temporariam, qui transeunt in æternam. Ad negligentiam uitæ non nos negligētium turba persuadeat, nec ad damnum propriæ salutis alienis ducamur errorib. Quid nobis in illo dei iudicio proderit multitudo, ubi singuli iudicabūtur, ubi sola examinatio meritorū, actus quenq; non populus absoluent. Cessent cessent solatia male suada discriminis. Nimirum præstat uitam propagasse cum paucioribus, quā perdidisse cum pluribus. Atq; adeo non nos ad incuriam peccatorum sola peccātium numerositas pertrahat, neq; hoc quod sibi alijs parum consurunt, quædam nobis efficiatur autoritas. Obsecro te, delictū alienum semper ut opprobrium respice, nunquā ut exemplum. Quod si libet oculos ad exempla conferre, in illam potius intende partem, qua licet pauciores sint, tamen sunt in sua parte copiosi: illam inquā respice, in qua sunt qui sapienter intelligunt quapropter nati sint, & utiq; dumad uiuunt, uitæ suæ causam agūt, qui utili opere insignes, atq; egregia uirtute præstantes, præsentem uitam excolunt, futuram serunt. Nec solum copiosa horum exempla, uerum etiā magna non desunt. Nam quæ mundi nobilitas, qui honores, quæ dignitas, quæ sapientia, quæ faciūdia, quæ literæ non se iam ad hanc cœlestis regni militiam contulerunt. Quæ sublimitas non iam se ad istud leue cœleste iugū cum deditione submittit. Et sanè supra omnem errorem atq; ignorantiam est dissimulare quenq; negocium salutis suæ. Possem etiam, nisi longum esset, multos ex innumeris nominatim retexere, quanti in seculo illustrium uirorum hanc arctiorem diuini cultus obseruantiam, uitamq; sectati sunt: quorum tamen exempla, ne cuncta penitus omittam, cursim pauca subnectam. *Clemens* uetusta prosapia senatorum, atq; etiam ex stirpe Cæsarum, omni scientia refertus, omniumq; liberalium artium peritissimus, ad hanc iustorum uiam transijt, itaq; etiam in ea excellenter effloruit, ut principi quoq; apostolorum successor extiterit. *Gregorius* è Ponto sacerdos, philosophia primus apud mundū & eloquentia præstans, sed postea maior præstantiorq; uirtutibus

Mors non timenda

Clemens

Gregorius

tibus, adeo ut, sicut de hoc historiae nostrae fides loquitur, inter reliqua admirabilium signa meritorum, precibus huius atque orationibus mons referatur secessisse, lacus exaruisse. Alius item sanctus, atque eiusdem nominis Gregorius, aequae literis ac philosophiae deditus, coelestem hanc philosophiam concupiuit. Cuius etiam quod ad rem pertinet, nequaquam silendum uidetur, quod Basilium studiis prius secularibus familiarem sibi, & rhetorices adhuc professiōi uacantem, auditorium eius ingressus, manu hunc apprehensum schola abduxit, dicens: Omitte ista, & da salutem operam. Et postea uterque memorabilis sacerdos, reliquit uterque in ecclesiae nostrae libris ingenij sui praecleara monimenta. Paulinus quoque Nolanus episcopus, peculiare & beatum Galliae nostrae exemplum, ingenti quondam diuitiarum censu, uberrimo eloquentiae fonte, ita in sententiam nostram propositumque migravit, ut etiam cunctas admodum mundi partes eloquio, operibusque resperferit. Hilarius nuper, & in Italia nunc antistes Petronius, ambo ex illa plenissima, ut aiunt, mundanae potestatis sede, unus in religionis, alius in sacerdotij nomen ascendit. Et quando clarissimos facundia, Firmianum, Minutium, Cyprianum, Hilarium, Ioannem, Ambrosium, ex illo uolumine numerositatis euoluam? Dixerant credo, & hi sibi, quod quidam nostrorum ait, cum se a seculo in hanc beatiorē uitam hoc uelut stimulo concitaret: dixerant credo, Quid hoc est? Surgunt indocti, & coelum rapiunt, & nos cum doctrinis nostris ecce ubi in carne uolutamur & sanguine? Dixerant istud, & idcirco ipsi postea uim intulerunt regno. Proletis ex parte quos maior fidei nostrae feruor habuit, seculi philosophia, eloquentia, honoribusque perfunctos, ad ipsos iam reges, & illud caput mundi ueniam. Neque nunc commemorandos putabo omnes superiores illos religioni deuotos, & regiae dignitatis uiros: solum mihi insignes, Dauid pietate, Iosias fide, Ezechias humilitate, ex memoria uenerandorum promentur annalium. Nonnulli quoque ex recentioribus extiterunt, atque hac nostra tempestate principes, qui ad agnitionem ueri regis propius accesserunt, summumque illum dominorum dominum summa cordis contritione confessi sunt, attentam diuinam maiestati reuerentiam, etiam uterque sexus ex aula exhibuit. Hi potius idonei, ut arbitror, ad aemulandum proponantur, quorum exempla cum habeant de futuris salutem, habent de praesentibus auctoritatem. Cernis ut etiam dies atque anni, & cuncta haec ornamenta caeli, dei uerbum mandatumque infatigabili obseruatione cōseruent, praeceptorumque eius custodiant irremissa lege famulatum. Nunquid nos, quorum ista usibus fabricata sunt, quorum luminibus ingesta sunt, coelestium mandatorum non nescij, nec diuinæ uoluntatis ignari, praeceptum dei surda aure transibimus? Et his quidem praedictis mundi adminiculis, quid in secula obseruaret, semel iussu est: nobis uero tot uoluminibus diuinæ legis iterantur imperia, ad hanc saltem, quod homini ipsi attributum est, uoluntati auctoris parere, praeceptisque eius uacare discat: quia omne istud cum praebet ministerium, praestat exemplum. Et tamen siqui ad

Basilius

Paulinus

Hilarius
Petronius

Psal. 138

autorem suum redire nolūt, num idcirco dominum suū uitare possint? Aut quò suppetit ut fugiant, qui à deo se auertunt? Audiant sancte Dauid, audiant te dicentem: Quò ibo à spiritu tuo, & à facie tua quò fugiam? Si ascendero in coelum, tu illic es: si descendero ad infernum, ades. Si sumpsero penas meas diluculo, & habitauero in extremis maris, etiam ibi manus tua deducet me, & tenebit me dextera tua. Ergo illi uelint nolint se domino uniuer sitatis, & si uoluntate auferunt, iure non subtrahunt. Illi quidem affectu absunt, sed ille dominatu adest: ita quod improuidum & incōsultissimum est, errantes clausi, uiuunt extra cōsiderationem domini, & intra potestatem. Et si unusquisq; de fuga famulū minaci indagine sectatur, eumq; declinantem se iuris sui assertor insequitur, cur nō de semetipso cœlesti domino ius suum reddit, seruitutiq; quam primū se in famulatū eius uoluntaria oblatione dedit, æquus utiq; tam sibi, quā in se arbiter? Cur in præsentiū rerum oblectabili defigimur aspectu? Cur nō tantum libet incubare quæ cernimus? Nūquid luminibus istis tantū uiuimus, aut solos in usum gestamus oculos? Viuimus quoque & auribus, ut possimus inhiare promissis. Magni nos per hanc quoq; corporis partem affectus trahūt. Quæ spondentur, quæ prædicantur, feruentibus uotis, instantibus desiderijs expectemus. Fidem promissorum fidelis ille, ille autor inculcat. Ambiamus ad optima quæ pollicetur. Quāq; si ipsis quoq; oculis bene & utiliter uti uolumus, per istos etiā in futurum cupiditate magna ex parte raptamur: si admirationē quam ex mūdi cōtemplatione capimus, retorqueamus in ipsum tantæ machinæ autorem: aut si cogitemus quantus in posterum splendor lucis possit luminibus occurrere, cum se nunc tantus insinuet: quā magnifica fulgebit perpetuis formis, cum sit nunc tam speciosa perituris. Non ergo oportet in deterio rem nos partem officia sollicitare membrorum, cōmode potius in utranq; temperentur uitam, sicq; custodiant temporariæ usum, ut æternæ nō abiiciant ministerium. Quod si nos ista auocatio atq; amor iuuat, & ipsum sensum oblectatio sollicitat, est planè hic amor summæ uoluptatis, est nō solū quod amari effusissime possit, sed & quod maxime debeat, iucundum, præclarum, unicum, æternū bonum. Deus inquam noster, cui possis tam magno quā pio igne flagrare, si in locum anteriorum cupiditatū preciosa rursus desideria succedūt. Si te in aliquo capiebat tam magnificæ rei dignitas, nihil illo magnificētius: si te aliquid uelut aptum gloriæ, accōmodatumq; rapiebat nihil illo gloriosius: si ad splendida fulgentium rerum ducebaris uisu, illo nihil clarijus: si ad speciosa trahebaris intuitu, illo nihil pulchrius: si in aliquo te amplecti putabas ueritatē, illo nihil uerius: si in quoquam suspiciendam largitatem credebas, illo nihil munificētius. Miraris quod purum est atq; simplex? nihil illa bonitate syncerius. Sollicitaris affluentium rerum copia? nihil illa abundantia copiosius. Diligis aliquid tanq; fidum? nihil huius firmitus est fide. Amas aliquid ut cōmodum? nihil commodius est huius ipsius amore.

EST

Officia mem/
brorum tem/
peranda

Est aliquid quod te uel seueritatis, uel iucunditatis specie trahat? nō est magnitudine illa, dignatione illa quicquam aut terribilius, aut blandius. Requiritur in aduersis benignitas, in prosperis suauitas: unicū est ex illo, aut in latis gaudium, aut in mœstis solamen. Itaq; ratione plenissimum est, te illum, in quo habeas omnia, amare præ omnibus. Diuitiæ, & quæcunq; illa sunt quæ te nunc amœnitatibus suis obtinent, non solum intra ipsum, sed etiā ab ipso habentur. Male hæctenus amor sparsus, diuinis deinceps reddat excubijs: uaga adhuc affectibus suis, in sacros reducatur usus iam casta charitas: dilectionemq; opinionibus deuiam, cohibito errore, castigās dirige, atq; in deū amorem confer tuum: quia & quicquid nunc amas, suum est, suum inquam suum est. Est enim tantus ille, ut qui non amant eum, inique quidem, sed tamen non nisi eius quicquā amare possint. Sed tamen consideret uelim arbiter iustus, æquūmne sit diligere opus opifice neglecto, derelictoq; omnium creatore rerū, in rem huius, cupiditatibus suis passim atq; indifferēter incurrere: cum utiq; deum oportuisset illicere ad amorem sui, uel per hunc ipsum affectum suorū operum. Et nunc homo aduersus in indignorum tantum fignentorum desideria atq; officia conuertitur, animisq; incongrue dissidentibus appetitor artis, desertor artificis, cōplectitur speciem cuius nō miratur auctorē. Et quid de illa tam magna multitudine dulcedinis suæ diximus? Aur quid de tanta & tam ineffabilis boni suauitate, sancto ac profundo charitatis eius thesauro elocuti sumus? aut quando in quoquam de illo quisquā ualet rei ipsius fando cōsequi dignitatē? Amare ergo eum iam non uoluptariū tantū, sed etiam necessarium esse ducamus. Impium quippe est hunc nō diligere, cui rependere non queas, etiam cum dilexeris. Iniustissimum est, ut ei quæ possis tribuere nolis, cui etiam si uelis repensare non possis. Quid enim retribuemus domino pro omnibus quæ retribuit nobis? Quid retribuemus uel pro hoc tantū, quod per fidem homini salutē dedit, statuitq; ut quam facillimum factu esset, per quod spem orbi terræ ac uitā mortalibus propagaret. Et ut ad ista descendam, illa aliquando externa omnia, id est nationes & regna, putasne ob aliud in ditionem acius cessisse Romanum, & ob aliud magnam partem generis humani in unum trāsisse populum, nisi ut facilius tanquam medicamentum per corpus unum, ita per unam gentem fides infusa penetraret, & ut capiti ingesta uelociter se per mēbra diffunderet? Alioqui non ita cucurrisset inter crebras & discrepantes ritibus linguisq; gentes, nec tam longe per nouorū semper graduum obiecta transisset. Deniq; beatus Paulus per hunc eundem populum determinās fidem, scribit se ab Hierosolymis usq; ad Illyricum Euangelio Christi cuncta repleffe. Quando autem istud inter nationes, aut multitudine innumeras, aut immanitate barbaras extitisset? Inde est quod nunc terra à solis ortu & occasu, ab aquilone & mari Christū resonat, quod ad uitam omnia mundi latera cōcurrunt, dum fidem Thrax, fidē Libys, fidem Syrus, fidē recepat Hispanus. Magnū ergo

ex hoc diuinæ pietatis argumētum est, quod sub Cæsare Octauio, cū utiq; Romana possessio uerticē tenuit, tunc se deus terris dedit. Itaq; ut tua apud te proferam, cū ab ortu regni huius centesimus & octogesimus quintus fere supra millesimū uertatur annus, quicquid uel sub illa dominatione regū uetusta, uel sub illa deinde gemina administratione consulū Rom. accessit Imperio, omnia Christi aduentui preparata, & diffundendæ fidei prouisa potest, si quis idoneus est assertor, ostendere. Nos ad propositum reuertemur.

1. Ioan. 2

Nolite, inquit diligere mundū, necq; ea quæ in mundo sunt, quia omnia hæc conspectui nostro insidiosis coloribus lenocinantur. Vis illa oculorū attributa luminī, non applicetur errori: & cum uitæ uisibus pateat, nō admittat cau-

1. Pet. 2

sas mortis. Carnis desideria, ut egregie Apostolus ait, militant aduersus animam, omnisq; illis in perniciem nostram clademq; procinctus est, pe. iugilem cum insurgūt aduersus nos stationem tenent externorū planè hostium more, dum sibi tantum uirium acquirunt, quantum nobis subtrahunt. Itaque ego hæcenus de inextricabilibus seculi insidiantis illecebris, de honoribus opibusq; sermocinatus sum, tanquā si iucundus blandimentis suis mundus uigeret. Quicquid est illarum rerum facies, adumbratis quondam nitoribus expolita, iam obsoleuit, omnisq; fucatus splendor intercudit. Vix iam hoc habet mundus, ut fallat. Perijt imago illa rerum ad decipiendum usq; decora. Prius nos seducere uero cogitabat fulgore, non poterat, propè iam non ualet & ipsa nos falsa ostentatione corrūpere. Solidis bonis carebat, ecce deficit etiam caducis. Nō hunc aut ad tempus speciosa ornāt, aut in posterū mansura confirmant: nisi nosmetipsi decipimus, penè mundus decipere nos non potest. Sed quid dissimulamus ea expromere, quæ fortiora sunt? Dissipatas loquimur opes mundi, cum iam ipse mundus in finem suum uergēs, spatijs agatur extremis. Quanto istud maius & grauius est, quod iam ipse non in longum erit? Quid commemoramus attritam eius rem ac suppellectilem? Nec immerito in defectum uiribus æuo consumptis urgetur, adminiculisq; suis destituitur, cum iam in senium nutanti onere succumbat. Postrema mūdi ætas referta est malis, tanq; morbis senectus. Visa sunt uideturq; iamdudum ista cano seculo, fames, pestilētia, uastitas, bella, terrores. Hi sunt in ultimis iam annis languores sui. Hinc sæpe illa cœli cernuntur signa, motusq; terrarū, permutatę temporū uices, monstrosæ animantiū foecūditates: quæ omnia adhuc procedētis prodigia sunt tēporis, sed iam deficientis. Atq; hoc nō infirmitatis nostræ uerbis, sed etiā apostolicæ autoritatis cōfirmatur eloquijs. Illic enim legitur: In nos fines seculorū deuenerūt. Quod cum iamdudum dictum sit, quid cunctamur, quid expectamus? Urget nos dies ille iam non noster tantum, sed & seculi. Omnis hora illud debitæ resolutionis admonet tēpus instare, cum ancipiti periculo finis alternus, & discrimen geminum, unam omnibus mortem minatur. Incumbit mihi misero iam mūdi mortalitas, tanq; mihi non sufficiat ad terrorē mea. Quid palpamus metus

1. Cor. 10

nostros

nostros? Securitati locus non est, quando terminus in nos impēdet indifferenter singulorū hinc, hinc omnium. Quo magis est in hoc, non iam dicam seculi exitu, sed uel in hoc rerum eius defectu hominum miseranda cōditio, qui sibi nec futurorū spem gaudiorum reponunt, cum iucunditate præsentiū non fruuntur. Voluptatem uitæ breuioris nō capiunt, perpetuæ sperare non possunt. Bonis temporalibus non utuntur, nō utentur æternis. Hic rei parū, illic spei nihil. Dolendus prorsus atq; miserādis hominis status iste est, nisi forte faciat de acerbissima cōditione cōgruam necessitatē, nisi ob hoc ipsum ad potiora utilitatis suæ remedia se corrigat, contendatq; ad illa salubrioris uota consilij: præsertim cum ita dilacerata præsens temporis res sit, ut qui unius futuri seculi commodum perdit, utriusque perdiderit. Dirigenda est omnis animi intentio in spem futuri: quam spem ut plenius ac manifestius cōsequaris, aperire eam etiam sub alicuius exempli cōditione non abnuam. Si cui aliquis quinq; hodie ex ære denarios offerat, quingentos uero aureos in crastinum spōdeat, optionemq; offerat, utrum æs ad præsens sumere, an aurū mallet in posterū: dubiūmne est, quin præoptet grandia illa munera cū parua mora? Tu quoq; brevis huius atq; æternæ uitæ cōditione perspecta, non eligas capere uilia, cum sperare possis preciosa. Non est tanti sumpsisse parua, quāti est expectare quæ magna sunt. Quod si omne hoc fragile, quod in mundo est & uidemus & capimus, spei uero à sperando inditū nomē est, manifestum est, nequaquā in hoc seculo spem possideri, in quo his quæ in-
tuemur & fruimur. Spes enim quæ uidetur, non est spes: nam quis quid ui-
det quod sperat? Ergo quæcunq; illa spes rebus miscetur humanis, quæren-
da est in futurum: alioquin nec spes appellari potest, si non speratur. Itaque manifestiorem in futurum rem spei sequimur, quam spem rei in præsentibus experimur. Ecce ea quæ nobis in ipsos oculorum admouentur obtutus, non absolute quasi oppressis uisibus intuemur: multo uero certius in ea quæ emi-
nus offerūtur, uelut expeditis luminibus intēdimus: ita ferē euenisse de præs-
entibus futurisq; non est ambigendum. Nam præsentia tanquā in oculos ingesta, non recte cernūtur: futura tanquā ab oculis reducta, manifestissime perspiciuntur. Neq; hanc fiduciam futurorum incerto autore præsūmimus, sed domino nostro IESV CHRISTO uerissimo spōsore ueritatis, qui iu-
stis interminabile regnum, & ampla beatissimæ æternitatis præmia pollice-
tur: qui etiam per ineffabile sacramentum assumptæ carnis idem homo &
deus reconciliauit hominē deo, ac magno absconditoq; mysterio passionis mūdum crimine absoluit. Itaq; manifestatus est in carne, iustificatus est spi-
ritu, apparuit angelis, prædicatus est gentibus, creditus est in mundo, assum-
ptus est in gloria, propter quod deus eum exaltauit, ut omnia confiteantur
nunc in cœlo, & in terra, in mari, & in abyssis, quia dominus IESVS in glo-
ria est, rex & deus ante secula. Quin tu repudiat is illis philosophorū præce-
ptis, quorū lectioni operam ac ingeniū accōmodas, ad imbibēda Christiani-

*Omnis spes
nostra in futu-
rum dirigēda*

Philip. 2

Præceptorū
dei & philo-
sophorū differe-
rentia

dogmatis studia animū adijcis. Illic quoq; quo facundia tua atq; ingenium
exerceatur inuenies, breuiq; tibi liquebit, quāto hæc nostra, id est pietatis, ue-
ritatisq; præcepta, illis philosophorum præceptis debeant. In illis nanq; eo-
rum præceptis uel adumbrata uirtus, uel falsa sapientia: in his uero consum-
mata iustitia, solida ueritas continetur. Vnde licet dicere, philosophiæ alios
nomen usurpasse, nos uitam. Etenim qualia ab his dari possunt præcepta ui-
uendi? Causam nesciunt. Ignorantes enim deum, & statim ab exordio ius-
titia declinantes, consequenti in cætera feruntur errore. Sic fit postea, ut stu-
diorum talium finis sit uanitas. Si qui apud illos honestiora definiunt, huic
iactantiæ deseruiunt, huic laborant: ita apud eos non est uacua uitæ absti-
nencia uitiorum. Hi itaq; sunt, sicut scriptū est, qui terrena sapiūt. Vnde ma-
nifeste ostēditur, ueram eos iustitiam, ueram sapientiā nō uidere. An ne ali-
quis ex illa Aristippi schola ueritatem uidebit, qui ingenio suo à suis aut
pecore nihil differt, cum beatitudinem in corporis uoluptate constituat, cui
deus uenter est, & gloria in pudendis eius? Hic honestum iustumq; præci-
piet, apud quē prodigus, impudicus, adulter philosophatur? Sed alius ad-
uersus philosophos dicendi locus reſeruetur, ego ad hæc ueniā, propter quæ
tecum loquor. Omitte iam illas, quibus oblectaris, maxime generales eorū
sententias, breuiter ex omni disputationis genere collectas, atq; ad studia te
nostrorū & scripta cōuerte. Ibi tu optime pectus tuum multifaria instructio-
ne satiabis: ibi ad inculcandam fidem, non his quidem uerbis, sed tamē ista
dicentur tibi: Verbū dei qui nō credit, non intelligit. Ibi tu admonebere: do-
minū, quia dominū uocas, metue: quia patrem, dilige. Ibi tu ueras hostias di-
ſces audiendo: acceptissima deo sacrificia sunt iustitia & misericordia. Ibi tibi
istud insinuabitur: Si amas te, proximū dilige: quia nihil magis commodis
tuis dabis, q̃ quod cōtuleris alienis. Ibi tibi præcipietur, nullam esse causam
tam dignā putes, qua tibi iusta fiat mors hominis. Illic aduersus illicita mo-
neberis: Libidini resiste tāquam hosti acerbissimo, qui insultare uictis etiam
contumelia corporis gaudeat. Illic, ne concupiscas, istud edoceberis: Melius
est nolle quæ non habeas, quā habere quæ uelis. Illic, ne irascēris, hoc inge-
retur: Qui prouocatus irascitur, tunc solum non irascitur, cū non prouocatur.
Ibi etiā de inimicis audies: Amato non amantē, quia amātem uix ullus non
amat. Illic sæpius id tibi iterabit: Thesaurū is bene recondit, qui indigētibz
diuidit. Perdere enim iam nō poterit quod largiendo collocauit. Illic etiā fel-
ciora suadeberis, cum dicetur: Fidelium coniugiorū fructus est continentia.
Ibi tu discernenda cognosces, cum audies: Mala seculi huius iustis iniustisq;
cōmunia sunt. Ibi tibi istud audiēdum offeretur: Maior ægritudo est languē-
re animam uitæ, quā corpus morbis. Ibi tibi ad commendandam pacem
istud pronuntiabitur: Impatiētibus similitudo morum causa discordiæ. Ibi
ne sequaris malos, istud audies: Prudentem & sapiens informat, & stultus:
ille quid imitādum sit docet, iste quid uitādum. Illic & ista proferent: Multa
profunt

profunt nesciētibz: ideo non minor est dei in operto, quā in aperto benignitas. Illic admoneberis: Gratias deo nō magis in prosperis agas quā in aduersis: & cum prospera sint, te non meruisse fatearis. Illic tibi etiam remotiora patefient, cum ista prādicabuntur. Fatum non esse, interrogent gentes uel leges suas, quæ utiq; nō puniunt, nisi factorū uoluntatem. Illic audies, ad custodiendam puritatem & ista prācipi: Si uis esse uerax, suspicax non eris. Nō enim suspicamur, nisi quod nescimus. Ibi de sublimioribus quoq; istud audies: Deo mente defixus, à passionibus cum titillatur, à cœlo in terram deuoluitur. Ibi tibi & hæc memorabuntur: Cum hic mali interdum bona capiunt, boni malis affligentur, qui futurum dei iudiciū non credunt, iniquum (quod absit) deum iudicant. Illic tibi suggeretur: Etiam in secretis tuis, quod uelis homines nescire, ne feceris: quod deum, ne cogitaueris. Ibi tibi contra omnem fraudem dicetur: Infelicius est decipere, quā decipi. Illic & aduersus iactantiam consummantia tibi hæc prācipientur: Vanitatem tanto magis fuge, quāto melior efficieris. Cætera enim uitia crescunt uitij, uanitas uirtutibus. Et ista quidem pauca de studijs carptim ac breuiter prælibata sunt. Quod si ad fontes ipsos sacri eloquijs scrutator accesseris, ibi tu non exteriora magis quā interiora mirabere. Ita scriptura dum intrinsecus radiat, uelut preciosissima quæq; gemma in profundum fulgorem cōsiderantium demittit oculos. Hoc tu caligantem mentis aciem nequaquā refugus insuesce, hoc interno ac salubri cibo discere animæ famem pascere. Per opus miserantis domini id fore non diffidimus, ut nostrorū appetens & dissimulator tuorum, inania fastidias, & solida concupiscas. Imprudentissimum est, cum pro nobis ferē tam multa deus fecerit, nihil nosmetipsos fecisse pro nobis: cumq; ibi in operibus suis ad commoda humana respexerit, hominē nolle sibi cōsulere. Consulimus uero, si nos in dei cultum affectumq; reddimus. Vera quippe beatitudo est, seculi beatitudinē spernere, neglectisq; terrenis in diuina flagrare. Proinde iam nūc omnia dicta factaq; tua ad deum, uel propter deū dirige. Obtine, ut tibi comes semper sit illa, & tibi custos erit. Tam fida est innocētia. Magnum est uirtutē sequi, nosq; ei aliquid pro uirili portione cōferre. Nec pauendū est, ne se ab his quæ usu inoleuerūt, animus per meliorē uitā non ualeat absolvere. Idem ille, cui sanādos nos tuēdosq; offerimus, uires præstat affectui. Vnde aut ut uel æstimatione comprehendere ualeat quisq; futurorū remunerationē bonorū: Ecce hic diuina, ut cernimus, munificētia cunctis promiscuū usum charissimæ lucis indulgit. Dat pio & impio cōmunē spectare solē, omnibus creatura famulatū suū benignis seruat officijs, bonorū malorumq; totius mūdi indiscreta possessio est. Cū hic igit tam præclara deus iustis pariter & iniustis tribuat, qualia sunt putanda quæ iustis reseruat: Cōsideremus qui tanta dedit, quāta restituet: q tam magnus est in donis, q magnus erit in præmijs. Si tam inæstimabilis est munerātis benignitas, quæ illa remunerātis: Ineffabilia sunt quæ præparauit deus his

qui diligunt eum, recte, planè, atq; manifeste: quia uere immensum est, quàm magna rependet bonis, qui tam magna largitur ingratis. Circumfer oculos, & de pelago negotiorum tuorum uelut in quendam professionis nostræ portum prospice, proramq; còuerte. Vnus hic portus est, in quem nos ab omni fluctuantis seculi iactatione referamur, què inter irruentes mundi turbines fessi petamus: huc cunctis còfugiendum est, qui frementis seculi tempestate uexatur: hic statio fidissima, & quies certa: hic late recessus exclusis fluctibus silet: hic blanda tranquillitas serenū renidet. Huc cum fueris delatus, tutò nauis tua post inanes labores, hic ad crucis ancoram fundata retinebitur. Sed iam prolixior scriptorum pagina modum poscit. Vim cœlestium præceptorum arcte breuiterq; collectam in summam accipe ad Dei honorem. Hæc sunt mandata omnia, ignosce, meq; agnosce.

F I N I S.

SCHOLIA IN EPISTOLAM EVCHERII EPI
scopi Lugdunensis, per Erasmus Roterodamum.



ADMODUM gloriari licet.) Videtur admodum, abuti pro pro-
pmodum. Certe nouo more usurpat aliquot locis, delectatus,
ut apparet, ea uoce, sicut suis locis indicabimus. Animo tuo
causam animæ tuæ.) Festiua adnominatio in animo & anima.
Animo cupimus ac diligimus: anima Theologis est ea pars qua salui su-
mus, hoc est, qua uere uiuimus. Nō abhorres ingenio.) Ingenium posuit
pro natura, quam in eo laudat. Per prouidam occupasse naturam.) Qua-
si natura illum religioni genuerit. Nisi malis legere, per pronam occupasse
naturam, hoc est, ad pietatem propensam. Bona sua pro parte inuenire po-
test.) In alijs doctrina gignit bona, in hoc quædam inuenit insita à natura.

Multo studio tui, mei admodum parum prouidus.) Oratio constat ex con-
trarijs, tui, mei, multum, parum. Videtur rursus abuti admodum, pro penè.
Adeo tui studio ducor, ut penè parum sim prouidus mei ipsius. Primum
instituti.) id est incepti, & rudis adhuc. Ut eductos sicut ab ipso, ita ipsi ar-
bitremur.) Eductos dixit, pro editos in lucem, & productos. Sensus est: Ut
illius beneficio nati sumus, ita illi nati sumus, non nobis. Sicut ferri igni-
bus mos est.) Anima ueluti scintilla est æternæ lucis, nempe dei: non quod
illius pars sit iuxta quosdā, sed quod ab illo propius fluat, magisque lucis ima-
ginem referat. Ergo amantes uitam.) Nouus ingressus argumentationis,
quo usus est Paulus apud Athenienses: cum id ultro fieri ostendimus, quod
conamur persuadere. Vtiq; dumad uiuunt.) Dumad, positum pro quoad.

Gregorius è Ponto.) Cum multi sint apud Græcos Gregorij, dubium non
est quin hic sentiat de Gregorio Origenis discipulo, cui prius nomen erat

Theodoro

Theodoro: is Neocæsariensis episcopus (est autē in Ponto Neocæsaria) admodum adolescens, ob studia Græcarum & Latinarum literarum de Capadocia Berytum, & inde Cæsariā Palæstinæ trāsīit, iuncto sibi fratre Atheodoro. Quorū cum egregiam indolem uidisset Origenes, horratuſ est eos ad philosophiam: in qua paulatim Christi fidem introducens, sui quoq; sectatores reddidit. Hic, ut indicat Suidas, dictus est θαυματουργός, id est patrator miraculorum, ob id opinor, quod, ut in catalogo indicat Hieronymus, librum scripserit de miraculis, quæ iam episcopus cum multa ecclesiarū gloria perpetravit. Nisi quod hoc loco, qui catalogum Hieronymi uerterūt in linguam Græcā, addunt, ποιήσας γέ σημειά τε καὶ θαύματα ἡνίκα ἐπὶ σκοπῇ ἐτύγχανεν. Cum fecisset signa & miracula cum episcopus esset, ut intelligamus hunc librum non ab illo, sed de illo scriptum fuisse. De miraculis igitur & hic meminit. Alius item sanctus.) Parum liquet, utrū sentiat de Gregorio Nazianzeno episcopo, quē Suidas, aut apud illum quisquis fuit, indicat uehemēter amicū fuisse Basilio episcopo Cæsariensi, ἀναγκασίον φίλον appellans, hoc est necessarium amicum, ob id opinor, quod illum ad Christi philosophiam pertraxerit: an de Gregorio Nisseno episcopo, qui fuit frater Basilij Cæsariensis episcopi, cui cum Gregorio Nazianzeno consuetudinem fuisse declarat Hieronymus, sibi uero utrunq; notum ac familiarem fuisse. Paulinus Nolanus episcopus.) Huius ingenium ac dicendi uena laudata est ab Hieronymo. Extant ipsius lucubrationes, testantes sibi arctissimā fuisse familiaritatē cū Ausonio. Ex hoc loco intelligimus & Pontium Paulinum, & hunc qui est huius autor epistolæ, ex eadem Galliciarum parte fuisse oriundos. Huius mentionem facit Gennadius in catalogo scriptorum illustrium, sed opuscula recēſens, de patria silens. Ut etiam cunctas admodum.) Rursus admodum usurpauit, ut apparet, pro prope modum, siue penē. Hilarius nuper.) Indicat se paulo post Hilarij tempora fuisse. Hilarium recensuit Hieronymus, quanquam & alioqui suis libris abunde nobilem. Petronius.) Hunc recenset Gennadius in catalogo, declarās eum episcopum fuisse ecclesiæ Bononiensis in Italia, sed in monachorum institutis à puero exercitatum, cuius opus ferebatur olim de uita monachorum Aegypti, sed eruditius quā ut ipsius esse uideretur. Proinde quidam patri huius ascripserunt, maxime cum ipso opere testetur fuisse se præfectum prætorio. Et nobilitatem hominis hic etiam indicauit. Quanquam suspicor hic Hilarij nomen perperam inductum: idē colligo duobus potissimum argumētis. Primum, quod ē duobus alterum monachū, nempe priorem, alterum episcopum facit. Atqui Petronius & Hilarius ambo fuerūt episcopi. Deinde, quod mox in aceruo ponit & Hilarium, stulte repetens, si hic separatim posuisset. Coniunctio pro Hilario legendum Euagrium, is fuit monachus, & tantum monachus, Macarij discipulus, sed eruditione facundiaq; præstans. Nullos enim hic recēſet, nisi aut claros imaginibus, aut eloquētiæ laude

laude, aut utroq; præstantes, quo magis exciter suum Valerianū. Firmianum.) Nempe Lactantium. Minutium.) Nempe cognomento Felicem, cuius meminit in libris suis Lactantius. Nam de Cypriano quid attinet dicere? Ioannis meminit Hieronymus. Is fuit Antiochenæ ecclesiæ presbyter, Eusebii Emiseni, Diodoriciq; sectator. Scripsit inter alia multa de sacerdotio.

Ex illo uolumine.) Sentit catalogum immensum similiū. Et alludit ad uoluminis uocem, cum dicit, euoluam. Surgunt indocti.) Subindicat Augustinum, qui libro Confessionum octauo narrat huiusmodi uerbis sibi se indignatum, cum ex Pontiani uerbis audisset uitam Antonii, cum tamen Antonius haudquaquā fuerit indoctus: nisi forte, ut sit, eam uocem ante ab alijs dictam, sibi usurpauit Augustinus. Vsq; ad Illyricum.) Est in epistola ad

Romanos. Vt tua apud te.) Hinc apparet Valerianum scripsisse Annales rerum Romanarum. Palpamus metus nostros.) Palpamus, pro delinimus, ac blandimur. Preciosissima quæq; gemma.)

Præsertim hoc Plinius admiratur in smaragdis.

Scholorum Erasmi Roterodami in
epistolam Eucherii, Finis.

INDEX TERNIONVM.

a b c d e f g h i k l m n o p q.

aa bb cc dd ee ff gg hh ii kk ll mm nn

oo pp qq rr ss tt uu xx yy zz

AA BB CC Omnes terniones

præter q quaternionem.

BASILEAE IN OFFICINA FROBENIANA
per Hieronymum Frobenium & Nicolaum
Episcopium, Mense Augusto An-
no M D XXXI




27





118752263



colorchecker CLASSIC



calibrite